

《續修四庫全書》編纂委員會編

續修四庫全書



上海古籍出版社

五三四・史部・傳記類

本朝分省人物考一百十六卷（卷三十七至卷六十三）

〔明〕過庭訓撰

2670/04

人物考卷之三十七目錄

南直隸徽州府二



吳 濬 程 材

余 密 鄭 晃

程 文 戴 銑

唐 澤 潘 珍

唐 濂 鄭 佐

唐 臯 汪 玄錫

潘 旦 潘 鑑

張 芝 曹 深

本朝分省人物考 卷三十七目錄

程 昌 葉 天球

馮 靖 胡 宗憲

朱 未寧 汪 道昆

鮑 道明 鮑 象賢

潘 潢 江 珍

程 嗣功 程 旦

程 廷策 程 金

汪 一中 許 國

張 一桂 程 默

莊 英 吳 成器

江東之 吳應明

吳宗堯 潘士蒸

潘 絲 程 振

謝 用 陳 倫

補遺

唐仲實 康未韶

汪仲魯 唐子儀

汪 敬 江 浩

莊 歛 汪尚寧

殷正茂 方良驥

本朝分省人物考 卷三十七目錄

程大賓 凌 瑄

游應乾 胡 宥

黃應坤 余懋學

曹 樓 方 揚

吳際可 楊武烈

吳中明 范 涑

本朝京省人物考卷之三十七

南直隸徽州府二

吳 漳

吳漳字清甫歙縣人弘治十二年進士由胙城知縣徵拜御史巡按北直貪墨歛迹京圻肅然陞山東副使會巨盜倡亂一時人心洶洶漳運籌設略旬日而渠魁就縛餘黨就殲以擒賊功加陞僉都御史服俸卒

程 材

程材字良用歙人弘治丙辰進士授汀州府推官治

獄多平反 召試御史疏劾尸祿大臣二人臺長戒

試御史無輕言事材曰試御史非言官耶 武宗卽

位疏陳 陛下登極之初宜叠發休祥而災異洊興

者良由閣尹馬未成谷大用劉瑾輩竊弄威柄所致

願反身脩德信用忠賢凡逸遊之具不正之人無益

之事可緩之征乞一切罷去疏入不報出按浙江盡

瘁卒于官材究心理學抱負甚偉未竟厥施沒三年

劉瑾追論往疏徙其家海南嘉靖初 詔還遣官諭

祭

余 營

余營字宗器婺源人弘治甲子舉于鄉選江西建昌

府廣昌縣知縣縣多盜又苦征歛人民流徙營至裁

濫供完城堞招流移請于上官力行惠民之政六事

盜賊屏跡流民來歸戶口增三之一初正統間歙江

浩令廣昌有善政至是民歌前江父後余母云宸濠

變作都御史王守仁移檄討罪瑩整旅從戰敵斬為

多會權倖攘功爵賞不行在廣昌凡七年中忌謝事

歸民號泣追送持金為贖不受歸隱山谷中足不至

城府後守仁奉命征思田疏營自隨營已疾革矣廣

昌祠之名宦

本朝分省人物考 卷三十七

鄭 晃

鄭晃祁門人登弘治甲子鄉薦任曹州學正常俸外

諸餽送儀一槩遣謝流賊入寇督諸生偕知州分門

守禦賊駭而去諸隣郡破者十九曹州獨賴以全事

聞旌賚有加陞長沙通判郡糧百萬徵輸獨難晃至

革秤頭火耗諸弊開心布誠逋負盡完陞馬湖府同

知會芒官上官構叛捕勦不能得晃檄領土兵助官

兵進討擒其渠魁餘黨悉降事平有綺金之賜方擬

擢用一疾竟殞囊中曾無寸積所在官司賻助以歸

程 文

程文葵源人弘治進士歷廣東兵備徭蠻嘯聚議兵征勦獨開誠曉諭徭感化休致居鄉有司罕見其面

戴 銑

戴銑婺源人弘治己未進士擢給事中正德初逆瑾擅權茶毒中外銑同六科極言中璫橫恣之害得旨廷杖落職竟卒

唐 澤

唐澤歙縣人登弘治壬戌進士任平鄉知縣築河堤八十里以息水患擢福建副使有勦賊功累官副都御史巡撫甘肅處吐密土魯番撫馭有方各得效順以病乞歸卒于涼州

潘 珍

潘珍字玉卿世居婺源之桃溪弘治壬戌登進士授浙江紹興府諸暨縣知縣政務循良不事苛矯創建預備倉更拓養濟院新孔子廟程力計工民不知勞以治行徵拜大理寺左評事陞左寺副考滿廷尉西臺政府咸以明敏允克署其實尋陞山東按察司僉事時劇寇劉六等流劫東郡珍分巡東充整棚民兵護衛親藩賊猝至城下攻東門不得入乃去大掠曲阜珍奏白徙縣築城而曲阜始寧明年更巡海右都

本朝分省人物考 卷三十七 三 南直隸 徐玉

司其多內援怙勢侵削軍士怨苦珍廉訪獲狀按治抵法一道肅然更巡東充再更遼東東寧陞本司副使巡察海道時沿海衛倉官攢滿待勘吏緣為奸查駁至四五年典衣鬻子有隕身者為立法不必再勘死者厚恤之會丁父憂服闋起巡福建海道捕擒劇寇三百餘有白金紵絲之賜括民間私造大船可浮海者買給水寨禁弗得再造而奸源以塞陞山東按察使珍凡三任山東施澤既久人心信愛稱為潘青天云陞湖廣右布政使尋轉左時巨璫差修承天

皇陵供費甚侈乃量司帑所蓄既汰其二之二復分派隣省及取九江料銀協濟而湖民之困以舒湖賦王祿為重近富者多以賂脫顧派取遠貧邑既劑量不平又多逋欠乃隨地所宜而賦之民皆稱便陞右副都御史巡撫遼東督理軍務築邊牆繕城堡濬壕塹清屯田廣積蓄利器械內修大備明年丁母憂服闋改南京右副都御史提督操江乃教造蜈蚣船及八槳船皆迅速如飛追賊無弗及者擒斬番賊徐勳等獲其番物輸之官尋陞南京兵部右侍郎召入兵部改左適安南請討莫登庸廷議遣將提兵問罪珍抗疏言北虜陸梁邊烽屢警宜備此虜以急不可

本朝分省人物考 卷三十七 四 南直隸 徐玉

懷之強寇安南遠裔又本陳氏故土黎氏篡之今莫氏復篡之禍亂相仍夷方常事宜先遣使諭以禍福如其款服則順而撫之未可遽勒王師廷議以成命既下不宜撓阻罷之閑住後師至南中一如其言而安南平於是南臺合章乞還珍官不報會遇 恩詔獲致仕是後大臣撫按多薦起而已卒矣

唐 濂

唐濂字景之別號松坡歙縣人幼聰穎強記出語驚人入郡庠文譽大起登弘治丙辰進士授南京太常博士濂惟國家大事在茲稽肆惟謹簡庖役嚴壇禁

本朝人物考 卷三十七

五

南唐世七

滌牲牢協贊諸郎臨之以分不少假貸京府臣弗躬陵祀嚴檄之繼是無敢弗躬者南城太和二羅公繼蒞太常皆謂能重其官三年考績試廣東道監察御史巡視西城不縱不激惟法無勢有內侍家人馳馬傷人執而法之內侍不敢怨臺幕挾權姦為橫家人馳馬與醉人爭道執送濂欲誣以劫馬濂笑曰醉人耳杖而遣之濂以守令數易惠鮮及民而吏緣為姦憲臣行部下上交誚庶事日廢大傷治體上疏復久任法尋差刷卷湖廣僅一月而宿蠹盡滌召還列羣吏臧否狀請行黜陟又建白息民計歲備武靖邊等

數事詔議行之巡按江西時宸濠反機露矣道聞母病馳歸十日而母卒遂病毀既而江西變起以郡當兵衝凡守禦之策力起贊畫焉事平後民兵太橫言於郡減之歸四月疾復作遂不起生平喜交游天下名士以名節相激昂在家進諸弟姪而課之業修先墓在藤源葛塘者復其堂若田為石坊大書仲實對高廟語其上以彰殊遇又請諸郡梓梅麗以下三先生集其自著有松坡藁藏于家年三十六

鄭 佐

鄭佐字時夫歙嚴鎮人舉正德甲戌進士授南刑部主事數讞決疑事庭中稱平改祠部奏立新安文公後博士 世宗入繼大統抗疏議禮又極陳清寧宮後殿災變之由出為福建按察僉事副使尋備兵饒州前後誅閩饒宿寇機發颶舉奏功決辰閩陞本省左叅政以前在禮曹持議心固欲黜之冢宰擬擢佐上副封執政執政愕曰朝列中有某耶冢宰遂徙佐叅政貴州佐上疏乞解職養母歸佐生平裁正耿介于鄉鄙切切善導推誠近人里有言輒求平于佐晚

本朝人物考 卷三十七

六

南唐世七

益究心濂洛諸書從弟子講論不輟懸車二十年當道累疏薦郡邑造請不就掃軌絕賓客之知嘗率鄉

人建臺塔以障水口既沒祠祀其中所著有春秋傳義周易傳義四書語錄五經集義及它詩文

唐 臯

唐臯歙縣人正德甲戌進士第一人授脩撰與修武宗實錄錄成進侍講學士未幾卒于官臯名理宿學每為文下筆立就或求竄改數語伸筆直書較前稿不襲一字人咸服其才惜未究其用也

汪玄錫

汪玄錫字天啓婺源人七歲能口占詩學士程敏政奇之占籍休寧舉正德進士選給事中與權閣悍帥持同異每有非分邀請章下亟駁奏不可兵部論偏頭關功得大賚陞陰有差玄錫疏斥本兵王瓊以下有過無功又陳保治遼東三衛之策人皆韙之時

武宗衛行一日趨幸昌平宣大率同列屢章極諫及宸濠亂 武宗南征上疏力爭濠平車駕留幸南都復列章言二十事 世宗即位玄錫首疏陳先朝群奸蠱惑基禍宜付法司定罪以昭顯辟時亟行之陞大僕卿以回牧事忤相張孚敬會廷鞠大獄以直言忤旨被廷杖罷歸十有四載召復其官擢都御史巡撫江西入為戶部侍郎卒賜祭塋贈尚書遺稿奏議

本朝分省人物考 卷二十七

張奇

行于世

潘 旦

潘旦字希周婺源人正德進士授主事時奄瑾招權預度支出內無所徇典漕真州值寇發輸納不廢守漳郡民立碑頌德補任邵武時有鎮市二巨璫假上供擾民旦至首裁抑之與教蒞政郡民立祀以都史鎮鄖陽再平劇寇魁 上嘉之賜金幣歷官刑部侍郎時宗伯夏言旦入相為所昵者求貸罪旦不聽後提督兩廣會安南亂 上命毛伯溫征之安南遣使求貢當事者抑不以聞旦上疏宜從所請不報旦即上印綬乞歸既而卒用旦議旦愷悌寬重喜怒不形居官持大體而操履方正及卒詔贈工部尚書官給塋祭邵武舉祀名宦徽祀鄉賢

潘 鑑

潘鑑字希古婺源人初家食與從父今少司馬珍兒少司馬旦弟僉憲選更相切磨篤志績學年十四代父兄執門戶役上書縣令令試其文奇之既領應天鄉薦登正德戊辰進士授南京大理評事歷寺副正福建按察僉事丁內艱復除四川改浙江僉事陞貴州按察副使丁外艱復除河南信陽兵備陞四川按

本朝分省人物考 卷二十七

張奇

察使改山西陞江西右布政使四川左使都察院右副都御史巡撫四川遂改工部右侍郎督木巡撫兩廣初在閩有寇蘇秉規糾亡命稱大噠哪據海島為患鑑分巡其地討平之南安盜起攻仙遊城將官受檄逗遛不進乃自擐甲檄與泉民兵伏其歸路邀斬獲殆盡福州戍卒作亂勢猖獗鑑設方畧擒捕會邵武卒亦叛則單車馳往諭之而叛者始定於是名藉藉起撫蜀以諸縣衛賦輕重無等吏緣為奸為畫一法著之令甲賦賴以平鹽井麗江兩酋相仇殺乃約雲南撫臣持檄諭之即解請內轄關南寇馬興率眾本朝分省人物考卷三十七九

逼蜀境蠻落十五寨咸負山谷相結為援密授總兵等方畧以兵塞諸要遂帥精騎擣平其巢事聞賜白金彩幣公在蜀久知地里險易察於民俗之宜周知夷情之變凡撫循安輯通商便民及詰兵控夷之政大者驛聞小者按舉論者謂有張乖崖之風督木事完奏言湖廣川貴諸府其民疲於採辦困憊不得息請量議蠲復朝廷從之兩廣之起 上意簡在特重用之而弗祿矣鑑儀觀修挺性夷易不為危言激論而耿介壁立不可干以私治官如家恭勤潔白之操始終一致焉享年六十有二訃聞賜祭葬贈太子少

保謚襄毅

張芝

張芝字廷毓歙人幼師邑博士海陽周成得聞正學時方童丕被服儒術造次不設婿容成重之呼為益友弱冠舉正德進士觀政刑曹諸同曹詩酒取娛而芝獨研精書獄不出授大理評事上章皆關國家大計多見施行正德中閣瑾顯國芝言事極詆之已外補僉事丁家艱居喪廬墓起督學西廣為一編書條刺伊洛微言導示教本務獎士節振集詬之風會蒼梧徭僮反監軍討之徭匿深穴中以計盡其矢石舉本朝分省人物考卷三十七十

種就俘尋得疾乞休不許擢荆南副使命下卒年四十一無子芝家故貧守官廉苦一介不取身歿之後夫人仰給縣官佐食芝雅志師法聖賢常以天下為任其奏疏前後亡慮數十章皆崇論確議有以非言官止之者答曰一職所效有限言而見聽惠益良廣他不足計也與蔡祭酒清揚侍郎廉善及死介夫悼之曰廷毓死天下之人無福所著有宗祠考經緯書易講草經世續卦及大理廣西諸志奏議詩文若干篇

曹深

曹深字文淵歙縣人都憲南峰先生子也生有奇質方四歲母歿即知哀痛如十數歲兒稍長誦習小學諸書日記數千言事繼母周尤極孝敬周病嘗祈以身代之父遣之師事岑山程先生求聖賢之學即知居敬窮理用心於內及爲舉子業輒出人意表弱冠遊郡庠與沙溪汪以正爲莫逆交講學白蓮別墅造詣日深時都憲公方知寶慶府屢奉書必勸以牧愛爲急無怵禍福又曰大人清白蔭及子孫後必有食其報者他勿計也正德丁卯舉應天鄉試經魁明年即登進士時宦官八黨方熾而劉瑾尤橫遂率同年

本朝分省人物考 卷三十七

十一

南寧府 劉極

疫疾於是年十月一日卒於留都官舍距生年纔二十九歲也自大司馬以下哭臨皆盡哀

程昌

程昌字肯言祁門人甫冠領弘治鄉薦謁楓山章懋于南都授正學歸登進士授斬水令時逆瑾有事湖湘官校絡繹徵索昌不爲怵舉最爲御史陳十事上嘉之駕將南巡率同官伏闕二日諫止巡按福建會南靖羣醜猖獗率兵討平之詔慰勞陞一級繼巡廣東殄滅新會新寧劇賊賜白金彩幣在臺九年風裁獨持如一日銓註有曰八閩兩浙已著激揚之績

本朝分省人物考 卷三十七

十二

南寧府 劉光

南靖寧會尤彰擒勦之功嘉靖元年與郊壇監禮及侍經筵議大禮昌援經典數千言歷湖廣四川按察使謝政歸閒居二十年餘惟闔戶著書未嘗一刺候公門歷官雖久不置妾媵財貨無停蓄所著有和溪文集發蒙近語大學古本註什宗譜家規等書今祀賢祠

葉天球

葉天球字良器號硯莊婺源人正德甲戌進士授戶部主事監太倉時內宦憑勢橫虐縱卒侵漁或毆捶運官球轉卒寘于法以理折服而又革奸社弊咸服

其公明 武廟北狩車騎數萬芻糧告乏即馳至部
 中畫招商之策部尚書石公亟從其議而又拒權勢
 之請絕冒中之人民商樂輸供億不缺一日榆河百
 騎突來即駕蹕也伏謁道旁時 武廟方厭接文臣
 道騎來詰騎回奏曰乃管倉主事即昨疏請回鑿劾
 太監郭某而軍中所稱芻糧平者也 上釋不問未
 幾郭聞果以貪敗歷員外郎中出知東昌府比至首
 舉常平法豐歛凶散儲粟數萬次立團甲法十戶為
 團團有長凡丁業出入皆有籍稽次立三役均派法
 上役重者移中役中役重者移下役下役輕者移中
 本朝分省人物考 卷三十七 南直隸 劉汝思

役優役濫者還本役時歲大侵饑民就食者分處以
 隙館空宇發儲粟捐銀金募勸貸疴瘠者予粥能動
 履者與糧不能給朝夕者與穀全活無算郡北有減
 水閘以洩三邑流潦入運河者也歲久閘圯淫雨漫
 漶廣沒民田至是復修建之而水患以消嘗讀歐陽
 公隴崗阡表感所書求生事揭之座右以自警惕故
 庭無眾牒獄無冤囚盜賊屏息以悼異超擢四川左
 布政卒于官

馮靖

馮靖字寓安績溪人正德中以鄉薦授臨城教諭陞

監察御史時陝西罕東等番以易茶馬而譁朝命靖
 帥兵往相機宜夷民咸裂口咬指而服歲乙巳闖寇
 鄧茂七授首其黨吳金七等據政和稱偽號承命經
 理其地設奇擒獲械送京師陞浙江按察司僉事適
 有賊酋鄭懷茂等大為民孽督兵勦滅尋陞本司司
 使懇疏乞歸卒于家

胡宗憲

胡宗憲字汝貞績溪人魁梧修體負大畧由進士宰
 益都餘姚擢監察御史行邊遇倣報即先衝往禦按
 湖浙皆有能聲倭寇犯浙更數閫帥屢挫是時宗憲
 本朝分省人物考 卷三十七 南直隸 劉汝思

當入闈柄文校士辭不入乃往平賊戰於平望王岡
 涇等處屢奏奇功 上嘉之進僉都御史尋進兵部
 左侍郎總督江南北閩廣七省兵馬皆 上親擢賊
 渠首王直徐海最雄桀宗憲謀直以弋海因取陳東
 縛麻葉收張璉復購陳東餘党蹴徐海于沈家庄與
 官兵夾而盡殲焉倭寇悉平東南賴以寧息加尚書
 少保所賚賜甚厚蔭子松奇錦衣衛千戶宗憲儼儼
 濶達奮身先士卒臨事有成畫初議受徐海款眾以
 為非計謗議朋興毅然行之及海至中外戒嚴諸閫
 帥失色宗憲以手摩海頂顛諭之如擾羊豕人服其

氣宗憲性夷坦踈脫不自檢飭以人言兩逮至京
上念其功釋之尋卒于京師所着有三巡奏疏督撫
奏議平倭奏議籌海圖編行于世

朱永寧

朱永寧字孟康歙縣人進士由行人選授山東道御
史識沉材練能諳政體凡所建白咸閎切時務巡按
北直隸時虜薄河間府督兵禦守隨機調應凡七晝
夜鬚髮盡白城完加僉都俸卒

汪道昆

汪道昆字伯玉歙人兒時讀書知大義即厭薄時習

之朝今省人物考 卷之三十七 十五 南直世

喜墳索韜鈴左史間擬作多奇語補郡博士弟子學
蓋進聘于吳將婚而女瘵或語且勿逆婦正色謂柰
何生而死之令無所歸卒逆婦婦尋歿嘉靖甲午舉
于鄉明年成進士時年二十三夏文愍當國慕其才
欲處之中秘諷所善一見謝不往遷義烏令廉儉平
恕大得民和嘗宵夢練衣人愬簾下旦里正白婦自
經者詰曰夫非貌寢而衣練者耶廉之竟抵法境以
爲神他異政類此進戶部主事改職方歷武選郎咸
舉其職時歷下李攀龍東吳王世貞爲文章倡和諸
名士皆守曹郎相與脩西京大曆業則無不傾重道

昆其文日閱博力追古作者海內知與不知咸稱慕
之出守襄陽政多德惠人以比羊祐山濤會海寇躡
閩浙忌者以其優文紉武推閩副憲備兵福寧欲以
困之至則討軍實脩戰守具悍卒以庚癸諫脅開府
者馳入軍數責之衆憚服不敢動戮首事以徇令始
肅壬戌倭據閩橫嶼爲巢沿海城堡相繼陷興化府
城亦陷全閩大震將軍戚繼光將浙步兵八千赴援
戚有良將才道昆一見與深相結運籌決策先後蕩
掃賊巢收復郡縣城堡斬三千餘級奪回男女輜
重無筭倭自是不復向閩幕府上功狀首列凡四受

本朝分省人物考 卷之三十七 十六 南直世

白金文綺超擢按察使特 勅盡護八閩軍旋晉右
僉都開府閩距爲守僅三匝期當是時道昆功名盛
一時卽忌者亦心折其文武畧無以難也海寇劇賊
次第芟除勞來創夷閩始大定以人言請告隆慶庚
午起撫治鄖陽旋進副都撫楚鄖楚之治不異閩進
兵部右侍郎閱視薊遼酌額餉裁浮費歲省二十萬
有奇萬曆癸酉轉左侍郎籌畫鑿鑿實效其議輔兵
疏尤切至計時江陵柄國雖同年友意不相下遂請
終養歸奉父母數年盡色養親喪哀毀踰禮撫弟道
貫竭友愛考績任子推與弟弟病痿卧起與俱出遊

必昇從復始祖墓考建祖廟脩十六族譜葬故師方
喪而養其孀孝友碩德鄉里服之為文高擅一世與
王弇州並稱人推當代文章第一晚號函翁將著函
三子取三不朽義上揭性命申明經濟下要百家之
歸未就卒所著太函集副墨若干卷行世卒年六十
有九論者謂其文章高古功烈炳烺節概表于立
朝淳德孚于鄉黨蓋實錄云

鮑道明

鮑道明字行之歙縣人嘉靖甲午舉第四人戊戌舉
進士授行人三歲進戶科給事中再歲進左給事中

本朝各省人物考卷三十七 十七 南直隸 吳士美

尋進刑科都給事中當是時信州袁州爭政言者率
揣摩希望各中其驩其或浮慕骨鯁之名排擊紛起
獨止色中立或以言責詰之謝曰 主德聖明臣愚
不足以奉明詔如使株連毛舉徒自託於直言臣雖
愚不欲以此傷大體會御史奏延綏失事巡撫都御
史以捷聞 先帝命兵科右給事中蒞視之尋奉璽
書往徧歷塞上閱虜出入諸郭塞亡人畜多寡有差
按軍府部署方畧較諸將程期論罪輕重覈首功虛
實策賑濟防禦諸便宜議上多當人心無枉撓聞者
謂千鈞一發飲羽虎狼無問狸狌矣先是虜入上谷

上言匈奴日伺邊必求再逞乃今易置宣大總制用
翁萬達易置本兵用唐龍萬達方撫關中不得代宜
未卽至龍以終養去母在宜未卽來假令稱兵其何
以應倉卒按 祖宗法宣大設總督軍儲侍郎一人
貳總制京師設提督團營尚書一人貳本兵分任事
權相表裏無事則戮力共濟有故則可攝而代之復
之便當事者計非急持兩端其後虜犯京師卒用其
議在近侍七年出入惟謹卽有不測獨由由然應之
袁州中信州 先帝怒甚收信州及建議復河套者
併逮言官杖之廷道明頓首曰臣固當答謹待罪出

本朝各省人物考卷三十七 十八 南直隸 吳士美

而叅知江西政事居頃之罪囚王連遣子叩闕上書
誣執故都御史胡纘宗誹謗故人大辟辭連刑科以
故刑科都給事中當就對簿 先帝怒甚人人自危
道明頓首曰臣固當誅謹待罪及事釋卒未嘗以喜
愠示人既畢親喪補山東職如故大盜師尚詔起歸
德趨山東以部子弟戍滕嶧間武備甚具賊遂卻尋
受擒以保禦功賜金論賞進浙江按察使浙當輻輳
之衝鄉人往來部中趾相錯部中權豪多關說不避
惠文戒閹者母入鄉人謁母入關說者書卽權豪面
謁欲有言曾未得一開口既又發臨安故給事中高

時奸狀械送京師無何進四川右布政使以採木論賞復賜金無何轉雲南左布政使時多徵發民將不堪愀然曰滇即小饒直蠲濡耳蠲不轉則活轉則中乾此誠藩大夫事乃會計全力什五自給什三轉輸什二備歲凶他不意令既布滇人至今便之已未入朝麾筦庫羨餘弗納尋進應天府府尹已復進都察院右副都御史巡撫貴州貴州夷部錯居故患盜殿最捕盜諸吏士視獲盜多寡為差諸吏士或掩不辜求追簿責公遇文致不辜者立釋之阿堂覆印構兵楚蜀騷動謂苗視印為向背請降新印令反側子自

本朝分省人物考

卷三十七

十九

南直隸

徐舉

起占者以為咎徵月將終兩公相繼卽世
鮑象賢
鮑象賢歙縣人嘉靖己丑進士選授御史出為湖廣僉事部署江防以獲盜功陞雲南副使兵備用師嶺表滇南騷動象賢力沮其議累遷至右副都御史巡撫陝西越二年巡撫雲南平夷酋那鑑之亂尋陞兵部右侍郎提督兩廣軍務時山海寇盜縱橫出沒象賢設方畧勦捕斬獲幾二千級以功陞一子為國子生改南京兵部右侍郎尋免家居久之起巡撫山東尋陞兵部左侍郎以老乞休卒於家象賢為人廓達

本朝分省人物考

卷三十七

二十

南直隸

徐舉

潘潢

潘潢字薦叔婺源人父鐸務學循禮動法古人潢得家學舉嘉靖進士疏請行郊禮授樂清令下賢人余昌之廬務崇禮訓徵入禮部進大學衍義勸經筵御講改吏部前後累數十章皆切至潢署選事冢宰欲私二人潢執不從左遷禮部尋督學閩中嚴規條搜市肆壞教書焚之招下縣童子聚學士之貧者賑之競進者必斥出教外為諸生立輔仁紀業二籍請今少師徐公階故督學章公衮為之師講明正學一時

士爭矜勵累遷至戶部尚書正色立朝素為時相所嫉以議條例不合即上疏自劾曰徒有用一緩二之心罔知隨時通變之術徙南工部尚書轉吏部再轉兵部留守南都時巨盜師尚照起毫末間潢分兵扼禦壞其機牙為北師所躡而希相旨者以玩寇論之因上印綬歸潢貌不踰中人而守道守官萬夫莫抗居常恂恂言不出口至矢謨慷慨必盡所懷對妻孥親暱不妄一語居父母喪三年不御酒肉有文集崇祀鄉賢

江珍

本朝分省人物考 卷三十七

二十一

南直隸

江珍字民璞號漸江歙縣人嘉靖甲辰進士授高安令其政省科法務便民夫里在官悉縱還生業有事一呼輒至即徵發無後期諸生朱誥豪邑中會傭人病死嗾其婦誣誥所憾黃約殺之廉得其本謀寘于法即郡守力為誥請勿顧也一邑稱平秩滿擢禮曹尋丁父艱改南京駕部郎會有新令詔所司母濫給郵符諸有力者抵部尚書或以為言正色謝之曰郎吏小臣奉 天子明法奈何自公撓之卒不給出為信州守會永豐紀崇以富賈叢怨適醉人殭屍于道移屍崇舍旁且為蜚語云前守受千金故緩其獄珍

白其寃于監司前 天子遣使者按部中惟此三尺法耳法不當守何敢輕傳大辟以遠嫌後崇事竟白轉副使治兵饒州已復進浙江叅政先是游民聚族採礦據西安銅山數寇新都珍亟請督撫發兵截賊歸路悉殲之封銅銅山復請以浙東兵備兼攝徽饒而嘯聚之患以熄尋進按察使轉雲南右布政會肺病作投劾歸以貴州左布政致仕歸老拓地五畝闢華黍堂屏冕衣裳杖履出游率歲月一至漸江上愉志自適以上壽終

程嗣功

本朝分省人物考 卷三十七

二十二

南直隸

程嗣功字汝懋歙縣人嘉靖丁未進士授武康令吏事精敏而存心矜恕每當獄嘗有法外之仁比及三年僅論徒一贖耳陞南職方時倭薄都城留京震動嗣功居中調度譚襄敏出師禦之事平大司馬張公曰倭之却而東兩君子力也遷四川僉事治兵安綿龍川土酋謀部正副以權金爭利遞稱兵單車入深阻以大義責之其副來歸奉要束正猶跋扈乃擒首事十餘曹法之二姓革心其構立解進湖廣叅議尋丁內艱除服起補浙江復丁外艱再補貴州上首安國亭內相軋開府王公力主征討嗣功進曰安氏

小有言則示之罰耳且彼內讐何至與王師彼恃險而多樹兵如不克奈國體何直指深然其議而開府卒自用師竟無功後乃嚴勅法令許其自新酋共命如初境內底定進江西叅政分守贛州編戶故與盜通舍耨鋤卽鈐棘往者率以事不密則害成中丞李公至因密告之乃潛師襲其巢俘馘渠魁以徇進河南按察使尋遷廣東右布政進廣西左轄宗藩缺祿有年往往群謀執券求補既給歲祿乃以其羨者當左券而倍銷之宗人驩服權應天府尹至則省費輕徭務與圻內休息時有逢掖父子逆婦而貧徧告庶

本朝分省人物考

卷三十七

三十三

南直隸

可誣以不女乃召諸博士立之庭正色而訊是皆博士弟子寧以論財之故加處子以不令之名爾則非夫吾不忍布之爰書以巖名教則皆慚服以好合終馬進戶侍二載疏乞致仕歸

程旦

程旦字孟明歙臨河人登進士授戶部主事督明時坊三草場通州五衛倉糧錦衣千戶柳天爵猾爲中訶旦首裁抑之不敢復犯總理宣府糧儲宰相使人言于旦欲超用之旦辭謝及陞兵備雲南冢宰銜旦爲譎奏旦曰予不由冢宰言進當不由其言以退後

陞按察使考驗土官楊訓陶炳獄土官故大豪立結竟其罪夷人駭愕時議征安南陳十餘事其言多中機宜陞浙江布政使夷民數百人號泣攀車追送未之任卒所著有蘿山詩集滇南雜錄日制行脩整事不畏難孝廉方正之行尤爲鄉黨所稱

程廷策

程廷策字汝揚歙縣人始卅補博士弟子時中貴爲上祈年于白嶽策率諸生長揖不拜比入縣謁先師據坐命講策抗言 上英主烏有以魚朝恩掌國子事且若奉命視工非視學也卒避席罷講以此知名

本朝分省人物考

卷三十七

三十四

南直隸

郡中登嘉靖癸丑進士授戶部主事歷員外郎中時雲中告急諸軍待餉而譁 上發帑餉二十八萬有奇命策主運次甕城驛虜騎遮道邊塵蔽天乃連車爲營環營爲塹衛士瑟縮偶語杖之百以徇行間卒保完餉還報會神樂觀失倉糧當坐太常卿以下十有八人策精于握算按籍核之則累歲耗當如是因其狀白尚書諸太常得免出爲辰州守入境則興學校贍生徒勸農桑舉鄉約簡駟驗通化居嘗以水旱禱而雩皆響應郡故患虎爲文檄于神募力士捕之患頓熄在郡三年百廢具舉學宮祠解麗譙城郭

無不繕治而民不知勞未幾疏請致仕歸時年尚未艾也當道通推轂之堅卧不起郡縣賓鄉飲率以疾辭竿牘不及有司紹介不出境外卒之日一市童卧病呻吟見一皂衣奉簡書迎使君儀衛甚都方呵喝誼譁又一皂衣者至大呼曰使君駕矣衆甫寂然而其家哭聲起矣童乃甦

程金

程金歙縣人嘉靖癸丑進士授南京工部主事筦庫藏往筦庫者為諸郎具竿牘具贖錢金先自屏一牘一錢無所取給諸郎以例來索則自出諸官中應之

本朝分省人物考卷三十七

二十五

南直七張六

由是諸郎目攝之罷勿索出督儀真廠兼視漕令諸開啓閉必以時諸沮撓者繩以法有御史至輒欲即啓不可則撻役夫金卽縛其舟人徇之市後乃無敢干者江西大賈豪於儀真會督府徵蠻兵至諸酋長主其家豪為集舟載兵境內騷動市人訟于金令捕豪抵其鄉人萬考功書為請卒收豪以徇丁巳內察考功署以浮躁謫判長沙已貳河間再人為戶部郎中父之出守漢陽其嚴出入操法令猶然向者郎戶曹時不少假貸會上計銓司肺病作輒投劾歸年甫及艾耳自漢陽歸里惟是先人之四壁在既困自支

復苦諸兄弟子不給而操行愈凜履不及縣簿之門車不及城市弊弊課田墜而躬督之竟貧約以終其身焉

汪一中

汪一中歙縣人登嘉靖進士由郎署出為江西按察司副使辛酉聞廣賊入江西諸郡薄泰和一中從宴會間聞之輒投箸起曰虜鼓行而西掩我不備不蚤計謂蒼生何當路遂以平賊屬之先是巡檢劉茂力戰死賊怒磔其屍比至泰和帥諸將吏祭茂曰爾職抱關猶然死疆事吾待罪方面不減賊吾何獨生遂

本朝分省人物考卷三十七

二十六

南直七張六

哲師列陣而鼓之進獲俘者五徇于軍中且日陳如前一中從中軍鼓之進謀者謂賊張甚莫如堅壁以待叱曰虜深入我境亡能以一矢相加何謂虜張我寔張虜我師左次彼且益張江以西危矣士死綏將死鼓業在行間義不避死鼓之更進而左右軍遇賊皆奔賊悉赴中軍中軍亦潰一中躍馬而前當賊鋒關弓射殺二人手刃一人而左脇中槍者二臂中刃者三乃死一中妻聞訃投於井家人出之喪至卒不食越五日死事聞詔贈光祿寺卿廕一子世襲錦衣百戶給祭葬諡忠愍仍立祠郡城東春秋有司致祭

贈其妻程氏為淑人

許國

許國字維楨號穎陽歙縣人嘉靖辛酉舉南畿鄉試
第一人報至而父已卒踰年母亦卒痛兩尊人劬而
不及食其報哀毀甚服除卒業死陵山寺有兩青鳥
飛鳴其前移時乃去僧言此碧雞也相傳唐李翰林
自蜀携來者我明惟舒梓溪狀元一見因出所藏圖
繪示之為賦碧雞篇意頗自負乙丑舉會試第七人
選翰林庶吉士日鍵關冥搜迭覽究心經濟之學扞
為詞章闕深典麗館閣稱詩文兼擅所長者罕儔焉
本朝分省人物考 卷三十七 二十七 許國

預修兩朝實錄書成咸蒙敘賚戊寅遷南國子祭酒

庚辰轉太常寺卿領國子祭酒事教士務在長育成

就之士樂其寬不督而勸已擢詹事府事兼侍讀學

士仍直講惟其秋改協理詹事府事充會典副總裁

辛巳陞禮部右侍郎尋轉左兼官直講如故癸未春

典會試夏簡拜禮部尚書兼東閣大學士入贊機務

尋從 上考卜壽宮晉太子太保直文淵閣與之誥

命甲申滇南獻俘以決策功晉少保直武英殿丙戌

一品滿加少傅兼太子太傅予誥歷國念父母厝淺

土未葬疏辭誥歷而請卹願歸裏窆安之事詔予祭

本朝分省人物考 卷三十七 三十八 許國

葬命其仲子代行踰年會典成晉吏部尚書己丑春

再典會試時文體寢壞所錄制義粹然一出於正諸

引用釋老言離經叛道者即才藻士咸擯弗收士稍

稍懲其陋習焉尋以一品再考居政府九年代祀先

師孔子者二分獻南北郊者三誥贈三代任子者四

其他以扈駕閱工應制賜蟒玉銀幣諸恩數率優異

不可勝紀國亦感激 上眷知莘莘以獻替為己任

初有摘科場事語侵大臣者請辯邪正以定國是謂

昔之專恣在權貴今乃在下僚昔之淆亂是非在小

人今乃在君子又言大臣猶梗柁也宜取其閱歷畧

其寸朽言官猶江河也宜導之疏通息其風波時以爲名言然自是忌者彌衆數交章詆之每疏辯輒自効免 上特嘉其忠謹數譴言者勉留之國言留臣譴言者是速臣之去也則復力救言者往往得解臨洮之變首輔欲俟虜王回巢專力以制火酋國憤欵虜助逆則欲並剿以圖大創又嘗言戈矛不在敵國而在轂下安攘不在兵食而在紀綱其持論慷慨引大義類此升儲之議自庚寅元日 上召見閣臣于毓德宮權 皇長子膝前命閣臣諦視諭所以保愛之旨而是冬國以三事進規其一冊立深以不得所請爲慙疏雷不下已乘間請于 上有詔明年春舉行冊立戒羣臣勿謹方靜以待命而主事某之疏上矣 上果不悅遣中使詰閣臣奈何與郎署小臣比國以是不自安旬日而上書乞休者五 上重違其志予告給傳以歸歸携二三者舊徭徕山水間所至易村醪市脯與田夫漁父接席相飲餐置往事不啻遺跡然燕居深念未嘗不以國事爲憂及聞太倉公請豫教而始一色喜猶認認慮後事曰吾卜其始矣未卜其終也未幾 仁聖皇太后升遐哭臨於斗山書院山高風烈一再宿中寒以歸遂不起國貌温氣

和襟宇冲曠與人處若豁若谷靡所不涵納而其中介然有以自守方在館局甚爲江陵公所器重江陵父病朝紳醮禱獨不往尋以奪情留任衆或露章攻之特削贖藏袖中詣其第密勸以行服卽見忤終不以其故告人也南中司成缺江陵問願否曰賢關地重司成道尊懼不任耳敢云不願既之留雍亭當遷者數矣而不及或怪問故曰資宜爾也至再則曰俸宜爾也深厚不伐如此

張一桂

張一桂字稚圭別號玉陽歙縣人幼警敏自喜爲諸生治文章有聲年二十餘爲嘉靖辛酉遂舉于鄉戊辰成進士選入爲庶吉士卽有志經世之學與同舍郎下帷講業自古文今文以至國朝掌故亡不蒐獵其實而涵茹其華庚午授官爲編修壬申持節冊封德藩禮成還報甲戌分校禮闈又嘗預修 穆廟實錄錄成而晉一官爲修撰賜白金文綺賜南宮宴乙亥補經筵展書官兼掌誥勅丁丑 世廟實錄成復進侍講宴賚已而選直起居注時則江陵相君奪情之議起同官以抗疏得譴上章力救章寢不報遂拂衣去迨壬午江陵歿始還居禁近是歲再充經筵講

本朝分省人物考 卷三十七

三十九

南直隸 祖科

本朝分省人物考 卷三十七

三十九

南直隸 祖科

官及分修大明會典甲申擢爲右春坊右諭德仍兼侍講乙酉充日講官嘗以 聖節從輔臣後拜 上賜有差其年錄士順天與南充陳公典厥事會浙士有以詭籍預選而中貴人子弟多被黜落乃爲蜚語中之得 旨調南京兵部員外然桂任柄文不任覈詭籍法不當調卽調不當卽司馬亦竟不自理也趣駕之留都諸省卽則皆異避亡敢與爲顏行而願與之罄折委蛇無少幾微崖異之色尋以使事奉母安人還里戊子擢南京國子司業次年卽拜南京祭酒辛卯入爲太常卿管祭酒事未至復遷南京吏部右

本朝分省人物考

卷三十一

三十一

南唐書

侍郎壬辰秋改禮部右侍郎兼侍讀學士尋又轉左時業已抱疾疾行至永城遂不起所言不及它唯以不及報 上恩及終事母安人爲恨距生得年五十有三耳

程默

程默字子木休寧人敏識強記魁梧磊烈有奇氣縉紳交口稱譽之弱冠補博士弟子受業方伯羅山公講戴禮已乃博習易象春秋古文尚書游學玉岐金焦間聞陽明王公名負笈千里師之逾年有得敘華近裏嘉靖乙酉舉明經卒業太學間從大司成救月

中府禮度嚴整不以暗昧少替同舍生大異之戊戌下第吏部銓選第一時除廣州府同知廣嶺外望府守倅頻闕詔征安南兵興費鉅默從容調度民不知困甫至謁先聖畢昌言風俗波頹獄訟蠲與皆斯學不講之故亟請祀開府陽明王公之功巡按御史以爲知大體特薦之黎負險憑陵崖中世爲害建策乘勝畫五指山爲十道分官據險錯居民於其中徙黎山外不數年且爲衣冠之域當事者不欲久兵中止士議惜之行部禁培克慎勾稽身先吏卒所至肅然嘗承臺檄閱實韶州庫藏守別蓄萬金啗之以爲已

本朝分省人物考

卷三十七

三十一

南唐書

地默廉知之卽疏始末議立法防侵盜監司避焉故新會令何其以不善事上官被斥默上其賢必追復乃已竟以是忤時罷歸道出南贛都御史秋崖朱公最少許可尤器重之以不見疏用自歉厚爲之禮而送之居家不跡公門雖所知恥託以子弟曰徒賊之耳晚築天和亭種樹千本悠然從東廓羅山諸名流講學修德期百尺竿頭更進一步疾已亟猶人授子姓一經曰後當從此中尋我莫視爲陳言也以嘉靖甲寅卒年五十有九

莊英

莊英歛縣人舉嘉靖乙酉鄉薦授廣昌令多善政偶劇盜入境櫻城肆掠英挺身捍禦遂遇害事聞贈建昌通判錄其子為太學生

吳成器

吳成器休寧人始仕會稽典史當海上寇初入內地以能將兵知名於是承大吏命提兵守水陸阨塞歷浙東西南直隸與賊遇大小七十餘戰斬賊首數百級生獲數百人獲所掠子女并衣械無算凡戰之處休止督發設守出關咸有方畧禁士卒無毫毛擾居人又能舍死先士卒民多其功往往就所戰處為建祠刻石今曹娥江其一也後累軍功歷官大同總兵掛平虜將軍印

江東之

江東之字長信別號念所歛縣人萬曆丁丑進士為人魁梧倜儻初仕行人轎軒所至咨諏詢訪不遺餘力既官御史勃勃有埋輪志時姦人徐爵者江陵馮閻皆倚之江陵外言非爵不入馮閻內言非爵不出爵又以獨計令兩人交疑且交驩兩人者不得而測其倪嚴事之夜至禁門守衛者不敢訶問江陵死益橫無忌乃疏爵不法狀 上怒而下爵理滿朝震悚

於是疏保者疏江陵逆僕逆黨者紛至而城社肅清矣於是益感激恩遇知無不言疏王中丞宗載陷御史劉臺事王得戍去是時王方掌院事東之以副封進王笑曰枉史何言亦笑曰為死御史鳴冤王曰死御史者誰曰即公王跟踉歸邸舍待罪至今烏臺譚之猶有生氣然人人目攝之矣奉 聖書督理屯牧畿輔畿輔人聞江御史名多咋舌去會虜蹂躪黑谷關邊臣及諸帥掩諸賂以功聞為按臣李植紮發上命輟屯政往葢異數云重臣復有為邊帥地者曰東之生平不敢負國欺君亦不敢故入博名高說者

本朝分省人物考 卷三十七

三十四

南直隸

慚而退至則諸掩飾詳密無所得聞乃佯出郭外觀園蔬青映人立命健兒取畚鍤耒掘蔬下窖死者枕藉藉而創痕尚血漬未乾諸將始伏辜竟據實報坐諸將死邊事大振丁御史此呂叅江陵科場諸作奸者海豐楊冢宰謂御史言過具疏叅御史外謫東之適自塞上歸襁袂起曰十年來以賢書為奸藪者人知之冢卿獨不聞乎亦具疏叅楊與論直之時奏疏最多請蠲請賑請免徭役及禁私官每疏出都中爭相傳頌 上無弗納也有詔江東之盡忠言事可嘉其特擢以彰忠讜晉光祿少卿陞太僕寺卿是時諸

官輦轂下者皆江陵舊人多回面內愧又恐人暴其短從旁柳榆諸少年不察遂有曹起而擊賜環諸君者矣東之曰諸臣無罪言江陵與不善事新貴人其罪諸臣可議臣請與俱罷人遂以黨擊之乃力求去上使使至皇極門諭留亡何又言大峪山事益群起而攻之左遷職方員外郎出知霍州病免歸 上手詔起知鄧州陞僉事備兵沅州尋轉南光祿少卿入丞大理晉左少卿署卿事所平反甚多會與銓曹異議陞僉都御史巡撫貴州孽畫多大猷首議建天柱銅仁二邑擒烏撒酋平高寨苗俘獲百餘人 上聞

本朝分省人物考 卷三十七 三十五 南直升七

賜金帛有差播酋仇五司五司在黔門庭中日苦殺戮東之以赤手枵腹鼓舞數千兵士即不支乃其心在報國也而諸臣未履疆場乘其致仕以文墨繩之得削籍報遂飲恨死

吳應明

吳應明字以誠號懷溪歙人少學當冠父命之田間冠應明請受儒冠識者知其志不凡入成均萬曆已知魁鄉試庚辰第會試選安福令視事當九月或以陰陽家忌言者曰令求不獲戾民社耳違計其他為令孳孳教民者教養錄從先錄頌之里巷葺書院

集衣冠講道其中邑三被災拊摩捐賑禦之有方民以全活有荒政要錄壬辰擢戶科給事中尋右兵科會倭夷侵我屬國兵數敗當事持兩端應明力抗封貢之失策倭猾酋小西飛來奉 旨庭詰之諸人問難不能屈應明折以數語始屈復數本兵辱國于朝播酋亂起疏言山峒不易用兵當攻其心請陳師境上諭歸命待以不死則兵可無血刃論者韙之甲午遷戶科左典浙江秋試得士為多尋轉工科都給事請減陝西織造費百六十萬得從半減乙未轉太常少卿假歸遭母喪里居八年卒生平雅重大德尤厚

本朝分省人物考 卷三十七 三十六 南直升七

于倫紀享年不末一時惜焉安福人祠之名宦

吳宗堯

吳宗堯字仁叔歙人少屬文有奇思試輒冠多士萬曆戊子舉于鄉乙未舉進士除益都令益都衡王封國為青州府附郭事繁而民悍始至百廢具舉詞訟寢息學校人文一變時中貴陳增奉 璽書采礦建牙益都勢張甚宗堯抗不為下增逮諸富民誣之盜礦三日逮至五百人日發邑千人取礦民多畢命于杖下宗堯發憤具疏五千言列增罔上營私剥官毒民詞義凜烈拜疏日為文禱于城隍以祈必行增聞

而懼與其黨相持泣乃謀輦金賄左右以免禍上
得疏心動科臣先後復條增罪 上謂增不體德意
姑記過以觀其後增復誣辨 上奪宗堯俸已而撫
臣疏其無罪 上乃奪之官而增復重誣其匿稅多
取購其鄉人無賴使妄證實 上乃逮宗堯下鎮撫
司問尋付司寇獄而益都民欲殺增者洵洵增恐徒
徐州會下山東案其事多不實後竟放歸辛丑壬寅
以 恩詔復官旋卒宗堯孝友長厚孚于鄉黨為令
五月不避禍難抗章鋤惡以為赤子請旦夕之命卒
使虐關喪氣遠引亦烈丈夫也

本朝分省人物考 卷三十七 南直隸

潘士藻

潘士藻字去華號雪松婺源人萬曆癸未進士司理
濶州徵授監察御史巡視北城有二閹闌出宮門戲
良家女婦干擷者執之群闕而奪之去乃移文司禮
司禮以聞 上怒曰東廠職何事而事自外廷發耶
命杖二閹斃其一自是諸中貴洵洵思必報而大璫
職東廠者亦以故銜之屬以火災陳言乃共摘疏中
語以激怒 上謂歸過賣直幾欲杖之廷竟落三階
調廣東布政司照磨壬辰晉南吏部主事尋改尚寶
丞士藻既以謫粹起為中朝所屬目又性侃直觀時

事輒扼腕不平權有力者每思有以中之會欲調之
吏部曰是禍之媒也辭之極其堅決乃晉司少卿意
已倦游方擬陳情奉母宜人歸養而竟以疾逝得年
六十有四

潘絲

潘絲字朝言婺源人為人倜儻負奇氣狀貌雄偉音
吐如洪鐘少讀書飛布山攻苦力學足不踰戶限一
日自念曰士不兼文武不足任重吾齷齪老此奚為
間走燕趙吳越從四方賢士大夫遊已復閱武經古
陣法有采將傳星曆風角諸書躍馬彎弧慨然有鞭

本朝分省人物考 卷三十七 南直隸

捷四夷之志矣嘉靖乙丑浙東礦盜起糾合數千人

抵婺源放兵四掠指揮王應禎等死之時賊抵屯溪絲
曰賊渡河將為一郡患乃率兵邀擊于河與劉會者
六人擊舟抵賊岸排衣者跳跟出知其魁也射殺之
又挑其尤桀驁者數人射殺之皆相顧聘貽稍稍自
引去明日賊奮兵出戰旗甫出射之仆我軍驩聲動
天人人氣自倍渡河大破之又明日伏烟村渡邀賊
歸路前後八陣而所向無不意得者賊盡殲於是守
令以其狀上之督學御史超格貢之選嚴州府別駕
署象分水縣縣喜訟大者斧斷細者縷解吏從旁證

一第... 續修四庫全書

視不敢吐聲氣又丁戶多浮額鈎稽故牒去虛丁以千數頃之移攝建德蠲歲徵八百有奇刊為額下之鄉民一邑雷歡賢聲籍籍于遠邇矣會部運長安邸日拜走仰望階下鬱鬱不得志疾作嘆曰吾上不能高卧巖壑自全天真次不能感會風雲雨澤萌庶外不能策勳龍沙之北內不能批鱗人主之前而溷風塵以死也因上書自免已而陞北勝州知州投劾不赴明年疾竟不起五十有六已耳

程振

程振字玉夫別號樸翁歙縣人生有至性髫歲失妣

本朝分省人物考

卷三十七

三十九

南直隸

號泣甚悲人不忍聞長事父文旻翁暨繼黃益盡誠盡敬二弟揮揚及諸婦則之罔敢少悖嘗有事於浙得父報病劇即兼程而歸行且禱願減已年以增父壽及歸相抱泣曰幾不及相見矣喜不勝悲病益劇醫者弗藥計無所出遂封股糜心竊語曰古人曾進此愈疾効之當驗也疾果愈時翁年六十有四自是神完體健齒髮更生至沐恩例之榮凡一十七年人以爲誠孝所禱也未幾患溺艱於起居振躬湯藥伺燥濕旦夕不離寢所者二年既而捐養呼天泣曰某何獲罪於天以至此耶哀毀過禮每不自知父柩

初厝車田距家五里許振以爲孤寂暮必往寢其側諸子患之請移柩祖墓傍始歸以地下有恃也九載於茲語及平生未嘗不墮淚先是振侍疾時家有戾猫犬一旦化而相馴及居喪庭花曰紅金錢者忽變白如玉人又以爲孝誠所感因著之以爲勸云

謝用

謝用字希中和門人其父未貞因嫡汪氏無出納妾馬氏生一女永貞客外嫡苦之姑氏不得已還其母家改適乎溪不知馬氏已姪四月矣月足姪生即用永貞抱歸寄乳鄰母孫氏囑曰此離蚌之珠也幸善

本朝分省人物考

卷三十七

四十

南直隸

保之嫡聞之遂自妝而鞠之踰年嫡生同愛無厚薄用不知其異出也十五習舉子業善屬文嫡慰永貞曰有此可忘蚌矣永貞意終不釋用甫冠始知其爲馬所生恐拂嫡意乃謀於族人名珣者密詢之則又改適不知其所矣用曰弗得吾母弗已也遂因事與珣偕行日則哀詢於路夜則焚香以籲天如是者幾一載千里之內水村山郭覓之殆徧弘治壬戌孟夏望日暮宿林寧黃畬農家一寡嫗出問曰子爲誰用告以名氏及尋母之苦曰汝母爲誰曰馬氏曰汝非永貞之子歟曰然嫗即抱用曰汝母卽是我也於是

子母相告故悲泣不能已聞者皆為之揮涕明日歸告其父語未訖仆地既而得命乃并其同母弟余浩迎歸別室以居用敬奉二母曲盡其誠撫二弟恩愛俱至乳母孤用養之不缺親族朋友咸稱之嫡卒感悔令用迎馬同居無間言馬嘗語其族之女婦曰用善事我無懟心誠孝子也必食天報一日鄰不戒火延及數十家至用舍風反無恙其父墓木拔勢西壓祠屋用懼急趨之木急東墜祠墓亦保無恙人以為孝誠食報之驗時用補弟子員觀風使者聞其事列於德行優等月餼之廩糧

本朝分省人物考

卷三十七

四十一

南直隸 鄧啟

陳倫

陳倫字斯常祁門人性警悟少從宗伯康先生受春秋作文有奇氣倫亦自雄其才銳意遠圖適二弟繼殤家政多累志遂寢父文耀公推重鄉邑賓客日集觴豆之需及嫁妹氏四人費皆出倫雖囊橐屢空卧不帖席見父則喜見辭面不令知之故文耀公得以放情事外每謂人曰吾見孝子也弘治改元夏夜失火家皆奔竄時文耀公在殯倫倉皇無措撫其棺而號曰父若有靈默相吾力以脫此災即與其妻昇出之後數人莫能舉時以為異感世父無子倫父事之

而忘其勞訓諸子業商者曰富貧命也無求非分適取人輕業儒者曰洽羣書自然有得若執一說以橫於中則吾道空矣應事不任術惟因於心嘗曰天理只在人心心術壞天理虧矣又曰吾人所以多事者起於小不忍也若寧少寬自無事矣時以為格言鄉氓延火毀其木之可材者價可數十金詣門引罪憫其誤慰而遣之清寧宮災詔徵輸木京師眾推倫總其事或導以私倫曰因人信已而逞其詐可乎或沮而退常賈於蘇郡守類給商錢數千緡有乘眾不知而易其半者倫以正言責之易者懼曰不失君利可矣堅不聽悉追原給者公散之歲侵縣發粟賑饑里胥緣為奸有涕泣而空返者即抗聲為白之賴以舉火者十餘家陳某犯不法禍延旁族有司索之甚嚴倫適長于里代釋之後以金來謝却之曰吾所以為若釋者憐若無辜也豈望報耶鄉曲不相能爭往質之倫如身當其憂雖損已廢時不恤也人益恩之遇事多得力年六十七而終

本朝分省人物考

卷三十七

四十二

南直隸 鄧啟

補遺

唐仲實

唐仲實名桂芳以字行號白雲歙縣人穎悟絕人元

未隱君授徒不復仕進 高皇帝駐蹕郡中延訪耆
舊守臣鄧愈以名聞與姚璉鄭桓俱召對稱 旨首
陳不嗜殺人 上嘉納賜尊酒束帛因力陳百姓失
業築城之苦 上曰築城以衛民何反迫促以失人
心卽命罷之居無何起攝紫陽書院山長人文多所
振起其爲文以氣爲主辭嚴理正生平爲尚行誼嘗
嫁兄之孤女賑窮卹匱所著有武夷小稿白雲集畧
學者稱爲白雲先生子文虎文鳳文奎並以文學稱

康永韶

康永韶祁門縣人洪武五年舉人除御史巡按江西

建言落職後累陞太常少卿以占天象預奏六月雨

雪兼領欽天監正陞禮部右侍郎致仕

汪仲魯

汪仲魯

汪仲魯名獻以字行婺源人既冠遊江淮兩浙歸與
同鄉倪士毅鄭玉朱升趙汭諸先達相討論會元季
干戈聿興與弟同集義旅以靖鄉邦 國朝平定之
後下詔徵賢有司敦趣就道見 上講書之西伯戡
黎愜 聖意授承務郎左春坊左司直俾翊贊 皇
儲 上亦日召侍講周旋兩宮間與朱善劉三吾稱
三老 上憫其老而喘特賜朝房 御製薰風南來

諸詩並命續之皆稱 旨遇春夏有囚罪至死者仲
魯輒涕泣請決以時 上稱善人明年以老疾陳乞
上御奉天宜召賜坐撫諭賜歸儒者榮之仲魯信道
甚薦氣和而莊間關亂離安人澤物以底昇平爲文
深博古雅賦頌詩歌咸歸于正

唐子儀

唐子儀名文鳳以字行歙人善真艸隸書法郡守辟
教紫陽書院尋以薦授興國令以賢著徵于朝 文
皇簡名流爲趙漢藩官屬擢趙王紀善以禮義導翼
數有諫諍後調洛陽丞乞身歸年八十六卒于家子
儀與祖元父仲實俱以文學擅名時號小三蘇爲詩
文豐縟閎深六書亦精妙所著有梧崗集

汪敬

汪敬婺源人宣德癸丑進士事親至孝登第以母老
不願就養遂乞歸不赴選後授戶部主事廉能不著
嘗以徽民苦于漕運爲請于 上得納輕齋鄉人至
今德之致仕家居聚徒教授著有梅邊讀易稿家禮
集議

江浩

江浩字敬夫歙人宣德乙卯鄉舉授江西廣昌知縣

以廉能稱正統十四年間閩廣寇鄧茂七侵掠縣境
浩親率民壯禦之賊不敢犯民賴以安以功遷判建
昌仍治縣事秩滿卽陞本府知府前後撫臣楊寧韓
雍雅器重之以最膺 誥命陞兩浙運使廣昌民立
祠祀之

莊 歛

莊歛字尚源歛人父觀任陝西學憲以剛正詳慎稱
歛景泰辛未進士拜河南道御史務持風裁以古人
自期彰德衛官坐盜賣官草偽作未徵之數同僉書
者皆論死歛以株連情輕疏免之治獄類多平反京
本朝分省人物考 卷三十一 四五 南直七
省官皆隸本道考察賢否悉符公道人服其明歷按
浙江福建廣東奏免徵輸禁銀鑛省冗員止採珠夫
役風采赫然累遷按察雲南獄訟悉以土俗折之政
化大行終河南右布政父子俱爲憲臣世有清節士
論多之

汪尚寧

汪尚寧字廷德歛人嘉靖己丑登進士歸將受室聞
湛甘泉以列卿居畱都往學其門還乃成婚授行人
司副遷戶部員外郎中尚書梁少保材深器重之
上幸楚簡才以從尚寧在行一切倚辦淹七載遷守

兗州務持大體興利秣敝王府故暴橫每陰持有司
短長尚寧以禮匡之悉咸服大盜起出藏錢廩諸擊
賊者境內以寬陞陝西副使備兵潼關有斥地萬頃
可田豪右交爭爲度田均賦西延有隙地界兩部莫
屬爲按籍作爰田民乃大安轉叅政山西增築城堡
百餘所外捍虜內護諸邊進雲南按察尋右藩司會
夷酋那鑑亂刺殺左布政請兵平之轉左使秩滿晉
南光祿卿旋以副都撫南贛爲祠祠周濂溪王陽明
而羣諸人士講學其中大猾僭號稱王勢漸張授方
畧賊渠魁散諸脇從者事平或請疏聞可論功竟置
本朝分省人物考 卷三十七 四六 南直
不言久之慧星見 詔議諸大臣屬執政方用事尚
寧素不修問遺積嘆之乘是坐罷歸時年四十七父
母俱在怡然子舍絕口當世一意問學卒年七十著
有周潭集廣資錄目錄及四晚抄事物圖說諸書今
其子孫移家宣城

殷正茂

殷正茂字養實號石汀歛人嘉靖丁未進士授行人
擢兵科給事侃侃無所避忌平江伯聯姻分宜怙勢
恣行正茂疏其不法貴戚竦然 上有事齋宮祠上
帝正茂與諸科臣言黷祭非禮執不進香俱杖于廷

尋補廣西提學副使振厲士節兼攝撫夷道會猺酋互攻作難逐縣令正茂下片檄平之猺酋白振橫行地方先後捕勦不獲正茂密計擒斬由是以知兵顯于粵除雲南備兵瀾滄時西洱女夷爭印幕府議討正茂言蠻夷自相戕宜制以勝算不足煩兵不聽後卒無成功艱歸起湖南驛傳遷浙江糧儲叅政陞江西廉憲屬廣西猺獞作逆隆慶三年特設開府專事征勦擢正茂右僉都往討先是猺陷古田盤踞有年比至集兵大舉破巢盪寇斬馘七十有奇捷聞進兵部侍郎蔭錫有加條上善後事宜悉著爲令升古田

本朝分省人物考

卷三十七

粵七

南直七

爲永寧州設土司叅治粵西始寧東粵久中倭夷隆慶五年 詔總督兩廣時倭陷錦囊電白而山海猺狼諸賊竊發所在騷然正茂經畧全省明立章程募倣韓襄毅平兩廣故事一切持以嚴明分布攻守次第削平前後擒斬俘馘以五萬餘東西底定爲百粵未有之勦云萬曆元年大捷陞右都御史二年再捷加兵部尚書二年改南戶部尋晉北戶部會 上大婚禮成而費不濫樽節爲多力爲歙邑請甦丁絹之偏累事雖中寢鄉人德之請告家居後起掌南刑部二載乞歸又十年卒年八十生平軒豁多大畧迎機

立斷故能夷難奏功第以任事無避不免人言身後常典皆闕論者惜焉

方良曙

方良曙字子賓歙人幼從王御史獻芝及其弟獻蓋受春秋嘉靖癸丑進士授南刑部主事母喪除補工部權木荊州關吏請算舟充額良曙以受命權木非權舟也不許權旣足額乃罷兩月商縉遷員外丁父憂起比部進郎中恤刑畿輔多平反東明不雨者三月比行部至恤三冤獄雨大澍遷河南副使治河躬行臯陸審便宜上河渠使者書陳得失大畧以河堤

本朝分省人物考

卷三十七

粵八

南直七

逼河故易嚙又築甫近取土堤下故易瑕宜避河怒寬爲堤輦客土而築之母爭尺寸利并罷一切徵發以息民力使者條上悉當副使議繫爲令新鄭相起于家大吏畢賀良曙獨不往新鄭顧心重之進江西叅政攝藩篆 詔徵造宜紅瓷缸上疏請罷之竟寢按察湖廣尋進河南右布政使上計轉雲南左使滇故軍興民困下車與境內更始故事歲發帑濟昆明池費鉅功寡良曙自經營樹坊堰王蓄洩溉田萬頃迄今永利以其羨佐築晉寧安寧二州城始入滇庫貯僅三萬末年十倍遂甲諸藩儲羨毫無所取六年

乞歸量移尹應天言官附江陵者以私憾劾之使致仕良曙淳厚稟于天性嘗揭居室最關風化六字大書室中論者稱其踐履篤實不愧砥礪君子云卒年七十一葬祭如令甲

程大賓

程大賓字汝見號心泉歙人少孤力學從會稽蔣未山姑蘇錢緒山受學復從鄒文莊王龍溪得聞良知宗旨嘉靖丙辰進士選授南考功主事殿最無不當部尚書甚任之居恒汲汲推轂賢士大夫暇則與同官諸賢論學于新泉精舍考績至闕下安陽郭冢宰

本朝分省人物考

卷三十七

四十九

南直隸

悉其賢遷考功郎陞浙省叅議分守寧紹台清霽海船軍實克振遷廣西憲副猥獲寇訖至則布威信繕儲胥寇以解息直指疏其學行宜師表一方改督學滇南立章程嚴約束校畢進諸生環坐講論諸酋長子弟悉置社學一時翕然向風科日得人為盛晉貴州叅政旋掌臬司以抗直失中丞指入覲中言當路知其誣左移一級遂乞終養年踰耳順奉九表毋猶毀毀孺慕其蒞官一事博大而持風紀獨峻若止張尚書馳甬道斥李少宰媚子求金與沐黔國抗分庭禮益毅然不為俯仰云歸老十餘年疾革猶賦詩自

若諸子請移寢便恭人侍疾日禮不死婦人手整襟而逝年七十一

凌瑄

凌瑄字惟和歙人家斗山下學者稱斗城先生五歲見題柱有人間私語天聞若雷句竦然知儆省就外傅家窘甚讀書不輟嘉靖壬戌進士除南安司理政尚簡澹會巢賊突犯居守止司理一人旦夕宿城出必與家人訣簡銳守禦射其渠魁賊乃解去事定口不言功丁艱補官徵拜御史陳大計多見施行朝審柄人欲釋都御史路楷及方士王經獄多官一辭瑄

本朝分省人物考

卷三十七

五十

南直隸

持不可直聲大震新鄭方用事瑄以同年不少附外補福建僉事分巡建寧立法飭兵游手頓成勇士盜賊屏迹叅議河南理糧儲公私俱裕陞貴州學憲申嚴禁範澄汰一清永寧孤懸夷徼宣撫挾之夷生與學爭廩瑄檄示土司不干學政春秋法內夏外夷今且引而進之可也豈其以夷加華土司始奉約束叅政四川一意安養致政居鄉介然不通有司生平于邪正辨尤拳拳子堯倫薦庚午賢書累官金華郡丞不忝父風子孫咸以文學傳

游應乾

游應軋字順之婺源人嘉靖乙丑進士授戶部主事親老請改南便養遂改比部讞獄皆傳情法晉郎中以憂歸讀禮之暇編次律例備檢閱服除守故官益明習舉職出守寧波不動聲色而理細抑舞文吏置之法郡庭肅然浚陂塘通水利與諸生講經術一時所識拔皆取高等入詞林以事忤江陵移兩浙運使精心釐剔鹺政一清滿六載晉廣西叅政守桂平轉雲南按察使廣東右布政尋轉左歲稔發廩以賑捐俸助弟子員時加督課士咸感奮任滿奇羨厯賑貯公帑擢南太常卿陞南大理故以比部起家于法家

本朝分省人物考

卷三十七

辛一

南直隸

言尤習寃滯多昭雪攝戶部并糧儲皆以精敏稱入晉戶部右侍郎總督倉場會計精密京倉主事故無關防特疏給之詐偽悉絕先後條上四十餘事著為令竟卒于官生平篤慎貌朴言呐恬澹無競自留曹及鹽司與遠方藩臬皆淹迴轉徙卒用功名壽考終所著五經約義讀律真詮皆規左粹奏議文集若干卷

胡宥

胡宥字子仁號金峯休寧人隆慶辛未進士授大名之長垣令葺學宮與士民更始平獄訟省租庸日程

生徒經藝治行爲三輔冠徵南臺御史奔生母喪居廬日偕門人講業邑先師廟敞宥倡諸父老竭力改作立尊經閣出家所藏書貯之學宮輪奐具美服除補北臺按廣西所至輒申功令與文造士廣厲學宮督府用兵八寨御史絕功成賜金幣會江陵廢天下書院宥力言粵西明道書院不當廢江陵嘆之外補畢節僉事入境首新學宮出故輯通鑑會要刊布之境內愛戴若父母入計京師會廷議相壽官遣二卿主卜僉以宥習圭測宜贊二卿時上幸山陵成在扈從規畫稱旨賜金幣再還蜀病歿于官聞

本朝分省人物考

卷三十七

五十一

南直隸

報已移官少卿矣以單車入蜀止二豎子及病革一豎顛天願以身代主引刀自殺一豎剖股進之以祈勿藥士民如失怙恃爭上狀臺使請購請祠畢節故無名宦祠有之自有始長垣相距三千里奔而哭者相望其義感人心如此

黃應坤

黃應坤字惟簡歙人比部郎鏜之子隆慶戊辰進士初令浮梁再補新淦以循卓推擢雲南道御史按部所至與監司策事同心相濟有若和羹出按雲中上公詩匈奴款關凡三出塞令譯者宣上威德具封事

備陳貢市便宜旋按山西復按山東躬治爰書勤敏至于咯血遷大理寺丞佐治獄當廷尉詰不中款時旁出一語詰之囚多立服一時廷中稱平未幾卒應坤為人恂恂不忤物而介然有立父子相繼為名御史俱以五品京朝官終云

余懋學

余懋學字行之婺源人隆慶戊辰登上第授撫州府推官治有聲徵拜南戶科給事時江陵相獻白燕白蓮頌懋學疏言災異頻仍上方下罪已詔刻齒脩省而以祥瑞進失大臣誼已又疏留都鎮守中貴橫

本朝分省人物考

卷三十七

五十三

南直七

肆狀上為罷中貴自是官府皆嘆之屬柄臣銳意興革一切務督責之術乃陳存敦大親審諤慎名器戒紛更防諛佞五事語刺柄臣且侵宦幸一時從中交購竟得嚴旨為民江陵怒不置屢中以危法示意所部兩臺兩臺力持得免既相臣與權璫相繼敗詔起言事者十一人懋學為首尋晉南尚寶卿浮沉南中稍遷貳太僕旋卿南光祿累晉通政使會臨洮失事當事主和戎乃緩臺使警報懋學廉得狀刺沉匿邊吏置之法旋推南刑部右侍郎踰年改戶部督儲璽書加憲職行事儲政飭甚攝部篆復攝司空

力裁中璫窟穴諸奸利貴倖益側日報滿自劾遂致仕時年五十餘也卒年六十論葬祭贈官大司空錄其一子生平博學彊志尤明習典故著皇明大政類編嘉隆大政輯要留儲志南垣論世考及二史考誤春秋蠡測尚書折衷仁獄類編諸書藏于家弟懋孳舉甲辰進士筮仕山陰雅著循聲行取禮科給事中議論獨持大體無所阿徇未竟所施而卒

曹樓

曹樓字世登號近陽歙人家傳戴禮學曾祖觀祖禎兩世魁其經于鄉舉樓隆慶丁卯魁應天辛未登進

本朝分省人物考

卷三十七

五十四

南直七

士時其父年已八十有八疏乞終養踰年父喪毀瘠終服選授戶部主事分司德州倉出入以時人頌其廉能庚辰克同考會試官歷陞郎中嚴繩胥吏度支一清會詔修會計錄部尚書以屬樓擘畫多出其手悉條著令間右輪官錢註誤為閱視按論坐死者下部議部尚書難科臣言樓力平之卒從末減陞四川督學憲副按部所至首論賢不肖之尤進退之而後校文關說一無所聽程士以雅平定咸厭士心會松茂用兵當事者才之率借籌畧提聞與賜金帛陞江西右叅政守湖東踰年入賀竣事病卒于道

樓器度溫夷而操持堅不可奪孝友淳至里巷誦焉蜀人思而祠之

方揚

方揚字思善歙人隆慶辛未進士授知河南陝州州
竄而疲至則裁濫供繩大猾興勵學校爲之購書置
田復采形家言引渠水通泮池陝人謝賓興至是始
振遷南戶部員外郎從留都賢士大夫講明正學屬
同舍郎怙江陵相勢者私據公田駕言爲社以贍不
給請揚作記揚不之應遂以飛語中于執政左移知
隨州旋陞嘉興府同知郡大豪爲盜橫行連結奧援

本朝分省人物考

卷三十七

五十五

南直隸

吏不得問揚廉得狀以他事逮之數其罪立斃杖下
進七邑士子誘掖備至監兌雪上恤民力而便軍輸
攝篆嘉善作堤以捍水患適行度田均賦之令所部
檄揚董七邑躬行阡陌田賦一清嘗道出鄰郡遇盜
舟中盜知其名不敢犯羅拜受戒而去飢民與卒伍
鬻亂幾不可制揚開誠撫諭卒帖服會省城軍民繼
變當道甄材望擢知杭州府尋以病請告歸旋卒揚
自爲諸生時好學力行著考經句義行世出處一致
動稟聖賢居室箴銘積成卷帙號初菴學者稱初菴
先生著述匠心鑄古自成一家守官于常祿外不入

一縉清風介節月旦重之遺集傳于家

吳際可

吳際可字交甫號艾齋歙人未冠補郡庠弟子員郡
守何東序奇之時延入署與之講藝隆慶庚午舉于
鄉年二十二會試不第挾策山中昕夕誦讀不輟聚
書萬卷人咸服其博雅數奇屢屈就官得合州學正
訓士有方督學使及直指交薦文學第一擢司理溫
州明于聽斷尤兢兢持之以恕里豪殺人重餌病廢
者使自承抵獄久具際可訊殺者狀詰之曰若手學
足筮甘以廢軀徇人死廢豈任操械殺人乎法不能

本朝分省人物考

卷三十七

五十六

南直隸

直死者寃而視無罪就死恐故鬼之枉未伸而重陷
新鬼也廢囚悟輸實乞餘生豪卒伏法一郡誦神君
其他疑獄得情類是攝篆永嘉薄罰省刑額內積穀
緩至捐公廩抵之踰年徙知廣西左州會母年八十
乃陳情所部乞終養得請歸養母終喪無餘蓄蕭然
敝廬嘗倡族建廣惠廟以妥神築先室以安祖創崇
本書院以訓族之子弟所著詩文若干卷文符若干
卷藏于家

楊武烈

楊武烈字伯承歙人壬午舉于鄉三上春官不第授

徒海陽家徒壁立泊如也壬辰魁會榜成進士選建昌府推官從御史行部嚴却餽遺持法務平恕新城有兄弟諸生得罪郡守者守屬厚傅之謝不可竟從未減豪右利寡婦之屋欲奪之婦厝夫柩于室以自守豪購人破壁發柩因攘之屋愬諸理卒懲豪而還屋于寡婦瀘溪老人有地近宜黃富人墓富人強據之累訟不得伸已自投臺憲願質楊司理一訊而得情廣昌素封納人于竹筐而生理之者里畏之莫敢發武烈陰廉得狀起埋者其面猶如生竟抵罪郡以爲神兩攝郡邑篆令行禁止百廢具舉其收治市儈

本朝分省人物考

卷三十七

五十七

南直七

吳中明

吳中明號左海歙縣人萬曆丙戌進士授江西瑞州府推官丁憂復除汀州府推官陞南刑部主事郎中陞廣東副使調河南提學陞本省右叅政晉按察使

以陝西右布政擢都察院右僉都御史巡撫廣西丁憂起南戶部侍郎丁巳卒中明少勵清節登籍後愈自砥勵所至鱗然不染而吏弊民情不啻燭照數計到處多所樹立又非僅以清名著也

范涑

范涑號晞暘休寧人萬曆甲戌進士授南城知縣庚辰行取陞南刑部主事辛巳陞員外壬午陞南戶部郎中乙酉陞南昌知府庚寅陞江西副使辛卯被論降用癸卯補浙江副使乙未陞四川叅政戊戌陞浙江按察使辛丑陞本省右布政甲辰陞福建左布政

本朝分省人物考

卷三十七

五十八

南直七



涑素持清節而亦不乏擔當歷任中外孤介寡合翩翮自成一家亦特立獨行之君子云

人物考卷之三十八目錄

南直隸寧國府

秦達

芮麟

王士謙

何應龍

戚遜

王著

陳迪

俞逢辰

陳富

丁鉉

貢璧

趙昌

王得孚

張綸

徐說 附孫元氣

董傑

本朝分省人物考

卷三十八人物目錄

南直隸

萬琛

左輔

汪昌 附子義剛

吳璟

周怡

梅守德

唐汝迪

查鐸
徐元太

詹沂

殷登瀛

貢靖國

沈懋學

蔡逢時

葉燁

梅鼎祚

戚悌

何通泰

張燦

補遺



吳原順

陳效

王溥

蕭瑞

崔涯

屠羲英

周希旦

張克家

蕭彥

葉永盛

蕭雍

麻溶

吳仕期

本朝分省人物考

卷三十八

二

本朝京省人物考卷之三十八

南直隸寧國府

秦 達

秦達字文用宣城縣人洪武十八年由國子生登乙丑進士歷事都察院奉檄清理囚徒寬嚴得體 太祖嘉其賢能特擢工部侍郎有大興作多不召尚書而召達議十九年四月議定工匠驗其丁力定以三年為班更番赴京輪作每月如期名曰輪班匠復議量地遠近為班次且署籍為勘合付之至期齋至工部聽撥免其家徭役著為令諸匠便之 上以達在

本朝分省人物考

卷三十八

南直隸

公勤慎特詔有司復其家二十年正月 上謂達曰

春秋之世人紀廢壞孔子以至聖之資刪述六經使先王之道晦而復明萬世有賴功莫大焉夫食菜則思樹藝之原衣帛則思養蠶之始重其所從出也孔子之功與天地並立故朕命天下通祀以致崇報之意而闕里又啓聖降神之地廟宇廢而不修將何以妥神靈昭來世爾工部其即為修理以副朕懷二十二年陞工部尚書達以古帝王廟地界通衢襲而不嚴奏徙建于欽天山之陽以是月奏廟功成自三皇五帝繼以三代兩漢唐宋元勳碩德比侔者列像于

庭袞冕輝煌 上甚嘉之二十三年五月詔各衙門掌印官更署改達為兵部尚書賜之勅誥未幾復以達為工部尚書十月因各處弓箭歲造不便奏准令工匠輪班赴京歲造二十四年 上以學校為國儲材而士子巾服無異吏胥宜甄別之命達製式以進上親視必求典雅凡三易其製始定賜監生襴衫繒各一以為天下先由是士子衣冠綽有古風焉二十年五年致仕

芮 麟

芮麟字志文宣城人洪武間以太學生授台州知府

本朝分省人物考

卷三十八

二十

南直隸

明於治體吏民畏服嘗註誤被逮父老泣送境外交遺之金麟一不受既謫戍邊後以薦授建寧知府歲饑民困發公廩賑卹又勸富民廩粟貸之民賴以濟郡有上下關衛分兵戍守小人倚為姦利商旅苦之麟疏其弊以聞罷戍兵更置巡檢司鎮之新葺學宮及朱文公祠考亭書院暇則親詣學與諸生論說經史政化行焉秩滿赴京師以疾卒時麟父亦卒於郡舍喪不能舉民爭出錢賻之麟為政寬簡有古循吏風且好學不倦尤善楷書云

王士謙

王士謙宣城人溫夷純謹人無間言問學闊博長於訓迪士多從之游者洪武中聘為儒學訓導立講約嚴課程立教以敦本崇實為尚而斥浮誕夸毗之士一時經其門者彬彬質有其文焉宣德中應召預脩永樂大典成祖實錄後引年致仕卒于家晚號竹西翁有竹西詩集若干卷

何應龍

何應龍南陵人少涉獵經史膂力絕人太祖時累立戰功陞指揮使從徐達北定中原還留宿衛後復從征西卒于途子執中陰襲次子時中聚族同居九

本朝分省人物考 卷三十八 南直廿八 范王

戚遜

戚遜宣城人幼力學才識豁達剛果有大志洪武間由國子生任兵部主事累陞山東布政使勤慎愛民夙夜無怠未幾初歲大饑遜設法賑濟疏請于朝不俟報預發廩粟賑之全活無算後為交陞布政使撫御有方安南警服

王著

王著涇縣人剛正有為洪武間由國子生任浙江按察經歷以廉能著聲嘗奉檄巡歷溫州府適大旱赤

地千里田疇禾枯著露禱三日而雨大澍偃禾皆起慈谿虎為患者齋沐以檄告于神虎皆斃生者亦皆遠遁民咸德之以為正直通于神明云歷官雲南副使

陳迪

陳迪字景道宣城人洪武八年薦辟為郡學訓導嘗為郡草萬壽賀表上覽而異之十二年近臣薦召為翰林編修十八年陞侍講預修大典二十四年陞山東左叅政二十七年內艱二十八年陞雲南右布政使時普定曲靖烏撒烏蒙諸夷煽亂迪率土兵擊

本朝分省人物考 卷三十八 南直廿八 范王

破之捷聞賜金幣三十一年建文即位改官制定六部一品免尚書許沂等徵迪為禮部尚書二年知貢舉三年加太子太師辭兼俸靖難兵起與黃子澄等上疏陳大計迪受命督軍儲于外過家未嘗入聞變即赴京師文皇繼統召迪責問迪慢罵不屈與子鳳山丹山等六人同日就戮時鳳山呼曰父累我迪叱勿言罵不絕口割鳳山等鼻舌熬熟食迪迪唾之益指斥遂俱凌剮死既死人于衣帶中得詩有曰三受天王顧命新山河帶礪此絲綸千秋公論明于日照徹區區不貳心又有五噫詩並悲烈蒼頭

侯來保者拾其遺骸歸葬縣計家橋洪熙初 詔釋
迪宗姻戌邊者還鄉給產業成化壬寅郡人祀諸鄉
賢祠甲辰郡守涂觀復于迪故居立祠祀之後湮廢
嘉靖乙未驗封郎中李默謫判寧國復置祠祀郡人
私謚曰靖獻

俞逢辰

俞逢辰字彥章宣城人洪武中選充燕府伴讀已遷
教授漸親信用事建文初 成祖審謀靖難逢辰叩
頭出血力諫請執藩節知不可挽間洩謀中朝使者
成祖自京師歸稱病篤大暑圍爐搖頭曰寒甚宮中

本朝分省人物考 卷三十八

五

南直廿八

亦杖而行朝廷聞之稍稍弛其防矣逢辰與長史葛
誠密告藩閫張昺謝貴曰王本無恙公等勿懈恐一
旦不可測 成祖猶丁寧温諭異相效翊逢辰遺書
與其子訣示以必死及兵起慟哀陳說者再四竟伏
誅萬曆改元邑令姜奇方奉詔建祠

陳富

陳富涇縣人永樂戊子舉人初授湖廣布政司照磨
才識閎達卓有能聲以薦超擢監察御史提督北直
學校興文育士文治聿興陞廣東僉事公廉剛直植
節不徇士林重之

丁鎡

丁鎡南陵人永樂間由楷書入國子監需用宣德中
擢戶部主事輕財重義以父恕有鄉行嘗於鄰居壞
垣得白金首飾一囊詢其實還之力求繼父風正統
中為兩浙都轉鹽運司運使不入義外一錢以廉能
著稱 朝廷嘉之賜衣楮幣錫宴於禮部十年陞刑
部左侍郎踰年乞致仕卒於家

貢璧

貢璧字廷器宣城人元尚書師泰之裔孫也景泰癸
酉領鄉薦選授監察御史凝重沉毅可肩大任成化
中抗疏言星變 憲宗特識其名于御屏命巡視南
畿江防江寇往往出鹽徒於時中貴人多冒禁者璧
持法畧不少貸挺身廉介無異彼時嘗因公事過宣
鄉人以官稱之璧曰勿為是語但可呼九秀才遷浙
江僉事卒于官

本朝分省人物考 卷三十八

六

南直廿八

趙昌

趙昌涇縣人景泰甲戌進士歷官戶部郎以忤中貴
謫同知長沙時洞寇煽虐所至風靡昌督兵擒斬旬
月而盡殲焉成化初再入為戶部郎值三吳災早昌
奉詔檢覈奏減秋糧三十餘萬民因以甦累遷山東

布政

王得孚

王得孚涇縣人天順丙戌進士授戶部主事決鳳陽河南之爭田萬畝軍民不敢混欺出守武昌解督責催征之令剖獄允當自以無克民教夙振士民敬服立三等九則之法以均田役公私稱便歲饑多方賑貸民無流徙有殺人以其妻而髡為僧者捕置于法折妖僧繼曉之橫恣奏毀其坊牌誥勅焚其妖書卒擒而斬之時守備太監假以進貢漁獵細氓奏革之湖湘水旱相仍襄府正有事于營建疏罷以寬民

本朝分省人物考

卷三十八

七

南直八
張文

力擒妖術道士李孜省於南京械送戮之京師年四十有九偶有所忤即拂衣致仕而歸享年九十有一曾孫廷幹以年十七登進士第得孚猶及見之

張綸

張綸字大經其先鄱陽人在宋高宗時有為寧國路總管者因家宣城於是為宣城人後有皞者累軍功世襲富峪衛千戶綸成化癸卯領順天鄉薦明年登進士第初知鹽山即明習吏事誅鋤豪惡奪貴戚侵田弘治辛亥徵拜監察御史監蘆溝稅巡內庫巡光祿寺皆以嚴辨聞甲寅巡居庸諸關邊備必飭武臣

有縱恣者繩以法風采凜然尋以內艱歸丁巳終喪

改雲南道按真定諸郡賊吏望風斂戢任縣令以非法殺人罪未正鞫實坐之富民被盜誣讐家煨煉獄成綸察其冤脫論死者十三人於桎梏他平反又百十餘人平鄉令欲增淤田之稅且百頃綸曰河濱淤決不常可遺他日患耶事遂寢會清寧災陳時弊十事多見采納壬戌以久次陞光祿寺少卿時歲用不足上疏浮費所當節者數事尚膳中官索上供踰額詆侮僚屬又疏請司禮監懲之嘗助獻內壇 上顧問近臣是非張御史耶蓋 孝廟臨御既久方疇咨

本朝分省人物考

卷三十八

八

南直八
張文

俊又以綸嘗建白故屬意焉已擢通政司右通政戊辰擢都察院右僉都御史瑾熾日熾有柳項於通衢亟借僚長救之五年擢大理寺卿奏讞輒忤瑾意時時與辯逢瑾怒不為少動致仕 史強珍家為警所訐三子論斬坐沒入江西人民吳某沿俗競渡偵事者誣以為私造龍舟亦坐沒音賴綸力辨得末減與襄二府訟田不決者二十年命往處帖然歸奏稱 旨有醇醪寶楮之賜歲辛未中貴錄囚欲脫豪右殺人之罪者持不可擬竟如法高陽民王豹為奸僧所罔刺臂肉為龍形捕獲者坐以叛欲侈其功

綸謂法止梟首用是不合調工部右侍郎癸酉改刑部侍郎尋轉左時偵卒多羅織無罪力言於僚長務核實母致誣枉乙亥往覈代王博王兄弟互訐事會晉府慶成王獄久不決亦命綸訊鞫詳明奏當皆麗於法回疏處宗室選婚及祿米折銀二事偵卒獲入京虜謀連引且至百人會鞫欲連坐綸曰謀若是其多耶止罪二人餘盡釋丁丑以九年滿陞都察院右都御史時方奉 命南行還歷淮泗目擊水災慮民窮盜且延蔓乃以給賑蠲徵諸事宜上請所司皆議行之山東民趙萬興假妖言惑眾取美女以后稱有

本朝分省人物考

卷三十八

九

南直共八 鄧明

二儒生從之為漁色計也偵事者獲之將以叛論綸辯其非叛得不族蓋綸留意律法善察姦偽而斷獄平恕未嘗過求故自任臺憲以至持天下之平於死囚多所開釋庶幾於民自不寬及 世廟登極方窮治正德間諸惡黨繫臺獄者數十人乃數其罪狀以為當誅而不可救其嚴於懲惡又如此綸焦勞感疾懇乞休退疏入上始得俞 旨有月廩歲祿以寵其歸踰年卒於家年七十自筮仕以來所居必盡職求稱其在言路持論必存大體恥掇拾長短以為名大學士李文正稱其善自樹立與世之徇勢浮沉無所

顧惜者不類平生所著有出巡錄憲臺奏議棘臺駁稿三使錄晚效文正公為詩渾厚清婉有敬亭稿若干卷藏於家

徐說附孫元氣

徐說字以中宣城人戶部郎巖之孫巖性剛直有清操累督關陝徐州軍儲著聲績說登成化戊戌進士授禮部主事歷擢南京右通政謙抑端謹雖秩列閒司亦能修舉故典隨事盡職嘗持節冊封靖江王資贐甚厚一無所取致仕歸務以忠信先鄉里年八十餘卒其齒德為獨尊云曾孫元氣以壬戌進士歷官

本朝分省人物考

卷三十八

十

南直共八 鄧明

通政司使元太以乙丑進士歷官南京刑部尚書氣沈機遠識達於政體太才節磊落丁丑以吏部郎分校禮闈黜江陵之子懋修出為山東叅政時江陵疾東藩為祈年于泰山太獨不與後巡撫四川戢松番之亂其績尤偉兄弟皆稱一時名臣焉太另有傳

董傑

董傑字萬英號五城涇縣人成化丁未進士授湖廣沔陽知州入為刑部員外弘治初 孝廟數御講筵近暑不輟冢宰王恕言不宜過勞且曰臣以官保名此亦王躬是保之意也傑疏恕所言非是忤 旨謫

四川都司知事考最轉知鈞州再轉刑部員外郎中
出守保定正德戊辰遷河南山東參政布政使擢右
都副使巡撫江西在四川攝邛州事興水利以溉田
勝民甚德之掌松蕃茂州事督運調撫有方夷人畏
服在鈞州豪右斂跡田里樂生若學校農桑尤加之
意遂致時和年豐粟有一莖五穗瓜有一蒂五實者
在刑部嘗慮囚山東人無冤抑在保定滯獄千餘牒
詞數千百紙比至甫半月剖決殆盡郡當孔道使客
結軫密邇京師私贖盈篋傑應接如流不茹不吐人
皆敬憚號為神明他如練民兵積芻粟厥後霸州盜
起保定獨以有備無患在山東嘗部京儲不忍解戶
稱貸率身任之在江西四郊多壘晝夜經略不遺餘
力賊以漸平未幾以疾卒于官計聞賜祭塋傑有豪
氣每以才略自負故居官多有顯績焉

萬 琛

萬琛字廷獻號東山宣城人狀貌魁梧雙目炯炯性
剛直負氣不能為澳忍事少游郡學有文聲宿學老
儒多所推重督學御史浮梁戴公少許可得其試卷
大器之成化丁酉中應天鄉薦屢試春官不偶弘治
癸丑謁選天官得江西清江令以母憂去服闋改令

本朝分省人物考 卷三十八

十一

南直廿八

瑞金居數月閩廣賊作夜半殺門卒攻城突入時瑞
民洶洶竄伏左右有強之急去者琛怒髮上指挺然
曰吾去土誰與守吾生平欲丈夫其行而學兒女子
以自免於節義謂何遂從民兵數十人迎敵殺賊二
十人有奇相持至翌日賊少却薄暮力屈為賊所得
挾至舍所問庫藏所有琛不為屈詈不絕口賊憤遂
遇害守臣上其狀贈光祿寺少卿賜葬祭命有司立
石廕其子麟為國子生琛家居喜賑卹貧乏為閭里
所德治尚寬簡平賦省徭興學禮士屢白疑獄瑞金
舊俗苞苴公行琛一切禁之無敢奸者時賊寇臨江
瑞州諸郡被毒多矣而以身殉民者周副使憲萬知
縣二人已耳

左 輔

左輔字弼之涇縣人弘治丙辰進士授浮梁令時景
德鎮民相構為亂輔為開諭禍福眾遂解散調景陵
遷瑞州府同知因忤瑾黨謫南安教授再謫南城瑾
誅起知寧州謝歸獨寓沙園以述作自娛輔恬靜端
慤讀書探究理與著有周易本義附說太極後圖南
岸日講等集藏於家

汪 昌 附子義剛

本朝分省人物考 卷三十八

十二

南直廿八

江昌字大祺宣城人性至孝母喪廬墓三年會歲大饑里中死者枕藉于路而昌家貧力不能卒脩棺木撤所居樓板為棺以瑾殍者後以歲貢謁選得江西進賢主簿故事堂上三廳油燭皆庫夫賂辦日率二十斤最為苦役每客船到埠必坐守官批甫得回屢訴之監司不獲免昌署篆日俱申除之居官六年一塵不滓去之日舒狀元芬約縣中耆老題名于清正坊昌堅辭之曰廉固吾分豈以此嚮聲名乎昌所居處距城五十里許御史傅炯高其名按府事畢差官登請相見辭不至後御史道經其家相距二里許再

本朝分省人物考卷三十八

十三

南直廿八

請見終不往但遣其子致謝而已子義剛亦貢生也制行端方唯諾循禮人有盛饌相餉見其以左手舉筋力却之或詢其故曰此必執拘不聽父母教誨者姿貌魁偉猿臂善射隨父任進賢時山寇曰支麻喻者聚眾以應濠藩圍其城義剛與知縣劉源清披甲上馬射却之賊踞山絕其汲道直指聞而檄兵援之戮力勦平以邊才薦選州同卒于京今其子孫貧甚備耕以自給而已

吳璟

吳璟南陵人正德庚戌進士官四川僉事時流賊鄔

藍之黨遁入川東進逼江津璟受檄守之賊至璟督民兵奮力衝陣斬數十人復入城堅守屢乞援兵不至久之城陷被執而死事聞贈副使官其子鎬為宣州衛百戶于世襲

周怡

周怡字順之太平縣人登嘉靖戊戌進士授順德推官以廉敏聞歲己亥肅皇帝南狩縣官供芻餉章聖太后喪道順德徵發萬計並出怡指畫減費什三境內無擾召拜吏科給事中時相嵩鑿太宰讚積有却日圖奇詆虜鈔西北邊在事諸臣亦輒不

本朝分省人物考卷三十八

十四

南直廿八

相能怡大憤疏奏凡數千言大畧謂風教之大禮讓為先朝廷之上大臣為首朝廷有違言之際則讒譖之釁長于外大臣有動色之爭則攻訐之禍流于下鑿嵩市恩脩怨私許背詆嵩尤威靈凌逼百司往論嵩者皆以罪謫去今宜大戒嚴總領又各持意見甲可乙否大敵在前而文武構釁非國之福也言甚剴切上恚怡疏中有陛下日事禱祀而四方水旱未銷之語嵩以重釐已間人詔廷杖下錦衣獄乙巳采箕僊言釋之閱月復被獄丁未二殿災又釋之相傳上寔聞空中有神語釋三人云三人者御

史富平楊爵工部郎中泰和劉魁並以言同繫者久之隆慶改元徵怡以給事遷太常少卿使獄濟瀕行疏陳定君志重詔命敬大臣擇左右勤朝政五事忤旨調山東海右道僉事轉南國子司業丹陽姜寶爲祭酒御士嚴正怡寬博劑之人並稱得體明年擢太常少卿提督四夷館未至病卒疏請致仕猶謂臣卽死當奮作國家鎮地鬼云怡方介峻潔嘗笑不苟論事輒義形于色忠亮天植累躋彌堅海內士大夫望之如祥慶威鳳以未大竟其用爲時所歎惜云恒推明正學以至誠無息爲大宗屋漏不愧爲實際識者

本朝分省人物考

卷三十八

十五

南直廿八

梅守德

梅守德字純甫號宛溪宣城人少以穎異聞爲諸生時旣寧李公默由驗封郎謫倅合試六邑士獨拔守德及太常卿周怡曰此兩人國器也令交拜郡庭而李公蒞盟馬因膳之庾舍中時督其課程暇則語以當世之故曰以脩昇日實用登嘉靖辛丑進士授台州府推官台及寧紹並臨海疆族奴官闌出中國貨

海外互市乘汎揚颿官不可誰何而三郡奸徒有投諸島爲主與者倭釁萌矣因條其事於直指使者直指獨以屬之於是裁抑豪貴以伸里氓嚴明海禁干椒甚密積習頽風庶一湧洗秩滿擢戶部主事是時周公怡以吏科給事疏論相嵩下錦衣獄三年矣威焰正張莫敢聞獄中事者獄亦甚秘獨時時具橐饘焉京兆尹胡奎嵩私人也謀貳冬卿乃有釐弊政黜庸汚以安遠邇之疏臚列其貪鄙狀顯斥之上玄修勤醮祝太常官皆道士世蕃父子相與朋比卿徐可成者前得陰復求改官力疏辨駁事得中止改戶

本朝分省人物考

卷三十八

十六

南直廿八

科右給事中奉命冊封遼府而世蕃益積不能平乃故宣言于衆曰紹興缺守兩浙之倭勢熾矣今須得幹濟疆毅之守吾觀未有踰梅掌科者也今在使願且爲朝廷借之翌日吏部推上矣道聞赴郡首講脩倭之策蒐軍實葺征餉郡兵頓者汰之客兵驕者厚其月糧而嚴其法比以至繕城垣飭舟械海上諸要害地咸宿以重兵焉倭稍緩則召父老而問疾苦以苦莫大于湖稅召諸生而問風俗以季末之奢靡而違禮傷教也于是一意均賦湔滌弊源出乾沒之田若干畝民始有定業而稅不偏歸于貧戶矣乃新

王文成之講堂敦請龍溪先生主師席以多方訓士
 尊高年禮隱逸燕饗有禁游觀有禁秘圖山人楊珂
 者三造其廬竟不見也碑高士里于其居而士彬彬
 知所向方矣甲寅陞山東曹濮道兵備副使東省惟
 充西最患盜盜各有大猾為之保任流徙無常莫之
 究詰至則鉤校其主名而擒大猾之尤者立撲殺之
 盜無所附麗漸以衰止踰年改本省督學副使疏條
 濶目評騭試義一見可決平生新城有陳生者席資
 殷富陶真人為 上祈年泰山託賂馬真人以檄送
 陳生于學立祝貢之禁錮終其身其於諸生禮貌優
 本朝分省人物考 卷三十八 十七 南直 劉光

唐汝迪

唐汝迪字吉甫號惠菴宣城人也父蚤卒閱五月始
 生生三歲母亦捐養兄汝棊甫三週耳焚焚獨孤哀
 子依仲父平野公以為命少穎敏超絕丰儀端偉十
 四補博士弟子時比士者北平楊公才菴雅負知人
 獨鑑賞甚曰是兒有奇骨不三十立矣十六受餼十
 九領嘉靖丙午鄉薦成丙辰進士謁選當在司理時
 分宜柄國奇其狀擬處以桑梓地意欲羅致門下也
 則之姜公寶匍伏力辭乃得真定真定三輔名區法
 比如蝟一取三尺衡之平反無害郡有豪不法者按
 其人匿不受捕間行金于里他日行縣過其家綜跡
 本朝分省人物考 卷三十八 十八 南直 劉光

而持法嚴侃侃無所殉稱良督學未幾陞雲南分守
 左叅政念母恭人春秋高不能捨而為萬里之行會
 以捧賀入京遂上疏乞休屢請得 俞旨歸則多田
 居不時入郡然地方利病必進告起流止條分縷
 析有司咸聳然虔聽焉細氓有負冤抑無所申者必
 力為請白終不使其人知迄今邑有批政民有枉誣
 通邑必翕然曰安得更有梅大參其人者乎以萬曆
 丁丑卒得年六十有八山東紹興各祀名宦而有司
 亦奉其主祀于鄉賢

在馬上矣以此賺之甚諷言官論其傲力請移疾被
 旨留着用先是被是 旨者率真大辟家人環泣怡

然不爲動伺其寢駒息如常再疏予告治一舍圃上水環垣以小艇往來讀書其中足跡不逮城市郡邑長罕得見者督學天臺耿公行部畢百里式於廬對譚兩日夜不能去丙寅春計中蜚語謫倅禹州載禹志者云唐公顯允豈弟視篆矚然民有訟妻殺夫者自誣服得其寃立釋之市犬殺人逮其主抵死獄成矣曰國狗之瘕人何與焉後有經其地者會二子皆文學日夜尸祝之矢世世無忘唐公也丁卯知歸州未任移貳萊州尋入南戶曹郎辛未知雷州府雷濱海易亂島夷充斥海酋犄角爲應海南酋李茂尤黠

本朝分省人物考

卷三十八

十九

南直廿八

徐玉

宅樓其子女田其田有司莫之敢問于是奮筆請于當道曰是本齊民負浪作奸提納款之空名而實事衝擊我不能制其死命而與之論曲直通往來何其無大體宜勦不宜撫請分布要害部署兵總王道成等奮擊親爲擐甲督戰賊敗走仙門港已復敗之沙頭洋有識其爲賊偵者一人足無拇乃謬下令曰東海地瀉齒老幼不得着履果得無拇者名翁蔭一訊立服逮五人誅之民自是無與賊通者而賊益窘矣間道赴嶺西道告撫舟回遇王道成擊沉之招撫官亦與俱溺守道督過于道成力保之曰此何足問招撫二字擲之大海可矣復條上當事練土著以固其志兼福廣以全其力調船烏兎合踪追捕以輔其急報可賊益大困酋黨陳理語其屬曰以唐侯仁信不卽受命而以逆軍吏今局局游釜中吾與若俱烹何爲也遂鯨其首出泊海康兵夾攻之悉潰賊遂平是役也凡兩越歲歲斗食百錢千里負擔輒爲賊蠟食且也主客紛呶倭番遞發爲調租餉通協濟繕城隍選丁壯葺烏艚精間諜聲拯援迄無遺策事罷杜口不言功甲戌入計江陵相慰勞有加意俟其陳乞欲以爲德但唯唯謝不敏而已僅晉河南治河副使丙

本朝分省人物考

卷三十八

二十

南直廿八

徐玉

子八月河決崔家口出小浮橋總理者以河所從來者高下流淤淺數為敗徐州人段守金言開復新集舊河將行之上書言河性不常未易以人力通塞引河而南有侵嚙陵寢之虞聿興大工有聚眾意外之變彼濱河民意或移壑或射隼或逐蠅為身家念耳謂輿論僉同殆不其然書上議乃寢再書便宜六事

曰弭盜曰安民曰經藩祿曰定傳計曰改鹽課曰謹照提既布河南北至今便之丁丑入賀歸里歲大侵移書撫臺孫公極陳顛連之狀田蕩為巨浸民化為野鬼不亟蠲賑邑且林莽孫公惻然檄有司周恤上

本朝分省人物考

卷三十八

二十一

南直廿八

其狀賜免田租之半還任會江陵歸葬道出維諸司側行檄席負糶矢先驅越全境乃已第逆之出境無苛禮戊寅移河南參政未幾移參江西湖西道轄吉安袁州臨江等郡丈畝獨平奉保甲惟詳鎮市連族他畸零阻逃悉汰之民以無擾尋遷廣西按察司使以辛巳四月抵官觸瘴癘疾作三書乞骸骨屬勉留遷延竟以不起時合肥秦公寵憐而具百金購施恭人泣謝曰大夫生平不識阿堵物未亡人不敢傷其志悉卻之卒之日長子一澄才九齡次子一灝尚在腹今並舉於鄉矣生平孝友天至內行淳倫父事兄

終身與合爨有詢其生產幾何者惘然曰不知也請以問伯兄凡里中關民瘼士學者必謁當道婉與陳乞終不敢自款其德居恒無宛言無疾色賓至無賤無留門者即童孺與敵禮即之温然襲人和雖別歷多奇問之絕不以口至于聲色器玩泊如也有嘉議十五卷行于世

查鐸

查鐸字子警別號毅齋涇縣人為諸生時刻厲攻文藝尤有志於正學嘗曰匪學胡文匪聖胡學先後講解於師友間涵濟最深嘉靖己酉舉於鄉報至猶偕

本朝分省人物考

卷三十八

二十一

南直廿八

同志聚講抵暮而罷如弗聞也屢上春官不售南還即台山與少傅穎陽許公方伯拙齋蕭公職方洪潭焦公相切劘而從遊若蕭都御史彥趙少宰士登蕭學使雍趙憲副善政探討上下彬彬然盛已乙丑成進士授德安府推官清介絕俗不為煩苛其於單赤尤曲體其隱諸生葉潤為讐所中為直之至以忤直指不顧聞令有欲那移乾沒自潤者微感之令其省改不以摘發之名自居也其鞠獄民就理恐後情法不蔽者為平亭之諸開釋者自慶幸恨就讞晚久之治理流聞薦剡且上一同官直指欲並舉而疑其年

鐸曰第論能職不耳如以年則某長於彼且二歲直
指絕歎以爲難愈重之未滿考以卓異徵道經新鄭
鐸故新鄭相所舉也時家居見鐸思致書都門爲之
道地堅卻之以此忤其意入京拜刑科給事中轉戶
科右仍轉刑科左屢疏勸經筵覆邊功定管議舉人
才言不爲矯激而識者服其得體休暇輒從海內名
碩結社論學以爲常未幾新鄭因緣中涓起且兼銓
部勢張甚欲有所修舊隙一日問鐸以直報怨意何
居若弗喻其指答問一以恬夷劑之令其自解又欲
出一罪人與進其私黨兩執不從因與之左補山西

本朝分省人物考 卷三十八

二十三

南直廿八

參議適當表賀疾不行撫臣迎新鄭旨論致仕父老
留之車爲枳油然不以屑意也新鄭罷臺省文章薦
復補舊任父老爭歡迎之至則革蒲東停喪敝習定
爲葬儀勒令互察得歸土者不可勝數有妖似獮能
匿形而人言多煽惑出示驅之妖謝相知者曰查公
正人吾不敢犯爲避去兩閱歲晉廣西兵備副使抵
家而奉父諱公除仍以舊職領廣西驛傳之任三日
卽以入賀行還任三月移疾歸中丞郭公六下劄留
之不可遂翩然東返爲復水西書院倡明理學卽單
筥後進折節引之未嘗不與講敵禮也平居不至郡

邑至于均田救荒則力言于當事爲鄉人無窮計臺
使者時累疏以薦而已決志堅臥矣鐸豐下廣穎音
吐若鐘生平品格如鳳麟心事如天日言行有壇宇
坊表其於世人窺瞰依附非特所不屑抑亦所不知
其學則篤信文成致良知簡易直截爲三字符時講
者各立門戶而獨守之不易謂良知不執於見卽曰
虛不深于欲卽曰寂不累于物卽曰樂無有無無始
終無階級倪焉日有孳孳終其身而已居恒闔然自
修恥不爲表暴然學者讀其書知其學之深考其行
而不合于書者蓋寡也最後疾作族兄秀視疾問曰
心得無動乎曰能病吾身耳吾心何病且而起索衣
冠端坐逾時遂瞑享年七十有四

本朝分省人物考 卷三十八

二十四

南直廿八

徐元太

徐元太字汝賢號華陽宣城人南京右通政說之曾
孫南京通政使元氣之弟也幼有大志慷慨闊達讀
書一日數行下筆有排山倒海之勢而玄理奇窟卽
老宿莫不斂衽避舍者嘉靖辛酉魁南省第二人乙
丑成進士知江山縣尋丁內艱復知魏縣清以不刻
威而有恩發奸摘伏民自無冤以卓異召拜銓曹主
政轉員外郎丁丑分校禮闈所拔士蘇濟等一十八

人先是濟以閩省第一著聲久司試者相期勿失此人太獨首得之撤卷眾皆驚其奇識會江陵欲私其子黜之不錄卒為所賺出叅齊藩江陵病約請禱于岱宗太正色拒之曰此舉何名子為父禱乎臣為君禱乎眾皆負慚無地未幾江陵卒而天下莫不高其直躬勁節矣擢憲閩中會越有脫巾之變復移臬兩浙至則廉首惡者寘于法宥其脅從一軍晏然旋晉京兆植良鋤奸質劑約信以寬和博大之治懷柔其民而王畿之內千里誦政聲焉已而西夷發難擢撫川蜀奉 旨相機鵬剿西夷蓋古回紇吐蕃遺孽也

本朝分省人物考

卷三十八

二十五

南直廿八

密邇松茂聯絡諸番山險水深徑通一線故各寨恃此跳梁而我不得其要領撫之不見為德討之無以樹威節肆罄毒至虔劉鎮官軍兵等千三百有奇鎮巡監司莫可誰何會楊柳寨首首蠢爾騷動太密授方略督兵蕩平斬其渠降者死者無算然各寨猶負固如初也巳奉 上旨一應進剿河東河西以次進克擒斬小姓王荅甘燕等三十餘寨番族埋奴等數十人相誓以永無侵叛捷聞陞兵部右侍郎仍巡撫其地嗟 入胄監未幾而建越逆首倡亂五衛橫被侵 為撤諸酋大逞狂謀攻克城堡誘殺兵

將具題奉 旨勦處會議三路進兵分布統領齊集漢土官兵太自臨陣督戰親執袍鼓直搗賊巢凡七閱月而底定是役也前後克寨以二百計斬獲以五千七百餘計俘酋以二千二百餘計生擒以四百餘計焚毀礮房以千六百計革去浮賞等費省 國家金錢以數萬計投降夷裸男婦以二千二百餘計退還地土為里者以九百七十計東靖黃沙西靖黑水東西白草諸寨望風款貢比于編戶事聞 上心嘉悅降勅褒獎晉二品服俸再廕一子旋以右司徒總督倉場以少司馬協理戎政會倭奴蹂躪朝鮮樞臣

本朝分省人物考

卷三十八

二十六

南直廿八

感于宵議廷論主和太獨議戰本兵喉之遂陞南京刑部尚書以疾請告得 旨回籍調攝病痊起用林居垂二十年酣史耽書怡情山水干牘不及有司至地方大利病大興革挺力為侃侃言之捐貲三千建長安壩蓄洩有法旱溢無虞萬戶咸食其德家奴稍不就檢柙立筆磔之自居鄉居官無敢有攬秘而矯虔者享年八十有二而卒卒之又三年其孫日晉伏闕以請疏雖下部卹典尚稽人咸懷仰止之思云

詹沂

詹沂字浴之號魯泉宣城人生而穎慧秀拔嗜學不

輟鄉薦後攻苦猶然諸生絕不知有干謁事成隆慶
辛未進士授新建令仁慈明肅均里甲定徭賦析楊
晝卧鞭朴弗施庭讞常清鍍金不黷平冤獄周隱瘼
合邑呼曰神君所弊拔生儒皆名士後多以科第顯
秩滿以卓異徵士紳扳轅之不得尸而祝之今口碑
猶嘖嘖也考擢南吏科給事為人坦夷真率不峻城
府至政之得失人之賢不肖辨析推擇不少假借議
論排山撼嶽無所回撓值星變疏修實政以息天警
纒纒千言剴切激直詔察天下官員即疏糾政府私
人時江陵柄國若烈日之經溽暑而沂又所舉士也

本朝分省人物考 卷三十八 三七 南直廿八

憾特甚無何江陵奪情議起南中闕然乞留疏具獨
不署名曰事係綱常吾不能媚附相君取姍笑於後
世衆相與目攝之及江陵給假治喪廷臣交章趣還
南中議繼疏以進直止之曰彼未有終制意趣之何
爲于是讒構紛起而山東僉憲之命下矣未幾裁革
冗員而承望風旨者請革回籍矣辛巳京察復以原
給事降處迨江陵敗起知奉化奉化夙稱難治治之
如新建時初不以遷謫傳舍其官也清介寬和與民
休息大旱虔禱澍雨立霑甫期而慈父母之稱億萬
同口陞禮部主事轉員外郎遷光祿丞歷南尚寶太

僕太常卿所至纖介無染宿弊一清嘗署篆應天歲
額發絲價數萬例留十一名佐公費司庫以請厲色
拒之一切奇羨不入及繼者乾沒而臺中彈文有曰
守者之墨大愧于署者之清當是時直聲介節久震
重于朝著矣第甘退忘進意氣條然真有以朝市爲
大隱之意故徘徊聞局幾二十年始擢左副都御史
署院篆守正奉公怨勞不避兩主外計一司內察弊
恬退拔清脩斥貪黷輿論攸孚時臺臣寥寥如晨星
催請選補疏凡四十上唇舌幾焦始得 俞旨遼東
缺按臣額係選差疏謂遼陽爲國右臂自惡璫激變

本朝分省人物考 卷三十八 三六 南直廿八

重以奉拿官吏人心惟懼不寧建酋跳梁蓄謀已久
兼并屬夷交通北虜懷奸叵測一旦逆我顏行千里
沃壤坐見陆沉矣擇熊公廷弼往按不十年而陷城
隕將向者之言歷歷奇中始知老成之謀國深遠也
妖書起事連大僚禍且信噬會勘時力言一涉深求
損國家元氣不小止坐瞰生光一罪正法遂得寢陝
中稅監肆螫秦民告變 上撤回遂以殺人劫損誣
奏咸寧令滿公朝薦逮繫力言朝薦賢令奈何輕信
中璫文致其辜亦竟得釋楚藩之變陳善後事宜歸
權撫按凡親郡王違制皆得以白簡從事添入勅內

從之復以周給事怡抗正 世廟久未易名疏請賜
謚署院五年六歲再考 上累有羊酒鎗幣之賜偶
浮言波及遂毅然曰大臣義不受辱何難一去明讓
且懸車之年已及安知言者非補我之黔息我以陰
乎急請休致 上温旨勉留乞休愈懇解組封印廬
郊外候 命嗣得旨有潔身忘義之語我朝大臣未
有掛冠行者掛冠自沂始歸里杜門掃跡與舊知為
漿酒藿肉之娛每春煦秋爽風泉雲壑杖履所至暢
志而返生平無疾言怒色即小生穉子與之敵禮見
者忘其為尊貴也性篤于孝友建宗祠分祿于敦禮

本朝分省人物考

卷三十八

二十九

南直六

殷登瀛

殷登瀛字子登宣城人別號少莊後弃官歸里取歐
陽子六一之義而廣之曰修竹一林青山一畝平泉
一池合子為九因號九一居士云少有異志性恬漠
而資機穎嘉靖乙卯舉于鄉明年試春官不第會其

兄負國稅八百餘金有司寘于理慨然自認代輸家
產已罄三年尚不能杜至壬戌正月竭力稱貸以償
前逋甫得計偕北上遂以是年成進士第七人授海
寧令寧嚴邑而民黠善逋賦有十餘年不輸者比至
無問新舊隨多寡聽其自入且許以他物抵賦未期
月而夙逋盡清簿牒山沉朝讞夕遣訟者艤舟以待
不俟終日而官事已結有海寧殷青天升米官司不
費錢之謠久之兩造漸稀桁楊庭卧因以 聖諭六
語著為解訓教誘其民駸駸乎政成而俗化矣值內
艱歸服除再補襄城蓋是時襄城辛公自修居首垣
稔習其治寧狀力請于銓司願借殷公福吾襄四年
以治行卓異聞行取命逮擬處以諫垣疏請就南生
平秉性清介澹於進取視長安之奔蹄驚駭心殊厭
之不若留都之足以養恬也當路反以為矯復出為
新喻令二年自是益有東山之志矣尋擢南戶部主
政權稅清江擇廉能尉一二人董其務第執要受成
而不親其利署後故有望淮亭新之更名浴心蓋取
淮陽汪穢洗濯塵襟之語以自况仍勒石記之晉南
禮部員外旋晉吏部郎中居官以儉佐廉耳目玩好
都絕從不識有苞苴之事亦無敢以私干謁者嘗冬

本朝分省人物考

卷三十八

三十

南直六

寒僚友圍爐議事諸僚樞衣皆錦綺重裘獨布被單
澤而已衆服其儉而自慙其侈出爲金華守乙亥冬
命下明年乞休疏上不待郵報懸車竟歸或有勉留
者謝曰陶令惜腰吾亦惜膝乃有腰膝訟于心官之
說又撰九一居士說以見志歸則卜築城西杜門掃
軌屏冠服不御絕不與朝貴往還卽寒暄之牘亦謝
絕不通也郡守鄭公繼之重其品亟欲見之三造門
始得延欸遂定交焉宛令以不得見爲憾構于鄭公
公曰居士數來謁乎曰未也數以書責乎曰未也顧
無奈其簡亢耳公曰此居士所以爲賢宛之望也反

本朝分省人物考

卷三十八

三十一

南直廿八

見非乎令大慙服爲人坦衷夷度自處甚約而性喜
施每出必懷金于袖遇寒者隨意賑之憐獨孤子之
人踵相錯于門日置米于闌以待餓夫寒冬或遇裸
而羸者解裏衣衣之自甘凜戾不恤也鄰有貸者後
力不能償謀鬻其妻聞之急折其券一廣文貸金北
選遣其子持十金酌之曰一寒龜何遠得此卽還券
而却其金然之時已垂橐而食貧矣一饘一鬻然且
不給而周人困阨不憚心力赴之會巡撫孫公光祜
蒞郡郡人以爲壬戌同籍也持百金求爲關說峻却
之有有鶴尚嫌添口累無魚翻羨浣腸清之句構書

莊數楹聚書其中披誦不異寒生上下數千年考鏡
精核若燭照數計若絲之紛而各引其理若節之解
而悉導于窾其於升沉顯晦直指爲浮雲一空浪花
于點付之一笑故其發爲詩文摠胸中之所自得而
無僂薄詭宕之習謂聖人之學載在典冊炳如日星
而後儒註疏竟落支離于是作聖學正脉若干卷經
傳微言意義幽奧而後儒見解失真多有舛誤於是
作微言辨說若干卷自有文字以來或史臣之訛謬
或著述之假託或英雄謀國未露之深機或奸邪竊
名可誅之隱惡皆闡而發之作九一犀燭集若干卷

本朝分省人物考

卷三十八

三十二

南直廿八

皆藏于家壬午直指蔡公說將薦於朝力謝之曰豈
可復令北山移文耶因題于水亭之壁曰相追皓月
常攜杖不負青山早掛冠自是詩酒自愉寤歌不輟
怡情風整雲泉間者十有五年以萬曆己丑病卒卒
之日其索如洗棺殮之具相顧莫措營貸翌日而始
成服郡中知與不知咸相與悼惜曰嗟乎安得清介
不滓若殷公其人者邈乎不可覲矣子之輅髻齡失
怙攻苦茹荼雅追庭訓成萬曆癸丑進士出爲福州
守以廉正著譽三年奏最晉階中憲大夫賜之勅命
有曰一麾出守决志東山烟霞抗物外之懷經史决

疑中之義行標壇宇學富縑緗貧而好施死無以殮之輅叩首流涕曰主上聖明已為老臣傳神矣聞者咸快以為實錄云之輅今官刑部員外郎

貢靖國

貢靖國字玄忠號洪山宣城人生而端凝沉毅質言無譁白意坦衷不識人世有巉岨刻峭之事者事父母孝事伯兄湖源公友凡一切筆楮書籍以及衾禩衫履之屬無不與伯兄共年十四補郡學生謁客而歸靴履間偶有澆泥迹伯兄怒指之曰此何為者而尚為童子戲也耶面扑之唯唯順承而已時郡守近

本朝分省人物考 卷三十八

三十三

南直廿八 徽

溪羅公倡道于宛刻以聖學自砥尋釋精猛至廢寢食大意絀虛解救實行不為一切利脫悠繆之說會母喪柴毀骨立日夜為孺子泣不欲生哀慕之久彷彿觀其狀間聆其聲一夕父病甚篤侍藥榻前狂怖不知所計昏瞶中恍見其母撫而慰之曰無過思頃之父病漸蘇詰朝而霍然愈人咸異之萬曆癸酉領鄉薦明年遂成進士以父憂歸服除授刑部主事時江陵之勢方熾嘗欲周内憾者餌之銓地勿徇也令其子嗣脩以通家刺投謁還其刺于從者曰誤耳彼此原無世誼也力爭之尚書前憾者事竟得白都人

有以大猾當坐者賄葉御史匿不為理復力爭之尚書前臺臬與部曹等耳假令一御史得以獨行其意高皇帝之置是司也奚為哉竟按其人于法而御史以例遷去秩滿陞福建泉州府守臬當海墘地僻俗竄縉紳之籍甲于天下往往持有司短長抗弊其法至則循行郊垌進邑長令召民父老問所在疾苦曰吾無奇也有將安施絃之急也絕之鮮之烹也攪之矣抑鉅筭之習塞告訐之門罰不過束矢扶不踰拾楚各輸肺腑無冤結舌者課士衡材上下其駟不爽累忝士皆翔厲于聲教二年之後盜賊日斲奸人去入他郡豪大家無武斷編下戶不得侵辱私無徇情公無沮格七邑之內翕然大治甫三歲陞浙江鹽運使兩浙當財賦之區辟之大官入者染指乃著蠲政類畧行之飭煎辦清丁蕩恤商竈視事甫期六被薦剡邊腹之商共相指目謂從未有此仁廉司主者會場官米長科以鹺院肺戚作奸犯科比周為虐廉其狀下寘于理而鹺院固庇之乘其校閱武闈授指監司釋其繫聞之即日投劾以歸謂不得其職戀戀于尺組亦何為乎後雖有蜚語坦然當之若罔聞矣家籍世資稱殷厚歷宦幾二十年垂橐而歸家無長物

本朝分省人物考 卷三十八

三十四

南直廿八 徽

嘗曰人皆因祿富我獨爲官貧治一室于北郭之外距城四十里絃誦嘯咏其中扁其堂曰樂野深居簡出意象儵然兩世不析箸俸祿所入咸貯之公令伯兄之子督之值歲稔欲調其貧者而力不贍乃從郡侯貸廩粟數百石裁其甚否而糶之會歲有秋盡指鍾畝之人以輸于官無沮色矣年六十有五而卒卒之日郡守親視其殮嗚咽不忍仰視題其旌曰鄉大賢而誅中曰心同青天皎日行若和風慶雲人以爲此兩語足可狀其生平云

沈懋學

本朝分省人物考

卷三十八

三十五

南直廿八張奇

沈懋學字君典宣城人父侍御古林公寵蒞官嚴肅嘗備兵湖廣疏捕九龍灣大賊瀦其巢又嘗跡一寺僧汚妖得卽用鐵錘碎其顛立斃致政里居孜孜爲德不忍使民間有饑寒冤抑事懋學生而跌宕競風槩少善騎射又能於馬上舞丈八稍誦首書生弄柔翰非其好也然率意落落隨其曠之所止伸泚立盈有藻思書法出入王虞自行韻格腕疾於鳥天文地里陰符黃石參同內外丹星相卜醫之學襍及五木六箸藏壚累丸蹴鞠投壺彈箏擘籥一切所喜之藝術無所不涉於人亦無所不交丁卯舉應天一

不第跳而之塞上辦襍胡兒射生飲潼酪馳驟飛狐花馬池間悉躡諸部虜所繇出沒走集曲折處歸以語人曰河套可復也時大將軍獵得名馬悍齧不可絡懸雙蹄秣之大將軍飲之酒霑醉矣前曰吾欲一試或諫之此馬驕豢思故水草縱之卽驀塞去矣不聽強警勒跨上果大嘶噉掣如暴風雨去幾薄虜王庭急以兩袖撲馬顛障其目甫控取回道須臾至矣門外屢騎交錯客座常滿數從里中貸金錢貫酒餉客歲斥父產償之最後客益集產益落里人出責者沓奏詢於門親族相唇至舉以爲諺丁丑與計偕越

本朝分省人物考

卷三十八

三十六

南直廿九張奇

元且後不能裝已進士射策擬第三 天子親擢第一里中人始狂顧嘆鄂矣江陵當國負意寵收人材宿其名器愛重之又憑其子嗣脩同鼎甲連結爲通家好朝夕往還卒亦不可得而親踈也亡何江陵相有父之喪奪情之議起日絮語其子嗣脩輩勸奔喪已移書李侍郎某切責臺省官侍郎江陵所親特主奪情議者也未幾臺御史保留疏出未幾六科九列保留疏出聞之髮豎于頂曰勉留出自 天子可耳出自言官若何人道盡矣戟手拉其同官吳趙兩君子倚之角之吾三人事也吳趙兩疏上曰是且不測

吾意不得獨生則豫為草疏救兩君兩君疏上之三
 日廷杖命下則袖疏入長安門遇座主徐吏部詰以
 所往因索疏觀之曰中有謬誤可再商也疏既不得
 上志意無所伸於是飲淚吮血調兩君出國門遂移
 病歸歸而相國聞前事乃大恨怒我愛沈生何如者
 沈主乃爾何望他人為然而江南大吏爭欲陰中之
 以市江陵矣會宣有吳生仕期亦嘗為擬上執政書
 大吏竟屬所私以妖言律捕仕期下於獄欲以鉤致
 懋學仕期死蕪湖獄中竟不肯承誣由是得免因與
 所善馮開之屠長卿為虎丘西湖由拳橋李之遊雙
 本朝分省人物考 卷三十八 三十七 南直廿八 范王
 鬢絲竹晝夜歌舞不廢或有危之者曰中外貴官方
 四跡先生盍閉門謝客斷聲伎可乎不答久之江陵
 自覺不容于正人亦偃蹇失意而其諸子數書敦迫
 謂言其父志不能以金馬尺席地留君與也而一時
 林伏諸君子輩趣之出為治舟宛水之涯若為將駕
 然者而以一日病死矣死之日州里遠近不問識不
 識咸咨嗟歎恨其不可作至萬曆庚戌子有則成進
 士官行人乃始交手而相慶曰名臣有子然未幾亦
 卒于官

蔡逢時

蔡逢時字應期別號鰲陽宣城人也生而有奇紋繞
 腹高肉二指十歲能屬文即已下帷攻苦不丙夜不
 休萬曆丙子舉于鄉時計偕者盛輿馬騶從獨緼袍
 策蹇走數千里奏牘南宮丁丑中禮部試會傳母夫
 人病篤即兼程以歸抵南徐聞訃一慟幾絕居喪三
 年足不及有司門猶然授徒自給而已庚辰廷對授
 浙江海鹽知縣邑苦潮患間井蕭條稅糧夙為猾胥
 所主與里豪共為乾沒積不可搜剔比至廉得其故
 令輸戶與糧役覲面籌算絲毫無得欺隱者宿逋立
 清又邑中豪室匿其田額以其虛稅竄之貧者下里
 本朝分省人物考 卷三十八 三十八 南直廿八 范王
 疥丁守空戶以待役荒區零戶並正額以齊徵沿習
 既久民憊益深會有文畝之役於是銳意更始積畝
 為里履畝而稅里既均而糧自不得詭圖籍以正饒
 瘠得平豪大家不得有所撓令下雷讙咸拱手加額
 曰二百年來始得此公平世界已乃積厥粟以備凶
 歉築臺堤以障下流富而且教人文鼎起治行於兩
 浙稱最前後薦剡咸以卓異聞應得內召會隣封宵
 人踞都諫以不得關說故移授儀部祠祭司主事濱
 行戶頂香板留士民走數百里擁衛不得發飛塵空
 集屋瓦皆震既去而碑版祠祀不一而足抑不知佩

德之深何以刺骨乃爾已而移儀部員外郎中議藩封清祿糧著為令凡代祀禱雨壽宮山陵者再四有鎡金文綺之賜癸巳陞浙江按察司副使備兵既括兩汛躬為防守組甲一新王中丞弘大擊節噴噴不已乙未春斬獲倭七十餘人義當捷聞會朝鮮之役大司馬力主和議恐以斬殺生倭虜心兩臺懲吏之掩其事逢時抗言持不可謂將士血戰誦其功何以勸後來乎當事者反以蜚語中之補調廣西蒼梧道鎮稅四出粵瑞尤橫每事力裁抑之瑞窘甚乃置酒以好語相慰誘曰某在公轄內而輒掣肘如此恐無

本朝分省人物考

卷三十八

三十九

南粵八

井德

以報 聖天子命曰吾非故與公左粵西不毛稍一動搖於國奚賴如事事關白可行無失 聖天子愛養元元至意吾寧有意與公左乎瑞使唯唯終不得肆志以去陞河南參政分守河北河方四潰人民流徙又苦盜賊橫劇於是築沁堤懷衛間河由故道永不為患戢巨盜禹州界民獲安堵拒山東協濟之派分扼親藩出入之有度至吏有不職者即百足之蟲必逐之去才有可策即小吏注下考必為申白大槩守正不阿必行已志而後已丙午轉右布使攝司事已酉擢四川左布政使已離汴河而會沈中丞季文

袁左轄奎兩不相能皆先後同年僚友也力從中平停袁反疑之深乃中以流謗而毅然投轄歸矣歸則絕口不譚時事不與朝貴通一寒暄問訊屏坐處亦不喜為耳目之玩種花植卉并非其好一榻兀然圖書數卷而已間與同志者商訂性命之學往來雲山水西間里中鄉紳林居者結為真率社月再會會必竟日杖屨所至大暢襟期而後返于于徐徐蓋七年而以乙卯卒年六十有八卒之明年鹽官士民相率走吊墓下咸大慟而去未幾崇祀名宦亦幾於召伯之在陝南朱邑之於桐鄉矣

本朝分省人物考

卷三十八

四

南粵八

葉 燁

葉燁字文光號玄峰宣城人萬曆丙戌進士除上高令調煩餘姚餘姚為兩浙最繁劇邑治之以靜默閒雅寬然歲月有餘汝洗牟山諸湖及海墾地多為豪有力者所侵清復之并作堤堰盡蓄洩之制碑之以垂永久秩滿遷戶部主事歷員外郎中出為河間知府始至遇大旱饑且疫斥鍰勸輸具粥藥所全活無算任丘有殺人而其叔中常侍為其得緩死竟論如法陞浙江按察副使備兵寧紹時有市故中丞居者馮勢侵據至折其舊估之半追如其直而止禁俗之

溺女與好言機祥僧尼巫覡之流一時震洗未數月
疏請致仕兩臺力挽之至六七申請再不得封篆間
道以歸煒容貌豐腴意氣溫夷平居絕不見喜怒及
臨事挺直無所牽隨居嘗曰天下惟道德不可毀世
間獨真實能長存佩其言可以維俗

梅鼎祚

梅鼎祚字禹金宣城人叅政梅公守德季子也孕七
月而生幼清臞甚然英穎絕倫始與兩兄俱補邑
庠隨餼廩一月而兩兄相繼捐逝叅政公哀悼之極
更抱隱虞恒欲其焚筆硯棄諸生而寄業于太學謝

不朝分省人物考 卷三十八

四十一

南直廿八

非所願也請以百金治裝南遊秣陵至則盡傾橐金
市書以歸杜門伏誦者三年凡三蒼六籍以及百家
之言無不淹博時宣僻處一隅無四方人士往來俗
樸固而質木從未有治古文辭者三年內謝交息游
獨時時與沈君典私相劇砥時出其所為詩若文者
呈叅政公輒擊節稱善因以質於王元美汪伯玉劉
子威諸人無不遜心歛避者鼎祚生無他好手不識
衡量目不知綺麗足不履田塍凡飲食寢處悲喜愉
悴一寄于書居嘗謂曰吾於書若魚之於水一刻失
之卽無以為生其為文深心精詣不豪于才不伎于

氣字字咸有思詣法嚴而語工與元美諸人狎主齊
盟懸書滿于國門金石之文徧于遠邇卽織言刺楮
猶足以果學人之腹而性復至孝叅政公里居時日
侍左右以色養歿而事母恭人終身為孺子慕百道
承順務斬得其歡心萬曆癸未巳當歲序有司促裝
赴選母恭人偶抱疾未瘳終不忍捨而去陳情于督

學升其次者後以內艱妨兩選歲巳丑始以序貢然
年甫及艾耳或勸之仕不就太倉相欲以孔目薦之
謝不赴晚讀書於蕙樓以一素帷幕之誦輒達曙老
而愈篤久之膏地薰漬帷上布皆易而為緇當是時

不朝分省人物考 卷三十八

四十二

南直廿八

海以內無不知有梅禹金者或以使事宦游過宛上
問道就訪劇譚終日而去曰得見禹金此行庶幾不
俗而郡邑長吏干旌造其廬時時賓禮之每欲得一
言以為重然有賄之居間者推而遠之若將浼焉梅
氏之族殊富隆貴甲于國中族子弟間佻脫自恣歲
時蒸嘗合而聚于祠中會諸長老檢押之面扶其不
率者若何事縷縷數之令其愧改故群數百人不聽
于族之富貴者而奉其一言紛解爭熄循循然凜于
德讓先之以躬行教自尊也論者嘗謂才士多無行
此語獨于禹金不驗矣歲乙卯疾將革神情不亂言

一萬一千六百...

笑晏如口占數詩而瞑所著有鹿裘石室稿子寧草
庚辛草近集未鐫輯有書記洞銓八代詩乘古樂苑
宣乘翼才鬼記青泥蓮花記漢魏詩乘行于世

戚悌

戚悌號節軒宣城人謙和清謹以太學生爲南海丞
萬曆癸未清理戶役悌董其事悉心釐革餽送一無
所染事竣一邑稱平當事者委覈疑獄情法兩全不
爲苛比有豪奸撫拾中於藩司邑民代爲訟誣累數
千人會邑令段克允入計當道以署篆屬之從民請
也後遷判山東曹州去士民垂泣而相語曰安得復

本朝分省人物考

卷三十八

四十三

南直廿八

有廉惠如戚丞者乎邑番船出入丞主權稅後里中
有爲南海丞者獲貲巨萬重貨無算當悌歸時垂橐
而入僮僕咸有饑色卽魯山一縑亦無有也兄慎登
嘉靖甲辰進士仕至楚雄知府猶介自持洗手視事
冰蘖之操始終若一卒于官至無以爲殮具而與悌
同時者有松陽簿嚴有敬亦以清介寬仁見稱云

何通泰

何通泰字季貞以字行寧國縣杜遷鎮人也幼剛奮
有大志及壯當元至正間四方兵亂所至荼毒乃倡
義合其鄉之人馮其故所有之土城結兵修堡結爲

行伍以障一方稱名社長衆則以義兵爲號云紅巾
賊曰倪文常者率衆掠其境以鄉兵易之夜爲劫城
之計張左右翼出擊大敗之斬首數十級賊遠遁後
斬黃兵壓境本路守臣楊公仲英欲乘其未至逆之
通泰上其議謂戰則城薄而民疲難以持久不若嚴
兵固守彼無以測我虛實且意在他往非決志頻兵
於此無櫻其怒庶幾保無虞耳後果如其言楊公重
禮之至正十七年 大明兵下寧國楊公出降喜曰
天命有屬吾輩可安堵無擾矣議將撤衆歸農而僞
吳兵突至連衆數萬夾攻其壘遣人招之降不應攻

本朝分省人物考

卷三十八

四十四

南直廿八

愈急勁卒劉因善言于通泰賊勢甚張衆寡不敵降
之便立斬以徇賊渠魁躍馬而呼曰降則富貴立至
敵則髮髭不遺通泰曰壯士死則死耳豈從汝爲賊
耶命其弟通虎射之應弦而斃賊怒縱火焚之城陷
通泰慷慨謂衆曰事至此無能爲汝衆可降吾義不
受辱也遂自頸衆曰公死吾屬何以生爲俱赴火死
無一降者萬曆十四年里人上其事于有司立祠祀
之額曰義烈論者比于田橫之客而其名尤正云城
未陷之先有義僕携其少男匿山谷中事平力耕以
贍數傳而後族乃大蕃今有孫一蛟居金陵之江寧

星

張 榮

張榮字士儀別號本靜涇縣人幼聰穎異常五歲口授諸書義即了了常聞雞聲忽呼其母曰小學云事父母雞初鳴咸盥漱今雞鳴矣何不起母笑曰汝纔讀書便曉其義耶應曰我願為此豈徒曉焉而已聞者知其非凡兒八歲就外傳能屬文十歲遍治諸經有聲鄉邑十三遭父喪朝夕哀悼不離喪次執禮如巨人十五學益弘博為文切理不拘時格十七當甲午會北江聞人公校士宛陵閱其文嘆曰何物英俊

本朝人物考

卷三十八

四十五

南直廿八

而究理若是首拔應試補邑廩員自是譽日隆隆起祭益究心時務慨然有經濟志觀書獨得大旨嘗語人曰吾輩誦法孔曾豈瑣瑣章句為哉尤精于易中丞澤江歐陽公撫江南延為塾師與論易大奇之曰仕儀論易即田何復生無以過也越二歲歐陽文莊公為南祭酒倡道金陵講明陽明先生之學因往從之文莊公與之語即言下領悟自是服習其教累年不歸稱為高弟繼從東廓鄒公緒山錢公龍溪王公遊銳意研求謂聖人可學而至歸築室聚徒日夕會文講道其間每論經傳發揮入微談世務切中肯綮

疊疊若懸河指點人病痛輒中膏盲聞者多所興起

或至泣下以故無論遠邇悉造其家學焉南都江浙

吳楚之間所至名公鉅卿咸折節加禮貴者忘勢長

者忘年有古王通氏風先後督學如午山馮公裁菴

楊公象崗胡公翠崖黃公每試輒居首極加敬信守

已嚴介毫無私請從者亦莫敢干以私廣德張守聚

徒百餘敦請主教未旬多士翕然興起臨行以百

金贈之辭曰吾得英才而教育之足矣堅却一無所

受產不及中人或勸為子孫計笑曰終日營營為兒

女謀吾實恥之事母董氏至孝每夜必聚兄弟子姪

本朝人物考

卷三十八

四十六

南直廿八

何水母側病則親供湯藥汚必躬滌不遺諸婢每事務得歡心母嘗語人曰某兒在家即病可勿藥愈也事二兄若父弟棣尤母所鍾愛孳孳教之補邑庠生尋欲就例即捐已產助之歲辛亥母董氏病篤夜跪額天願以身代及卒哀痛踰常三年戚容不改築永思山房守墓不離尤敦睦宗黨著張氏家規遇不給者隨其所有助之歲值荒歉百計賑貸族有子弟之才者多方誘引自是張氏內無訟外無侮文學之士日彬彬出焉與朋友處每以名節道義相勸勉事有不直輒極口直言至於利害以身任之一時涇之士

氣感知振作倡義捐貲建水西精舍迎緒山錢公龍溪王公歲臨主會與貢受軒周訥溪沈古林諸公合併論學涇之人士津津日有興者由是水西之會名天下其學以孝弟爲本以名節爲重以收斂精神爲切要以對景磨瑩爲實功以萬物一體爲志願以繼往開來爲準的性資英邁精神爽朗即意氣眉睫之間能轉移人心真有囊括宇宙睥睨千古之意一時見者傾心聞者景仰真豪傑士也雖微有英銳之氣而爲世扶名教之心識者恒諒之矣

補遺

本朝分省人物考

卷三十八

四十七

南直廿八

吳原願

吳原願宣城人宋狀元潛之裔孫也博學明經善詩文隸書洪武間爲本府儒學訓導歷國子博士致仕後應召纂修永樂大典書成乞歸特賜金綺馳傳以榮其行

陳效

陳效南陵人成化辛丑進士任戶部主事歷員外郎中庶正有爲曹務具舉大司徒秦公鉉雅重之諸司有缺咸委攝焉察案每有舉動必諮而後行嘗以磚石甃諸倉儲積地米無泥滓浥腐之患實爲永利擢

知興化府政事文學愈精士民感悅閩稱良守後忤逆瑾以歸所著有東江集

王溥

王溥字景淵涇縣人任泉州府經歷時逆賊鄧茂七等流劫七閩人皆披靡影匿溥獨嬰城自固晝夜畫戰守之策擒斬有功賊退復合餘黨復奔匿屬縣標掠爲害溥自督兵隨在勦夷民始安又事平陞本府推官卓以能廉著譽未幾卒今祀于學宮

蕭瑞

蕭瑞號赤山涇縣人正德戊辰進士出知靖安邑當

本朝分省人物考

卷三十八

四十八

南直廿八

凋敝民多流徙瑞至一意招撫約已裕民初不爲驚擊勾距之政未幾流民復業者千餘家邑漸殷阜有劇豪方嘯衆爲亂瑞密遣人獲其魁渠其衆盡散民向也恇懼今也帖息亦莫有能明言其功者久之以王文成薦改令廬陵立保甲清徭役提衡于畫一之規而民戴其清淨焉徵拜南京福建道御史風稜嶽嶽正直不回以見忤當道出爲僉憲陞福建參議致仕歸

崔涯

崔涯字若濟太平縣人八歲卽有文譽嘉靖中進士

選授監察御史遇事敢言慨然以天下為己任時稱為真御史視饒河東疏塩政七事歲凶賑活甚眾晉民祠祀之既按福建陳山海十二策至若妖虎投斃孽鵲冤平咸為異政後劾汪冢宰鉉忤 旨見斥著有筆山文集

屠義英

屠義英字淳卿號坪石寧國縣人嘉靖丙辰進士授戶部主事給餉至邊制臺聞其名郊勞贈賂禮加隆焉竟謝勿受無何監山東兌逢歲不稔民艱于徵輸故為寬其期會民德之爭輸恐後尋轉貴州司郎中

本朝分省人物考

卷三十八

四十九

南直十八

邊儲向從改折庾廩空虛請自雲中上谷營平漁陽諸險塞處覈士馬之數而贏縮其芻糧俾緩急足恃分宜柄國歛足戢影不一濡足故十年不得調久之副浙憲督視學政汰澆薄釐浮靡士子轉相告誡惟視躬飭行之是兢兢守父制歸起復視學四川陞參政累轉南太常少卿攝南京兆篆方正不撓有故交干以私峻拒之會雍士久弛于繩檢 朝議重其兩督學政士風丕振以南太常管大司成事亦異數也躬聞性命之學諄諄提諭園橋門觀聽者聞所未聞爭自濯磨于聲實焉會江陵有父憂南九列競疏奪

情聞之喟然嘆曰黃扉之上墨纓聽政不能爭顧導之耶况儼然為人師表寧與世浮沉為曩倫玷迄不署名以是忤執政會晉光祿正卿即拂衣而歸臺使交疏薦起堅卧不應竟以疾終有司奉其主祀于賢祠 神廟特恩賜之諭祭于立極丁未進士官太守玄圭庚子舉人

周希旦

周希旦旌德縣人嘉靖壬戌進士授興化府推官時當倭夷殘破民不聊生一意寬恕以撫瘡痍平反者甚眾民無有聲冤于肺石者徵拜陝西道御史疏請

本朝分省人物考

卷三十八

五十

南直十八

崇 聖學保 聖躬劾閣臣高拱恃小材而乏休容之度并劾其黨落職家居十七年後科道會薦起補浙江道御史條陳止貲途罷內操御經筵巡視京營上足糧養馬補伍省役四事晉尚寶卿轉大理寺丞陞應天府丞時值旱荒請發帑金二千復節省千金以佐賑貸全活甚眾會有修却者以年老論罷時年甫六十二也不復疏辨投綬而歸曰泉石煙霞吾素志也後以上壽終于家

張克家

張克家字有光宣城縣人嘉靖四十四年進士由戶

部主事改雲道御史建言降濬縣丞隆慶六年起戶部主事累陞雲南副史卒歷官數十年囊無贏貲里無拓壤今子孫有貧不能自給者

蕭 彥

蕭彥涇縣人嘉靖間進士任杭州府推官讞斷明允民自不冤徵拜禮科給事中轉戶兵都給事前後章疏凡數十上如罷復丈議懇田議河西防夷諸論條晰諸邊機務無不關切于時政者陞太常少卿未幾擢僉都巡撫貴州雲南鄖陽總督兩廣四任開府節制諸番皆居蠻烟瘴雨之中更值傾敝敗壞彥忠猷

本朝分省人物考

卷三十八

五十一

南直廿八

式著恩威並宜在黔則樽俎而擒逆寨在滇則指顧而靖亂兵折世師之驕杜暹羅之請皆能不動聲色逆折陰萌豐績偉功昭于夷夏人稱爲兩間清淑一代珪璋洵非溢美云陞戶部右侍郎卒于官 恩賜祭葬贈都察院右都御史謚定肅

葉永盛

葉永盛字子木涇縣人萬曆十七年進士由蘭溪知縣選雲南道御史二十四年巡按江西二十七年巡鹽浙江力抗內璫保護商民奉有 嚴旨欲加浙稅若干力諍而免浙人建祠于西湖以志不朽三十五

年陞太僕寺少卿尋請告歸居家閉戶習靜絕不與外事未幾而卒

蕭 雍

蕭雍號慕渠涇縣人都御史彥之弟也生平志於聖學每從諸先儒語錄錄彈精尋繹務窺其不言之奧其視世間榮利若委塵耳萬曆癸未進士工部主事陞員外郎中雖壯歲升華常有歸田之志出參議江西浙江副使督視學政精心品鑒不爽錙銖而尤以敦名行重實學爲先兩浙稱公明焉事竣竟投劾致政而歸矣久之而臺疏薦復補廣東副使從左叅政

本朝分省人物考

卷三十八

五十二

南直廿八

轉庶使而浩然之志堅不可回累疏乞休甫得致仕益夙抱碩寬之樂而澹情簪組之榮者也今祀賢祠

麻 溶

麻溶宣城人萬曆癸未進士授戶部主事管青江浦開有廉譽轉銓曹歷驗封司郎中出爲叅政庶使陞山西左布政使所至猷望茂著風紀肅張懲墨斥貪能聲奕奕庚子歲卒于途年四十有五耳撫臣魏允貞特以清正疏聞 詔贈光祿正卿祀于賢官

吳仕期

吳仕期宣城人萬曆己卯江陵相不奔父制乃以積

威關言者之口仕期憤然以三綱淪矣大倫敦矣擬
 爲上相國書媿媿千餘言內有舉朝皆綿羊皆啞子
 之句書未上而其稿已有傳于外者南操院胡橫江
 陵私人也太平同知龍宗武爲橫里人相比而命選
 者獲之置于燕江獄內當宗武讞問時梏而訊之曰
 爾一書生何知朝事或親識中有諭之指者一舉其
 人爾罪可脫意蓋耽耽于沈公懋學也仕期曰男子
 生負剛腸有所觸而爲不平之鳴此事何假人筆舌
 爲榜掠數百身無完膚終無所承認橫乃以其事聞
 于江陵江陵回札曰孺子何足較斃之杖下可也宗
 武于是命獄卒絕飲食五日不死獄卒私以囊沙撲
 其面凡七日而氣絕士莫不聞而寃之至萬曆辛卯
 孫公惟城爲南臺御史其婦貢氏抱孤憶錄奔號南
 中孫公具疏以聞得旨下於理而橫與宗武皆遣遠
 戍 勅賜建坊以示風勵復祀其主于學宮

本朝分省人物考

卷三十八

五十三

南直廿八



人物考卷之三十九目錄

南直隸池州府

陳敬宗

黃觀

鄭景曜

胡本惠

孫仁

陳輕

張廷瑞

李廷章

許潛

胡森

柯相

宋邦輔

李呈祥

柯喬

徐紳

畢鏞

本朝分省人物考

卷三十九目錄

十一

南直廿九

李一元

施堯臣

余毅中

章時鸞

李嘉祥

潘大承

丁旦

楊日森

周聘

廖廷皓

補遺

柯暹

張輝

王應乾

方新

目錄終

本朝京省人物考卷之三十九

南直隸池州府

陳敬宗

陳敬宗貴池人洪武乙丑進士授刑科給事中永樂初論時政為陳夷齊推遜之心胡虜背服之機董子正心之論謫鄆縣丞峭直愈厲未幾以極諫死已祀府祠

黃觀

黃觀字瀾伯一字尚賓貴池縣人父贅在城許氏生觀遂從其姓少以書補邑庠生嘗築翠微書舍讀書

本朝分省人物考卷三十九

南直隸

其間受業於元翰林侍制黃暉觀益慷慨砥礪以忠義自許洪武甲子應貢入太學即發解京府尋罹外艱戊辰十月起復仍入監造詣益深嘗繪父母像為圖携以自隨閱之淚下明年會試第一廷對禦戎策大要以天道福善禍淫之機人事練兵講武之法為言高廟嘉之擢狀元及第時年二十八除翰林修撰日侍御前敷奏明爽上甚眷重每賜顧問命編寫省貪錄又以其有政事才凡法司諸榜文令撰成即書之又令清理軍職貼黃兼管註銷諸司按牘二十九

改官制增設左右侍中員次尚書遷為禮部侍中仍

兼尚寶司卿始奏復黃姓與方孝儒等日見親用靖

難師起成廟自軍中來請誅齊泰黃子澄二人以

息兵觀奉命當制諷其散軍歸藩或束身謝孝陵

辭涉詆斥時北兵已至平原明年渡淮觀往上游諸

郡徵兵入援奮不顧身且行且募兵至安慶成廟

已過江矣下令諭京城軍民暴左班文職奸臣罪狀

觀名第六而羣民推戴成廟即位索寶不知所在

或言黃觀取寶已赴上游起兵矣即命有司追捕沒

入家資收其妻翁氏并二女給配象奴初觀駐安慶

本朝分省人物考卷三十九

南直隸

聞變慟哭謂友曰吾妻素有志節必不受辱越明日其家僮自京逃來言狀是日翁氏果被象奴叱出金銀釵釧之屬市酒殺以供合歡之費伴順諾悉解與持去奴既出戶即乘間率二女及家屬二人俱赴淮清橋下死觀遂招魂葬之江上李陽河聞報者曰上已出奔過池之建德而羣臣奉新皇帝即位今三日矣觀自分大事已去力不能支乃朝服東向再拜於羅釵磯湍急處始舟人奮棹伴為洩解投水而死舟人急以勾挽之僅得珠絲棕帽後追捕者得之以獻命購其屍不獲疑有匿之者遂族觀家且逮其

姻黨者百餘人詔繫獄 仁廟初悉放還其發戍邊

徼者又數十人景泰中進士邑人徐仁使遼有老卒

朱徽給事公館亦以觀累戍邊者徽故為諸生嘗從

觀遊問舊事且泣且言甚詳翁氏池口人沒時有版

其屍并二女具棺斂以待 朝命不報天順池中人

至南京柳林破棺猶有存者詢之父老咸曰此黃狀

元妻女云郡人柯暹曾作觀傳匿不示人近清江龔

守愚知貴池始於學宮西徧即其故址立祠祀之今

有闡幽集刻其試文革除錄云初郡縣為建狀元坊

隨以培獨存其扁於故家後議復建乃有持以獻者

不朝分省人物考卷三十九 南直隸 徐仁

人咸驚異云今金陵賽工橋亦有翁夫人暨二女墓

蓋夫人及二女死時屍流至此土人憐而藁葬萬曆

癸卯青陽施益臣始為封樹立祠請於京兆春秋祀

不絕云又南禮部建黃公祠于文德橋之左皆前左

侍郎臺山葉公題額

鄭景曜

鄭景曜建德人永樂甲申進士授監察御史勁直有

聲按遼東不避權宦察奸臣儲欽巫愷等人皆危之

曜曰苟利社稷生死以之違恤其他陞貴州左叅政

奉命征管子坪有功 朝廷優賞後致仕

胡本惠

胡本惠銅陵人正統舉人任戶部主事陞南昌知府

簡徭輕賦興學課士政多宜民遷左布政轉左擢右

副都御史有德量時稱長者致仕歸里林臥二十年

享年八十有九賜祭葬如制

孫仁

孫仁字世榮貴池人仁自幼器識不凡為郡庠弟子

員郡博及守貳每賓禮之提學侍御孫公屬有司訪

求諸生中有德行者置德行簿註名其上仁得孝弟

忠信四字正統丁卯舉於鄉景泰辛未第進士奉使

本明分省人物考卷三十九 南直隸 徐仁

稽禾平山海邊餉賜白金勞之明年授南京戶部主

事天順丁丑改工部提督濟寧等關庚辰調戶部督

糧於畿郡監收於京倉所至俱有條理大司徒張公

都憲軒公雅重之癸未擢知順慶府二公深惜其去

中道丁憂杜門讀禮服闋未上改西安府治行異等

人吏悅服成化戊子固原變作王師遠討供億實繁

仁內理郡事外給軍餉百爾徵需未嘗乏缺賊平之

後優詔獎勵癸巳遷右叅政所部涇陽縣舊有洪口

堰山高水下不利灌溉至是鑿山開道人咸異之明

年督修邊墻以禦外侮二役雖都憲余公為之經畫

而周旋從事實仁之績也丙申晉右布政使時流民移聚漢中荆襄間渙無所統都憲原公奉詔撫安之仁贊襄其事輯寧是圖不忍驅殺已而議設白河諸縣編藉以居至今安堵明年轉左布政使又明年擢右副都御史巡撫蜀地先是孝感張瓚蒞蜀挾才喜事屢造邊釁人多苦之聞仁先聲私相慶幸比至簡重沉靜與民更始嚴無峭刻寬無縱弛松茂羗人憑險出沒阻絕餉道時時召其酋長諭以朝廷威德後更抄掠聲罪討之渠魁授首居人以安前後受詔獎諭者五有白金綵幣之賜凡地廣事繁僻近蠻夷州

本朝分省人物考

卷三十九

五

南直九
劉奎

縣皆分地立縣或陞爲州或易置長吏以臨之己亥叙慶諸郡歲穀不登輒取公帑賑卹之且復其家二年招集流亾多所全活待士大夫極有禮義宋學士景濂墓在蜀郡城東門外爲山水所囿公命有司遷葬且存恤其後人在蜀八年凡其所行皆可稱述乙巳召爲戶部左侍郎尋請骸骨歸復蒙恩詔晉階二品典刑鄉里未踰年卒

陳 輕

陳輕青陽人天順甲申進士任南京刑部主事決獄詳允庭中稱平爲閩憲勞心公務力彌民患隨節所

駐有聲時漳南宿寇竊發帥兵討平之凱旋卒于瘴疫歸視惟圖書數卷而已

張廷瑞

張廷瑞貴池人領天順壬午鄉薦任龍泉知縣其治民也若理家政纖細畢舉於閭閻老稚無不盡之心善政惠人生民樂業至今廟祀之擢監察御史清理屯田盡革中璫侵占之弊軍屯感德累封言時政有聲憲臺

李廷章

李廷章石埭人成化丙戌進士授南京刑部主事歷官雲南副使恩威兼至番夷信服時土司倡變不煩兵刃立擒元惡境地以寧疏邊務六事多所施行尋以疾乞休致政家居杜門自守

許 潛

許潛貴池人弘治己未進士授行人轉監察御史剛正不阿犯顏直諫嘗監內帑權璫斂避凡朝廷大政人所不敢言者潛侃侃陳之不顧忌諱一時稱名御史云

胡 森

胡森字秀夫別號未齋青陽人自幼英特迥邁不凡

幼齡入黌宮博究羣書為文雋拔領正德丙子鄉薦庚辰中式禮闈越辛巳賜進士第授南京刑部主事繼陟本部員外郎明察廉平寬惠信決平富民沈氏之訟父子兄弟咸輸其情聽訟之中教化行焉察鑄錢之私併得假官之狀請託之杜摘伏神焉告視事一月囹圄幾空不激不隨有學有守遷吏部稽勳司郎中再轉考功廣詢博訪誓心秉公於是大禮議起矢議諸臣皆就外補執政欲追前尤為從容回幹士類藉以保全太僕卿楊公時為寧波守以剛方忤部使被論獨為之解釋復奏卒以忠諫顯有憲司在議

南直廿九

七

徐渠

黜例者首相欲私庇之竟黜之不少貸考績事竣歷轉文選司郎中明揚側陋惟其賢不惟其類辟引善類斥罷貪庸士途為之一清陞南京太常寺少卿時有祀典明禋之疏求無愧於天理民彝之極已署光祿寺印華厨役之濫輸省廩孽之冗費却署官之餘金不以非其職掌而漫不事事者癸巳北補太常少卿提督四夷館官階清要士民傾心無何以內艱去任扶柩歸葬結廬墓側安禮備至服闋筑筑在疚四期始起赴京又以漸於請謁忤首相補南京鴻臚寺卿局閑事省減去直役時與涇淮霍公泰泉黃公東

郭鄒公泉亭吳公談說理學講明國是以需大用因災異許令自陳三疏乞休遂得致仕嗣後內外交薦皆不報大中丞歐陽公必進雖有特疏之薦而高尚之志決矣躬飭粥調藥餌養封君中憲公又十餘年壽躋大耋而卒年亦邁矣而哀慟居廬動必如禮營墓建祠皆親課弗懈又聿追前孝家廟之在青陽者皆修葺而拓其基焉餘惟杜門九峰韜養自晦優游林下者凡二十餘年而卒

柯相

柯相貴池人字元卿號獅山正德丁丑進士知吉安

本朝各省人物考

卷三十九

八

南直廿九

永新值逆濠反督府王守仁吉守伍文定舉義師相集兵三千隸守仁而身居守事平守仁以首功六級與相辭不受後丁艱補商河歲饑賑濟有方全活甚眾既為南吏科給事中劾去官邪數十裁省內府暨諸司庫藏鉅萬尋遷藩臬巡撫陝西河南改督兩廣未赴歸撫陝西時為築臯蘭邊牆三百里虜俺答不敢犯後論功遣官賜金帛于家相為人剛正耿介其按察浙江往巡按來臬司必撤公座相獨不撤其里居謂御史非守土官每行其中道丰采嶽嶽類此著有獅山文集奏議公移諸集

宋邦輔

宋邦輔東流人字子相號菊江嘉靖丙戌進士任行人授監察御史尋以疏斥權倖落職還家繩樞甕牖環堵蕭然而輔忘懷得失惟服勤畝畝以孝養于母妻井井白子樂樵牧雖貧無宿穀了無戚顏歲時伏臘與田夫村老為山歌野曲之樂貴賤之分漠如也高風峻節竦動遠邇凡士大夫造其門者必先屏紛華而後入使在聖門其原憲之流亞與

李呈祥

李呈祥貴池人字時龍自少有必為聖人之志歲三

本朝分省人物考卷三十九

九

南直隸九

十九應貢上春官謝恩歸隱築尚志軒日端坐其中尋孔顏學脉聞王新建倡道江西往與辨析同異踰六月而返觀風于池者無不景仰造盧湛文簡公冢宰留都特飛軒過訪守令侯公緘陸公岡曾公仲魁陳公璨相繼具行實薦之當路擬徵聘不果巡按張公雲路扁其門曰名賢配汪氏同心襄德子敬之以宦業顯於官蘊之以溫恭譽於鄉克世其家刻有古源日錄知行二論行於世已祀府祠

柯喬

柯喬青陽人字遷之嘉靖己丑進士官御史陞憲副

初遊貴池李呈祥之門篤志向學及聞王明陽之教

心體豁然隨地取人因材曲就後備兵海上與朱中丞統協力勦倭以忠勇獲罪晚歸田里自青陽徙入府城近李公尚志軒自聯其門曰依仁此為宅逃名不問山尊師之意至老不倦云

徐紳

徐紳建德人號五台嘉靖辛丑進士筮仕蘭谿令與海忠介令所相鄰亦最相契慕旋以卓異晉北臺御史戊午監臨江西鄉試所簡拔極一時之選歷官至薊門開府未老投閒自放於山水之間一觴一咏絕

本朝分省人物考卷三十九

十

南直隸九

不問家人事年七十七歲刻有瞻竹堂詩稿

畢鏘

畢鏘石埭人字廷鳴嘉靖甲辰會魁初授刑部主事歷官三部尚書七十致仕八十賜夫米加太子少保九十三歲卒贈太子太保賜葬祭先三蒙存問鏘歷中外四十餘年政績炳著難以殫述其為南京戶部尚書時江陵執政持正不阿力疏求退江陵事敗復起南工部尚書改南吏部已轉北戶部譽聞政隆年力政壯而遂引年托疾乞休知幾知止是為難矣大都學深於老子致柔善下出處如一清心寡欲壯年

已然以故達尊兼三五福咸備非偶爾也池陽以來一人而已

李一元

李一元建德人號陶山登嘉靖丁未進士筮仕開州擢南部守金華督學天中再入太僕歷鴻臚司銀臺轉兵刑右堂巡撫江西歸田氣節文章皆有可述辭受取與毫無可疵市無一椽野無勺土性喜讀書蚤年著作甚富稿多散逸子姓檢其奏疏及諸作三百篇刊藉藏於家已祀本縣祠

施堯臣

施堯臣青陽人號華江登嘉靖庚戌進士初授蕭山知縣築城甫畢倭寇踵至民保無虞皆其力也閩邑到今尸祝之冢宰李默先罷政過蕭山極其尊禮後復起吏部經過澹如也李公以是重之特簡銓司官至京兆林下數十年九十餘歲卒

本明分省人物考卷三十九

十一

南直隸 陳元

余毅中

余毅中銅陵人號內齋嘉靖己未進士初授武昌府推官屢決疑獄號稱神明值景藩初封闖監橫恣力抗之選入銓部薦賢起廢才名燁然因受知徐文貞而見噪新鄭遂外轉終廣東廉使林下三十餘年詩

酒怡如也享壽八十時畢司寇施京兆皆九十詩筒往還人號為三壽作朋云

章時鸞

章時鸞青陽人父夢金甲神授以孟子小像置膝上遂誕鸞生而弘毅剛正善辨論盡事理英氣勃勃不屈有孟夫子風後遂以孟泉自號云嘉靖癸巳隨其從兄廉州府推官入太學登祭酒東郭鄒先生之門遂受春秋於淡軒錢先生學成歸以儒士中應天鄉試壬戌就選得鄒縣令鄒固劇邑土荒民逃幾不可為至則勤勞撫字招集流亡勸之耕織而邑為樂土

本明分省人物考卷三十九

十一

南直隸 陳元

時河淤漕阻 天子遣朱侍郎經理其事開府濟寧朱公令沿河官集議首倡開南陽新河用其策底績論功朱進官大司空鸞衢州府同知司空又奏改交州管理河務隆慶辛未大計舉卓異賜宴與幣九月擢保定知府壬申九月用給事中雒遵薦陞河南按察副使督築黃河南隄往來相視不避風雨舟居經年遂中濕兩髀痛劇乞休歸歸四載河南吳尚書復奏起用勉強赴命會吳公卒病亦作遂復告休歸不逾年而終歷官十三載妻子不入官舍惟携一僕自隨其由兗州之保定保定之河南也往返惟敝衣笥

二行李蕭然在官俸入多捐助公費所餘三百金置義田五十畝以贍同祖子姓雖二子食貧孺人釵釧未備不顧也又建宗祠修家規以享先維後倡化戚里絕謁公府卽古純德何以加焉其居官時善折疑獄所在有神明之稱御史奕尚岳家居寢疾微得其奴妾奸狀與婦議撲殺之妾聞告奴厚賄一屠夜入殺御史夫婦而密洒血于宿仇趙某之門已乃佯驚大呼集衆跡之奕無子奴妾卽計趙大辟鸞覆鞫疑其冤密詢奴與屠厚擒屠母訊之立得盡伏辜而御史之冤雪趙氏之獄解博徒劉尚賢噴其妻父王儒及岳母田氏苦諫囑儒防秋佯爲相省因留宿時田氏弟萬庫備其家卽與同寢尚賢密起石碎其首持刃破田氏寢室門直入田氏出後戶潛匿遂殺三幼女置之門外而去捕得官移一時縱殺必有党加訊因言與同博魏滿良霍廷芝盜牛拒捕致然不知實其仇也二人者遂坐大辟鸞覆鞫謂所殺雖多惟一壯男子先被暗斃餘俱幼女何假衆乎且構仇有跡同盜非情遂解脫之關頭王大臣率衆夜徼遇其比鄰老婦孔氏偕夫省姻戚回乘醉詰問相詆且詣縣告強姦其婦縣令素嫌大臣卽以奸未成論徒大

本朝分省人物考

卷三十九

十三

南直廿九

朱廷秀

臣有怨言孔夫懼復赴上告以擒婦入室強奸已成論死鸞廉知覺起醉罵又大臣一妻一妾有子太學生豈容任其任悖若是遂因奏訴行鞫亦解脫之鄒邑富民潘某爲莒州盜所誣移文逮鞫念一就逮無生矣且集諸曹吏各里胥謂曰吾欲得通縣淳良若輩能公舉乎應曰諾遂以次問及潘卽交口譽又謂曰吾欲旌此一人達諸上司若輩肯相保任乎復應曰諾遂呼紙筆取狀衆愕然從命莫知所爲旣得狀卽備文申巡按御史御史遂以盜付鸞核實始召潘示之而潘大驚叩額出血謝微公身首異處妻子奴戮矣鄒民德之尤深家各肖像以祀卒之夕有夢鄒民千餘迎之赴任者精神所注享血食于茲土固無疑也

本朝分省人物考

卷三十九

十四

南直廿九

朱廷秀

李嘉祥

李嘉祥貴池人幼讀小學便知古人可法年二十四登嘉靖庚戌進士知開州首興學以勵俗作保甲之法絕窩盜之源與利華奸築城濬池事事畢舉開人至今尸祝之擢南京戶部員外郎卒

潘大承

潘大承銅陵人嘉靖中以貢授保昌知縣性直度偉

守官廉慈卻常例千餘金凡政有益於民者不避利害不靳心力必挺然行之而後已邑人無不頌其德者後致政家居捐祿俸以贍族黨親舊鄉人義之日以經史自娛訓迪諸子年逾八十手不停披遠邇咸尊仰焉

丁旦

丁旦字惟寅號海陽貴池人萬曆壬午始以明經授湖廣衡州府別駕旦不以一官自菲薄佐其守興義倉修社學諸剔敝釐奸者甚具亡何督儲之會城業勞瘁甚而又冒風雪省天臺師於黃安山中苦寒疾

湖南分省人物考 卷三十九 十五 南直隸 張奇

抵任而卒得年六十有四貧無以殮衡人甚悲之旦學於洙泗濂洛以下鮮所不窺居恒手不去丹墨燕閒之尋動必成書其遡源模範不怠蒸糲曰思師錄溫國既老同氣彌敦曰恭友錄政有二要語具箴規口名相行略臺省寶鑑諸論學雜著詩文藏於家者又數十卷嘗作逐虎文虎遁去作禱雨文雨立澍作驅山鬼賦鬼嘯聲遂絕氣岸絕出有不可干之勢而禮讓則退然不敢先見義如賁育之不可奪而處父師闡然如一無能解之人談玄析義霏玉洒洒而行事縝密一無可指議所稱鄉先正歿而可祭於社者

是也子紹載舉進士為翰林檢討

楊日森

楊日森貴池人號齊華萬曆辛丑科進士授桐鄉知縣甫報最卒于官百姓悲號罷市知府蔡承植誄詞有云實心實政煦沫五載瀝血喻真烈士比介厥子扶襯歸取之賻資而已

周聘

周聘字子聘青陽人別號克齋幼有至性八歲受小學論語津津有嚮往意父銑母錢氏旦夕揖必恭出入必告弱冠籍邑博士諸生慨然曰古聖人垂訓豈

本朝分省人物考 卷三十九 十六 南直隸 張奇

其華言獵世資將躬行是廸為人子服青衿乃不能愉愉翼翼為兩大人色驩惡用是佔俾為溫清定省問安視膳探親志所向殫力而圖怡色而承之終身不替常曰行一不義非孝也言一不信非孝也受一不潔非孝也禠躬斤斤不邇匪彝應試於池州羣寓一樓盛夏袒裊適有艷婦競趨而下觀聘獨衣冠危坐樓上曰使知樓有人二弟既婚食指漸繁父母命析箸聘讓其腴產于二弟而獨受其窪澇授經自食其室災鄉鄰趨收聘止之曰天實有討于不肖敢拒命乎望火百拜而已嘉靖末外艱辟踴哀慟水漿不

入口七日幾殆弟執飲強之少許始酸粥不茹蔬日
三奠奠必孺子慕寢苦枕塊不離喪次歲餘忽謂其
子曰旦日遠客來預爲具已果然自是言休咎頗驗
或問先生不解占候術何能前知曰吾心似覺如此
無何內艱稟禮致哀一如前喪欲附葬先隴宗人難
之聘曰匪宗人之尤惟予不肖有罪哀奠至六年宗
人曰時可免喪矣聘曰大事未襄霄壤間一巨慙安
忍從錦衣者後乎衰經不去其身哀號不絕於口深
墨之容常如祖免十年不踰閭苦敗塊剖鄉人靡不
憫惻儀部阮公自嵩言于邑令李公尚默參藩張公
本朝分省人物考 卷三十九 十七 南直隸 張奇

逃越數年博士先生使人以他事羅至邑就而強之
始一出諸生色喜若景星之耀於前也優游衡門七
十餘卒

廖廷皓

廖廷皓貴池人廩無宿儲日偕妻耕以膳繼母嘉靖
巳酉皓往于田妻治爨母採蔬于圃忽有虎入其中
堂家衆逐出母自外入遇虎咬母臂而去皓自田來
見母被傷急追及抱虎項且泣且訴願以身代虎不
舍卽以拳撞入虎口母始得脫暈地皓手猶在虎口
隨虎去十數步方脫回赴母所忍痛負母歸至床側
本朝分省人物考 卷三十九 十八 南直隸

亦暈地猶連呼曰急爲我救母頃之少甦見母傷腫
甚乃口吮其毒數日母腫漸消而皓之頭目腫甚數
月始愈又數年母卒皓始喪葬稱家爲禮皓年六十
餘而終

補遺

柯暹

柯暹建德人未樂乙酉舉人預脩大典擢戶科給事
中疏時政闕失忤觸權要出爲州守未赴遽下詔獄
二年屢絕飲食天幸不死遇恩調吉水令發奸摘伏
如神九載陞雲南按察使有東崗集藏于家

張輝

張輝石埭人弘治三年進士歷官福建僉憲以介直忤逆瑾勒令致仕瑾敗當道交薦列于六君子之首以年及懸車辭不赴召

王應乾

王應乾號懷惺東流縣人登隆慶辛未進士授中書舍人選江西道御史以抗江陵相外轉敷歷藩臬揚旌于齊楚汴越之墟後擢楚藩左轄官凡九遷咸有異政奉母至孝讀禮三年杜門掃迹郡邑之長無由一百歲屬大祲隣族賴之舉火者半以病予告行李

大明分省人物考

卷三十九

十九

南直

肅然親識問其狀笑曰官久祿厚兒孫亦邀厚幸第今日此身已無所寄而遑郵其他吾以成就吾是而已

方新

方新字德新青陽縣人嘉靖三十五年進士由行人選江西道御史巡茶陝西建言為民隆慶元年復職巡視京營二年巡按廣西陞湖廣僉事叅議致仕

人物考卷之四十目錄

南直隸太平府

陶安

王愷

李習

潘廷堅 附子輔

劉允

詹俊

周原

嚴升

梁觀

謝孚

李衡

徐觀

吳琛

楊壁

謝騫

黃讓

大明分省人物考

卷四十目錄

南直

萬宣

端宏

鍾城

濮詔

李蕙

後敏

汪宗器

李贊

李貢

邢珣

端廷赦

邢埴

胡燿

邢址

夏廷美

目錄終



本朝京省人物考卷之四十

南直隸太平府

陶安

陶安字主敬當塗縣人幼穎敏有大志通判馬昂夫令賦喜雨詩立就奇之肆力問學博極羣書得程氏讀書日程及呂舍人學規益究心濂洛沉潛道藝元至正甲申舉浙江鄉薦為明道書院山長再調高節書院講明朱陸之學乙未夏六月朔高皇帝渡江至太平安偕耆儒李習率父老迎謁驚相謂曰龍鳳質非常人也我輩今有主矣上召見與語安因

本朝分省人物考

卷四十一

南直隸

朱子

說曰四海鼎沸豪傑並爭悉多攻城屠邑志在子女玉帛爾非有撥亂救民安天下之心明公率眾渡江神武不殺人心悅服應天順人以行吊伐天下不足平也上曰爾言甚善吾欲取金陵何如安曰金陵古帝王都龍蟠虎踞長江天塹取而有之撫形勝以臨四方所向無敵何憂不克此天所以資明公也上甚悅從克建康授興國翼元帥府令史丙申秋七月諸將奉上為吳國公以元御史臺為府置江南行中書省上兼總省事以安為員外郎留參幕府會丁母夫人憂戊戌服闋授行省都事掌中書兵房

尋陞左司郎中贊畫之功良多已亥上得劉基宋

濂章溢葉琛四人因問四人者何如安對曰臣謀畧

不及劉基學問不及宋濂治民之才不如章溢葉琛

上多其善讓癸卯黃州平上思得重臣以鎮之曰

無逾安者遂命知黃州至則寬賦稅省徭役民悅服

之改桐城令尋移知饒州時方征伐急軍需安勸諭

其民民皆樂輸而用不乏適閩寇至攻城安諭父老

率子弟固守以俟援兵寇平諸將以鄉民多從賊欲

屠之安曰民為所脇耳柰何殺之由是民皆得全四

境以寧上嘉其功御製詩以示褒美遣使往勞明

本朝分省人物考

卷四十二

南直隸

朱子

年入朝命復守饒州民懷其德建生祠祀之吳元年初置翰林院首召安為學士凡國家制度禮文之事多所定擬御製門帖賜之曰國朝謀畧無雙士翰苑文章第一家十二月命李善長等定律令以安為議律官戊申上即皇帝位建元洪武上御東閣安與中丞章溢等侍因論前代興亡事安謂喪亂之源由於驕佚上曰居高位者易驕處佚樂者易侈驕則善言不入而過不聞侈則善道不立而行不顧如此者未有不亡卿此論深有契於予心上與儒臣論學術安對曰道之不明邪說害之也上曰邪

說之害道猶美味之悅口美色之眩目鮮不為所惑自非大豪傑之士不能決去邪說不去則正道不興天下烏得而治安曰 陛下所言深探其本 上曰仁義治天下之本也賈生論秦之亡不行仁義之過夫秦襲戰國之餘弊又安得知此二月壬寅朔中書省臣李善長傳獻泊安等進郊社宗廟議其園丘之議分祭天地於南北郊冬至則祀天於圜丘以大明夜明星辰太歲從祀其方丘之議夏至日祀方丘以五嶽五鎮四海四瀆從祀其宗廟之議四代各為一廟皆南向以四時孟月及歲除凡五享孟春特祭於

本朝分省人物考 卷四十 三 南直三子 吳士美

人廟孟夏孟秋孟冬歲除則合祭於高祖廟其社稷之議祀以春秋二仲月上戊日皆從之又 上命議社稷壇創屋以備風雨安奏考諸禮天子大社必受風雨霜露以達天地之氣則不屋亡國之社則屋之不受天陽也今於壇創屋非宜若祭而遇雨則於齋宮望祭 上是之又奏古者天子五冕定制祭天地宗廟則服衮冕社稷等則服通天冠絳紗袍時有御史言安隱微之過者 上曰朕素知安安豈有此且爾何從知之對曰聞之道路 上曰御史但取道路之言毀譽人以此為盡職乎 命黜之中書省臣進

曰御史職當言路言之有失乞容之 上曰不然夫植佳木者必去蟬蠹長良苗者必芟稂莠任正人者必絕邪壬凡邪人之事君必結以小信而後逞其大詐此人嘗有所言朕不疑而聽之故今日乃為此妄言夫去小人當如撲火及其未盛而撲之則易為力不然則害滋大矣竟黜之本年四月遷江西行省叅政汪廣洋於山東以安代之安辭曰臣恐付託不效有孤渥恩 上曰躬擐甲冑決勝負於兩陣間此武夫之事儒生非所能若承流宣化緩輯一方此儒者之事非武夫所能也卿才宜是任吾豈私一人弗愛

本朝分省人物考 卷四十 四 南直三子 吳士美

一方乎江西諸郡縣初下安鎮定有法軍民帖然其年安有疾即劇猶草時務十事上之九月戊戌卒於官 上聞之哀悼親為文遣使祭之時年五十九追封為姑熟郡公

王愷

王愷字用和當塗人幼有大志沉酣六經諸史為府史疏讞獄訟人服其平歲乙未 上取江南兵臨當塗召愷至幕府叅決戎事丙申春從王師下建業又下京口京口民新附机惶不安愷奉 命慰撫之始定 上為中書平章政事建江南行中書省於建業

陞左右司都事愷日以薦賢為先元戎宿將威器倚之唯言是信戊戌秋猶獠兵數萬自杭來降待命嚴陵境上上遣愷馳入其軍諭以禍福偕其渠帥來朝是年冬上將征浙東時蘭溪已下上命愷與胡大海定議取婺愷帥師圍其城守將出降審察民情而綏奠之己亥春王師攻越久不下夏六月師還留大海鎮婺而徭賦軍器之務咸以屬愷冬王師克三衢擢為左司郎中總制衢州軍民事愷增城浚濠置遊擊軍募保甲翼餘丁及舊民兵得六百人以益戍守兵食不足則斥並城廢田五十餘畝使之耕以

本朝分省人物考 卷四十 五 南豐 徐仁

使作糜粥餉餓夫修惠濟局居藥以注病者所活不可勝數學校廢于兵為浚泮池築杏壇建極高明亭設博士弟子員孔子家廟之在衢者亦為新之退食之暇輒集薦紳之徒摩切道藝人士翕然悅服諸暨戍將謝再興與部帥王甲有違言幾致亂上令愷調解之愷曲為調停二人驩好如初邊鄙以寧庚子夏六月偽漢寇龍江上召嚴陵帥葛俊擣廣信以牽其師道過衢愷謂俊曰廣信偽漢門戶彼既傾國入寇寧不以重兵為守非大將統全軍以往不可若出偏師撓之未見其利設有挫衄吾衢先驛騷矣乃止俊而請胡公行胡公至而廣信潰一如愷言辛丑夏拜胡公江南行中書省參知政事分省于婺以控制東浙愷仍以左司郎中分治省事金華婺劇邑役民無藝乃令民自實田數都以糧多者為正里長寡者為副正則以一家或二家充副則合四三至七八而止通驗其糧而均賦之有一斗者役一日賤與貴皆無苟免者金華周泰義烏柳昌恃俠以蠹民逮至于獄皆痛懲之自是畏避不敢吐氣猾胥潘立道操金華一邑田賦之柄飛寄詭遁並緣為奸利廉其罪狀以聞真于法胡公日治軍旅以畧唼縣禦諸暨為

本朝分省人物考 卷四十 六 南豐 徐仁

已任分省之政皆愷充之挈綱布紀風采凜然先是
猫獠軍來降胡公分其衆萬餘戍婺州軍衆等相挺
爲亂胡公被害愷亦及于難當難作時猫師多其恩
德欲擁之而西愷正色叱曰吾天子大吏設不幸義
當死寧能從賊反耶賊初縮首不敢犯拘繫一日而
罵賊愈厲命左右取酒引滿竟日達夜旁若無人賊
知不可屈遂刃之享年四十有六 上駐蹕江西聞
其死嗟悼良久親爲文祭之及返柩金陵 上復率
羣臣往城南致奠賜葬江寧縣聚寶山之原愷狀貌
麗偉氣局堅凝善謀而能斷嘗以事入諫 上弗聽
遂却立戶外既暮猶不去 上出怪問其故從容陳
諫如初 上慨然從之愷于吏事尤長據律按比而
飾之以儒術案牘經其裁削辭簡而意周喜爲詩歌
於賓客談笑樽俎間更倡迭和情意豁如也故於其
歿也人莫不傷之

李習

李習字伯羽當塗人習自幼老成莊重積學有年因
以旁通諸經據攬閱博從游者日衆延祐初遊京師
館元明善尚書家述作甚多明善禮爲上客四年領
京師鄉薦試題渾天儀賦一時士人不能措筆習能

大明分省人物考 卷四十 七 南直三十一 張六

記其詳悉鋪敘爛然明年下第授書院山長七年弟
翼中浙江鄉試河內薛超吾時出守太平名其所居
之坊曰雙桂以美之間僑居廣陵與張仲舉高季淵
李五峰旦暮往來稽經誦史之暇相與倡和歲乙未
天兵克采石習同陶安奉迎駐蹕太平遂擢爲本府
知府廉能公謹精于治體均平徭役民受其惠吏不
敢欺以疾卒于官年八十餘習有鄉曲之譽別號雲
觀與翼齊名江左目之爲二李吳萊謂伯羽之文簡
密嚴與一辭弗苟仲羽之文豐腴縟麗五采爛然又
謂伯羽之尊嚴如雪峰千仞嶄然特峙人莫敢褻仲
羽之溫粹如藍田美璞光輝外著天下共寶其學行
爲時彥所賞如此及門授業者百餘人若篤誠陶安
其尤著者也有橄欖集行於世

潘廷堅 子黼附

潘廷堅字叔聞當塗人先世多業儒有名江左至廷
堅天資穎拔學問淵博用薦爲富陽縣學教諭乙未
奉迎車駕駐蹕太平遂擢爲本府儒學教授明年取
金陵改爲中書博士庚子除金華同知壬寅召入拜
翰林學士階嘉議大夫以年老致仕廷堅爲人慎密
謙恭未嘗有過爲一時所重詩文亦有可觀子黼字

大明分省人物考 卷四十 八 南直三十一 張六

章甫幼穎悟絕人總角時廷堅與談鄉邦縉紳文獻
模楷典則輒能強識博記故於鄉曲前輩多所敬慕
比長師事陶安而託交於李淮兄弟初授太平府學
教授改金壇縣主簿未幾擢爲起居注丙午除中書
左司都事丁未拜嘉議大夫江西湖東道按察使年
尚未及四十會修大明令爲議律官洪武元年律成
尋卒黼爲人肖父而文章清雅過之一時所作序碑
傳贊皆散失不留惟相承所執象笏至今尚存焉

劉 允

劉允字子允當塗丹湖人洪武四年以進士及第授
懷慶通判三年以直見忤謫瑞安縣丞在官興學勸
農均徭理訟克當人心超拜北平按察司副使考績
留教授親王于內後請老卒于家允不獨政事之才
紳有餘地尤侃侃善持論每召對多稱旨博學喜吟
咏實而不俚蓋似其爲人也

詹 俊

詹俊字用章當塗人洪武四年被徵授河南磁州同
知賜冠服銀帶到官書公勤廉謹撫字安懷八字揭
坐隅以自勵時兵革初定民復舊業俊勞來安輯之
督耕桑興學校明飭教令舉賢薦能抉剔弊蠹民有

本朝分省人物考 卷四十一 九 南直子 祖兆

所掘地得藏金爲衆所奪者俊立衆于庭諭以義利
衆悉還所奪民懷金謝之俊曰我不欲衆昧義而趨
利乃躬自營利邪民愧而去嘗董民餽饒潼關天寒
道中車牛多斃饑虧則解所服銀帶易粟代民輸民
歸製帶償之俊曰吾得紆民憂何愛一帶不受隣縣
歲蝗自爲文呼天哀告蝗遂出境嘗旱作歌以自責
大雨卽至三年陞汝寧府通判嘗治廨舍役夫得窖
錢以內俊俊曰此汝所得何與吾事悉畀之洪武九
年以疾告歸磁州之民老壯遮道登舟挽留涕泣不
忍別道經新蔡卒遂葬龍潭之側年四十四

周 原

周原字彥廣繁昌縣人洪武乙丑進士授辰州府推
官調吉安時闕守貳原獨署郡事以廉平爲治政務
修舉獄訟疏決無壅滯民有負冤積歲未白者訊得
其情立釋之不旬日囹圄爲空後坐累免復用薦起
爲山東蒲臺知縣有商被盜疑其主人者已誣服原
覺爲寃故緩其獄後果得真盜人服其明飛蝗入境
原禱于神一旦大風雨蝗盡死歲以大稔改紹興新
昌知縣治如蒲臺歲滿陞河南磁州同知永樂二十
年卒於官

本朝分省人物考 卷四十一 十 南直子 祖兆

嚴升

嚴升字仲升當塗人允諸之子自幼天資絕人學業日進洪武三十一年由儒士領鄉薦明年登進士授四川省州青神縣知縣公勤有守百姓愛之吏部知其學博因來京考滿凡七試經義論策序記碑銘詩賦皆立就文采爛然陞江西按察僉事以事謫四川順慶府同知賦役廉平民無橫擾以廉幹著稱人甚德之未幾轉吏部考功司郎中拜都察院副都御史振肅風紀為神羊賦以見志尋召至京師授以禮部尚書命下已卒于留臺子威員外郎

本朝分省人物考

卷四十

十一

南直三子 張奇

梁觀

梁觀字大用當塗人觀為人廉公方正勤學善大書與李衡交衡有妻妾欲遠行恐盜伺之乃要觀止其書舍一夕燃燈讀書達旦洪武三十五年由府庠生貢入監除吏科給事中陞四川僉事調廣東分巡潮州幾一載廉介剛果決獄如神會天久旱觀齋沐禱神雨下如注沒于官潮人哀思不置塑像于韓山書院以祀之後有所輒應同庠謝孚為監察御史時頌兵平百家舍于潮夜宿行臺每夕戶鏽無風自擊孚恬然不之疑一日晨興守門隸卒不來請鑰孚怪問

之守者曰昨夜明公衣內衣往來中道提鑰將門盡開若有沉思者時月色濛濛某等于窗隙見之第無命不敢出耳孚知其為觀之神也至夕鏽擊如故孚乃默祝曰某奉命來靖一方以大用平日之志當加陰相何作此態以相恐又默戲之曰大用博我奠耳聲遂息明日具牲醴即書院以祭其後凡有捷前夕必夢與之歡笑如生精爽蓋如此

謝孚

謝孚字以誠號易軒先自京陵占籍當塗孚自少穎悟秀拔勤于讀書治易朝夕玩索自有所得因以名

本朝分省人物考

卷四十

十一

南直三子 張奇

軒永樂三年領鄉薦明年登進士第賜勅諭之歸故鄉以成德業五年徵回除陝西道御史潮州百家舍恃險奔突搔擾屬邑 文皇帝命孚與都指揮趙德勦捕孚乘傳至潮先行招諭復徵近地官軍勦捕一方用寧時有事北方糧餉旁午以孚署行在都察院督運口北事完扈從回京陞見陞福建按察副使丁內艱起復調陝西副使所在有明允聲中貴蒙附石有事於邊道經咸陽三司設宴接款時孚掌司事獨不跪蒙怒甚孚言朝廷重方岳欲其表式下僚也不得行其志則已豈可自屈於人乎竟不成席而罷正

統三年九載考績力求致仕歸卒於家年六十三以子騫貴贈中議大夫贊治尹長子宣宣子壁舉人騫叅政其子理進士

李衡

李衡字秉鈞當塗人自少天性和柔然慷慨有立志登進士第選授翰林庶吉士讀書內秘學問益深除戶部四川司員外郎以廉介勤慎為尚書夏原吉所任尋陞湖廣布政司叅政撫和邊夷翕然歸化原吉薦為侍郎方薦時衡為人所奏徵詣都察院衡赴獄七日原吉奏而出之尋拜兵部右侍郎卒于官衡為人老成端重而有剴繁治劇之才學問疎暢古詩和平辭麗有澹軒詩集藏于家

徐觀

徐觀字大賓其先世有自滁州來為姑孰守者因家焉遂為當塗人觀年踰志學從師愛易克自剗削以底學成宣德領鄉薦年方十九乙未會試中副榜授山東齊河縣學訓導以內艱去任服闋調江西武寧縣學訓導人才多所造就秩滿奏成使翰林院校其績學皆優超陞刑科給事中駁覆奏章糾劾姦惡無所顧避嘗奉命檢封番舶巡視邊陲所在有聲正統

本朝分省人物考

卷四十一

十三

南直三

初刑部尚書魏源薦觀擢雲南按察司僉事至則辨冤獄別廉貪一以平恕施之上下悅服卓有古憲臣風時麓川小夷負固拒命詔與師討之觀佐元戎深入賊境督糧餉規籌策賊寇以平陞本司副使餘孽煽惑乃於要害處築城堡濬溝池以備不虞且為墾荒田俾軍耕守復招還夷落被賊擄掠者數百人為嚮道又畫通南牙山道路以進討由是邊患永息會按察司缺使守臣奏觀補之觀進表卒于金陵之新河享年五十有六子誌同知鄉舉

吳琛

吳琛字興璧繁昌縣人正統甲子登鄉榜乙丑戊辰兩試禮闈不利益勵於學一夕方讀書嘔血數升母蔣氏驚往視之戒勿復學日脫以是戕生學亦奚為而琛竟不少輟但掩覆無使母知居數年學大有進景泰辛未登進士第援例還家畢姻先已久聘章氏蓋不第不娶至是始娶年二十七矣癸酉秋拜雲南道監察御史奉勅往甘肅犒軍乙亥巡按四川所至黜奸貪雪冤滯明達果斷蜀人懷之天順丁丑英廟復位石亨以功封忠國公專權自恣漸蓄無將之心琛與同官劾奏之忤旨出知遷安縣五日天變

本朝分省人物考

卷四十一

十四

南直三

兩電命還臺職尋選居臺端掌文案故事凡三司會
 獄獄囚十三道文移行牒必擇老成諳練御史二人
 綜理之蓋以裨總憲之不及而為諸道之領袖時琛
 與同年高明對筦五年臺中稱賢辛巳陞大理寺丞
 歲餘陞都察院右僉都御史巡撫甘肅西陲莊浪去
 城四百里有地深入狄境前檢田者占數屯糧五千
 七百斛迫於徵輸軍多竄匿琛首疏罪之西番扒沙
 巴哇等七族累歲盜邊撫之不服協同平羌將軍宣
 城伯衛穎征勦之斬獲千三百級馬駝牛羊甲仗輜
 重無算賊平陞俸二級成化改元還朝蒞臺事時淮
 揚薦饑尋命賑恤琛勞心焦思凡事有益於救荒者
 率以便宜行之而言多切直大忤權貴雖民賴以濟
 而琛之謗滋矣嗾言官劾奏必置琛於法賴 天子
 聖明第遷官南臺時代者都御史林聰於琛所行事
 一無更張且謂琛實有益於民無負於國於是其誣
 遂釋而聲稱益重來南未幾兩遭親喪哀毀踰禮朝
 廷凡兩遣官諭祭已丑服將終遣使齋勅即其家授
 之命巡撫兩廣纔半歲代回南臺未至復遣使以勅
 授琛巡撫湖廣時已數月不雨民嗷嗷望哺琛禱祈
 不數日雨霑足自是拊循郡邑問民疾苦窮荒僻陋

大明會典卷四十一 十五 南直三十一 許全

之區無所不至凡在湖廣者五年威行惠施殊俗輯
 和會寧夏花馬池虜寇入境進琛右副都御史總督
 兩廣琛去之日郡邑父老扶携攀送齋咨涕洟琛亦
 悲不自已當時士大夫言巡撫大臣能深得軍民之
 心如琛者前此蓋未見也琛至廣其撫民無異湖湘
 而於訓兵練士尤加之意蓋嶺南寇盜雜處其為患
 尤非他方比也英德流民羅英郭瓊輩聚眾剽掠命
 兵擒之新會新興連界有劇賊嘯聚流劫村落餘十
 年琛一旦馘其渠魁殲其黨與六百餘人徭徭聞之
 大駭相戒歛迹柳慶諸州其巢穴也琛親至其地檄
 召之許以自新詣軍門俯伏聽命者日以數萬琛曉
 以禍福無不踴躍而去時識者又謂廣寇冥頑可以
 威懼而不可以理喻而革心向化如琛者亦前此未
 見也成化乙未八月卒於官壽五十有一琛為人勤
 敏自童齡至沒齒無日不雞鳴而起二鼓而寢雖閭
 外事叢酬應絕無壅滯少有餘閒博觀羣書以資聞
 識上自公卿大夫下自閭里後生書教往復靡不手
 答動輒盈幅初若不經意者而文理通貫情意字洽
 雖屬草有所不及身居顯位自處謙抑待人無貴賤
 必以禮處故舊無相忘有所饋遺纔及金帛輒辭不

本朝分省人物考卷四十一 十六 南直三十一 許全

受其平生所得俸祿又日費於賓友故人子姓衣食或不給身沒之後資業蕭然視先公所遺不長尺寸人皆服其操云

楊璧

楊璧當塗人正統戊辰進士擢拜監察御史卓有風裁權奸斂避嘗以疏詞峻激忤旨外補忽風雹霆雷殿瓦皆振即刺下詔凡以言謫者悉補原官璧改給事中久之陞陝西叅議剛直之氣卓乎不撓復與當道抵牾改平涼守鑿延安河以溉田七千餘頃興革釐正允協人心未幾致仕歸杜迹不入公府貴顯過訪必以疾辭焉

本朝分省人物考 卷四十 十七 南直三子 許全

謝騫

謝騫字鵬舉孚之子器宇軒豁自幼傲敏立志問學眾以大器期之正統戊午補郡庠生尋領鄉薦登進士第拜河南道監察御史侃侃立朝務持大體督察鹽課於浙江風紀大振無敢私取者有冢宰子弟怙勢犯之悉置於法併劾罷其官時處州盜起奉朝命躬入賊巢諭散其黨與擒其首帥以獻一方遂寧有文綺寶鏹之賜尋陞障州知府至則以興學禮賢擊強暴束吏胥為務復嚴立保伍法責保守月報所轄

生業及出以其事歸以某時苟通番為邏者所獲即保守併四隣坐罪郡乃無事考績為八郡最屬邑軍民恐遷去預赴部使者乞留之至五千八百餘人丁

內艱轉保定知府嚴明果決吏畏民懷作興庠校士風聿振陞山東布政司右叅政益感激奮勵誓竭忠貞凡疑獄艱務悉讞斷釐正無不當人意者誥進中憲大夫以疾力乞致仕歸恒持禮法自重非公事不至官府日惟借親朋陶情于山水之間暇則携子孫栽花種竹以增園林之勝而已弘治壬子以疾終于正寢壽七十有七子五人皆克世其家

本朝分省人物考 卷四十 十八 南直三子 許全

黃讓

黃讓字用遜別號養素蕪湖人正統丁卯舉於鄉景泰甲戌登進士授浙江道監察御史恪守其法不畏權貴因天變與御史倪敬輩陳十事大意謂御史鍾同張綸忠赤盡言不當繫獄大內營造不息財力俱竭修理龍舟死于其事者甚多齋僧布施事出不經請俱停止其餘六事亦皆觸忌諱者未幾與前進言七人俱以浮薄當謫遠地讓得四川營山縣典史至則輒然笑曰此豈不可以行志邪當道重其才檄委決各郡縣奏訟意義所向人心犁然以定轉安岳知

均徭役平獄訟興學校寬逋負其年政成陞中府都事雅有風采錦衣門達用事役隸皆席勢橫甚讓撈掠其黠悍者笞之達怒甚搤其所役聽事人爲謀遣戍廣西值霈恩復冠帶家居囊空無一錢惟督耕以供歲事卒于家壽七十有九

萬 宣

萬宣字邦達當塗人刺志問學爲科舉文字滂沛明白正統間以詩經領薦屢會試不第卒業太學謁選吏部考居第一授河南陳州知州宣存心忠厚而廉以自持與人交款曲有情至涖政剛果有爲嚴于約束吏胥無敢鴟張羅織病民者河南多寇宣廉得之咸置于法四境宴然立四義社學延師以教民間子弟州民德之部使者上其績錫誥旌異進階奉直大夫九載秩滿待選京邸酒後痰作而卒

端 宏

端宏字仲仁號垣齋當塗人景泰癸酉領鄉薦登丁丑進士授監察御史巡視通州東昌等處德威兼濟所至盜息民安歷巡按雲南河南廣西咸有風裁谿洞蠻僚寇邊時征討官軍僅撫定其酋首而其下猶有肆剽劓以厲民者總帥輒以地方寧靖 上聞宏

本朝分省人物考

卷四十

十九

南直三

祖兆

劾其妄復下令選將練兵豐餉設險以爲攻守久遠之計由是諸孽望風而附陞陝西按察副使歸省涉江中流颶風大作幾覆舟人皆錯愕宏泰然曰吾生平未嘗行一不義今反已何愧俄而風果息丁內外艱改官兩浙陞山東按察使浙江左布政使浙人聞其還鼓舞歡動宏乃益篤忠貞虔修職業民益戴之丁未謝事歸里卒於家

鍾 城

鍾城當塗人少穎敏苦志積學登景泰進士歷官大理寺正著聲明允門舍蕭然一寒士也擢福建僉事江西副使兩督學政士經品題者多爲令器晚歸鄉里門下執經問難者踵接卒年八十餘

濮 詔

濮詔當塗人未冠卽以文名領解南京天順登進士授翰林院編修奔父喪歸以病卒母鄒氏通經善詩亦多內訓焉

李 蕙

李蕙字德馨當塗采石人別號浣菴幼自穎敏天順壬午領鄉薦已丑登進士第明年拜刑科給事中九載秩滿陞江西布政司右叅議弘治初轉左叅政陞

本朝分省人物考

卷四十

二十

南直三

祖兆

山西右布政使尋陞都察院右副都御史總督糧儲于南京明年進左副都御史丁巳復以年勞進右都御史總漕巡撫如故明年乞歸療黃以己未二月二十五日疽發卒于家蕙居家孝友爲人方嚴明快才力優贍所至有惠政而吏畏如神南贛盜衆欲加兵蕙力主撫諭多方控制未幾渠魁就擒餘黨悉平南昌城大水驟至官廩旋運水旋及衆環視莫救蕙亟命預放軍士月給遂紛紜蟻集不終日廩空下車江西甫三日幸聞王敬者適至公當輔行敬怙寵南畿兩浙之民大苦其恣橫蕙推誠以待之敬亦感服江

本朝分省人物考

卷四十

三十一

南直三十一
張文

之原
後敏
後敏當塗人登進士第授行人出使有勞績過衛輝謁比干墓弔之以詩寄其忠憤遷工部員外郎陞陝西布政司參議敏質幹魁偉聲如洪鍾爲人忠厚坦夷政事之才綽有餘裕竟爲他人所陷被徵倉卒死于途後事得辯明而敏已卒衆皆哀之仍厚恤其家父均寶以人才受薦官至知州

汪宗器

汪宗器字鼎夫直隸繁昌縣人成化甲辰進士授監

本朝分省人物考

卷四十

三十一

南直三十一
張文

察御史巡按湖廣廣東薦賢斥貪得激揚體陞南京大理寺丞進少卿蒞獄平恕時劉瑾撓法動掣多肘遂決計以母老乞終養疏五上允之特進光祿卿致仕未幾卒宗器襟宇闊爽善譚論雜以滑稽纒纒可聽與人交有情誼縉紳多愛敬之兄宗禮亦以成化進士拜御史風裁整峻卓有能聲

李贊

李贊字惟誠蕪湖人別號平軒永之仲子穎脫儕輩與弟貢並有聲成化庚子鄉試甲辰進士兄弟齊名人以爲美談授吏部文選主事轉考功員外郎精敏

端慎受知冢宰下內艱改兵部武選員外郎進車駕
郎中順天民地多併入勢家而牧馬獨計丁口民坐
是困大司馬馬端肅公薦理之勾稽有法盡復民業
中間補截調停曲中機宜民至今賴之尋改武選擢
陝西左叅政遷浙江布政使尋轉左時逆瑾專橫籍
故錢都御史家憐其非辜語輒泣下所以調護之者
無遺力瑾聞而銜之會吏部擬遷太僕卿瑾勒令致
仕杭之老稚遮道泣留贊性寬簡與人處洞見肺肝
為政平易未嘗有赫赫之名去則有遺愛焉詩文清
逸疎鬯類其為人草書遒勁人愛重之卒于家年六

十
本朝分省人物考 卷四十
三五
鄧明

李貢

李貢字惟正蕪湖人生而穎異兒時隨父宦諸暨儒
岸與兄布政使贊淬礪學業有時譽成化庚子甲辰
兄弟同登鄉會榜時人榮之初官戶部主事督餉清
江口葺倉之壞垣固而不費尋陞員外郎丁母憂服
闋改刑部累陞郎中讞獄明慎為侍郎時昭陳公道
所器重時 孝宗銳意圖治命京堂官各舉其屬堪
任方面者陳公以貢應詔陞山東按察副使清理戎
籍檢覈屯田皆有法及巡遼陽哀蘭英之死節表張

天祥之忠義樹碑墓道以勵風俗正德改元陞福建
按察使踰年陞陝西右布政使摘奸息訟所至有聲
踰年轉山西左布政使以郡邑靡費無經立民膏簿
俾主者紀之以備稽核四年陞都察院右副都御史
巡撫遼陽錦義二城以逆瑾併奪屯地將謀為亂貢
往撫之邊境乃安虜酋久為患諭以威德令之入貢
有白金牙衣之賜時逆瑾用事其黨怙勢恣橫貢與
之忤因以致仕比瑾敗詔復起巡撫順天時霸州賊
起郡邑震動奏設兵備憲臣繕城賑饑以安人心霸
侍以無患賊黨有陰事關節者每兵出輒相傳報功

本朝分省人物考 卷四十
三四
鄧明

不可成廉得其魁戒京師真之於法賊計沮乃敗通
州舊城卑隘時有水厄貢念國儲所在奏增修之費
甚而民不知擾古北口當賊衝輒不可守度隙地系
垣百餘丈邊患以息凡巡歷所及輒完城堡卹士卒
節財費拓地利黜貪暴鋤強梗故既去而民多思之
三年考績請老不允癸酉陞兵部右侍郎請益切致
仕歸杜門以詩文自娛雖達官貴人造訪未嘗詣門
謁謝卒年六十一性孝友家居不易言笑服御質素
訓子弟嚴而有禮為文章平實典則如其為人而詩
尤有逸致人多傳誦之所著舫齋集若干卷藏于家



邢珣

邢珣字子用其先自河間徙當塗湖陽家焉珣生而
穎異隆準方願刻志勵學為諸生時文譽歛起以弘
治壬子領鄉薦明年遂成進士授南京戶部主事丁
父憂服除改南京刑部員外尋轉郎中珣治獄敏決
而持之以矜恕執法不徇律比允當張簡肅公總憲
臺慎許可獨稱珣曰經濟之才也已丁母憂歸服除
改南京戶部時忤逆瑾褫職為民瑾伏誅起除南京
工部會歲歛盜熾有司輸辦不至官寢營建方殷而
中貴人織造襪衣樂器費數萬趣辦甚嚴珣多方劑

本朝分省人物考

卷四十

二十五

刑部

量曉譬中貴人消其毒螫得不擾而事亦以集往豪
右占田隱稅不納料價出納官吏坐蝕廉其宿弊一
切清飭之有挾豪侮法欲以羅織誣奏者曰吾以直
道向忤巨璫見斥今豈畏鼠輩乎堅不能撼甲戌出
知贛州府下車按黜吏偽燭隱擿奸治稱神明壤接
閩廣嶺嶠險絕劇盜滿總等肆掠邑間騷靡寧珣
至直抵其峒穴推誠諭撫之滿率眾降授以廬舍給
牛種俾居而耕植豐其犒賜竟樂為用他盜起反籍
以禦盜山民賊不時入或集眾拒吏珣曰吏遇之未
善耳令耆老往諭之應命而至歲無通租於是修古

鄉社約大新學宮復鬱孤臺飭周元公趙清獻之祠
文教聿興焉正德丁丑南安龍川羣盜雲擾據橫水
桶崗左溪諸峒都御史王公守仁約湖廣會征議先
桶崗珣進曰桶崗諸巢為賊之咽喉而橫水左溪實
據心腹今湖廣兵期尚遠賊見我兵未集尚不為備
不若出其不意進兵速擊已破橫水左溪移兵而臨
桶崗茂不濟矣王公曰知府議是珣身為前鋒大兵
繼其後賊不虞官兵奄至亟據險禦敵而伏兵合圍
勦之遂乘勝進兵桶崗珣又曰桶崗險峻攻之猝不
可拔不若頓兵近地伺其懈擊之先使人說賊使降

本朝分省人物考

卷四十

二十六

刑部

賊正猶豫間會大雨即冒雨進兵賊大潰擣其巢穴
徭寇悉平龍南安遠二縣有通賊為窟穴者悉捕誅
之事聞陞俸二級賜以鎡金文綺已卯逆濠遣使齎
重賞誘滿總等兵助逆滿執使者戮之將其貲幣詣
府珣曰吾正練兵集糗以待之爾輩云何皆頓首願
自効時都御史王公守仁起義吉安珣即日部兵來
會次樟樹鎮時徵諸郡兵尚未至珣曰賊雖出城虞
我師掩其後逗留不前今須馳據南昌否則賊兵還
復入城猝難攻矣乃即拔兵三日夜抵南昌諸兵入
城縱殺珣立白王公出令禁之軍乃定濠至安慶聞



城破復屯黃石渡拒我師時吉安知府伍文定將兵為前哨始交鋒吉兵失利珣倉皇馳援親執旗麾兵進刺其渠帥追斬數十人賊勢稍却諸兵對江而陣時南風迅疾珣遙望賊在下流舟相尾曰是不可用赤壁策乎即緝葦灌油挈小舟薄之炬舉風迫烟焰蔽天賊亂溺死相枕藉濠遂成擒事聞詔陞江西右叅政撫其地時城新破民物瘡痍又澤水為災二三巨璫屯兵久駐貪暴加慘多方撫循勞勩為甚世廟馭極首議賞格會有嫉王公守仁功者嗾言官論沮削其世券歲祿而一時勤王諸臣斥廢殆盡珣亦

不朝分省人物考 卷四十一 二十七 南直三十一 劉奎

屢疏乞休詔陞左布政使致仕嘉靖己酉郡人立報功祠於學宮之左專祀王公守仁而以珣一人配享謂當吉兵將北珣麾義勇陷陣遂斬賊帥以褫逆魄厥績尤偉焉珣歸口不言功有問者亦不答杜門玩經史自樂修家乘置義田以贖族人之貧先墓久湮者各表石識之生平性剛介寡合然遇人以誠人反樂與之親附焉為文典實精確所著采芹餘興北行紀事秋臺小紀憂居歸間二錄江藩隨筆歸田野語藏于家年七十有一卒子埴址奉墓于趙村保極方至塋有羣鶴數十自東南來翔舞于上良久始去會

葬者數千人咸驚異之

端廷赦

端廷赦字世恩號虹川當塗人正德丙子領鄉薦庚辰南官中式武廟南巡弗及廷試明年辛巳世宗登極始廷對賜進士授高安令高安素稱難治前令俱被累弗克終不事鞭朴庶務畢舉督造版籍剔弊殆盡民勒石頌之召為監察御史首劾武定侯驕橫不報然貴戚斂手畏之奉勅巡茶馬于西陲劾去貪墨者數人風裁益著巡按兩浙浙為東南巨藩錢糧刑獄俱關白而行裁決無滯人服其才事竣回掌

不朝分省人物考 卷四十一 三十一 南直三十一 劉奎

道事行人薛侃上書請如宋仁宗故事擇宗人一子育于宮中疏入建鞠朝堂有朝士希進者傳致某官主使薛被考掠竟無所指法司阿意偏向具疏白之人益稱其直然亦以此遭忌矣尋遷大名府知府後二年轉陝西苑馬寺少卿逆知不為人所容遂致其事而歸未幾臺諫交薦起為遼東行太僕寺少卿尋轉河南按察司副使兵備信陽地接三省民多流竄時河內大凶開倉賑濟全活甚眾大司徒王公上其事天子嘉獎三載轉湖廣布政司右叅政召入為順天府丞甫半載陞右僉都御史巡撫山東值邊境

多事調發輪戍供億不貲悉心料理民不困乏經冬無雪民心皇皇乃躬詣泰山竭誠以禱雪乃降晉左副都御史協管院事時礦賊未平聞太恭人訃墨衰畢事奔歸當道有嫉之者諷言官論劾竟不置辯服除事益白以原官巡撫河南鄭王與其宗枝許奏陰私朝廷遣内外大臣勘問事皆倚焉適北虜犯關集兵入援交併一時賴以安定轉戶部右侍郎尋轉左總督太倉兼西苑壬子轉南京都察院右都御史掌院事有大俠善結納要路侵害客商掄治之以正典刑錢法濫惡出令禁治中外凜凜偶感疾卒于官年六十

本朝分省人物考 卷四十 三十九 南直三 余美

邢埴

邢埴字汝器當塗人珣仲子也少負奇資為詩文下筆數千言立就珣官南曹時永嘉相張公孚敬尚未第延為埴師三年而學大成遂領嘉靖壬午鄉薦數上春官不第而張已膺大拜矣欲以翰林孔目授之竟東裝歸曰吾舌尚未敝也久之屢蹶公車謁選為浦城令浦閩饒邑也豪猾多夤緣其上以茶毒里閭長令者少一染指遂入其彀莫可誰何有徐氏而號鷹揚者益搏擊鄉曲之惡名也假以進鮓魚而置金

於內峻却之廉得其不法者數事置於理斃之一邑震洗踐更卒徐浦偶從儻眾中奇其狀曰是大有異問其年甫十五問其家世則子然一身耳呼至衙廡與諸子輩同業延文學周烈課之出聘金為婚素封祖氏之女不數年聯第以去後官給諫有直聲其家世世尸祝焉民和政理邑以大治方擬崇轉而浩然投劾歸矣時甌寧都御史范嵩作秋轍遐思圖贈其行邑勒堅珉以志其績歸時行李不備圖書數卷而已退居里中授徒講學暇則詠歌以適志永嘉相累招之不赴人以爲剛正恬素有父風焉

本朝分省人物考 卷四十 三十九 南直三 余美

胡燿

胡燿字仲光蕪湖人自幼穎悟髫年即能詩翰家世農從諸弟躬耕盛暑中亦携書以隨暇則坐茂樹中開卷朗誦暮歸仍檢閱不厭雞鳴起讀周易數卦乃出耕以嘉靖癸丑登進士選翰林院庶吉士丙辰拜戶部主事所司錢穀出入惟謹丁巳朝廷以災變求直言抗疏千百言皆戚畹閹宦方士夷狄等事詞意切直僚友危之命下悉宥不數月宦者果以賊敗自是名動縉紳辛酉春奏乞養病卒於家燿狀貌清癯沉靜寡欲孝敬睦愛出於天性該博五經羣史諸子

百家初無師授惟潛心玩索而有所得發為文章詞賦雄偉精當所著有太學補蒲塘集存焉

邢址

邢址字汝立號陽川當塗人珣季子也少穎異不羣茹素甘澹絕不染貴介習自定省外一意讀書而已為諸生時構一小樓日研會尋索益務精詣不下樓者三年一出而遂領叢薦登嘉靖壬辰進士授刑部主政有能聲七月即擢監察御史址修幹偉貌美鬚髯一日侍經筵上問內侍曰頎而髯者何官真御史也再扈蹕幸西山有錦帶襪衣之賜會有奏兩廣諸司帑金累數十年不清查前後相仍為墨者特詔址借給諫錢薇往磨勘焉至即封其庫藏盡搜剔其蠹弊不遺根穴宿弊清而謗怨騰沸矣出為寶定守址剛介之性即遭折不磨治郡一以清肅為主往新守至例有茶菓銀八百兩厲色却之以賙寒士堂城之間肅然吏抱牘以進唯諾凜凜五伯植立如木偶不敢有妄趨而旁睨者時柄相專恣蒼頭輩竊威以嚇郡邑吏所過無不頥指以承者至寶定橫恣益甚址繫其最黠悍者杖遣之柄相聞而銜之甚遂遷邵武守踰年擢山東運使址嘆曰使我脂韋借俗為繞

本朝分省人物考 卷四十

三十一

南直三十一 許全

指柔乎自分不能惟有清泉白石知我心耳屢疏致政而歸蕩漾湖光相對自適郡守祝公數以幣請見不答直指游公欲薦之於朝謝愈力自里居後從未直父于一轍也

夏廷美

夏廷美繁昌人下里田夫也性孝友忱恂里人敬信之張甌山以司徒左遷主繁昌教物色之招與講學一日甌山號於會眾曰夫為學學為人也为人須求為真人母為假人廷美憮然內省曰吾平日所修持為人者得毋未真耶時時循省求所為真者已從焦子澹園游漸知向裏久之自信得自然肯趣以書抵焦子商正焦子報書曰要自然便不自然可將汝自然拋去他方世界也于是聞而有言請其時胸中浩然如洗云平日故未事詩書至是始請于焦子讀何書焦子曰讀四書可乃日取學庸論孟次第咏誦時以已意詮解甚有悟入嘗謂思知人不可不知天仁者人也人原是天人不知天便不是人如何能事親稱孝子又論語所謂異端云者謂其端異也吾人須是研究自己為學初念其發端果是為何乃為正學

本朝分省人物考 卷四十

三十一

南直三十一 許全

今人讀孔孟書若祇爲榮肥計便是大異端如何又
 關異端又曰吾人須是自心作得主宰凡事只依本
 心而行便是大丈夫若爲世味牽引依違從物卽名
 爲學道者不能自信本心勦襲紙上陳言挨傍別人
 口吻此皆孟子所云妾婦道也一日忽喟然曰天理
 人欲不知誰氏作此分別反身細求理欲止在迷悟
 間悟則人欲卽天理迷則天理亦人欲也又嘗謂焦
 子曰吾讀論孟竊思孔孟之學同其道同乃孔子爲
 至聖孟子何未能與擬蓋嘗疑之近日反覆誦思如
 論語篇中孔子自謂未能者七謂何有於我者七乃
 本朝分省人物考卷四十一

孟子七篇更未見有此類語意母乃孔孟之所以別

三十三

南直三十一
許全

本朝分省人物考卷之四十終

人物考卷之四十一目錄
 南直隸滁徐和廣四州

范常	樂韶鳳
黃立	何文輝
韓青	吳亮
黃純	馬諒
方瑛	劉清
于鏊	戚賢
胡松	朱守仁
高遜志	黃政
孟驥	任蕭
山雲	甄實
馬榮	陳敬
權謹	王弼
蔡楫	張宏
華高	徐義
李隆	耿定
馬應龍	錢用任
陳翼	胡虞
李崇謙	濮陽涑

本朝分省人物考卷四十一目錄

一

南直卅一
吳

姜洪

李天植

夏良心 以上廣德州

補遺

劉愷

周冕

邵夢麟

王宗顯

呂盛

本朝分省人物考

卷四十一目錄

二

本朝京省人物考卷之四十一

南直隸滁徐和廣四州

范常

范常字子權滁州人 高皇帝起兵淮上首得滁常
即杖策謁軍門留置幕下有所疑即以問每對輒稱
旨 上命為辭以禱上帝有奉天征討慮弗合於天
心等語深契 上心既而 上渡江取姑孰常以師
閩都事贊軍政留姑孰又移毗陵及維揚會姑孰關
守遂命常守姑孰以簡易寬厚為政居三年民親愛
之既去久思之猶不忘洪武建元 上銳意於稽古

本朝分省人物考

卷四十一

南直州二

禮文命為翰林直學士制禮作樂之事多委之尋以
病謝去歲餘 上念舊臣在者無幾有旨徵詣闕俾
仍任前職 上每宴閒命儒臣列坐賦詩以為樂詩
成以獻 上笑曰老范之詩質朴而無華殊類其為
人尋遷起居注適有足疾數在告 上即傳旨令其
善自愛又賜以安車俾其出入勿與眾人同時人榮
之常每自稱瑯琊山人或問曰山人隱者之稱也今
君朝夕在 天子左右為侍從臣柰何用隱者之稱
為乎驟然應之曰士各有志吾今雖忝列從臣抑鄉
土之念誰能忘之犬馬之齒且益衰暮 天子倘賜

於嶺首丘之願可終遂矣山人之稱固吾所以志之也未幾力疏致仕以歸

樂韶鳳

樂韶鳳字舜儀一字鳴瑞滁州全椒人元末兵起有經世之志乙未年謁太祖於軍門與語奇之是秋扈蹕渡江參贊機事從下金陵丁酉年授江南行省管勾洪武三年授起居注四年遷給事中尋進中書左司員外郎本年陞兵部侍郎六年陞本部尚書戊午上念天下既定恐中外將卒習於安逸弛武藝命同省臺督府定議教練軍士法凡騎士必善馳射

本朝分省人物考

卷四十一

二

南直州一
吳士元

及用鎗刀步兵必善弓弩及鎗刀凡射十二箭內六箭遠可到近可中者為中式并定賞罰各有差本年六月改翰林侍講學士與承旨詹同定祀孔子樂章九年編集大明日曆命韶鳳為催纂官又命擇唐宋名儒表箋可為式者頒行天下七年上以祭祀還用樂舞前導命翰林儒臣撰樂章以致敬慎鑒戒之意上所撰神降祥神祝惠并酣酒色荒禽荒諸曲凡三十九章曰回鑾樂其辭皆存規諫其舞分為八隊隊皆八人禮部具圖以上命樂工肄習之八年三月上以舊韻起於江左多失正音乃命韶鳳與諸廷臣

以中原雅音正之書成名曰洪武正韻九月命考陵

寢朔望節序祭祀禮韶鳳奏漢祖諸廟寢園各有便

殿日祭於寢月祭於廟時祭於便殿唐園陵之制皇

祖以上至太祖陵皆朔望上食元日冬至寒食伏臘

社各一祭欽惟我朝祭祀皇陵舊儀每歲元旦清

明七月望十月朔冬夏二至日祭用太牢其伏臘社

每月朔望日則用特羊上俱從之十一月詔定登

壇脫烏禮韶鳳奏古者侍坐於長者履不上於堂解

履不敢當階就履而舉之屏於側註云履賤者則不

敢陳於尊者之側長者在堂則脫於階下長者在室

則着履上堂而不着入室漢魏以後朝祭則跣襪惟

蕭何劍履上殿宋時南郊皇帝至南階脫烏下壇入

廟脫烏升殿今議於郊祀廟享前期一日有司以席

藉地設御幕於壇東南門外及設執事官脫履之次

於壇門外西側祭日大駕臨壇入幕次脫烏升壇其

升壇執事導駕贊禮讀祝分獻陪祭官皆脫烏於外

以次入壇供事協律郎樂舞生依前跣襪就位祭畢

降壇納烏上俱從之尋以病免九年起國子司業

十二年陞祭酒上賜諭曰文廟之設是尊先師也

故哲王必選名儒以導學者今朕法前代命爾承是

本朝分省人物考

卷四十一

三

南直州一
吳士元

師範闡揚博通使幼者記壯者解毋怠寸陰八月詔定 皇太子與諸王往復書劄禮韶鳳考據精詳屢蒙 褒答十三年雷震奉天殿 上以羣臣多不職罷之韶鳳先以病致仕以壽考終墓在縣西沿村河韶鳳為人和易簡諒弟暉以人才知開封府禮太常卿毅諸暨同知均為世所重云

黃立

黃立滁州人性寬厚有巧思洪武初扈蹕渡江與謀軍機除中書省都司尋遷郎中屢著勤勞洪武二十三年擢工部右侍郎二十五年以年老致仕

何文輝

何文輝字德明滁州人王師取滁州得文輝年始十四 上愛之撫育教訓如諸子既長以其材命為總制遷天寧翼元帥 上與陳友諒戰鄱陽湖文輝在行間以功陞同知南昌衛指揮尋進江西行省參政轉左丞以征南副將軍平福建徵遷京師扈從北巡及取河南復拜河南衛指揮使命守潼關從大將軍西破元擴廓帖木兒軍使攝西安分都督府事加鎮將軍大都督府僉事從潁川侯傅友德取成都以兵戍之陞大都督府同知五年曹國公李文忠北征和

六朝分省人物考 卷四十一 四 南直州一 吳士元

林輝督兵巡居庸關遇疾還卒于家年三十有六上悼惜命有司治喪事官給儀物葬之

韓青

韓青全椒人英勇過人且善騎射永樂中 文皇征迤北聞其名特命為前鋒攻殺醜虜賊眾宵遁閱數日師駐大城陽和復命青率勁騎襲擊之賊望風奔竄宣德改元從 宣廟討武定州既還賜賚有加明年甘延諸羌侵邊命青同總戎征之青才識敏給邊備嚴整有古良將風既還陞山東都指揮僉事操執清慎門無私謁服則與賢士大夫講論古今及將鑑

六朝分省人物考 卷四十一 五 南直州一 并徐

武經諸書以資聞見嘗駐節臨清總督江淮漕運將士不勞而事集正統十四年秋虜酋也先輩憑陵中國遂致蒙塵賊乘勝長驅履險隘如坦途景泰初詔邊關可通萬馬者悉以重臣守之紫荆關尤重惟青往守而以副都御史孫祥為監軍青倉卒至關關寬敞多岐路守者恒怯虜猝至咸鼠竄奔潰青招得勁騎百餘諭以忠義當盡死報國眾聞之感泣縱騎突出與賊交戰於升兒灣擊賊數輩已而賊悉眾來迎青手劍之數被創復為流矢所中屹然不動自午達申轉戰益力賊圍之數重欲招降青大罵曰獐羯狗

奴我背忠義而徇汝乎引劍自刎賊退之三日收屍身無完膚顏面如生 上命陞三級以其千承嗣幼弱命廩優養于家

吳亮

吳亮滁州來安人初爲青州護衛副千戶永樂元年陞旗手衛指揮僉事屢從軍征討宣德五年陞署湖廣都指揮僉事尋實授充副總兵總督漕運兼鎮守淮安正統間陞都指揮同知以平江西新淦賊功陞都督僉事充副總兵佩征南副將軍印鎮守貴州累陞右都督尋調鎮守雲南七年召還命視右府事十

本朝分省人物考

卷四十一

六

南直卅二

一年上疏乞致仕 上從其請卒于武岡遣官祭葬亮體貌魁梧饒智略屢統軍征討常以不殺爲意所至蠻夷懷附性寬簡喜文學至老手不釋卷人以是重之

黃純

黃純全椒人永樂中由鄉貢累官兵科給事中疏陳時政甚得窾綮陞江西提學副使德行文章爲時稱重子璵舉進士授御史卓有能聲

馬諒

馬諒字子諒全椒人宣德壬子領鄉薦癸丑第進士

觀政戶部督賦廣藩授行在吏科給事中數陳時務闡切知大體奉使山右藩土恪謹禮儀一無所受正統甲子陞山東布政司左叅議景泰辛未陞應天府尹天順丁丑陞南京戶部左侍郎三月奉賀闕下陳情歸省有寶鑑之賜庚辰召至京蒞事戶部壬午復南京戶部癸未滿九載上疏乞骸骨詔許之蓋尹應天時嘗忤權貴思有以中傷之久矣至是以老疾爲言而諒年纔五十八實未老士論惜之諒爲人精敏究心吏治其始至山東也循行郡邑訪庶政得失察百司賢否廢興黜陟悉協公議會河決張秋朝廷雖

本朝分省人物考

卷四十一

七

南直卅二

遣大臣治之然分理之務多出于諒水訖不能爲患正統末胡虜犯邊降虜安置山東者欲乘機爲亂朝廷憂之以勅諭三司戢民守城諒曰此勅不可使聞於衆俄有馳生擒胡寇文移至者乃集衆諭之衆咸帖服民有感於後妻而欲置子於法諒喻其父母曰昔夫子爲政誅少正卯而宥不孝以教令不明也今爾子有凶德乃吾屬教令之失非由爾民之罪也其父母感悟遂請釋之還爲孝子有民婦與夫兄有隙而縊殺其子姦人之婦而殺其夫匿其碑券強占民田盜米廩餘地以廣其居皆久訟不決一訊卽伏其

辜歸其侵地而於負冤者尤力為辯雪比至應天府
事填委諒裁決如流案無留牘深水民素健訟一日
投牒至八百諒視其虛實而異置之召訟者曰某也
實某也虛虛則受笞實則待勘民願受笞者七八待
勘者不一二焉其俗人死而利其妻者出棺斂之人
已出棺復有以棺至者其妻欲嫁後至者用其棺而
先出棺者訟于縣不直復訟于諒諒責令曰薄俗不
能禁民死無所歸安用令為乃杖出棺者以棺給貧
民而歸其妻所親使俟終喪別適焉六合貧民與其
弟妻同劫人三斛粟事覺當棄市公曰以三斛粟而

本朝分省人物考

卷四十一

八

南直卅一
劉貴

殺一家三人吾不忍也乃為出其弟妻其人臨刑號
於眾曰吾死無所憾但吾尹之德無以報爾句容有
因人死而棄毀其屍者所司擬以支解入罪獄上諒
不可曰死後棄毀詎可與生前支解同科為輕減之
先時堂鈔獨歸于尹凡有供需悉出衙郭二縣民不
勝擾諒至一無所取分給僚屬之餘則儲以備燕饗
饋贖又積其餘以為工傭之費名曰公餘錢凡重建
府治修葺廟學創立貢院皆取給於此既而擢貳地
官曾未越月綱紀秩然有未便者條陳於上苟益於
時無所顧忌先是為叅議時陳撫安軍民五事府尹

秩滿陳卹民十三事朝覲至京又陳便民九事 上
覽疏嘉之多見施行歷官中外餘三十年門無私謁
謝事而歸囊橐蕭然田宅讓諸弟姪別建居室少買
田業治常產而家無綱紀之僕多自綜理暇則閉門
焚香緝閱墳典課子姪業明經而已當道至訪以時
事輒謝曰老耄無所與聞與守臣言無一語及私鄉
人以請托至者拒絕之或以利動則曰吾後事具矣
安用此為其清節雅操至於老而不變如此

方 瑛

方瑛滁州全椒人曾祖銘洪武中驍將也官至留守

本朝分省人物考

卷四十一

九

南直卅一
劉貴

衛百戶祖信以戰功陞濟陽衛千戶父政靖難累功
陞都督同知佩將軍印正統初進右都督征麓川領
兵深入援絕而死追封威遠伯謚忠毅瑛以廕授金
吾右衛指揮使論父死事功陞都指揮同知麓川賊
首思任發益肆猖獗辛酉春 上命定西伯蔣貴率
師討之以瑛故將子嘗從其父領支兵殺賊有膽氣
且熟其鄉道俾與貴同事瑛以此賊實君父之仇誓
必勦滅師抵其境提兵先登卒平其地進都指揮使
人皆嘆羨以為方氏有子矣壬戌復從靖遠伯王驥
征貢章沙霸河嶺諸蠻克之進後軍都督府都督僉

事丁卯春朝廷以瑛勇略兼人命克叅將將兵鎮守雲南時賊子思機發復據孟養以叛自將精兵擊走之獲其妻子象馬而還已巳夏宗州賊首黑番來等爲逆悉捕擒之還京進都督同知賞賚有加景泰初貴州東苗作亂圍平越興隆諸衛復命瑛將兵與兵部侍郎侯璉往平其賊遂進瑛右都督總兵鎮守貴州明年征香爐山諸寨悉平之復進左都督癸酉冬合四川兵勦滅草塘叛寇斬首七千餘級甲戌召還分總五軍營論平賊功進封南和伯食祿一千石子孫世襲給賜誥券明年專總神機營未幾銅鼓伍開

本朝分省人物考

卷四十一

十

南直世一
劉貴

劉清

諸苗復叛佩平蠻將軍印總兵討之比至賊境獎勵諸軍指授方略克平四百餘寨誅擒八千餘衆賊屏迹遂留鎮湖廣貴州威德並行苗蠻聞風納款者甚衆天順改元進封南和侯明年東酋長僭稱偽號據險爲患分兵進勦直搗其巢穴破六百餘寨斬首一萬餘級俘獲八千餘人械送首首至京斬之又明年出勦都勻等處克平二百餘寨擒斬二千餘人惡黨殆盡餘皆竄伏內地悉平朝廷方將論功行賞而一疾逝矣訃聞賜祭葬謚忠襄享年四十有五

本朝分省人物考 卷四一

劉清字廉夫滁州人正統七年中應天鄉試第二登戊辰進士選庶吉士疎朗不羈爲文如流水下筆數千言立就已巳之變虜犯德勝門百官分地守禦凡三日夜清帥衛士督發甚勤拜兵科給事中巡視紫荊關口雅有威望事寧還朝是時行查山苗叛亂朝廷以清久在兵諳戎命佐都督毛福壽討之時禮部尚書童軒贈以詩曰明時仕宦作參軍 帝命南征慰遠人紫氣橫空金劍冷綠雲炫日錦袍新指麾雷動紅蓮曉談笑風生細柳春會看捷書馳報日定將勛業照麒麟於是進兵香鑪山常以所得廩賜頒將士無不人人奮勵奏捷陞刑部右侍郎尋丁內艱奉詔奪情還部天順元年以事忤廷臣指左遷四川叅政卒年四十五

本朝分省人物考

卷四十一

十一

南直世二
范三

于鏊

于鏊字器之號雲心滁州人正德戊辰登進士授戶部主事部送太倉銀十數萬給邊嗣部檄主守徐州倉以慎修聞庚午改授廣西道監察御史日朋益之慶可榮鼎重之勝可懼也而御史之聲名乃著通歷三載奏最尋奉勅督長蘆鹽法兼視河道所至刻弊剔蠹風裁自持時薊賊揚虎等大掠河間諸郡縣勢

九一

甚猖獗適駐滄州賊前驅猝至城下守吏遁去人情惶駭賊已登城蓋服朱衣坐臺中臺面城邇賊從城上望見相戒曰毋驚動欽差相率詣臺門乞命蓋諭以無留城中及殺人劫庫自非首惡並許自新皆歡呼羅拜而去命吏數輩招降數百人渠兇就縛後按巡宣大監軍廝養誘脅大戶包納率至乾沒公私受蠹廉知之掩捕十數人治其罪勒限令償上下肅然莫敢犯踰年代還有武臣獻其妹侍 武廟而憑籍寵靈緣為奸利率眾御史攻之不報抗疏再陳至曰不韋進美姬而潛易秦春申成李園而卒傾楚明皇

本朝分省人物考

卷四十一

十一

南直州

寵祿山而幾危唐亦不報左都御史彭公慎許可獨器重焉令與張御史准看詳諸文字會大理寺丞缺員銓部欲擬蓋聞之急白彭公言故事官等當以俸差周御史倫實先于蓋階可弗越彭公歎曰君可謂虞廷之吏矣丙子陞浙江按察司副使浙為大藩獄訟繁劇號難理初孝豐土豪湯毛等負險拒命積歲不服 上命蓋同都御史張公津提兵克之有白金文綺之賜陞山東按察使會當路有銜以他事弗徇者為非語中之遂調貴州貴俗龐厚莫有撓者甚安之嘗曰得行其志者其貴陽乎乙酉入覲意亦倦游

矣遂致仕時年五十有五時父南溪翁既八十翁之弟率菴居士亦七十有七皆白首康強歲時率弟姪洎子若孫殆數百指拜階下人皆羨以為難得自筮仕至休致一廉自持比歸簾無餘貲已而貴陽舊僚致前未支俸七白金至付子弟令綱紀以贍生家始日裕乃買田左山之麓構屋其上雜時花木義興杭公淮額之曰上泉莊因自謂泉莊老農且為莊之十四景各有標題徜徉瞻眺超然有舞雩之意且曰景外之景標題豈能窮哉南溪翁病侍湯藥如少兒既卒斂葬虞祥一如古禮比禫則年亦七十矣與鄉先

本朝分省人物考

卷四十一

十一

南直州

生為清平會里居時絕不干謁然凡可以便民裨治者必告有司傾懷無隱問學務精詩文不事模擬而能道已所欲言尤究心六書之學平生精力健甚幾八十燭下猶能作蠅頭楷書以戊申春卒享年七十有九

戚賢

戚賢字秀夫號南玄全椒人當生之夕父夢天門洞開一兒從中躍下拳裳走抱覺而賢生少穎拔奇慧好讀書時全椒少文墨吏聞有少年多識字則逮為佐書史賢則匿之他所至督學御史行縣乃自外潛

歸一試遂補邑諸生以嘉靖丙戌成進士授歸安令
賢夙膺王文成之學恨不得執弟子禮至是遣使稟
學王文成答之曰道在人心皎如白日雖陰晴晦明
千態萬狀而白日之光未嘗增減變動從此悟入如
掃雲霧而睹白日何暇他求乎自是身任其學居官
行政一斷之心矢激弦絕不喻其果雖以此蒙訕賈
禍不恤也其令歸安先平徭役以貧富爲等差轉輸
者既無重困更不復自隱匿簿書之暇入郊野問民
何所疾苦其於豪右朝聞夕發芟摧不貸自謂縣令
得近民除道以行失拊巡意斥去徒衛以二隸導前
本朝分省人物考 卷四十一 十四 南直世一 朱徐

望謁廟畢與諸生講學爲言訓詁詞章不足以盡聖
人之道擇其篤行者優禮之而斥其尤無良者郡守
萬公雲鵬剛梗有聲數以事相忤至入計萬中浮言
獨走吏部直其枉萬以得全一縣令人吏部留其郡
守前後此未之見也丁繼母憂歸服除補知唐縣唐
民愿而野瘠而艱食至則新學宮興弦歌簡徭賦清
獄訟歲饑爲賑糶納券于粟約期來償禁酷逐伎民
用不耗未幾徵拜吏科給事中與安遠侯柳珣冊立
荆王餽遺一無所受虜寇陝西按撫上功罪異狀進
賢爲兵科右給事中往勘之舉劾簡孚兵氣自倍擢
工科都給事中漕河淤墊請開范光湖月河以通運
餉已復舉海內才望學問之臣十四人以進皆被廢
與踈遠之人又向以講學取人怒者也於是羣謗競
起左遷山東布政司都事請于巡撫曾公鉞致仕以
歸賢嘗自負意氣嫉惡如仇不能含忍然其好善赴
急一出于性成無所矯強故凡引植善類提獎後進
惟恐不及自爲縣以至入朝出使臨邊居家往來道
塗率皆講學之日與人言皆以良知之說爲主執之
甚堅而議論足以發之卽有持說不一者則曰吾聞
之陽明先生其說如此反覆辨析不明不已也歸七

年而父始卒壽九十又十七年而賢卒壽亦開八袞矣

胡松

胡松字汝茂號栢泉涿州人嘉靖戊子領鄉薦己丑成進士授東平知州州有巨豪劇寇前守累不能收捕設法擒殪之民有訟必先諭之以理不得已方置於法故民莫不愛其惠而畏其威至構祠祀之秩滿遷南京兵部員外改禮部郎中松以部員冗職稍有餘暇即聚經史求微詞與旨參稽考互必決洽曉暢而後已且日為學如儲積然廣於收貯應用自不竭

本朝分省人物考

卷四十一

十六

南直世一

矣陞湖廣叅議職糧餉值湖北叛苗鎮守之變紆籌策親履行陣遂致蕩平捷聞特降璽書慰勞有白金綵幣之賜尋督學山西樹風聲明經術以儲實材為天下用士類亦彬彬嚮風焉會廣西入內地抄掠民倉卒奔避太原太原城堅閉弗納松憤然曰是非我赤子耶若何弗納弗納其奚用守為守將懼遠納民民賴以全活甚眾於是遂上疏曰虜之敢於深入者以邊將怯懦失於先機故也賞罰不得當功罪不時審奸豪潛入虜地為嚮道而莫之察帥臣隱控劾冒以捷聞而弗之究則備禦何由嚴而虜安得不深入

本朝分省人物考

卷四十一

十七

南直世一

竊為國家憂之謹上便宜十二事曰懲苟玩堅障壞懷攜貳蓄孽牧慎任使利器具廣間諜清耗蠹嚴備禦核屯戍預積貯撫傷夷疊疊數千言皆切中邊計要害 上可其奏即擢叅政協守鴈門關松文臣也一旦起言邊事人固忌之而疏中語頗侵當時用事者以故得罪去家居築娛老堂奉二親別構尚友堂聚天下諸書讀之時與羅公洪先唐公順之入宜與山中盤桓究解務期脫然超解會言者以邊才薦拔起陝西叅政駐節平涼條奏數十事若嚴保甲均賦稅選伉健置常平大都可為經久計者轉浙江按察使尋遷左右轄時將吏多飢法侵剋軍食傳侍按發其賊至巨萬人心肅然擢副都御史巡撫江西適流賊豕突殺長吏率浙兵千餘人倍道出賊不意悉殲之因議曰豫章為閩廣下流當受其衝莫若於要地增置城濠屯戍守先事而待之復減租稅理冤獄舉賢良黜貪墨民得蘇息立石頌德焉始廣西賊帥張璉者黠慧獷悍為諸酋最其巢穴連諸洞寨驅羣蠻時出寇抄邊郡苦之諸路連兵征討數歲不能克至是悉平松之功為居多云陞兵部侍郎拜吏部尚書獎恬退抑躁進擢用才備以報稱德意未幾疾卒

徐州

朱守仁

朱守仁字元夫徐州人幼有大志好讀書落落自豪
視輩行岸然罕所推接元末兵起江淮鼎沸應州辟
累獻奇謀破羣盜歷官至樞密同知守舒城甲辰王
師攻廬州守仁知天命有在舉城附大將徐達陞見
太祖嘉其樸茂無華授中書斷事乙巳以袁州初附
命知郡事值郡治新設瘡痍未瘳守仁視身廉潔撫
字有方始終恢廓無畦畛民多德之洪武二年徵拜
工部侍郎越二年代安然為本部尚書尋改北平行

本朝分省人物考

卷四十一

十八

南直世

省參政又以餽餉不繼謫蒼梧知縣九年進知容州
尋改知高唐州俱有善政十年以幹治聞起四川布
政使時全蜀甫定奸伏易煽守仁威令簡嚴錮酷吏
懲無良郡邑化之爭以惠利顯未及一考以疾致仕
十五年雲南平改威楚開南等路宣撫司為楚雄府
上念漢楚雜處非得老成持重者不足以鎮之特起
知府事至則招集流移授以田土量民貧富均賦徭
役無偏累又肇建學校隨才曲成有強梗不馴者懲
以漢法歷九載境內大治及計績來朝闔郡保留不
獲垂涕而送之二十三年廷見會監牧日蕃太祖

本朝分省人物考 卷四一

留心馬政以守仁舊臣練達特拜太僕寺卿首奏准
都督府等衙門各立草場俱於江北易泉滁州等處
牧放馬匹所轄十四監九十八羣克舉職業孽息日
盛屢荷賞賚有所獻納無不俞受二十七年聽致仕
永樂二年疾卒

高遜志

高遜志字士敏蕭縣人元末僑寓嘉興好學嗜文其
為文深醇雅則成一家言年二十五為鄧山書院山
長洪武二年徵修元史入翰林為編修累遷侍講學
士革朝庚辰會試禮部尚書陳迪侍中黃觀知貢舉

本朝分省人物考

卷四十一

十九

南直世

遜志以太常寺右少卿與董倫為考試官得吉水王
良常熟黃鉞莆田陳繼之廬陵胡廣崇仁吳溥建安
楊子榮新淦金幼孜石首楊溥武進胡濙太康顧佐
時稱得人同較藝者右拾遺朱逢吉編修史官吳勤
葉惠仲趙友士徐旭張秉彝監試御史王度俞士吉
亦一時之選壬午之變王度葉惠仲死難餘順命顯
庸遜志存沒無可攷見殆晦迹終身挺節不汙於時
耶

黃政

黃政徐州碭山人洪武中為邑吏十八年以直言徵

九五

奏稱 旨擢都察院右僉都御史彈劾不避權要
年以事件 旨黜為英山縣吏及金山寇起求能討
平之者或以攻子琰聞徵琰至對曰臣年幼才弱不
及臣父知兵召還復職即日辭關渡江募勇敢士得
十餘萬人遂討平之尋陞本院左僉都御史二十二
年命討雲南叛夷設法招撫隨降服還至普安遇賊
中傷而卒

孟 驥

孟驥蕭縣人洪武初以才能舉累官禮部郎中治績
書最陞河南左叅政益練達政務遷四川左布政使
任滿夷民不釋復增秩留之後致仕

任 蕭

任蕭徐州人洪武中以鄉貢擢工部主事歷郎中時
營繕官殿事竣陞南昌知府政績卓異廉譽著聞遷
雲南左叅政致仕

山 雲

山雲徐州人父青以靖難功官至都督僉事雲襲為
金吾左衛指揮使從 太宗北征有功累陞都督僉
事宣德間佩征蠻將軍印鎮守廣西時峒峒獠獍叛
服不常雲率兵往討一鼓破之賊退保山巔山皆險

本朝分省人物考 卷四十一

二十

南直州一

張十一

峻草木蒙密賊以木掛于藤壘石其上官軍至輒斷
藤木石交下無敢近者雲營山下於夜半束火牛羊
之角而縱之賊謂官軍至矣亟斷藤比明木石皆盡
官軍鼓譟登山遂破賊壘斬首數萬級招降并還所
掠甚眾乃增築四城九堡傳舍九十餘區以鎮要害
自是終雲之世十餘年間獠獍無敢為孽者以功陞
都督同知繼陞右都督及病 上遣醫視療慰勞甚
至正統三年正月卒賜祭葬贈懷遠伯謚忠毅厚恤
其家命其子俊襲為府軍前衛指揮使廣人悲號立
祠塑像祀之雲沉勇廉潔便騎射臨敵多奇策馭下
嚴明而善撫恤之人樂效死所至成功先後鎮廣西
者多利土官餽遺惟雲分毫無取土人畏其約束無
敢少爽至今廣人論賢將必稱雲云

甄 實

甄實沛縣人永樂初鄉貢歷官湖州府同知秩滿以
績最陞太僕寺少卿益著勤能尋遷四川左布政使
致仕

馬 榮

馬榮徐州人少習武事有膽略永樂中從征北虜所
向克捷累功至右都督追封景城伯謚壯武

本朝分省人物考 卷四十一

二十一

南直州一

朱五秀

陳敬

陳敬礪山人膂力兼人嫻于武略永樂中從 駕北
征累立戰功官至中軍都督僉事鎮守山海永平等
處撫馭有方軍民懷服

權謹

權謹字仲常徐州人永樂丙戌以主事呂寧薦為樂
安令廉明仁恕為山東諸郡邑最秩滿轉光祿署丞
母病躬湯藥弗效叩首顙天求以身代母愈年九十
終比葬躬負土封樹廬墓三年孝感泉湧兔馴之異
永樂二十二年有司以聞命馳驛赴闕又命以其事

本朝分省人物考 卷四十一 三十一 南直州一 朱拉秀

狀朗誦大廷示百僚拜文華殿大學士謹辭弗稱

上曰朕之除卿嘉其孝以風天下之為人子者他非

卿責也時恭祀 文皇謹獨哭之哀 上嘉賜牛羊

脯醢果餌隨侍 皇太子監國留京得輔導體宣德

元年以疾乞歸進秩通政司右叅議賜白金文綺聽

致仕仍勅禮官旌其門謹既歸崇道敦德終始不渝

正統中卒子倫字民衷領永樂丁酉鄉薦學行修明

養親二十年親終隱居教授不仕倫子宇亦篤孝道

倫年九十病臥宇侍湯藥寢不解帶既卒葬廬墓負

土種樹成林晨昏哀泣母卒合殯亦如之州守以聞

旌表其門謹以孝表儀朝著倫宇籍其禮教舉之時
人咸稱權氏有世德云

王弼

王弼徐州人永樂中歷官良鄉知縣良鄉路當要衝
事極繁夥弼處之皆得其宜踰七載當代去民詣闕
懇留弼益勤政不怠歲大旱躬禱即得雨有蝗入境
復自祈之為羣鳥食盡民皆歡戴尋遷戶部主事

蔡楫

蔡楫沛縣人舉孝廉為嘉興知縣初至官出滯囚二
百餘人勸率富民納通糧四十八萬有奇縣多亡賴

本朝分省人物考 卷四十一 三十一 南直州一 范三

楫於縣廳置善惡二牌民有善志之有過惡弗率教

令亦志之由是民感愧皆趨善而去惡擢監察御史

董伐材于江西屢疏民疾苦以聞陞浙江僉事正以

率下而寬猛適中其卒也人多思之

張宏

張宏礪山人天性孝友勤於問學永樂中授開封府
同知轉戶部郎中律已廉潔苞苴未嘗一至其門出
知荊州府政務既舉所守益勵門絕私謁號閉門張

和州

華高

華高舍山人初以舟師從征累官湖廣行省平章政事天下已定論功封廣德侯後命往巡海南諸城卒于瓊州訃聞朝廷憫其無子詔納鐵券于墓中追封巢國公謚武壯

徐義

徐義和州人也初從平章也先帖木兒後因靖海侯吳公來歸相率渡江克太平定建康授領萬戶軍吳嘗以力戰創甚命義代之撫其背曰繼吾志者汝也義為子弟時慨然有大志不營志產業剛毅正直膂力過人好讀孫吳書意有所合則撫卷而喜平居以

本朝分省人物考

卷四十一

三四

南直州一 范三

騎射擊劍為樂至是戍守江陰施設布置人咸異之吳元年從征偽吳張士誠每戰能躍馬揮刀作虎吼入其陣眾皆披靡決戰之際雖矢石交集血流至踝弗顧也卒成其功繼克明州福城延平還定昌國拔蘭秀二山洪武元年授昭信校尉江陰衛百戶三年陞武略將軍汝寧衛副千戶從信國公克瞿塘進取西蜀五年復從岐陽王北征沙漠奮勇深入擒獲其眾又能撫恤士卒與同甘苦故得其死力而功能益著十一年授明威將軍建寧右衛指揮僉事號令整肅權禦有方繕修力役勞逸適均人心悅服二十一

年春得疾甚劇即却藥曰死自有命豈醫藥所能療耶顧其子信曰汝等當忠以事主正以率下勇以禦敵仁以撫眾則臣子之道盡矣言訖而逝享年五十

李隆

李隆字彥平和州人年十五襲封襄城伯雖甚少而氣槩英偉 上深器重之永樂庚寅以來每六師北伐輒分領兵扈從其應機發策出奇取勝雖老于行陣者亦讓其能 上益奇之以為可大用丙申 車駕臨北京命隆留守南京 仁宗即位命總兵鎮山海凡東北邊關皆屬節制威望著聞虜酋震懾未幾

本朝分省人物考

卷四十一

三五

南直州一 吳士元

復還南京洪熙宣德間屢有白金文綺之賜眷注甚篤隆在南京十有八年荷 列聖知遇褒嘉寵待所賜勅前後幾二百道隆於小大之務必盡其公威行惠施近悅遠懷人雖有貴賤愚良鄙細粗不同皆敬愛之如父母召還之日自都城至江上泣而送者相屬于路隆雖總理軍政然謙已下賢務循大體不苟為異同有司黜民丁隸府軍往督府與兵部再閱之不中選者例有罰隆曰彼出自田里兵非素習然方壯顧教練何如教練有法則怯可勇勇可使為精兵由是鮮有罰者丙寅命率師巡邊賜之鈔幣及寶

刀一曰軍事貴嚴寶刀之賜意其在此然威令素著
臨邊中飭守備內外整肅訖還不戮一人朝廷或有
政刑疑未決命文武大臣廷辨之隆侃侃正言犁然
當于人心士大夫益重之閒居手不釋卷古聖賢之
言行皆服行不怠祿賜之外不妄取一錢嘗刻漢疏
廣及唐盧坦之言以貽世訓諸子曰吾襲父爵四十
年幽遠之情固多未達所行之事寧免過差然兢兢
惕勵悔往修來不敢欺公貪墨以負朝廷付託之重
爾等其力勉之正統十二年薨時年五十有五

耿定

本朝分省人物考

卷四十一

二十六

南直世一
吳上元

耿定和州人宣德中以薦辟授官刑部郎中有能譽
陞浙江叅議尋陞本省布政司叅政正統十年處州
盜起定領兵勦捕率先督戰陷陣而死事聞贈按察
使遣官諭祭

馬應龍

馬應龍字公濟和州人弘治乙酉中鄉舉第二正德
辛未登進士除戶部主事值流賊劉七等寇河南
上命文武大臣討之命督餉以給軍事賊平賜銀幣
勞之踰年蜀盜尚未平於是命都御史彭公澤西征
仍以應龍叅軍督餉未幾彭公乃以延綏臨鞏洮岷

兵馬付應龍自爲一支遂有中江之捷斬首數百兵
勢漸盛後至漢川賊突至城下奮然提所部兵往勦
之大戰於三渡水親斬劇賊一人士卒奮擊所向披
靡斬獲幾四百餘級而中多渠魁於是軍中皆以文
武全才目之捷上再賜銀幣陞俸一級班師後又督
糧宣大乙亥陞郎中尋奉勅總理遼東糧儲收支有
法正已格物積弊若洗居一年軍民胥悅信畏若神
尋以病乞歸調理 上許之居鄉三年所學益進比
辛巳復除本部郎中至京數上言邊事 上允行之
嘉靖元年陞山東按察司副使整飭霸州等處兵備

本朝分省人物考

卷四十一

二十七

南直世二
張丹

正德以後浸爲盜藪地又多中貴洎勲戚庄宅士無
完器食無積粟豪家兼并侮法吏不敢捕桀民肆掠
邏不能獲至則肅貞憲度振揚威武創修城池建置
營堡大易舊觀於是汰冗僊選精壯得勇敢千人給
以利器厚以糗糧訓以坐作養以銳鋒又積粟萬二
千餘石以備緩急不數月間石泉房景玉陳奎梁臣
等大盜七百餘人泊窩主盧進胥銳二十餘家先後
俱獲而姦豪白鉞白景方等處以重法不通請謁由
是民志惟熙吏守不盪其他明冤獄摘隱昧不可勝
紀民皆設位祠祀於家巡撫都御史孟公春以治狀

上聞有銚金文綺之賜宿有疾疾在霸州五年公事
旁午間作間瘳逮丙戌章九上乞歸 優旨不允冬
十二月疾劇忽有四川按察使之命而竟不起矣

廣德州

錢用任

錢用任廣德州人元末進士為翰林院編修張士誠
據吳用為淮南省叅政乙巳冬王師下淮揚率城歸
附授按察司副使尋遷中書省叅議吳元年改御史
臺經歷進奉訓大夫尋奉命裁定律令洪武元年陞
禮部尚書秋八月遣官釋奠於先師孔子用任等奏

本朝分省人物考

卷四十一

二十八

南直州一
張省

周制凡始立學者釋奠于先聖先師凡學春夏釋奠
於先師秋冬亦如之漢春秋合樂則天子視學有司
總祭先聖先師是則漢時釋奠亦略可知矣魏正始
中使太常釋奠於辟雍晉釋奠皆於國學東晉成穆
孝武皆親釋奠隋制國子監每歲四仲月上丁釋奠
先聖先師州縣學則用春秋仲月唐初釋奠儒官為
祭主直書博士姓名敢昭告於先聖許敬宗奏請令
國子監祭酒為初獻詞稱皇帝謹遣仍令司業為亞
獻博士為終獻縣則令為初獻丞為亞獻主簿及尉
通為終獻永為禮制武德貞觀中皆以二月親幸國

子監釋奠開耀景龍中皆皇太子釋奠於太學開元
中詔春秋釋奠以三公攝事著之常式若遇大祀則
仲丁州縣用上丁宋元因古禮而損益之今宜定制
以仲春仲秋二上丁日降香遣官祀於國學以初
初獻翰林學士亞獻國子監祭酒終獻 上然之至
是遣官致祭本年十二月乞休賜居湖州

陳翼

陳翼字良輔廣德州人父興洪武中累戰功世襲指
揮僉事翼從 成祖舉靖難師累立戰功陞鎮國將
軍陝西都司都指揮同知尋命掌金吾右衛事永樂

本朝分省人物考

卷四十一

二十九

南直州一
張省

己丑扈 駕還北京進階中軍都督府都督同知後
二年數將神機營軍馬扈巡迤北至和林擊斬胡寇
瓦剌人畜殆盡後七年詔總南京督府視事洪熙改
元召還北京未幾有疾給醫藥調治久之不能起宣
德三年卒壽六十有三 上聞訃給喪具道里費勅
有司治葬從一品制自襲斂至祥禫諭祭者四翼神
觀高偉聲如洪鐘讀書善騎射以才氣自負為將矜
而不肆嚴而有恩又能先幾倡勇制變履危戰勝之
日務以吊殘恤寡為事未嘗妄殺一人故士卒樂附
所向成功不遜古名將云

胡 虞

胡虞字致恭廣德州人年甫一紀而失怙母淑人口授孝經論語輒能通大義出從邑博士授經重以慈訓之嚴刻苦就學母沒廬墓三年永樂初升太學歷事內廷擢工科給事中嘗攝通政司事 太宗每嘉獎之九載陞交趾按察僉事 仁宗以其久任近侍特留之擢都察院右副都御史宣德中出師征交趾命督廣東漕運復命往巴蜀督軍民採材木既還改授福建右叅政秩滿以老疾致仕虞居近侍每有建明同列多推讓之職都憲奉法嚴謹風紀以振督運

本朝分省人物考

卷四十一

三十

南直州一
姜洪

廣東採木巴蜀措置有方人不勞而事集其在閩藩蒞事尚寬簡吏民懷之所至有施設蜀民貧者親死多暴露命從儉葬之福州城河久湮廢不通舟楫命疏之建伏波將軍祠創程明道先生道南堂凡可以化民勵俗者靡不用心致仕居鄉里以睦族教子為事正統庚申以疾卒享年六十有八疾亟呼諸子侍側索紙筆書二詩以訓戒之

李崇謙

李崇謙字孔濟號松渠廣德州人生而穎敏孩時聞人讀書輒能記憶以問其父昭父大奇之後隨父叅

軍楚之斬陽父卒于官時年甫十二即能哀毀備之千里扶襯犯洪濤而東竟得無恙抵家間閉噴噴稱之母馬夫人以其父卒於官戒勿讀書每置書輟焚之年將弱冠泣對母曰男子當置身立名管業不朽兒不讀書可奈何聞勾餘韓君應龍奇士也授經于郡南之戈村負笈從之韓君一見知其器宇嵯嶮不類庸俗曰吾將託墜緒于此人豈僅僅一朋聚之為快乎於是悉底裏相示靡不劔映者韓君大魁于嘉靖乙未榜而崇謙亦於嘉靖丁酉發魁南畿因母老善病弗忍遠離屢不赴舉春官尋令浙之分水多惠政民尸祝之稍遷為豫章吉州別駕母畏長江之險弗克迎養遂謝命不行萊彩之暇一以課兒輩引進後學為事中丞李得陽其長子也忠孝性成標格莊峻與真菴濮陽先生涑以道誼氣節相砥亭亭直上實桐土之翹楚焉入鄉賢祠

本朝分省人物考

卷四十一

三十一

南直州一
張六

濮陽涑

濮陽涑字致東廣德州人端方正直不愧形影中嘉靖丁酉科凡十二上公車適典試者為涑內姪故不通謁曰吾不敢以攀附愧科名既而有以年誼欲授以京秩者斂容謝曰筮仕不正何以正人椒山楊公

西市之慘人人辟易獨素服往哭之其生平氣節類如此初以母老不仕母終就選南昌別駕凡三署邑符操勵懸魚治去害馬時花園積寇猖獗乘間布方略親搗其巢穴捷聞奉 欽賞羨餘毫不染指積穀備賑亡何大稔全活數萬人先是豐城有劫庫之變橫及無辜力為申救尋獲真盜所全百餘家比致政杜門養重絕迹公庭至事關大體則又慷慨身任之如建平攀州馬政又如欲議轄州于府闔郡惴惴不保生聚皆首倡率眾援 祖制陳利害力寢之空齋習靜悠然會心所著有四書貞義禮記貞義韻學大成圖書性理訂疑行于世更著家規如干卷一繩子弟以禮卒後章民追思俎豆于名宦祠又逾年州人士請祀于鄉仰止公評至今傳頌如一口云

姜 洪

姜洪字希範號敬齋廣德州人束髮即警悟家貧力學嘗以布買得假銀歎曰人以欺我豈可以欺人哉擲之水中成化乙酉薦鄉書成登進士除廬氏縣令以禮教民嘗單騎勸農并教之紡織以裕布帛誅不孝以正綱常縣民姜仲禮願以身代父大辟特與奏免之徵入為貴州道御史邑人感泣建祠尸祝

本朝分省人物考

卷四十一

三十一

南直州一

張六

焉 孝廟登極疏時政八條多見採納及按湖廣值歲饑所賑活無算楚藩吉王 憲廟親弟也請益莊田洪疏其不可事竟寢楚中漕糧以十萬計歲歉轉輸為艱與總漕辨甚力坐貶山西夏邑令治行一如盧氏轉桂林知府討蠻賊陞滇南大叅時土官陶洪與八百媳婦約為亂洪乘間撲滅尋執其麾下楊炯斬戮以徇明年洞蠻來寇 上命合兵討之桃古悉平正德丁卯轉山西布政關宦劉瑾擅權求賂于洪洪弗與落職歸里門日以荷鋤把甕為樂若忘其為貴顯也已而瑾伏誅起山東左布政陞右副都御史提督鴈門關兼巡撫山西頻行惟收月俸六石病革至無能為餐以告三司眾皆墮淚曰予輩可以無給乎洪慨然不悅竟卒洪歷仕四十載囊無錫幣門無垣墻真清白吏云

李天植

李天植字性甫別號冲涵廣德州人自博士員輒有公輔望聞文成良知之說恍如夙解復從鄒文莊諸先哲商證融徹丁卯薦南都禮記第二人辛未成進士楊公博典選事有知人鑑偉視公曰是望而知其正人敢以惠吾鄉授平陽司理奏績治平天下第一

本朝分省人物考

卷四十一

三十一

南直州一

范王

徵拜吏科給事中疏數十上皆天下大計時江陵相當國奪情議起排眾昌言曰異日謂羅一峰何如人遂大忤江陵無何鄒公元標趙公用賢各具疏忤旨杖斥卽上疏論救備極詳懇江陵恚甚計中之無何有旨選淨身男子若干人又力陳儒生進學數少中貴選用太盛兩事倒置語攻政府益急遂借年例出分守江西饒南時議毀天下書院當事者希相臣意欲併廢白鹿洞膳田力持不可且捐餼增益之羣諸生講習其中所興起甚眾閩二歲遷湖廣副使鎮長寶二郡癸未楚地大饑日夜籌畫捐新俸佐以本朝分省人物考卷四十一
南直世一 三十四 范王

十二生平著述甚富晚更喜易偶拈一二語輒盡消息盈虛之變遺文如千卷其舉業諸書有禮記哀言行于世

夏良心

夏良心字宗堯廣德州人隆慶辛未進士歷官副都御史巡撫江西廣信銅塘山巨閩浙延袤七百里故劇盜鄧茂七藪向奉旨封禁璫誤信爲礦疏請開良心謂是役也害叵測而非可口舌爭乃繪山箐險瘠爲圖疏不可者十以上復授意郡守俟璫勘時理諭勢禁璫遂意折疏上乃爲報罷并罷泰和武山石膏役已復置義倉貯穀二萬石置義田二百七十餘畝備賑後值歲大祲有司取以供正賦他如覈保甲申錢禁汰冗兵減芻從懲悍宗所爲地方計不遺餘力比六載考績陞兵部右侍郎照舊巡撫逾年病病時口授遺疏惓惓以稅使未撤伏賢未起爲言遂卒按臣徐元正請卹典西章人環聚而祠之并乞祠額得旨贈兵部尚書予祭葬仍加祭一壇祠名哀德先是爲諸生時佐其父市稔田百畝以振族宴歷宦幾十年其所俸入僅充食指復置田百畝以廣先人之惠生平端肅沉毅言笑不苟卽燕行寢處子弟肅

本朝分省人物考卷四十一

三五

南直世一 范王

侍儼若朝典居家不附要津不結儔黨範我馳驅循彼周道真儒良弼何以加焉

補遺

劉愷

劉愷字伯和滁州人天順元年進士由南道御史丁憂復除河南道建言降瀏陽縣丞陞石首知縣薊州知州福建僉事致仕

周冕

周冕滁州人中正德丙子鄉試授新安令時洪水泛溢民居漂沒殆盡冕百計設處築障水堤數千餘丈

本朝分省人物考

卷四十一

三十六

南直

民始免于墊溺擢南京陝西道御史風裁嶽嶽抗節直言摘伏發奸不避權貴中外憚之奉委推稅國課不虧商民感德又奉查各衛屯田明界址清墾占前後所疏數十萬言踏勘紫沙等處親抵其地設法清丈不畏強禦歷年宿弊剷剔以忤當道出知鶴慶府遂不赴任飄然解組而歸

邵夢麟

邵夢麟滁州人七歲授書里塾每至閱子比于章輒潛然流涕常書其座右云士君子立身當忠孝廉介庶不忝乎所生登嘉靖己未進士初授大理評事扶繼

母柩歸舟沉棗林聞涉水扶視幾為所溺僉憲河南清屯田數萬頃置兩驛以甦民困叅議浙江剔蠹釐奸貪墨解綬倭寇溫處親督兵禦之生擒倭酋馬打一等督學江右加意行檢文崇典雅一切請托不行改山東叅政抵任七日而卒囊橐罄然無以為殮

王宗顯

王宗顯和州人以明經中鄉舉避元亂僑居嚴州越國公胡大海克嚴州得宗顯薦之知寧越府事首開郡學延儒士葉儀宋濂為五經師時喪亂之餘學校久廢至是始聞絃誦之聲復加意撫循扶衰起瘠二

本朝分省人物考

卷四十一

三十七

南直

年之後殷然成富教之俗焉

呂盛

呂盛建平縣人正德己未進士授義烏令廉明有為政聲茂著擢南戶曹歷遷山東副使兵備天津武廟南巡適當孔道且時方饑饉百計支吾後出無碍官銀日給流徙之民俾之就食給醫藥以療時疫改雲南叅政卒于官東人感德立祠于龍潭灣



人物考卷之四十二目錄

浙江杭州府一

王羽 張昇

鄒濟 凌雲翰

瞿佑 蔣驥

高得賜 王桂洪

姚伯華 高暉

潘中 李約

蔣暉 何頊

孫子良 俞益

趙新 柴車

周文 湛禮

王琦 孫景名

徐昂 夏時

徐琦 王榮

周安 于謙

周文 謝衡

朱祚 沈慶

蔣琳 張珍

鄒幹 陳信



本朝分省人物考 卷四十二目錄

浙江 劉汝愚

夏時正 周子良

沈敬 夏誠

周倫 張珩

吳福 江玘

王獻 吳誠

彭信 何琮

李昂 項麒

劉泰 孫璋

林章 汪諧

邵琮 凌鎬

鄭環 張順

于冕

本朝分省人物考 卷四十二目錄

浙江

本朝分省人物考卷之四十二

南直督學御史西浙過庭訓纂集

門人蘇松備兵副使南郡熊 膏叅閱

男 過銘盤

過銘孟

過銘蓋

寧國府學生員嚴弘志

句容縣學生員劉孔揚全訂正

浙江杭州府

王羽

本朝分省人物考 卷四十二

浙江一

王羽字儀之錢塘縣人舉鄉試第一登洪武二十四

年進士方正敦重恬默自持為文根極理要事支

蔓子宗賢鄉貢進士仕淮府長史

張昇

張昇字仲高杭州人弱冠有才識推擇為郡吏即以

清謹稱守以下咸禮遇之勤視簿書取嚴一介諸為

奸利者皆敬憚昇賢聲蔚起洪武間謁選超授吏部

員外郎矢志堅貞終始無玷及卒 上察其廉特給

驛舟遣內臣送柩還鄉誠異數也

鄒濟

鄒濟字汝舟其先嘉興人徙餘杭洪武十五年舉通

經儒士授餘杭訓導累官平度知州博學修行能文

章樂易無崖岸兼通老釋靖難後大臣薦修 高廟

實錄錄成永樂元年陞儀制郎中已而修永樂大典

諸儒臣推為總裁征安南叅贊大將軍軍事草獻俘

露布八年陞廣東叅政十年坐事改考功郎中 獻

陵留守南京擇宮寮改右庶子進少詹事當是時官

寮多得罪徐善述王汝玉馬京梁潛周冕相繼下獄

死濟幾陷死地者數矣竟積憂懼成疾 東宮憐之

書問曰卿善自攝即不諱卿苗裔余為提携不使墜

本朝分省人物考 卷四十二

浙江一

入蓬蒿卒後 獻陵悼念舊學贈太子少保謚文敏

建祠令有司春秋祀子幹 獻陵監國時遣入應天

學給米月二石正統四年進士歷官太子少保禮部

尚書致仕年八十四卒贈太子太保謚康靖

凌雲翰

凌雲翰字彥翀仁和人博通經史工於詞章領至正

十九年鄉薦除平江路學正不赴作梅詞霜天曉角

一百首柳詞柳稍青一百首號梅柳爭春韻調俱美

洪武初舉杭州府學訓導陞成都府學教授卒所著

有柘軒集

瞿佑

瞿佑字宗吉錢塘縣人學博才瞻風致俊朗年十四鄉人張彥復命賦雜詩美甚遂知名楊廉夫稱其為千里駒洪武中以薦授仁和訓導轉臨安教諭陞周府右長史師道振舉輔弼有法永樂間以詩禍編管保安久之釋歸復原職內閣辦事年八十七卒所著有春秋貫珠詩經正葩閱史管見鼓吹續音存齋詩集行世其不及載者尤衆

蔣驥

蔣驥錢塘人自少穎悟知讀書年十二選為郡庠生

本朝分省人物考

卷四十二

三

浙江一

從師受春秋淹通三傳得筆削之微旨弱冠領江浙鄉薦登洪武庚辰進士釋褐擢官行人奉命出使郡國姿貌清俊神氣秀朗所至人皆仰其風采焉永樂初與修高皇帝實錄既成賜白金綵幣襲衣陞翰林院檢討自是日居秘閣得盡閱古今天下之書而學識益進聲譽益隆未幾復與修永樂大典承命為副總裁書成忽為人連逮繫獄十有餘年處之怡然未嘗有纖芥不足之色洪熙改元恩釋陞左春坊左司直事宣帝於儲宮小心謹慎克盡厥職宣德初陞翰林院侍講與修太宗仁宗實錄既成有

白金文綺襲衣之賜進翰林侍講學士不兩月遂拜禮部右侍郎命下之日士林稱慶皆以為儒者之榮遇莫此為盛蒞事會未兼旬而遽以疾卒訃聞上嗟悼親為文遣官諭祭命給驛載其柩以歸詔有司為治墳塋

高得賜

高得賜字孟升錢塘縣人洪武間以文學薦授臨安縣學教諭陞高州府學教授永樂初召為宗人府經歷纂修大典為副總裁進講春官博物洽聞詩文純雅名重一時所著有節菴集

本朝分省人物考

卷四十二

四

浙江一

桂衡

桂衡字孟平仁和人博學能文詩極穠麗每一篇出人競錄傳洪武中為錢塘學訓導轉谷府奉祀卒于長沙所著有紫薇稿

王洪

王洪字希範仁和縣人年十七領鄉薦舉洪武三十年進士授行人陞給事中以文學遷翰林院檢討進修撰預修永樂大典為副總裁進侍講主考禮闈時胡文穆公秉筆修史位在洪右每事輒咨之及文穆有所請洪輒不聽至欲載其家乘瑞應之徵洪力言

上前以為不可取信天下來世胡深怨之左遷禮部主事無何卒洪少英雋有軼才與解縉王璉王偁王達善號東南五才子名重一時惜其文散逸不存居官耿介忠亮文章氣節表表時輩仕未通顯為時宰所擠惜哉史官鄭叔美曰王子才高乎一世而行幾乎古人特以負氣敢言為眾所忌可謂實錄

姚伯華

姚伯華桐廬人寓居錢塘生二十年未娶事父母極孝晨昏定省未嘗去左右父母年俱六十餘家頗溫厚值時艱難度不能存躬奉二親去匿閩原山中各

本朝分省人物考 卷四十一

五

浙江一 朱榮

挾資費以行倉卒為羣盜所迫投叢莽散失不知所往盜過父不虞後盜之至也出呼其子遂為盜所得妻聞知賫所挾物馳救其夫盜併驅以去至一山澗路崎嶇夫婦不能步哀訴乞免盜怒並推崖下墜石死明日盜稍退伯華遍野號呼追求不可得哭聲徹天忽有指示曰爾親在崖下趨視之則皆死矣已用絳紬被二裹其父母以肩擔之乘夜由間道奔桐江下時江無舟渡躊躇間俄漁人棹小舟遠遠向岸來若有使之伯華出銀鐲一隻付之載以渡南岸復肩擔二骸至姚家山祖墳之右採樹葉掩之徐用木錐

穴土且飢寒無力又慮他盜之窺覲也晝伏夜作二晝夜穴成深可丈餘負二骸殞於穴仍負土築壘高三尺痛哭嘔血而出未幾我 明有天下四海大定羣盜屏息民各復業於是伯華歸即舊基而屋之子然一身形影相吊乃因其族嫂宋氏聘錢塘楊氏為婦生三子家業漸饒伯華恨二親死非其所每一念輒號慟對人語及悲不自勝計其遇難時二月也不知其死日故每臨二月則終月絕酒食不茹葷不接賓客獨擁爐自泣手持火杖畫灰隱痛裂肺肝淚傾注灰盡濕不已家人妻子或問之故不答勸之益嗚咽弗能聲進飲食推去不能舉筋奉祀執爵哀哀呼泣如在膝下時雖路人聞之無不感動伯華記逃難日乏草履幾不免尋以銀釵購得之始獲濟遂終身手織草履以施貧乏弗較其直焉

高曄

高曄字汝晦臨安縣人永樂甲申進士累官四川僉事潔廉好義自為諸生時道逢遺金輒拾置墻隙中俟其人還之未嘗開視也民有訟田繫獄更數吏不能決曄至廉得其實立為斷之後謝政去其人以黃金廐馬為贈曄悉拒却邊夷感其德為構却金亭以

本朝分省人物考 卷四十二

六

浙江一 朱榮

彰盛美暉未老乞休野服蔬食意豁如也所著有復菴集讀易目錄

潘中

潘中字大本錢塘縣人永樂甲申進士授楚府伴讀為人骨鯁負氣不依阿詭隨持身以禮貌莊而詞確與士大夫言計天下事正論侃侃同列皆敬憚之一官三十年雖以直道齟齬終無變屈既歸家法嚴整閨門之內肅如也

李約

李約字孟博仁和縣人永樂甲申進士授兵部職方

士事丁亥左遷交趾通判未幾復職歷九年陞廣東按察司僉事每行部審繫囚聽讞精明直枉立判冤

繫者多所平反人皆稱之調山東僉事永樂丁酉復入為兵部員外郎進郎中兩使朝鮮不抗不隨人謂得使命之體時胡寇西鄙陞陝西左叅政督餉事竣還朝有偽稱校尉求郡邑賂遺者約籍其贓械送入京事連塞北邊軍及京衛軍反誣約居職方時受遺容隱約嘆曰自弱冠受朝廷厚恩今已斑白何心復與健兒語耶遂投劾去既歸深衣幅巾徜徉間里絕迹公府雅有士望年七十卒

蔣暉

蔣暉字廷暉仁和縣人曾祖鑑元鄉貢士為池陽掾遷杭平準庫副許浦監稅皆有惠利在民暉自幼博學覃精藝苑善楷法永樂中以有司薦入翰林授中書舍人歷禮部郎中食四品廩餼兼侍書年七十致仕卒年八十八歷官四十餘年恭勤慎密出入禁闥未有愆違尤篤於親交賙窮恤死義槩凜凜黃養正姚震並有學行緣事謫戍暉為言於朝皆脫謫籍為顯官人益以是多之

何灝

何灝字彥容仁和縣人永樂甲申進士官刑曹郎持法嚴不撓貴勢京師至為之語曰母縱誕避何鐵面受知成祖每大獄親呼灝名使決之出知辰州裁抑豪強凡鎮守總戎殘擾市肆者悉舉正其罪民為立生祠以祀灝致仕歸家居十年不入城市後以子琮貴贈通政使

孫子良

孫子良錢塘人洪武間貢入太學登永樂甲申進士選為庶吉士與修永樂大典書成拜武選郎中成祖北狩以尚書方賓從行命子良攝部事時兵政

繁劇子良應答如流大為 監國所眷注侃侃持正請託不行人多忌之子良本以郎曹領部鈐制屬吏同列滋不能平羣口交妬遂落職謫交趾布政司吏夷俗素不喜學子良善道誘之皆樂漸濡德教多有成者洪熙改元以言者薦起椽屬拜交趾叅議已又改山東叅議督治河南道年七十上章乞休推山東叅政卒年七十八少善學詩出入唐宋諸大家所著有螺城集四卷

俞益

俞益浙江餘杭人由進士預修永樂大典書成授江西靖安知縣廉平為治民甚安之親喪服闋改知潛山縣潛山僻陋益撫綏加勞兼興學教其持已愛民始終一節學問長於春秋公暇輒以授諸生屢考鄉試會試明於鑒別宣德九年卒室如懸磬至無以為歛吏民哀慕而助給焉

趙新

趙新字日新富陽縣人永樂初由國子生授工部主事擢吏部郎中精敏辨決長于運籌督儲轉餉茂著勞績擢吏部右侍郎巡撫江西綜核吏治使百司無廢務慮軫窮閭勤宣德惠以佐民急臨事籌畫每中

機宜長于合變至以漕淮之舟運西江之粟使兵農兩利民甚便之近世稱督撫之良者每推重焉仕終吏部尚書

柴車

柴車字叔興錢塘縣人遊郡庠從大章先生受春秋學成領鄉薦遂入太學永樂甲申擢為兵部武選司主事以勤慎得名未幾陞員外郎已丑 成祖北征與尚書方賓從行凡軍務倚辦隨機應變無留滯凡官屬從者又能庇佑之眾皆樂從及還陞江西叅議時營造事嚴命入閩中取大木丁夫之貧病者處之有方故事集而民不告勞初經廣信太守與車有舊饋密一罌車疑其重發視之皆白金笑曰此所謂故人知君君不知故人卒拒不納至閩縣有婦人抱嬰兒哭訴曰夫亡田產見奪於豪橫車察實移文所司還之歲餘人為職方郎中職方事最繁治之有餘力會謠言當有變詔沿江郡擇賢守以車知岳州鎮以恬靜民安之公事之暇則至學宮與諸生講學或行田間視耕獲賞勤而戒惰居三歲郡大治復召為職方郎中丁內艱奪情任事宣德庚戌陞兵部右侍郎尋轉左侍郎正統元年阿台朵兒只伯寇寨下西鄙

本朝分省人物考

卷四十一

九

浙江一

本朝分省人物考

卷四十二

十

浙江一

戒嚴 英宗命將往經略之俾車參贊軍務凡發卒
蒐騎積糧餉為戰守備皆有條法 上嘉之賜織金
綺衣一襲先是虜入鎮副總兵劉廣自涼州出兵往
援遇虜而退虜隨逼涼州廣閉門不敢出虜大掠而
去廣不以實聞反奏功微賞車劾其罔上又陳其欺
誑不法事甚悉請必寘之法 詔械廣父子至京又
劾奏寧夏等守將失律亦召還 上益以車公廉詳
慎為國盡忠 賜以白金文綺車前後章疏十上皆
剴切人或以後患怵之車曰吾敢愛身以誤國也每
有功賞雖 勅下必覆驗而後行詐冒必糾正無毫
髮私岷州士官都指揮僉事後能以家人冒功得陞
賞具奏罷所陞官能覆以為請 上宥之又反覆論
不可曰詐冒如能者非一人臣方按覈皆請罷今宥
能如餘人何若無功而得官則捐軀死敵者何以待
之 朝廷倘以後能土人宜寬假則以他名賜之爵
人莫敢援例若詐冒而陞臣實以為不可 詔嘉其
忠誠特食從二品祿三年以秩滿陞尚書仍兼軍務
既而事平召還賜以羊酒命視部事且侍經筵聽講
其年八月告歸省墳墓 上可之然欲託以邊事命
車速來已而還朝感疾命太醫日往視而疾益甚數

本朝分省人物考 卷四十一 浙江一 梁仲德

驚悸起曰誤事誤事命速治行蓋心不忘忠而忘其
身之病也 上聞而憫之卒年六十七

周文

周文字宗武仁和縣人永樂甲申進士授翰林庶吉
士時修永樂大典天下文學之士咸在館局獨雅推
文有纂述能聲稱赫起然亦以是不得終在史館出
為兵部主事遷員外郎轉湖廣參議黃州歲大稔流
移滿野道饑相望文多方籌畫以濟又盡捐俸入以
倡富民分粟先拯其急及事聞得請亟發倉賑濟全
活甚眾無何以疾卒部民擁道哀號至為服以送歸

本朝分省人物考 卷四十二 浙江一

漚

湛禮

湛禮字用和錢塘人永樂甲申進士授內江縣知縣
陞大理評事再遷至韶州府知府韶歲貢藤而產于
南海禮為疏于朝得免貢又曲江豪民二十餘戶皆
投充軍戶以免糧差禮乃列其狀以聞事得勘正嘗
遣隸卒往樂昌督稅法外需求無已令械繫以來禮
下教曰暴橫殃民法之所禁令能不以府役故屈法
貸之其賢可知矣由是府役至邑皆斂戢不敢肆有
已經讞斷復誣訴于藩司者藩司知其偽命禮按致

其罪禮慰遣去約五日來辨竟亦不加罪也其寬厚類如此清白自持始終無替及引年歸貧乏幾不能自存

王琦

王琦字文璣仁和人永樂甲午科鄉貢試禮部副榜授南陽汝州學正潔身先士卓有師模擢監察御史廉明勤慎風裁凜然尋陞山西按察僉事提督學校士風不變以母憂去起復值蜀患劇盜改飭四川兵備物論難之琦捧檄曰事不避難臣之職即就辟風威遠振盜賊解息蜀競異之已而知道與時違不能

本朝分省人物考

卷四十二

十三

浙江一

李再

狗人俯仰疏乞休致年踰五十歷官清白家無擔石之儲衣敝以紙補隙在官門無私謁平生不治生產居家陶如也歲大侵無以供朝夕冬且暮大雪連旬僵臥不能出門戶人有饋者非故舊推不受即故舊餽數亦却之鄰有唁之曰當道雅重公試一言何所不濟琦曰吾求無愧於心耳心苟無愧雖饑且寒無不樂也何唁之杭守胡君濬聞其貧餽之不受奏聞于朝欽賜百金琦北面辭謝曰在官叨祿周貧以粟不以粟而金無功豈敢受乎後竟以餓寒卒

孫景名

孫景名字克正富陽縣人孫鍾之後永樂戊戌進士授福建道監察御史改揚州府推官調臨江折獄詳慎有瑞蓮生治事廳沼陞知涿州蝗不入境調穎州興學校恤流逋麥秀至三五岐人歌誦之

徐昂

徐昂字仲規錢塘縣人永樂初由舉人授兵部司務陞刑部員外郎昂謹愿無他技能獨斤斤以廉隅自守有武士謝某者暮夜懷金來饋昂謝曰君以暮夜餽金豈不聞四知可畏乎堅却之謝慚退無何昂致仕還過姑蘇病卒貧無以殮謝聞之為具棺衾遺之

本朝分省人物考

卷四十二

十四

浙江一

李再

夏時

夏時字以正錢塘縣人永樂戊戌進士授戶科給事中洪熙改元議改鈔法時力言其擾市肆無裨國用疏留中不下已而泉幣大阻民輒犯禁議竟寢于是上思時言命侍皇太子祀祖陵孝陵所至遇歉輒建白發倉賑之留署南戶科宣德初一日三上封事稱旨命署尚寶司兼吏禮兵刑四科事身視七篆綜核靡遺事無愆滯才望赫然六年查後湖黃冊陳便立十四事至今行之擢江西僉事進

叅議以大臣會薦超擢廣西左布政使前後所上又十餘疏皆國家要機事雖不盡見信用識者矚其敢言其為僉憲時進知州柯暹所為教民條約均循冊式刊布而行之遂為令甲年未七十致仕歸卒生平潔廉好義篤孝二親及親歿廬于墓次哀號不輟致烏巢芝產之異鄉人以時德行足為鄉邦矜式乃謀建祠于石人嶺以祀之請于郡守張禧事聞當道一時鎮巡潘臬大吏咸為嘉嘆題其祠曰孝廉

徐琦

徐琦字良玉錢塘人登永樂乙未進士授行人遷南

本朝分省人物考

卷四十一

十五

浙江一李郁

職方員外郎宣德間黎利父子相構倡亂南鄙廷臣議撫之擇庶僚有才望者以行乃擢琦行在右通政持節往諭琦至彼激以父子之言利感泣即遣使輸欵併獻方物使還遷兵部右侍郎未幾命琦再往則黎已死其子麟蓄疑未服厲聲曰國家兵力百倍爾國若父蠲強猶俛首臣服况爾耶強麟行又欲質其愛子麟恐鑄金人鐫父名於背遣使請罪於朝上大悅宴賚特厚遂命落琦戎籍益異數也進南京兵部尚書叅贊機務留守南都二十年深沉果斷每臨大議衆論盈庭徐以一言斷之衆皆悅服謚貞襄

王榮

王榮字希仁錢塘人永樂中以乙榜進士授全椒學訓導陞淮府左長史至宣宗朝歷官吏科都給事中受命纂仁考御製陞太僕少卿景泰元年英廟在虜庭命榮持節充奉迎使見太上皇上皇諭令還報命進太僕寺卿又四年致仕歸榮天才快敏為文不屬思數千言立就有西漢氣骨立朝五十餘年聲實茂著

周安

周安字元靜仁和縣人永樂中以國子生授刑部主

本朝分省人物考

卷四十二

十六

浙江一李郁

事陞郎中安精聽讞慎刑法既履官即遷處於外使志慮清曠務得獄情以是人樂輸誠徃無冤繫擢江西按察司副使矢志清白斤斤職守歷官二十餘年家無尺寸之增

于謙

于謙字廷益錢塘縣人生有異質甫七歲僧蘭古春奇之曰此子他日救時宰相也長遊邑庠領永樂庚子鄉薦明年登進士第宣德改元丙午拜山西道監察御史謙風儀峻整音吐鴻暢每入侍奏對宣宗必注聽院長都御史顧佐風紀甚嚴獨器重謙巡按

江西奏白誣獄出數十百人於死劾治王府之以和買害民者 上親征武定州罪人既得命謙數其罪謙辭嚴義正矢口而成大稱 上旨庚戌河南山西災廷議必得大臣兼理之 上親署謙名擢兵部右侍郎賜勅以往謙年方三十有三感 上知遇夙夜經畫民大感悅九載秩滿進左侍郎謙在鎮久多善政在河南尤著若勸農糴粟官為收糴以備賑荒預擬河患督採近地草束以備築堰公吏積久易敗即減價而糴旁省亦獲以濟征輸稅有贏餘即以鈔折納官民交便河流歲衝土城遂築大隄以障植柳以

本朝分省人物考 卷四十二 浙江一 劉

為固立鋪設夫以備收補植柳於道以蔭行旅鑿井以濟道渴迄今存焉其在山西奏革大同鎮將役軍耕種之弊盡入其田為軍屯復以大同遠在北邊乞專差御史一員巡歷其地庶奸弊可革遂永為例議處修築鴈門軍役議派柴炭人夫通融有法仍奏減七分之一以甦民困時災傷民流移設法招撫又恐復業者憚於徵輸無復固志奏免所欠稅糧請著令有司考績以有無流民為殿最使知驚焉嘗自河南抵山西夜經太行山有羣盜持行兵喊而前從者駭愕謙厲聲叱曰汝何為者耶盜聞言大驚散去其德

威所著如此有叅議劉孔宗者律已甚嚴頗與流輩寡合眾構賊罪汚之謙知其誣即奏白其事恒以盈滿為懼請舉叅政孫元貞王來以自代時中璫王振方用事嗾言者劾謙按舉自代罷為大理寺左少卿二省之民倍道赴闕交章乞留親藩亦以不可無謙為請乃復命巡撫是正統丙寅歲也明年復為兵部右侍郎留理部事又明年己巳虜酋也先寇獨石馬營至秋遂猖獗 上下詔親征謙與尚書鄭瑄上言邊方將官皆可託以制虜不必煩六師且 皇上宗廟社稷主無輕臨戎懇留不聽八月望日師次狼山

本朝分省人物考 卷四十二 浙江一 劉

土木王師敗績 皇輿北狩京師大震時謙獨任部事北望號泣誓以滅虜將議集兵為守護京師計會皇太后命郕王監國以係人心於時臺諫廷論土冰之變罪歸王振 王始攝朝倉卒未有處分錦衣衛指揮馬順素附振意頗不平眾起梓順擊死復索振所親信二內侍將擊之班行誼雜無復朝儀 王疑懼屢欲退諸大臣亦多歛避謙堅立不動特掖王請留且請降旨宣諭羣臣無擅動振罪候請命於太后行誅順釋應死勿論命將軍亟擊二內侍死眾乃定退朝漏過午刻謙袍袖為裂吏部尚書王直執

謙手曰今日正賴公等若某百輩何能為謙辭謝不
 敢當尋以人望進兵部尚書固辭不獲始就職謙受
 任多事之際首劾扈從失律者武臣顧興祖輩文官
 王佐輩皆議罪以聞 憲廟春秋方富正位東宮羣
 臣合辭請郕王嗣位尊 英宗為太上皇帝改明年
 庚午為景泰元年天下始知有君謙入見泣對曰虜
 賊不道犯我邊疆遮留 大駕彼既得志將有長驅
 深入之勢不可不預為計邇者各營精銳兵械俱盡
 宜亟募兵易漕卒以備調令工部分局治兵器以備
 用京師九門尤為要地宜令都督孫鏗衛穎張軌張
 義雷通分守選給事中御史如王竑輩佐之列營於
 外以振軍勢徙郭外居民於城內隨地安插無為虜
 所害仍行虜所經由堅壁清野固守勿戰通州所積
 糧數百萬挽運固難棄之或以資虜宜令在官食糧
 者悉詣關支人以多寡受糧而歸全集京師庶幾兩
 便大同宣府嘗經標掠請 勅各地方守臣協力防
 鎮訓練修飭務有備至於選用人才尤為至務文臣
 如軒輓者宜令巡撫武臣如楊洪柳溥者宜為將帥
 軍旅之事臣請身任其責不效則治臣之罪 上皆
 嘉納之太監喜寧胡種也土木之潰歸降也先因為

本朝分省人物考 卷四十二 十九 浙江一 劉汝德

之用導之入寇虜奉 車駕趨紫荆關京師戒嚴
 臣至有挈家南奔者侍講徐理因謬言占象倡議南
 遷人心動搖謙抗言曰京師天下根本 宮廟山陵
 社稷在此百官萬姓帑藏食儲在此此而不守去將
 何之一動則大勢去矣宋南渡之事可鑑也太監金
 英時是謙言守議遂定主將石亨復為異議欲盡閉
 九門堅壁避賊鋒謙言不可請率先士卒躬擐甲冑
 出營德勝門以示必死泣以忠義諭三軍人人感奮
 勇氣自倍十月朔日也先入紫荆關傳言送 駕還
 京前驅突至我軍堅不為動知我有備稍自引却也
 先次至城下對我壘而陳 駕亦在虜營虜覘我軍
 嚴整不敢有加於我我亦不敢向虜輕發一矢 朝
 廷日遣使至也先壘問安喜寧嗾也先邀我六七大
 臣出城議和且需金帛等物萬萬計 廷議依違莫
 決禮部問謙謙曰今日止知有軍旅事他非所敢聞
 對壘凡七日虜移 駕就寬燥地隔壘漸遠乃舉砲
 擊虜營虜死砲下者萬計也先大沮宵遁大同叅將
 許貴奏欲遣使議和以緩虜兵徐為討伐計謙謂虜
 情謫詐叵測和不足恃况中國與虜不共戴天之讐
 和則背君父而忘大義莫若選將練兵養威蓄銳無

本朝分省人物考 卷四十二 二十 浙江一 劉汝德

輕遣使以取其侮從之謙以涿鹿真保定易州皆京師近地兵力單弱雖嘗遣都督劉安率兵巡視猶恐虜肆標掠力弗能支即奏遣都指揮陳旺石端王信王虹輩分益以兵往為之援復請 勅右都督楊俊節之民恃以安又以虜之深入必先攻犯白羊紫荆倒馬諸關復奏撥兵與原守官軍互為應援俾無債事謀報虜圍總兵朱謙於關子口明日復報追石亨於鴈門關烽火甚急遠邇騷動眾謂宜急發兵往援謙不為動即奏上方略密授亨等仍令各營選調軍馬若將尅日大舉者旋報虜已出境乃服謙料敵之本朝分省人物考 卷四十二 二十一 浙江一

睿謙謂喜寧不除虜卒弗靖乃以計授楊俊擒送京師謙廷劾其罪誅之自是虜竟畏憚悔禍不敢犯矣辛未也先遣使入貢請送 大駕還京 朝廷疑未之信下廷臣議謙曰此天意也君臣大義兄弟至親當速遣使奉迎以承天心萬一虜果懷詐我有辭矣議乃決秋九月 英宗還自虜庭時邊事靖寧謙益修安內攘外之政河間東昌諸處永樂時安置降虜甚眾方虜入寇時勢欲乘機而動謙因南征奏遣其有名號者以行遂留於彼以為潛消之計天青山祖宗陵寢所在而無城廓虜嘗犯其地乃起成山伯

王通城昌平徙民兵其中以衛陵寢且重邊關之授臨清漕舟所經舶輻輳實喉襟之地虜入寇時嘗有往據之謀乃奏遣平江伯陳豫築城以守遂為重鎮尋謀知為虜謀者乃我亡命小田兒也適雜虜使中來矚虛實謙奏授計於侍郎王偉因使大同道誅之初北邊獨石馬營八城為虜所破謙謂此不可棄即奏起都督孫安授以方略率兵度龍門關且戰且守由是八城復完謙謂京兵分隸五軍神機三千諸營者雖各有總兵然不相統或遇調發動相選敵兵將不識卒難濟事乃議以諸營馬步兵擇其精者十五萬人分為十營各立名號每營一都督一員總領之每五千用把總都指揮每千用把總一員每隊用管隊官二員團諳訓練體統既定兵將相識號令專一行伍不亂楊俊議奏盡出營兵併調三邊各路軍馬大舉勦虜可以得志謙執不可曰如此則京師各邊皆空虜或分兵牽制何以應之非兵家全勝之謀也上從謙言俊素跋扈時謂謙此議足以奪其心是時浙江福建有鄧茂七葉宗留廣東廣西有黃蕭養等乘時竊發殘破郡邑一時命將出師皆出謙籌畫卒用勦平貴州苗賊作亂侍郎何文淵奏乞罷布按

本朝分省人物考 卷四十二

二十一

浙江一

本朝分省人物考 卷四十二

二十一

浙江一

司復置宣慰司以土官蒞其地留諸司以轄諸衛遣
大將鎮之謙謂貴州自 祖宗開創八十年顧因小
寇遠隳成功况土地人民皆受之 祖宗者豈可輕
棄事遂寢謙念北虜既平軍國之務可緩懇辭兵柄
復以天變乞罷皆不許初也先犯京師石亨因謙成
功驟躋侯爵心不自安乃奏謙功宜官一子 朝廷
卽授其子寃前衛副千戶累疏懇辭且曰縱爲子求
官亦不當假手於亨不許既受命語寃曰我本書生
當 聖主憂勤之日分以死報顧功微報腆爾宜砥
礪名節毋忝 恩命朝廷復於京師之西 賜第一
子 浙江一

本朝分省人物考

卷四十二

二十三

浙江一

乃奏遣彪充遊擊將軍往戍大同二人不得遂所私
益切齒於謙思有以傾之矣丁丑正月 景皇帝不
豫謙同廷臣上章乞復皇儲未報 英宗皇帝復正
宸極亨等貪天之功掩爲已有卽誣謙等迎立外藩
以爲罪與大學士王文六七大臣俱下獄所司以金
牌勅符俱存他無顯跡可據亨等必欲置之於死會
徐瑾者以倡南遷爲謙所斥久不獲進因易名有貞
尤啣謙者廷鞫之日力言大肆拷掠宜無不承文不
勝忿力辯不已謙曰亨等意已如此辯之何益所司
承亨風旨乃以意欲二字附會成獄狀上 上猶豫
良久曰謙實有功衆未及對有貞直前曰若不置謙
於死今日之事爲無名 上意乃決時錦衣指揮劉
敬方帶刀在宿衛目覩其事每言及未嘗不以爲恨
歿之日天日無輝朝野寃之先是杭湖水竭土裂人
驚異之孫原貞方以尚書鎮浙語人曰賢才之生實
鍾山川之秀今日之兆哲人其萎乎至是卒驗云謙
之生爲洪武戊寅得壽六十而已惜哉子寃謫戍龍
門所司籍謙家自 朝廷所賜外他無一物蓋謙平
日自律之嚴也未幾陳汝言代爲兵部以賄敗 上
命陳所籍物於大內廡下召大臣入視且曰景泰間

本朝分省人物考

卷四十二

三十四

浙江一

謙任事久且專沒無餘物汝言未幾何得賄無算耶
上色變久之亨等俛首不敢動撫寧伯朱永出謂
人曰今日觀 上意亨輩將無逃矣一日邊報甚急
集廷臣議恭順侯吳瑾進曰于謙在邊患不至此

上為之默然初謙被害時 皇太后未及知比聞嗟
悼累日 上聞之益悟其冤深悔之既而有貞以罪
遠竄亨等坐謀逆滅此皆上天有所懲而亦天道好
還之明驗也成化紀元冕訟謙冤 憲宗聞而憫之
追復故秩授冕兵部員外累官應天府尹遣行人司
行人馬賧往祭其墓其文有曰當國家之多難保社

稷以無虞惟公道而自持為權奸之所害在 先帝

已知其往而朕心實憐其忠由是天下稱快未幾冕
任應天府尹致仕歸復列謙平生行業請如制贈謚
以慰泉下事下禮部議僉謂古今人臣能為國家建
大義成大功者生則有旌擢之恩歿則有褒恤之典
若前宋岳飛盡忠報國死非其罪其追謚祠祀在宋
具已舉行謙受冤雖同而功業所就則大過之宜如
其子所請制可賜謚曰肅愍建祠於墓表曰旌功命
有司春秋致祭謙天性狷介不立私黨一以忠誠結
主知分謫任怨無所顧忌不貸賊吏而恒宥小過

急於薦賢不遺一善歷事三朝位極人臣故廬之在
杭者未嘗增尺寸內外艱歸蕭然不異寒士孤忠峻
節夷險弗渝可謂難矣平居好學手不釋卷為文有
奇氣詩詞清麗膾炙人口尤長於奏疏當政務劾午
章日數十上累千萬言揮筆如流皆切中事機平生
著述甚多今僅存節菴詩文稿奏議各若干卷

周文

周文字顯謨富陽人永樂癸卯舉人授福建武平縣
教諭選河南道監察御史巡按廣東赫著聲績秉公
持憲百度振揚時中官王振方用事文疏論之學士

倪謙以憂制留用文固請容謙終制言雖不用識者

重其敢言屬貴州苗賊猖熾總帥偵師 朝議命文
督兵借靖遠伯王驥往勦至則單車詣賊壘宣諭
國威賊果歸款未幾以憂歸卒於家

謝衡

謝衡字仲平仁和縣人永樂甲辰進士授監察御史
舉刺不避臺殿生風尋奉 命與給事中耿九疇往
勘事不阿時宰大忤其意時鹽法沮壞轉運非人
上意欲得廷臣賢者為之叅伍 廷議用衡與九疇
為淮北淮南運司同知九疇不數歲遂至刑部尚書

本朝分省人物考 卷四十二 二五 浙江一 梁仲德

本朝分省人物考 卷四十二 二五 浙江一 梁仲德

爲世名卿而衡以親喪歸卒不究其用士論惜之

朱祚

朱祚字永年海寧縣人性聰敏九歲能詩永樂八年以秀才徵試詹事府尋爲鎮遠侯家塾教官十三年進元霄觀燈賦上喜而賚之由是知名洪熙初用尚寶少卿袁忠徹薦擢行在中書舍人宣宗見其詞賦處之近密特陞翰林院修撰秩滿陞尚寶司少卿命教中貴人書祚能詩文授筆立就負氣好直言不恤毀譽晚稍自懲因號默齋且善談命言人禍福多中云

本朝分省人物考卷四十二

二七

浙江一

沈慶

沈慶字仲會餘杭縣人學博才瞻善風角精魚鳥陣法宣德初由舉人官翰林院五經博士大學士陳循薦慶可大用陞湖廣僉事時靖州五開賊起慶相度地宜鑿河渠濬隍塹自偏橋鎮直抵黃平迂道千餘里由是據壕立兵始以地利制賊軍民賴之叛賊李珍蒙能桀驁猖狂至僭王號慶親率兵突陣殲厥渠魁擒獲賊黨二百餘人成化初復統兵十萬進攻臘屋桃林武岡南洞等處一鼓悉擒加三品俸進階亞中大夫成化辛卯以老乞歸所著有拙菴集

蔣琳

蔣琳字廷振錢塘縣人驥之子宣德間以父任授兵部職方司主事陞車駕郎中以才望推從大司馬靖遠伯王公征討西至甘涼南踰隴川運籌設策屢有戰功擢通政司右通政進都察院左副都御史琳爲人果決清介喜於立功任氣敢往奉官執法萬夫莫回而於人之喜怒身之禍福不計也當巡撫貴州號令精明威望振肅藩臬大吏咸悚然憚之先是草塘夷叛官軍屢有挫衄莫敢議討琳至獎率士伍親履行陣爲諸將先由是吏士用命戰氣自倍長驅賊巢

本朝分省人物考卷四十二

二八

浙江一

擒斬無算劇寇旣平諸夷震恐然以操法嚴急卒爲怨家構死

張珍

張珍卽張翺字羽臯仁和人生而穎異氣宇冲粹幼業儒涉獵經史流覽百家至於推步天文占望風氣若有神授宣德間有潘中丞者浙人也將往南粵視師素知翺有兵略習占候除室迎之翺感知已強與偕行一日坐帳中仰視片雲隱起謂潘曰事濟矣烈風南來乃賊兆也已而果驗多獲首虜潘欲疏薦翺翺曰所以共事戎行者報知己也可以名爵相免乎

竟逃去易名晦迹以終其身嘗以詩自述曰有意欲嘗干日酒無心去傍五侯烟蓋其志也翺臨終諭其子曰吾推數循理後人必有大吾宗者翺死數十年曾孫應祺應祐玄孫瀚濂洵洽溥洲皆相繼登高科躋膺仕人益服其先見云

鄒幹

鄒幹字宗盛餘杭縣人父濟永樂中為少詹事事仁廟於春宮甚被禮遇幹初生即遣補應天府學生命月食米一石終其身幹正統四年進士初授兵部職方司主事歷陞武選司員外郎中 英廟北狩京

本朝分省人物考

卷四十二

二十九

浙江一 高尚武

城戒嚴幹超遷本部右侍郎凡處繁應變或不待奏報而行一日鄉民萬餘欲避虜城中叫號求入守者難之幹曰城以衛民有急而拒之非計也於是立主開門眾獲以濟景泰初轉禮部尋奉命往山西考察官吏人服其公適河南鳳陽等大水命往賑濟奏免稅糧若干萬石督理易州山廠能祛宿弊居三年召還治部事陞左侍郎天順初尚書胡濙致仕去諸典禮悉從幹詳定 英廟常有不期間幹掩口以對 英廟不悅坐是久不遷成化二年巡撫畿內陞南京禮部尚書旋改吏部加太子少保累乞骸命馳驛歸

月給米歲給役夫弘治間浙江歲饑幹具疏奏聞孝廟嘉其憂民勅有司備羊酒綵段勞之比至而幹已卒年八十四訃聞賜祭葬贈太子太保謚康靖幹體貌癯然若不勝衣清慎自持終始不變士論多之

陳信

陳信字履信仁和縣人少以修謹推擇為吏益務守廉服食家自給之宣德間以薦擢大理評事改南京西城兵馬副指揮陞蘇州府通判却例獻慎官箴清操益勵督餉之京部民爭獻白金為贖信悉拒却事竣乞歸田里道經吳門前之餽金者復來獻贖信一

本朝分省人物考

卷四十二

三十

浙江一 高尚武

無所受蘇人杜瓊贈詩云南還依舊一青瓊又却吳民餽贖錢縱使此生貧到骨只留清白與人傳

夏時正

夏時正字季爵其先慈谿徙仁和正統十年進士歷刑部郎中讞獄福建會上杭大饑盜且起輒發倉賑贍不待報天順初進大理丞以母老乞致仕不許乞移近地便養改南京進少卿成化初改太常已又進南京大理卿七年歲大侵巡視江西斥貪墨吏二百二十人革冗徭理庾賦放無名之稅十餘萬勸民粟七十萬石賑饑民三十三萬修南昌城堤城得不壞

長河洞人叛單車撫定疏時弊二十事當路人不悅謂其好名遂致仕歸仁和僦居民舍布政使張瓚爲西湖書院於孤山以處之已而書院火歸慈谿已又還杭凡家食三十年卒年八十八卒之歲猶日書蠅頭字校讐不輟博學高才工詩文善書多著述尤詳禮文之事葉盛稱其文如春空層雲動合雨意又如簇蠶抽絲秋鶴引吭云

周子良

周子良錢塘人正統間爲職方卽苦節縮縮自持謙退數鬻戶產以支宦費有千戶王者以事褫職良愛其材貸之已而王緣其減從三百金入酬良駭而大叱欲暴於衆因伏罪索免乃麾去凡世廉上類懷刻削迹此知其非世廉也

沈敬

沈敬字克欽錢塘縣人正統戊辰進士授兵部主事累官郎中公忠正直爲權奸所惡景泰末謫戍遼陽成化改元詔復其官超拜河南叅政歲饑民流敬及時賑發全活甚衆計處榆林饋餉供用不乏勞績顯著賜白金文綺轉廣西左布政使時田州黃明倡亂殺逐知府岑溥敬受督撫檄統衆征勦鼓勇率

師大致克捷梟明父子擒斬無算觸險乘瘴深入賊巢竟中毒死朝廷官其子錡

夏誠

夏誠字克誠錢塘縣人由舉人正統初任沙縣教諭清慎有志操部使者上其賢擢監察御史已巳車駕北征誠扈從至土木乘輿陷虜中誠死于難後朝廷追錄死事忠勤官其子繼先至撫州知府

周倫

周倫字敘昌杭州右衛人穎敏博洽正統甲申舉鄉試歷嘉定容城訓導終永寧教諭所至講讀無間寒暑至老不倦教人曲盡恩義事上以禮耻隨時容悅與人言剖析是非不爲依違未嘗枉已以干權勢爲廣文者三十年意豁如也喜赴人急難排斥異端有剛方之節貪懦者聞風憚之

張珩

張珩字鳴玉仁和縣人少特力好修嘗以一介不取爲本分內事嘗溫州却金亭爲近名人多以廉士期之景泰元年領鄉薦甲戌授監察御史整點京營壯羸老弱過目輒不忌人皆憚其明察丙戌陞廣東按察司僉事尋改山東發奸摘伏如神部衆驚服性廉

介中貴溫某感其舊德餉以金綺珩拒却之溫愧而擲于河甲午陞本省副使致仕歸時橐中蕭然僅如素士卒之日幾無以為殮

吳福

吳福字天爵錢塘縣人初起刑部掾屬以從征閩寇鄧茂七有功授兵部司務景泰二年復從都御史蔣琳撫貴州叛夷尋改工部福為人廉直義不苟取嘗過寶應宿驛中獲遺金數百兩急呼驛官掌之詰朝可縣為修學費尚書倪謙學士錢溥咸為紀其事以多誦美之仕終武昌府知府子俊孫光世相繼

分省人物考 卷四十二

三十三

浙江一 附仲

竹第顯云

江玘

字用良仁和縣人景泰辛未進士授禮科給事苞立朝權貴斂手嘗以六事奏陳悉關君德民望傾聽已而諫罷僧牒濫行疏救按察使陳璇劾奏石亨怙寵罔上直聲赫然時南陽李方柄丁趨其門獨玘不可曰吾為諫臣可媚時宰以耶固不往居諫垣十年出為山東叅議又九載遷叅政凡所歷宗藩莊地有兼併者悉奪以還民會督遼東軍儲嚴禁巨商賂遺歸途惟故衣一篋水

襲之聲震于遠邇領兵農金穀諸務不假筆楚而事集酷急者反不及焉未幾乞休橐裝蕭然世業讓諸兄弟而幅巾藜杖行歌坐吟夷猶泮渙未嘗請托入公府以子瀾貴贈大中大夫資治少尹夏太卿稱其皎然冰雪年未至而請老可以愧彼冥頑嗜進之徒諒哉

王獻

王獻字惟臣號退菴仁和人景泰辛未登進士第與狀元柯潛等二十八人同進學東閣賜居第給大官酒饌及膏紙費命內閣大臣典領之不出就外署一

分省人物考 卷四十二

三十四

浙江一

如永樂初科故事獻感際遇益肆力於學工古文詞在同年中最號敏贍時猶未娶吏部侍郎淳安項公見而奇之以女妻焉癸酉授編修修寰宇通志陞修撰天順初乞歸省賜路費寶鈔逾年還朝命入內館授中貴人書癸未春同考會試會貢院火秋復試復為同考是科先後兩人簾不改命者惟獻一人丙戌修撰秩且滿父訃至即日陞辭星夜行抵家治喪葬戚易兩至暇日與鄉人接恂恂謹厚無一毫早達貴侈之態人以爲難服闋陞左春坊左諭德兼修撰庚寅命充經筵日講官賜大紅織金襲衣束帶冠履辛

卯再賜大紅羅衣一襲是秋主考順天鄉試壬辰充
廷試讀卷官賜寶鑑千緡未幾陞翰林學士癸巳賜
金帶本朝學士非典密務侍日講者皆不與是賜蓋
異數也乙未復充廷試讀卷官賜寶鑑千緡丁酉朝
廷用儒臣議追崇先聖禮樂遣獻祭告闕里比還適
所嘗與修宋元通鑑成陞詹事府少詹事仍兼學士
戊戌 皇太子出閣侍講讀於文華殿又命偕學士
南昌謝公教庶吉士梁儲等於玉堂外署辛丑主考
會試壬寅修文華大訓成陞禮部左侍郎丁未再充
廷試讀卷官復再賜寶鑑蓋自擢第入翰林於今三
本朝分省人物考 卷四十二 浙江一 劉智 三五

吳誠

吳誠字子誠錢塘縣人景泰辛未進士授兵部武庫
司主事歷吏部考功郎中陞四川參政進湖廣左右
布政使陞副都御史巡撫湖廣明年改雲南卒於官
誠才識宏遠前後所歷皆有政績賢聲其撫雲南叛
夷尤盡心力爲人淳朴簡重孝友誠確耻言人過與
人交悖信義久而不渝宅心恬澹衣裘朴野居鄉混
迹間巷未嘗飾趨從盛車徒嘗以婚禮盛服入城鄉

人廣南守徐敏見之疑其變節過朱參政鏞所言及
相與嗟悼之頃則誠至見二人有不豫色詢其故二
人曰時俗可傷也誠曰非以誠今日輿服之異常與
朴如此子瑞官御史砥節勵行卒歛具不給稱濟美
云

彭信

彭信字中孚仁和縣人少力學工文詞在諸生中已
燁然有聲景泰辛未登進士選翰林庶吉士癸未擢
山東道御史巡歷紫荊諸關塞修城堡建斥埃防慮

周悉邊庭賴以無警乙亥巡按廣東時嶺南未靖武
將專征易信爲儒生不知兵一日出師普衆間爲陳
說方略申嚴號令揆度事機切中要害卒之殄滅夷
僚兵無挫衄指縱之功居多俘奏帥以所得賞格讓
信曰吾文士也吾自有階奚以武爲識者偉其功而
多其不伐丁丑犇父喪歸服除改貴州道監察御史
巡按陝西歲滿且代藩憲交章願留謂關右民勁悍
其吳悞者至不能自立按法治之彊者鋤弱者植威
惠並行得憲臣體壬午巡按河南風聲所至奸宄屏
跡吏無受賕流移占復秩滿陞順天府丞順天畿甸

在輦轂下征徭常倍徙他郡加之達官貴人園田錯
午侵牟武斷民用困瘁贊治之暇周行列邑楊摧折
之威施拊循之政方嚴之下惠裕繼之三年奏課陞
應天府尹壬辰四月甫蒞任秋八月感風疾而卒先
一月其兄恭自杭奉太恭人來就養時年七十有九
退自公輒携其子娛嬉母前詰朝而病不起矣為人
性度坦夷有納污藏疾之量至於遇事敢為果斷立
發則又不茹柔吐剛故所在咸著聲績卒年五十有
二已耳

何琮

本朝分省人物考 卷四十二

三七

浙江一
高橋

何琮字文璧仁和縣人知府瀕之子景泰甲戌進士
改庶吉士讀書中秘預修寰宇通志書成 賜白金
練幣遂除禮科給事中遇事侃侃敢言凡百司上章
奏當恭駁者衆相視莫知指辭琮注以一二語輒中
要領人無異言尤善敷奏每對仗彈劾音吐清亮
上注意焉適滿刺加國請封以次當為正使所司以
名聞 上顧左右曰茲面黃白而善敷奏者邪胡為
遣之乃內批改他給事中同列有忌之者他日有彈
不以屬之 上曰今日彈文胡不令何某讀之且傳
旨今後必以命焉衆方知 上有意於琮也嘗以

學校士習所係上章請嚴學政精汰太學生昏老老
士多不樂肆為謗訕然琮持身嚴撥拾無所得久乃
帖服適通政缺員以善敷奏特陞右叅議成化五年
轉左歲辛卯丁母憂復陞左通政時猶家居也特
詔起之琮諳練事體且恪勤匪懈十七年陞通政使
前此規矩廢弛甚積弊頗多一蒞之以嚴不數月間
法立弊除然亦以此得謗歲乙未陞兵部右侍郎時
尚書缺專理部政遇事詳慎凡有施行必問其屬曰
舊比如何必按故典而折衷以時宜故事無留滯垂
舛者未幾轉左尚書余公子俊馬公文升相繼來為

本朝分省人物考 卷四十二

三八

浙江一
高橋

之長皆輔以誠心正道不立異而掠美二公亦推誠
共事無有間言 孝宗即位之二年通前任歷三考
當遷尚書兩京無缺員特加二品俸而仍其舊職僅
閱月而卒年六十二賜祭葬如例性直諒而尤嫉惡
見事有不平者輒為之忿疾居官清介一毫不妄取
與門無雜賓立朝幾四十年勤慎如一日尤留心世
務事未至而預為之遠圖於書無所不讀而尤究心
於易有事輒稽於卜而篤信不疑公餘歸私宅縱步
花逕間口不絕吟咏又嘗以西湖為杭之眉目昔人
導之以資灌溉近為居民占據以為田圃恐其久而

愈湮塞也既言之當道聞於朝而疏浚之又著西
湖圖說以示後人其於醫道有所得辦正處方出人
意表專其業者亦或推以為不及云

李昂

李昂字文舉仁和縣人景泰甲戌進士除工部都水
司主事改兵部車駕司陞山東青州府知府年始三
十有一以其少未更事為慮至則廢政悉舉郡中稱
治將滿去民狀政績三十有四事上於巡撫大臣願
留終惠一郡俄陞福建布政司右叅政民懷思不已
刻像於表海亭列邑皆祠祀或有冤不得申者輒走

本朝分省人物考

卷四十二

三十九

浙江一

嗣下愬之其得民如此丁內艱服除改山東尋進右
布政使舊治民鼓舞而迎者載道再轉河南左布政
使時值歲歉悉力賑恤又吏弊多端作吏範門約禁
典以戒飭之四月適江西盜起贛州聚眾劫掠會昌
信豐諸縣殺郡縣官其勢甚熾遂擢都察院右副都
御史以往時官吏因循多不用命痛繩以法乃議建
營堡壓賊巢穴使不能出別募勇敢士與民同操習
已而進兵賊聞風皆披靡斬獲不可勝數事聞朝
廷賜勅獎諭昂以今賊雖滅當立守禦計蓋會昌與
福建接境萬山阻絕為上杭武平流賊所聚雖嘗有

兵守禦而寡弱不支宜即會昌武平立行都司以統
諸衛乃創巡檢司於龍南要地庶得無虞奏上皆從
之賊平疏乞致仕不從移總督漕運後以江西怨家
騰謗去位昂為人精勤明敏才氣沛然遇事能為若
無難者性尤孝友每恨早孤語及其父輒嗚咽不已
奉母夫人曲盡色養素好文翰所著述多有可觀有
文集四卷奏議三卷藏於家

項麒

項麒字文祥仁和縣人幼有異質年八歲督學花公
潤生試之大奇遂命入邑庠景泰七年由進士授南

本朝分省人物考

卷四十二

四十

浙江一

京吏部司務歷陞南京刑部郎中當憲皇登極初
詔求直言麒應詔陳五事一曰務正學二曰納諫
諍三曰崇節義四曰遠近習五曰弭天變其崇節義
章大約謂李賢王翱當曹吉祥之變不能奮身死義
甘心屈膝以圖苟免不知節義廉耻為何物宜顯正
典刑以訓在位云云其遠近習則指王振曹吉祥之
事以為近戒宜收攬威福不使任事復其掃除之役
云云語甚切直皆人所不敢言無何以病乞致仕家
居三十年絕跡公府甘貧屢空寄居于人巡按吳公
某高其節槩授室一椽始遂栖托有平湖尹以賄敗

憲使邵公某因舉麒清節諭之蓋媿之也尹意邵雅重麒即暮持百金求為管解麒嚴拒不受尹慙而退未幾以無疾終後巡按御史唐公鳳儀以麒與王公琦褚公遂良同里表其里為忠清里奉二公之主祀于褚廟學使孔公天胤等又別建揚清祠以祀王項二公云

劉泰

劉泰字士亨錢塘縣人負奇志特立不羣景泰天順間隱居武林城中好學篤行肆其餘力於詩精麗奇偉為一時絕唱每一篇出則競相傳誦南北之士來本朝分省人物考卷四十二 四十一 浙江一 陶安 容江左者歸必得泰一詩以取重鄉里否則雖金珠滿索不足誇詡也風雪中蕭然環堵人不能堪泰吟詠自得無幾微憂愁抑鬱之意其高尚固不在袁邵諸公下與王琦鄭厚相交善事母孝母卒號痛踰常鬚鬢為白所著有菊莊晚香雪餘倡和諸集

孫暉

孫暉字景暉海寧縣人景泰壬申以賢良方正薦授江西泰和縣縣丞邑素多豪大家暉奉職循理不為威屈嘗親定徭役旦夕令下請托不及行人稱為霹靂手指其牒為鐵板榜文言其公平允當不可更易

也擢博白縣知縣韓襄毅雍征大藤峽暉從行多著勞績超授潯州府知府改立郡學以作興人才文教聿起哨守諸將失律喪師暉宣布威德輯和民夷邊鄙不聳歲饑米價翔湧出公廩粟減直以惠濟之屬邑有為民蠹者逮其尤署諸法邊郡大治擢山東右叅政致仕

林章

林章字以成錢塘人幼而敏悟潘司薦於朝景泰初授中書舍人遂直內閣遷禮部員外郎天順初文簿叢沓會有大典禮事出倉猝方稽據故實章預具籍本朝分省人物考卷四十二 四十一 浙江一 陳士儒 冊無所遺失李文達公殊愛之超遷禮部郎中成化二年九載秩滿遷山東布政司左叅議寄祿順天府朝謁任事皆如故三年預修 英廟實錄成擢太常寺少卿十二年秩再滿進為卿以父喪服闋弘治四年 憲廟實錄成時資勞愈積而限於格例於是祿再加而官不復進中間若大明一統志續通鑑綱目諸纂述事必預必有金幣楮鏹酒饌之賜後以母喪服闋遂上疏請老進一階致仕章以二子皆仕就養京師累閱歲階亦再進衣鶴腰玉以歸未幾而卒素孝謹親疾必額天請代母老迎養于官每公暇不去

左右友弟睦族急人患難非疾病未嘗一日不入朝書法道勁尤精鑒賞博文習見能道先朝臺閣事歷歷可聽云

汪諧

汪諧字伯諧仁和縣人少時冒籍順天香河縣舉闈鄉試尋被革歸復舉浙江鄉試登天順四年進士改翰林院庶吉士授編修纂修英廟實錄成化三年陞修撰九年秩滿陞右春坊右諭德修續資治通鑑綱目十三年陞右庶子侍上於東宮講讀上登極陞少詹事兼侍講學士充經筵講官修憲廟實

本朝分省人物考

卷四十一

四十一

浙江一

陳士儒

錄充副總裁後以疾在告久請停俸弗許弘治四年陞禮部右侍郎兼學士遂請老許之至是卒年六十八贈禮部尚書賜祭葬給驛歸其喪諸儀度整潔深衷簡言慮事周悉晚益慎密方嚮進而困于疾疾弗究于用其父澄舉進士為監察御史坐法遺戒諸子勿讀書諧既貴弟篋亦舉進士及卒子登廕中書舍人舉賜皆繼舉進士

邵琮

邵琮字叔璋仁和縣人登天順庚辰進士授大理評事持法嚴明存心公恕諸讞鞫多所平反累擢湖廣

僉事時武廟請縣初燬於兵琮至竭力撫綏築城建縣士民倚之又運青設策擒孝感巨寇李善境內帖然陟四川按察司副使俗善告訐而琮聽斷精核庭無留獄至于抑陳謙之橫雪李明之冤尤其著者未幾致政歸徜徉湖山足跡不入公府人高其賢孫曰梗仕至福建副使

凌鎬

凌鎬字叔京新城縣人誌任天順庚辰進士癸未授南京刑部主事丁外艱改禮部在任逾五載未調或以進取說之鎬曰在郎署猶患弗稱敢他望耶人皆高其恬雅性質實耻為導諛事或未善雖尊者前懇懇論弗避嘗以此齟齬于人至其臨下恩意優厚未嘗以惡聲加也居官廉靖卒之日囊無遺貨京邸多遺負人不責其償喪始得歸

鄭環

鄭環字瑞夫仁和縣人厚子天順庚辰進士及第授翰林院編修與修英廟實錄資治通鑑續綱目遷修撰再遷司經局洗馬主考兩京鄉試授皇太子經于文華殿陞南京太常少卿環欲迎養其母母不欲行乃留妻以代養環獨處京邸人或勸買妾環曰

若是則以養母給吾婦矣比歸省則妻已卒乃奉母之官終身不娶平生直諒誠愨人有過則正色規之方毅寡諧同列多不樂近然察環無他腸竟亦不深怨尚書魏文靖公嘗書戒子云事事當法杭之鄭某庶可為人矣其見重于名賢若此所著有栗庵稿藏于家

張順

張順字弘裕杭州右衛人天順間由舉人授沔陽州學正丁內艱服闋補平度州已而又改定州順為人高邁閒曠襟抱灑灑工諷咏善鼓琴三為學博務以弦歌化人積官六年不遷意澹如也平生勇於為義鄉人沈明嘗忤縣令陸樞樞欲陷之死適有井中屍竟坐明明被拷掠不得已誣服樞入覲囑丞斃之獄順聞之往告丞曰人命至重君職為丞當平反冤繫以補令缺顧可殺人以媚人邪丞悟轉聞其事于上明得不死

于冕

于冕字景瞻錢塘縣人少保兵部尚書謙子也 英宗北征時奉 命輔邸王監國土木之變 大駕蒙塵中外恇懼謙撫安京甸遙制邊關虜歲薄城隨機

戰守虜知中國有備而後和議始定奉 駕南還是時微謙社稷幾于顛危 英廟終于沙漠矣迨奪門啟變亨祥等羣嫉其功起而嗾殺之時冕以父功廢府軍千戶謙死冕請戍龍門間關萬里屢濱死亡成化紀元冕上疏極訟父冤 憲宗素憐其忠誠至是事愈白追贈大司馬謚肅愍命有司專祠祀之復冕原秩冕請改文資授武庫員外歷祠部郎中陞南京太僕寺少卿遷應天府尹致仕歸冕生平聰明特達好學知禮小心勤恪善處興廢成敗之間既構家難放徒窮邊能杜門却掃日以讀書慕言為事故雖罹

本朝分省人物考 卷四十二

四十六

浙江一

憂患疾疚而聲問不殞文譽卓然後起謫籍歷官兩京所在以修謹廉介著稱論者謂無愧名臣之子云

人物考卷之四十三目錄

浙江杭州府二

沈銳

洪鍾

張本

劉英

江瀾

吳雄

張銓

李旻

俞琳

朱惠

陳珂

陸偉

方銓

惠隆

胡世寧

吳瓚

本朝分省人物考

卷四十三目錄

徐潭

沈綸

劉溥

查約

吳鼎

邵銳

徐顯

徐咸

錢宏

江曉

陸溥

許相卿

江暉

許仁

董毅

孫景時

吳玘

沈南金

張文宿

田汝成

浙江二
劉汝恩

劉紹卿

張涑

許應元

許貫之

張瀚

傅霖

茅瓚

吳源

高儀

沈楠

翁相

陳善

徐炳

陳洪濛

錢立

沈儀

邵旭

張輿

張輅

江圻

本朝分省人物考

卷四十三目錄

胡繼

董澐

黃裳

沈宣

馬洪

鍾化民

陳禹謨

浙江二
劉汝恩

本朝分省人物考卷之四十三

浙江杭州府二

沈銳

沈銳字文進仁和縣人成化己丑進士授刑部主事丙申陞員外尋陞江西按察司僉事初官西曹法比精練為司寇陸公所器重及提刑江右聽讞明允事至迎刃而解會瑞州盜發銳坐分地謫雲南廣西府通判丁艱去服闋改判徽州庚戌陞廣東僉事瀧水後山賊起勢猖獗銳親率偏師直搗其巢俘獲甚眾平民脅執者皆為昭雪羣下無敢冒功要賞所全活

本朝分省人物考

卷四十三

浙江二

者殆千餘人復改江西僉事銳方介寡合拙於進取為五品者二十四年他人為之不平乃稍遷副使乙丑陞廣西按察使明年進廣東左布政使尋陞應天府府尹南京刑部右侍郎未幾乞歸後值逆瑾盜柄多鈞擿往事以誣士夫之不附已者遂落職平生清介絕俗家居杜門泊如也嘉靖初追論舊德乃復其章服癸未卒

洪鍾

洪鍾字宣之洪氏世顯鄱陽自宋太師忠宣公皓賜第錢塘遂為錢塘人年二十六以易經領成化戊子

鄉薦乙未舉進士授官刑部主事為大司寇林聰所器重諸司擬議大獄取裁於鍾癸卯丁內艱丙午起復陞郎中丁未江西福建流賊甫定承命往審處之歸言福建之武平上杭清流永定江西之安遠龍南廣東之程鄉皆流移混雜習於鬪爭是以易闕而亂宜及其平時令有司多立社學以訓誨其子弟銷其兵器時以為知本弘治乙酉陞江西按察司副使癸丑陞四川按察使所在發奸摘伏無所撓避自土官宣慰司皆懍懍奉約束安氏世有馬湖恃力驕僭為地方患從容畫策去之請吏於朝遂以帖定丙辰入

本朝分省人物考

卷四十三

浙江二

觀陞江西右布政使丁巳轉福建左布政使戊午陞都察院右副都御史巡撫順天等府時朵顏虜勢日猖獗鍾以邊備積弛乃建議增築邊牆自山海關界嶺口西北至密雲古北口黃花鎮直抵居庸延亘千餘里繕復城堡二百七十悉城沿邊諸縣官無浪費而民不知勞又奏減防秋官兵六千人歲省輓輸犒賞之費以數萬創建浮橋於通州以利病涉毀永平陶窰以息軍民橫役之苦奪民產及牧圍草場之入於權貴者而悉還之遠近大悅名稱籍甚然權貴之扼勢失利者數短於上遂改雲南巡撫再改貴州

以之召還督理漕運兼巡撫鳳陽諸處正德丁卯陞
右都御史仍董漕政戊辰命掌南京都察院事尋陞
南京刑部尚書己巳正月改北京工部四月復改刑
部閏九月以刑部尚書改兼都察院左都御史掌院
事加太子少保賜玉帶庚午正月特命出總川陝湖
廣河南四省軍務時沔陽洞庭有水寇丘仁楊清等
攻掠城邑其鋒甚銳官軍屢失利鍾至以計擒滅之
六年五月時川賊藍廷瑞與鄢本恕等聚眾往來寇
基川陝間連通騷動勅鍾同巡撫林俊勦捕鍾涉歷
險阻深入賊巢運謀設奇躬冒矢石前後斬獲招降

本朝分省人物考

卷四十三

二

浙江二

以十數萬擒其渠酋二十八人露布以聞六月加鍾
太子太保賜玉帶土官楊友揚愛相仇激爲變衆至
三萬餘流劫重慶保寧諸州縣隨調兵勦平之復其
故業朝廷七降勅獎勵賜白金麒麟服進太子太保
因被劾乞歸賜馳驛還鄉仍進榮祿大夫錄其孫一
人人肖監既歸築兩峯書院於西湖之上自號兩峯
居士嘉靖改元詔進階特進光祿大夫柱國賜玄纁
羊酒遣有司勞問尋卒於家謚義惠

張本

張本字孟端錢塘縣人成化戊子領鄉薦錄文爲程

乙未舉進士授南京工部管繕司主事辛丑陞員外
郎郎中出納惟公調度有方以清白著名丙午天官
卿以襄陽重地簡出守適丁內艱不果赴弘治己酉
改知青州府一以扶植教養爲心甫及三年治功有
成壬子丁外艱乙卯復改之吉安吉安係江西名郡
郡中故家大族以閹閹相甲乙貧難中下戶服役者
動以百計循理守法者固多自重豪橫縱肆侵漁剝
削之患亦不能無前爲守者置弗治姑息成風本察
其實一繩之以法雖貴勢有所不避小民闕然稱善
當道者交章薦拔而名益重時年踰六十連章乞歸

本朝分省人物考

卷四十三

四

浙江二

不報庚申陞廣東布政使司右叅政壬戌陞湖廣右
布政使癸亥陞右副都御史巡撫江西時袁瑞間盜
發特榜示之諭以生殺利害盜遂逃散地方以寧凡
百設施一從寬厚而周窮濟急伸冤理枉惟恐不及
蓋本守吉時威名素著故雖處之以寬而民之懾服
自不敢犯乙丑武宗嗣位有白金文綺之賜推恩
進階通議大夫正德丙寅致仕性剛介遇事敢爲無
所顧忌而清操苦節始終一致戊辰卒年七十二

劉英

劉英字邦彥錢塘縣人自幼篤學操行高潔其爲詩

清奇俊逸修然出塵當天順成化間隱居不仕與劉士亨趙廷玉霍孟陽俞鳴玉結社賦詩英長篇短章備極工巧名振一時

江 瀾

江瀾字文淵仁和縣人父玘舉進士官給事中至山東叅政初母劉氏有娠夢髯翁白鹿抱授一兒既寤而生甫能言即知讀書在羣兒中雖嬉戲未嘗有嫚語長充縣學生督學者累試居首成化辛卯舉浙江鄉試戊戌登進士第選翰林院庶吉士未幾丁父憂壬寅服闋除編修丁未充廷試受卷官尋乞歸省賜

本朝分省人物考

卷四十三

五

浙江二

路費寶鑑戊申 孝廟登極召還修 憲廟實錄筆

削惟公凡寶訓皆所校正丁巳簡充東宮講官日惟靖恭輔導尋修大明會典凡制度品式攬撫精詳庚申九載考績陞侍讀學士壬戌會典成陞學士未幾修通鑑纂要一以春秋綱目為準凡切於治道人才者論斷精確是秋 武宗在東宮長髮以講讀官特賜白金文綺 武宗嗣位以從龍恩擢詹事府少詹事仍兼學士會上兩宮徽號進中憲大夫與修 孝廟實錄尋陞吏部右侍郎協恭匪懈獎恬退抑奔競人莫敢干以私丁卯賜御製龍文詩冬陞左侍郎守

法奉公與時鮮合值太宰張綵附逆瑾用事憾瀾不附已尋陞南京禮部尚書及履任凡慶禮祀典罔不祗肅每雨暘不時請禱輒應人以精誠所感四年以疾卒年僅六十有四未幾瑾敗贈太子少保謚文昭為人溫厚純慤不逆人詐孝敬愛友見義必為尤篤於故舊凡喪不能舉旅不能歸者卒為資給平生未嘗言及私利大中公舊居悉讓諸弟別自構居一區徙居之常致書仲兄曰勿佃廢寺以貽後累立朝三十年小心翼畏始終如一每日必夙興趨朝雖風寒暑雨未嘗少間恒論諸子少司空曉太史暉曰吾世受國恩爾曹蓋自樹立以圖報稱其令德雅量人稱為長者且遜敏好學仕而益勤為詩文渾厚典實不事雕琢所著有銓曹春亭東川稿藏於家

本朝分省人物考

卷四十三

六

浙江二

吳 雄

吳雄字文英仁和縣人成化戊戌進士授刑部主事議者欲剖濬縣地隸河南濬人不服至執兵相殺雄往視則為正其分界罪其尤健黠者數人事遂定歷員外郎郎中擢河南副使進湖廣按察使衛卒有以私憾殺其宗人而棄屍井中其妻子跡知之訴於官卒知夜令人啓寺棺出其屍易置之明日視之則非

也眾莫能辯雄他日避雨寺中見一棺血漬狼籍疑之召其妻子往驗遂得實衛卒抵罪拜應天府尹初視事集僚佐堂上告曰官職守藏即無侵盜然事固當慈始視之果亡去若干錠雄密察左右即得盜者狀一府驚以為神明習法比斷獄精練其摘伏發奸老吏勿如也時應天歲早總漕者亟徵兌運米雄曰民已病不可重困奏請蠲免所部皆德之子祖乾仕通政使

張銓

張銓字文衡仁和縣人吏部郎中信之孫太僕丞瑛

本朝分省人物考 卷四十三

七

浙江二 高卷

從子也成化辛丑進士官刑部主事為人耿介不阿剛方直諒多挺挺大節時官大司寇者事多偏徇銓據法執爭不已尚書心切憾之竟亦莫能奪也家宰屠公與銓有葭苴親銓絕不與通適屠有慶事僚友期與偕行銓義不往屠大憾之以為輕已人有薦銓者屠不應惟直視賀軸以其無銓名也銓在刑曹十八年風節愈勵家貧甚夫人常糊紙錠以給衣食竟以廉介不求出為廣西叅議舟覆水死

李旻

李旻字子陽錢塘人成化庚子鄉試甲辰廷試俱第

一授翰林院修撰丁未預修憲廟實錄弘治改元充經筵講官明年以父憂去辛亥實錄成即家賜銀十兩綵段二表裏癸丑服闋起滿九載陞左春坊左諭德庚子簡侍東宮講讀明年陞南京太常少卿兼翰林院侍讀尋以本官署南京國子監事正德丙寅召修孝廟實錄改太常少卿兼侍讀充講官賜金帶丁卯奉命授庶吉士業陞太常卿管國子監事未幾轉南京吏部右侍郎已巳轉左尋卒賜祭葬旻長身修髯狀貌英偉學問貫串經史百家論辨疊疊聽者終日忘倦在史館善叙事理丘文莊公濬為總裁

本朝分省人物考 卷四十三

八

浙江二 高卷

見所纂甚稱之其為人闊達倜儻不甚拘守繩尺亦多為人所忌云

俞琳

俞琳字德彰臨安縣人成化丁未進士授行人拜監察御史居無何進鴻臚寺少卿儀度安整音吐宏暢擢右通政再轉通政使仍掌寺事每讀疏大庭朝寧傾聽其任鴻臚及銀臺者皆十許年累官太子少保工部尚書仍掌通政司事琳天性醇朴無巧偽習慷慨尚義嘗以忠孝自許為工侍日值塞北有警上日保定等五府武備當嚴非其人不可乃命琳兼右

僉都御史往視師琳毅然星駕指授方略既戡定邊
患戢兵歸朝口不言功士論多之初琳為行人嘗使
周府舟次歸德感疾甚篤仰天歎曰丈夫志在四方
卽不幸客死命耳奈老母何因痛哭失聲是夕忽夢
五老人鬚眉皓然語琳曰爾母壽高爾壽亦遠病當
尋愈母多傷琳叩姓名答曰此地五老人耳且訪之
則宋太子少師杜衍侍郎王渙司農卿鄆世長郎中
朱貫馮平年皆八十廟食茲土云

朱 惠

朱惠字懿卿仁和縣人初為諸生時家甚貧而其父

本朝分省人物考 卷四十三

九

浙江二 高安

頗難事惠自甘淡泊乃力營甘旨以進艱辛萬狀不
敢告勞登成化丁未進士擢南京湖廣道御史時內
豎蔣琮守備南京以威權排逐縉紳事多不法惠抗
疏劾之權奸股栗弘治丙辰擢湖廣僉事值奸宄縱
橫殺害良善惠首置於法以令境內藩府二役並興
民不堪命卽為檄請罷止於是湖南一境始獲息肩
居二歲竟卒於官

陳 珂

陳珂字希白錢塘人弘治庚戌登進士念母年高乞
恩歸省五月母歿居廬三年癸丑除授刑部主事無

何奉勅錄囚南畿謂刑故無小過宥無大刑官雖當
多所平反而亦不可姑息為徇御史樊祉知府程讓
故出重囚劾之皆得譴還朝陞本部員外郎榮王啓
封國於湖南大學士李文正總核時弊推陞工部管
繕司郎中董其役辛酉轉刑部郎中河間密邇京師
繁劇難治大司馬白康敏公舉出守珂至去苛削之
人斥乾沒之吏先是山水衝決民蕩析離居思所以
還定之積木畚土甃石為堤六十餘里水安故民復
業四萬餘口時又值亢旱徒跣禱於山川雨如注冬
無雪傷麥復禱輒應麥有秋獻縣民李時訴盜殺其

本朝分省人物考 卷四十三

十

浙江二 高安

叔李文子林劉信妻亦訴盜殺其夫珂牒於城隍是
夜夢雌狐臥於繡幃中起奉首指程程欲言珂寤翼
日召林妻鞠之得其情捕盜劉永王翰及李政劉氏
俱坐謀論死吳鑑坐強盜死闔郡稱為神明巡按御
史李壘奏聞於朝銓部亦以課常最擢福建左叅政
遷按察使時內使陶錦怙勢張皇珂正色危言無所
諱陶亦自戢不敢恣睢逆瑾用事遣御史捕鹽徒盜
賊民賴以安陞右布政使武平大帽山鯨賊猾鷲乃
便宜發帑中錢具糗糧芻茭給官軍賊就駢戮六年
轉左布政使設貸賑之法定徭役之條寬船商椒票

之征建通濟橋七年餘洞民咸利之愛若父母八年
陞都察院右副都御史巡撫河南去後常見思乃爲
建生祠尸祝之其巡撫河南適流賊之餘邑里無儲
糧賊黨孫郁等尚爲民梗首命兵勦平之仍命有司
收瘞餘骸勒石表男女死節者又申冤獄知縣袁鎡
指揮葉章等五十餘員俱付奏請得麗末減新野縣
當荆襄之衝內官私置抽分廠漁獵民乃檄守巡官
毀之正德九年春二月汚池縣河清二百餘里具疏
以聞因言宜迪德祗承休命十年入爲大理寺鄉保
定民吳澤詐稱觀音現夢佑澤後當大貴其弟海復
本朝分省人物考 卷四十三 十一 浙江二
傳播以誑愚民倖臣朱寧誦得之差官校擒澤等二
百餘人以謀反聞刑部送澤等至大理寺覆審珂駁
議止坐澤造妖言海傳用律斬餘從寬貸具列上
聞竟俞議十一年以年艾足疾求致仕疏凡七上乃
得請仍賜馳驛回比歸謝絕世事是嘗以詩文自娛
嘉靖改元詔進階二品珂駁歷中外三紀章疏無慮
十餘大約皆經世大猷其論河南平原易野戰以車
爲主宜倣古魚麗偏箱之法番長於馬漢長於弩宜
各任其所長時未及用識者趨之卒年七十有六所
著有五經發揮孫子斷註行於世

陸偉

陸偉字仲奇號質菴錢塘人成化乙酉鄉薦值家中
替開門授徒資以爲養一親相繼下世哀毀幾滅性
旣而累試禮部輒報罷久之謁選天曹試居第一授
山西澤州知州州罹沴饑人至相食奏發內帑沿門
賑救區畫纖悉不懈晝夜全活以數萬計於是人人
貌像而生祀之州多宗室分封和買吞併之害其來
已久歲時祿米後輸辱及官吏率以爲常至則悉裁
之以法世家大族鄉曲困武斷間左苦陵轍者皆禁
不得肆與夫請託一切不行因相與銜之嫁禍於偉
本朝分省人物考 卷四十三 十二 浙江二
喉宗室誣奏數事下三法司勘讞詔使初至惑於浮
言幾中危法州民無老少填塞街巷爲之稱冤使者
繼至始廉得其實事乃白比去猶相慰藉母以此沮
時鄰封大同有獄久不決檄訊之盡得其狀發擿如
神澤州有寧山衛軍民雜處恒患弗靖懾之以威彼
此帖然總鎮中貴歲有祗候之索所屬爭先取容偉
獨不與旣而政通人和乃葺州治新儒學葺明道程
先生舊祠至於漏澤園常平諸倉達路津橋靡不畢
舉然小民雖甚戴德而前怨家與訛造謗爲害未已
真曰人當自知止足不然必速顛躓乃力懇當路致

其事而歸州民攀留數十里不絕車枳不得行多有泣下者慰諭而遣之歸惟以教誨子孫為務每夜至二鼓方就寢家庭肅然宗族不能婚娶里鄰不能殯葬者已雖不給亦汲汲以周之間與鄉之不仕及倦而歸者徜徉於西湖孤山之間更唱迭和有歸田錄傳於時居常甘淡薄於世味漠如也每謂士當以立志為先以涵養為要否則大本不立一事不可為矣年至耄耋燈下能讀細字喜吟詩有稿藏於家作字不喜行草與卑幼家問亦真楷如啓劄蓋其天性嚴整然也嘉靖壬午疾終於正寢遺言子孫仕者以忠

本朝分省人物考

卷四十三

十三

浙江二

孝報國處者以勤儉守家享年八十有九

方 銓

方銓字景衡新城縣人成化中由舉人任湖廣安陸州學正奉父之官更為創寢室於學署旦暮具衣冠至寢所問省與居或燕飲歸雖丙夜不釋衣冠必往侍左右俟其寢而後退易學通明躬授諸生課業講習不怠業他經者則延訪隣郡經術通洽之士為之師一時成才特盛如孫交劉洪其最著者也及丁外艱歸諸生泣送不忍別服闋改汝州卒

惠 隆

惠隆字從道號北屏仁和人弘治壬子舉順天鄉試癸丑遂登進士第乙卯授刑部主事分治禁衛勵精法律剖斷如流獄無冤滯進員外郎郎中不蔽要囚益欽且慎時山陝宗室與縣令構訟累歲不決隆奉勅往勘立為剖斷時謂平允大司寇毘陵白公烏程閔公咸雅重之凡獄經訊讞不復詰勘方留俟內陟時逆瑾勢方熾隆剛直不阿欲外補以避之正德丁卯擢守永平平盧古雄鎮民俗勁悍隆以嚴治發奸摘伏植弱鋤強政令一新時中監擅權使遼左者絡繹於境至郡則斂戢以去莫敢需擾民賴以安且修

本朝分省人物考

卷四十三

十四

浙江二

孤竹廟建昌黎祠以崇祀典卓有循良之稱已巳移守寧國至則咨民瘼祛吏弊別淑慝覈徵賦清訟獄庶政畢舉宣城值水災民多艱食則發廩給粥以賑之所活幾數萬民用懷之有劇盜釋騷民心震恐則簡銳卒厚賞犒不旬日而就擒民有寧宇且梓謝玄暉詩樹文天祥石記表章諸先賢義烈祠宇以勵風化於是去思之頌庚午擢江西按察司副使江西民俗競訟隆素諳法律一訊而決故署學政釐水利憲度貞肅時宸濠逆謀未露而脇權附勢寔繁有徒不難不竦悉繩以法罔貸桃源巨盜猖獗巡撫中丞

王公知其才略以兵委焉隆運籌制勝擒厥酋而顯戮之民用救寧歷官中外幾二十年所至以治績顯時有公輔望辛未甫踰強仕卽以止足爲戒遂解組歸家居事繼母以孝敬處昆季以友恭廸子姓以義方督僮僕以藝殖營別墅於所居東許茅亭花榭極幽雅之趣凡親友過從款洽無厭以私干則峻拒之故自謝政以至垂老足不履公門口不談世務暇則與樂聞吳公輩爲五老歸田會登眺湖山以觴詠自娛倣唐香山宋洛社之遺矩繪圖梓詩以傳至年七十有三卒

本朝分省人物考

卷四十三

十五

浙江二

胡世寧

胡世寧字永清仁和縣人誕有異表弱齡負巨人之度讀書不治章句惟慕古奇節偉行數夢與于肅愍議國事於朝家貧出贅昌化李氏因補昌化縣學生受知吳提學伯通有草中靈芝鳥中孤鳳之褒弘治五年壬子以書經舉鄉試第二例有司給道埋費人百金世寧以浙右歲饑獨受五十金而行祭丑舉進士歸例得坊其門時須關謁鎮守中貴人世寧重折節棄之去八年授湖廣德安府推官時岐王開國庶務方殷且羣從素驕世寧惟謹禮明法感以至誠曰

朝廷法卽殿下家法某何敢縱 朝廷民卽殿下千百年立國根本某何敢不恤衆由是憚其正而服其公及請民間開墾湖田充柴炭撫巡業與之指畫利害媿媿乃止於獄之小大必以情幽滯輒從平反其清里甲均差役練民兵廣儲蓄諸條畫具可爲法十三年陞南京刑部陝西司主事西寧侯家訟久更九司十三道訟者老且貧矣比至一鞫卽得其情云法如是如是特聽訟者善避嫌不如我愚而直任也訟者感泣而決顧金箔者富翁也被誣羅織致大辟務求直情辯雪之顧後每過門必稽顙而去其不爲

本朝分省人物考

卷四十三

十六

浙江二

咸富所奪類此十四年應詔陳邊務十事而士風國用武備將權尤切時病暇則延集同志講求濟世略十八年叙進員外郎適 武宗登極實授奉訓大夫復應詔陳六事勤學問慎輔導廣延納重守令公用人汰冗費探本遠要識者許其大臣才具矣機戶顧謙侵官鎚累萬力正其罪謙所解不能干正德三年積三考出知廣西太平府郡陋甚屬吏桀黠難制至則推心撫之絕其饋獻踰月夷酋若思明黃文昌羅陽黃景明茗盈李萬榮全茗詳榮高等欣服惟所操縱惟太平知州李璿阻兵負固跳踉不已乃密檄龍

英州趙元瑤捕之元瑤與疾力攻渠魁面縛散其積以紓乏困籍記治夷十事為代者告黃文昌兄弟稔亂大將徂征世寧協贊方略不費一矢掩捕成獄他如平羅陽之爭立定茗盈之疆土積惡頓息郡治三面逼江惟北無限因建壺關堅厚閩峻費不及民至今賴之僅半載聞內艱去世稱治邊郡之良者必歸焉六年服闋補寶慶初朝岷王聞岷府受詞繫人取其財下諭皇老奉有旨必併其人送府驗實偽者弟實後王索民校急日有司校尉僉沙衡永保四府今歸寶慶一府他日分封繁衍其可支乎王曰御史

本朝分省人物考

卷四十三

十七

浙江二

奏得旨矣曰御史錯知府當奏改正王器其直無愠意值巨璫借鎮守至郡縣集夫千且哀金餽之罷之接以常禮鎮守王潤肆橫索折以法潤斂手他日其人以左道寓郡執之恣射平民者又執之潤啣深而猶稱為好官云郡屬糧繁漫好不可詰乃類田均糧而畫一徵之民省歲供之半闔境大呼曰太守免我糧矣七年陞江西副使兵備東鄉新縣舊賊巢也抄掠為饒信患諭禁招捕威信明確擒賊怙亂樂庚二陳邦四輩奏免效順王賽一之死既而遷縣築城經武賑饑民安矣時為語曰姚源之事三都堂處

之而不足東鄉之事一兵備任之而有餘嘗調征姚源大盜王浩八提兵深入戰於裴源山下一旬三捷會宸濠志不軌誘受天下亡命構害鄭布政岳觀世寧與鄭周旋且忿其論對峻直迫世寧出討賊世寧亦自是不至南昌他日憲司檄回賀濠生辰曰是欲致我而制之也不往諸守巡亦不往已卯之變竟以是網眾蓋先見其幾云凡寧府人至撫營私殃民者輒裁以法忿發抗疏曰江西之禍不止盜賊可慮者省城失火延燒萬室基地所便盡歸王府債負所責遍及閭閻庄田所逼民久立寨三司官員多受鈐束

本朝分省人物考

卷四十三

十八

浙江二

問刑叅吏舉奉成案買辦漸行於外府騷擾遍及於窮鄉良民不得安生羣起為盜臣下恐有隱禍多懷二心禮樂政令漸不出自朝廷地方之事益有可慮又言寧王自討衛兵以來威勢日盛上下官司奉承太過乞推大臣兼任提督巡撫假權便宜悉聽計畫區處更乞戒諭寧王自治其國三司以下政務不須干與嚴戢下人恪守禁例凡王府發故事例必須奏准方許奉行庶幾地方無意外之患 九重紓南顧之憂累千餘言事下兵部取旨移文寧府令自鈐束其下而已濠至涕泣自咎亦懼且悔矣自世寧厨解

門達皆置人然覘其廉正不可汚乃摘前疏禮樂政
令不出朝廷諸語誣為離間妖言誹謗奏逮之未下
已陞福建按察使離任矣臨發中食毒幾殆蓋濠為
之又嗾其黨巡按御史潘鵬遣官挾濠卒誘執之世
寧間行會逮繫詔獄刑訊踰年濠必欲殺之賄用事
者抗章言應死者三瀕死屢矣言官交章論救用事
者迫於公議得減死謫戍遼東潘陽中衛十一年抵
遼撫按禮遇之不就館穀躬履行間講學授徒自業
凡四載十四年六月濠反十五年始直世寧起戍中
為湖廣按察使十六年遷右僉都御史巡撫四川辛

本朝分省人物考

卷四十三

十九

浙江二

已行且疏辭適 世廟更化首批胡某以忠直擢用
不准辭遂手疏勸 上修德講學取大學衍義省覽
以光聖德薦魏校何塘邵銳堪講官林俊劉忠林廷
玉堪輔弼及言擒江彬擒宸濠均當論功附宸濠附
江彬均當論罪武臣如指揮牟斌執法受罪內臣如
周儀守正殺身宜一體褒錄無不謹切當 上心者
蒞蜀甫兩月時松番背叛議處軍餉令近邊者輸租
於邊而縮其額以所縮加內地而勿輸邊勞逸輕重
均焉乃疏安撫方略要在用人人才增兵將更賞罰足
財用事下兵部議行芒部隴氏請分設長官司議不

可許世寧上疏隴氏裂地設官雖稱衛彼實為筠連
等縣扼其襟喉從之便樞曹不用令隴壽襲職竟為
隴政所殺人服其識又劾退貪虐帥臣張傑太監趙
欽蜀境大悅嘉靖元年晉吏部右侍郎未任奔父喪
三年詔議 睿皇尊號廷臣強諍多被朴除名屬江
淮薦饑時免喪家居上奏曰方今急務孝親為大保
民為本乞早定追崇大禮肆赦羣臣小過使之各陳
救荒弭亂保民之策而議行之以綿 皇祖考萬世
之祀則陛下萬世之孝也夫諫者心協忠誠質異強
弱或斃雷霆之下終傷日月之明大為天地生成之

本朝分省人物考

卷四十三

二十

浙江二

累夫新進議禮一言適合未必其事事之皆是老成
執禮一言過當未必其事事之皆非臣願陛下惟是
之從無以新舊先存適莫於中繼復舉前古治亂關
於戚宦宰執者以規警明盡懇直累千言既有議遷
顯陵於燕山者世寧乞嚴絕儉壬極論遷葬利害
君臣協恭惟任賢保民為務并前疏並進 上畢覽
深嘉之自是浸尋大用矣四年起兵部左侍郎進備
邊二十五策復進言保養 聖躬願慎重藥物獻三
經講義大學泰誓好惡之章以戒媚嫉尚書惟辟作
福之章以重威柄易大傳不出戶庭之章以慎事幾

諄諄多中時忌悉留中於是言者劾世寧啓告密導
 妄殺之漸亟引罪乞骸不允五年命知武舉言者論
 列未已力求退改南京吏部左侍郎六年考察留都
 五品以下文臣去留咸所鑒正五月拜南京工部尚
 書舊凡轉輸至者弗獲時納有候至數年者乃使謂
 內監曰如更阻難當別處耳蓋欲奏徑輸京師也不
 數日納竟者五十餘輩又福建解至料銀幾二萬皆
 赦前已徵者所司以時價不酬欲令加徵乃疏各省
 未輸者盡行蠲免而解至者反加徵情理豈堪得請
 直輸其銀於京免重困焉七月以左都御史召過沛
 本朝分省人物考 卷四十三 三十一 浙江二
 疏治河事宜及瀕河夫役之苦道改刑部尚書尋用
 詹事霍韜言加太子少保左都御史掌院事振舉憲
 度釐正敝習首疏勸 上當涵養 心使寂然在中
 無所偏倚遇事當喜怒者則又臨時省察其中節與
 否而後發之至論聽言用人言殊剴切 上嘉之務
 持大體以近年刑獄未清乃裁上畫一之法申明職
 掌凡十條最後論執法被誣奪職者復其官制辭褒
 美俾中外遵行而考察奪職者始許大臣言官論辯
 矣執政請禁私謁世寧言臣官以察爲名人非接其
 貌聽其言無由知其心識其才若屏絕過從徒采浮

言按考語而求激揚之當難矣 上是之世寧之再
 召執政有力焉終不與黨其在刑部時於重辟擬罪
 研究情法必允雖奏當論定者不避嫌謗執議懇惻
 弗憚 上嘗感悟納用太監剛聰與運舟爭道誣漕
 運官兵奪其織造費幾陷二千人乃疏不宜廣追牽
 連 上是其言竟從寬政至秋聰家僮訐聰自私誣
 衆之罪 上下聰獄抵法而言益信時遣官分錄天
 下罪囚事竣悉審別當否品其勤情而効其縱者其
 因事建明得著爲令者三陳九疇者故以兵備巡撫
 有事甘肅兩敗土魯番兵於時彭澤總制楊廷和秉
 本朝分省人物考 卷四十三 三十一 浙江二
 政土魯番因再失利縱反間傾九疇楊彭欲坐之嗾
 儉人煽言哈密淪陷番達寇暴釁起九疇於是下九
 疇獄擬大辟昌言於朝曰世寧司刑而殺忠臣寧先
 殺世寧執政持不可乃奏述 西事詳辯九疇之冤明
 其決不然 上大悟曰豈我殺 巡撫都御史償回子
 命耶九疇由是貸死戍邊七年春世寧疾作乞骸命
 子純入監讀書是時奏河清甘露降方告謝齋宿忽
 風霾異當世寧求黜應變不聽隨上勤學恤民任官
 十事轉兵部尚書加太子太保世寧辭言甘肅之危
 可慮中原兵將錢穀無備可慮臣弱才恐負重任再

不許復陳兵政十事以取進止 上許世寧就職
次第議之世寧乃拜命大臣建議銷兵世寧証古籌
今辨其非是議遂格已而土魯番合瓦刺入寇我師
敗之夷復請釋舊羈番使下兵部計宜者世寧言番
夷變詐反覆邊臣奏報牴牾再舉陳九疇禦虜始末
備述先朝馭夷故實以及今日圖復哈密利害審究
情勢樹久安之宜柄要喜功者中沮之八年春世寧
申論增武備足邊儲用人才三事薦馬昊陳九疇施
儒揚必進才堪統軍禦敵選曹以世寧侵官格不用
世寧亟辭疾不許特暫免其朝叅世寧又極言任人
本朝分省人物考 卷四十三 浙江二 李郁
圖治今日當務以自盡始終之義然時益多忤世寧
難久容祈請彌懇 上慰諭不從疏三上乃許致仕
驛歸廩役備給如典庚寅三月復以南京兵部尚書
叅贊機務召世寧再辭疾篤猶力贊 上圖廣嗣續
容受直言愛惜人才云九年秋九月丙辰卒於家壽
六十三贈少保謚端敏詔省臣諭祭勅有司治葬事
勿嘗學武精騎射正德庚午服闋赴京至滄州遇大
夥賊劫掠焚殺勢甚猖獗前途孔棘乃避入城中州
守張琦漫不爲意世寧激以忠義授以方略協力捍
禦憑城對敵奮不顧身賊不敢近數日城賴以全

吳璣

吳璣字器之仁和縣人弘治庚戌進士初授弋陽縣
令調永新陞南通州知州甫兩月乞休璣勇於去就
以子寃未洩力辭軒冕性好吟咏多撰述考求遺聞
作武林紀事八卷卒年九十餘

徐潭

徐潭字汝容錢塘縣人廣南守敏之子弘治癸丑進
士歷官南京刑部郎中秉公守法請託不行改工部
郎中時工役繁興潭爲程其出納會計詳慎乾沒者
無所容奸庚午陞湖廣叅議無何晉按察司副使兵

本朝分省人物考 卷四十三

浙江二 李郁

備辰沅豪貴陶倫罪當死以千金賂潭潭却之持益
急後其人賂代事者竟得縱而潭反被深文之名遂
罷歸囊橐蕭然居無華堂出無輿從性耿介然好義
樂施赴親交之急輒傾貲與之雖至空匱勿渝也

沈綸

沈綸字朝綬仁和縣人和子弘治丙辰進士累官南
京禮部郎中廉州府知府清介絕俗恪慎官守既典
郡不以家自隨矢志貞潔廉州古合浦也中貴守池
者往往乾沒於是豪右相緣爲奸綸一切裁之以法
民獲安生權豪側目卒中傷之綸死二十餘年民思

其德為築愛民亭以旌廉平繪與父和俱為二千石
兩世專城家猶四壁人服其廉

劉溥

劉溥字潤民新城人幼聰穎讀書數過輒成誦歲饑
父致粟數百里外忽心動亟往迎之中途父果疾遂
扶以歸年十七入縣學弘治丙辰登進士第授永寧
知縣教民耕作租調日裕舊有礦盜設禁防之盜用
衰息永寧地僻士少知學立條約率之趨業邑有程
子書院久廢溥曰此大儒講道之所庸可民耶遂更
新之於是士習漸勵有名列賢書者矣越二年遭母

本朝分省人物考

卷四十三

三五

浙江二
李郁

喪去任民遮道泣送之服闋復除藁城縣政化大行
豪猾屏迹有夜殺人者誣為仇家擊石斃之久而未
白廉得其狀令其人試擊之弗中溥曰汝畫擊弗中
彼夜擊反中耶犯者驚服邑人德之至畫像以祀嘗
勘寧晉皇莊直其地與民主者賄之不聽卒致誣奏
被譴而氣弗少挫修紫荆關隘成當道薦之尋以考
最賜勅褒嘉正德丙寅召入拜山西道監察御史出
按南畿屬吏有犯率親鞫之黜貪婪數十人至有望
風遁去者地方災奉命便宜行事溥薄輸納均質糶
借周於富室饑者給餼粥病者予醫藥子女道棄者

令有力收字之全活無慮萬人死則為義塚瘞之後
人為立石以識遺愛災傷之地或躬自存視有父老
數輩迎拜道左曰憲臣蒞鄉村閱災前未之聞也因
相與致祝而去行臺一樓相傳有祟不敢居溥曰邪
豈能干正乎乃寢息其上竟無他庚午奏許逆瑾黨
與不法事稱旨明年供事南郊連蒙金幣之賜未幾
陞順德知府適巨盜流劫屬邑設法嚴為之備獲首
功總制陸公薦其才賞以金幣河決黃陵岡撫臣檄
取役夫八千溥曰兵荒之餘戶消民困何以堪之欲
減其半撫臣怒極言劾之遂罷築亭坐側扁曰興思

本朝分省人物考

卷四十三

三六

浙江二
李郁

歲時瞻掃以志風木之感忌日雖疾猶強起過悲疾
劇不起距生春秋六十有二

查約

查約字原博海寧縣人弘治壬戌進士授南京刑部
主事進郎中陞福建僉事恭勤畏慎所至輒問民疾
苦旌義烈辯冤獄馴妬悍治有異等屬歲旱疫癘大
行約躬勤禱禱給藥療之清汎狴犴開釋無辜天大
雨疫亦良已延平邵武暨福州軍相繼煽亂約以單
車申諭眾咸戢服擢山東副使以憂去補江西持廉
秉公嘗以訊決脫士人於死人誦其明進福建叅政

約舊有施於閩人咸悅其來至則治學舍廩孤貧惠
養士民士民懷之陟左布政使值歲洊饑乃下令諸
司掾上納者悉出穀分貯於各倉以備賑濟建議跡
馬端肅劉忠宣於祀典以訓官常合羅文節章文懿
祀之專祠以勵士節皆有補風教會旨命尹應元
繼命撫山東報皆未至值候官反獄羣吏皆散走約
以前三郡兵亂皆單身諭降威德素著於閩冀賊可
化誨乃銳身以先吏卒未及發語賊稀突而前約大
呼擊賊左右莫有應者遂遇害閩人聞約死皆慟哭
立祠祀之

本朝分省人物考

卷四十三

三七

浙江二
陶安

吳鼎

吳鼎字維新錢塘人中正德進士尹臨淮臨淮帝鄉
民習游惰鼎一蒞任弊政悉去風俗改觀其穎識敏
裁便宜張弛更以辦治稱監司使者僉上治行異等
堪風紀選不報 毅皇帝南征侍衛中外諸騎乘數
十百萬所過縣次續食有柄事中貴人道臨淮非分
徵索供具無厭橫甚鼎從民吏往致常饋不贏中貴
人大失望憤詬呼挺鼎銳身先民吏當之民吏爭前
擊傷中貴人中貴人奏逮鼎繫獄一歲所廷議白還
原職用久之徵爲南京刑部主事轉南京兵部主事

以承德公喪罷歸除服謁告不任者十有五年補南
京兵部員外郎轉南京禮部郎中遷廣西布政司左
叅議乞侍養亡何病卒年五十三生平醉心文詞令
臨淮時聽政之暇卽手持一編不能頃刻置遇名士
大夫博文邃古者輒委已交驩與相上下其謝病歸
益專力萃精償其積志六籍而下九流諸子等書罔
不雋飲醇酣挾藩入奧故其文深涵博大能達所欲
言蒼然有西京風骨所著名泉亭稿行於世鼎之子
遵晦山東按察司副使

邵銳

本朝分省人物考

卷四十三

三八

浙江二
陶安

邵銳字思仰仁和縣人也正德戊辰舉禮部第一登
二甲進士改庶吉士時值逆瑾擅政焦劉深相結納
其子皆選吉士未幾傳旨俱拔編修銳以甲第在二
子上亦併授焉銳恥與爲列方具疏辭免會伯兄以
危言沮之曰會元得史職亦常分耳公議自在於汝
何尤尋以父喪守制瑾敗 詔革僉官銳亦在革
中言者以非其罪服闋改寧國推官尋陞南京文選
主事遷祠部員外郎以疾告歸起爲江西提學僉事
陞福建提學副使抑浮崇實士習丕變兩省至今稱
焉歷湖廣叅政河南按察使廣東山東左右布政使

皆有惠政進為太僕卿復引疾告歸不久卒持身端
確喜怒不形省身克己務求合道然恥於近名不立
門戶人稱真道學云卒之日囊無餘金田僅百畝且
以廕讓兄之子人尤難之贈副都御史謚康僖殊典
也所著有端峯存稿

徐 顥

徐顥字子淳號龍山錢塘人正德十一年舉鄉試高
等十五年會試中式明年辛巳賜進士授南京刑部
主事職理京畿訟獄號繁劇難治既明察強力有執
守日孜孜究心法家言踰年大開習所書獄辭老吏

本朝分省人物考 卷四十三

三九

浙江二
陶安

不如也同舍郎有疑獄多就問咸為代剖情法允協
諸郎咸自以為弗及由是練達刑名之譽奕奕播留
都聞而顧恥以刀筆自居折節講學慨然慕程明道
朱晦菴之為人素倜儻不羈高論時出人意表至是
一變頓為沉默簡重意氣雍如也嘉靖五年進本司
員外郎尋轉貴州司郎中就署內建澄心亭暇輒靜
修於中七年父艱去職起復除刑部陝西司當是時
蘭溪唐公為少宰廷訪天下奇士士多推轂徐君者
唐公就見驟問責難於君何以謂之難對曰君所謂
可而有否者焉臣獻其否以成其可君所謂否而有

可者焉臣獻其可以去其否茲何容易矣而老生常
談堯舜之道為難奚其難唐公悅以堪任大用薦為
儀制司郎中益殊調也 皇上方嚮意稽古禮文之
事札下春官無虛日咸為草創其儀無遺謬者賜敬
一歲大禮集議大學衍義諸書屬天下歲貢生候部
至二百人力為建白聽其附試京府以廣旁求路益
禮部歲貢生預鄉試始此顥充厲守高公卿以下干
請一切不行要在絕私交行已志專心上報而已以
嚴見憚不得久居內遷拜臨江太守躬勤庶政常夙
興以矯游惰撻奸發伏如神吏民莫敢欺他如去門
卒通寒蔽刻題名表官箴作郡志記文獻祠旗纛修
武備皆井井規畫利當時而法後人赫然良二千石
矣而達官貴人取道臨江泊舟去府治且三十里顥
雅意不游聲譽非大事弗出郭要人請託輒拒之曰
寧負權臣不負吾民又郡中貴強之家干禁痛繩以
法不少貸治郡幾五載不遷考績行過家居兩月一
疾遽卒時年四十二已耳少時善飲酒父誠之絕口
不飲及鹿鳴舉禪猶以未奉父命為辭父嘗患怔忡
疾不解衣半歲父沒而養母太安人躬備甘毳家事
必稟進止廩祿貨財悉委於三弟傾囊助之其內行

本朝分省人物考 卷四十三

三十

浙江二
陶安

修謹如此

徐咸

徐咸字子正號東濱仁和人以尚書領浙薦正德辛未登進士俊才穎發與人交不詭於俗居官不事皦察務持大體人樂其寬初守沔陽沔屬兵燹後且值陵谷懷襄民嗷嗷待殍咸務在撫輯惠養區畫中理民多全活初沔地宜黍鮮植嘉穀咸為之陳厥疆畝引渠灌泉略倣吳地播種之法與民習之民享其利居三載入覲屬吏託餽名盛貨帛以進率謝却之廉譽益彰隨陟夏官郎去民思之肖像為生祠夏卿

本朝分省人物考

卷四十三

三十一

浙江二

喬白巖公雅知咸會

武宗南巡咸凡事豫戒備無

不周白巖公曰能助予者咸也

陽為政一以平易近民為本民以是益親附之歲值

恒陽躬率父老恪修雩祀憊暑不輟而甘澍應妖民

惑眾禍叵測咸計磔渠魁脇從不問悉解散其牧襄

一如牧沔故襄人戴之猶沔人也廖太史鳴吾作楚

紀列咸於登績傳童太史內方以餘姚孫衍華亭張

弘與咸先後同官均有懿政目為三高嘉靖丙戌入

覲忌者阻之罷歸日事編纂有國朝名臣錄澤山野

錄詩有東濱三稿平生天性孝友宅心坦夷侍奉直

公昂及太宜人王寢處飲食省視必躬官至二千石

田宅不侈常祿之羨悉畀仲兄節奉怡二親不制其

出入無毫髮留為筐篋計又為仲兄築室以居後家

事日落寒暑製衣及衾溫涼適體有疾奉美飲食至

老不衰以故稱孝友者無間言嘗築園城闔曰餘春

每遇勝日邀伯兄豐厓及郡中名士携鹵榼基秤於

禪扉竹徑觴咏陶然仙如也嘉靖丙寅夏六月卒年

八十有八

錢宏

錢宏字可容錢塘縣人正德戊辰進士授刑部主事

本朝分省人物考

卷四十三

三十一

浙江二

進員外讞獄西曹以明慎稱陟山東僉事巨寇王堂

趙志劫掠近縣宏督兵一鼓擒滅之擢副使革鎮守

無名夫役刑其厲民者民賴以安宏在山東久多政

績至拯章丘水災所全活萬人功德尤著擢廣西按

察使陞福建右布政使轉湖廣左布政使進副都御

史督兵南贛簡閱兵備節財裕民建趙清獻文信國

二祠以訓忠節宏為人孝友篤親睦宗歲租所入分

逮姻黨人高其義在南贛以病乞歸逾三年卒

江曉

江曉字景熙仁和縣人禮部尚書瀾之子正德戊辰

進士歷兵部車駕司郎中慎磨勘立條格諸司不得
 濫恩改吏部稽勲司郎中有公恕之稱出為山東布
 政司叅政嚴督通賦轉輸及時至京議召商上納隨
 時給估除前攬納侵耗之弊遂著為令陟山西右布
 政使條陳體國便民六事悉見施行歲大稔太原平
 陽民多轉徙曉極力賑濟安輯所全活以萬計庚寅
 擢應天府尹由太行東道抵金陵所過屬邑皆焚香
 頌德尹應天時除奸釐弊節費勸農復條奏職掌十
 事大要抑奢崇本嚴禁侵冒諸為浮淫蠹國者悉請
 罷革 上嘉之有體國為民之褒歲旱蝗竭誠祈禱
 甘澍隨降蝗亦尋滅至秋復旱乃發倉賑之所活又
 數十萬人入為工部右侍郎值 聖駕將巡承天命
 曉先出警道御史胡守中恐臨事愆誤欲先論曉以
 分已責乃誣奏曉稽誤遂逮詔獄獄吏孫綱者守中
 黨也竟考致其獄勒停為民無何守中與綱皆坐罪
 棄市人皆以此為誣善之報曉為人清修畏慎孝友
 端凝事親色養終身處兄弟曙暉曜曲有恩義教暉
 成名曜為禮部員外仍以已恩蔭官曜子延林居杜
 門養高書刺不入公府臺省交薦竟不起卒贈工部
 尚書子圻官至提學僉事德望高一時孫鐸始仕為

本朝分省人物考 卷四十三

三十三

浙江二

刑部主事歷都御史

陸溥

陸溥字原博錢塘人登正德戊辰進士仕為兵部職
 方主政歷進武選武庫郎尋陞江西叅議遷陝西叅
 政已巳逆瑾擅權盜賊肆出職方稱難溥因事籌畫
 動中機要司馬卿倚如左右手疏奏皆屬焉有聲於
 職方瑾誅以瑾連坐者不下數千人溥白於 上原
 之甲戌與給事中溱御史倫奉勅覈京營諸兵馬京
 營諸兵馬素遮於豪右懸其籍溥乃盡括之豪右欽
 衽謝然竊啣之已卯 武廟南巡溥與諸省郎伏闕
 乞留不報 世宗登極詔復先朝諍臣賜俸一級淦
 有負固者號召至千人將為亂巡撫都御史以兵事
 屬溥溥出奇兵掩擊之不旬日而縛數百人以歸議
 以其地為峽江縣戊子赴任陝西至靈寶忽一疾卒
 年四十有五始溥為江西叅政時吏部薦以按察副
 使凡四請而不報後又薦以叅政亦三請而不報最
 後始遷陝西布政司左叅政人曰此啣者所中傷也
 溥不以為然志節愈勵而持守益堅生平仁恕易與
 及與權貴交屹然不可阿天水胡績宗銘其墓謂溥
 矯矯本兵翩翩行省究心時務奮志民猷惜未竟其

本朝分省人物考 卷四十三

三十四

浙江二

施而沒云

王 潼

王潼字本澄錢塘人幼嗜學讀朱子語錄遂絕意業舉之志聞陽明先生講道稽山負笈往從先生嘉其篤志命輔其子仲肅為學無何配任氏卒時潼年甫三十六義任有淑行不為再娶性好遊慕司馬子長之為人歷齊魯燕趙登泰山攬日觀西望太行薄遊都門並海而南遵吳適越東下武昌訪竹樓赤壁之勝工繪畫善諷味其過太行詩有客中秋過半山外晉全分之句勤于著述於陰符經程張諸書皆有補

本朝分省人物考

卷四十三

三十五

浙江二

註抗志風塵耻與時俯仰終身不求榮利惟日以山水自娛嘗自品曰亂山秋寺孤燭苦吟平生之滋味也嶺猿江鳥冷苻幽蘭平生之朋好也老牛負載跛驚蹒跚平生之技能也黍離麥秀吊古懷賢平生之寄托也濁酒一盃南華一卷平生之心知也雲停春渚月滿秋空平生之意態也即此數言可以想見其人矣浴沂舞雩之學脉聞自曾點為宣尼所獨契茲亦窺見其一班云

許相卿

許相卿字台仲海寧縣人正德丁丑進士辛巳授兵

科給事中屬 世廟新政乃抗疏論政令不便者數事先是中貴人張銳張忠恣橫法曹議在死律內降欲寬以贖金相卿力爭之又李賢以中貴張欽義子襲錦衣指揮林俊以正人被言者譖相卿皆力言其非是語剴切多人所不敢言至嘗 上為氣驕志怠迥異初心云云舉朝皆為咋舌由是許給諫直聲震天下矣居一年抗疏致仕歸縣官具輿臺駟從如常相卿曰此役屬里閭吾故里中人也假令吾乘軒擁蓋揚揚出里中使吾父老親故走匿旁舍此于事不當吾誼已不入公門母徒患苦父老為也堅却之乃

本朝分省人物考

卷四十三

三十六

浙江二

築室紫雲山中巖居川觀食力詠志益務覃思墳籍游心術藝之場嘗製短簑長笠以二鶴自隨遇佳日披簑戴笠身騎黃犢往來阡陌間喜與田翁野叟為爾汝交就彼食飲或一言目為貴人輒投袂起矣縣令高其賢為樹表邑中當念一往謝則五鼓伺門入向縣治再拜而去時令臥未起卒不能禮之館舍部使者歲時存問餉之金錢輒推不受元輔貴溪與相卿善貽之詩有九杞山人不出山不將一字落人間之句相卿為人豪邁正直高視一世林居三十年海內咸傾仰之中外薦者以十數嘉靖己亥以禮科給

事中有起於家部使臨門敦逼上道相卿力以疾辭
元輔為書招之曰 明天子在上故人忝備政府可
強為一出相卿報曰居高者勞乃公方飽食無溷乃
公竟不往後海上變起當路者就問籌策相卿為口
畫便宜事語多效其清風峻節老而彌壯士大夫識
不識輒相敬慕咸謂人中孤鳳云

江暉

江暉字景孚仁和縣人瀾之次子正德丁丑進士選
翰林庶吉士初暉父瀾官尚書起家翰林伯兄侍郎
暉舉南官第四人暉復登第抗因有父子翰林兄弟

本朝分省人物考

卷四十三

三十七

浙江三

劉汝德

會魁以為美事暉居之若無有也始登仕籍值家室
早殞有擬錢寧族女者時寧貴勢傾天下眾莫敢忤
暉獨峻拒之已卯 毅皇帝將南巡暉與同館舒芬
等抗疏力諫受杖幾斃及館事竟當授編修以前言
事授廣德州知州為治廉正剛毅始之官即法其豪
梗者以令於州民皆悅服有大姓讐競官司不能平
將尋兵事暉徐以一言而解勞不坐乘衣不重采省
徭役減供應為州二載州人大歡樂之歌謠謳吟徧
於里巷以翰林院編修 召去已而進修撰屬 世
皇用言者議簡侍從使更民事擢暉河南僉事未行

而痰疾盛作 特旨許令養病歸二年卒暉精敏修
潔游心藝苑嫉近代文體淺俚益務為鈞深奇崛至
不可以句與齊人曹嘉東楚王廷陳關中馬汝驥共
聲一時有曹王江馬之稱其為廣德甚得民至立生
祠祀之

許仁

許仁字元夫仁和縣人為諸生時教授生徒方嚴介
特翕然為時所宗正德庚辰以舉人授巢縣教諭擢
河南鄆城令雪冤獄減重徭弭盜捍患勤於撫綏性
狷執不能事上官調德化德化瘴鄉民獷悍難治仁

本朝分省人物考

卷四十三

三十八

浙江三

劉汝德

一以簡重鎮之毀淫祠改社學建公署導壅渠勞績
顯著調同安治同未久屬德化豪右以舊憾騰謗罷
去仁樸茂質直多介少通執義而往率多齟齬於時
然遠於經學毅然以崇正闢邪為已任諸所論著皆
折衷六經多發前人所未發云

董毅

董毅字碩甫濠之子正德丙子領鄉薦嘉靖辛丑授
安義令更令漢陽俱劇邑綏輯鎮定所部不擾介然
守正罔突梯取容竟與世局枘鑿退而耕於海上安
貧樂志冲曠夷猶忽值粒罄過午未炊散步澹野湖

濱採白蘋花以嗅茹淡如也既而侍其父遊會稽扣
謁陽明王先生之門聞良知之學精修深詣時稱高
弟每喜陶靖節形影神釋之詩取蘇文忠水月不變
之旨知者以爲陶蘇並埒云所著有碧里四存全稿

孫景時

孫景時字成叔杭之右衛人性耿介於世寡諧與越
人汪應軫仁和邵銳江暉錢唐吳昂爲友慕章文懿
胡端敏之爲人師事陽明甘泉二先生學成正德丙
子舉於鄉筮仕長洲教諭遷攸縣令却餽贖謝常例
雪貧民唐如景吳伯先在狀逮豪右易滔發其奸賊
論如法人多稱之無何景時解官歸乃蒐輯典故證
以長老舊聞質諸鄉評作武林文獻錄杭州府誌意
欲勒成郡乘副在名山惜有志未究而卒

吳玘

吳玘字汝瑩號南岑錢塘人舉嘉靖癸未進士拜行
人司行人歷司副刑部員外郎廣東按察僉事副使
布政司左叅政在刑部時嘗同考順天鄉試其所爲
文產許老先生自謂弗及故海內知其能文然玘固
知兵習吏事爲員外摘扶姦隱平釋冤滯精練詳敏
大廷尉讀其獄詞必曰吾固知非吳員外不能爲其

本朝分省人物考

卷四十三

三十九

浙江二

所治囚卽罪死無號呼不平者爲僉事飭兵嶺南蒐
士卒立保伍明法令察盜所出沒根披苗藪境以大
寧連寇作督師征之殺二千餘人降千餘人清遠峽
險多盜以卒六百人鑿山三十里爲梁二十有一舟
用得挽以濟爲副使籍民舟之賈於海者什伍爲綱
紀約寇至擊之其去爲盜者衆發之不發與連坐海
寇頓輯性疎爽嘉調笑諧謔治園亭西湖之濱與賓
客燕遊其間若樂而忘檢者至持官奉親特嚴以孝
縣吏植柑分巡解中間以遺之曰此官物吾不可食
盡易錢輸之庫連寇平都御史御史張宴且以金幣
勞之固辭以免周宜人病痢刲股肉和藥血淋漓下
不絕痛父以食芋違疾終其身不忍食芋宦遊四方
必奉像積懸之祭則拜以泣比病不能言數引手指
像忽自墜其僕曰得非欲奉以行乎領之而逝得年
六十三初至嶺南勤於其治按行郡邑觸冒毒瘴遂
患癘比爲叅政會 天子有事安南治益勤既疾革
猶日命吏抱文書置榻前臥聽之故以羸卒

沈南金

沈南金字子輕錢塘人嘉靖癸未進士授南京大理
評事進寺副寺正擢廣東廣州府知府處官以誠信

本朝分省人物考

卷四十三

四十

浙江二

得民調江西贛州贛為江右巨鎮宿重兵疲供饑南
全身先節儉以佐民急杜請託忤時貴坐是遠徙雲
南鶴慶府移疾歸生平伉直簡素性剛方不能容人
過即尊貴者嘗面折之士大夫家居有司率具隸以
從南金力拒却乃徒行里中不入公府處家約素食
惟蔬衣取布遇子姓嗃嗃至其奉親色更溫若兩人
然任性獨往堅持孤稜所親或規之曰處世混俗乃
公獨負為矯矯哉南金不應操執愈厲年七十有九
卒

張文宿

本朝分省人物考 卷四十三

四十一

浙江二

張文宿字拱辰號白厓仁和人也賦性奇偉風儀玉
立早涉典墳旁及諸子出言謹正不為詭從處事機
發不為撓阻履道植仁敦孝兼義灌園蒔花效於陵
之高風種穀藝桑欽粟里之雅致每讀書齋中攻時
業輒閣筆歎曰今何不古哉遂獵秦漢盛唐諸名家
書兼攻古文辭詩賦由是籠罩靡前轡轢時輩蔚然
動士林望矣始補昌化弟子員督學陳公馨最其文
試第一顧愕然曰茲小邑安得有此子哉且神龍祥
鳳必擇所處夫然後能大也子豈若雙鷗安泥淖航
蓬蒿者為哉遂改入郡學正德癸酉薦於鄉屢試南

宮不第乃歎曰士握寸管持尺牘孰不欲揚聲闕庭
以嬉翔霄漢顧虞坂之上不遇孫陽楚璞之中空嗟
卞氏惜哉命也吾獨且奈之何哉况吾先君以不祿
養為恨今母老豈復蹈此轍乎嘉靖癸未即釋褐授
晉江令明允信决氓鰥帖服家安耕織之業俗阜絃
歌之化以風操孤勁自持未究大施遭讒落職乃與
閩人高石門偕遊武夷山中甚得無幾陳辭辨明作
拙賦逋歸賦以見已意蕭然長往門堵空蕪亦不之
怨也後有間言曰晉江稱平官可媒得道然笑曰吾
與顏容端同官同罹事然彼事特甚顧顏容端以進

本朝分省人物考 卷四十三

四十二

浙江二

士復官吾獨不利一進士耳志益堅不為動就西湖
傍築一小樓樓未及成有二鵲日啣泥從梁題間營
巢巧逼匠斧人以是為異即名其樓曰來鵲樓湖中
又置一舫大司馬尚書白泉汪公署曰水月樓乃與
郡中沈青門田豫陽李岫嘯方十洲童南衡張太華
結為西湖詩社或遇穠辰豔景輒集諸英華登樓放
舟賦詩作會詩成酒散互相砥礪騷賦古詩遠宗曹
楊陸賈而五言七言在沈宋李杜之間其辭華沈着
不為浮綺故為一時所宗云

田汝成

田汝成字叔禾浙之杭州人也嘉靖丙戌進士授南京刑部主事南京刑部以廣東司爲劇而汝成以廉能聞收魏國草場之利而還之民卻嫠婦違制之金而沒之公帑凡百疑獄迎刃而解災異求直言汝成上疏條陳致中和六事以爲修省之助疏留中不下由員外郎轉禮部儀制歷祠祭郎中復遷儀制扈從南郊籍田親蚕及西苑省畊課桑與凡慶成燕享各有頌述壬辰有事於會舉棘闈事宜多所題正先是大學士李時乞遣廷臣分禱岳瀆以祈聖嗣又導上於太廟中仍行卜筮而部議沮之汝成上書切諫

本朝分省人物考

卷四十三

四三

浙江二

罰俸三個月時行援貢沙汰例而都御史史道御史胡明善皆請復舊法楊宜又請禁沙汰汝成議不合忤時宰意出爲廣東僉事坐貢士不中式者五名左遷滁州知州陞貴州僉事轉廣西左叅議分守左江及歸里乃盤桓湖山間探禹穴上四明窮雁蕩泛吳淞涉邗江遨遊河洛五六年疾卒所著藥洲學政楊園九略炎微紀聞西湖遊覽志九邊志唐詩樂苑等集凡一百六十餘卷

劉紹卿

劉紹卿臨安縣人由嘉靖間進士授行人以建言

廷杖謫貴州思南府經歷單騎遠徙一僮自隨至則恪守廉訓克勵官箴會土官楊訓殺人帥府黥奴高壁亦坐事當編戍兩人要重貨投之不納卒按致如律千戶胡學詩戕其妻行賕要人脫罪一訊得實論死王髯者圍奪殺人道中郡吏召捕之一兵官子亦王姓而髯懼而自髡爲吏所錄誣服成獄矣紹卿往覆按立得殺人者而出兵官子歲饑視督平糶計會詳密賦授必均民以不殍閱視迤東諸郡吏積奸蠹爲清紹卿疆執不受請託蠻酋武官放恣淫虐不畏大官獨難劉經歷耳未幾以疾乞休甫抵家而卒

本朝分省人物考

卷四十三

四四

浙江二

張涑

張涑字文東海寧人生有異質方童時日誦數千言爲文詞采煥麗氣燄輝赫一時名輩咸推下之皆以爲王子安復生也辛卯舉於鄉時尚未冠英聲雋舉動於縉紳士大夫樂與之交藩臬大僚至禮其廬焉父負官錢數百千涑議賣產以償或曰若幸交當路何惜一言遽議棄先人產耶涑曰貨產易得耳至於節槩一失不可復贖涑卽餓死不願也竟傾家抵之以是家益貧初涑爲諸生與童憲副漢臣方郡守九叙友善時稱三傑後兩人皆登仕籍涑亦處時時

饒廩餼輒推不受或固餉之強至再涑勉為一受即
盛治具召其人至共飲食必盡所餉始已涑於世一
無所屑與當路游談累日未嘗及時事抗志守高曠
視塵表即藜藿不給卓如也竟以阨窮不得志而歿
卒年三十三詩俊爽有奇氣所著有窮居集漢臣為
梓之行世

許應元

許應元字子春錢塘人嘉靖壬辰進士授泰安州知
州貞白自持惠養所部不疲民以媚上行部者以供
饋不豐罪其僚吏輒投劾欲自免歸部使者固留之

本朝分省人物考

卷四十三

又四四

浙江二

乃止改泰州知州凡典二州卓有執守不為豪右所
撓屈遷員外郎晉郎中出知夔州府廉靖平恕輯和
民夷興學勸士暇則弔三閭大夫杜工部遺蹟彬彬
雅咏稱儒吏焉久之遷四川按察司副使尋調廣西
因攝兵事誅三巨獍巨獍者莫氏兄弟以雄勇名兩
粵間往常大嘯破城殺吏前兵備以擒獲報至是罪
人始得督撫欲上其功應元念如是則前兵備當得
罪乃力沮之不復上人皆多其長者後更數遷始至
廣西右布政使所在皆有政績士民悅懷及入覲卒
於家應元自幼穎敏日誦數千言篤嗜古作游心藝

松為文輒宗西京初登第時試庶吉士文已中律當
路者欲一見應元誼不往以是不得充館職然閣試
諸詩已籍籍傳矣天性孝友曲承親志振人困急處
弟友愛備至周窮樂施傾貲為義其遇宗黨尤厚溫
恭退讓恂恂不伐篤厚君子也所著有水部稿所撰
次有春秋內傳國語史記抄漢語若干卷

許貫之

許貫之字道卿錢塘縣人狷介孤稜不忘溝壑始舉
於鄉十年不上春官攻苦食貧蕭然寒士人咸介之
登嘉靖乙未進士授吉水令時按浙使者吉水人也

本朝分省人物考

卷四十三

四五

浙江二

意有所屬即欲酬以浙事以微言諷之貫之曰如此
則類貿易有市心矣拒不可愛養部民煦之若子權
貴干請一切謝絕由是吉水治行為江右冠而士大
夫多憚其峭直徵入為兵科給事去官即出已
貲葺廨宇繕器具以待後尹曰吾不意重勞民也其
瘠已厚民若此在諫垣七日而歿行篋惟故衣同年
親故代為歛之貫之清苦有介節矢志不為造請非
其道千金弗視也死之後妻子貧乏幾不能自存

張瀚

張瀚字子文號元洲杭州人也二十五成進士為王

文成嘆賞泛覽羣書尤酷嗜左國莊騷至寢食俱廢
遂燁然成名當世初任部郎一造船再讞獄勤慎稱
職已知廬州減賦墾田教民築堤濬池歲旱澇則身
爲犧以禱視囚雪陳邦寃諸政斧斷理解不減包孝
肅爲治行第一補大名值庚戌虜變募兵入衛尅期
立辦諸郡莫及兩爲太府廉直不阿每與臺使當庭
爭可否如辯開守誣禁巡司賄至今邦人稱之時亦
以異等擢潼關治兵使已叅嶺藩未幾調蜀晉閩又
自晉臬轉陝西左右轄凡十年三入關卽其地擢巡
撫都御史防秋固原不撤兵虜躡入以我軍有備宵
遁撫終南饑民須臾投戈散去遂卿大理貳刑部後
以兵貳兼憲職督漕運移督兩廣芟劇賊定羅旁會
有駕禍者功高不賞時論共惜謝歸起原官再撫關
中遷掌南臺南大司空值 神宗卽位召入爲吏部
尚書時楊襄毅病免會推三人 上越次用之持衡
數年所殿毘黜陟務以進賢退不肖爲主每錄選人
姓字上注 御屏欲 上時時目之又議酌選規行
久任崇實政遴真才稽章奏重責成嚴考績慎拾遺
要以愛惜人才本之忠厚一時吏治喁喁近未有也
爲吏部幾再考滿 上益冲懷嚮治注意老成故相

本朝分省人物考 卷四十三 四十六 浙江二 梁冲德

江陵亦嚴事之逮奪情事起徵 上中旨屬諭留江
陵亦自削牘諷使留已瀚謬爲不聞也江陵始不悅
因嫉臺臣中之及歸飄然嘯咏湖山間迨計聞卹贈
謚廕備極憂渥善書法兼工點染詩若文莊嚴典則
歸之爾雅有奚囊靈餘二十卷續集二十卷松窓夢
語八卷臺省奏議十四卷藏於家

傅霖

傅霖字朝鳴號虛巖仁和人嘉靖乙未進士授興化
知縣至則爬垢剔蠹日夜皇皇求蠲民瘼其甚者軍
竈奪民田產不稅不役民負累逃亡過半至困死無
本朝分省人物考 卷四十三 四十七 浙江二 甲

愬司軍竈者又深庇之而視民如讐前令不敢詰詰
輒爲所構往往罷去霖曰若是何以令爲乃極言宿
弊疏上於朝者三必行而後已雖沮撓百計至有擐
甲以攻者棘棘持議益力卒還軍竈所攘奪於民者
民乃甦田賦悉平頌聲嘖嘖滿道路肖像立祠於邑
又以餘力修治學宮日羣士子講說經義以相磨礱
疏濬河流縈遶迴合如玉帶在興化三年績譽日著
召爲兵科給事中霖知無不言言無不盡有可以報
朝廷者不遺餘力 世廟南幸以才望扈從武定侯
郭勛怙寵驕恣不法無人臣禮回鑿之日卽抗疏劾

之忤旨奪職聞命欣然就道歸數年郊廟禮成得還
章服霖風稟正直平生無脂韋媵媵態又素有經濟
天下志地方諸所利弊有可以裨民生益國計者遇
事侃侃論辯不少假聽者無不捧手起敬觀風使者
前後薦剡凡十四上竟不用 穆宗即位廣開言路
蒐羅海內名士時巡撫趙公玉泉首以霖應又例當
引年僅晉秩太常寺少卿致仕

茅 瓚

茅瓚字邦獻號見滄錢塘人侍郎麟之子生有異兆
數歲即疑疑殊凡兒日誦數千百言稍長益穎敏絕

本朝分省人物考 卷四十三 四八 浙江二 楊悅

人從父入京畿時有豫章人鄭先生者說朱氏易所
居從徒常百人往遊其門百人者皆服以為出瓚下
即瓚亦自以為百人者莫于若也會有司試士父欲
其占醫省籍就試長跪辭曰士致身重先擇塗大人
奈何令兒從他塗進耶父聽其言為資遣佐之歸每
試輒高等名益大起士挾策從遊者日益眾丁酉舉
於鄉明年試於南宮學士無錫華公察首得其卷大
奇之欲以冠魁列傍有相沮捍者華不懌曰楚玉在
璞何患無知者是子即試大庭眾迄能嫉抑之耶人
奉殿對 上果親擢第一甲第一人授翰林院修撰

在館職刻意學問六經諸史旁及百家稗雜之說靡
不深究其與人處則又簡默不自炫情情若無所知
能人故滋以公輔期之庚戌滿九載陞左春坊左諭
德壬子陞南京國子監祭酒扁所寓之堂曰身教律
已嚴恪動應矩度其餘規條格令岌岌不少假六館
士承教指惟謹無或私謁於門者踰年改國子祭酒
尋陞南京吏部右侍郎改禮部右侍郎居無何 上

諭輔臣簡忠謹文臣二人供內撰輔臣以瓚暨洞山
先生應詔可兼翰林侍講學士踐其任瓚長身玉立
儀觀岸偉 上每屬意焉乃益蚤夜倣倣畏懼無敢

本朝分省人物考 卷四十三 四九 浙江二 楊悅

忽游受 上眷寵數出廷臣右丙辰轉左侍郎丁巳
加太子賓客兼學士賜仙鶴服三年考績誥贈祖考
如其官尋加二品俸賜飛魚服改吏部左侍郎兼職
如故會得足疾不能起視事遂上疏乞歸 上屢賜
問疏再上乃允諭有司愈日以聞尋愈有司上狀竟
弗召間出賜金構堂數楹題曰榮賜曰此金者聖主
所以寵勞從臣也吾不敢隱君之賜抑使後世子孫
或視是典思厲術業以効報乎瓚為人夷爽洞達不
事機防自為諸生即負意氣自高不能曲徇人既官
翰林益嶽嶽養重於人卒難合遇勢權隆灼者亦未

管媼求媚附人，以是重之，而亦或以是忌之云。

吳源

吳源字宗乾，號龍江，錢塘人。嘉靖戊戌進士，授工部虞衡。歲收諸所輸，縑若軍仗，當事者惡其濫惡，輒鹵漬而刀碎之，輸者大困。源以膏硃印識縑，兩端以火烙印識，軍仗濫惡者不得行，而民免於困。荆州例推稅當事者，易以垢壤，受命往權，滿歲卒，以廉稱。尋進屯田司員外郎。會太廟役興，江淮運木者多，後期不至。上復以源往，劾慢吏，詔械逮有司，震恐事遂集。然勢家亦以此忌之，迨遷，遂得廣西僉事。閱歲有

本朝分省人物考

卷四十三

五十

浙江二

追叙其勞者，稍改江西在廣西時，兵部尚書惠安張公實總督其地，負才望，寮吏少當其意者，及見源，獨折節下之。入叅謀，畫出董師旅，時屬郡劇寇掠人妻，以邀厚贖，官兵不能制，用間擒之，并滅其黨。及徙江西行部，至南安，方解轡，即按治知府某不法事，某即日解印綬遁去。贛故所招新民，互格殺，會有以反告幕府，議以兵往，源謂仇殺新民，故事耳，激之則易以滋亂，不如遣間諜，柔之。幕府善其策，果如所料，民得免於兵。遷福建布政司叅議，福道里固遠，阻京師，令歲出其所徵，易輕齋市諸物以輸，而所市物利害相

去，或倍徙管輸者，偶值其害，即破家不足償。役益迫，不赴源，至三分其等為上中下，以極利兼極害者中，則自為一等，無所兼輸者，趨便而役益集。久之，會御史某以清軍至福，檄源厚聚賂，以貽所趨。附源却之，改遷江西按察司副使。舊僚在福者，或勸之，遜謝以釋其恨。源益却之，乃竟以是被撫，而意亦厭仕。進竟以老歸卒。源仕江西職兵務，其處置尤偉。今鄱陽湖中，令沿境遞護客舟，使盜不得劫，即偶得劫，勒其地使羅獲，不獲則罪之。盜遂衰息，亦其一事也。為人謙厚，簡慎，孝友，惠慈，貞亮，明允，故於家於鄉於官，靡不以德稱。至於窮研極博，稽考作述，則又為當世學者之所宗。云晚關龍江書院，娛老其中。鄉大夫士造請無虛日，歿而祀於學宮。

本朝分省人物考

卷四十三

五十一

浙江二

高儀字子象，別號南宇，世籍杭之錢塘。父夢于，肅愍而生。儀儀穎異，慕于公之為人，亦每自負。嘉靖庚子，以易中浙江鄉試第六，明年舉進士二甲第一人。改庶吉士，嘗試文淵閣賦，見者驚賞，遂有聲館閣。間癸卯授編修，時柄臣某方寵倖，傾中外，悅其嫺文藻，欲羅致門下，數遣子及門，風指儀拂其意，遂大銜忌而

高儀

羅致門下，數遣子及門，風指儀拂其意，遂大銜忌而

名行蒸蒸益起隱然負當世之望矣丁未同考禮闈
 戊申予告歸比還與修 國典壬子疏乞終養適
 莊皇帝在潛邸將出講學所司奉 世廟旨慎選儒
 臣充講幄首儀 詔下會以外艱奔歸歸而又逢母
 喪守制里中四年浙人趙通政者為柄臣狎客得視
 師浙中藉勢驕橫於鄉里諸謁者旁趨治屬視之儀
 弗往也趙既先儀乃報謁中馳入獨抗禮無所訕趙
 亦不能有加於儀丁巳陞右中允管國子監司業事
 而嚮通政者已官尚書屬其甥國學舍中令母卒業
 而超銓也數款曲致謁儀固不可趙恚語人曰何物
 本朝分省人物考 卷四十三 五十一 浙江二 張忠

司業乃爾尊大耶然竟亦不能有加於儀久之陞侍
 講學士掌南京翰林院事居南都又幾三年會柄臣
 以罪罷去遂用僉議陞太常寺卿管國子監祭酒事
 甲子陞禮部右侍郎明年轉左又改吏部左侍郎兼
 翰林院學士教習庶吉士尋掌院事丙寅陞禮部尚
 書仍兼學士 世廟方嚮意用儀會崩不果先是朝
 儀久曠故籍散失隆慶改元始設展寧臨羣臣奉祝
 冊謁 宗廟具法駕郊見 上帝幸辟雍釋奠講經
 諸大典禮咸倚辦春曹日暮待報無從考質儀以其
 意酌今昔之宜修舊起廢燦然明備無不當乎人心

舊制合享天地以日月從嘉靖中乃分建四郊於是
 中官有請合祀復洪武舊制者儀固不可曰洪武初
 不分祀乎即分亦舊制也何必改作竟寢其議或問
 合享非歟儀曰無論非是奈何令中官得與外庭大
 議眾聽之 孝烈皇后先以保護功附 主 世廟
 儀奉遺詔議遷其主內殿而附元配孝潔秩然足垂
 一代彝典他如主薛文清從祀革張真人道號及諫
 免舊邸之遊幸停取光祿之羨銀並關切大體詞謹
 義正讀其疏無不稱服 上方五齡儀數引漢有司
 蚤建之議抗疏皆見嘉納儀典禮三年紀法無不行
 本朝分省人物考 卷四十三 五十二 浙江二 張忠

者然故多病不任勞丁卯秋乞休致疏七上咸優詔
 勉留已巳冬復懇疏乞骸骨先後凡十二上乃得請
 以典禮勞加太子少保賜馳驛傳歸輔臣言官交章
 留儀僉謂儀可大用於是雖去而望亦滋重矣去之
 逾年 先帝以 今上在東宮且出講學念 先朝
 耆舊可備保傳無踰儀者詔起用於家辭不許乃單
 車就道壬申春三月朔奉詔日侍 神宗講讀於文
 華東序夏四月進兼文淵閣大學士儀負望久數病
 數起晚而大用中外方想望風裁而溘焉逝矣傷哉
 訃聞 天子震悼賜恤甚厚命以一品禮葬祭廕子

中書舍人謚曰文端儀體貌魁梧而性簡寡言笑每
定大謀斷大義羣情指顧間徐出一二言決之切中
肯綮既貴雅飭如書生自視恂恂無他技及見權勢
炫赫羣然風靡者若無有也雅恬素絕紛華珍玩之
好家不畜姬媵獨文史自娛入官三十年世業無所
增加舊第既火終儀之身未嘗營創再歸皆假館於
人不以為意卒而發篋不給飲具門生故吏為歎歔
泣下儀平生不為餽遺干謁人亦無有能餽遺干謁
之者古稱社稷臣招之不來麾之不去蓋其風度如
此明興以來錢塘著稱者肅愨暨儀其人品位望相
埒然肅愨遭遘不辰儀業雖未究而完名令終過之
夢徵固不虛也詩文若干卷藏於家其孝友著在家
不書其享壽五十有六

沈楠

沈楠字汝材號讓亭仁和縣人舉嘉靖辛酉浙江鄉
試戊戌登進士奉使三邊歷三關太行之險慨然有
封狼居胥意尋授南昌郡理南昌簿牒叢委獄情詭
秘防檢既周聽察尤慎姦欺屏息請謁不行以故幽
隱畢達人雪覆盆之冤市絕橫羅之辟其最著者郡
人范某兄弟爭產一言感悟和好如初贛州周某父

本朝分省人物考

卷四十三

李四

浙江二

張忠

子並成遺廉其誣立為昭雪花園鄉故稱盜藪役久
無功受牒單騎詣賊賊皆面縛悔罪願釋戈歸農楠
白於部使者盡解縱之事聞有白金文綺之賜楠雖
法吏以真誠長厚處其官人咸德之聲稱翔洽召為
江西道御史議察四門令嚴禁豫寺人門卒皆相戒
無犯每有論建務持大體同臺多自以為弗及巡按
陝西下車問民所疾苦延見藩臬諸大僚諮以吏治
失得及部中豪不法政事所宜廢舉與廉平墨威暴
澤枯且詢且行孳孳若弗逮又閔延綏兵馬入衛之
疲勞遼薊苑馬寺芻餉之煩苦西安鳳翔漢中三郡
分辦花馬池鹽課之利害方欲條上方略請行之而
以觸暑西征焦勞即事行部諸郡邑劬瘁骨立未及
上而疾大作矣削疏引告待命耀州竟以疾卒士民
相與悲傷之櫬發關中關中人白衣冠而送者如堵
皆緣道哭泣夾車轂頓足而嗟嘆焉為人孝友疎節
而廉於財遠聲利如臙喪父食貧事母曲盡志物撫
諸弟宗族有恩於人交無少長賢不肖咸盡其心絕
口不郵傳人過失其篤厚如此卒萬曆乙亥年僅四
十有二

翁相

本朝分省人物考

卷四十三

李五

浙江二

張忠

翁相字輔卿錢塘縣人登嘉靖戊戌進士授工部虞衡司主事以親老乞南改南京刑部郎中出守廣平廣平為畿輔股肱郡若古馮翊扶風故事郡二千石出入輒得陳兵幟羽葆鼓吹導騎士儀衛甚尊寵相至悉罷去嘗單車行屬邑所為卑身厚民類此郡故多盜白晝劫獄殺吏民甚橫相捕得其桀驁者法之餘悉縱舍盜旋亦解散河北諸郡饑相不及以檄聞開倉賑濟全活甚眾由是諸部使者交上其賢稱相治行為河朔最旦夕且報遷而相已移疾歸矣為人耿介直諒少與許右使友善以忠節相期已俱嶄然

云朝分省人物考

卷四十三

季六

浙江二

陳善

陳善字思敬號敬亭世居錢塘嘉靖甲午舉浙江鄉試第二人辛丑成進士拜欵令初至屏供帳一切汰省示民惻愍故健訟善以至誠化導訟日簡無何丁母憂服闋補桐城時父司訓崑山甫出都門覺心動馳抵崑父果疾革居三日而永訣僉謂其孝感云已西北上應聘分校順天士兼易詩得榜首孫公鋌

二十四人已補清苑清衝劇而疲尤加意損節先是金臺驛站馬出闔郡諸州邑厥後變為輸銀貽害尤甚善議仍前規均派爭者蜩起會內轉力請於當塗行之而清人始蘇在禮曹典屬國往朝鮮諸夷以貿易輦漢物歸縣官費供輸無算犴儉售苦窳為克人病朶顏盲夷且有偽增名物者善悉糾禁之言於宗伯華亭徐公著為例進主客員外郎尋轉僉憲督學廣西首廸士以正學使知根本重德行做何仲默關中學政令誦習經書傳記子史古文詞粵士彬彬嚮風焉未幾轉參議駐惠潮海寇初平瘡痍未復一務休養安集境內宴如旋轉副憲督滇南學其型範規條無改西粵之舊載刻小學句讀自警編忠孝歌頌教諸生遷滇右叅政督理銀場諸言開礦利者俱報罷始善當督學時以執法忤鎮臣且忤御史至是被誣論褫秩去已而東甌王侍御諍按滇廉其枉力辯于朝詔復原官隆慶改元改山西按察副使尋轉江西左叅政未匝月轉廣東按察使善以刑獄關係民命精審讞牒洗冤剖疑纍纍多異政粵人至今誦之會流賊曾一本寇廣城城門晝閉軍民扶老携幼向城而泣善惻然曰奈何棄數萬眾於鋒刃下為啓門

本朝分省人物考

卷四十三

季七

浙江二

躬爲殿而入之。矢幾及車，蓋竟以無虞。轉雲南右布政使，自貴入滇，道崎嶇甚，善相俸爲倡，關險爲夷者數十處。滇人聞其至，喜甚，善亦樂撫之。興利剔蠹，不遺餘力。黑白鹽井久爲墨吏豪家所乾沒，於是釐刷一清。商民稱便。滇歲採上供金二千兩，而滇寶少，產金戶業困，且復增輸三千善，建議派價諸州邑。市金蜀之寧番越雋，以解民得無擾。六衛諸倉散飲爲奸利，詳定條例刻石永絕弊源。撫臺某欲奏行戰象之法於朝，力言西北非用象戰地，象產炎微不耐邊苦寒，每市一象於土夷，度費金五百而水陸萬里煩。八朝分省人物考 卷四十三 五十九 浙江二 劉仕任

擾百端，貽患匪細。議得寢，故事上官襲廢黜胥多方難之，索其重賄，善卽與轉聞，曾無停晷。嘗曰：治滇以馭夷爲要，沅江武定之事，失其心也。人以爲名言。會武定之役，兼攝洱海道事。武定經鳳氏變，後議更城獅山城，激江城，廣西嵩明兩城四役，並起物力不支。善多方調度，不踰時而工就復。立哨建堡，以峻金沙七度之防，推誠布信，民夷大悅。昆明之旁山曰橫山，山陽有田五千餘頃，地高苦旱，善視白石崖有泉，在上遊可引溉而爲橫山所隔，議欲鑿山通渠，兩臺難之。善曰：事在我耳，卽矢衆禱天，焦勞經畫，山前後並

與工開鑿之，居滇三載，久蓄去志，而以方有事，橫山淹留歲月，至是決意引去，遂上疏乞骸骨。蠲日啓行，則橫山水洞忽報開通，傍山數萬家受其利，因名其洞曰惠濟立祠，洞旁肖像祀之。去滇之日，行李蕭然，豕宰嚴公清有眼前鐵漢撐天地，暗裏丹心泣鬼神之句，旣歸造請盡絕自御簡素，纖音至修築堤塘，道路勞費不愆。若觀音塘黃泥慈雲二嶺，皆有修築已丑冬瘡甚，然無他疾，曉起猶巾櫛如常。勉諸子孫以立志遠大，親正人等語。夜呼季公來訣，奄忽長逝。正命考終享年七十有六。所著有粵臺行稿二卷，黔南類編八卷，黑白鹽井事宜六衛倉條格二卷，杭州府志一百卷，勳賢祠志四卷，族譜二編，家藏稿五十二卷。

八朝分省人物考 卷四十三 五十九 浙江二 劉仕任

卷

徐炳

徐炳字仲平，海寧縣人。嘉靖癸未進士，授南京刑部主事。進郎中陟河南兵備僉事，以憂去。改山東僉事，擢湖廣叅議，轉河南副使，兵備大名，減供餉汰冗費，裁省民兵，濫額以休養，魏人魏人咸德之。屬邊戍缺，伍部使者出清勾諸郡邑，令甚峻，炳曰：勾軍補尺籍無益，裁備祗破民家，又發間左護之行，兼亦破里乃

入言部使者不便狀一道得以全活轉山西布政司
叅政無何卒炳為人孝篤於慕親少以父命嗣其伯
氏乃獨加意所生庚戌中會試以近例仕籍不得書
本生父遂罷廷對歸友愛諸弟教子以義方與人交
坦夷爽剴不為町畦自奉澹泊在大名值米貴遂舉
家食黍豆潔廉好修省中士大夫悉稱炳為端士云

陳洪濛

陳洪濛字元卿號抑菴臨安人嘉靖辛丑進士授刑
部主事歷員外郎中出守彰德郡時鄭王好文學課
四箴規時政庶人佑善誣王 上怒甚遣大臣就訊

本朝分省人物考 卷四十三

李

浙江二

為白其狀以上止錮王終身趙將軍厚燦腐奸人女
死乃擒殄其黨趙宗為安擢按察副使備兵九江多
盜區傷敗王旅至則勅諸賊曹跡賊所在必窮剔毋
縱數年之間長江晏如而又以其間補伍清屯練兵
增堞潯陽遂稱重鎮庚申陞左叅政蒞山西冀南時
伊王橫恣不道都御史疏其罪於朝遣使驗問不服
廣賂緩獄 上更遣趙司寇覆按而以洪濛輔行曰
是嘗按鄭藩者聞命即乘遽往盡得其諸不法事詞
具服國除幽之中都前後兩平亭宗正事皆當旨而
以晉藩按洛尤異數云遷長楚臬前是二令被逮訊

之乃斥其墨敗者寬其微文以中之者比遷去令懷
數百金伺道上大怒吾豈敢以金故緩若耶而奈何
以私蟻我擢右布政轉左遂拜右副都御史撫治貴
州時施州酋黃中叛擾雲萬等縣合檄川東諸道兵
進討賊入深箐陵高阻隘發蘭石傳毒矢以拒我師
乃募死士夜從間道上先發其機率眾直抵寨門呼
聲震天地擒斬千計破洞寨百餘賊勢窘因投湖北
降事平上書乞骸骨再疏得請未即途忽鎮遠邛水
諸苗叛亟誓師討平之丁卯得代歸時子禹謨已成
進士矣

本朝分省人物考 卷四十三

李

浙江二

錢立

錢立字守禮仁和人嘉靖乙丑成進士授刑部雲南
司主事時海忠介以言事下獄居處橐篋視遇惟謹
忠介公得長繫無恙有舞文胥當戍未決一日以新
鄭書來謁立謂法官所知三尺爾而意是書且有詐
往質之果然新鄭怒欲置胥死立曰法無是殺之與
孰法等竟坐戍去為刑部一年調兵部視武學丁卯
請假將父還武林明年赴京除工部屯田司督廠主
薪蒸條上便宜七事汰冗剔蠹以廉幹聞已巳丁父
憂壬申復除工部會有山陵之役監將作役竣校費

省宅曹什之三四同舍郎更反唇謂矯詭爾何術而
所省若是既錄勞資銀幣加秩一等而其後同舍郎
以工圯貶絀有差獨立所治完好不及於法始知實
躬親拮据用勤爲省非噉祿其迹以徵名者癸酉進
營繕司員外甲戌進郎中尋擢知太平府時蕪湖無
城盜剽關稅操江都御史備兵使者並被斥檄守令
期日獲盜令急不知所爲執賈人誣伏償亡欲以塞
責立聞之曰是盜非盜有司真盜矣解縱之授捕者
方略不決旬盜盡獲所縱家戶祝曰公實活我始議
城蕪立謂蕪不虞盜盜所利賈人爾牒當道賈七民

本朝分省人物考

卷四十三

李二

浙江二
劉光

三受役令旣布而城成壯乃逾它郡西湖田千頃岸
善崩剝石堤四十餘里郡人利之又郡有馬戶國初
時所籍使牧馬者後乃賦其芻賦重不能支率亡去
有司猶追呼不已立謂此與伍籍異取其額槩攤之
闔邑而馬戶數百皆復業矣在郡四年勸農蠲逋平
獄詰姦興學作人聲籍甚部使者交推轂凡二十餘
章擢廣西副使治兵永寧永寧猺獞地謂不當繩以
一切惟是蕩佚簡易寬其小過宜易爲治適土夷爭
田治兵相攻諸武吏競請勦立不聽檄諭以禍福皆
羅拜惟公生死之乃法其一二首難者餘置不問所

全活無數生平恬於仕進自郎署典郡意未嘗不在
林壑而會入寨議起不忍戮無辜以易首功與督撫
爭之強遂投劾不待報歸旣歸精心課子屏跡公府
獨時與二三朋舊結社湖山間晚歲兀坐一室焚香
手一編不庚念是非利害顏所居軒曰怡老論者謂
生平有三不識與人坦直如不識世間有機穽事衣
食淡非室無姬媵篋無珍玩如不識世間有嗜好事
緘默不道人過有及人惟簿者則閉目不應如不識
世間有殺禱事蓋其天性也享年六十有三

沈儀

本朝分省人物考

卷四十三

六十三

浙江二
劉光

沈儀字懋德仁和縣人銳之子生長高華恥習統綺
正德己卯舉於鄉每下第歸即閉門讀書廳事左右
列圖書古史日婆娑其中若將終身其於聲利澹如
也如是者二十年嘉靖戊戌授清江縣知縣恬澹寡
欲安靜不擾敦厚簡朴以輯和吏民吏民大歡樂之
督學使者徐公階行部至清江見其衣冠樸野心頗
易之居數日則察其六事修舉所守卓然乃歎曰設
吾以皮相天下士幾失賢令矣陞惠州府通判遂投
劾歸始司寇公素無厚遺儀又不治生產家窶甚人
不能堪獨端居靜養游心境外若孤鶴高鶩有翩然

之致孫瑞臨官行人

邵旭

邵旭字以升號竹泉仁和人嘉靖壬午謁選吏部授知閩之同安縣同安巖邑時漳寇入境為患督兵擊之捕獲殆盡賊黨有馬姓者暮持千金為某請命志曰此曷為至也發之皆論死有民陳姓者通黠胥為偽印覈實寘於法四境肅然至民有訟則多溫言喻遣之有不可已者亦為推誠處分不盡法比歲旱徒跣行四十里禱於神雨輒至民甚德之御史諸監司皆藉藉稱賢令得羸疾即投劾去既歸杜門巾巾不復與天下事矣蚤失怙十歲事母陳恭人甚孝已復背養乃泫然曰所貴榮祿以逮親也不逮何施故雖業舉子而進取之念日益衰云南築蔬圃樹藝其間圃中有竹泉精舍邀月臺吟風亭茶床藥壚羅列其間賓至則班荆坐已登亭涉園取蔬治具飲酒賦詩竟日迺罷優游以上壽終老於家

張輿 張輅

張輿字行中張輅字行素仁和人兄弟皆名經善詩文篤於孝友輿上書 闕下授刑部主事輅兩領鄉薦有聯輝集行於世

江圻

江圻字子望仁和縣人曉之子隆慶戊辰進士授南京刑部主事陞郎中斷獄平允請託不行擢廣西提學僉事崇聖學黜異端遏止奔競嚴抑僥倖以敦士習褒崇忠孝節義今昔所湮沒者皆表章之使善類知所勸考校諸士躬歷炎瘴不以牒召致之曰吾不忍逸已以勞人也品鑒精核人皆服其公明又署諸篆民夷兵食酬答總總圻分畫悉當犇然中律屬有侵其職守者遂抗疏解官歸蟬蛻軒冕高視一世即當路力挽留之不顧也圻為人純孝天植父母病憂形於色嘗藥舐糞衣不解帶行不正履居父之喪泣血三年枕苫履塊食淡茹蔬不入燕室三年一日也每過其內目必俯不一視婦過亦如之當路高其行欲以孝旌廬圻力辭謝曰奈何以父死為名高哉力行古道人以是稱之則恐懼思逃焉謙恭篤厚生為貴家子父祖皆至六卿身又弱冠掄魁京國其所被服僅如寒士遇閭里親故至窮賤者輒卑身敬事之以是賢聲溢於眾聞郡中輿臺里婦亦知其為君子也方承天每稱之曰江子望居喪有古人所罕聞今人所未見者人亦以為信然江氏五葉衣冠清華赫

本朝分省人物考 卷四十三

李四

浙江二 劉汝德

本朝分省人物考 卷四十三

李五

浙江二 劉汝德

奕曾祖叅政玳祖尚書瀾父侍郎曉諸父修撰暉及
圻皆以德義名聞縉紳五人者並祀鄉賢亦今昔所
僅見云門人私謚圻爲端孝先生子鐸舉進士仕西
曹歷官都御史

胡繼

胡繼仁和人世寧子也幼讀書不大了了父亦棄之
世寧調兵至江西兵官以世寧出見繼繼曰兵素不
習安能見我父哉兵官跪請教繼乃指示進退離合
勢甚詳凡三日而世寧歸閱大異之顧官兵非能曉
此者以詰不能諱其實告世寧歎曰我有子自不識
本朝分省人物考卷四十三 六六 浙江三 梁仲德

董澧

董澧號蘿石海寧人也以能詩聞江湖間與其鄉之
業詩者十數輩爲詩社旦夕吟詠至廢寢食遺生業
時俗共非笑之不顧以爲是天下之至樂也時年八
十有六遊會稽聞王文成講學山中以杖肩其瓢笠
詩卷訪之入門長揖踞上坐文成異其氣貌且年老

矣禮敬之又詢知其董蘿石也與之語連日夜蘿石
退謂何生秦曰吾見世之儒者支離瑣屑修飾邊幅
爲偶人之狀其下者貪饕爭奪於富貴利欲之場而
常不屑其所爲以爲世豈真有所謂聖賢之學乎直
假道以求濟其私耳故遂篤志於詩而放浪於山水
今吾聞夫子良知之說而忽若大寐之得醒然後知
吾向之所爲日夜弊精勞力者其與世之營營利祿
之徒特清濁之分而其間不能以寸也幸哉吾非至
於夫子之門則幾於虛此生矣吾將北面夫子而終
身焉得無以旣老而有所不可乎秦起拜賀曰先生

本朝分省人物考卷四十三

六七

浙江三 梁仲德

之年則老矣先生之志何壯哉入以請於文成文成
喟然嘆曰有是哉吾未或見此翁也雖然齒長於我
矣師友一也苟吾言之見信奚必北面而後爲禮乎
蘿石聞之曰夫子殆以予誠之未積歟辭歸兩月棄
其瓢笠持一縑而來謂秦曰此吾老妻之所織也吾
之誠積若此縑矣夫子其許我乎秦入以請陽明子
曰有是哉吾未或見此翁也今之後生晚進苟知執
筆爲文辭稍記習訓詰則已侈然自大不復知有從
師學問之事間有或從師問學者則開然共非笑指
斥若怪物翁以能詩訓後進從之遊者遍江湖蓋居

然先輩矣一旦聞予言而棄去其數十年之成業如
敝屣遂求北面而屈禮焉非天下大勇其孰能與於
此如蘿石固吾之師也而吾豈足以師蘿石乎蘿石
曰甚哉夫子之拒我也吾不能以俟請矣入而強納
拜焉陽明子固辭不獲則許之以師友之間與之探
禹穴登廬峰陟秦望尋蘭亭之遺跡徜徉於雲門若
耶鑑河剡曲蘿石日有聞益充然有得欣然樂而忘
歸也其鄉黨之子弟親友與其平日之為社者或笑
而非之或為詩而招之返且曰翁老矣何自苦若是
邪蘿石笑曰吾方幸逃於苦海方知憫若之自苦也

本朝分省人物考

卷四十三

李本

浙江二

顧以吾為苦耶吾方揚鬻于渤海而振羽於雲霄之
上安能復投網罟而入樊籠乎去矣吾將從吾之所
好自號曰從吾道人子穀仕至漢陽守亦精於名理
有四存稿行世

黃裳

黃裳字子重錢塘人父逸山公稍稍以積著起家貲
甲里中晚乃旁落諸子咸卽市操三五以贍而裳獨
為諸生髫時文弱無以給業幾廢書從賈顧適市而
心賤之喟然太息曰丈夫竟賈人游乎則益市書窮
日夜讀不休然益窘則引錐自誓無悔二十三試有

司輒高等學使者片山陳先生試補邑博士弟子員
陳先生校藝名知人所獎拔士咸名輩簡諸生博通
它經者俾授室獨器重焉及東昌司理汪存吾公兩
人乃競起為名高而里中惠副憲公聞其名延至家
為其子師於是諸弟子從游者羔雁成行咸稱鶴洲
先生門人云性孝友既用文學為時所推重東脯所
入益市甘毳以奉兩尊人兩尊人亦心樂之忘其匱
也諸兄弟賈者顧業益衰裳引與居處衣食共之母
病醫藥必親嘗乃進禱祀額天丐以身代不得則柴
毀骨立所為治棺斂飯合喪祭之具不以貧故有缺
禮不以煩諸昆也居喪痛哀三年如一日顧懇傷逸
山公心朝夕率頰子上食問寢興居七年而逸山公
亦歿葬之如喪沈孺人時屬歲儉資用不給拮据營
厝必如禮乃止孝篤於親其待內外姻戚咸有恩紀
伯氏歿不嗣立嫂又盲也奉事之盡禮從子汝淳貧
無所託收教之已又資給之為之娶婦嘉靖中有島
夷之難郭門之外燬焉倉皇以身翼護二三伯仲及
李孺人奔城中所與共草衣糲食必均誼亡使身獨
溫飽生平所卵翼而振恤者不可指數諸子咸父事
之遇紛難出片言解之無不人人厭意以去敦信獨

本朝分省人物考

卷四十三

李九

浙江二

行里中化之其有不軌於行者咸閉匿自訟人比之
王彥方司馬德操之流焉生平不以貧賤有所屈志
博士黃公憐其賢議請公粟助之弗然曰死易耳黔
妻於陵吾師也吾不以身為市郡中舉高行欲致於
賓筵謝不可卒避之而性喜清言揚確古先王之風
與人交澹而不渝若劉道光履文成諸人咸莊事之
時時奉杖几徜徉湖山間性不善飲詩歌自娛晚乃
一切謝人事降心佛理有所鑑云

沈宣

沈宣字明德仁和縣人由歲貢官安慶府學訓導天
資明敏銳意攻古文詞尤長於詩下筆立就有驚人
語晚節好畫山水多典致所圖繪者世人爭珍藏之

洪

洪字浩瀾錢塘縣人賦性渾厚吐辭雍和博學工
詞章擅名東南清修苦節教授生徒以給其家事親
竭力孝養與人交吐露肺腑無所匿避善為聲詩有
長慶以還風致其詞調尤極妍麗皓首韋布而含珠
吐玉錦繡胸腸所交皆一時名流每出遊衣冠雜集
車從都雅超然在塵壒之外焉

鍾化民

鍾化民號文陸仁和人為諸生時卓有文譽登萬曆

庚辰進士初令惠安循聲懋著當事者以其才堪煩

劇調樂安縣益自勵精凡為地方典利不辭勞怨撫

按以卓異報擢四川道御史巡歷陝西山東車轍所

至利弊肅清偶言事忤當路調行人歷郎署陞光祿

丞會河南告災人幾相食欲得一任事者往賑朝紳

共推其才謂非化民不可上特詔仍兼御史銜遣

之行益重其事也化民入河南一味鎮靜與百姓同

甘苦多方區處耗盡精力地方得賴以全活事竣報

命繪災荒圖進御覽列民間疾苦甚悉上為之側

然本年轉太常卿適河南巡撫缺銓部會推上請化

民列名第五而上特超擢之亦異數也不逾年卒

于官上念其勤勞特賜額忠惠祠中州之民至今

猶尸祝焉

陳禹謨

陳禹謨號心抑仁和人萬曆丁丑進士授中書選御

史巡鹽兩淮巡按江西所至以簡肅稱請養里居十

年起補巡漕陞太僕卿巡撫鄖陽轉刑部侍郎卒于

官禹謨生平不務講學之名而居官居鄉矜然不染

似深心于學問者庶幾于不言躬行之君子云

人物考卷之四十四目錄

浙江嘉興府



王嘉會

程本立

楊任

鮑恂

貝瓊

顧光遠

葉春

陸宗秀

殷近仁

過宗一附孫橋厚

俞山

呂原

項忠

沈琮

周衢

沈肆

本朝分省人物考

卷四十四目錄

一

浙江三

張寧

姚綬

馬璇

倪輔

俞迺

潘蕃

呂憲

過璘

屠勳

包鼎

馬昆

劉偉

陶照

項經

陸淞

沈煥

吳昂

屠垚

卞謙

孫璽

錢錡

陸琳

趙漢

陸杰

諸僈

劉玘

沈圻

姚參

林桂

滿正

盛唐

沈科

吳淞

姚弘謨

馮臯謨

沈伯龍

買名儒

戚元佐

王文祿

呂炯

本朝分省人物考

卷四十四目錄

二

卜相

屠元沐

俞乾

采煉

姚弘

馬呈圖

本朝分省人物考卷之四十四

浙江嘉興府

王嘉會

王嘉會字原禮浙江嘉興人少博洽負俊聲元末累舉不第乃客松江為人溫淳和緩後進樂就講論修艇戶恒滿上海令康伯愚見其詩詞敦雅敬禮之引為上賓使以文章飭已吏事會詔舉明經嘉會應聘至京 高皇帝命賦詩應制稱旨復試其文賞異之除授翰林院檢討洪武十五年陞國子右司業時宋訥為祭酒太學生常數千人嘉會與訥及左司業龔敷嚴立楷範三人者春秋已高鬚髮鬢如正其衣冠且夕端坐諸生雲集階下肅然望而畏之以是士類率教多所造就 上知其勞眷待殊厚十六年冬以老疾乞歸優詔調治十七年特賜致仕未啟行嘉會卒於官舍年八十餘 上深嗟悼命禮部移文應天府給舟車還其喪及發引之日詔命所在官司備禮祭之

程本立

程本立字原道崇德縣人少讀書不事章句受學金華朱彥亨兄弟造詣日深又從同邑鮑恂貝瓊游議

論侃侃負氣節洪武丙辰舉明經秀才擢奉王府引

禮舍人召見奉天門賜馬疋楮帛改周府丁卯從王入覲坐累謫雲南龍池郎甸長官吏目留家大梁自以一僕之任時所部內附未久蠻夷皆煽動為變西平侯沐英布政使張統聞其賢皆禮之委以統領守禦所在撫綏本立山行野宿不避艱險自楚雄姚安以遠大理鶴慶麗江等處咸賴其安輯每單騎入蠻夷境或為書開導順逆利害遇飢即便宜賑恤日吾為王官守禦邊方不可以文法自諉坐視夷民生患假令死即死我一身耳救則救此一方之人也諸夷

本朝分省人物考卷四十四

浙江三

聞之皆感悅自是軍得著伍民得安業本立之功居多歲戊寅奏計京師建文帝立學士董倫應天府尹向寶交章薦其文學治行時方修 太祖實錄召入翰林編纂支正七品俸署左僉都御史階中順大夫作御史箴以自勵尋即真俸入之外不通餽謁時稱為清御史嗣後實錄完出為江西按察司副使未行適靖難兵已進京師本立知事不競悲憤自盡三日成廟即位 詔追奪恩典家無遺資所著有異隱集十卷刊行於閩今祠於學宮同時纂修者如學士董倫等皆免於難或見用新朝焉

揚任

楊任浙江嘉興人母章氏初生任有胡僧過之聞啼聲歎曰此兒異日必顯終不免刑儻耳任性至孝嗜學洪武間由人才擢知袁州府黃子澄一見以國士許之守袁政多宜民北師起任引疾歸壬午事定子澄出徵兵往約蘇守姚善航海去善不可子澄乃至任家與任謀求舊君圖大舉事泄任與子澄俱被擒至京磔于市任子禮坐死籍產族誅凡九十三人任姍屬金莊章范諸姓發戍邊者又百餘家云

鮑恂

本朝分省人物考卷四十四 浙江三 鮑恂字仲孚本崇德人後徙嘉興西溪父德歸安承恂領元浙省鄉試學士張翥御史劉彥博薦為翰林不就洪武初禮部舉吉安余詮高郵張長年及恂輩明經老儒達於治體可備顧問遣使召至京師恂年八十餘長年七十餘上見之甚喜賜坐顧問一日上召恂等命為文華殿大學士輔導東官恂等固辭上諭之曰以卿等年高故授此職煩輔導東官耳免卿早朝日晏而入從容侍對不久隨卿致仕歸鄉以終餘年庶不負平生所學於鄉里亦有光榮恂等復固辭翼日放歸恂受易臨川吳澄得其所著易傳大

義及西溪漫稿行世學者尊之曰西溪先生葬千金鄉

貝瓊

貝瓊字廷臣嘉興崇德人性坦率不事邊幅而篤志好學博通經史百家之言善為文年四十八始領鄉薦張士誠據姑蘇累徵不就洪武三年被薦脩元史既成編受賞而歸六年以儒士舉至京師除國子助教嘗慨古樂不作所謂成均徒有其名迺作大韶賦以見志宋濂之為司業也建議於朝謂當立五學並祀舜禹湯文為先聖 高皇帝不用其說且黜辱之

本朝分省人物考卷四十四 浙江三 然士大夫猶有躉濂者瓊乃作釋奠解解曰三皇何人也曰古聖人也曰其為聖人也若何曰庖羲氏闢天下之文神農氏興天下之利黃帝制器尚象以通天下之變此為治者莫過於三皇也乃至於孔子不得如三皇脩君師之職於是刪詩書正禮樂贊周易脩春秋以明綱常於萬世德雖同而事則殊矣然則祀三皇於學以孔子配之可乎曰不可以三皇為先聖以孔子為先師奚為不可也曰又各有所當也按周禮有道有德者使教焉死則以為樂祖祭於瞽宗故文王世子篇曰凡學春官釋奠於其先師秋冬

如之若禮有高堂生樂有制民詩有毛公書有伏生
皆先師之類也又凡始立學者皆釋奠於先聖先師
釋者曰先聖若周公孔子之下云凡釋奠者必有合
也有國故則否蓋謂國無先聖先師則所釋奠者當
與鄰國合若唐虞有夔伯益周有周公魯有孔子則
各奠之不同也是唐虞與周所主先聖先師固無定
名未有及於三皇也再稽之史漢魏之王取舍各異
周孔迭爲先聖孔顏互爲先師若周公制禮作樂宜
享王者之祀於是罷周公升孔子配以顏子高宗永
徽中又復武德舊制顯慶二年以長孫無忌言正孔
子爲先聖仍以周公配武王歷宋迄今釋奠孔子定
爲不易之典是唐宋所主先聖先師已有定名未有
及於三皇也嗚呼太古以來人若禽獸然寒無裘暑
無葛飢則木食渴則谷飲無五穀以爲養也疾病相
仇無醫藥以濟其天死所處或巢或穴無上棟下宇
之禦風雨川游陸走無舟車之安也其事簡其俗淳
結繩而治無文字之可紀也三皇繼作而後人之爲
道始備此衆人疑其不祀三皇者爲缺典夫三皇宜
祀而不得祀之於學也惟孔子嘗周之不振憂道之
失與諸子講於洙泗之間以述三皇之所傳故宰我

本朝分省人物考

卷四十四

五

浙江三
范應時

曰以予觀於夫子賢於堯舜遠矣子貢曰自有生民
以來未有盛於孔子者也孟子曰孔子所謂集大成
也者金聲而玉振之也宜爲百王之宗主萬世之所
法所以祀之於學也學始無孔子廟惟魯有廟然其
教被於天下非一國所得專者故天下通祀之自唐
已然虞世南韓柳諸記可考矣學之有廟由孔子而
建則宜以孔子爲先聖顏子爲先師而三皇不預也
盛矣哉孔子之道中國尊之夷狄尊之爵以文宣王
列二十四戟冕十二旒服十二章執鎮圭巍然南面
而坐祭則牲太牢樂大成舞八佾於庭其所以尊孔
子者又豈以是爲加歟不如是不能稱其德周太祖
屈萬乘過闕里拜其像又拜其墓視漢之高帝明帝
尤重其禮論者亦不以爲過是真觀之制出於天下
之公而非一人之私歷閱萬世不可易者今欲崇三
皇爲先聖使居孔子之上不足以褒其功降孔子爲
先師使混於高堂生之列適所以貶其德故吾的然
以爲不可也或又曰古者祀舜於虞庠祀禹於夏學
祀湯於殷學祀文王於周學舜禹湯文得以祀於學
而不得祀三皇何拘於貞觀之說耶曰王天下立四
代故祀舜湯文而三皇將祀之於何學歟或曰先生

本朝分省人物考

卷四十四

六

浙江三
劉燾

詳言之曰三皇孔子其道一也崇孔子之祀當崇三皇之祀焉以佛氏之苦空寂滅老氏之荒唐怪誕無益於人與國且崇臺廣殿擬於王官法亦弗之禁矧三皇之功及於人者如此而領之於醫特主神農嘗藥之一事理固有未盡者宜定其制設官主之以豐其祀可也祀之於學則非義矣時余為國子助教適聞有以邪說言於 朝破貞觀之制者既斥而不用

余懼其惑人也故辯之其持正論類如此九年遷中都國子助教勳臣子弟瓊為人文行超越素有名譽雖將校武夫皆知禮重十一年九月致仕明年卒

浙江三 顧光遠 於家有清江文集二十卷行於世

顧光遠嘉興人洪武中以椽從擢知龍陽州招附懷來浚城輯士民賴以息改知泰和州時亂久粗定民好訟稱難治前守吳去疾禁訟者或以告光遠憮然曰民有冤守弗為之理民安所訴乎頃之訟者雨集光遠乃自為榜聯紙長數丈誨諭諄切民爭來觀觀已去不訟者十一二已又俾凡訟者居樵樓上思三日然後訴不三日去不訟者過半矣於是擇吏純謹者一人置簿受訟詞而勾稽之民誠冤輒為之疏理

非誠負冤願悔自止者聽不問未兩月而訟清乃吏又畏光遠精敏毋復敢舞文者境有虎適其時禁民蓄兵械虎益暴光遠草檄告神虎一夕遁去州以大治光遠澹泊無營所居廨無長物藝蔬自食於民事無巨細必盡其心去廣日民遮道號攀欲為立石會有禁不可乃止吳守安慶人為泰和最賢且勞顧繼之稱二賢守云

葉春

葉春字景陽海鹽縣人幼警敏知學有才識洪武中舉自邑史歷事吏部者六年永樂初禮部尚書李志

剛知其通練廉謹薦於朝擢主客司主事以勤敏周密為上官所重二年陞本部郎中丁內艱去服闋仍舊職三考以績最陞兩淮都轉鹽運使歲餘丁外艱服闋改福建布政司右叅政 仁廟嗣位來朝遂與廣西右布政使周同被璽書巡視應天鎮江蘇常湖松等八郡訪民利害而建革之歲餘歸宣德初復詣蘇常諸郡者再已改四川布政司右叅政又二年拜侍郎又二年而卒春秋六十有四

陸宗秀

陸宗秀平湖人樞密副使旋吉九世孫為人敦朴有

至行與弟友愛甚篤永樂甲辰應賢良詔與陳繼等
二十三人徵至京師 仁廟新御極宗秀方巾布袍
引見于便殿 上異其禮貌命至展前問曰如何則
天下太平宗秀叩頭對曰 皇帝親賢納善大臣秉
公持正自然太平 上悅曰好言語公卿在列者皆
竦然留月餘以疾辭 賜寶鈔銀幣還正統五年歲
饑宗秀傾家出粟助賑事聞賜 勅褒獎表其門曰
尚義

殷近仁

殷近仁嘉興人博學能文與其弟原誠原善友愛無
間言家貧親老同心協力以供甘旨之養近仁洪武
初以孝弟與授山西平遙知縣未幾親喪葬祭盡禮
服終以所著蒞政戒銘四十二篇獻之於朝擢廣西
參政

過宗一附孫橋 厚

過宗一字貫之平湖人生當元末矢志以聖賢期許
父早喪獨與母居張士誠陷姑蘇聞其才畧欲收爲
用遣使踵門迎之宗一以養母辭堅執不赴士誠復
以兵劫之宗一負母逃海上因其不屈欲殺其母宗
一以身蔽母面被數鎗卒憐其孝舍而去以孝終所

本朝分省人物考 卷四十四

九

浙江三
周性

居有烏鵲連巢之異國初以事聞建坊旌之越百餘
年有七世孫橋者號龍濱少而孤事嗣母至孝所得
嗣產悉推與弟且好施與親戚之貧而無妻者皆爲
置室甫四旬卽舉明經冠兩浙以母年老朝夕承顏
不肯舍之去竟不赴 廷試母病輒焚香刺股未逾
年而終萬曆年間與宗一建雙孝坊八世孫厚號九
山孝友忠信確守祖父家風族有負積逋而應遣者
將所得嗣伯過槐產推以與之賣償積逋得免於戍
里人有妾死非命者夜懷百金求解於厚厚爲解其
事而不受其金蓋雅勵彥方諸君子之風節者爲諸

本朝分省人物考 卷四十四

十

浙江三
周性

俞山

俞山字積之嘉興府秀水縣人自幼風骨秀爽志趣
不凡弱冠補郡庠生治春秋從西園李先生講學專
業不懈至忘寢食踰年卽得與義永樂癸卯領鄉薦
以祖妣周氏年老不忍去左右就養者三載宣德丁
未乃入太學時祭酒四明陳敬宗師道尊嚴慎許可
六館之士肅然惟待山以色庚戌春遂中乙榜人或
諷之曰以子之才乃屑就耶山曰命也不可強遂得
蘇之崑山訓導崑山之士樂其善教莫不爭先奮勵

底於成俄丁外艱諸生有隨之抵家受業者正統丙辰服闋調常之宜興克端身範士習丕變未幾丁祖母憂宜興之士思之不置爭詣提學御史留之弗果正統庚申服除赴京時朝廷嚴 勅吏部擇儒官以輔親藩人皆托故避之山曰顯晦自有定數吾何避為遂選擇邸王府伴讀既居其職若將終身日勤講說不少輟祿微窘略不介意弟子從遊者益衆正統己巳 景帝嗣位進鴻臚左寺丞時都御史楊善掌寺事雅重之薦陞左少卿踰月拜吏部右侍郎尋轉左侍郎時有以易儲請者山密諫不聽退曰禍機自本朝分省人物考卷四十四 十一 浙江三 劉汝德

此始矣乃引疾上疏乞骸骨不許踰年請之益切人或謂曰委任方隆疾已漸瘥何苦欲休山曰隆替相尋亦理之常吾非不戀明時揣分宜休况以疾乎復上疏懇辭賜乘驛舟以歸卒於途年五十有九山為人敦厚簡靜在藩邸時常衍訓經書纂成講章尤善諷諫屢有裨益及顯用之日不市私恩人皆稱為長者景泰初議迎復之禮奮然曰鑿與回則人心安力贊其成言官有持正被疾者曲為調護竟致顯用其佐銓衡人才多所拔用未嘗自言曰薦賢為國豈為私也

呂原 呂原字逢原秀水縣人自幼穎敏九歲能通孝經小學稍長為文輒驚動長者時父嗣芳與兄俱為教官識者曰此子殆穎脫而出者也未幾父兄俱卒於景州原尚未成童孤貧不能歸喪或諷以胡俗焚之者原潸然出涕不從遂厝州城之東曰他日有力必歸之也年及弱冠乃奉其母歸家益貧攻苦力學知府黃懋閱秀水學官文奇之學官對曰此邑里中呂生文也呂生貧不能補弟子員學官致家塾教諸子懋輒嘆郡中乃有文士如呂生遺草萊中者急召之見本朝分省人物考卷四十四 十二 浙江三 劉汝德

原入見衣藍縷甚試之舉業文詞理皆勝問之經書輒能默誦懋益驚異與之新衣謝不受會理葺費舍與之諸餘材木又謝不受懋曰生家貧鬻此且得善價又謝不能太守益大奇之當是時太守得輒補學諸生懋即遣送入學是秋發解浙江正統辛酉年也明年中禮部會試廷對賜進士及第第二人擢翰林院編修得入秘閣讀所未見書其學益富癸亥與修五倫書賜寶鏤丁卯 朝廷思用奇才乃簡狀元劉儼等十人進學東閣入侍經筵原居其一景泰初遣祭蜀王往還萬里間凡有饋送一毫不取未幾充經

筵講官辛未進侍講士申夏以右春坊右中允兼侍講癸酉與修歷代君鑑秋八月主順天府鄉試丁丑與修寰宇通志明年書成進右春坊大學士兼侍講每書成進講輒有寶鏹白金文綺之賜天順改元

英宗復辟轉通政司右叅議仍兼侍講春三月主禮部會試夏六月徐有貞既黜薛瑄請老乃召原與岳正入內閣知制誥尋進翰林學士庚辰春主禮部會試尋總裁大明一統志凡金帶玉杯貂帽便蕃之賚歲無虛月原夙夜感激思盡論思之職時以丁母憂啟父櫬歸西而葬之詔有司營葬祭乞終制不允抵

本朝分省人物考

卷四十四

十三

浙江三

家忽得風疾不起年四十五計聞特贈禮部侍郎謚文懿葬祭如制仍命其子憲爲國子生皆異數也原天性孝友事母得其懽心撫育兄子皆底成立宗族中有困乏者必推所有以賙之遇人之危殆者濟之惟恐不及也歲時賞賚奉母之餘輒分遺鄉黨僚友而自奉甚薄爲人沉毅有醞藉悃悃無華內端外和與物無競處已待人立崖岸事有不可則據理諍之未嘗諛言媚色以徇人天監三爲主考取士得人最多初入翰林時楊文舉言公威器重之知其所就必遠大及入內閣見出人意表而爲

民之心尤切天下有陰受其賜者矣惜其享年不永

云

項忠

項忠字蓋臣嘉興縣人正統壬戌進士授刑部主事戊辰轉員外郎十四年己巳扈從北征羈留虜中飼馬忠仰天竊歎日圖歸事本朝久之挾二良馬而南越四日馬疲遂棄馬步奔間道攀巖涉澗凡七晝夜達宣府視其足陷瘡藜刺者百數及還陞郎中景泰二年陞廣東按察副使按部高州謀報賊携男婦數百流劫村落部將請發兵忠曰流賊無携家理慎

本朝分省人物考

卷四十四

十四

浙江三

無妄殺及訊其俘果皆良家被掠者盡釋之癸酉從都御史馬昂征龍水獯賊有功加從三品俸是歲丁父憂服闋改山東副使天順三年陞陝西按察使適陝飢以拯民爲已任不待奏報輒發倉賑之全活以萬計壬午聞繼母喪陝西軍民赴闕留者千人詔奪情還任明年以大理寺卿徵旣行陝人復詣闕留天子欲慰陝人乃改右副都御史仍撫其地軍民喜其來爭焚香遠迓歡聲如雷甲申洮岷生熟番作亂忠調兵撫捕之遂降其衆成化元年虜犯延綏忠與寧遠伯任壽調兵禦之虜遁去關中水泉斥

鹵舊有龍首渠歲久湮廢居民病之忠奏開一渠餘三十里涇陽鄭白渠亦久廢奏募工疏通於平地則度勢高卑而穿渠遇巖則聚火鎔鑠而穿竇不二年而成名曰廣惠渠凡灌田七萬頃人懷其惠立生祠祀之二年虜酋毛里孩入寇命忠提督軍務與彰武伯楊信禦之戰屢捷虜復遁三年 召還佐院事四年戊子固原土達滿四謀叛不三月間聚眾二萬據石城將舉大事遠近戒嚴守將寧遠伯任壽等率兵剿捕兩被殺傷都指揮費良死之事聞眾推忠 詔忠總督軍務同都督劉玉討之伏羌伯毛忠戰死我

本朝分省人物考

卷四十四

十五

浙江三

高橋

軍遽退忠卽陣斬一千戶以殉眾乃定會有星孛於台斗中外詢占者以木在秦州不祥忠曰賊虐害生靈惡慣滔天今仰仗 皇威問罪師直而壯兵法曰禁祥去疑昔李晟討朱泚熒惑守歲卒以成功今殆類此乃不候援至卽以師據賊水草坐困其勢朝廷尚慮師淹歲月 詔問忠可否益兵忠卽上疏謂京軍怯不諳戰益之無補時兵部及兩侯伯上章者惡忠異已各煽浮言忠堅王坐困之策與賊相持百日彼漸有欲降者忠乃以二卒自隨單騎入寨曉以禍福於是賊中脅從之眾相率來降而滿四乃夜

使愛將楊虎烈者出管遠汲被擒忠先揚言斬之虎狸乞命乃諭之順逆許以不死解所束金鈎賜而遣之約為內應以故滿四卒為虎狸所賣擒斬并俘獲者無算賊平因陳四事為經久計 上皆從之先是忠日披堅於石城下督軍殺賊雖矢石如雨略無懼色鈎陽馬文昇嘗勸其持重忠曰奉 命討賊久無成功死所甘心輿論偉之五年還京以功陞右都御史仍佐理院事庚寅秋京畿大水民饑命巡視順天河間永平三府忠發官廩又勸分得米十六萬五千石銀布牛俱各萬餘全活不可勝計是年冬荆襄賊

本朝分省人物考

卷四十四

十六

浙江三

高橋

劉千斤餘黨倡流民為亂復總督軍務討之乃遣人持榜入山召諭其負險不服者總兵撥捕凡遣發還者百四十四萬編戍者萬餘斬首二千餘級獻俘於朝者百餘人仍獻便宜十事 詔暫留撫治進左都御史會有星變言者謂荆襄殺戮所致忠再疏自列因乞骸骨溫詔召還後荆襄三十餘年芽孽不作皆其摧創之力也十年陞刑部尚書踰月改兵部尚書忠曉暢戎務簡賢屬以自輔十三年錦衣百戶韋瑛者挾汪直為調察屢與大獄至擅執京朝官中外重足莫敢正言其非奮筆具疏草倡諸公卿奏之瑛坐

戍邊 朝野稱快而其黨競讐忠不置又有千戶吳綬先在荆襄撓軍法爲忠所出時亦用事極力朋搆欲寘之死忠廷辯慷慨不少屈僅坐落職以去久之陷忠者次第皆敗 上洞察其枉復兵部尚書致仕自去官家居者二十有六載中朝縉紳論舊德宿望可當大任者蓋未嘗不屬望焉弘治初吏部侍郎彭韶巡視兩浙嘗薦其可用而遘疾竟不果起贈太子太保謚襄毅大學士謝遷云自文武判爲兩途章甫逢掖之士克任軍旅者寡矣 先帝嗣統之初四方多警赫怒徂征公以文儒屢當董師之任所向克捷以彌大有爲之治求之簡冊所書如公者亦豈可多得哉

本朝分省人物考

卷四十四

十一

浙江三

沈琮

沈琮字公禮平湖人由正統壬戌進士授南京武庫主事遷夔州守以喪未赴後補廣州以病歸卒自少穎悟卓有志操居家奉先事親情丈俱備教諸子弟有儀範鄉人化之居喪與弟理廬墓六年不茹葷事聞詔旌表其門

周衢

周衢字士亨平湖人朴雅弗事華靡時當新創人文

未著衢篤學慕古景泰元年領浙江鄉薦任膠州學正以禮率人訓迪無倦諸生有衣食不給無力喪葬者出俸助之致政歸肆力經史爲身心性命之學所著詩文追躡古人立心行已皆可對人言者

沈肆

沈肆字公貴平湖人琮之弟發解浙省景泰辛未進士任山東監察御史早負警敏八歲能文稱爲奇童與兄琮齊名而尤穎異居官廉介有風裁服父母喪兄弟墓廬不茹葷味者六年著述有程朱書數讀史備遺藏於家

本朝分省人物考

卷四十四

十八

浙江三

張寧

張寧字靖之浙江海鹽人七歲題畫龍有莫點金精恐飛去之句景泰甲戌會試考官奇其文擬寘第一不遂侍郎姚文敏讀之驚問曰得非張寧耶授禮科給事中嘗諤自將遇事敢言宛平等縣以買辦繁重奏乞均平坐派又法出弊生與其踏勘莫若節省以甦貧困順天府鄉試內閣大臣陳王以其子不舉歸咎劉文介幾中傷得罪寧奏元宰私其子陪考官失大臣體難居內閣乞令罷歸聞者竦然 英皇復位因災日御齋官以祈消弭會六科乞詔在京衙門將

秕政苛法所當改革者悉奏舉行勸 上尤當專慮
澄心嚴恭寅畏隱微冥漠一念轉移優詔允答太監
吉祥忠國公石亨恃迎駕之功竊弄威福寧舉奏無
避聲焰滅戟朝鮮國警殺毛憐衛 朝廷將往問罪
而難其人忽內降差寧與都指揮武忠偕既行得遼
東奏兩夷警殺狀勅諭急差追留取便進止時次遼
東拜勅言君仁臣忠敢自便乎即語鎮守等官調官
軍肅陣直前既至導揚威德陳警禍福君臣感悅相
視震愕謂朝廷有人識者謂此行不減重兵十萬卒
以安戢 憲宗嗣位首勸進經筵講大學衍義部院

不列公省人物考 卷四十四 十九 浙江三

缺尚書等官宜取王竑李秉回京擢用奏定贈添
天下鄉試舉人名額並俞允有建言請以天縱二字
加號孔聖 上言孔子道大德尊所貴明理行道被
之天下萬世不在封號求勝於一字一名得可輕重
上從之太監覃苞累遣人邀與相見尚書姚文敏諸
公咸勸之行卒不往他日以事會語一不及前事覃
甚叩之 皇太后遇壽誕設齋醮禮官歛大臣金錢
祈福寧言人臣但當和衷敬德仰贊聖孝上綏懿祉
釋老不當崇奉辦香非可所祝行之祗壞風俗傷民
教南京給事中王徽等劾南陽獲罪謫邊合六科申

救甚力以故諸大臣益忌嫉之適廷薦寧及岳正可
任騰清黃侍郎都御史者竟陞知府汀州至汀先教
化後刑罰盡除厲民弊政勵學生造祭器八百事表
節義恤孤獨禁遊惰郡事一新寧偉貌修能雄文直
道才高不下人人以故摧挫之銜命萬里專對不辱
出守南郡勤恤民隱早見遄歸養高林壑閑家有則
孤踪無玷如寧者出則為天下士處則稱鄉先生者
也

姚 綬

姚綬字公綬嘉善人也少攻古文辭天順中第進士

不列公省人物考 卷四十四 二十 浙江三

為監察御史巡鹽兩淮鈎剔積弊准饑畫策賑濟流
民賴以全活璽書褒獎後出知永寧以母老辭歸作
滄江虹月舟遊泛甚適書畫妙絕一時詩文暢逸所
著有大易天人合旨及雜集若干卷行世

馬 璇

馬璇平湖人由天順甲申進士任行人使山西河南
四川湖廣諸藩砥礪名節餽遺一無所受陞南京雲
南道御史嚴毅正直不避權貴行部所至百職震懼
因其姓稱曰誠驄馬御史也以直聲聞於朝

倪 輔

倪輔字良弼平湖人生而穎異書過目輒成誦解旨趣由天順甲申進士授刑部主事三載遷郎中廉奸革弊權貴休以威弗怯誘以利弗動士論難之嘗奉命冊封秦楚二藩餽遺槩却不受歸惟圖書數冊而已居常卜地葬親術曰不利於鄰遂弗用起復陞湖廣叅政以廉律已以仁育民治峒猺恩信所及無不感慕卒於官士民如失怙恃所著有類劇藏稿獻笑存稿藏于家

俞迪

俞迪字允吉平湖人以天順年鄉貢任廣東都司斷

本朝分省人物考

卷四十四

三十一

浙江三

事朴茂好古清操凜然諸方岳皆敬憚之有指揮王江失機監司欲并坐于指揮屬迪案之迪曰國法失機死者不得襲于非其罪可無白乎力爭之監司卒如迪議貸之於是于潛以千金爲謝堅拒不受三年掛冠歸于泣拜曰祖父汗馬之勞子孫幾失之得公以延德豈敢忘公大義凜然他無敢請矣願以弱息奉箕箒迪曰余老矣萬萬不可次孫尚未婚以爲媳于益感德結婚而歸行李蕭然空乏終世鄉閭士大夫誦不置口

潘蕃

潘蕃字廷芳崇德人初姓鍾後復姓成化丙戌進士授刑部主事歷員外郎以廉平稱嘗勘山西沁源王奏知州金澤奸事置校尉李成于極典太監錢能鎮雲南攫金蠻部立請正法時以不附中貴出知安慶復忤權要調鄖陽多惠政叅知貴州政事都勻變叛給餉畫討師賴以濟歷陞山東湖廣布政所至旬宣茂著擢都御史巡撫四川兼提督松藩等軍務因上五議請擇官守備以修邊務暫免徵解以甦民困折徵鹽課以備凶荒經理屯政以便徵納申嚴禮法以塞訟源又以松藩儲餉積弊遂以本折二色畫限半

本朝分省人物考

卷四十四

三十一

浙江三

逆繕城備械練補軍伍守將弛縮者罰在蜀五載西陲晏然尋督兩廣至則拯民瘼戢吏奸飭戎務鼓士氣運謀調兵征勦海南黎賊土官岑濬豐湖馬山石馬等寇大致克捷斬獲賊級萬餘正德改元晉南刑部尚書評讞明恕多所全活時逆瑾煽虐蕃耻俛屈累疏乞休歸日行李蕭然家居杜門謝俗足不造城府未幾逆瑾以私憾譖蕃逮赴京師隨與劉司馬大夏同謫戍瑾伏誅詔復其官歸優游泉石者數年蕃性簡約朴素自初宦至極品一如布衣在兩廣不携家累不以軍功錄子孫清介端方人靡有及病革呼

其子山謂曰吾薦承國恩愧乏寸益歿後勿乞贈恤但樹一短碣題尚書潘某之墓令子孫識其故處足矣卒年七十九嘉靖中詔遣官營墳諭祭今祀鄉賢祠墓在石門鄉廕其孫儒邳州同知

呂憲

呂憲字秉之號九栢嘉興縣人文懿公原之子生正統己巳年天順癸未文懿以母憂解官卒於家 英廟念輔導功推廕憲補國子生時年甫十五成化丙午服闋 憲廟以官恩令供事翰林明年丁亥拜中書舍人辛卯中順天鄉試己亥滿九載遷禮部主客

本朝分省人物考

卷四十四

二三

浙江三

司員外郎中丙午以薦擢南京太僕寺少卿弘治癸丑改南京通政司右通政尋轉左通政丙辰擢南京太常寺卿庚申以母喪解官癸亥服闋再授南京太常寺卿正德丁卯致仕辛未卒年六十有三憲生秀穎讀書過目成誦未成童博洽書史操筆為文詞既受廕猶刻志問學居常手不釋卷文章務學左傳史記唐宋諸大家弗屑也楊一清笑舉晦翁文公譏東萊子長作祟之語戲之曰子之志莫高大否曰取法乎上斯得其中顧以不階身科目為恨曰先公所期待我者詎止是哉乃疏乞應試報可言者劾其非

例 憲廟特允之有儒臣子孫有志科目之諭兵部事有與中舍當會行者時柄臣怙勢不復開白憲語楊一清曰是固不可得已因共論之得 旨悉仍其舊遷主客楊一清曰子攻文墨吏事非所習盍慎諸

憲曰歐陽子文章不少夷陵之閱牘曹司故有簿案皆吾師也已而能聲勃勃起公卿間琉球國乞歲一入貢謂子之事父定省不可間其意實利於賈市以自便耳 廷議難之而患無詞憲請折之云若知父子之禮當從父命衆服其言西夷回回奏乞取廣東道歸國 朝廷將從之憲執不可曰西夷貢有常道

本朝分省人物考

卷四十四

二四

浙江三

更之恐起他釁且經涉江海萬餘里勞費將不貲遂寢其奏在太僕建白處置操備馬匹免徵苜蓿種子諸四事以公務之京師又上言節財用激貪殘教戚里起宿學諸六事在太常上言立誠信習禮樂尊前王表英靈凡十有二事多見採行故事太僕馬數不得為人所窺文卷例不覈駮以磨滅登耗無所稽考憲曰他官不相涉是也太僕所掌何事而可不與知乎乃建白凡馬政卷許太僕官三年一照覈以為例太常祀事多所更定卷牘浩穰至或相抵牾憲採輯累朝沿革為條若干卷事至按而行之至於今官類

以無誤 孝廟欲廣聰明於言官多所獎借淺躁者
橫不自制公卿多折節下之意遇之如恒禮於是相
率論其冒進憲受之不深辨乞致仕不允再疏乞致
仕許之且令馳驛歸而憲已先歸矣屬時逆瑾用事
公卿側足立雖休退懼不免禍憲聞爽辯博開口論
天下事侃侃無顧忌意有未當詞氣激烈眾莫能屈
然胸中畛域不喜為逆億又不宿怨怒有犯而不校
之風焉志存澤物而久官閑散不克自展布其政事
終為文學所掩而文章又為詩所掩然即其所之亦
可以表見於世矣

本朝分省人物考

卷四十四

三五

浙江三
尚仁

過 璘

過璘字太璞號一齋平湖人出贅華亭顧氏因居華
亭又號半松少失怙恃年十九猶混迹屢市間一旦
棄去力學由本邑庠生領浙江成化乙酉鄉薦登成
化丙戌進士授工部主事分司呂梁洪再管濟寧關
大為三原王恕所推重改刑部陞員外進郎中奉詔
賑饑山東還陞江西副使尋致仕歸闈朗剛直志存
當世而才足濟之在刑部時許州民趙道隆為儉人
誣以妖言利其死以覲賞連及數十家御命往鞫即
日理出之在江右時豐城李民泰陷平民兄弟三人

為劫盜繫獄十年得其情杖殺民泰而盡釋繫者一
方稱為神明家居二十餘年兩目俱病然廣筵長坐
議論出入經史竟日忘倦卒之日竟無疾享年七十
有九建憲副坊於華亭東門外

屠 勳

屠勳字元勳平湖縣人舉成化己丑進士授工部主
事分司清江浦督造運舟公廉有能聲三原王端毅
公適總河事與督運憲臣交薦謂可大用滿考改刑
部歷員外郎郎中所處皆劇曹剖決如流無滯枉每
獄有疑及事干權貴者尚書林公聰皆屬之罔不協

本朝分省人物考

卷四十四

三六

浙江三
尚安

服京城無籍子李勝誘其主之子福為私鑄而陰令
訪事者發其事福坐戍邊眾知其冤莫敢問勳曰此
奴利主之產也為直其事以福罪罪勝而歸其產又
林都事素挾依附構訟蟠引不可解嚴得實卒論如
法直聲益起甲辰遷南大理寺丞弘治辛亥進大理
右少卿本年轉左上十事若暑月疏決罪囚兩京一
體五歲一遣審錄州郡刑獄多見采納漳寇煽亂
上勅勳撫處至則諭其禍福誅首惡黨與悉不治甲
寅擢右副都御史整飭諸州諸郡邊備巡撫順天永
平以近畿役重民食京邑尤甚疏請裁省夫役昌平

劉偉

劉偉字公奇海鹽人少讀書多觀大旨覽古人興衰成敗得失之由毅然若欲以身濟成化甲辰舉進士授官行人已而選擢御史勅督兩淮鹽政兼治河道時九邊饑法久廢後稍變通存積十二常股十八淮當通泰徐沛之中豪腹者多隱占過制貧瘠者逃亾流徙至不得守支巨商通賄私挾乃至倍溢引額而頑犷白徒越境與販甚與邏人拒敵冒死不自顧所司屈於豪有力不得盡法乃至因循罔上而比周以遂其奸撓亂鹽法為甚偉規其宿蠹裁以憲章商母

本朝分省人物考

卷四十四

二十九

浙江三

門禁竈母詭匿私鹽無逋盜公鹽母歸豪有力者一時離政為清又以所司有阻法者不可不懲疏請于朝自今犯此者當戍邊上俞之遂著為令既而山東大旱兩浙大水民不堪命偉曰國家儲特日久帑藏非乏財也齊魯吳越痼瘵一體非異域也兩淮幸多鹽筴餘金移以活兩浙山東之民不亦可乎於是上書請賑報可民賴以生者不可計遠近稱其仁焉高郵湖地枕水國諸大湖南北相縈汪洋浩渺不下江淮之險每晴晝空明千艘並發忽片雲起天末則風激水涌波浪陡作長年黃頭至不得措手唯見惟

檣亂折舳舻漂漾商艦漕艘覆溺狂流號呼莫拯於是開裡河四十里築隄建閘俾南北道此者皆往來其中名康濟河見國漕重也民至於今賴之以免覆溺之患事竣奉命按廣西廣西與嶺南接境珍玩奇巧之物無足而至所須甚易至則與諸屬郡相誠務潔修以終令譽貪墨者功令所不赦於是簡諸羣僚得其甚者盡汰之他所激揚貞度持繡斧行百粵凜肅問民便苦一切典革大者驛聞小者條布內外庶司莫不精白承德夙夜覃慮民震動趨化而灘江桂嶺以南盡風偃矣久之擢廣東按察副使偉素敏練精於吏治其以御史出為方面則其事益簡即上下往來案牘一一閱之不移時而盡判矣人皆服其內辨足智材周綜核視天下無不可為也而意且倦游於正德初請老居家不與外事兀然一室終日危坐望之如土偶人然至其孝友廉靖懍懍有以自持動引繩墨與物無忤鄉評重之至比諸陳太丘云卒年六十九

本朝分省人物考

卷四十四

二十九

浙江三

陶照

陶照字時明號一菴秀水人敬皇帝時年甫二十餘與兄煦同舉於鄉繼又同舉於春官于是人稱鴈

湖二俊云始拜都水主事以母憂起改刑部錄囚蘇松蘇松者嘉接壤也親戚賓客交通焉人為難之至則有犯悉寘之法未幾出為廣東僉事廣東故多蠻徭豪猾時大盜唐大髮者起惠潮梁閩琛者起清遠皆聚眾萬人照察土兵陳朝亮有才識乃召朝亮入授以進止裹糧逮捕不煩帑藏廣中悉定戊辰以父憂起改湖廣庚午拜四川參議時藍鄙作亂蜀人驚擾先是道過新都地衝而無城即日命城之城畢而寇至人賴以安竟以平藍鄙功授從三品俸加賜金綺壬申以副使備兵威茂威茂古羌夷地邊郡瘠耗

本朝分省人物考

卷四十四

三十一

浙江三周性

而守臣徐參將者性鷲酷日鞭撻軍吏於是羌夷聚數萬眾謀奪參將照單騎出撫諭以威福眾泣拜解散然猶忿忿于參將乃繩其部下以壓羌夷心而參將者竟怏怏弗平反誣以致變議者莫能明照亦自薄其官遂居鴈湖之上者數年庚辰復官河南時制河南以憲臣監小灘允允常不足往往取足於官歲不下數萬金又總部京儲者率踰年不完責償民間幾亦數萬習弊滋甚至則立規畫謹簿書抑豪右節浮靡秋毫無犯公私兼裕焉乙酉陞雲南右布政尋陞四川左布政先是為雲南時有盜稱大眼者鳩眾

橫行嚼峨間阻險深入歲不能下照至即平定之於是詔復賜金綺性斤斤簡勅言不出口未嘗面可否人至所歷乃表表以武功見在四川以繼母憂去又二年遭讒罷官家居幾十年迄無幾微不平之意嘗謂人曰布政縮司錢穀謗翕翕易起人炫廉自飭而吾于徐弗以外儼當逆瑾時人有官不患不能顯而吾優游舊僚要之無疚耳與鄉人處油油煦和無問賢不肖善振施族人賻賻其死喪人咸德之平生無怒容雖臺輿載獲弗嚴斥也年止六十有七

項經

本朝分省人物考

卷四十四

三十一

浙江三周性

項經字誠之嘉興人襄毅公忠之長子也成化丁未舉進士授南京監察御史簡閱內庫內庫者豪貴所瀦也既至循故實稽覈羨餘無敢冒利者凡上章論利害之關於時政者十一事皆宛曲盡事體不務儼儼為名出守太平府太平民貧而俗罷急為拊循之一切興革務以寬簡安利為先丁父憂解任民挽留者充道積不行服除移治臨江臨與袁筠諸郡接壤也土寇出沒其間前有司率玩愒弗敢動民無休居至則立捕諸豪賊百八十人按之一郡肅然踰年大饑米石千錢有司方請賑經曰民饑甚矣必請而賑

是含口以待斃也賑而勿請罪在太守寧以一身活數萬人於是發府庫金數千建和糴之法民賴以存者無算而監司督賦方急經入諍曰化理民命爲重民憊矣以杖驅之是東羊加石而沉之淵直速死耳民死賦從何出太守死不奉命監司怒繼而歲大稔民感德報稱賦纒纒然入恐後矣卒爲諸郡先時中璫瑾竊柄縉紳以次納賄經耻以賂得官獨不爲附瑾啣之移汀州經曰禍止是幸矣卽日之任朞月而政盡舉卒檄以致仕歸瑾敗起江西右叅政曰吾今乃可休矣夫人處世飄風耳胡爲老而俯仰人尚作

本朝分省人物考

卷四十四

三十三

浙江三

強壯態孰與林阜自怡也乃自號怡菴嘉靖己丑年七十有八而卒

陸 淞

陸淞字文東平湖人弘治己酉鄉薦第一登庚戌進士以祖母老乞歸王端毅恕起與修大明會典成擬除翰林力辭授禮部主事歷郎中正德時藩國多踰例請乞淞皆格不行倭使宋素卿賂閹瑾求數入貢淞上疏曰夷狄去來無常非中國利且素卿本寧波人潛通外夷以邀 天朝此不可縱請執而誅之瑾怒矯制收淞下獄瑾敗累遷至光祿卿嘉靖初與疏

懇乞辨忠佞廣言路節財用言極剴切尋乞致仕卒淞性仁厚臨大事毅然不撓有古名臣風

沈 煉

沈煉字剛夫平湖人弱冠有聲文苑由弘治己未進士歷任江西叅議宦轍所至豪右屏息墨吏皆望風引去桃園寇勢猖獗煉文臣兼武事以身殉難卒以凱旋居官剛介絕俗屢爲當道所不容然亦自行其志不以人之喜怒更其守家居睦族信友足跡不入公門葢進退始終一於剛者

吳 昂

本朝分省人物考

卷四十四

三十四

浙江三

吳昂字德翼海鹽人弘治乙丑舉進士授宜城知縣宜城人弗善耕織昂教之邑當孔道多過宿聞其清約無敢勤館人既三年更新新建則寧庶人宸濠所居也方宸濠未敗時坐擁王號驕橫莫制日張爪牙索民租甚刻民不能堪遂結寨丁家山以拒之寧藩大謹曰新建人反諸大吏在會城者莫敢言昂獨以爲民率有激而然不可以反名乃昌言而進曰始吾疑民之敢於抗大王也乃今知民非有抗於大王也愚者徇財以忌生憎者勢極而生變此可以理法散非可以威力驅也乃入丁家山呼父老出諭諸父

老皆頓首惟命而寧藩獨懇懇然謂偏護新建人也
 已而歲大饑立抽補法以賑而全活者幾萬人未幾
 華林盜起又日夜調集兵旅以掩之境内以寧尋轉
 南刑部主事以持法謹不協於上官請告歸歸六年
 起南武選員外郎擢福建按察僉事福寧有訟妻殺
 夫者獄已成閱其詞證疑有冤私禱諸神夜夢一兒
 據人腹初不甚解乃日踪跡四方而里中有名杜福
 子者曾與其父行賈偵而知之大喜曰杜福子殺人
 明矣神所告也密捕福子至一訊而服妻得以不冤
 死古田礦盜起又擊捕追襲獲其渠魁周馬良徐黨
 本朝分省人物考 卷四十四 三五 浙江三

散去及進山東按察副使遂乞致仕歸久之復拜山
 東按察副使數月轉福建參政閩故舊遊地才志易
 展多佳政士民愈益喜歲庚寅侯官囚逸獄持大斧
 利刀橫行官署首戕其方面肝腦塗地甚慘獨昂以
 父忌辰愍慕不出得遠其害已而進右布政使司官
 頗嫉之蓋藩司故多羨金昂廉無所取又峻卻人餽
 人惡其異已而腹誹者訛訛矣自揣不能諧世俗因
 譙樓震引以為咎即上疏請致仕疏三上得允歸之
 日士大夫設祖道父老攀轅留者幾萬人至不得前
 既歸遂不復從章縫游混跡農漁意甚適人或狎之

亦不較晚年不涉世故及歲饑數為請賑海堤為患
 特疏於朝得專勅水利憲臣經理迄今賴保障云卒
 年七十五所著周禮音釋藏於家

屠 珪

屠珪字文治平湖人也父熙為太平同知僅以一僕
 自隨宦邸如僧舍珪第進士授常州府推官決獄明
 敏謝絕饋遺擢御史當 武廟南巡上疏請回鑾以
 光聖德嗣後疏止與作全戚晚崇聖學重經筵寬重
 罰皆 國家大體巡廣右時徭寇方熾歲饑特甚設
 法糴運且增價招商禁刷禾船多所全活招降百粵
 本朝分省人物考 卷四十四 三六 浙江三

捷聞 武廟特勅獎勵云經略有方多效勤勞賜之
 金幣陞俸一級時稱為真御史補山東副使糧運刻
 期竣事 世宗特賜羊酒以勞之致政歸囊橐蕭然
 雅意詩書足不履郡城者三十六年兄奎亦為御史
 巡視江右累疏宸濠不軌有直聲官終江西參議

卞 謙

卞謙嘉興人弘治末進士授江西廣信府推官辨疑
 獄理冤抑郡稱神明家居孝友嚴於義利之辨不究
 厥施而卒鄉人至今惜之

孫 璽

孫璽字朝信平湖人也正德戊辰進士令興化有豪
徐恩入貲爲千戶與其宗人交賂權貴猾賊邑中邑
中莫敢發璽廉知之薄戒宗人後得恩謀殺人事竟
寘之法邑中爲快轉揚州府貳淮揚饑分賑泰州全
活以萬計是時宸濠反江西攻安慶璽奉檄守儀真
扼江之衝捕儀賓之僞謀者勅旌之會 武廟南巡
久次揚璽與太守蔣瑤協力調度民不知疲陞南京
宗人府經歷以外艱歸服闋陞山東按察司僉事提
督京畿屯餉奉 命清丈皇莊草場凡奄戚所漁奪
悉歸之民招安薊州治盜及調雲南乞歸居家孝友
睦族與人樂易不爲表襮兄壁伊府教授兄弟友愛
子植刑部尚書

本朝分省人物考

卷四十四

三十七

浙江三
周性

錢 錡

錢錡海鹽人正德初登進士知盱眙縣計拒流賊邑
賴以全陞南京刑部郎中歷知臨江府有德政左調
思南請老歸教子姪相繼登第義聞孚于鄉邦卒年
八十二

陸 琳

陸琳字文珮平湖人正德庚午舉人知清河值歲稔
撫濟全活數萬俗不諳紡織集老媪教之遂爲永利

家尸祝焉泊行爲天下最得擢廣東道御史貴戚歛
手清軍湖廣以勾查逃解四字立法而隱冒肅清復
江西道上封事六條崇 聖德敬天變節供應嚴考
察汰冗食慎刑罰後巡按四川經略西南夷躬自督
戰大至克捷乃單騎出見開示威信諸酋感泣乞降
會都指揮劉永昌內倚武定侯權勢與蜀府訐奏竟
按寔抵昌罪繼補河南道與大計復論罷中貴姻黨
墨吏隨劾權黨邊將張麟怙勢不法事不報遂出知
撫州尋乞骸骨歸享年八十居鄉孝友謙恭絕足公
府屢罄瓶粟及得炊必與諸弟共之人稱古君子云

本朝分省人物考

卷四十四

三十八

浙江三
周性

趙 漢 附子伊孫邦秩

趙漢字鴻逵平湖人正德辛未進士授建昌推官廉
正公明錄重囚有寃必釋不拘成案殺人匿死者務
廉得其情不輕縱賢譽著聞召拜給事中章數十上
其大者若清治源消災變辨忠邪又論劾巨璫蕭敬
谷大用崔文及邪佞陳洸等張孚敬秉政勢甚赫論
其專職自恣及論桂翟二相出爲山西叅政數月致
仕所著有漸齋集子伊登嘉靖壬辰進士授刑部主
事陞南職方司員外郎御下甚肅事無留閣營卒不
敢役私門轉武選郎尋轉車駕一切請謁槩行謝絕

惜驛迹疲奔命郵符毫不輕假出為廣西副使以父諫議老上書致仕侍養時年甫四旬耳當事者移檄趣行而志已決隆萬間詔起用再三終不可奪惟日遊湖山賦詩自娛具載序芳園稿中伊子邦秩登萬曆丁丑進士授海門令慷慨任事興利除害不辭艱辛卒以焦勞成疾卒不竟其施士論惜之

陸杰

陸杰字元望平湖人淞之子正德甲戌進士授兵部主事武廟將南巡杰與黃鞏陸鎮伏闕極諫廷杖四十幾絕而甦歷遷陝西鄜延兵備副使達虜大人

本朝分省人物考

卷四十四

三十九

浙江三

杰與梁遊擊督兵出戰斬戮甚多虜數歲不敢近邊

陸廣東左布政使安南不廷上命兵部尚書毛伯溫督師討之用其策國王莫登庸上表請罪遷都御史巡撫湖廣當聖駕幸楚章聖梓官南附杰倉卒供應若素定者上奇其才官至工部侍郎卒贈尚書

諸備

諸備字揚伯嘉興人大父忠為梧州守父敷隱居教授通陰陽家術備幼孱弱多病未知學羈州時猶逐里閉羣兒嬉有僧明欽博學善相人與敷友見嬉戲

謂敷曰郎君清雅逼人急令讀書當貴顯於是敷授之業資性穎發好學數載盡通經史百家言性尤嗜古見古人圖畫墨蹟率心注之又善通音律凡伶部詞曲無不諳其節奏暇則潛自吟哦不置對人談多雄辯時出詼諧為文章詩詞務鈞玄發微有深潛之思四十始登第時正德丁丑授黃梅令黃梅素號難治又繼宸濠亂後民罷憊多凶匪備以恩撫而豪狡妨民者則推抑使不得縱民大感悅越二年以父制歸後起大名因俗而治化用大行丙戌轉刑部主事明年丁母艱起復主事歷員外郎擢福建按察僉事

本朝分省人物考

卷四十四

四十

浙江三

總理屯政覈其故剔其姦明其疆理綜其子粒周慎詳密而屯政以舉丁酉進貴州參議貴土官遇上官至輒有餽悉却之安宣慰者大酋也故事承蔭者必先行貨於所司乃敢請廉知之亟與之牒安氏不費一錢而襲居其職後二年擢本省按察副使持法懸平吏民畏懷至有繪像祀於家者辛丑上書乞歸甚懇致其仕歸為人坦夷不設城府角巾綈衣襟間里侶親戚悛悛無甚異人視之無不可近至非禮相干則輒然見於色即久要宿契竟終絕之矣性尤嚴于辭受取予自一介之微未嘗玩而染之故歷宦二十

五年歸橐蕭然歸而間以請謁來者即厚賄峻絕之
不以聽也癸卯卒六十七

劉玘

劉玘字南谷平湖人學行醇謹孝友之稱無間正德
丙子鄉薦嘉靖五年授五河令蒞任歲大飢設法賑
濟全活數千人政尚維風一時士習丕變民是以有
前妻後劉吾得以休之謚六年課最擢南京工部主
事卒祠名宦處為醇儒出為循吏至今士林景仰焉

沈圻

沈圻字子京平湖縣人正德六年進士除江西道御
史以忤當道降高郵州判官陞休寧知縣累陞貴州
叅政疏請致仕

姚參

姚參字應辰平湖人正德庚午薦京闈分教饒邑以
經義指南諸生擢宜春令賑飢興利搏擊權橫省茶
貢費十之九民若更生宸濠之變為王公守仁應援
斥諸顧望者濠卒就擒再尹桐廬尋授水部郎權稅
荆南益持冰蘖會長子能舉于鄉欣然挂冠歸居鄉
約已敦族週恤故舊子能仕至僉憲簪笏並舉鄉薦
孫體信進士所授父產悉讓之弟眾共推之

林桂

林桂字天芳平湖人舉正德甲戌進士初授刑曹以
執法忤權貴下御史獄後世宗入繼詔拔淹滯超
授祠部郎首建大禮之議文忠張公然其說而上之
而桂不欲自炫乃文忠特蒙異寵而桂僅以僉憲終
亦寧拙無巧之明驗矣

滿正

滿正海寧衛左所正千戶正德間解軍器之京遇寇
奮勇射退次滄州首寇劉六劉七臨境守臣欲遁正
激以忠義適胡世寧行次正遂協守與寇持八晝夜
不能犯尚書張縉疏正功後從征開常深入被害贈
明威將軍子潮陞指揮僉事

盛唐

盛唐字元陶嘉善人嘉靖十七年進士由吉安府推
官選湖廣道御史時重建太廟有希上意者奏
當倣周制七廟太祖太宗百世不遷立四親廟以
憲宗為祖興獻帝為考唐極言其非疏入世宗震
怒令回話本進經覽而擲地者三浹旬後始得旨
罰俸半年和議遂寢二十五年巡按陝西以劾仇鸞
降湖廣布政司照磨陞國子監博士累陞湖廣副使

沈科

沈科字子進嘉善人登嘉靖甲辰進士初爲行人晉
繕部庚戌虜薄都下大司空猝不能具牛車科旦夕
爲治具飛輓旁集卒賴以濟莞張秋河道有聲知臨
江勤恤民隱民尸祝之已治兵江贛平劇盜李文標
地方勒碑記其功時宦彼中者分宜半籠而致之分
宜子聞科才陰令人諷科使附已科正色曰某卽不
材奈何以 天子臣爲相公私人分宜啣之詭謂銓
部曰贛兵使以艱去當以朱某補朱分宜客也銓部
謬以朱來及來科實無故理贛自如朱亦次且不進
本朝分省人物考 卷四 四 浙江三

吳淞

吳淞字秀東秀水人舉嘉靖丙午鄉試數上公車不
第選知靖州州民與苗獠同編戶輸稅會山水驟漲

民溺死無算淞亟懸賞格抹一人者予十緡又躬令
人置筏濟未渡者州人德之貳守九江時湖口關值
水衝商舶多壞淞曰寧算錐刀而傷民命乎請于觀
風使者議革之商大稱便已遷福建鹽運使同知引
年歸爲人朴茂恂恂仁厚長者性不事封殖而於族
黨貧乏尤好施歸田後足不躡公庭志操澹如也里
中咸高其誼云

姚弘謨

姚弘謨字繼文秀水人舉嘉靖癸丑進士選庶吉士
授編修恒衷質行不設城府壬戌分校禮闈慈谿袁
相國意有所不愜欲易之乃引故事爭曰異時詞臣
無易卷者袁啣之卒左遷其後一視學兩司城所識
拔多聞人仕至天官亞卿以病乞歸時門下士方宅
首揆絕無書抵政府甫逾艾卒賜祭營葬贈禮部尚
書弘謨在襁褓時父廣文君卒于官母更適乃依祖
母徐以迄成立登第後迎母歸養克盡孝人方之范
希文

馮臯謨

馮臯謨字禹卿海鹽人嘉靖庚戌進士初授刑部主
事轉員外郎執法平反人不敢干以私尋陞江西按

察司僉事歷廣東布政司叅議時有張連之寇奉
嚴旨切責臯謨親討督戰巨魁就擒餘黨遂解散地
方藉以平定隨晉副使陞福建布政司叅政所至政
聲籍甚縉紳推重生平溫粹待人如和風甘雨優游
林下日以詩酒自娛有先民之風焉

沈伯龍

沈伯龍嘉興人字雲卿登嘉靖乙丑進士初任內江
令有惠政時直指貪悍數伺其隙而不得及內召將
行直指盛氣而前盡發行囊止俸金三十餘兩直指
赧顏退邑父老子弟扶輿而出號泣不絕抵京補禮

本朝分省人物考

卷四十四

四十五

浙江三

科給事中忤新鄭出守州南會有九絲之亂九絲負
險以抗伯龍語諸從事曰人臣委身事君政在今日
諸君更何待耶于是諸將皆奮無不以一當百又躬
自督陣親冒矢石捷聞 天子賜金帛陞俸一級時
番猥作叛督撫以兵五萬專屬之龍乃謂解甲未久
不堪復戰遂呼裸衆諭以國威裸聞諭歡呼動地縛
三渠魁以獻後修獻陵閣宦意在乾沒龍覆實其數
所省十之八雖買怨弗恤也江陵父卒諸司往吊龍
獨不往竟以裁革歸歸數月復起江西隨轉山東廉
訪使以積勞委頓遂拂衣歸志行粹白里中稱為長

者

賈名儒

賈名儒嘉興人嘉靖丙戌進士官比部抗節持法有
考功吏受賕事逮名儒訊即重比考功郎啣之出守
姚安再補汝寧會 世廟躬謁顯陵道南陽一時署
篆吏重飲民貲佐供應名儒爲榜示還給汝民咸舉
手頌德年甫踰強遂乞休優游林壑者四十年人以
清介稱

戚元佐

戚元佐字希仲秀水人嘉靖壬戌進士文聲籍甚初
議選館詞林競推轂之忽中旨傳免後選儀部會
穆廟登極典禮多所匡贊宗藩一疏深憂碩畫不減
賢洛陽已陞尚寶卿告歸居家廉靖不爲請謁長于
詩文又善書畫著有青藜閣集

王文祿

王文祿海鹽人舉嘉靖辛卯鄉試博學好名屢上春
官不第刻厲愈銳以天下文章節義自命居身廉峻
絕口居間有不平叱罵不避貴要戶田三百請編役
如民令有不廉者勸駕公宴文祿拔劍起舞屢向之
曰此劍能斬貪污年七十餘應制長安步履如少壯

終其身所著丘陵學山諸書若干卷卒無子學使陳大綬檄祀學宮蓋異數也

呂炯

呂炯字心文崇德人舉嘉靖乙卯鄉試授泰興令不兩月致仕博學好修好友好施予晚年家日落施予無倦色善詞翰臨池多泉石之趣王世貞志其墓

卜相

卜相秀水人嘉靖壬戌進士歷官太平推官刑部主事湖廣僉事雲南參議懸車最早年八十餘廉靖溫厚言動有坊鄉邦稱之為古人云

本朝分省人物考 卷四十四

四十七

浙江三

屠元沐

屠元沐嘉興人嘉靖乙丑進士歷工部主事員外郎中管儀真張秋河道山東參政廣西按察使右布政加太僕寺卿致仕年九十餘 朝命存問居官清慎里食杜門可望不可即如祥麟然

馬呈圖

馬呈圖海寧衛指揮嘉靖間倭犯海鹽新塘嘴呈圖隨統本衛驍軍李咬任等協同把總王應麟奮勇攻擊生擒真倭二十四名次年四月倭首八大王等自青村登岸流突金山白沙灣向南劫殺所犯官軍俱

經摧敗呈圖提兵出城與賊鏖戰軍潰呈圖直入賊圍身被三十餘創殞絕今祀英烈祠

采煉

采煉海寧衛指揮嘉靖間倭寇海鹽馬呈圖先馳煉往策應兵潰煉奮不顧身血戰而死今祀英烈祠

姚弘

姚弘海寧衛指揮僉事嘉靖間倭寇侵境督軍防勦屢獲戰功後復與賊遇殺賊四十餘賊潰奔弘奮勇殺入賊巢被賊鏃死督撫題奉仍祀英烈祠


俞乾

俞乾字一清嘉靖甲辰進士授刑部主事秉公執法勢豪犯重辟者夜懷金賂緣中貴人以請正色斥之竟致之理時分宜相傾貴溪論死公監斬西市義氣憤激忽仆地移時甦具疏乞歸未幾卒孫重光舉萬曆癸酉鄉試姪孫志皋萬曆丁未進士學行表表均不獲永年云

本朝分省人物考 卷四十四

四十八

浙江三



人物考卷之四十五目錄

浙江嘉興府二

鄭曉

項錫

屠應坡

陸邶

沈謚

馮汝弼

子敏功

錢薇

包節

孫植

錢萱

陸愈

卜大同

陸光祖

周崑

韓弼

卜大順

本朝分省人物考 卷四十五目錄

沈啓原

王愛

陸光祚

張應治

馮敏功

沈懋孝

陸萬垓

馬應圖

陳泰來

錢夢得

沈丞

陳于王

毛應銓

沈道原

賀燦然

陸典

魏廷相

崔永

檀郁

周玄真

浙江四

補遺

殷原善

朱侃

常士昌

附常麟

劉侃

施奇

劉泰

許盛

沈祭

梅江

任泰

陸遠

馮俊

附孫伯禎伯禎

鄒履淳

項篤壽

鄒國儒

沈思孝

黃洪憲

附子承玄

馮夢禎

本朝分省人物考 卷四十五目錄

朱廷益

胡士奇

戈用泰

附俞南金馬子乘

包鴻達

附陳萬言

馬德澧

本朝分省人物考卷之四十五

浙江嘉興府二

鄭曉

鄭曉字室甫別號淡泉其先開封人遠祖從宋高宗南渡始家鹽官少有異質年甫十歲父吾核公授之經傳即能通經傳復授以子史即能讀子史吾核公數指古今人賢不肖事誠之曰汝他日當為此不得為彼故自少至老毅然必欲為君子不以毀譽利害貳心嘉靖壬午舉浙江鄉試第一明年中會試學士中峰董先生力薦之政府政府亦夙知其名竟不一

本朝分省人物考卷之四十五

浙江四 劉仲文

嵩等授兵部職方主事日取故牘閱之由是盡知天下阨塞與其士馬虛實強弱之數大司馬蓉溪金公屬撰次九邊圖誌三千卷人爭借其草錄之甲申以議大禮杖闕下乙酉大同卒殺其巡撫都御史當事者請宥之曉抗疏以為不可丁母憂服除補武選尋丁父憂去家居者又八年會世宗皇帝特詔起調考功逾年始至至則分考辛丑會試轉郎中夏貴溪罷相有詔考察臺諫分宜意在去異已者曉更黜其所厚者若干人癸卯分宜子世蕃以治中求為尚寶丞曉謂非故事不聽分宜益怒密疏抗上市

恩 詔貶和州判官而世蕃遂遷尚寶司丞矣至和

日夜治民事訪諸所欲惡次第罷行之民大悅未幾遷太僕丞丙午遷南考功郎中尋遷南尚寶卿歷南太僕少卿鴻臚光祿太常卿癸丑遷刑部右侍郎甲寅改兵部兼僉都御史出撫鳳陽會倭奴入寇江之南北運道為梗上下憂之至鎮勵將士選民兵集鹽塲之壯勇禦之於通泰襲之於如臯擊之於海門搗之於呂泗圍之於狼山斬首九百餘級賊震恐遁去東南之賦四百萬石歸輸於京師無後期者又築三里閘以通漕渠開湖櫃以興水利淮以南迄今無水

本朝分省人物考卷之四十五

浙江四 劉仲文

患分宜以舊忿抑之僅擬賚予加俸曉素以文學聞海內又癯然若不勝衣而出撫以武功顯人益知其不可測乙卯遷吏部左侍郎尋遷南京吏部尚書未發世宗以其知兵特旨留為右都御史協理戎政奏罷諸軍之役於工作者眾咸感奮戊午改刑部尚書會大司馬虞坡楊公總督宣大時議謂宣大重鎮欲留楊公久鎮北門因上疏謂楊公還本兵則九邊將帥咸得人而戰守之事咸飭所可恃以無恐寧獨宣大爾邪乃詔楊還本兵曉還刑部奏論錦衣所治獄多失實而五城御史受民訟非制既又謂

王直於法必當誅留都亂卒漸不可長劾分宜張紳董傳策吳時來不可罪諫立儲郭希顏不可殺薊鎮閩廣提督憲臣王忬阮鶚悞事之失不必深求咸與分宜議不合時御史鄭存仁者善揣時宰意妄以蜚語中之而曉疏述故事甚悉分宜不能奪乃從中構落職家居角巾布衣數携一童子訪故所識與論桑麻晴雨或時共飯山蔬水藻相對終日見者不知其為名卿性儉朴尤審於辭受所居絕去紛華松窓竹几蒲茵練帷蕭然如山僧焉丙寅秋病卒于履淳等訟誣於朝詔復其官 穆宗改元賜祭葬贈太子

三朝分省人物考 卷四十五

三

浙江四

少保謚端簡廕一子入監讀書淳舉嘉靖壬戌進士歷尚寶丞曉為學雖主用世而於性命之說義利之辯咸能剖析精微直窺堂奧萃亭徐公謂其持論正而不迂嚴而不刻剛而不激高而不亢與唐馬周陸宣公抗衡真知言也所著有吾學編古言今言奏議文集諸經解行於世

項錫

項錫字秉仁嘉興人幼英敏讀書輒善記時學憲祝虛齋先生致仕居海上有幼女襄毅公造其廬求聘焉且曰吾孫可教也遂學春秋於虛齋虛精研理與

而錫潛心師說時時靜坐深思發為文辭俊雅親切虛齋每喜項錫善學同業者亦自謂不及項生也正德丙子以太學生舉順天鄉試嘉靖癸未登進士授令建陽建陽閩劇邑稱難治錫恭儉愛人敦崇風教臺臣交薦擢刑部主事究心法比傅以經義聲著西曹戊子請告歸侍父叅政公養尋丁艱服除補刑部福建司主事看詳諸司章奏吏曹有欲薦以自代者遜謝之語浸聞於人人愈重焉甲午改尚寶司丞久之晉少卿尋晉南京鴻臚寺卿居三載晉南京光祿寺卿光祿職內羞羣瑞穴奸藪蠹莫可稽省稍欲剪剔眾口輒相譏時宰適不悅坐免歸初拜命即欲乞骸朋游交沮非其志也得謝即築室郊墟榜其堂曰歸來傍水丘林壑間多植花樹時時肩輿小艇惟意往來風清氣和則數從賓朋歡飲歌嘯連日夜不厭人以爲得止足之樂焉嘉靖癸丑閏三月以痰疾卒距生六十有四

三朝分省人物考 卷四十五

四

浙江四

屠應竣

屠應竣字文升平湖人嘉靖丙戌舉進士選翰林庶吉士時閣臣務紛更制典諸吉士皆少年負氣不肯謁諸閣臣出又不避騎遂奏出諸吉士悉改部寺等

官竣拜刑部主事以才望署本科參核明允平反者甚衆歲季秋囚當決者已三覆奏矣上疏請緩死

上覽奏如所擬得全活者二十餘人戊子之歲命京

官主各省試奉命校文江西時閣大臣有屬其三子

者唯唯退而曰國家百七十餘年惟貢士之法秉公

不廢故岩穴之士得以自見若苟徇私請將安用選

試爲於是遂行至則夢人有以酖進者辭不受覆地

地墳覺曰寧墳母亂卒無所私事竣還報閣大臣怒

曰屠主事侮子其以我力不能令若遠戍乎內閣大

臣竟以事罷去庚寅調儀制主事辛卯進員外郎壬

辰陞儀制郎中時 上定禮樂肇建郊祠咸與有勞

焉癸巳改翰林院修撰仍五品服上疏辭免尋乞歸

省乙未奉命校 累朝及 皇考寶訓實錄丙申

訓錄成賜白金文綺侍宴謹身殿陞侍讀經筵 皇

太子生詔使河南諸藩諸藩王所錫賚秋毫無所受

戊戌同考會試秋主考武舉時稱得人是歲交阯不

靖詔諸公卿會推才猷言語冠世者往諭之廷舉吏

部侍郎茶陵張公暨屠公或謂險遠奮然而起曰臣

無橫草之功幸侍講幄得奉使命當宣 天子威德

揚聲萬里外不亦偉乎頃之竟罷遣使云己亥陞春

坊右諭德時春宮初建慎簡僚采而諸臣幸有涯恩

覬爲官僚者甚衆於是給事中御史槩論諸宮僚竣

亦在論中章一再上所論十八人者皆罷免有 旨

獨留竣或謂之曰 天子方知君誠以此時奏賦頌

必得近幸喟然曰臣蒙恩待以不誅雖捐軀暴骸無

以自効廼欲乘機徼進邪素修謹橫被口語頗懷不

平且耻不自表見遂抗疏乞歸歸而疾作竟不起簡

伉儷不事家人生產耻言九九之數輕財樂施振

窮周急諸所假貸力不能償者輒焚券待昆弟尤厚

煦煦無宿怨也所交皆當世名士篤於友誼雅好文

史雖疾甚不釋手爲文章奇宕有氣常希司馬子長

楊子雲之風所著有詩文集若干卷

陸 邨

陸邨字秀卿嘉善人也慕理學以聖賢自期待篤行

誼重氣概爲文根本六經有關世教嘉靖丙戌登進

士初任南刑曹平反訟獄與大理丞相軋白尚書奏

請從邨議著爲令嘗作文贈同寅時嚴嵩爲禮侍見

而奇之屢謁邨拒不見嚴托人私詢其意邨曰此人

雖赫赫有時名實奸雄也嚴啣之歷任兵部武庫郎

先是掌武庫者掌諸司隸銀爭索贈以媚當道邨止

本朝分省人物考 卷四十五 五 浙江四 徐相

本朝分省人物考 卷四十五 六 浙江四 徐相

令解者賚原封交割清聲振一時出知常德以才調武昌士民號攀載道沅江令以金爲贖邶拒之尋徙岳州先有巨木飄入郡界前守不知其爲皇木也送侍郎方銳起坊督木使者誤論邶邶不辯人或諷之奏白邶曰三公皆賢者奏則彼將得罪吾負罪以歸可也久之得白在任崇節儉寬逋賦省訟獄措牛種開荒田巡行列屬歲必再周歲饑邶竭倉庫設法賑貸活饑民數百萬頌聲四起時分宜柄政啣前事十年不調御史伊敏生巡歷至府邶供奉甚薄伊道入其衙惟老倉頭二人敝筐無鎖檢之惟殘書百帙布

本朝分省人物考

卷四十五

七

浙江四

衣數事而已特疏薦之時世廟勵精圖治以吏乏循良作青詞醮告是夕夢神語云本鄉有賢知府十年不調何謂無良牧耶晨起閱伊疏大喜卽允陞京堂伊以薦賢陞一級邶至都不謁嚴嚴遣其同年萬姓者諷諭之邶曰受職天朝拜恩私第賢者猶不爲况未受官而先謁權貴乎卒不往官亦不補滯京邸三年草疏求還萬知之密報嚴遂有太僕少卿之推尋晉正卿轉南光祿巡撫河南未幾乞歸卒之日戒家人勿哭語之曰全生易全歸難當浮捧思慮以完吾造化故物哭無益徒亂吾意耳子敷錫任柳州府

通判

沈謚

沈謚號石山浙江秀水人舉嘉靖己丑進士歷官湖廣參議初讀陽明傳習錄有悟卽期執贄因陽明征思田未遂及聞訃追悼不已後拜中離薛子於京師歸而建書院於文湖祀陽明湖在秀水縣北四十里春秋率諸生虔祀講學其中

馮汝弼 附子敏効

馮汝弼字惟良平湖人嘉靖壬辰進士初授行人擢工科給事中劾巨璫張時數人下獄冢宰汪鉉恃寵

本朝分省人物考

卷四十五

八

浙江四

而論論者重譴弼列其罪鉉罷弼亦謫潛山丞潛山舊無志弼成之執巡撫橫奴之騷擾驛遞者置於獄論罪又禱於神出疑獄十餘人令常熟值水災先發倉後報築華蕩等閘立法均田減耗數萬令餘千核虛糧悉去之監司頌其式通省訊監七十人二人未服監司促之何以二人難七十人弼曰二人惟二命卒白之守太倉革供應富民歲稔部使督通株連詒之行悉縱之以逋稅論調時遷揚州同知不赴歸居家好義贍族賑饑築塘修堰掩骸封塚種種惠澤鄉人德之建懷德祠子二長敏効登嘉靖壬戌進士次

敏効孝友天成屢赴棘闈不第遂杜門著書善詞賦給練晚年未嘗斯須去側且善成父志布澤施恩悉如給練其為人氣宇恂恂胸襟脫如所著有小有序集三十卷行於世

錢 徽

錢徽字懋垣海鹽人也嘉靖壬辰進士初任行人出使楚藩正拜生禮却宴賜金給事禮科初劾內閣費夏再論李温再司禮奉勅兩廣查餉精明邊方賴安還論郭翊國及官僚非人曰我今得死所矣付金買棺幸免歸杜門著書受徒講學海戍苦於飛輓陳議云朝分省人物考 卷四十五 九 浙江四 劉 達當道蠲之倭寇陣亡積屍千餘舍田葬之有屯田鹽法河套市舶諸議卒後追贈太常少卿

包 節

包節字元達號蒙泉華亭藉嘉興人生五歲而孤母太孺人身教養之勤苦備至及嘉靖乙未舉進士以東昌推官徵入北臺而太孺人則已向衰其按滇還也將上疏乞侍養太孺人恚曰教子者獨為身謀不思為國家用耶不得已入朝未幾奉命按湖南劾中貴人不法反為所誣構得罪當死 天子憐而活之謫赴莊浪雖甚危苦未始有不平色其所居頽垣敗

屋不蔽風雨而處之甚安獨以太孺人故悲傷哀泣疾作竟終於謫所節為人慷慨雋爽口所欲言不顧其人之作於色心所欲為不計其身之及於難嘗清戎福建出按滇南鎮守世臣悚然降禮而貪墨之吏望風解印綬以去至湖南先聲所被莫不震疊一時稱真御史者必歸焉然亦以是不見容又無財足以自救其卒也棺殮之費皆出西寧兵備大梁孟淮孟蓋素以意氣相許者也

孫 植

孫植字斯立平湖人也璽之子中嘉靖乙未進士選南比部守備中官潘珍從子怙勢為奸利植鞠之正其罪楊起昕獄株連官吏三十餘人弗決植徧取案牘總計 慈慶等官費八十餘萬半係起昕乾沒謫戍疏乞終養尋居父喪鬻產治葬服闋補兵部以資卑改光祿丞歷少卿時分宜柄政植獨守正不阿以故九年不調光祿費多不經植為簿正歲省大官數十萬巨璫耿清至以鐵人稱之擢總河道尋改少司寇達虜犯京 勅植守崇文門時孫少卿分守外城以調兵不至夜呼門甚亟植亟言本兵調發應之本兵楊襄毅也 上方切責當事者疏入必先動搖故

本朝分省人物考 卷四十五

十

浙江四 劉 達

力為調護不激成庚戌之禍植有力焉擢南掌院拜
大司寇訊巨閹王采邢保張進朝獄盡法不少貸亾
何魏國事起下南法司植據法按之謂邦瑞居長宜
嗣魏國溺愛宜罰鄭氏詭封宜追奪讞上輿論翕然
時新鄭再起以閣臣秉銓盛欲修競於徐文貞植為
文貞門人王給事遂希風旨疏劾奪職植歸凡十七
年日杜門屏處超然聲利之外所著孫氏家規以訓
其子若孫皆鑿鑿名言當道交章薦起再疏乞致仕
卒之日家無餘貲僅足棺殮而已植為人外和內方
鮮嗜慾平居溫溫抑抑若不勝衣而臨大利害輒挺

本朝分省人物考 卷四十五 十一 浙江四

然以身當之即刀鋸鼎鑊不為動事定絕口不言而
人亦弗之知也大都植之問學篤實踐履不愧屋漏
嘗曰惕然自警於幽獨得肆之地而毅然直行於危
疑犯難之時小心謹畏於人所不知之處而大力負
荷於衆目昭彰之日蓋其平生所自誓者如此 賜
謚簡肅朝論快之子成泰登萬曆丁丑進士歷蘓州
大名兩郡守並以清節著轉大名兵備與直指相左
而歸踰年而卒卒之後其子貧無以糊口祖遺房數
間已轉鬻之他姓矣

錢 萱

錢萱海鹽人父官江西臨江知府嘉靖乙未舉進士
為刑部湖廣司主事以母喪歸居喪盡禮鄉里人謂
錢主事衰經生蟣虱云喪服畢改禮部祠祭司是時
上方崇制作稽古秩祀諸所請覆牘委案積日與其
長貳旁討廣證去取隆殺咸合品宜部嚴費二尚書
數譽其才改陟儀制司員外郎甲辰提調會試會某
舉子卷違式判不與騰監試御史力騰之榜出而舉
子第舉子夙富又御史鄉里也言官以賄聞主考及
御史舉子咸譴廢而萱以判得免及考覈京朝官吏
部謂必黜萱然後諸所譴廢平也乃署以不謹當黜

本朝分省人物考 卷四十五 十二 浙江四

費尚書力爭之不得改署浮躁謫廣東德慶州同知
至則署長吏任力親州事諭羅徭徭明國威申據地
止剽掠徭舍總咸詰州受招降州民夙被徭害者奉
詔書復業嘗爭地界久之不定萱悉按籍稽戶審
丈清界舊戶亡補以新民令即承厥田役出粟賑之
擇其有行義者司賑吏不得貪緣為奸又議民賦實
運米石入銀若干民便焉州適不雨齋戒禱祀立雨
居無何江水漲沒民田廬舍又齋戒禱祀立退民無
禮行犯彝倫者語以古賢哲言進州諸生講經傳試
藝文手自評削於是德慶人咸稱真同知且忘其謫

云為德慶一年稍遷寧國府通判以勞瘁瘳瘳癘遂卒卒時年四十四不能殮時諸大吏及其州郡邑有司咸賻成之而提學陳公者列祀名宦又採其政入州志

陸愈

陸愈字抑之號貞菴平湖人嘉靖乙未第進士出為江都令為治一本仁愛窮鄉下里靡不歷月召有年德者鄉一人詢民疾苦江田消長不常稅額不損馬多領牧於無丁產者城南供餽歲所糜不貲一一為之均賦而節約之民困頓甦水居毗不知蓄泄數苦

本朝分省人物考

卷四十五

十三

浙江四胡玉

旱澇邵伯鎮河塘數厄於衝嚙始教之開渠以待盈縮復為之伐石以甃其塘積患乃除歲凶民多鬻子女於江南亟捐俸入并公餘錢贖以還者幾百人每新穀未登輒發其舊廩散之約秋成償貧者甚得濟巡撫李都憲籍所部羨銀十數萬兩將上之特請留之江淮活無窮民命江南屯卒為暴境內一旦單騎徑往擒其魁奏置巡檢司控制之勢乃戢憲臣籍平民數百家為兵與抗執累月竟得免如嫁尼僧瘞旅骸修學校恤孤寡善政尤多既三載召拜監察御史監通積局竹木及巡視京倉人人稱平中貴人欲有

所私不可得丁外艱服除拜廣東道御史未幾復丁內艱改山西道不三月尋有按蜀之命蜀地遠在萬里外謂非嚴莫治下車即鋤豪強斥貪墨發奸弊風稜甚峻上自崇藩下至羗酋咸懍懍莫敢縱尤加意學校孤寡及死獄大修成都郡學荆養濟院於營昌出成案之不能生者亡慮百十數滿一載將代以盛暑行炎鄉得疾旋成成都遂不起得壽五十

卜大同

卜大同秀水人嘗夢詣國子有泉湧上出遇故太宰恭肅周公謂曰泉上出及物象也汝志之覺而感奮

本朝分省人物考

卷四十五

十四

浙江四胡玉

遂自號檻泉以賞入國子嘉靖丁酉領順天鄉薦明年舉進士授刑部主事慮囚江之南以平稱歷員外郎拜湖廣按察司僉事督下江防先是議者言自九江入楚蘄黃漢岳會於洞庭江流彌亘千里而遙盜負濤浪行劫甚且攻剽州縣有司莫能制宜立上下江防置憲臣便詔以同往於是時事皆草創而地又當皖汝淮楚之交吏各私其人法易梗而奸不易詰較之上江防尤難同既按行諺俗去民所疾苦飾封守立里保審形勢定經防乃移文隣壤為陳一體之義及相成之利因與約關白勿違異按捕勿格失弗

察者與同論令行期年羣盜屏息部使者連上其治
狀稍遷湖廣布政司叅議時征苗久弗克同至慨然
曰兵貴先知其情以形合之知勝而後戰定策而後
進是為知兵否則以兵試者也因著征苗圖記總督
張公得其說意合而同亦堤湖兵會沅水上遂以平
苗由是聲益起會海寇挾倭作難浙所在皆震而閩
為禍首時論推同才擢福建巡海副使客有問海事
者則應曰倭所處聯絡海島譬如颶風掣電猝絕之
難恃備在我耳夫禦外者必內固今不吾固而與倭
逐是馳颶擊電鮮克濟矣乃趣駕至海上簡卒伍謹

本朝分省人物考

卷四十五

十五

浙江四

烽堠控險要大治樓船積糗糧以待賊又輯備倭圖
記授吏士言甚悉初閩人多入海與諸夷市而漳泉
為甚縱弗禁則法廢禁嚴則奸民失利而倖亂往往
導賊入或且攘臂羣起以張賊勢最號難治而海禁
兼筦利權下者既多自敗其名潔廉者又率避弗肯
為以故海防日益廢弛獨同毅然任之既修飭內治
諸所興革一切與民為宜民咸安其政賊亦知有備
終在任三年弗犯閩而屢寇甌會吳越間攻掠城邑
數千里被其毒至動天下之兵不能制獨聞得以晏
然同卒後二年乃始告警距生正德己巳卒嘉靖乙

卯年纔四十七

陸光祖

陸光祖字與繩別號五臺浙之平湖人性岐嶷不凡
四歲讀毛詩成誦八歲從其父游道遇客語安南事
曰是必克夫以 聖天子聲罪討小夷如振槁然何
煩兵甲客奇其言嘉靖丁酉年十七與父同舉鄉試
又十年丁未成進士授濬縣令濬故額五十里邑疲
耗不能役乃請裁其十里以寬民力當路不可持益
力良久卒如所請秋潦傷稼涕泣呈兩臺皆以非時
却其牘乃自為疏上之辭甚懇 上惻然下部覆減

本朝分省人物考

卷四十五

十六

浙江四

稅十之三兩臺心不平不能難也邑中擒巨盜伸冤
抑興利除害種種善政至今猶嘖嘖人口庚戌虜關
入塞尚書趙錦議從三輔民築塞垣持不可錦劾其
撓抑軍興 上置不問復請出錢踐更三輔民賴以
免發太僕馬少無以資戰士下諸邑買補馬價騰貴
故緩之馬益集所省緡錢比他邑殆半令濬四年課
高第宗人緹綺帥炳緣 上寵以要樞引光祖不應
得南祠部郎秩滿之京相嚴嵩稔知其名語人曰陸
君暱我符卿可得也復不往會給事吳時來劾嵩光
祖與時來善嵩憾甚欲以考功法中之南冢宰王用

賓力救得免遂以母病乞歸遭母喪廬居服闋值崇
罷起祠部郎尋轉儀曹侃侃持正論守陵宦官張方
進甘露請恩却之縣令吳府上方藥欲邀寵召至邸
切責之府悔稱疾去景寧王入京自陳設醮祝釐有
司邊維垣等毀牌位不道 上怒甚上言王擅離國
違 祖禁宜有所懲艾他妻非語不足聽 上卒從
其議 神宗生裕即請告 廟受百官賀疏入留中
有頃 賜聖母寶璽中外翕然謂陸公有卓識若此
癸亥調司封即隨轉文選雅有人倫鑑知天下士高
下甚悉至是佐太宰語對如流黑白分明乙丑佐計

本朝分省人物考 卷四十五

十七

浙江四
李郁

汰黜惟允不為權勢假而又憐才持大體如王崇古
張瀚等皆掛人齒頰力爭之得無恙其後皆躋九卿
以邊疆績著淳安令海瑞為上官所排力明其志節
得授戶曹侍郎朱公衡以才地自負南司空缺首推
衡衡方在列色變曰陸君南我耶已而升奉常典屬
國朱熹孫御史論其恣橫內璫王本仁申宿憾從中
構得 旨罷免居數年 神宗登極言者謂其不宜
久廢起佐南問政歷遷廷尉以外艱歸丁丑起歷兩
京廷尉晉少司空初光祖與大學士張居正同年厚
善及張在政府引誼規諷甚悉已張承父諱奉 旨

不服憂遺書開諭已謫言官又遺書止之張不納然
未有所傷及論改折事固請輕折張變色曰公為豪
地耶光祖曰我為菜色民爾寧知豪夫身忝大臣而
民隱默不聞非夫也張公語塞南御史張一鯤承
旨論之復罷張卒起南少司馬尋轉少冢宰時諸後
進皆文致江陵罪以逢當路乃獨謂江陵府權非弄
權也且擁扈綱繆其功亦安可泯眾惡其異出遷南
司空力請歸又三年起南司寇時南都諸要官爭主
獄光祖謂獄法司制也持不動主事劉以渙不受囑
為御史劾抗章論御史妄言曰法官當使天下無冤

本朝分省人物考 卷四十五

十八

浙江四
李郁

民而奈何枉其屬哉事竟白已改南太宰先後與大
臣列巨璫張鯨不法狀蒙 旨切責後鯨卒敗庚寅
召入為大司寇光祿署丞徐性善貲甲長安御史因
而不應論徐盜內府財籍其家擬大辟光祖心知其
冤三疏得減等辛卯夏拜冢宰既掌銓抑僥倖拔寒
素止體貌一如 祖宗朝故事戒闈者無入中涓書
時 旨下署名用二臣入內閣上言 廷推舊制毋
壞 祖宗法 上從之所推轂海內遺賢殆盡壬辰
主計苞苴絕跡所汰黜即親故不避或列臺省有時
譽者亦不顧已復請旌廉吏示獎勵未幾疏用前建

言主事饒伸御史萬國欽失 上意有 旨斥選郎
王教等力為申救因自引咎不聽會有乘此論之者
稱疾不出亡何 詔許歸時大學士王公家屏亦以
爭冊立去兩賢同日出都門觀者嘖嘖嘆息云當光
祖秉銓也值廷推輔臣有一禮卿夙有內援廷推一
及卽當 欽點此時國本未定自意若用內援之人
貽禍不小三推不之及其人竟忿忿以去故事銓部
陞除先具揭於政府自是一為釐正而內閣之權漸
輕有一政府為親知覓一知州缺光祖屹然不頡頏
有稱為社稷臣者有稱為中興吏部者誠確論也歸
本朝分省人物考 卷四十五 十九 浙江四 深仲德

無不應梁端肅公材喬孫在南都貧甚嘆曰昔人稱
廉吏安可為謂此即佐之請廢干 朝與人交披肝
見膈杜機絕械富平孫不揚向為御史嘗彈論光祖
者每曰孫公賢者寧有他吾誼當歸其言實玉成我
矣慙懃謝之其後在事遇薦士未嘗不及孫也卒以
大司寇起之御史陳登雲亦嘗有論迨壬辰大計推
陳掌河南道言論相權毫無纖介至於當利害剖邪
正遠識高節天下望如麟鳳久而愈重通籍以來強
半丘壑未嘗有所攀附聞天下長者雖素不識面及
有夙隙者必亟推轂不啻口出然終不令其知郡邑
本朝分省人物考 卷四十五 二十 浙江四 畢四

周 崑

周崑字孟登崇德人少讀書父欲勵之謂曰汝能畢
誦吾旌汝以金及卒業詣父復申前言曰大人教兒
直以金為耶父大駭不敢以童子畜之日教之博綜
羣籍所學輒通悟舉進士授玉山令賓旅行李四方
蝟集晝夜讀無已時而節其費餽示有度諸所比周
納款盡謝之而民力用是以蘇邑民吳清妻外有私

殺夫以滅口久繫獄事不能決夜訊之忽一羊自外突入長鳴者三乃昌言曰神告我矣羊鳴三殺清者三人也有三人者色動蓋彼三人者竟殘久秘自計身混眾中無以異然中情怯耳一觸其隱即不自堅立鞠之而服士大夫為賦靈羊詩一少年挾豔婦從喪視於郵亭崑見而怪其不哀心惡焉廉得其與主妾姦狀乃械繫少年遣人護歸其喪已更進賢以母喪歸起補新淦諸所惠民務為休息愛利之政其大者欲興教化振頽風故所興建必先學宮書院表忠烈闡幽節民咸愛而懷之云蹟聞召拜吏科給事中

本朝分省人物考

卷四十五

辛一

浙江四

未幾進右給事中已而擢刑科都給事中其上書論兵事皆斤斤可施諸用而巡視京營諸勲戚皆畏避相戒莫敢犯當是時都御中劉元清御史馮恩行人薛侃相繼罹罪且不測下廷鞠崑獨正言申救得從未減表都督繼勲臨敵不力戰彈劾之甚厲聞者辭舌一時以為天子嚴臣久之竟罷歸歸日戒門自絕即士大夫造請踵繼不一見所居即先世敝廬人有欲為廣其居者竟謝不受而讀書自樂終不一問家人生產獨事父事兄孝友並至植于天性不言而質行所以自為者深矣御史按吳浙者先後交薦於朝

未究於用而卒年五十八

韓弼

韓弼號懷南平湖人嘉靖丁未進士初令豐城築堤塘創條鞭法民利之後守南昌值景藩就國請費羨餘民得不擾表二散卒十餘懷異投軍力排羣議却之萍鄉流賊萬數剽掠啣枚以趨賊隨就擒轉督學不能俯仰於時遂掛冠勇退而終無子嗣子子和由遠次中萬曆丙子北直鄉荐歷官道州蘇州俱以清節著

卜大順

本朝分省人物考

卷四十五

辛二

浙江四

卜大順字信夫號篋泉秀水人初生有奇兆幼穎敏稍長即嗜學兄弟交相師友博讀經史為文典麗有思致嘉靖己酉舉鄉試癸丑成進士初令當塗潔廉尚簡約盡罷諸冗費廩庖舟車夫隸悉裁濶狹均其勞逸而日省閱之賓不留行民罔怨言且明習律比事至立斷案無累牘獄無宿繫請寄不行庭宇清肅擢刑部主事改吏部歷員外郎中日檢故籍凡政令因革可法與否類析為書必守其典則不為人所搖奪尤留意人材詢訊周密善隱過務存平恕寡交游謝宴會却問遺卓然樹立不屑遂時有古君子風

焉

沈啟原

沈啟原字道初別號寬川一號存石秀水人謚之子啟原生而奇偉疹發劇為小兒醫者皆愕視猶然持一編朗誦眾甚奇之庚子督學張公校士得其卷大為稱賞丙午舉於鄉年僅二十有一也三上公車不售愈精研經史於麟經則有集解馬班則有集覽即堪輿醫卜諸書靡不尋其宗趣會倭亂暴起以軍興加賦閭里騷然督撫公破禽徐海等於平湖奏捷還郡城文武將吏暨召募土著之兵皆在餼廩行糧日

本朝分省人物考 卷四十五

二十三

浙江四 列仕任

費二百金縣令念閭里空乏盡括羨餘以佐之不五日告竭啟原偶以他事謁令與語令忽忽仰屋深念啟原曰公何念之深也令曰非他時文武大臣及募調諸兵在念有能具五日費則某之責可逭已啟原立曰原當任之令躍起拜啟原亦拜即夜歸率幹僕數人持千金畀之聞者以為難初徐海未禽連歲剽掠嘉湖蘇松間啟原倩膂力販徒散以飛舸日圍聚長湖大溪中躬指授進退之法重償其直而諸販徒亦自感奮一日倭果操兩巨艦由平望入鄉而南近家不一里遇飛舸從傍夾擊之因迤邐北逃至晚啟

原大犒之願鄉之親友曰吾以此舟得免一鄉害較所費孰多此舉也始以團聚而脫倭奴之禍又以脫禍而收販徒之心知者自是服其才已未登進士其廷對策文詞古雅楷法工緻咸謂上第不忝及發卷閣部大臣果遣報一甲第三人矣會以他故移置二甲十七名故事十七名者為選首於法得北曹郎以前一人欲為選首過啟原曰使若以序次必首選予得州守矣幸若安之母難予啟原曰選之先後例也予豈有所謂哉予固不敢以君之過而爭亦不敢以君之過而讓當聽其自至及期前一人果挾分宜勢

本朝分省人物考 卷四十五

二十四

浙江四 列仕任

下銓部時冢宰欲首前一人選司力爭之卒並授南曹而啟原為屯部郎得報則怡然曰南北等耳况予性簡澹南曹甚宜我庚申蒞任值分司儀真者為臺中劾去大司空康公曰是役也非屬屯部第極敝之後非沈郎不可于是直以相屬啟原抵真州大反前政商賈俱戴其德而浙直白船例不得由開啟原具呈大司空弛其禁瓜儀里老甲戶至肖形尸祝之蓋所攝僅四旬耳會新任者代遂歸董蘆政蘆政差奉旨有勅印其體視臺中乃前是者自為貶損故奉行者後而豪民占洲場負稅課不可勝計金錢累鉅萬

積逋至三十年啟原一拜命立請所轄申明職掌而
又上請大司空曰柰何上下欺蔽第以國家利為奸
豪橐資也宜具奏移文撫按嚴督各屬於是人人知
其意旨遵守益謹追徵補解月不下數千計前未有
如其多而體貌亦未有如其重者癸亥轉本司郎中
尋調南儀制司丙寅遷四川叅議所轄為川南道時
天全土官高定楊時譽相讐殺當事莫知為計啟原
至移檄諭之其中宣揚朝廷之威德追述先代之功
勞鼓舞世傳之忠順究竟起釁之緒端諄諄數千言
示以禍福利害令其改圖二家感悟於是鈐束部夷

本朝分省人物考

卷四十五

三十五

浙江四
張忠

解散黨與一聽其約束而邊民卧始帖席矣他如申
鄉約嚴保甲慎巡警禁私渡行之內地者人咸稱便
而豁鹽井續增之課銀定番僧賞犒之限制尤為無
窮利云已已以內艱歸服闋補山東叅議其分道在
濟南而省政之當議者有稅糧牧馬二事啟原甫至
議稅糧徵解自有成規而郡縣所行不一有照舊總
收僉大戶分解者有分倉徵收經收人領解者有各
里自收令大戶類解者有總立櫃頭各戶自投納者
乃畫一規擬總收之銀差佐貳首領類解郡中即以
羨餘充道里費其解銀大戶盡裁之止米麥仍僉大

戶收解而催督責之里排監收屬之大戶課糧設之
公堂種種悉為經畫議上撫臺著為令牧馬之役濟
充東三府獨當之而青登萊無與啟原閱其不均酌
令彼此通融以疏民困議上馬院亦為令丙子遷陝
西按察副使治開南關南當四通之遠驛傳為累錢
糧不支會巡撫下啟原議乃歷考道路之衝僻供應
之繁簡至馬驢夫役一一斟酌至今遵其例行之撫
臺又委勘城垣啟原請各州縣躬閱略陽鳳縣褒城
因其地形量為修築三城悉為巖邑啟原力也會撫
按並時出巡啟原勢不能兩迎因觸撫臺怒以他語

本朝分省人物考

卷四十五

三十六

浙江四
張忠

中之奏既上啟原翩然登舟無幾微見顏面歸塗泛
洞庭登太和每於山川名勝輒低回留不能去比抵
家奉 旨調用當事以啟原清望久著輒議補而啟
原已無意於世遂絕口不談時事亦不復通謁貴顯
惟誅茅治屋為偃息計野服葛巾親朋來往如山人
而已年六十有六而卒啟原性澹朴飲食未嘗過豐
被服非紉濯數四不更辭受取子壹粟于義請托輒
遜謝之脫冤抑不白毅然為之申理雖動道物議不
惜也聞人善極力播揚不善必隱之與人交無所不
容始或以他事見欺既而敗露啟原知之如弗聞也

者弟啟南少而孤啟原愛之甚置臥內與同課誦至漏下三四鼓不勅周親族濟貧交人人得所欲以去平生珍玩貨寶聲色狗馬略不屑意而所篤好惟圖籍上自金匱石室之藏以至今集悉購無遺或少或缺略借之儲書家務繕寫完好乃已平居不耐酬應或譚經史評法書而關人持刺以進蓋未啟緘眉爲之攢矣即當路諸公多門生故吏啟原絕跡不入城不投謁然當路推轂人才必引以爲重啟原視之泊如也所爲詩冲澹夷曠氣韻和平一字不妄中夜推獻務求至當文則疏澁縝密詞足發意所著有詩文

本朝分省人物考

卷四十五

二十七

浙江四

二集公移雜著藏於家子自邠登進士官翰林院脩撰蚤卒

王愛

王愛字體仁號一山秀水人生而孱弱十齡外始受章句然讀書輒解大旨好從方外講導養術後乃從學因悟吾儒體受二字苞舉玄門尊生之意踐形盡性皆自愛也於形一有虧于性一有染皆非自愛也以嘉靖己未成進士乞就教乃得順天府學至則與諸生朝夕講究諸生聞所未聞心開目朗復以身示之鳩踐繩履墨都人士瞿然頽化鮮衣怒馬游冶少

年之習爲之一洗遷國子監丞擢刑部主事曰高皇帝律令卽堯舜欽恤心法吾學所爲致用也有二儒士籍相表公庇誹飲禁中逮治比部愛執法不少貸時表公貴倨甚人謂宜往謝曰法如是何謝爲袁公聞而怒曰王郎嶽嶽欲折相君角耶弗願自是有嘉遁意矣尋以遷葬得請歸遂絕意仕進守其遺業室不益稼田不拓畔蕭然寒素卽饘粥不給晏如也至於慷慨赴義奮身不辭上虞徐公學詩以論劾分宜削籍貧甚至不能爲子娶婦罄橐中百金以完其婚他行誼多類此性朗豁溫夷絕無城府遇之如坐

本朝分省人物考

卷四十五

二十八

浙江四

春風中然動有儉括寸寸尺尺毫不敢踰越角巾散步踈髯廣額望之者逍遙如神仙中人辛未秋忽病帶下數日寢劇歿時神色不亂從容詠黃鶴詩而逝

陸光祚

陸光祚字與培平湖人自邠奇穎登嘉靖己未進士授兵部主事申貴戚曉奴諱寘籍者盡汰去虜犯近郊匹馬馳矢石籌畫時伯兄典銓引疾歸起補禮部郎建明皆大體隆慶間三疏請皇太子出閣講讀詔取光祚銀十萬抗疏止之蒐復屯田通錢鈔練土著去冗耗倡節儉五事慮宗祿不支上疏請限服制開

生業嚴法禁謚法卹典過濫奏為條例肅懷王無後堂叔越序乞嗣固爭不與南陵王絕周王覬獲遺貲祚疏請補宗室祿出為湖廣副使改提學陝西秋試迫溽暑日夜校文稱得士然以是成疾卒于官

張應治

張應治字體徵號冲泉秀水人嘉靖壬戌成進士初授行人兩奉勅往典楚鄒府祭葬事三賁穆宗登極詔典事之外絕無私交雖呈輶數往一切餽遺拒之不受再晉南垣不阿權倖諸所獻替當宁彈射要塗者疏凡數十上其最鉅者如請正官闈除巨

本朝分省人物考

卷四十五

二十九

浙江四

瑞二事於時內監憚其風力莫不歛迹初疏未下時賓僚有危之者曰言責分也倘吾言得申大奸盡發即獲譴譚笑赴矣時論以此壯之嗣是復屢劾當塗者俱稱旨朝例科官三載稱職進京秩時以新鄭拜相未協人望聯疏論列忤意竟除潯陽守潯陽軍民雜處初視篆衛軍以乏餉三載脫巾呼噪查國初以潯陽安慶均重地各有額糧萬石後以安慶被兵暫撤糧協濟相仍三十年當事者重于改革乃議復初制力陳數四上官難之卒抗言曰天子命臣以專城之寄今撫安豈悍直阻抑不行當自疏以去就

爭臺院始上其議天子嘉納衛餉得如初潯地衝民貧乘傳至者無虛日支應者往往覆產議條鞭行之民困得甦府治近江巨盜出沒沿江剗烽墩分兵戍之更設法緝捕無一敢窺境者隆慶之季江右大侵流民相携入境有議驅之者詎曰流離襁負而至奈何棄之即令發廩以賑主者以未得請為言曰賑饑如救焚必待請則往返間已成枯魚矣有咎獨我任之可也隨至隨給莫不沾濡流民賴以全活者千數潯士多貧首捐俸置義田若干以資餽粥月令博士校稅以間每從中次第之士彬彬興起成名者甚

本朝分省人物考

卷四十五

三十

浙江四

眾為人廉明方正率下有體僚屬以至五邑之長靡不廩廩易慮性喜典籍簿書之暇日賦詩譚稅有欲媚之者藏金碑記中以獻震怒不旋踵麾斥之人益憚其威名長吏有稍自點者輒自投劾去廉正之聲日起入覲以廉能著最命大官列宴慰勞備至凡郡牧七人名第二遂超擢臨清憲副臨清當西北孔道軒蓋驛騷且迫邊徼赤白囊交馳下車首簡部伍汰老弱修城築堡為備于潯陽往者州歲以兵戍邊率為長守心知其苦且慮兵力單弱以其衣糧饒裕諭令自輸其羨官為補助添募丁壯四時番休往戍

喁喁呼便而武勇由是益壯遂刊爲定例經畫數月稍稍就理而疾卒矣當易簀時從容賦詩有去住不殊君親未報之句無一言及私而卒

馮敏功

馮敏功字元卿平湖人汝弼子嘉靖壬戌成進士爲禮部郎治世廟大行禮咸率職柄相所親恣橫逮之叅議江西南豐兵脫巾召其長片言解之遷徐州副使睢寧決爲之導治水衝下邳解衣囊沙爲士卒先凡所經畫皆爲成法叅政河南執政議鑿山界河通泇口以示奇度是役國與民兩病持不可繼又議

本朝分省人物考

卷四十五

三十一

浙江四

沈懋孝

沈懋孝號晴峰平湖人自幼明敏絕倫讀書數行俱下一過目輒不忘爲文洋洋纒纒宿學觀之皆避席年十九舉嘉靖乙卯鄉試列名第七御史以不獲冠

軍頗爲扼腕親執盃酬之壬戌捷春闈時主試者爲袁元峰貳場論題人君所尊如天懋孝論中有君子固曰尊君如天小人亦曰尊君如天等語袁以爲刺已稍稍不合而懋孝之父適貽書召歸課弟遂不赴

廷試而歸教弟有成立乃以隆慶戊辰入對大廷選翰林院庶吉士館中無簿書擾益得肆力於古文辭歷翰林院脩撰典試南畿所雋士最號得人而程式亦膾炙人口雖以此罹浮議不無風聞之誤尋陞南京國子監司業以科傷事謫判兩淮遂拂衣歸懋孝生平無他好惟篤嗜圖史自金匱石室之書以至名山大川之藏無不搜羅研究其博洽近代無比故屬文最富麗典則每有乞其文者輒伸紙疾書不經構思不加點竄視其紙之長短必竟帛乃已與客談古今事及品評于史則議論風生抵掌不倦賦性超超塵外不問家人生彥卽百金在前頃刻散盡以故家日落里居近三十年戶外事絕不與聞朝夕苦吟不減諸生時所著有長水集行于世

陸萬垓 附子健

陸萬垓字無畦平湖人也登隆慶戊辰進士任福寧兩平倭亂當事者擬上功因忤權相處冷曹復上書

論封事出守蒼梧兩擒洞獠以不殺為功招撫叛夷百萬關東安西寧二縣至今呼為陸父尋以滇緬大誼當寧推才望拔之滇躬冒矢石入不毛之地下隴川擒岳罕收叛卒聲振西南擢總閩臬首發關白奸得有備無患轄晉持貢市之平虜款關焉以功開府江右一切去煩苛革問遺課農桑躬教化築圩千頃積穀百萬兩賑大荒全活億兆有奏疏若干卷至忘寢食竟以盡瘁歿於官 天子卹祭贈官生平為善必謙獨知施德不靳人戴眾所附者獨避之眾所畏者獨嘗之孝友天植講學著書尤表表為後學山斗

本朝分省人物考 卷四十五 三十三 浙江四

事功學術一時並著云子鍵登萬曆丁未進士司理江右慷慨任事治行卓然尋擢禮垣朝中方想望幸采共以大有為期之候旨踰年而卒人莫不嗟悼焉

馬應圖

馬應圖號廓菴平湖人賦性耿介矜然不與俗伍登萬曆丁丑進士初授行人尋轉比部欲便迎養改南儀部陞郎中因見主權旁落有激于中慷慨極言語侵政府謫大同尉丁艱服闋轉封丘尹惟携一僕蒞任年餘陞比部請告歸行李蕭然恬不為意居家非公事不至公廷有司極為推重甚至衣食不能自周

親戚族黨有勸其稍為通融者卽拂然曰寧甘清貧無為濁富臨沒時幾不能成殮其清操砥行真不愧四知者

陳泰來

陳泰來字伯符平湖人少負節氣年十九中萬曆丁丑進士任順天府教授時政府與建言者相水火上書數千言反覆責以優容政府不憚轉國博五年不諂且疑為言官黨置不辯遂引疾歸詩酒自娛足不及公府其為德于人常不令人知假滿復請告所厚強之出會臺省缺主爵以為言政府咤曰此可令居

本朝分省人物考 卷四十五 三十四 浙江四

臺省耶少須之寧與銓曹耳竟補儀制主事疏請建儲不報遷膳司員外郎 上以大計故請黜考功并侵冢宰冢宰力求去又陳治亂清濁之機抗疏申救語多痛切 上大怒謫饒平尉及辭政府復極言冢宰去留開世理亂宰相之責也政府為之動色過家踰年疾作遂卒卒時口喃喃憂國事絕不及私人咸惜之

錢夢得

錢夢得號承江桐鄉人登萬曆癸未進士授鄜陵令實心任事寬嚴並施諸所與除地方翕然稱便擢山

西道御史直言敢諫條議鑿鑿可行且賦性耿直不避怨嫌巡歷陝西繼差北直廣西按部嚴明搜奸剔弊墨吏望風解綬人呼爲真御史甲辰陞大理寺丞尋轉少卿丁艱服闋起右副都御史巡撫河南以居官積勞成病且厭卻囂紛飄然有物外想遂請告不赴未踰年而卒承祖父遺業而一無所增爲直指時有司受其知己者循例餽謝儀槩不開封始終清節朝野共仰

沈 丞

沈丞字華東桐鄉人登萬曆癸未進士初任亳州守

本朝分省人物考

卷四十五

三十五

浙江四

丁艱服闋補濮州清介自持誦聲載道陞駕部郎考軍實汰冗費極爲勵精陞福州郡守改濟南每事安詳諸所整頓皆可爲地方永賴擢憲副改江西督糧叅政歷陞按使尋改福建右方伯一味廉慎方嚴到處刑清訟簡吏畏民懷丙辰入覲會山東饑地方思其濟南之政特具公揭再欲借寇奉 特旨改山東左布政蒞任賑窮周乏百方區畫不辭勞苦藩司錢糧乘孫方伯之病多所蒙蔽侵漁丞悉爲清查任事未兩月賊吏有因而自縊者東省之民出死入生多籍其清查之力踰年擢操江都御史方以大有爲期

之未數月而卒人共嗟悼焉丞爲人介然特操取與不苟遇事屹然獨立利害不爲動入籍三十餘年敝廬茅屋尚仍祖父之舊田產不踰中人翩翩濁世之真君子也

陳于王

陳于王字用賓穎亭其別號也嘉善人姿神清貴識度更道上接之覺和易可親每任國家事則方毅有操幹屹然不爲勢利動少攻苦力學屢蹶于臺使者試不遂列弟子員而學益力及舉於鄉卽登萬曆丙戌榜成名進士初授魏縣令卓異聲已隆隆起無何

本朝分省人物考

卷四十五

三十六

浙江四

報憂制服闋補句容甫下車申飭保甲法俾奸宄頓息凡若徵收節縮必殫思斟酌據道里遠近立爲限嚴胥吏出入防其侵故編戶不疲於催科而吏弊減至聽訟多以理論情導俾兩造自釋釋而卧牒不赴不問也一遇疑案滯獄則愀然祥刑而淑問之期於捉覆盆以予之生路故囹圄多得平反尤且知人能拔士校讐文秬輒憑素所心解作鑑儆犁然有當於其心雖童齷寒峻超超玄賞益加激勵此鄉會殿三榜容人之綸魁者皆出其門下乃自持則甘以澹泊明志未嘗少涉濃麗常俸外絲粒不屑也令容五越

歲政通人和稱江表循良第一最為鑑塘朱中丞行
素饒侍御所愛重朱中丞饒侍御則固當代文章節
義名大夫也屢疏劾薦于王欲置諸臺省為國家肩
弘巨適值 神宗怒抑科道官不得行取止陞刑部
主事去容日士民擁道遮留車軹遲數百里于王又
以祖母春秋高九十不忍違色養疏上告改授南兵
部至則靖職營務而戎政修為大司寇所嘉與次年
遂調南吏部丁艱補禮部以執法著聞尋因資望陞
湖廣叅政管理屯鹽道額有餘鹽若干舊例供主者
私橐于王悉出以佐公費之不足有從吏以例者厲

本朝分省人物考

卷四十五

三十七

浙江四

劉檄

言色拒之無染清慎益著歷陞四川按使緣衙門駐
劄與檄中左印飄然命駕彼中撫若按素重于王聲
烈咸欲具疏請留而決不能復奪遂投檄歸里第蕭
然甘澹泊如故絕念不出仕矣銓部改推福建亦終
不赴以病卒于王生平忠公仁孝在容時種種惠政
多慳九十祖母心而士民戴之特豎祠以祀丐宗伯
朱蘭嶠文其石以志不朽蓋其甘棠之愛與前令徐
東山並亦晉而並祀其主於名宦云

毛應銓

毛應銓號念軒平湖人也少時動循規矩一切言笑

不妄發人已知其不可犯早喪父事母至孝朝夕承
顏偶見母不快意即廢寢食務得其歡後已事母如
事父為諸生時凡館教所入悉以與兄分毫不忍自
私登萬曆甲午鄉榜足不履公庭口不問家業惟苦
志下帷手不釋卷斤斤砥礪名節求無忝聖賢丁母
艱廬墓三年哀毀骨立屢上公車不第勉就升斗司
教安吉與諸生講學論道不專事口吻率以身先三
年而士習丕變主銓者高其行擢之國學尋晉儀部
司廳每事必期不愧屋漏一毫不敢輕借同事者亦
多傾心推重丙辰之春正值報滿具疏懇移贈尊人

本朝分省人物考

卷四十五

三十八

浙江四

而公卒矣鄉邦聞之無不涕下者公孝友天生每為
人所難孝廉二十餘年居官幾十載田不滿頃居無
一椽至老猶與兄同居不忍分祈其生平他行多類
此安吉士子去後思慕不置于沒之年即舉祀名宦
斯亦公論之未嘗泯也銓之銓世廣登嘉靖甲辰進
士歷官湖廣憲副素以清節著公真可為善守家法
者

沈道原

沈道原號淮槎嘉善人父科任苑馬卿道原依然寒
素不作貴介氣苦志積學早有文譽萬曆甲午登鄉

薦乙未成進士授樂安令以病掛冠歸而樂安士民挽留甚切甲辰司教松江砥礪益力一切贊儀悉行謝絕陞國學尋轉工部主事值工費浩煩諸所不經悉為汰去國用籍之稍疏轉兵部職方隨改吏部淡泊自如門無私謁隨文選員外郎請告歸居官二十餘年且身躋要路父所遺田房反去其半亦足徵其清操矣夙有文名而尤長於四六其遺稿膾炙人口津津不置云

賀燦然

賀燦然號道星平湖人為諸生時專精博古諸子百

本朝分省人物考

卷四十五

三十九

浙江四

家悉窮微挾輿不沾沾涉獵為工萬曆甲午鄉薦乙未登進士授行人出使應對周旋合節擢吏部主事屹然自持秉公執法不可干以私歸踰年起驗封司負外赴京未數日會內計竣事奉 旨獨留一二言官義憤于中不避斧鉞上章極諫語侵柄臣辭甚剴切 神宗覽奏震怒之甚旋革職為民與劉元珍龐時雍同日出都一時仰 直節里居凡地方利弊即與申明大為鄉邦倚重未幾而卒惜其未竟所施云

陸典

陸典號仰峰崇德人自幼孝友篤寔不襲浮華慨然

思自拔於流俗時江右李公見羅力扶正學建主盟於武林典方為諸生遂北面受學日究濂洛關閩之傳直以斯道為己任萬曆丁酉領鄉薦辛丑登進士授江西贛縣知縣尋調豐城所至勞心撫字不炫赫赫之名一以誠心廉節為主每政暇則與青衿講明性學孜孜不休竟以此觸上官怒改山東定陶知縣繼陞刑部主事歷員外郎郎中恤刑畿輔多所平反有司循故事以路驢相遺典槩却不受陞廣東潮州知府潮故韓昌黎所蒞也典至郡政聲蔚起士民戴之以為昌黎復生尋轉本省惠潮副使全粵共仰真儒寔效未幾引疾歸歸數月而卒典動循聖賢矩矱持已接人不失尺寸宦遊二十餘年囊橐無所積田宅無所增其闡明格物歸仁之論多前賢所未發每歌箇箇人心有仲尼自將心地苦遮迷之句輒以為洙泗不遠言法言服法服後生爭咲為迂而典不之顧也未究其用惜哉

魏廷相

魏廷相號卿雲嘉善人秉性磊落坦衷直率胸次不設城府平生與人交始終一轍初見不作寒溫語久要絕無炎涼態恂恂和厚人樂與友萬曆庚子登賢

本朝分省人物考

卷四十五

四十

浙江四

書如諸生時處之淡然閉戶靜習絕不問外事甲辰登第授河南汝陽令之任先問民疾苦地方積弊為之肅清處已以約臨民以寬其于吏胥又毫不假顏色中州之民僉謂龔黃復生丁艱歸百姓如失怙恃服闋補棗強年餘政績懋著士民翕然愛戴撫按以卓異報行取入都諸急功名者營求臺省走權門如市而相處之獨靜不以得失介介秉銓者採公論擢四川道御史候 命時仍疑厚安詳不立崖岸無分黨人人稱為中流砥柱丙辰初夏卒于燕即壽不稱德未竟其施人共惜之

本朝分省人物考

卷四十五

四十一

浙江四

崔 永

崔永海鹽人七歲喪父母韓氏從繼父謫海南後永徒步至瓊州求母時繼父已沒有司以配屬不許歸永復號泣請於朝許之舟行遇風永入水負母因感病卒江西布政司以聞為之祭葬仍給驛舟歸其母永往返數四廣海間人以崔孝子稱之

檀 郁

檀郁桐鄉人家貧少孤母汪氏孀居不二有古節婦風郁事之極孝晨昏定省愉色婉容言動兢兢恒恐辱及其親凡汪氏飲食衣服悉躬致之無難色江氏

疾郁晝夜扶持湯餌不解帶夜則稽顙北辰求以身代歲丙辰母卒哀毀踰禮葬縣治西北二里許山多石不可以穴郁徬徨悲泣焚香叩神曰郁不孝使吾母葬無處所罪莫大焉神其牖之越四夕鄉人胡伯恭夢一人偉衣冠告之曰檀孝子有穴湧泉可丈餘耳既覺走語郁詢堪輿家無所謂湧泉穴者暨土程伊聞之曰吾暨家有湧泉穴在足心意者山之麓乎因求之果得土僅容棺母遂得葬郁廬其側哀慕常如初喪蓬首垢面三易寒暑山素無泉每食必下山取水往迓甚艱後忽有泉自石罅湧出流於坎色瑩

本朝分省人物考

卷四十五

四十二

浙江四

而味甘郁資之得免下汲至終喪而泉隨竭始郁之居廬也人念其貧且難其事或止之或議之及孝感致異始翕然稱賢周其不及郁受之免死而已餘分隣里之貧者邑令柳陽李公請于直指使奏聞正統丁卯詔旌其門復其身方生曰孝子既受旌典作家訓七十章其論子職二十有五餘皆修身正家事施於有政非耶且諄諄以勿負朝廷為始於親終於君也今距正統百三十有餘年吾登其堂其曾玄出孝子手澤及當時名賢詠歌卷玄纁重襲孝子庶不死哉孝子有祠里門有表山有廬墓亭猶巋然眉睫間

塗人語遺事津津然爲人子篤一念夫何求哉而何至神於天泉於地譽於鄉貺錫於朝聲名垂奕奕不斬也吁是可風矣

周玄真

周玄真字玄初世居嘉禾父歿獨隨母居忽有龐眉翁類道人劍客者過之愛玄初精神溢目不類塵中人制道家冠服被之玄初果喜又一年會上真道院施如意囊囊貯諸物集四方人使探鉤取之玄初欣然仰天祝曰我誠探得第一卽離俗無疑已而果然乃走嘉禾紫虛觀得効召鬼神之術開元寺沙彌爲

本朝分省人物考

卷四十五

四十三

浙江四

狐所媚羸瘁垂死玄初噓氣禁呪之狐卽躍出衆殺狐其疾輒愈范庭芳之子曰孟奎庭芳鍾愛如重璧蛇鬼侵之沈痼不能脫玄初飛符往効蛇鬼遂絕玄初不以爲已足尋受靈寶大法於曹桂孫會吳越被兵游魂出爲厲玄初建壇陳醮祠白鶴五十回翔壇上久而後去及浮河焚燈二燈飛起高懸柳枝人驚以爲神功萬夫長沈實母歿痛念之弗置聘玄初修祠事實因問曰聞君能召鶴有諸玄初曰然遂書符要之素羽翩翩自空而來凡四十又二若果屬其指呼者實喜復問曰君能致吾母魂魄乎曰可卽剪紙

爲旌令童子執之玄初左右顧眎作叱嘯聲旌重壓地毋降於童音聲威儀如平生實與家人環之以泣初嘗川有神師曰莫洞乙呼雲役雷狎羲如兒戲晚授其徒王繼華繼華授張善淵善淵授徒宗浩宗浩欲授八無辨意者見玄初因以其秘示之自時厥後雨暘有弗若郡二千石縣大夫俱致書稱弟子請玄初崇之屢有奇應其尤異者洪武戊申京師旱太師李韓公方秉鈞軸亟命左司郎中劉允中迎玄初致函是月庚寅設雷壇於治城山研朱書鐵符投楊子江中波濤遽興玄初夜坐斗下存神窈冥竟光燁

本朝分省人物考

卷四十五

四十四

浙江四

燁遶身達旦辛卯玄初握劍上壇召風師霆伯誓之俄陰雲蔽空大風拔木雨降如翻盆韓公曰此法師雨也四民觀者僉曰此法師雨也玄初曰未也明日辰時再降雨乃足爾至期復果然有黑龍蜿蜒見西方迨午始霽韓公以幣贈玄初弗受竟拂袖東歸朝紳嘉之以文辭道其功者不可悉數明年庚戌上欲問鬼神情狀於道家者流嗣天師張真人與玄初皆被 召賜燕於光祿寺禮遣其還又明年辛亥秋九月巳卯 上召玄初至京見於武樓從容賜坐訪雷霆所以神之故玄初對曰天地之間無踰陰陽者

因其運轉故有神神與人合者也雷非人無以知雷之天人非雷無以知人之天天人相孚本同一理爾上悅壬子春三月不雨中書右丞相汪公命玄初致禱仍於冶城山建壇其應如初玄初爲人多內功兼好澤物葺門石橋廢費將巨萬計玄初譚笑成之初主丹霞道院嘗一新其祠廟繼住持常熟致道觀觀丹井蕪沒且久玄初求得之重甃以甃作亭覆其上玄初嘗構來鶴軒於丹霞密林間披鶴氅衣執黃庭經一卷焚香默坐人競稱之爲鶴林高士云

補遺

本朝分省人物考

卷四十五

四十五

浙江四

殷原善

殷原善嘉興人家貧與兄近仁讀書養親孝友無間洪武初近仁舉孝廉知平遙縣獻所著蒞政戒銘二十四篇擢廣西叅政與妻皆卒官所遺三男一女咸幼原善遂不娶撫諸孤如已出

朱侃

朱侃字志剛海鹽人永樂中由國子生授監察御史官至通政司左通政嘗巡撫廣西兩督漕運政績茂著 宣廟屬意柄用未幾卒

常士昌

浙江常

常士昌海鹽人洪武中以賢良辟爲雷州守永樂自持有古循吏風娶文登隋氏舉三子卒於官隋氏攜孤歸里中伯子縉生麟成化辛丑進士選兵部職方司主事轉郎中時虜寇火節內侵畿甸震恐大司馬馬公獨倚爲重凡條議奏疏皆出麟手己未叅知河南時有党雄之亂公次第削平不煩朝廷一旅陞福建方伯入覲時以不飽逆瑾逮繫錦衣衛獄旋釋晉陞應天府尹轉禮部右侍郎龍任壽州知州亦有賢聲

劉侃

本朝分省人物考

卷四十五

四十六

浙江四

劉侃字克剛嘉善人景泰初領鄉薦選知涇州政尚寬簡朔方歲事征討涇當要衝大將提兵必道涇侃措置有方雖供億百出民間不擾都御史馬公文升嘉其績與御史劉廷高交章論薦擢守延平地僻民淳侃理之綽有餘閑時與寮察賓客游詠廣酬有府倅恃才凌轢侃置弗較後倅沒撫恤其家時稱長者侃素廉約言及貪者輒報顏面赴官皆齎產以行及歸囊篋蕭然受徒自給足不入城帝號樂聞公侃工楷書詩文亦清麗卒年七十

施奇

施奇字廷偉嘉善人少好學寒暑不輟登景泰甲戌進士授工部主事奉使山後諸鎮閱兵若邊將饋遺悉却之尋復清匠江西至建德鄉人有官縣幕者以白金餽奇駭曰是安得此若執汝則賣廉矣亟去鄉人慙而退成化初擢知太平府丁外艱去服闋改知萊州府卒奇爲人挺挺有風操尤精吏事楊公繼宗爲郡守每造其廬蔬食對談盡日廼去

劉泰

劉泰字世亨海鹽人景泰辛未進士性耿介不屈于物讀書窮日夜不怠詩文尤清絕釋褐簡爲庶吉士

本朝分省人物考

卷四十五

四十七

浙江四

拜御史嘗案遼東及南畿諸郡風裁凜凜疏劾內閣江淵遂移其官天順初復與楊瑄極論石亨擅權下詔獄幾不免易箠詩有云清白肯爲兒女計政狂曾爲國家憂擲筆而逝

許盛

許盛字昌世平湖人由天順八年進士歷陞雲南副使剛直廉介所至有冰蘖聲致政歸囊橐蕭然恒產無增于舊卽世未幾子孫有不能自存者人皆稱爲清白吏今列鄉賢祠

沈

祭

沈祭字元節平湖人天順八年由進士授工部主事與侍郎同監龍江商稅力祛時弊有廉能聲知廣東潮州府嚴通番之禁公私鹽之稅未幾居喪服除調延平所至不畏強禦歷延平臨江皆有清譽莊定山謂十年清沈美南京今日臨江沈更清蓋確論也尋陞貴州叅政糧運軍餉裁制有法乃上疏乞養祭既貴起居服食一如寒素孝友天成居喪歲月雖久哀悲如一爲詩文冲澹純雅有熙貞集藏于家

梅江

梅江宣城梅聖俞之後從宋南渡居嘉興江年十四

本朝分省人物考

卷四十五

四十八

浙江四

補郡庠成化己丑進士始授廬江令興利剔蠹政聲籍甚士民尸祝之擢南道御史時儲位未定言者難之江首疏力請上嘉納賜織金豸服已奉命清戎兩廣寬恤部伍招撫流移遷四川僉事決疑獄凡數十事蜀人以梅鏡稱之

任泰

任泰字亨伯嘉善人苦學勵行常大書敬字於壁中夜起坐對期不愧屋漏成化乙未第進士授上饒令有名士婁諒屈體事之爲政知大體增置學舍親爲講授立法清田以杜爭訟旱則教民盡力陂塘使得

灌溉作浮梁增社倉有古循吏風滿六載召入卒於京

陸遠

陸遠字德毅秀水人成化乙未進士知海州清修鯁介聽斷明允一日行部有旋風三匝馬首遠疑有冤令吏卒邏察之有一人死樹下折擔尺許貫其喉乃土人房勒殺買牛商移尸于此密擒之一訊而服又過大伊鎮有小犢鳴號於前使人隨犢所之盜牛者方殺犢母捕之於是訟清盜息州稱神明擢廣東按察僉事兄廣撫州知府

本朝分省人物考

卷四十五

四十九

浙江四

馮俊 附孫伯禎伯禮

馮俊字世英平湖人舉成化癸卯順天鄉試教諭垣曲邑僻萬山中人鮮知學俊集諸生號舍字習句解指授經義日程旬校夜分稽省捐俸飲食其貧者更率以躬行諸生激勵文皓趙載輩始以科甲功名著移教館陶已令遂平皓憲副河南執師生凜凜遇流賊難與許忠節遠相約死封疆率民兵力禦賊平敘用乞歸絕跡公庭人罕見其面垣曲以有開創人文功特祠之又祀學官館陶遂平平湖皆祀焉子汝淵孫敏功敏劾別傳曾孫伯禎母病割股伯禮遵父遺

命却准贖四百金嘗為友完婚兩人皆能文蚤世卒不究其用者

鄭履淳

鄭履淳字叔初端簡公曉子海鹽人嘉靖壬戌進士授刑部主事轉尚寶司丞隆慶中上疏指乘輿刺城社廷杖繫獄釋為民萬曆改元起原官遷光祿少卿卒

項篤壽

項篤壽字子長秀水人嘉靖壬戌進士授刑部主事改南歷考功郎中主京察周給事姚御史以敢言忤

本朝分省人物考

卷四十五

五十

浙江四

柄臣屬意下考篤壽堅持不為動已掌職方正延綏入衛限宜大市額寢虜乞茶請赦妖黨考軍政議驛傳及薊遼邊功持論甚正而多與當事忤出為廣東叅議不赴任篤壽為鄭端簡壻受其學博綜通達不究其用而卒

鄒國儒

鄒國儒字醇甫浙江嘉興府嘉興縣人嘉靖乙丑進士授刑部主事改南吏部進郎中給假送母終養丁憂服闋不赴部為人愿恪折節下人不談人短亦不作齟齬態其於仕進澹如也自諸生傳教邑中師道

嶽嶽歸田弟子日進讀書譚道外無餘事有鄒夫子之稱

沈思孝

沈思孝字純甫嘉興人嘉靖戊辰進士初令番禺制臺特軍功威望又有內援橫斂民不堪命思孝輒抗裁之相左苛伺縣為難思孝益自刻厲秋毫無滌制臺移鎮端州避焉徵入選台省制臺潛入授刑部主事會首輔張居正父喪徵旨奪情疏列其非廷杖八十戍神電戊凡七年居正死召起故官歷尚寶丞光祿少卿順天府尹時營壽宮大峪少卿李植江東

本朝分省人物考

卷四十五

五十一

浙江四

之羊可立疏非吉壤闔朝諸司皆疏保其吉思孝曰臣不習形家吉凶皆非所知竟不以保山陵忤時借鄉闈冒籍事調南太僕卿未幾海忠介瑞為御史房寰所叅思孝極言梟鳳殊音有詔切責乞歸起南太常卿右僉都御史撫陝西奏減裁運時劉嘯變作戎師屢挫以捷聞思孝曰安忍欺君不與報疏調河南乞歸再起大理卿晉工侍以右都御史兵侍理戎政奏駁行伍奏東封欺誤奏冠皇長子而以察典正言與銓部忤左袒太宰者指摘焉思孝請休疏凡二十上得許馳驛歸不復出杜門却掃即撫按造謁

送不及闕以典籍自娛凡十六年而卒所著詩文若干卷

黃洪憲

附承玄

黃洪憲字懋忠嘉興人舉隆慶丁卯浙省第一辛未禮部試第二選翰林院庶吉士授編修滿九年考陞侍讀尋陞右春坊右庶子兼侍讀間歲陞詹事府少詹事兼侍讀學士予告歸卒如例賜祭葬憲十五業大就學使畢松坡公大異之拔第一曰是必以經術冠天下士者時嘉靖李文運衰靡慨然有起衰濟溺之志會隆慶新元詔釐文體遂冠賢書丁丑春闈江

本朝分省人物考

卷四十五

五十二

浙江四

陵欲令充同考憲故其所取士也以兄侍御與試辭江陵頗志會憂歸乃解使朝鮮願視其國介倭虜間武備弛策其將及乃備咨國都山川形勢成輶軒錄後十年果有釜山之警癸未同校禮闈乙酉以京朝官典闈試戊子典順天試所拔多名士改程擬程上參弘正充經筵講官進講臺臺文王章首舉視朝御講而於本支嫡庶之說開譬尤詳上為動容會江陵歿時諾言者坐以逆詔籍其家憲謂江陵誠驚抑數年輔幼主功不可泯汲且歎曰盡現鄒浩書反覆包荒馮河之吉與時論忤而於時解首為太倉公子衡

言者以為... 導捕試牘不中程者七人詔覆試無狀
 誦言者遂不自安引疾決歸歸十餘年顏其堂曰碩
 寬以志不通長安書不為人關說不治家人業獨撰
 著甚富凡十種行於世憲尤憐才多鑒識一經許可
 百計培持師友子姓無不奮以成名論者謂不減任
 彥升之儔子二承玄承吳俱進士承玄字履常萬曆
 丙戌榜以水部郎使張秋再徙徐淮又晉山東行省
 濟上皆治河胼胝薰肝人頗不堪縣叅知擢廉憲尋
 以中州右轄陝右轄晉南大京兆南於玄宦游最近
 對績尤著先是官京兆者傳舍視之謂循資養重便
 本朝分書人物考 卷四十五 五十三 浙江四

可且暮九列玄獨新解字剔胥吏創謁陵所飭郡學
 舍有筮仕長吏飽鮮醉醲囊帛置金笑與秩終不能
 幾萬分一者會私錢踊起官為設法鉤取而酌鑄公
 錢行之市不譁而泉貨流乙卯科試集生儒於棘闈
 試而簡邑令之才者差次而手自決之人服其公秋
 當提調獨數百金以佐公需之不給下至一燭一果
 靡不精好諸士稱闈中未有而役不擾民至今頗仍
 之居無何膺撫闈之命士若民攀轅惜去幾滿江干
 轍未入闈而生祠歸然矣官跡所到大都不敷敷市
 廉而身無... 漆不祭祭祫斷而衷無蒙翳本貴公子

少年美官... 其中亦有以自下至若酬應間大者批
 尋細者綜筴急者當機寬者耐劇米鹽竹木都自了
 了而一併之於急公撫闈時墨線菱舍勵將士備禦
 維謹致東河之捷以歸歸甫服闋以少司空推而忽
 捐館舍年才五十七耳識者惜之然玄業則利濟性
 則恬曠為世用不為世困庶蘇文忠所云活七十年
 是百四十者邪計聞賜祭葬廕子

馮夢禎
 馮夢禎字開之秀水人萬曆丁丑會試第一為文一
 洗時筌獨追作者文運為之一變選庶吉士謝病補
 本朝分書人物考 卷四十五 五十四 浙江四

編修癸未會試房考所得多名士夢禎落落世外少
 仕態中京察脫然有遺世想多與野衲窈人嘯傲湖
 山久之起廣德州判歷南行人司副南尚寶丞南司
 業右諭德掌南院南祭酒教勅諸生甚嚴而有恩義
 會部郎市撻成均生夢禎疏論罰之諸曹仄目他郎
 撫誣夢禎而夢禎在南翰嘗作鄉錄擬程膾炙人口
 真程奪氣多為地遂予休沐成均生生祠之歸則益
 與野衲窈人嘻嘻為從游指點舉業忘倦矣不及召
 用而卒所著快雪堂集若干卷

朱廷

朱廷益字汝虞嘉善人六合教諭建侯之子登萬曆
丁丑進士初令漳浦冰蘖自持剖事如流歲比不登
捐俸賑民戶垣列為矯激降判連州未及任轉令嘉
定又遇飢僅力為賑恤全活數萬境內高仰多植木
棉鮮禾稻艱於漕糧具呈改折疏聞著為令尋擢南
禮曹隨改天曹右宰海瑞服公勁節每事必就正焉
已丑督學江西號稱得人晉光祿少卿尋改大理丞
癸巳丁外艱歸哀毀骨立服闋補通政司叅議咨訪
故實勒成司志目擊礦稅橫行具疏極陳利害不報
庚子秋以積勞成疾卒於官囊中僅俸資數緡寮友

本朝分省人物考

卷四十五

浙江四

馮金歛之生平以名節為重以程朱為宗居官二十
年僅有祖遺田百畝借棲別室性好賢引薦不遺餘
力不令人知著有清白堂稿

胡士奇

胡士奇字重之平湖人舉萬曆丙子鄉試家貧甚僦
舍一楹絕口居間書壁自誓終身不食其言而春風
藹然署進賢教諭擢國子博士兵部司務賢聲藉甚
會 上有所怒職方郎以首輔子故移謫司務出為
仙游訓導攜一蒼頭抵任居歲餘卒遺囊僅圖書數
卷

戈用表

戈用表號晴寰平湖人中萬曆癸酉鄉試已丑成進
士以後場高古博洽大為本房李廷機所稱賞授涑
水令邑素衝疲正值稅監四出又水旱為災用表悉
心撫字復里甲省徭役疏通鹽商訊什無辜誦聲籍
籍載道時採石開礦之令急如星火慨然為民請命
奄寺加以弗堪毅然不少假借即上官怒形于辭色
亦不顧在任八年量移南比部主政公論大為不平
轉正郎白雲念切即請告歸未踰年丁艱服闋之後
廷推者再而卒不赴里居惟閉戶習靜力求解脫俗
障絕不與聞外事著有晴寰文集行于世邑中前輩
則有馬湖守俞公南金同時則有廣東憲副馬公千
乘居官能自砥礪于鄉邦均稱醇德云

本朝分省人物考

卷四十五

浙江四

包鴻逵

附陳萬言

包鴻逵字儀甫秀水人學憲程芳孫泗守世杰子舉
萬曆己酉順天鄉試第一登庚戌進士第授湘潭令
時湘積敝選人多避焉鴻逵至則歲饑節省冗費悉
力賑濟稍有羨即以代民正賦條議官允馬政貼差
為邑承賴而置運艘置倉率用羨金毫不涉民每以
真實廉慈為民民自心悅勸成邑志推擇台省暫擬

兵部以待不及考選而卒鴻達事親婉曲得其意理學經濟詩文內典無所不究以是困斃始世杰婿陳萬言與鴻達共學萬言志在詞林鴻達欲為令澤民後兩人皆領解登甲有文名萬言選庶吉士將授檢討而卒人皆惜之

馬德澧

馬德澧號澹真平湖人中萬曆甲午鄉試丁未成進士具疏改教選寧國府授士子懷贄以見者面發赤身若無所容貧士時捐俸賙之月為再會飲饌必精腆隨刻其文之佳者以示獎掖士莫不願就其型治

本朝分省人物考

卷四十五

五十七

浙江四

為二年轉國博歷刑部主事員外郎中時張差事起

議論籍籍 神祖特御慈寧宮宣召羣臣面諭御史

劉光復以陞呼犯 上震怒詔下獄發刑部究擬德

澧據律以請 上謂曲庇光復命降級調外羈畱京

邸者四年屢推不補歸卒于途今 上登極恤贈太

常少卿德澧入籍後思矯矯自見一切餽遺槩多峻

詎而性又好施予卒之日囊橐索然幾無以為歛云



人物考卷之四十七目錄

浙江湖州府

嚴震直

聞良輔

凌賢

潘長壽

張羽

陳援

王升

張翼

楊復

柴震

凌安然

陸矩

閔珪

張廉

陳恪

蔣瑤

本朝分省人物考 卷四十七目錄

施儒

陸崑

華商臣

唐樞

臧應奎

閔如霖

駱文盛

沈應龍

施峻

陳良謨

唐海

吳維嶽

茅坤

吳一儒

徐中行

潘季馴

沈子木

許子遠

沈節甫

茅國縉



陸澄

凌震

張永明

李樂

本朝分省人物考

卷四十六目錄

二

浙江五

本朝分省人物考卷之四十六

浙江湖州府

嚴震直

嚴震直字子敏浙江湖州府烏程人器宏識邁魁岸卓異自洪武四年辛亥東南郡縣歲入田賦齊民戶輸舉以萬石為額輸一家長主之限以時月轉輸京師齊民罹刑辟者相踵郡守縣令亦坐是往往獲罪乃議舉名家篤實長者專掌其事郡縣推擇得震直精勵持已和易集事躬行幾二十年罔有纖芥可指太祖高皇帝素聞其名 召至京師將授以官丁

本朝分省人物考

卷四十六

一

浙江五

內艱請終喪服闋來 朝即擢布政司叅議不任之於外留中署通政司事奏對詳明四方文牘遞遣無稽留寬抑之赴愬者上 請旁達咸無滯情改授戶部江西司郎中二十四年賜新第於崇禮街又復其家尋陞工部右侍郎奏 旨造柳葉甲鎖子頭盔六千副以給 皇城守禦軍士轉拜本部尚書時 朝廷營建方殷乃稽古驗今綜理縝密而嘗有不備之慮調民夫六十餘萬開鑿臙脂山河道移置五軍都督府六部諸工守俱不敢自專用事必入奏以行繼而有 旨盡集天下諸工技世藝之家役於 京師

至者凡三十二萬二千八十九戶 上請戶役一人使勞逸適均又務照諸司役作繁簡更定班次率三年或二年輪當班次人書籍貫本業名氏各持片楮趣赴於京往來便之無何部事有忤 旨之責即身任之不以及僚屬又 命震直行文書教天下多栽桑棗降 旨授北平道監察御史而蘇州府係焉益釐正百度平反冤滯不剛不茹和平得人常州府民嚴興年八十餘其子有罪繫刑獄物故來愬寃辭連二十餘人乃曉以患讐相反覆訟終函之理其人感動拜謝吐實又憫其年老不及其誣愬之罪送大理

本朝分省人物考

卷四十六

二

浙江五
高尚武

寺審原之北平民閭成郭思成陳告盜糧繫累百餘人袁關壽以犯禁事皆議斬首遷家罪按察司具成案來直力辦其誣皆得免凡諸赴逮者剖決無稽留惟恐獄之不虚也二十八年秋八月廣西龍州趙宗壽襲其叔知州秩不俟 朝命自雄長其地龍州與安南密邇潛懷異謀 朝廷患之用羣臣議但興師問罪龍州遣使往諭安南以觀其嚮時左右皆畏入安南無不股慄者震直挺然奉 命撫諭入其王城宣布 恩信俾母相驚猜母匿遁逃開示利害甚悉衆莫敢難國王陪臣皆俯伏聽命將還朝王囊黃金

白銀無慮數百兩文幣名香稱是悉却不顧既還道驛騎被擬劄都督不禁家奴為橫皆劾奏之廣東西鹽運為官民病上奏減其半二十九年丙子春二月奉 命復至廣西於是立法接運以通行鹽州郡商民至今便之其河渠之不利舟行者併屬焉桂林興安靈渠屯久圯歷朝興修不底於成比至召縣屬審地勢鳩工用計浚源疏流因其故道延袤五十餘里導南北二江南江曰漓自蒼梧入於海北江曰湘由洞庭轉長江達於京師築堤岸治陡閘以陡名者三十有六脩石渠以便行者通石函以利灌溉傍通

本朝分省人物考

卷四十六

三

浙江五
張忠

靈川千秋峽鐘象鼻石峰焚鑿江灘礙舟之石自是往來無虞工不重舉役不苟作歸奏 太祖喜甚謂戶曹盧侍郎廻等曰廣西塘隄昔久不成今考嚴成此巨功朕授任得人矣居廣且幾年每督有司均循定賦整風振俗貪婪者咸為斂跡而錄囚尤稱不濫靖江王府營建久役民煩苦全州不赴工靈渠者五百人悉奏免追逮後里中惡少年因震直久外無所懼與其父皆冒法父在吏子逮未獲將誣人脫已辭連震直長子宗仁及婿莫瀾刑曹推理事未白長子瘦死 太祖為罪治獄官特誅惡少年父子而釋

塔三十年丁丑夏四月還自廣西陞都察院右都御史嘗謂天下之蹈法者猝不可止而獄庭乃民之死地也風紀之原刑法之重尤盡其心臨事獲昭雪者居多兩淮民買食益先輸米於官而益久不及民米過期不納逋額積至屢年御史分理鹽課唯問來期乃責官吏曠徵之罪赴逮京師者數百人上奏其故皆釋之石灰山關卒二十餘人誣服劫盜罪當誅震直以推讞非實亦皆奏免是年楊靖同任都察院

太祖以前御史屢更而尤委任之忠言讜論多所聽從每謂其南人北貌厚福未艾顧語左右屢與嘉歎

本朝分省人物考

卷四十六

四

浙江五
張忠

亦嘗召其三子宗禮等見見後數稱爲佳兒云秋七月以御史李斌賊事覺問罪不及其全家 太祖怒治故出官吏罪初不及震直以身居憲端乃委罪所屬再三叩頭請乃降官監察御史八月復拜工部尚書以舊貫臨政益加敬慎淹滯不舉者指顧間無不畢集冬十一月重建成均學宮躬覽工緒改造大成殿及門廡閱三月落成凡前後任部職治劇剽煩引繩持衡允迪規制而蒞事精覈智巧詳審每念起自昨庶遭遇之過未嘗不以盛滿爲懼爰自拜官以至超轉屢任廩祿終控辭升斗無所取雖累立巨功被

詔永燭丁役猶願謂子孫當竭力以從王事自爲

御史卽不居 賜第遷家隘巷賜第且改主曾未三

月火焉後適一日還廣西旣擢都御史有 命卽故

地改創俾居之又以大功旣成身當退累疏乞致仕

隱居湖之西塞山中壬午夏 文廟入正大統被召

入見 命往山西宣布朕意馳驛至澤州遘疾卒於

公館

聞良輔

聞良輔德清人才行超卓洪武中爲監察御史累遷

大理少卿出使暹羅國官至廣東按察使

本朝分省人物考

卷四十六

五

浙江五
劉光

凌賢

凌賢歸安人洪武戊辰浙江鄉試中式任武岡州知

州考最陞應天府治中居官剛正不阿無何改知鄭

尋又謫均有隆平侯者自荆還薦之曰可當大任

宣宗皇帝作招隱歌以徵之入見命補司馬又命掌

都察院事並辭 上嘆曰汝欲學疏廣耶朕遂汝高

志御書賜老堂三字褒而遺之

潘長壽

潘長壽長興人恬靜好學洪武中由人材舉任右僉

都御史歷南雄潯州知府以廉謹稱

張羽

張羽烏程人讀書一覽不忘為詩文俊逸典雅洪武初舉明經為郡學訓導與高啓楊基徐賁齊名歷官翰林待制太常寺丞

陳援

陳援烏程人性廉介博學能文洪武間由長興學訓導遷刑科給事中累官大理寺丞獄多所平反嘗陳治平十疏子實翰林編修

王升

王升德清人洪武初坐事繫刑部獄時升子璵為平

本朝分省人物考

卷四十六

六

浙江五

涼知縣升寄璵書戒以居官廉潔撫民仁慈報國忠

勤處已謙敬買附子川椒經稅而後寄來獄吏搜得書以聞 朝廷嘉嘆下詔褒美賚白金百兩絹十匹附子五千枚椒五斤免其所坐復其家

張翼

張翼歸安人永樂初第進士歷任福建雲南僉事所至不失憲度累官至河南左叅政

楊復

楊復長興人刻苦問學為詩文尚奇古日抄唐韻數過得字義之精永樂初浙江鄉試第一登進士拜監

察御史累遷大理寺少卿決獄判案人服其公明

柴震

柴震烏程人永樂間由給事中累選大理寺少卿廉介有為綽著能聲

凌安然

凌安然字晏如歸安縣人自少力學尤工書其楷書學晉小篆則師秦李斯早有盛名永樂中以楷書薦入侍書授中書舍人時 成祖銳意文藝安然優游館閣益自勵務欲稱 上意 仁宗在東宮雅知之

常令繕書以進令藏於秘府永樂十五年擢并吏科

本朝分省人物考

卷四十六

七

浙江五

給事中以恭慎舉其職日侍 上左右有所顧問敷

奏詳明同輩皆推服焉 仁宗即位陞吏科都給事中益恣懋不懈人未見其過舉 宣德三年陞右僉都御史大正庶官以修百度是時持憲者多以賄聞

安然感 上知過確然自守不為眾所惑思欲稍拯其弊事不可即懇懇為其長言之多見聽從以內艱去甫去而其長及凡附託者皆得罪矣五年服闋仍

為右僉都御史 上命安然與翰林侍讀苗衷清理武職賫黃同力一心罔有漏失有顏鎮撫既卒當一人繼乃復以一人員官三十餘年無覺者安然閱其

實奏罷一人又著令凡文武有靖難功而無子者不忍遽絕其祿或以婿或義兒一人繼不得更冒有張指揮者身既以義兒繼矣又欲冒及其子因有所謂發託疏辭以疾豫以子代亦十餘年矣亦奏請罷之其臨事周悉不苟皆此類宣德九年卒於官壽五十

陸 矩

陸矩字仲輿浙江歸安縣人父斌任刑部郎中坐事謫戍河間矩因居阜城登宣德癸丑進士授刑部四川司主事正統中陞本司郎中時有錦衣衛官校廉

本朝分省人物考

卷四十六

八

浙江五

得歐榮者為魘魅連坐十數人罪當死矩獨察其冤直之大理寺劾矩議不當當落職御史陳克昌論列其事詔羣臣覆按之卒如矩議乃得復職未幾以母喪去服闋改廣東司奉命從刑部尚書金濂征福建至則與副將保定伯梁瑤駐陳山擒賊首鄧伯孫以功陞右僉都御史命鎮守真定等府又以父喪去其民奏乞留之 帝命奔喪還往視事及還乃改命叅贊延綏軍務卒於官年四十有八訃聞 帝遣官諭祭仍命有司給舟還喪為治墳塋蓋出特恩云

閔 珪

閔珪字朝瑛浙江湖州府烏程人天順甲申進士選授山東道監察御史屢劾大臣之不法者罷之成化六年擢江西按察司副使丁憂已而起服改廣東進按察使庚嶺介南雄南安間二境爭田不決方會勘時眾忽噉呼為變或勸珪少避珪不動徐為處決令下兩境胥悅散去新會民嘯聚山谷為亂諭以義貸其逋負遂安堵如故二十一年江西南贛盜起擢都察院右僉都御史巡撫江西至則舉廉黜貪勸賑薄賦且疏盜賊之作皆巨室是由欲連坐之仍革豪右橫取之弊京宦由是多不悅會妖人李孜省得幸因

本朝分省人物考

卷四十六

九

浙江五

言珪不勝任左遷廣西按察使弘治初復都御史巡撫畿甸經理儲備修濬城濠元年進刑部右侍郎三年改左四年陞右都御史總督兩廣軍務番禺瀧水間徭徭相繼為亂討平之其討古田也都督馬俊及叅政馬鉉敗死時以致敗引咎自劾時議又欲濟師珪謂罪止首惡乃設重購緝之已而賊果自縛以歸又歸功於下安南使臣奏入貢道憑祥龍州輒為所梗 詔下處分珪曰是亦各有罪焉乃行安南毋得挾私貨行憑祥無得阻貢物二夷爭遂息在兩廣通行塩之地而軍儲以濟立定順長官司而蠻人不為

變八年進南京刑部尚書尋改左都御史掌都察院事加太子少保因近年問刑比例繁滋奉 旨與刑部芟蕪摘要共若干條上之至今遵行十三年遷刑部尚書珪前後在法司屢治大獄皆會切情法加以仁恕樂工袁林以罪死獄中選人以刑部郎中丁哲濫致之死也事連御史陳玉下 廷議時以事出中貴相顧莫敢發獨擬如律及吏徐珪以死辯哲冤并下獄深治又執如初竟俱從末減遼東都指揮張天祥襲殺虜有功大理少卿吳一貫當以重罪會天祥死於獄 孝宗大怒親鞠於廷欲置一貫於大辟珪

本朝分省人物考

卷四十六

十

浙江五

與都御史戴珊進曰一貫推按不實罪當徙 上怒

不解又力諍曰法如是足矣一貫罪止貶官宜撫逮

妖人李道明蔓延百餘人巡撫者欲張大以為功珪

謝罪止道明餘悉縱免正德初逆瑾用事遂請老

詔加少保乘驛以歸辛未卒壽八十有二贈太保謚

莊懿珪少讀書於廂房之東楹偶徙而西忽驟雨震

霆破其楹及出巡徑深山甫及岸而梁陷殆若有神

相之者少則以韓魏公自期其後敷歷中外焯著勲

烈雍容廊廟不見運動而天下陰受其賜者甚多

張 蕪

張蕪字孟介浙江歸安人成化丙戌進士歷刑部主事員外郎中擢江西按察司副使時賊寇廣信永豐銀礦蕪命塞之以絕其望寇遂潰散轉貴州按察使奏誅印江豪酋置縣官及遷左布政使與征都清苗寇有功請增貴州解額自蕪始擢右副都御史巡撫貴州疏言屬府黎平僻遠而互開軍衛牽制兩省宜令湖廣兵備副使聽節制及削鎮遠土官置縣官如印江例皆從之蕪剛方鯁直好面折人過動與物件由是被論劾致仕行之日父老軍夷無慮千數遮留之年七十有六卒於家既卒家無厚產鄉人以此重

本朝分省人物考

卷四十六

十一

浙江五

陳 恪

陳恪字克謹浙江湖州府歸安人成化丁未登進士

授直隸宿松縣知縣弘治丁巳實授陝西道御史抽

分廣積印馬廬鳳等處出按貴州入按順天等府正

德丙寅陞江西按察司副使整飭南贛等處兵備遭

劉瑾罷歸辛未起復貴州按察司副使提督威清十

衛程番五府兵備癸酉以薦陞貴州按察使甲戌冬

陞山東右布政使尋遷左布政使時方朝覲吏部奏

旌天下官恪為首乙亥陞右副都御史巡撫南贛及

閩廣附嶺諸郡十一年丙子擢大理寺卿戊寅
官年僅五十有七性篤實和易而中有確守居官不
矯爲名務盡其職筮住宿松辟荒蕪得田四百九十
三頃召民墾之得粟二千七百餘石餘悉佃於民以
償虛賦卹逃亡返田宅禁侵凌歸籍者五百餘戶清
湖池歸貧民者一百三十所以凶歉不可無儲廩積
三萬二千有奇以旱潦不可無備修塘堰千五百區
其愛民興事類此撫巡相繼論薦旣入內臺察憲度
以慎激揚故巡八桂而遠人安入畿甸而權貴戢其
爲兵備奮武威詰奸宄故賴之長河諸賊聞風而遜
本朝分省人物考 卷四十六 十一 浙江五
而貴州之績尤著若乖西之叛則戡之而渠魁殄盭
倉之亂則綏之而羣醜寧其在江右振大綱清庶務
號稱得體時逆濠肆虐鈐制方百格中有定見不可
搖奪凡議夫價賀禮類多忤其意濠怒甚面叱數四
且繫其吏恪處之裕如入正大理益勵勤以圖報稱
明律例慎允駁人不孚于以私屬仲夏例有 命以
疏獄囚恒晨入以霽遂感寒疾篤言諄諄皆公家事
不及其私素持清白歷官三十年旣沒無所遺僚友
助爲之殯鬻其居治裝以行公餘燕坐輒披誦不休
詠史詩百三十篇以寓風刺其他所爲文尤多率關

倫理若正統論尤雅正可傳

蔣 瑤

蔣瑤浙江歸安人自御史陞揚州知府有惠政民祠
祀之累官工部侍郎尚書西郊工成加太子少保引
年致仕瑤端亮清介貌若恂恂而遇事有不可奪之
節守揚州時 武宗南巡至郡嬖倖江彬索賂不與
舉所賜銅瓜擊之瑤不爲動已 武宗出漁得巨鯉
戲言可值金五百彬請以與守令如數輸值瑤獨脫
其簪珥及數縑以進曰臣府庫無自辦此耳 武宗
咲而釋之時中貴人傳旨徵求百端悉地方之產瑤
奏某物出某處某物萃某所俱非揚州也 武宗詰
曰芴白布亦非揚產乎瑤不得已進芴白布五百疋
其剛毅有執如此歸十餘年至是卒年已九十賜祭
葬如例贈太子太保謚文靖

施 儒

施儒字聘之號西亭歸安人正德戊辰進士時逆瑾
竊權凌轢仕紳號正直者多遭斥逐編戍之禍乃託
疾歸教授吳門瑾誅之明年爲辛未 廷對賜進士
選授監察御史巡山海關西自密雲傳馬蘭營至關
千里而遙地近北虜爲要害屬承平久兵將媮惰而

貂璫怙勢恣意侵牟至則振紀綱料兵食去墨吏部
 內肅然請於朝添設兵備副使一員與叅將共事軍
 民皆得統一 上從之竣得代改巡應天會有都
 城門卒故出入權貴法當遣戍權貴請之不聽反以
 誣奏逮詔獄羅織備至竟無他左驗然卒奪職還里
 嘉靖初復起廣東僉事備兵潮惠間潮惠故藪盜沿
 山峒結巢穴互為聲勢有司多以招撫宿禍儒至會
 劇賊龔梁鳳鍾大總等復相哨聚乃部勒狼目漢達
 官軍密授方略分道直抵賊所旬日間勦平之捷聞
 賜白金文綺明年平新田寇又明年平桃子圍寇遂
 本朝分省人物考 卷四十六 古 浙江五
 請設惠來大捕二縣賊於是無所逃遁潮惠間始不
 從事於金革焉遷按察副使整飭兵備如故有陳給
 事者居鄉橫甚數裁抑之陳以言事得黨於新貴人
 雖罷官竟不次授太常少卿乃誣議以中之遂落職
 歸

陸 崑

陸崑字如玉湖州歸安人姪七月稟受甚弱比長氣
 宇清瑩疆直過人為諸生篤志儒業不間寒暑及父
 母偕亡毀瘠骨立悲感里閭時三弟年並少家亦就
 圯與其配童孺人竭力拮据撫育諸弟咸令就學比

弱冠皆與授室遂偕季嵩鄉會同登授清豐縣知縣
 力行所學効諸政理鸞鳳柔良鸚鵡暴悍各稱其施
 三年考績監司交薦至歷璽書有愷悌臨民清嚴律
 已之褒已而擢南京監察御史適 孝皇下詔求言
 遂條陳十有二事皆關切時政不詭於經多見采納
 正德丁卯間逆瑾恣橫流毒縉紳上疏列其奸狀逮
 下詔獄得釋未幾追理前事復就逮加杖放歸田里
 常商臣

常商臣字希尹號南若長興人以正德庚午舉於鄉
 嘉靖癸未登進士時甘泉湛先生存 朝倡明斯道

本朝分省人物考 卷四十六 五 浙江五

為學者所宗往侍教席毅然有希聖之志甲申授大
 理右評事會言事諸臣多繫 詔獄下大理獻奏商
 臣自念曰國是固非小臣所敢知若評刑則吾職也
 默然苟祿其將謂何於是上疏論救剴切忤 旨謫
 常州靖江丞比至靖江持廉秉公察舉民瘼散白蓮
 之妖黨建久廢之學宮清理徭賦表揚貞烈風蒸蒸
 動他邑丁亥春量移德安府推官應山有鉅姓被誣
 大辟者 便張鯁閔其枉也而寬之撫臺與張有夙
 憾駁 覆訊必欲反中焉商臣據法論報遂其怒弗
 恤也時又有龔友昌者亦被誣久獄一訊得其情竟

從未減郡中稱爲神明己丑冬陞河南按察僉事分
司汝上條章振飭風裁凜然永寧巨寇董氏嘯衆爲
亂地方洶洶率兵討平之捷聞聖書嘉勞伊府莊王
無嗣濟源王入繼以宿忿害殺其妃及其戚屬四人
當事者右之傳從輕比寬久不雪廉得其狀悉論如
法奏上報可其他搜剔吏弊屏斥貪污搏擊豪強平
反冤獄寬恤里甲撫處流民均撥京操與舉社學諸
政皆鑿鑿可紀撫按交章論薦聲聞日奕奕起矣先
是大梁諸郡縣以虛稅丈量冊籍已定而朝貴顧以
增糧爲已累奏議毀之部檄至力持不可且請當違

本朝分省人物考

卷四十六

七

浙江五

制之罪於是冊竟不毀又河南諸宦家類出錢以贖
田土及期不能償則遂占業恒收其入而貧民代輸
租庸率多逃逋下令嚴禁若子母相當者輒勒還之
臨穎有杜黃門者與同邑趙僉事仇殺三人時
方署總憲杜趙皆來謁乃令聞者却弗納而杜之兄
時爲通政參議數致書弗聽立捕治之獲有首豪民
播敖窟羣盜驗實論死詞連鄉宦黃彬彬見以危言
相傾脅怒即折辱之以故諸權貴銜次骨騰蜚謗於
朝乙未春竟以考察論罷時已轉四川左叅議矣會
衆論譁不平科道兩會疏論救而給事中薛宗鑑戚

賢沈謚御史戴銑各上疏申救之一不爲意歸而明
農課子與郡中諸老結觀山之社倡酬爲樂聚羣縱
子姓考德校藝訓迪甚嚴佳時令節輒合燕以敦雍
睦暇則高臥一小樓不下或泛扁舟之別墅觴咏自
適意泊如也

唐 樞

唐樞卽一菴先生湖州府歸安縣人自少有志於理
學嘉靖丙戌會魁筮仕刑部主事以忠勤勿欺自勵
服官半載獄者三必求情罪允當以疏論李福達
事件 旨罷職歸益奮請聖賢之學學以討真心爲

本朝分省人物考

卷四十六

七

浙江五

宗從學者甚衆監司直指及郡縣每式其廬而請益
爲朔一菴書院於郡城門牆益廣許司馬孚遠錢武
選鎮諸公皆出其門所陶鑄材賢不可指計極旣見
地高深而飭躬實踐一言必有著落一介不苟尤留
心經濟之略身歷各省險遠至川廣黔滇以及九邊
躡履茹草以游一生澹泊七十三而易簣匡牀竹籠
而外無長物條然而逝所著有木鍾臺集三百卷續
集一百卷行於世沒之歲浙學憲滕伯輪巡按蕭廩
皆爲文致祭檄祠學宮又卽其講堂爲專祠郡縣春
秋祀之以爲常

戚應奎

戚應奎字賢徵湖州人正德丁丑進士授南兵部車駕司時中官以進貢索多船利私載力為裁抑校卒譁焉叱左右執之乃遁去豪有力者謀造艘之利以糜金害民出身拒而沮之其剛正類此丁內艱起補禮部郎中嘉靖初以爭大禮跪門哀慟賜廷杖而應奎竟死於杖下臨絕其從父太學生志觀往視之索筆書云不當與弟應璧異居書罷而逝一時聞見者莫不痛惜于百身之莫贖云

閔如霖

閔如霖字師望烏程人莊懿從孫嘉靖壬辰進士選庶吉士授編修尋轉諭德奉勅纂修會典繼掌國子監嚴身率物不務苛細六館之士至今德之壬子以禮部侍郎兼學士主教庶吉士尋改吏部掌詹事府丙辰陞南京禮部尚書如霖寬宏大宏博三典文衡一主武舉較閱精審咸稱得人歷官清華應制敏捷心虛神明遇事能斷贈太子少保

駱文盛

駱文盛字贊甫號兩溪浙之武康人也中嘉靖乙未進士選翰林吉士為編修官時年已四十矣一時同

館之士多重其文無何乞病還期滿不赴有移書勸之起者終謝不起溪居惟詩酒自娛而已其用意深遠蓋有托而逃者蔡白石稱其詩冲澹爾雅摘詞整秀出唐孟貞曜之上孫文恪稱其為文簡古多思尤深於詩觀切冲雅似唐人聲調有遺稿十二卷雜談二卷

沈應龍

沈應龍字翔卿烏程人也自幼穎敏嘉靖甲午以春秋舉於鄉乙未登進士授刑部主事時稱不究繼遷郎中奉命湖廣慮囚夜閱獄案日親引訊委曲求

本朝分省人物考卷四十六

左

浙江五

詢冤疑並得減釋繼為四川副使當白草番之亂陷兵失地朝旨切責撫總重臣撫勦之議未定乃極言撫之無益徒損國威不若專意征勦期一大創可保數十年無事卒成擒賊斬級之功及參廣東藩政有事安南不止督餉之勞而留心邊圉期圖緩靖參謀指畫卒誅范子儀等安插莫正中定莫法澳之位迄今有遺烈焉繼而崖萬黎叛方事征勦預議處置久安事宜上言崖萬與瓊相去數百里止一兵備不足以辦昔年黎叛增設參將事定復裁合添設參將於崖州參議於萬州專任責成協力共濟地方賴以寧

靖壬子推右副都御史巡撫山東以其久任東藩屢有成效卽屬以封疆重寄時值濟兗萊青比年大歉講修荒政全活八十餘萬人東土之民設祠以祀又運河淤塞議開新河疏言新河首尾二百餘里高下既懸雖嘗置閘無水可蓄大加開濬豈惟財力不給卒亦無益於運不若次第修築因其勢而利導之隨所轄多少而程其功費力省而功倍卒如其議以行而運道復故河南師尚詔攻陷州縣恐其流而東也卽嚴兵於黃河一帶以待而運謀設計屢以撓之寇卽退避邳泰單縣流賊嘯聚爲害 命將出師一鼓

本朝分省人物考 卷四十六 于 浙江五 高尙武

施峻 峻字平叔歸安人也自幼峯崑遇事敢任祖壘爲豪侵以諸生而力復之比舉於鄉卒業南雍有鄒夢鶴註誤當司以其父總制三邊故置於法後莫敢出峻每痛其莫之反也比乙未成進士授南京刑部廣西司主事遷至郎中曉暢典刑剛毅自持人莫敢撓京兆參軍鄧鶚托城社爲奸官不敢問竟致于法其於鄒夢鶴則復平反之旣不畏強禦又不避嫌如此凡議有不合卽欲投劾去上官第陽聽之而峻已浩然長往平生性愛聲詩每謂詩至唐亦千古之良也

本朝分省人物考 卷四十六 于 浙江五 劉

成擒齊魯得以無虞倭寇告急朝廷加意海防登州故有備倭兵船後旣逃三船亦遞減上言防海必資於船禦寇必資於兵宜復國初舊制 上嘉納之皆如議行而傍海州郡得以休息甲寅轉南京刑部右侍郎會言官論劾罷歸杜門養重偶一日中風而卒年纔五十有六天性孝友居官盡職身佩印勅一行取裁咄嗟而辦卒無失事在山東葺河南書院修胡可泉前政每退食惟繙閱書史宦裝出入惟圖書數卷而已所著有恤刑錄平番議安南議撫黎議山東奏議及詩文集藏於家

六尺而每笑曰吾其不杖於鄉乎生平無他病病而強半為醒耳卒於辛酉夏五月之閏有璉川集行於世

陳良謨

陳良謨字中夫號棟塘湖州人嘉靖壬辰舉進士八年而始得工部主事已改刑部復乞南為祠部遷車駕員外郎為刑部郎再改儀部徘徊郎署者十年而始得參議湖省再遷副臬事滿考參政貴省以道遠多瘴不欲傷親遺慨然致其仕歸僅五十七歲耳家食三之二御史先後尉薦二慮數四而無尺字走燕

本朝各省人物考

卷四十六

五

浙江五

中竟老弗起也初分司淮關蓄洩啓閉以時即尊官巨璫母得越糧艘糧艘畢客船以次魚貫進不為苛峻以待遠邑壩夫來受役者八百人所募倩而猾卒持至十金不止盡革之第徵人二金留郡庫大約人省可八金而三歲獲四千六百金之羨以備河小暇輒召諸生講說經義貧則為繼膏油諸生多顯重者為刑部而王勇者挾戚晚張甚嘗道梓潘御史會以訟事入部戟手語侵尚書尚書第唯唯遣出而中恚甚良謨設法捕得之窮治姦狀論如律參議時督太和山銖兩不私出其饒者俾佐州民役州為稍蘇副

時所平反疑獄若而人所縱舍株累若而人至於納貪墨抑豪右俾俾持法閭部肅然漕河柳橙利歲千緡泉夫曠役亦千緡太和山佃入亦可千緡香金稱之前後悉以歸官中貴人守太和于誕日袖數百金及他珍物為壽怒欲劾治之急麾出長跪謝過乃已歸而垂橐蕭條山田百畝自甘藜藿泊如也有巨商介其書為沈侍御居間始心許之徐出千金為壽遽入內竟日不復出湖俗士大夫以財相高相見則口不敢及利雖窘無擔石儲然姻黨宗族有待而舉火者已所恩施人輒忘之入所恩施即一飯弗忘也

本朝各省人物考

卷四十六

五

浙江五

十歲而能歌詩於書鮮所不讀所著有天目山房存稿山房摘稿和陶小稿見聞紀訓弦韋纂要族譜數十百卷藏於家

唐海

唐海歸安人廉抱迥立服矩矱以中展家雖權要不少借口部曹歷守郡二十年家無所托於未仕郡民祠之

吳維嶽

吳維嶽字峻伯孝豐人弱冠以禮魁浙嘉靖戊戌登進士授江陰令轉刑部主事同考會試所舉得名士

歷山東提學副使齊魯之士蔚焉改觀陞右僉都御史巡撫貴州平巨酋諸夷畏服尋改南遂歸歛家世稱雄顧折節恭儉性直諒尚氣節好古篤學爲時所稱所著有詩若干卷

茅坤

茅坤字順甫歸安人嘉靖戊戌進士時 肅皇帝方崇時祠執政羅天下文士以供祝釐意屬坤坤艱然吾何能辱三寸管作相君私人耶執政銜之謁選得青陽令青陽俗器而善訟乃錄諸上官所下訟牒百餘上其誣狀一切罷遣已接收其邑之豪而黠者數

本朝分省人物考

卷四十六

五

浙江五

人民以加額甫兩月丁父艱歸母亦繼切服除補月徒令時江南旱饑穀價翔踊搜庫金五千兩并募民出貲收糶于稔鄉歸而出糶踊者立平又於蠲征之外請折折於上供無損而得留諸漕粟以賑貧民且省耗費三之二也已召爲儀部郎謫判廣平遷南駕部無何僉憲廣西廣西徭獍錯居而府江部稱最險古田夷巢鬼子等若驚甚時出剽陽朔殺其令朝議大征督府應公檄聞其才檄署府江道屬以兵事坤策之曰大征非兵十萬不可倘稱之今檄徵諸路猝不可集而賊已走險爲備矣計莫若鵬勦若鵬之

搏兇然伏於無形倏入而殲其魁他部落必憚而謀自完此便計也應公曰善於是簡部兵五千人第爲上中下而差其餽時時椎牛饗士團射角技四出遠獵以爲常賊玩而懈而我兵爭願一戰於是復募死

士携善繪者以藥筆潛圖其山川聚沙指畫賊已在目中矣乃分頭部兵爲七道度道里遠近先發約同同日抵鬼子砦而所過道輒幟而榜曰軍門進十萬兵討其砦之殺陽朔令者他砦毋動動則移兵先滅之我師實不過五千諸夷見旗幟彌山谷且休于榜皆蟻伏無敢動連破十七砦擒斬百五十人是日坐

本朝分省人物考

卷四十六

五

浙江五

府江帳中令曰捷音至卽鳴鼓左右皆愕視佯應曰諾少選而報鬼子砦捷者三矣蓋坤以鵬勦行大征之法密定期會不爽晷刻而左右固不識也癸丑遷大名兵備副使倣古偏箱車法作車五百兩以禦虜衝嘗提兵倒馬關密布營壘井井有條而部使者摘細事奪其官以歸坤於書無所不讀於文特嗜班馬歐蘇人爲詮次品藻所著白華樓稿玉芝山房稿毫年稿雄渾浩蕩不爭奇于字句而自成鉅觀平生所當升沉訾譽及一切文字應酬無虛日似皆足以損神滑和然其真愈完而躋上壽以終棲遲於若霄上

者垂五十年先進林泉之樂未有如是其久者也

吳一儒

吳一儒字望魯號小陵歸安人父貧甚朝夕不能支一儒從里中授章句籍升斗之需膳其父母生平不敢纖毫私蓄以傷親心間嘗以細故受譴于父輒號泣跪而請之必欲得其歡心而後敢退父嘗以事忤邑長吏箠楚幾危將論之戊亥力不能捍立公門外慟哭累晝夜邑長聞之憮然曰人有孝行若此而可重困乃翁哉立釋之而且折節與交遂為知己以嘉靖庚戌第進士授官刑曹推鞠平反民以不冤戊午

本朝分省人物考

卷四十六

二十六

浙江五

省獄蜀中蜀土瘠民貧迫于饑寒以米塩畜牧零星受重辟者踵接盡心讞鞠疏其狀以請全活甚眾還京出守大平南北之馳傳而過與勲戚勢人之延引而窟據者並為百姓苦曲為拊循痛損厨傳供帳之具及裁抑勢家請謁憑陵之私遇歲祲多方賑濟未幾復旱縞衣素食徒步請禱如是者旬餘積勞成瘁而病作矣病且亟猶強起視事諸父老悉詣神祠願以身代而病則日劇不可起既沒郡之民攀號而送于江之滸者殆以萬計按撫監司以下並賻而奠之久之檄其治行而曰潔已愛民而齋志以沒致身殉

國而飲痛云亡士類何所儀刑小民如喪考妣特祠之名宦焉

徐中行

徐中行字子與湖州長興人也嘉靖庚戌成進士為北部郎時李于鱗王元美方力為古詩文自振子與至則大悅而嶺南梁公實廣陵宗子相武昌吳昉卿皆先後締交權益甚諸君子既刻異相責課務在絕他遊好一意行其說即流輩有時名者視之蔑如也子與居其間最為樂易以是其文益奇進而側目者日益眾相嵩者貪而伎亦自負能詩謂諸郎皆輕薄

本朝分省人物考

卷四十六

二十七

浙江五

子最出乃公上相繼外補或斥逐子與得汀州守子與守汀州有善政未幾以憂歸服闋再補汝寧政益善而會六載大察竟用郎輩語謫初子與為郎時好賓客喜施與多貸里中富人金久之未能償其兩郡所入租俸輒隨手盡家居賓客日益進貲日益竭邑邑無以為懽客勸之謁選貧不能上元美為具百金裝乃出補塩官稍遷瑞州倅時相嵩敗諸忌者稍稍解而子與以愛人長者人最憐之會復丁母憂即喪超為山東按察僉事為若弗聞也者子與終喪乃得用新秩治楚為滇少叅以入賀為閩觀察使以述職

凡兩至京師諸公卿慕之者日造其門及諸遊客詞人戶外屢常滿子與人與爲懽造請尺牘恒窮日夜以故名益盛而諸公皆以爲用子與晚稍遷江西右方伯居一年所晉爲左人謂旦暮大用竟以疾卒初朝儀汰諸藩臬弗任者其左以壯齒去而子與顧來代之感 上恩益自力諸錢穀案牘皆手自關署紙落如飛會 宗藩有構者許諸陰事於 朝竟法坐削者衆子與心憐之爲得間從未減業就草病作不能語一夕卒子與好飲酒賦性亢爽不喜道人過人有相負者衆爲切齒子與恬不甚怒久益忘之遇事有不可意者未嘗見辭色客醉之以酒辭挑之始仇浪爲怒態作數不平語已復陶然醒而冰釋矣其薦士汲汲恒恐弗及揚之多過其量貧士有所請數不休度力不能猶強應之曰奈何令客有慚色所至愛護其屬吏不啻若子弟卒之日海內知與不知咸歎曰奈何令伯道以無兒死門生故吏經而泣送者不可勝數僚友賻歛無不人人破例爲厚者檢其遺橐蕭然圖書而已所負子錢籍諸賻遺僅足償仕宦垂三十年至方岳家不留一錢所著有青蘿館詩集後又有天目山全集梓行

本朝分省人物考 卷四十六 浙江五 晉文

潘季馴

潘季馴字時良號印川烏程人嘉靖庚戌進士授九江府推官出宛民劉雲四之死建議令瑞昌郵費皆仰于縣官不煩百姓民大德之徵爲御史三殿災奉勅稽查大木日覆內官監遺籍可得也果得萬木於荷池中巡按廣東山西破海寇及平寧州盜皆先計擒其黨魁功最著九載遷大理寺丞歷少卿擢理河道右僉都御史會河決沛縣之飛雲橋穀亭沙河境山一帶河渠盡塞乃于三沽故道濬渠築堤躬行督相不三旬而告成庚午河南徙決睢寧濬其六百五十里皆緒爲平野復以故節來蒞事而廢址盡復其所濬築深廣倍於故河而費半之出官民之舟於積闕者以萬數功垂成而持議與勘河給事左坐浮議罷去既去而黃決崔鎮以北淮決高堰以東清挑塞海口漣而淮揚高寶諸郡邑幾爲巨浸于是復起田間再董河道塞崔鎮堤歸仁而黃水悉歸故河築高堰黃浦而淮水復出清口會黃東入於海而海口遂闢築遙堤以爲外護植以柳榆前後幾二十年輅車所至更數千里與役夫雜處舂鍤葺蕭間沐風雨裹霜露髮白面黧而後兩河合軌數萬艘轉漕亡

本朝分省人物考 卷四十六 浙江五 揚南

管緣河之民始獲安有室廬丘壠焉蓋壯于河
河病于河乞骸之日猶奉 旨輿疾行部又手疏八
事以歸歸以疾革尚喃喃河防不去口云

沈子木

沈子木字汝楠歸安人嘉靖己未進士知當塗縣會
景王之國道經采石所需不貲從闖橫索郡守將箕
歛于間右以充供億裂毗爭之已謂長史曰王而體
天子意者必軫恤吾民不使擾擾民定非王意有
私索者請奉三尺治之長史以啓王曰賢令也供張
不乏久留此何爲即命揚帆以去擢虞衡主事領盈

本朝分省人物考

卷四十六

辛

浙江五

甲厥厥有中貴主之物料半侵牟戎器具數而已乃
召工匠嚴諭之曰若曹不覩庚戌事耶虜酋入寇甲
兵不繕王者皆獲罪若何玩愒乃親視器必期精好
不中程者輒毀弃令重治之中貴鉗口莫敢吐氣癸
亥虜果猝至通州禁軍出禦敵戈予弓矢之屬分給
至十三萬有奇皆堅利可用大司空雷公禮大嘆賞
日人人如此何職不舉遷都水員外郎中出知建昌
府倣古循吏跡不尚威嚴郡有羅憲副汝芳講性命
學數駐車與談名理進諸生課經術月旦其文稅咸
翔厲于聲實焉前此有洞夷警郡募健兒爲備多江

北人久之議撤奉令者失調護諸健兒呼噪不散馳
單車往諭之曰汝誠不畏死耶勁兵在近壞撲滅汝
如踏螻蟻耳汝作數百橫死鬼痛矣今爲汝請九十
日糧供衣履之資以行脫介冑返故土不亦善乎皆
感泣涕下曰公實生我遂羅拜去擢廣西副使備兵
右江柳州懷遠縣寄萬山中四面皆猺縣令寓郡城
遙領之時令馬希武欲議城焉曰此示之疑也猺將
生心而按臣主其議城未半諸猺大譁而殺馬令
上震怒命急勦之故事士兵十月出師二月罷歸田
作檄至已正月東裝待歸復驅之遠征已懷怨望會

本朝分省人物考

卷四十六

壬

浙江五

大雪沒脛行者不勝苦各鳥獸散賊且乘間闖起衆
議奔融縣還曰此引寇自逼也吾一退諸屬邑如破
竹矣密期總兵平蠻將軍李公錫督指揮黃鸞率浙
兵三千直趨長安鎮扼其隘口賊怖不敢出乃徐調
諸營兵六千土兵三萬分道進勦遂連破七十餘砦
斬首二千餘級獲故懷遠縣印戮其酋事聞 賜白
金文綺進右叅政仍領右江未幾廣東征羅旁復督
戰窮其穴拓地千里擢按察使丁母憂歸服除補湖
廣按察使會 詔下籍江陵家并以遼庶人罪廢欲
歸獄江陵乃奏記諸當道曰遼庶惡自宜滅國非故

相以私憾傾之也故相破家非枉然不可執此伸遼謀遂寢晉右布政尋晉右副都御史巡撫山西晉宗多不法陽曲有三四驚雷者爲之魁略民間子女奪財產不服者至用火炙蝎螫等毒刑劫之以狀聞於上置之法惡宗歛跡撫晉三年緩鞭朴戒浚削植羸困抑豪猾敦節儉下吏肅然其飭邊備則修障殖殺明賞申約復屯政通鹽利清尺籍作士氣除戎器事事覈實制府上其功賜金綺者三入爲兵部侍郎丁父憂歸再起南京都御史疏疾以歸日與親知置酒爲樂康強不衰已酉卒得年八十有二

本朝分省人物考

卷四十六

圭

浙江五

許孚遠

許孚遠字孟中德清人也少負不羣志中鄉舉卽從歸安唐一菴先生講聖賢之學及嘉靖壬戌進士十月授南虞衡主事督龍江關及海道皆有廉明聲商舟過瓜儀舊令宜載瓶入都晉人每倍困之乃下令計舟大小爲額商人悅焉運舟入關例輸米五石名曰纜價欲革之不可則止收一石得米四千石以千石築堰千石賑貧餘二千石建倉貯之備不虞遠近頌者藉藉四十四年調南考功在南都三年盛講學明年調北稽勲適文選郎中胡汝桂方錚錚自附

講學每引之款語諸寮詫其事以爲必議流品各遣人竊聽無所得則爭問之答以實不信於是滿署側目而一二同年銜之尤深會莊肅卒蒲州楊襄毅來襄毅雅不喜講學又與胡選君不合故事銓部調司多以入署月日爲次前俸不論而遠則已滿一考適考功主事缺胡公以俸欲超遠襄毅不允止調驗封隆慶改元大計東京官黜者科甲共四十一人而浙人幾半遠有後言楊公聞之不喜因移病歸後三年新鄭高文襄起掌吏部以與華亭有隙痛抑講學者起考功主事卽推廣東僉事時廣有倭警而大盜李

本朝分省人物考

卷四十六

圭

浙江五

茂許俊美復張談海上助爲聲勢遠發十策大約以水陸夾攻爲要領卽身率二軍薄賊壘一軍軍石城又一軍軍烏嶼兩魁大懼因遣使諭之卽乞降且願縛倭自效適遊擊希功將掩降者覆之茂俊美復逃去一方皆驚遠見事急卽身航海抵賊舟示以肝膈曰必活汝賊衆掩泣羅拜遂獻所擒倭黨七十餘人又建善後十二議迄安堵報上 詔賜金旋移閩臬會新鄭罷復內察謫兩淮運司判官以掌考功者乃夷陵卽前同年友銜之深者也遠歸意將遂終隱往見一菴先生請焉先生曰我二十九建言歸今七十

四矣此四十六年中未嘗一日忘起也惟枉已則不可耳今汝雖暫挫然前途自平坦但踏實地行何害異日追悔晚矣乃遂之官萬曆二年擢南太僕丞明年遷南文選郎中又明年請告歸遂丁內艱服闋補車駕郎中是時江陵當軸前考功乃其門人方佐都察院益用事揚人如掖推人如擲天下從風而靡遠由然自如亦不存舊吏部意嘗謁江陵問及馬政遂慨然條議大約謂富戶養馬差重負累苦然不堪戰徒毛色佳耳不若收其直可買三戰馬又京營騎隊踰萬匹厚給芻豆止取餽息飽足猶問之若何衝陷

本朝省人物考 卷四十六

五

浙江五

如燕人語舟且豪貴占役者多是皆可裁夫銖銖民血何為守膠柱者多穀因陳便宜四策初江陵亦漫爾致詰不謂其響應無窮如此深心契焉一時談者盛傳之吏部歲時有公會凡舊新任者咸在一日偶會遠不在王夷陵出其手簡與眾觀之大都王欲自欲其德謂忌者欲處遠以府若託甲閣學居間或可免而遠拒之甚方且仍作昆弟語眾咸愕相視無何建昌之命下矣為守惟廉謹尤以敦教化為務大約如黃穎川韓馮翊規模不廢講學十一年入覲抵京掌選以其俸甫及二年未敢破例會鄒給事元標特

疏薦之明年遂遷陝西提學副使以身範訓士為校肅然三年擢應天府丞先是高淳有窪田直當塗水至開相殺歷數十年訟莫決適章君嘉禎知當塗縣素與契因其平心讞解之訟息而隄成又疏請發帑金萬五千令可隄者咸隄之饒獲者數千家會都御史李材以滇事被逮遠投揭諸司申救然亦止冀免其死耳而南道某遂劾之 詔降二級調外歸數月獲送考封公終後三年起廣東僉事轉廣西副使尋擢右通政晉右僉都御史巡撫福建時倭擾朝鮮浪

本朝省人物考 卷四十六

五

浙江五

傳乞封本兵議許之眾論不然方紛紜未定然其端原自閩發之遠至福建密募死士往彼國偵焉簡營兵請帑金六十萬貯以備猝警無事不用裁行都司各府巡司清海地課諸雜稅不關司農者悉并入稅局由是餉漸充而民所供顧減已而偵者來悉得彼詭謀并諸島酋相警狀疏聞於朝謂發兵擊之為上策禦之中策不可輕與封本兵至膠執見之亦悚然至親見司禮道其實謂即切責其數語罷封貢最善後奸人惑之乃復搖動卒之倭患得息者用其中策也又念嘉靖中倭亂本由嚴海禁者激成之今禁

故在也而不甚嚴闌出入者往往皆是且人懷一箠符至急時乃出之或公然爲盜今欲嚴之難莫若開其禁皆官給帖以往令爲官商私出者罪無赦庶幾法得行而海患弭 詔允之閩人便焉饑民嘯亂劫會城諸司避匿遠開門待之陰受方略捕治數十人遂定及獄上有司株連甚多悉宥之止罪渠魁三人而已呂宋者海南小國也素與我通商人掠其貨反指爲賊遠曰是我商不直彼何罪上疏赦其國罪商人海外感德焉有府同知甚貪遠廉得劾之以疏會按院其人按院鄉里也遂大忤因條議閩中事假他

本朝分省人物考

卷四十六

三

浙江

語侵之不爲意朝議兩是之然其禍萌於此矣在閩二年擢南大理卿尋晉南兵右侍郎是時倭未平遠既佐留樞仍募閩人往探又贊尚書料理諸兵事當事者以其熟倭情改北兵左然在南都以閒曹又盛講學與禮部楊起元俱以部堂爲領袖持論不同傍觀者頗起口語又昔按閩者適宦南都二十三年外計已謀以冒濫中之至是復借講學造端遂不可解遠抵清源聞之以病乞 詔不允比白簡上復 特賜留然遠意在必歸矣五請得 允歸家不殖生產孜孜惟以講學爲務生平質直無藻飾之委曲事至

立斷身所行如所講常以身驗學遇人無厚薄吐誠磊落可喜三十二年七月卒 詔予祭葬贈南工部尚書錄一子入國學

沈節甫

沈節甫字以安號鏡宇烏程人嘉靖壬戌進士授禮部主事曹部簡閉戶讀書考覽本朝故實與同舍郎有志節者以道德勛業相砥礪歷員外郎中節甫旣以清執著聲又數練閱曹有疑禮咸取衷焉云部務者先後深相倚注最後新鄭高公時自貴倨會以事詰責兩王政甚厲曰上下之交有禮何至是輒令椽

本朝分省人物考

卷四十六

三

浙江

史以故事白且曰沈郎中云新鄭不能奪也而時多玄撰又有旨建祠禁地令黃冠祝釐曰無寧茲臥榻側而令羽人闌出入非 祖宗防微至意皆持不可新鄭懼以失 上指恚甚移疾避之時已推丞光祿不顧竟歸歸而喪其母服方除卽家拜光祿丞赴召則新鄭以首揆攝冢宰益貴倨諸附麗者益踰檢柙日嘻甚矣復移疾避之又二年新鄭去明年始出補尚寶丞則江陵爲政于時多用鷲猛士或軟熟就牢籠者而節甫質木疆項三歲始量移本司少卿旋轉于南蓋自初爲郎秩六品至是十九年始進一階云

歲丁丑有奪情事公卿臺省同聲貢諛嘆曰三綱淪矣何以仕為後江陵母入京取道秣陵送迎傾都邑獨節甫一人不出時年僅四十七耳竟疏致仕歸壬午江陵卒詔起南京通政司右叅議已丑擢貳奉常尋擢南光祿卿再擢南太常有薦新疏謂國初本取諸畿內遠取則非新且徒耗郵傳飽中人橐耳宜改派比不報已陞太常卿刑部右侍郎俱南京一切附法簡訊執斷不媿熱審所平反稱允有大獄連勲戚者部寺無能決法語遂定召為工部左侍郎視部篆首奏言節慎庫見貯金錢九十萬有奇而歲出溢于

本朝各省人物考

卷四十六

三

浙江五

所入者且十五萬更數年盡矣可為寒心請一切止傳造俾微解稍敷帑藏不空語甚切至上為心動而中貴目攝之願取屢旨數月一傳奉節甫暫持之上亦輒不報乃引祖訓一欵凡內官內使傳旨各該衙門具本覆奏再得旨然後施行則覆奏而未奉旨其不可行明矣亦竟不報然亦竟以此持不行迨邇年餘上竟為裁省諸奇巧難成者蓋五上而後得旨雖未盡如部擬而節省亦不貲云在事年餘諤諤守功令上下無援而獨以身障狂瀾摩切黼黻關持人主左右雖幸明聖優容然亦艱貞以厲矣甲

午以父憂去上特賜祭葬又令其子淮以官諭侍行益異數云居喪簡出足跡不窺城市以終其身論者謂其為朝市中隱淪豪傑中處子所著有代庖公案由醇錄行于世得壽六十有九計聞贈都察院右都御史予祭葬子淙舉萬曆乙酉省試子淮子演全登壬辰進士淮選庶吉士官大學士叅贊閣務演辛卯鄉試第一官布政使

茅國縉

茅國縉字薦卿歸安人鹿門茅公坤仲子也成萬曆甲戌進士令章丘至則進父老于庭訊所疾苦咸言

本朝各省人物考

卷四十六

三

浙江五

邑徭賦雜紛吏鉤派析亂于是按地之有無沃瘠差次戶上下而賦與役繁簡輕重因之給由帖定款目除大戶不復用重役一切斷以官募獨漕糧與派徵別為一則里正歛之官任轉輸汰冗食于官者二千人費踰數萬值大旱請蠲存留金三千易漕粟萬六千石賑之歲有秋亟貯粟二萬石已復旱再出二千餘金以其粟佐之日用所需取之家尺組寸帛不以煩民商不知有官而摘奸伏如神訟者畏而退久之庭虛無人手一編晤伊而已民家兒貧而慧者衣食之令就塾諸生貧婚葬不舉者助之金粟庚七十以

上與帛八十以上加等孝子悌弟貞夫節婦生子粟
表其閭歿予棺斂表其墓五年以高第徵章丘傾國
泣送貌像而生祠之拜御史首薦海內名臣某某不
宜投丘壑又請豫教太子而李中丞材坐事逮獄許
司馬貽書救之某御史以聞左遷許官二等上疏爭
之力言傷激直謫浙川令歲祿流民甯聚剽略爲轉
穀以賑治糜以舖建倉三十七區儲粟萬二千石教
民生產作業農桑繫畜悉有法則民不虞饑凡二年
不以遷客自傲傳舍其官百廢具興邑爲望國諸郡
邑若上官以荒政若大計關次無不引繩墨切事情

本朝分省人物考

卷四十六

甲

浙江五

政聲籍甚擢南京工部郎浙川人泣留如章丘祀之
名宦以乞養告歸三年再除南京工部有詔取器用
屏障諸不急物奄人昂其直以一爲十精心籌筭不
得過溢孝陵燈千六百金削爲三十六金他類是節
慎庫舊貯七十萬今僅存五萬出入多寡相懸絕而
傳造玩好費亦十餘萬乃上疏極言天地生財國家
歲入止有此數今市珠寶至二千四百餘萬太倉若
掃而礦稅進獻厠大廡之下付宦豎之手竭膏脂取
之以府怨而狼戾視之將以遺何人計甚左也縷縷
幾萬言語甚切直疏上不報已遷郎中視夏鎮河時

泃河初成水淺易涸口隘難旋建三閘注水鑿巨石
而深廣之閉滿家閘築徽山湖堤堤工甫就俄旱禱
于神泉湧出萬艘無留行生平不信佛曰人生死如
水聚而盈散而涸佛從何修輪迴從何轉今浙川有
道人贈之詩曰名震三吳地官終古豫州偶與客飲
誦秋風一夜起客散孟嘗門之句客訝之一日詔其
子吾將以閏六月十三日逝無讀非聖之書無行不
義之事是所望汝問疾得無苦耶曰否但氣散不自
持耳遂瞑鎮人相哭失聲章丘浙川聞計聚哭于祠
下所刪評漢晉南北史與所著菽園詩草藏于家

本朝分省人物考

卷四十六

甲

浙江五

陸澄

陸澄字元靜歸安人始謁文成於留都月一至已益
親後請掃庾下之堂而旦暮侍焉性故豪邁後日雍
默自持慊慊自以爲不足也其記文成語首云持志
如心痛一心在痛上豈有功夫說閑話管閑事蓋其
篤也已欲屏絕文字專於學文成曰此恐志不堅定
爲世習所撓之故而云然使在我果無功利之心雖
錢穀兵甲搬柴運水何往而非實學何事而非天理
況子史詩文之類乎使在我尚存功利之心雖日談
道德仁義亦直功利之事況子史詩文之類乎願一

洗俗見還復初志當釋然融解矣其後以多病從事於養生文成曰養德養身只是一事果能戒謹不覩

恐懼不聞而專制志於是則仙家所謂神任氣任亦

在其中矣堯舜湯文周孔其萬物一體之心當無所

不至苟可以長生久視者亦何惜以示人如老子彭

錢之徒乃其稟賦實然非可學而至後世如白玉蟾

丘長春皆彼學中祖述以為師者得壽皆不過五六

十則所謂長生之說亦必有所指矣元靜但嘗遺棄

聲名清心寡慾一意聖賢不當輕信異道弊精神靡

歲月為也 文成於澄最屬意謂曰仁沒吾道益孤

本朝分省人物考 卷四十六 聖 浙江五 陳昌

致聖元靜者不淺澄執父喪毀失明矯湖俗於禮文

成為表其父墓仕至尚書郎

凌震

凌震字時東號練溪烏程人由歲貢授黔陽縣學訓

導中丞鐵橋黃公督學少華許公重其學行到官月

餘即命提督寶山書院選拔名彥俾受學焉入院嚴

立科條開陳啓迪一時士習改觀夫幾遂請老以歸

歸即掃跡城府杜門自養圖書數卷疊疊不倦興到

獨步林壑尋芳討勝風度悠然清修之範近世罕聞

與劉清惠孫大初為一時名交卒于嘉靖乙未春壽

六十五生而穎異有俊才博綜羣籍曉析百家善古文尤長於詩所著有練溪集行世

張永明

張永明字鍾誠烏程縣人進士令蕪湖縣當孔道使

客厨傳日不暇給民罷于送迎至則首為裁節歲稔

大發儲積賑貸之全活甚眾 章聖梓宮南祔所過

郡邑設綺紈帳殿供器悉冶金為之又宦豎厚索賂

遺一不當意輒肆詬辱官司無可誰何永明於瀕江

佛寺聖其棟宇代帳殿飾供器悉箔金以代冶節省

不貲而調度有方卒無謹吹于境上者護行官交口

本朝分省人物考 卷四十六 聖 浙江五 陳昌

稱能久之以治最擢南京刑科給事中時分宜任子

竊權穢迹加甚彈劾數十事語極剴直分宜私人劾

睨之曰是誰氏子復來將虎鬚耶出為江西參議陞

雲南按察副使初黔國自以勳閥世鎮尊無與抗每

易視關司永明譙其驕僭將言于朝黔國避席謝過

乃已擢江西參政主督版籍影射兼併宿弊一洗擢

河南按察司使憂歸會島夷鼓譟薄湖州城中戒

嚴民從外呼號不得入惻然曰莫非黔首奈何弃以

委寇亟白監司納之民懽聲雷動曰張公生我起補

陝西遷左右布政晉右副都御史巡撫河南先是河

決通汴城周藩上言龍卵示變水災異常不即改濟
 患且滋甚 詔下所司集議大役且興屬永明相土
 度功至則尋源委堙決所繇乃決策曰因勢利導修
 塞足矣改濬何為于是條具便利 肅皇帝可其奏
 民不勞而河卒還故道時伊府典模廢法不軌暴侵
 民利官室服御一切奢僭抗疏以聞竟按如法尋轉
 左右侍郎晉刑部尚書分宜任子事敗眾以 上意
 叵測未敢深議永明獨力議遣戍中外稱快頃之改
 都察院左都御史首條六事悉切時弊三計羣吏不
 私庇一人人亦無敢干以私者時懷盛滿之憂而會
 人言波及因力懇放還得 俞旨即日就道竟以寒
 行犯露疾遂不起得年六十有八永明天性峭直正
 色不阿以是操已亦以是責人居鄉立朝如繩斯直
 一切回互械巧之事生平所不解故雖以方嚴見忤
 然終無得而瑕指者著有臨溪存稿

李樂

李樂號臨川烏程人隆慶戊辰進士由縣令選禮科
 歷湖廣叅政養病歸樂孝友忠信鄉評推重別歷中
 外所至以端亮清肅稱里居三十餘年杜門養重足
 跡不履城市片紙不入公門尤近世所絕無者

本朝分省人物考

卷四十七

四十四

浙江五

人物考卷之四十七目錄

浙江寧波府

程徐

錢塘

向朴附子道淳

桂彥良

鄭真

鍾鼎

俞士吉

樂枏

戴德彝

袁珙

梁田玉

陳敬宗

宋琰

張楷

金忠

蔡錫

陶厚仲

王來

陸瑜

陳濂

邵玉

應履平

楊守陳

周津

楊茂元

屠瀟

楊守隨

朱瑄

楊守陟

李堂

楊子器

袁爍

張昺

王渙

王應鵬

陸珂

本朝分省人物考

卷四十七目錄

浙江六

柴經

周相

劉安

王杏

本朝分省人物考 卷四十七目錄

二

本朝分省人物考卷之四十七

浙江寧波府

程徐

程徐字仲能浙江寧波府鄞縣人徐邃於春秋得父編修公家學由翰林院從事發身太史院校書郎遷奉禮郎為中書曹掾從太史丞相軍擢禮部主事改刑部復改戶部歷任至兵部尚書致仕入國朝太祖高皇帝以才名召見命為吏部侍郎洪武二年上以孔子釋奠止令行於曲阜孔廟天下不必通祀徐上疏極諫累數百言大要謂孔子儀範百王師表

本朝分省人物考 卷四十七

浙江六

萬世天下一日不可無教則其祀不可一日廢禮宜行於春秋仲月丁遣使致祭於曲阜孔林廟仲丁致祭於京師廟學令天下府州縣於季丁通祀焉上允其奏改刑部侍郎三年陞本部尚書本年以壽終為人精勤通敏剴繁治劇事無留滯能文尤工於詩歌有遺集傳後

錢塘

錢塘字惟明象山縣人博學敦古行洪武元年舉明經陳王道數千言雅稱太祖意特授刑部尚書二年詔孔子春秋釋奠遣使降香曲阜改廟於仲月上

一第... 6 ...

丁致祭京師天下不必通祀塘上言孔子百王宗師先儒謂仲尼以萬世爲土天下祀孔子天下祝聖壽報本之禮不可廢也時修孟子節文并議其配饗塘論之尤力太祖皆從其議一日召講虞書陞坐而講或糾塘草野不知君臣禮塘正色曰以古聖王之道陳於陛下不跪不爲踞又嘗諫宮中不宜揭武后圖忤旨待罪於午門外終日上悟賜飯卽命撤圖本年致仕

向朴附子道淳

向朴字遵博浙江慈谿人宋丞相文簡公敏中之十

本朝分省人物考

卷四十七

二

浙江六

四世孫父壽宗慈湖之學學者稱爲樂齋先生朴得其傳行務實踐力學養親洪武二十五年命督府都事張允直訪求人才以朴應詔陛見高皇問居家何爲對曰種田其容秀而文上心知其非耒耜中人也因詢大麥何以四節對曰以其占四時耳卽日授獻縣令單車就道妻子不入官舍時兵燹之餘爲之闢荆榛畚瓦礫教百姓農桑與同甘苦流移復業靖難師起獻當兵衝無城廓朴集民兵激以義勇與北將談淵迎戰衆寡不敵被擒不屈懷印受刑獻民哀之相與拾遺骸瘞道左副都御史陳瑛請究治死

事諸臣有楊姓者父子三人懼發掘夜負骨潛葬邑北十里永樂初中書舍人王尹實北上詢得葬所宿郵舍夢朴服血汚葛衣譚其往事卽秉燭爲文乘星月往哭之涓川令韓彥起復匿其二子於任顧道輯其遺事書于寶峯庵佛座後三人者皆義士也二子道淳道徵道淳被徵竟稱痼疾不起有攀栢悲號之風嘉靖間祀鄉賢祠隆慶五年祀獻縣名宦祠萬曆初年奉恩詔撫按建表忠祠於本縣北城門外

桂彥良

桂彥良慈谿人洪武初應薦召見特授太子正字錫

本朝分省人物考

卷四十七

三

浙江六

資有加召問治道彥良對以正心爲本而正心之要在懲忿窒慾上善之擢晉王府右傅一以正大之學輔導旣致仕條陳十二事名曰萬世太平要策以進所著有和陶詩清節等集

鄭真

鄭真慈谿人博極群書在鄉里恂恂然不以才藝矜人嘗取諸家格言著爲集傳集說集論洪武初試浙闈居首選授廣信府教授號榮陽外史

鍾勗

鍾勗慈谿人幼孤力學洪武初教授郡庠舉任廣東

番禺知縣有惠政官至兵部侍郎子永亦以明經舉官至戶部侍郎

俞士吉

俞士吉字用貞象山縣人父仲殷嘗夜夢得老桂古香分月窟移將天下厭羣芳之句覺而士吉生自幼岐嶷異常既長有司歷舉賢良弗就洪武丙子鄉薦明年會試中乙榜授兗州府訓導革除中上疏論時政得失十餘事徵拜南院監察御史出巡鳳陽徽州辯釋疑獄風聲肅然 文廟御極改廣西道尋擢右僉都御史奉使朝鮮已復使日本返報皆稱旨 上

本朝分省人物考 卷四十七

四

浙江六

褒賜有加永樂三年浙西大水士吉與戶部尚書夏原吉通政趙居任大理少卿袁復奉 勅往治兼督農務時湖州被災虧糧五六十萬同事者以所虧之數反十倍於所輸欲損其數以上士吉力爭曰欺君病民吾不忍為也雖重得罪吾自任之竟以實聞上允納悉蠲其輸仍 勅發廩賑之民賴以蘇四年坐事謫為辦事官尋復原職 命賑恤兩浙饑荒六年出守襄陽政清訟簡郡以大治十六年秋滿最績陞山東左叅政未幾唐妖婦惑眾謀叛藩臬諸臣悉置於法士吉督濬後至眾謂可自為計應目背死逆

命非臣節也遂就獄 上念舊臣釋之洪熙改元入覲欲授清要之職天官卿擬以太僕寺卿 上默然良久改刑部侍郎尋命清理直隸郡縣軍伍再蒞郡事功績尤著士吉儀觀修潔舉止清雅論議切直文采蔚然每視政他人不足已獨有餘且諛不喜犯不怒偉度洪量汪如也所著有櫟庵自貽藁

樂 枏

樂枏定海人也性孝友家以亭戶籍官枏承其役弗替洪武十二年春會稽錢清高氏許從兄弟歲輸鹽痛自縮迫小民倍其輸以掩已之數事上聞 上以

本朝分省人物考 卷四十七

五

浙江六

浙河以東亭戶大家皆罔上賊下如一律即遣使編各倉覆鹽有損常數者悉起赴京鞠訊咸承罪坐輪作而枏亦在逮中方治行其仲氏稅願代往枏曰吾之往也生死未可知設死焉吾有三子爾尚無後其可哉稅又詣縣庭請代枏枏白於官曰枏之名固不可易服力鹽事皆枏也稅罔知使往而被鞫必失對縣因不敢遣及枏行可一舍許稅又追及之枏叱之去不聽即乘坵垣以塊提稅垣之塊去者半稅度伯氏心不可回慟哭而返十三年夏枏果死京役中年三十有六枏讀書窮理凡醫卜地理書無不習里之

人聞其死莫不泣下其父仲本爲鄉之碩儒當被貢天官方以老丐歸而研歿亦痛惜而歿

戴德彝

戴德彝奉化人洪武二十七年進士第三人初爲翰林編修三十年與張信並陞侍讀上諭曰汝爲侍臣凡國家政治得失生民利病當知無不言昔唐陸贄崔羣李絳在翰林皆能正言讜論補益當時建文中改左拾遺靖難兵起與方黃晝兵事靖難後不屈死

表珙

表珙字廷玉鄞人少遊海上遇異人授相術論人吉凶輒驗成祖聞廷玉名洪武二十三年九月密召至北平一見伏地叩頭仰對曰殿下龍質鳳姿天高地厚大明麗中神略內蘊真太平天子成祖問度在幾何時對曰年踰四十紫髯過臍當是時撥亂反正萬邦一統成祖喜留府中久之已而乞歸靖難後召爲太常寺丞子忠徹序班出金錢幣厚賞珙巡行北京召珙父子至行在出人禁廷未幾珙請老歸半贈太常少卿忠徹能傳父術建文初文皇召問忠徹對曰天命有之無憂也獻人象大成書靖難後

本朝分省人物考卷四十七

六

浙江六

除忠徹戎籍會有言楚王子重瞳者遣往視還奏無他異宣德中嘗侍上言天顏慘肅恐宗人有急變謀上者未七日樂安反書至官尚寶少卿致仕卒年八十三

梁田玉

附梁良玉何申梁中節梁良用宋和何洲郭良

梁田玉定海人歷官郎中靖難兵入金陵田玉與葉御史俱髡髮爲僧久之松陽人王詔遊治平寺觀轉輪藏聞藏上嘖嘖有聲異之令人緣藏登其頂無所見見書一卷載建文時出亡臣僚二十餘人事紙毀泥字多斷爛不可讀讀數日稍銓錄其可識者凡九

本朝分省人物考卷四十七

七

浙江六

人人僅數言而定海居其六詔憐其忠又得之異各贊數語題曰忠賢奇秘錄贊田玉曰行儒名釋知我者誰至寶淪沒久而愈輝中書舍人梁良玉即田玉族也靖難後訣妻子易姓名挾微貲走出金陵城踰嶺至海南寓市肆粥書以死贊曰忠臣蹇蹇遵彼海濤耽書玩市資以盍簪屯如遭如哀此陸沉何申爲中書舍人建文時奉使四川至峽口聞金川門不守慟哭吐血不數日直發於背死贊曰兩涯洶洶中作霹靂義氣馮殷與之俱激奸諛過此寧不惕息梁良用梁中節皆定海人父子兄弟八人同仕于朝靖難

後相率變姓名避去良用為舟師已而投水以死贊
 曰泛泛栢舟載浮載沉中流誓楫懷我好音肯欠一
 死匪名是尋以完我族庶明我心何洲靖難後與中
 書舍人宋和同棄官去洲為筮人和賣卜同客死贊
 曰箕子陳範嚴氏隱卜義有從否道有宜告烈烈英
 賢寥寥冥錫郭良亦定海人良與梁中節同棄官為
 道士贊曰駕言導引嘯傲林臯頽波莫挽使我心勞
 復合而銘之曰今吾故吾知我者誰藉若漆身希蹤
 采薇戢戢潛龍寥寥冥錫豈吝姬疇而甘漢卜山椒
 水滸天涯海濤會其可逢鼓以南音肯欠一死以明

本朝分省人物考

卷四十七

八

浙江六

我心白蜺晝見虞淵沉沉孰呵護此悠悠古今

陳敬宗

陳敬宗字光世浙江寧波府慈谿縣人少勵志問學
 登永樂甲申進士選入翰林為庶吉士時與選者七
 十餘人再加精選得狀元曾榮等二十八人以應列
 宿之數讀中秘書文淵閣中敬宗與焉 文皇帝自
 教之益得以沉潛經史百氏之言 上時至閣勗其
 文行期與韓歐並驅先後敬宗愈磨礪奮發會大召
 名儒纂修永樂大典 命敬宗等考正訛謬書成授
 刑部主事明習法律練達時政甲午召入修五經四

本朝分省人物考

卷四十七

九

浙江六

書大全繼入史閣預修 太祖高皇帝實錄既呈遂
 改翰林院侍講嘗獻北京賦平胡頌及為善陰隲頌
 每元夕觀燈 賜讌皆儒臣應制賦詩 上獨稱善
 後丁母憂宣德改元起復修 兩朝實錄未及成轉
 南京國子監司業精察積弊首疏三事上之九年秩
 滿陞祭酒為人美鬚髯容儀端整步履有則望之者
 起敬當會食諸生稍有失儀即令待罪不輕容也或
 有所稟嚴於對君之禮居常持敬以身表率之每遇
 丁祭豫齋十日於廂房宿焉久居大學力以師道自
 任不少厭倦嚴立教條痛革舊習日勵諸生進于成
 德有違犯者扣除坐堂月日悉為虛曠豫示而堅守
 之以是畏憚不敢恣肆成均肅若朝廷焉戶部尚書
 關中楊鼎初發解於鄉試赴春官不利自北京求入
 南監從敬宗卒業其為士大夫所重如此敬宗每對
 客善飲至酩酊尤自儼若未嘗飲者人皆服其量平
 生剛正介潔勢利紛如一無所累評者謂其撓之不
 亂澄之愈清官太學二十餘年諸生位有至卿貳者
 而敬宗獨久不調意豁如也時北監祭酒李時勉約
 束諸生身教亦嚴世稱南陳北李景泰元年引年致
 仕德望文章名開天下退而家居不輕出入有被接

元者雅容談論莫不感發興起別號澹然居士至是又號休樂老人云有詩文十八卷行於世曰澹然居士集天順三年卒壽年八十有三

宋 琰

宋琰字廷珪浙江寧波府奉化縣人永樂乙未進士改庶吉士預修性理大全書尋侍 皇太子監國南京永樂十九年召至北京預修永樂大典書成賜白金文綺授中書舍人宣德元年遷禮部儀制司主事蒞事翰林五年給假歸未踰月驛 召還京正統改元纂修 宣宗實錄是年丁父憂去服闋赴京轉吏

本朝分省人物考

卷四十七

十

浙江六

部考功主事俾直 內殿益慎乃職深見獎重九年遷河南布政司右叅政時汝陽歲旱苗將稿而蝗且盛郡縣官率以捕蝗出不少寧琰親往按視爲之惻然仰天歎曰方今 聖明在上仁浹海內而此土獨罹旱蝗之災豈非旬宣者政有乖繆而致然也凡有殃咎宜集我躬毋苦斯民爲也言未既有驚數十羣蔽空而下食蝗殆盡乃去大雨如注凡三日歲更稔吏民仰德歌頌之景泰四年轉太僕寺卿未幾遷兵部右侍郎兵機重務贊畫居多天順元年調南京兵部越三月以疾終於官性溫雅坦亮篤於行義居家

以孝友聞其學博究經史旁通陰陽歷數卜筮相法雖專業者不如及居官四十餘年所至輒著賢名處寮屬始終有禮性惡煩囂扁靜齋以爲退公之所恒以文自娛應人之求不少吝有拙庵集藏於家年六十六

張 楷

張楷字式之慈谿人登永樂甲辰進士授戶部主事時方北征輿馬之需甚急往督關中先期而集大司馬甚器重之拜監察御史初有巨盜繫刑部獄中吏受賂脫之乃劾尚書以下十數人皆罷黜名聲赫然

本朝分省人物考

卷四十七

十一

浙江六

有兄毘人死誣與弟同毆歷臺審無能辨之者楷察其枉謂毆時爾安在曰在鄉學乃拘其師友驗之果然遂釋之庚申陞陝西僉事理屯田督租賦治水利俱有成績尋遷副使上安邊十二策多見采行丁卯陞右僉都御史闖賊鄧茂七作亂 朝廷遣將率兵徃平之以楷爲監軍兵至廣信賊圍延平甚悉楷謂都督劉聚曰賊聞大軍至寧無懼心卽具榜遣人諭以威信賊果解去兵至鉛山賊圍將樂調都督劉得新乘夜襲之賊皆潰散茂七僅以身免退保陳山楷駐兵建寧四招其黨賊復攻延平乃以浙江軍伏後

南京軍伏後洋江西軍伏沙溪之南而以福建軍
 諒為賊所易者出城挑之已而礮作伏起合擊大破
 之遂斬茂七俘其眾餘賊有據九龍山者乃選精兵
 二千撤其筏誠曰明日賊必空寨來攻若疾入其寨
 而反攻之比且賊視我營兵少果至溪上無筏而還
 二千兵已據其寨用滾木擗石下殪之賊眾遂降凡
 定三郡七縣破三十六寨擒偽總兵學士等官三百
 二十四人招徠其民八十餘萬處州賊葉宗留亦起
 復勅楷旋師與都督徐恭互相犄角至即伏兵鴨兒
 芭為壘賊至麾兵擊之少頃佯走賊追逼壘伏兵四
 起一鼓殲之景泰改元班師至京有妬其功者劾以
 初至耽詩玩寇罷歸 英宗初位念其舊勞詔以原
 官致仕明年陝西興師禦虜督軍者難其人適楷至
 京入謝 上曰朕得其人矣遂以楷往還京 上嘉
 勞之轉南京都察院方專委託而竟以疾卒年六十
 有三計聞遣官諭祭令有司營葬事

金忠

金忠鄞人少慷慨負義兄戍通州省兄會靖難兵起
 布衣田冠上謁典儀云浙東奇士金忠願見殿下說
 兵事及中朝動靜得召見忠言殿下太平皇帝小人

本朝分省人物考 卷四十七 十二 浙江六 葉洪

耕江海間及來往齊魯道上聞殿下賢譽服人心久
 矣茲舉大事人材為急 成祖悅立授署紀善日侍
 帷幄贊理戎務尋陞署長史已為真靖難後陞工部
 右侍郎治事北京永樂二年召入兵部為尚書忠博
 覽史籍議論河懸儲位未定 上密問忠歷數古昔
 嫡孽故事以對 上喜賜以大鏹又曰詹事宮端汝
 以尚書兼詹事幸善調護佐太子忠侍監國時勸起
 孝敬篤友愛小心敬慎無失禮毀譽禍福聽諸天日
 而已或諧謔廷臣及宮寮過者 上密令察審忠退
 數日頓首再三為白無此事願陛下寬霽 上或不
 信即又頓首言臣敢保其無他他日有踪跡即如人
 言臣甘連坐以故諸所全護者多謹厚不洩人亦不
 知也忠每導人寬愛無為苛刻公事輒推同官使展
 其才能有闕悞引為已過不遺片善不念舊惡俸賜
 有餘周賑鄉族太子即位念忠贈少師謚忠襄以其
 子達為翰林檢討達幼遭歸寧波學支俸讀書比長
 景陵召達還翰林正統十二年改禮科給事中陞都
 給事中景泰二年出為長蘆運使

本朝分省人物考 卷四十七 十三 浙江六 何仕任

蔡錫

蔡錫字廷予鄞縣人永樂癸卯舉人入國子監 仁

宗朝詔擇國子生有學行者吳信等六十人命翰林院嚴試之拔其尤者二十人充近侍官錫與焉選授兵科給事中彈劾不避權貴陞知泉州府廉慎勤敏孜孜為民樹長畫剷剔宿弊興學校均徭役奏除洛陽東山大橋三鎮戍兵公私便之尤善摘伏境無盜竊時洛陽橋圯發故石有刻文云石頭腐爛蔡公再來橋故宋太守蔡襄所建而錫適以守至遂捐俸重修民德之立祠其旁配享端明陞山東副使奉勅叅贊宣府軍務以功陞順天府府丞正統九年服闋改應天府十四年秩滿陞大理寺卿皆有異政奉

本朝分省人物考

卷四十七

十四

浙江六

勅巡撫湖廣大饑設法賑濟賴全活者數萬家肖像尸祝之尋乞骸骨歸蕭然圖書不持一物囊無買山之貲至饋粥不具逍遙吟諷晏如也有買山稿傳於世

陶厚仲

陶厚仲鄞縣人初以國子生擢御史彈擊不避權勢上雅愛重之陞為福建按察使時福建多滯獄吏賁緣為奸厚仲至治賊吏數十人盡革其宿弊又興學勸士撫卹軍民自奉儉薄有餘悉以施貧者其清介類如此是時布政使薛大方貪暴自肆厚仲劾奏之

大方有詞逮厚仲至京事既白大方得罪詔厚仲還官閩人迎拜為之語曰陶使再來天有眼薛公不去地無皮後卒於官

王來

王來字原之其先河南陳留人因始祖慶元通葬浙江慈溪遂家焉 洪武初祖以桓明經學古起為國子監學正召對皆稱旨來天資豪邁聰明絕人金溪邑有五聖祠善為禍福來自負宏達不信邪妄一日持斧往碎像而燬之撤其神祠不能為殃眾驚異因父在金溪日為武弁所誣奏 上遣法司訊之當理

本朝分省人物考

卷四十七

十五

浙江六

而遭疾時年幾弱冠辯甚悉事遂白法司奇之命賦衡鑑堂詩立就厚致贈焉宣德改元以禮記中浙江鄉試第三仲弟以詩經同領鄉薦明年會試中乙榜弟登進士來授新建學教諭既至作新士氣啟諸生義理之學多所造就其條教至今傳以為式先是諸土府時祭以郡學生員充樂舞生來以為妨學業亟奏罷之以道士充焉遂班著為法宣德四年大比山東聘為考試官六年朝臣交章舉薦拜江西道監察御史七年巡按姑蘇諸郡首除橫欵豪猾屏跡小民安堵民間有喪多惑於陰陽利害或以喪地未擇喪

儀未備至數年不舉嫁娶亦以財禮相較致男女婚
刻失時者於是嚴為禁約婚喪畢舉咸無愆期尋奉
命同侍郎周忱考察官吏制詞有請自 上裁之語
來曰此 勅宜復奏請而貪官汚吏當去宜即去之
若稍遲留民益受弊矣時三楊柄國因覽奏曰雄偉
之才明達治體如此遂易之由是貪暴望風引去當
時考課之公推為首時有巨璫陳武以 太皇太后
懿旨散經江南於蘇常要索百端勢張甚自巡撫以
下皆畏之獨為所抑收其榜與 詔書不合擬劾其
矯制之罪中使哀祈得免及還愬於 朝翊日朝罷

本朝分省人物考 卷四十七 十六 浙江六

上問都御史顧佐曰蘇州巡按為誰佐曰王來 上
日記之及代還佐引以奏 上加獎諭 賜食光祿
內臺之名益重 宣宗駕出居齋關來在扈從因以
守邊策進 上嘉納焉十年監京鄉試十月 詔在
廷舉方面少師楊士奇首薦之拜山西左叅政抵任
即禁橫斂寬逋負革濫役戢奸頑清刑獄寃民隱居
數月宿弊盡去郡邑肅然正統元年丙辰 勅兼總
督大同宣府邊儲革舊營充運等奸弊每歲起徵預
置稽考循環文簿發府州縣凡錢糧解收貯纖悉精
明官民便之其年通計得餘剩金錢布帛七萬有奇

而邊儲自此無愆期之患時山西邊儲浩大民力疲
困巡按御史孫膺奏必得藩臣之廉明有為者臨之
則郡邑有所畏憚庶幾事集而民安因以名聞 上
特勅管理司事兼理邊儲軍政稱職及審重囚遠年
滯獄寃情多所平反六年又以 國初創立預備四
鄉倉移入城郭以庫藏贓罰平糶每歲所積糧有二
千四百餘萬山西之民雖遇荒歉皆獲利焉七年巡
撫侍郎于謙奏舉自代 命未下權貴中擠調廣東
左叅政抵政即禁師巫邪術務崇教化厚彝倫皆約
於禮法之中嶺南之地翕然更化按所屬即將山西

本朝分省人物考 卷四十七 十七 浙江六

轉運邊糧抵數於小戶內減免庶東南無賠償陳腐
之患九年為提調官釐革舊弊得人為盛如大學士
丘文莊其所首拔也十四年流民屯聚陳許等州無
慮數十萬操戈相殺累歲不息特陞河南左布政使
招降之勸其人戶悉令附籍與土著之民參錯編為
里甲處於空曠之地任其耕作免其調發時周王以
不軌聞 朝廷議討之力言其不可請自往宣諭因
馳入王宮指陳順逆禍福王乃闔宮痛哭隨教以上
書陳請解護衛卒彌其變又見四方多事即繕器講
武積粟以為備時多賴之十四年黃河水泛濫衝激

田廬且逼近汴城乃乘農隙借倩人丁躬率築堤捍之栽柳以固汴民至今獲利名曰王公堤九月陞右副都御史巡撫湖廣河南提督有司賑恤流民凡軍民利病官吏否臧皆得便宜處治時河南軍伍空缺乃籍其丁多之家出丁有差號曰機兵精器械嚴武備以耀兵威及聞京師有警即親率所統官軍馳赴策應欲斷胡人歸路自是胡亦不敢近上遣行人王鑑賚勅獎諭景泰改元陞右都御史兼大理寺卿奉勅諭以湖廣貴州等處苗賊作耗殺掠官吏命將征勦尚未殄絕特命即自河南往彼總督叅戎以下悉聽節制受命馳至湖廣沅州考圖定策運謀設法勉諸將以忠義以官軍九萬八千分爲五哨三令五申前進靖州等處分兵連戰大破之斬首三千餘級賊勢窮蹙遁遁相蹈藉死者甚衆乘勝長驅擣其巢穴酋首走香鑪寨其山壁立千仞根盤三十餘里乃審鄉道築排柵架飛樓以空鎗火箭晝夜攻擊又置襄陽砲六座四圍擊之裂其崖石絕其糧道賊衆大窘生擒王韋同烈并將官五十八人械送京師餘數萬并東西苗蠻悉撫定之號令嚴明所過秋毫無犯土官安龍富等爭田聚兵相殺乃因其曉

本朝分省人物考

卷四十七

十八

浙江六

諭即悔悟謝罪各以牛馬來獻更勞以羊酒衆請勒石爲碑自屬文立平蠻恩信碑於貴州清平之通衢捷音馳報上特遣禮部主事孫茂齋勅獎諭仍賜金帛以示旌賞班師回京上召見便殿慰諭再三勞以羊酒兼賜宴光祿次日謝恩陞南京工部尚書仍兼大理寺卿朝廷大事內外守備及九卿會議咸取決於來條陳時政十二事其目曰敦教化以厚民俗勸農桑以益本業汰冗官以省濫費罷造作以甦民力明賞罰以勸事功崇師道以育人才修武備以振兵威抑奔競以勵士行嚴選舉以進賢能選將帥以寧邊鄙增屯田以紓民運救荒政以備旱澇先是部中修造等項多無統紀以出納經費侈奢無考而所屬緣以爲弊至是皆疏剔洗滌分目列件悉奏釐正之百役靡不就緒遂定爲成規凡南京五府六部及各衙門民情軍務必參酌切當敷析詳明俾上不失體下適事宜民皆便之天順改元丁母憂終喪成化六年卒於家年七十六歲

本朝分省人物考

卷四十七

十九

浙江六

陸瑜

陸瑜字廷玉浙江寧波府鄞縣人聰悟夙成弱冠登宣德癸丑進士奉使湖廣徵發海艘率禮慎法無毫

髮掛吏議丁繼母憂服闋除刑部山西司主事時郎中仲閔為之長以瑜為偉器每舉洪武永樂間法比沿革告之且曰子他日必大用不可不知 國朝舊典故瑜於律例條格多究心及大用每舉仲閔之言戒勵屬官及差盤 內帑貨幣勾較精密中官無敢欺隱者遷廣西司員外郎正統九年歲旱 英宗慮天下獄多寃 勅往淮揚蘇松等處十七郡審錄繫囚多所平反諸郡繫囚得釋者三百餘改從輕者又千餘人大司寇金公濂語寮屬曰陸員外克體 朝廷欽恤之意矣遷貴州司郎中丁父憂服闋改四川

本朝分省人物考 卷四十七

二十

浙江六

類此退索故牘閱之年時無少差時錦衣衛指揮門達怙寵作威弘農衛卒誣指揮李斌與其弟德謀反事下 達鞠之達煅煉以為反狀已具奏 請會三法司審問眾相顧莫敢異論瑜獨言其寃達怒侵瑜瑜曰法司所執者 祖宗之法耳吾何敢捨所執法在人滅族之罪邪達反譖之於上 上曰彼特欲重慎耳及奏上誅止斌兄弟而免其妻子曹欽反武夫希功者執其個人送官以為逆黨凡數千人瑜語都憲李公曰欽之反起於倉卒個人相去或數百里安得與謀奈何使數千人無辜而死并籍其家耶李以

本朝分省人物考 卷四十七

二十一

浙江六

司郎中景泰二年陞山東布政司右叅政使齊東薦饑貧民相率持杖發富室廩粟前使坐以強劫死者三十六人瑜曰民苦饑攘粟以延殘喘耳改坐白晝搶奪而三十六人皆不死河決張湫 朝命僉都御史徐有貞塞之徐委瑜督其役時工匠集者數萬乃為設方畧編荆為筐實以土石沉而築之水患遂息尋轉左布政使天順二年冬以李文達薦徵拜刑部尚書及 廷謝 英廟見瑜奏對洪暢進退雍容與左右曰刑部得人矣瑜久居法曹練達 國家典故凡有大獄屬官不能決者質於瑜則曰某時某所犯

為然於是個人皆不坐 上素重瑜或獵近郊或遊上苑輒召從行禮遇優渥 憲宗初開經筵瑜與羣卿侍有白金文綺之賜成化三年夏尚書九載滿上疏乞休不允復任五年忽感風疾甚劇 上遣中使臨問御醫療疾賜以酒米食物疾少間乞致仕復不允特免朝參仍理部事越兩月疾復作疏懇謝事上乃許之辭之日 賜寶鈔千貫抵家以泉石詩酒自娛 十五年明習法令而無與世浮沉之譏屬官賢者禮之如賓有險且暴者馭之甚嚴及其改過則坦懷待

之不追咎其既往人以是德之弘治二年卒壽八十一
一謚康僖

陳 濂

陳濂字德清鄞縣人正統乙丑進士授南京刑部主
事明習文法一如素官時有鎮海戍卒故亡賴誣衛
指揮以下數十輩不法事同獄者又代為偽帖以質
其奸株連逮繫乃以屬濂遂得其情而釋其餘譽益
用起已乃署員外郎事景泰三年陞廣東按察司僉
事天順三年轉副使巡視海道海故盜藪而圍山又
瀕海盜勢猖獗濂輒親冒矢石出奇應變日夜露禱

本朝分省人物考

卷四十七

二十二

浙江六

誓不與賊俱生忽雷電交作風雨晦冥盜迷贖相擊
殺俘誠無筭海南肅然成化元年陞廣東左布政使
四年陞巡撫廣東右副都御史廣人頂盆欣戴頌聲
大作連歲兵興供應師旅勞止日甚濂懇懇矜惻如
或傷之五年奉命總督漕運勤疏濬嚴監督立程度
輸運無後期兩淮故南北孔道諸豪家漁獵貨貨卒
多橫暴凌啖庶姓悉裁以法善長咸獲其所七年丁
內艱去八年適河南缺巡撫 上謂非濂不可詔起
復濂灑泣就道未幾又命巡撫北直隸兼巡紫荆諸
要害九年 上又以漕運事重還濂原任比至淮疾

作卒於蘇

邵 玉

邵玉字德溫慈谿人舉宣德十年鄉薦正統元年登
禮乙榜授汝州學正歷遷南寧河間二府學教授合
九年考最吏部遷順天始以京秩入流品以薦超擢
雲南僉事兼督貴州未幾墜馬傷足遽謝事以去居
十有餘年乃卒學本諸經史為文章典雅有法氣象
嚴毅行甚謹飭不苟為酬應為教必先孝弟忠三者
期以磨濯焉在雲南凡所按試冒險阻窮歲月未嘗
色倦三應聘為考試官山東西俱號得士而江西得

本朝分省人物考

卷四十七

二十三

浙江六

故侍讀彭公教為解首若學士張公元禎禮侍郎傅
公瀚董公越祭酒羅公璟皆時名士鄉榜之盛無與
為比德溫在汝設醴粥以救饑民在山東有士子囊
金求舉斥弗納在山西作誓心詩以見志在雲南見
道旁羣婦稱夫死戍携幼而啼饑者督有司查其籍
廩於官此其懿行善政尤為膾於人口云

應履平

應履平奉化縣人由進士歷任德化知縣稽勲郎中
獻河清賦陞德安知府秩滿陞貴州按察使正統中
奉勅同尚書王驥平麓川苗寇進雲南左布政使尋

乞致仕為人剛直不阿所至祛除奸蠹民多便之且嘗論列時政多見采納

楊守陳

楊守陳字惟新浙江寧波府鄞縣人父自懲官止泉州倉副使其姪也母張宜人夢星落懷中及生天庭有黑子七如北斗見者奇之五歲即端恪如成人而才識穎達受業於祖栖芸先生日記數百言稍長學舉業及為古文辭屢出流輩四方多傳其文以為式栖芸恒誨之曰聖賢之學以靜思力踐為要博聞強記輔之而已遂大有所悟入作致知力行持敬三銘

本朝分省人物考 卷四十七

二十四

浙江六

以見志景泰庚午舉浙鄉試第一辛未舉進士選翰林庶吉士未幾丁父憂而祖父母相繼卒居喪七年學識益遠天順戊寅服闋授翰林編修預修大明一統志尋被 旨授徒內監辭不許 憲宗即位選為經筵官修 英宗實錄成化丁亥以考績陞侍講諭月實錄成陞司經局洗馬每進講必積誠納忠以感 悟 上心一日講武成篇曰魯論稱舜無為而治周書稱武王垂拱而天下治然後世人主有深居禁中委政內侍者召望夷之禍有高居無為惟寵嬖豔者啟祿山之變蓋舜武之所以無為者由其舉相去凶

得信明義無一不盡其道皆常憂勞而有為乃始佚樂而無為也後世人主則孟子所謂安其危而利其菑樂其所以凶者耳此聖狂治亂所以異也聽者悚然至於應制詩文亦舉筆不忘勸戒壬辰遷侍講學士校刊通鑑綱目預修續通鑑綱目母喪去所教中官已多貴幸凡預教者率因之以進獨陳泊然無少藉有欲出力援之則謝曰我孀婦也抱節三十年矣乃垂老而改志耶縉紳往往傳誦其言 孝宗出閣被選日侍講讀會文華太訓成陞詹事府少詹事兼翰林侍講學士大訓篇目多本大學衍義獨事涉中

本朝分省人物考

卷四十七

二十五

浙江六

人者悉不以書守陳曰是何以為訓據其賢否得失之故分註一條議者不能奪守陳雖晚始遇而名重一時吏部嘗擬國子祭酒在廷大臣合辭舉堪吏部侍郎宜入內閣皆不果用 孝宗登極加恩舊僚始擢吏部右侍郎初當道猶擬南京 上覽疏取筆塗南京二字其被眷知如此 詔集議祧廟禮部侍郎倪岳請祧 懿祖而以 德祖比宋僖祖百世不遷守陳抗言禮天子七廟祖有功宗有德乃孔子之言故凡號太祖即始祖必事之以配天若商周之羿稷皆以功而非論其本統也宋之僖祖及我 德祖可

比商祖乙周祖甲非契稷比議者所議太宗徒有取於王安石之說而不從孔子遂使七廟之間既有始祖又有太祖太祖既以配天而無南向之位名與實乖豈先王之禮哉若謂降而合食為非禮則王者既立始祖之廟又推始祖所自出之帝而祀之固無嫌也 憲宗升祔請并祧 德懿熙三祖自 仁宗以下為七廟異時祧盡則以 太祖擬商周契稷而祧主藏於後寢裕禮行於前廟時享則尊 太祖裕祭則尊 德祖各不失尊庶無悖禮議者竟不能從弘治戊申上疏論講學聽政累數百言大略謂 陛下本朝分省人物考 卷四十七 三十一 浙江六 御極以來屏棄珍玩放遠奇藝登用正人聽納忠諫躬覽題奏日勤政務若此不懈可幾堯舜臣愚過慮革故正始猶易持久保終實難 內需弗深外資弗博銳志少懈欲心漸滋豈能保其始終如一乞開經筵御午朝聽講之際凡所未明輒賜清問必待聖心洞然明悟而後已一日之間居文華殿之時多處乾清宮之時少使欲寡而心清惑少而理明則得於內者深而出治之本立矣午朝有事者皆先用略節口奏而裁決之大政則召大臣面議未當則許諫官駁正而審行之俾賢才常集於目前視聽不偏於

左右則資於外者博而致治之綱舉矣若但如近日之聽日講御午朝以應故事凡百題奏皆付內監諸臣調旨批答臣恐積年之弊未革而將來之患難測不但如前所過慮而已 優詔嘉納諭禮部以三月御 經筵禮部得請并午朝如楊某奏會修 憲宗實錄 命兼副總裁守陳念更化初凡吏部有所陞黜人必視其忠邪易險愿奸為趨舍故侃侃持議雖取嫌忌於同列弗苟徇也已酉再請解部事專史職不許章三上乞致仕且曰吏部進退百官眾怨所集聞望如王恕尚招人言况臣迂踈豈勝此任 上不本朝分省人物考 卷四十七 三十一 浙江六 許始命以本官兼詹事府丞供職史館如故管言古人謂國可滅史不可滅我 太祖既混一即命儒官修元史 太宗靖難後史官不紀建文君事遂使當時朝政與忠於所事者皆闕略無傳及今猶可補輯景皇帝已復位號而 英宗實錄標目猶書郕戾王是宜改正章疏留中者雖有可傳例不得書乞宣付史館擇而書之奏未及上以十月十八日不起初太白星見占者以為賢人厄蓋其應云方疾革語其弟守趾男茂仁曰吾仕登三品年邁六十斯何憾惟上恩厚不能報先棲芸先生未及封汝曹勉圖報稱

以繼吾志語訖不亂端坐而逝訃聞 上悼惜賜益
文懿命官諭祭給葬事後二年實錄成 詔贈禮部
尚書又三年以 春宮舊恩許錄其孫美璜為國子
生所著述有三禮周易尚書詩孝經大學中庸論孟
私抄凡數百卷皆正其錯簡更定其章句詮擇諸家
之傳詮而傳以已見雖大儒之說不苟同蓋晚年屢
加刪定未始輕也

周·津

周津字文濟號月航世為慈谿人領成化庚子鄉薦
登甲辰進士學士楊公午陳一見奇之謂濟時才也

本朝分省人物考

卷四十七

二十八

浙江六
高尚正

丙午授行人時北虜臨邊假貢獻以規我虛實廷議
推津往諭之虜見津風神皎然詞義峻整齧指羅拜
而去弘治庚戌轉南京監察御史會內察悉心咨訪
不徇眾好惡以為雷同督造四十八衛軍冊盡得奸
弊而釐革之監龍江瓦屑二樞務中貴百計啗之不
可得守備巨璫蔣琮欲求一見無由致之一日治具
蕭寺托津同僚相邀及門始知即策馬而返閣臣丘
公濟與冢宰王公恕素不相能嗾人訐之飛章劾丘
謂其以博物洽聞之儒臣處經綸密勿之重地乏休
休有容之量為妨賢病國之謀本之則無焉用彼相

時言路劾丘者眾而津所論辭若緩而義愈嚴疏入
舉朝避之甲寅奉勅清戎山東尺籍無隱漏建白利
害凡十事無不切當復兼刷省卷磨勘有法方伯而
下皆敬服之戊子丁外艱庚申服闋轉九江知府平
易近民以通上下之情為之寬徭薄賦洗冤澤物汲
汲如不及郡當要衝使舟如織津以連歲兵荒一切
館穀夫皂悉損其半 王喪過郡舳舻數百艘蔽江
而下州縣入夫遭舟人索錢之虐落水并饑餓死者
無筭津編成甲令互相救援無一失所者在郡移守
瑞州比行老稚攀送哭聲震野至瑞州即疏蠲逋賦

本朝分省人物考

卷四十七

二十九

浙江六
高尚正

與民更始先是上司凡盜起必責捕盜官緣此畏罪
不以聞釀成大患上書巡視都御史林公俊謂寬巡
捕之法重獲盜之賞盜乃可彌謂漢時郡國多盜聽
其自相斬獲以除其罪吏逗遛回避者勿問惟以擒
討為效此策今宜用之後賊首王武果擒其黨劉洪
等若干人林公深加賞歎久之訛傳賊將劫獄一日
報三四至官吏士民奔竄一空獨與捕盜通判甘文
紹堅守不去號召民兵以為扞禦且遣卒入獄防變
文紹家僮殺死囚四十七人時有銜津者遂加羅織
文紹亦因以歸罪焉坐是繫獄兩期自以身為正官

宜獨任之無一語以及文紹瑞民擊登聞鼓訟冤事
下兵部劉公大夏覆奏得旨還其原職再至瑞地方
無虞良善得所分守王叅政治獄深刻執不從曰先
儒有云殺人以媚人吾不爲也王卒不得逞亡何逆
瑾用事與正人爲讐二次罰米輸邊不下八百石計
無所出瑞民爭先代輸後以積俸及鬻產償之已已
轉江西左叅政分守湖西并嶺北二道嶺北以盜湖
西以訟爲諸道最盡心竭力撲滅爬梳盜訟寢亦衰
息庚午轉雲南按察使辯釋冤獄旌別屬吏振肅紀
綱鎮守崔某軍牢毆人至死必置之法總兵沐公下

本朝分省人物考

卷四十七

三十一

浙江六

人有犯未嘗少貸沐公亦雅重之片紙追呼必令如
期而至土官那代兇殘嗜殺白骨盈壑畫策擒縛竟
亦服辜壬申轉雲南右布政使治濫爲患隨濟隨塞
蓋源廣末狹理所必至乃鑿漢廠諸墩復開子河以
殺其勢永利至今甲戌轉貴州左叅政使未及行改
廣東丁內艱去病卒未卒前一日月有紅光空夜
墜于庭

楊茂元

楊茂元字志仁浙之鄞人成化七年鄉試第五十一
年會試第四 廷試第二甲第七是歲秋八月授刑

部陝西司主事練習法比大司寇林公聰大器之時
有巨璫占民蘆場若干頃盡以歸民同年楊仕偉者
爲同部主事中貴汪直誣以受賄事結徵賦仕偉以
乃祖太傅公 恩賜銀四十兩輸之不足又稱貸以
益時忌直莫之敢與乃違衆假之隨署其封曰刑部
主事楊某俸銀十兩直見之歎曰好膽氣仕偉之誣
遂白十七年陞福建司員外郎十九年陞四川司郎
中明慎益著二十二年奉 勅錄南直隸囚冊舟次
邳州夢血面女子訴冤一夕三至且稱已訴成善矣
黎明詢之成善乃衛巡捕官先有告者含糊不明但

本朝分省人物考

卷四十七

三十一

浙江六

屍所耳乃令覓其屍果得蓋此女餉夫之叔於田
時苗甚茂求姦不從怒而鋤其鼻死遂瘞之拘審卽
伏凡情可矜疑者多所平反二十三年陞湖廣按察
司副使清理屯田屯田奉 勅自茂元始先是官解
多崇莫敢居者至卽居之從者夜聞戶外人言福星
至矣竟寂無譁弘治二年冬聞文懿計歸繼以母憂
六年服闋授山東按察司副使適河決張秋 孝廟
勅命劉都憲大夏董其役繼太監李興平江伯陳銳
共治之興銳事多不法乃抗疏首言治河之策次言
水者陰象其應爲後官爲夷狄請戒飭后戚防禦邊

寇取回興銳專命大夏自治又請罷取天下畫工仍
革臨清鎮守凡三事 上以太監總兵官不必取回
但令裁省禁革而已由是興銳憤恨圖以報復誣元
妖言 詔差百戶胡節械繫至京山東民沿途遮胡
泣訴稱冤胡亦與之泣擁莫可行行將濟河濱河民
亦然乃慰諭以去及 陛見挺身跪不伏 上益怒
繫錦衣獄南北言官交章論救 上察其忠謫長沙
府同知後河治一如其策當時 廷議謂茂元前疏
與父文懿講學聽政疏實相表裏而剴切過之所為
有是父必有是子也抵府即署事民適阻饑緩之以

本朝分省人物考

卷四十七

三十二

浙江六

蘇民生嘗以寬一分則民受一分之賜在長沙革驛
傳之包富禁屬邑之餽送却屋稅以支應量地方以
供祀要以省民已耳醴陵淶江橋通七省自李唐來
已有七墩立江中架木其上不久即毀茂元知舟渡
被溺者衆因為文勸諭且先蠲俸以助民樂為之越
二載以疾篤歸里家居五年言官論薦者無慮數十
疏十六年起陞安慶府知府義不獲已止攜二僕以
行時府多火災軍民苦之乃為之禱城隍患即彌
息歲連旱必齋素徒步懇祈於紅塵烈日間雨大注
其却鹽稅逐倡優奏減胡羊價銀及革天下稅課司

之在州縣者尤甚有禪於民十七年入 覲太宰馬
公文升揚言於衆曰若楊某者天下第一知府也十
八年陞廣西布政司右叅政風采益勵罔卹烟瘴徧
所部而返思恩田州二府土官岑峻猛相讐殺貽患
地方正德元年 上命三府進兵乃率前哨擒岑峻
并黨屬一千有奇 詔改二府為流官降岑猛為福
建平海衛千戶猛遂擁兵據治勢甚猖獗乃臨其境
諭以禍福猛言不便遠遷故耳茂元曰是不難即今
魚窩等寨苗賊背叛汝能備兵從討以功贖罪吾將
奏請為爾免遷猛即叩頭願從魚窩等寨者柳慶猗

本朝分省人物考

卷四十七

三十三

浙江六

嶺也其首韋朝宣等亂先是三府具 聞其年亦
勅令三府征勦乃協同將官勦破魚窩等寨擒斬甚
多事定 奏免其遷又黃文昌元弟三人久為思明
府患守巡官節討之輒敗績二年陳都憲乃委同總
兵官相機撫勦文昌聞之而縛乞降乃徙文昌而平
其黨三年請老不報時逆瑾差御史孫迪查盤廣西
布政司庫各道皆措銀千兩以餽瑾茂元若因聞同
鄉謝迪嘗諷言無千金難免桎梏之禍對曰千金之
餽非盜官帑則剝民脂以此自救是畏無妄之災而
犯有名之律謹將益深故誓死不為迪語塞竟不能

害四年夏吏部擬陞江西右布政使瑾僞 旨令致仕千金之憾也即買舟歸五年瑾誅起任江西右叅政尋陞雲南右布政未至轉左時征勦郡盜餽餉有方且查殺傷者給帑醫治士心感激司庫有贖銀幾百鎰曰無礙錢吏白惟所用乃叱之曰此正在法賊也烏得無礙藉以識之其大理奇石之類一切不取七年秋復疏謝事不允陞貴州巡撫僉都御史奉勅兼制四川酉陽湖廣湖北諸道以討五寨平頭烏雞等苗寇改南京都察院右副都御史既得咨以爲兵糧已集事貴神速若需交承寇有備矣乃駐扎湖

本朝分省人物考

卷四十七

三十四

浙江六

譜凡遺事有繫長沙者分爲八題題以篆勒譜以楷錄親爲之贊贊以隸書皆手筆也張都諫弘謂其草書字畫道勁匪特臨池之功抑亦正毅之氣隨寓而見也時以爲格論

屠 瀟

屠瀟字朝宗號丹山鄞縣人母徐夫人夢老人授一大珠吞之遂孕瀟生有異贊五歲能記小學孝經諸書七歲徐夫人得疾劇用藥罔效恒跪問疾夫人戲曰須汝肉愈爾瀟卽往割股肉破血流父見而驚抱諸夫人瀟泣不已夫人強止之領成化乙酉鄉薦明

本朝分省人物考

卷四十七

三十五

浙江六

年丙戌舉進士未幾以疾乞歸五年疾愈之京選試湖廣道監察御史公暇輒闔門習法律每至夜分時士襄敏越掌院事委掌章奏凡所論列叅駁多其手稿越不塗鼠一字七年奉 勅湖廣盤糧所在必躬詣考覈或有以耗糧坐重典者則曰非侵盜法不應重典悉減論岳州倉官高鑑爲軍士挾私憾受誣瀟廉知其姦親往閱實乃抵罪誣告者武岡大使恐缺見糧潛落厥經一葉約沒糧二千石旣發其事且曰其必自盡陰使人伺守之其夜果就縊守者捕送瀟驗倉得實數杖釋之歷四十餘所去官吏過半無冤

稱者十年巡按四川四月歷覽殆徧乃摘其尤弊者十事約禁之民吏歛飭姦宄銷沮後人有刊其榜文為典刑者十五年用王越薦特陞本院右僉都御史十七年陞左又二年陞右副都御史二十一年陞右都御史先是李孜省黨嘗以私事啗瀟共媒孽之明年出瀟南京時占城王古來為安南所侵挈國族奔泊廣東訟冤於 朝守臣以聞方議遣官而人皆難之時李黨因欲傾瀟薦瀟往 命下物議怖恐有私為謀者曰盍以 勅示衆猶可別圖避就毋落其機

竄瀟笑卻之即日戒行比至獻策者或曰安南藩臣本朝分省人物考 卷四十七 三六 浙江六

也當為問罪之舉或曰占城脆弱遣回國莫保後艱宜留置之瀟曰用兵則毒民避強則取侮皆弗聽乃詣蒼梧諸郡規知其情狀移檄安南諭以禍福俾圖逆順安南大恐辭對甚婉瀟曰此所謂不戰而先奪其氣矣可因撫而兩存之遂置安南而召古來論歸國瀟欲以軍護其歸守臣忌不肯發乃即召募千人習武事乘海舶二十艘以往繼息無動民者古來感恩以金銀器飾異香番木若干獻謝瀟麾卻之既歸國復遣使馳謝并以 聞 上嘉其誠命受之瀟辭曰綏遠之仁繼絕之義在 聖天子臣何功之有

上不允又懇辭從之令貯禮部自是二國輯睦弘治改元奉 命總督兩廣軍務兼理巡撫以親老乞終養不允留廣未一年斬獲徑徑數多 賜綵段銀兩柳州諸處戍軍舊皆番調風土殊習比歲死亡過半乃為區處分守多所全活二年 勅還掌院事明年感疾 詔暫免朝參又遣中貴人御醫臨問 賜牲米酒菜以久疾乞還俸不許四年以疾歸省途聞母喪六年服闋 上特命回掌院事尋陞左都御史加太子少保時各處災異疊見上奏曰災異雖出於天感召寔由乎人必上下交修則災異可彌歷疏時弊

本朝分省人物考 卷四十七 三七 浙江六

二十事以上 上悉命行之山西寧化王有不孝罪狀 命重臣往覈既實比至京王母改詞瀟方欲具奏原理官危之曰若聽其反覆吾輩何所逃罪瀟乃奏言王母前後詞異與民間告子而含恐息詞者例回遂得兩釋九年家宰耿文恪舉卒時會舉四人而瀟名居第三 孝廟親書瀟名付內閣及居銓曹博採輿論廣寄耳目以公考選進退黜陟無所避有監司以憂去任或云其人宜黜瀟曰古者不伐有喪之國况無顯惡而乘是黜之耶每註選至煙瘴地停筆久之曰吾常經其地官多以瘴死必擇宜其風土者

因奏爲著令尤痛抑僥倖或造請者必實其人於遠地有貴近爲所識求京職官乃語其使曰爾主爲一士孰若爲大臣耶勲貴有以玉帶獻囑以私者大怒叱遣之弘治六年以後頗多內降官漸冗因災異凡三執奏大意謂天下士事詩書而躬案牘秃銛鋒而竭筋力積數十年不可得而白身之人乃或因奔競乞憐或緣技藝蒙幸不可爲訓且今日之傳奉卽漢西邸之爵唐斜封之官宋內批之降甚爲政體累陛下當遠祖堯舜近守 祖法豈可襲漢唐宋弊政乎衆皆服其確論言官有欲開納馬之例者卽抗疏

大明分省人物考

卷四十七

三十九

浙江六

會 武宗出閣加陞太子太傅進階光祿大夫勲柱國 賜麒麟一品服十三年有疾 上數遣官臨問又遣御醫診視未幾以疾辭給驛還鄉仍命有司給月俸與皂以優其老歸一年父以壽終 正德二年召以太子太傅禮部尚書兼左都御史掌院事 賜蟒衣玉帶又累 賜龍文詩軸及通鑑纂要後逆瑾專權驕僭凡所司擬議諷使先啟瀟不從時方嫉言官或欲因事加罪囑令笞之瀟曰御史風憲之官若箠辱之何以振揚風紀糾正百僚耶終不用其言又大起羅織之獄罪已應律者更欲比擬滋重瀟曰律已明矣何比擬爲由是大忤瑾奏上輒怒乃拮拾瀟罪欲脅以從已卒不爲動瑾又以宿憾鉤擿致政兵部尚書劉大夏罪欲寘之死乃爲委曲救庇卒得減論江西民三戶造龍船爲歲戲瑾緝知旣籍其家猶欲論死瀟卒如原擬以復時論甚偉之有御史巡按雲南瑾私人誣以枉道諸罪乃力爲調護獲免瀟知勢不可回乞休致以正德壬申卒七十有三贈太保謚襄惠瀟聰穎絕人總角已能詩文比長學益邃雖位至宰輔手不釋卷尤精法律善折獄初王襄敏公越未見賞識一日命書所題孔雀圖詩偶虛後王公

大明分省人物考

卷四十七

三十九

浙江六

意不然之徐謂曰汝其題補之頃刻作長歌進王公
讀而笑曰奇至是乎自是深加愛重體貌魁梧秀整
鬚長及臍嘗自稱髯翁平生無戚容愠色推賢讓能
尤恐不及瀟既加太子太保時馬端肅公以兵部班
例居下謂其前輩齒尊疏讓之給事中魏珏等因事
下獄時值暑月率九卿極論出之周文端公經將謝
政又疏言其剛方有為 陛下不宜苟遂其去及
召問執對愈堅至拂 上意不避為御史時有勸留
草者則曰為言官言其職耳傳奏草以銜名吾不為
也故終身未嘗存稿天性孝友事親極孝養父好

本朝分省人物考 卷四十七

四十

浙江六

治魚池及守制時將鑿池以悅其意而未得地一夕
夢神人謂曰吾當獻之覺而大驚異已而於居之乾
隅購得隙地因鑿池得石多且巨又瑰奇可愛歎曰
夢徵矣殆天意乎乃即池山名曰天賜巖構亭於池
前曰樂親亭云與人不設畛域無貴賤戚疏皆以恩
雖胥徒臧獲不輕詆置當在庠時同進忌之者毀之
於楊司訓數見斥辱及楊滿去惟瀟父子餞於郊後
道其地復收恤其子同輩嘗挾長侮瀟者及貴顯其
人媿乃厚禮之及謁選吏部終無所憾每自謂手持
此筆掌刑獄惟恐誤殺一人掌銓衡惟恐誤黜一人

其存心如此

楊守隨

楊守隨字維禎鄞縣人生十歲棲芸先生授以四書
史略諸書則能通大義十五從伯兄文懿公守陳受
易學成化乙酉領鄉薦丙戌登進士第丁亥授江西
道監察御史自治甚嚴時郡僚有為權貴人相邀者
獨不往後其人犯法眾避不敢鞫守隨按問如律眾
皆服其先識已丑奉 命巡視河道時亢暘水涸躬
巡諸閘時其啓閉漕運大通有近宦黃賜縱其家奴
兜攬白糧逼率驛遞者悉繩之以法於時河路肅靜

本朝分省人物考 卷四十七

四十一

浙江六

庚寅疏上明謚法重大臣容諫官守法律備儲蓄禁
奸詐息餽餉等七事 上甚喜之辛卯陝西失機總
兵官黃緣脫罪而獨坐鎮巡官上疏以為法度貴乎
畫一刑賞不宜異同請併論以法四月奉 勅查盤
大同等處倉庫守隨素精數學至則親執簿書推算
毫髮必盡委積官吏有望風解印綬去者人皆服其
精明都察院舉總理三法司事凡所論列參駁悉當
於理壬辰疏上練兵將疏城壕鎮邊邑恤民困舉將
才防患侮正邦憲明賞罰理軍務等九事皆切中時
弊癸巳張真人以罪謫戍邊方黃緣權貴乞 恩終

養率衆力言其不法狀時論偉之又見天下諸司文卷不明請每三年一次差官照刷至今爲例有因凶荒奏令吏典納銀冠帶選用者乃執奏以爲作法於涼其弊猶貪示人以義其患猶利賣官鬻爵非時善政請以漕運米數萬斛賑濟 上深納之甲午巡按江西清滯獄減折納革冗費禁和賣誥奸貪表能賢善政不可枚舉乙未勅協同兵部侍郎原傑操練兵馬巡按江西八月聞父喪守制戊戌四月起服改福建道己亥職吏李孜省守隨按江西時問發充軍至是逃來京師以妖術得幸授太常寺丞乃劾奏孜省

本朝分省人物考

卷四十七

四十二

浙江六

府尹以孜省被誅言路始舉之也己酉復調謫廣西叅政先是承戶部奏委查勘守備太監蔣琮陳祖生故違禁例以開弊端事執法不徇乃反坐之甲寅陞廣西按察使乙卯擢南京都察院右僉都御史提督巡江兼操江條陳奏修戰船等事丙辰擢南京大理寺卿叅駁詳明一時獄訟稱平焉庚辰改大理寺卿充經筵官讞獄詳明部院推服癸亥六年考滿晉級資治尹進階正議大夫 甲子以七十引年 溫旨慰留因疏刑名十事皆著爲令乙丑 上宣至便殿語刑獄事每就事開陳無不忻納五月 武宗登極

本朝分省人物考

卷四十七

四十三

浙江六

陵木是汝盜伐佑鏃二人止坐不行救正之
惡得比而同之興語塞遂按其辟而內宦亦怨矣
時逆闖劉瑾鼓惑盜權號為八虎科道率以言得罪
借大司徒韓文都御史張敷華會部院百僚抗疏叩
闕請誅瑾輩甚力瑾迎 上泣訴遂除司禮監傳
旨守隨及韓張諸公皆致仕二年丁卯正朔趨謝詒
朝 陛辭比退輿隸皆畏瑾禍四逸徒步長安街有
吏胥數人肩輿擁歸第明日遂行次於張家灣瑾潛
令軍校隨之欲中以奇禍乃僦車就道一不煩於官
府始免於害瑾乃矯 詔指守隨與大學士劉健謝

本朝分省人物考

卷四十七

四十四

浙江六

遷尚書韓文林瀚張敷華及科道等官凡五十三人
自為朋黨頒示天下三年戊辰自致仕家居杜門不
出而瑾怨未解乃文致舊事罰米二千石宣府上納
且逮及從弟故冢宰守陟亦落職為卿亞方伯維德
暨兄子司寇志仁皆罷歸庚午瑾復矯 詔削官爵
追奪 誥封再罰米二百石先後被罰鬻田宅脫簪
珥以償九月逆瑾伏誅科道交章薦其名重望隆才
識優卓守正秉直堪以起用不報以餘黨尚在也始
復原職致仕給還所奪 誥勅十四年以疾終年八
十五易簀之時顧謂二子顯允曰吾位列正卿壽踰

八十稟葉平生今將斃於正矣第以受國厚恩無
萬分此沒世之憾也敬戒我後人宜圖補報問以家
事則搖首不言須更有風自牖如霧即端坐瞑目而
逝

朱瑄

朱瑄字廷璧號太樸鄞縣人登成化己丑進士未授
官丁憂三年足不至城府既終制郡守張公以白金
為贖辭曰筮仕之始公宜息教而乃有此張為之改
容癸巳授工部都水司主事督理通州諸倉兼出納
官箴時倉圯者八百軍久弗治乃程力役信賞罰不

本朝分省人物考

卷四十七

四十五

浙江六

踰年備飭具備新朔者又四分之一而人不告勞官
覽自臨清附漕舟而北必出紙充罰乃得竣事成累
紙可萬數瑄悉省之歷三載改營繕司移領蕪湖官
稅法尚寬省碩嚴吏禁其質竹木諸細物者多弗徵
踰年所積稅倍恒數及朝京復委脩蘆溝橋堤壬寅
改命兵部領職方重寄凡所經畫詳慎不苟十九年
遷員外郎二十年轉郎中乙巳值陝西大饑人相食
朝廷簡諸郎官分道出賑得鳳翔乃觸炎暑兼晝夜
以行若拯溺救焚然稽戶定籍量多寡給之民饑為
盜察情可矜者多縱遣就業又督有司給牛種躬自

稽察不爲文具計所活者六十萬有奇 召還之日
老稚遮擁不忍捨去丙午陞河南左叅議適蝗旱相
仍殫心沛澤全活民命不減於陝西弘治辛亥陞本
省右叅政奉 勅撫治流民凡附籍安插并逃移人
民立里以居給田以耕食暴官吏豪強軍民懲治不
少貸河南南陽等府盜採銀沙者衆結聚貽患乃勤
巡視嚴禁約民安盜息及黃河決 朝廷命都御史
劉大夏等條築瑄分理上流督開支河以殺其勢築
黃陵岡以禦奔放然後水由故道民賴以安漕舟得
濟境內踰時不雨赤地相望瑄謂河南府有伊洛二

本朝分省人物考 卷四十七 四十六 浙江六

渠彰德府有高平萬金二渠懷慶府有廣濟渠方口
堰南陽府有召公等渠汝寧府有挑坡等堰許州有
棗祗河渠苟盡人力可蘇民困白巡撫徐恪以聞
勅瑄專理其事因宜濬道置閘啓閉凡王府屯官之
兼并豪右碾磨之侵據悉釐正之是以五府一州田
得灌溉旱燠有備甲寅陞本省右布政使八年乙卯
擢都察院右副都御史巡撫南直隸總理蘇松等府
糧儲首修鎮江安慶太平宿松等學增朔江陰武進
吳江等倉出帑藏糴千萬斛以備荒應天蘇松常鎮
災傷之後雨澤愆期積誠祈禱感應如響丙辰年歲

幾大熟偶風雨大作狂流浸漫彌旬不退上奏減財
賦洵三江下流以殺湖水濬孟瀆等河以通漕舟自
蘇至崑山大倉者一遇風濤多罹覆溺盜賊出沒其
間命外作長堤樹以柳木甃以石砌而中通舟楫其
患乃息議建太倉州請割崑山常熟嘉定附近鄉都
以隸之徽州府產無藤黃銀硃增派炭派抗疏止之
他若內府供給各衙門坐派及運送人夫等項糜費
鉅萬 奏乞裁省以固祖宗根本之地其酌糧解以
免賠累嚴驛遞以省騷擾減賦稅以疏民困等事料
理周悉至今永爲遵守丁巳夏駐節太倉忽中風疾

本朝分省人物考 卷四十七 四十七 浙江六 高尙武

回次蘇州稍能語醫謂宜得鹿血和藥吳中一鹿可
直數千文有以此來獻乃命破其耳取血僅足而已
竟還之以疾致仕弘治甲子卒於家年六十五平生
義利之辯最明齒及賄賂則喞然見於顏色故剔歷
中外幾四十年家無厚殖飲仍陶匏歲凶家且缺食
郡大夫以米四十斛爲餽一無所受當道檄樹都憲
坊固辭不從其卒也乃質棺於市人稱爲有守云

楊守陞

楊守陞字惟立別號碧川鄞縣人母張淑人孕甫八
月夢大星懸於庭覺而生幼警敏六歲受業於栖芸

先生教以經傳既通大義十五從宦泉州為古詩文
 迥出時輩景泰辛未以父喪歸得取正於其兄吏侍
 守陳學益遠成化乙酉舉浙江鄉試第一明年會試
 場畢聞張淑人遺疾馳歸省侍疾愈卒業大學會祭
 酒邢讓等三人為怨家所傾坐昧繫獄乃草奏率六
 館士伏闕訟其寃至再事雖不白識者偉之戊戌
 會試得第四 廷試賜及第授翰林院編修辛丑充
 廷試彌封官 賜寶鑑丁未滿九載時江西李孜省
 以左道干紀與從凡工部尚書守隨素不相能既中
 傷之併出守陞為南京翰林院侍讀至則署院事時
 本朝分省人物考 卷四十七 四十八 浙江六
 高尚武
 守陳方署事翰林士論以兄弟俱發解又南北分典
 詞垣為斯文盛事弘治改元 召還翰林纂脩 憲
 廟實錄已酉充 經進官極言進君子退小人為治
 亂之機言甚激切 孝宗改容聽之辛亥 實錄成
 擢左春坊左諭德 賜白金文綺病士習浮靡文氣
 日入於弊其同考禮闈主應天順天鄉試俱務黜浮
 崇渾時稱得人丙辰署翰林院事預修 玉牒尋進
 翰林院學士奉 詔授庶吉士業丁巳充纂修 大
 明會典副總裁戊午 武宗春宮出閣講學充侍班
 已未遷南京吏部右侍郎奉 詔各舉所知以郎中

陳鎬評事王紀上後皆不負所舉署兵部以星變陳
 事皆切時弊 朝廷嘉納辛酉南監祭酒病卒諸生
 乘隙多易簿書以規速進及往署監事悉為釐正滿
 三載詣闕考績內閣以會典修久未完守陞精於
 史事奏留校閱與匏菴吳公同事勘訂精審居五月
 書成 賜宴禮部錄校閱功遷左侍郎食正二品錄
 賜寶鑑羊酒甲子考察南京諸司官屬去取允當乙
 丑上疏乞休不俟 命而歸既得 旨進本部尚書
 致仕後逆瑾竊柄素憎正類矯 詔奪所加秩瑾誅
 復之性孝友天至事兄守陳恩義倍篤及謝世為位
 本朝分省人物考 卷四十七 四十九 浙江六
 徐州
 於室朝夕哭奠目為之昏輯其遺文梓之以傳守隨
 以瑾誣繫獄又罰出米數百石輸邊乃罄所積為助
 以產償之不受於書無所不讀而必以六經四書為
 之宗其學不專事文藝敦大本厲行檢精思力踐期
 於深造其誨子弟誨生徒皆率是道居常端重簡默
 與人論說義理則色溫氣和聽者忘倦致仕家居凡
 可及民言於所司賑荒蠲稅停無益之作陰受其惠
 者多所著有集程朱義論碧川文抄二十九卷困學
 寡聞錄十卷雜文儲稿又若干卷詩二十卷一日書
 數語於遺稿曰學文師韓吏部學道師程伊川官同

吏部二品壽過伊川二年文章可得而聞望道而未
之見困學勉行老而不倦守正疾邪至死不變五日
卒壽七十有七贈太子少保

李堂

李堂字時升鄞縣人成化丁未進士展省東歸連丁
內外艱哀毀踰禮幾不欲生終制久之方謁選工部
屯田司主事監稅竹木於蕪湖先是中貴朱昂貢緣
內批指取御木張甚沮遏商人堂至務從寬減雖
虜謀重得罪弗計剔剔宿蠹照上年解額存留羨餘
籍記以充後解宋意啣之所知每懼之以禍曰吾非

本朝分省人物考

卷四十七

五十

浙江六

不知宋爲要人亦欲順適其意其如羣小觀望規利
何此隙一開倖門益啓國課愈塞吾以身任之力杜
其漸他尚奚恤已而復部尋陞營繕司員外郎調屯
田司詔修大明會典委造工典文冊又集屯田題
稿議議革南京蘆洲積弊議禁易州厥科罰議革順
天府功臣太監墳夫議減後府柴炭價銀以數事案
呈申明著令大拂權倖衆方危之迄守正不動陞營
繕司郎中清寧宮災係太皇太后寢闈孝廟
聖孝益虔手勅營建堂議請發內帑計蘇民困
迴天戒雜議抗言減原計之半工成存積動支之數

什三是時提督英國張懋兵部尚書馬公陞工部尚

書徐貫等磨賞有差聯章保堂翊扶聖孝勞動奉

溫旨陞京職二級堂三疏辭免略曰營繕乃臣子職

業之當爲錢穀尤士類名檢之所惜宜循常資敢膺

殊典以招物議銓部上請仍陞俸二級嗣歲勅建

禮部與修闕里費皆前積所遺民用不擾司空益倚

重之至取回燒造饒器內臣痛抑寧府請益琉璃瓦

價等事尤不避讐怨省費不貲太宰倪文毅雅相器

重刻薦太常寺少卿吏科給事中王洧等疏其資望

而薦之決竟沮止之復以應天府丞薦始得旨堂

本朝分省人物考

卷四十七

五十

浙江六

蒞屬縣剖理詞訟檢查錢糧句容縣給事中趙欽罪
犯不法連坐無辜淹禁屢歲堂承委片言折之成獄
獨置欽重典遠近稱快高淳溧陽句容縣姓孔大戶
詐稱聖族脫漏科差究竟一體執役建平縣歲饑吳
廣五等聚衆假以稱貸搶掠閭右共相守望禦侮殺
賊訛言洗勦幾激大變堂單騎諭以禍福衆感泣執
獻渠魁以殉脅從者慰遣歸農當道避之織造內臣
崔侃越分科擾力奏止之正德丁卯南直隸鄉試有
賄通關節巧取高第者人言沸騰往歲付之不知堂
提調是科顯詆黜之者三人歷南京光祿寺卿四年

陞南京左僉都御史 勅整江南北未幾會工部缺
右侍郎蒙 恩簡命從人望也交驩上卿凡大舉措
必竭兩端開誠商論共成國是兩奉 璽書督修京
倉落成汴徐河患告悉 勅兼左僉都御史總理修
濬抵曹縣因已集人夫築長堤自大名至沛縣三百
餘里又自榮澤抵永城縣疏通水道以防潰決是時
浚罹劉六劉七兵荒言官乞暫取回京 詔可之瀕
行會計河南工費二千兩外山東存積并追完各處
缺工之數共銀五萬兩有奇收庫作國正計不許擅
支鎮守河南太監廖堂弟廖紀表裏內瑾重以巡按

本朝分省人物考

卷四十七

五十二

浙江六
徐相

御史張麟為之心腹不遂侵漁深懷忿嫉後從巡撫
便宜發此銀築汴城外郭防禦流賊民恃無恐存遺
惠焉歸 命於朝引疾 詔許乘傳還鄉高蹈一十
餘年閉門纂述有正學類編一十五卷四明文獻誌
十卷梓行於時雜著堇山遺稿編簡若干藏之篋笥

楊子器

楊子器字名父慈谿人成化丙午經魁明年丁未進
士除知崑山縣以父憂去弘治甲寅起復知常熟縣
召拜吏部考功主事正德丙寅轉驗封員外郎尋陞
郎中又四年遷湖廣叅議尋轉福建按察提學副使

一年轉河南右叅政尋進右布政使是歲以湖廣柳
桂功受白金文綺之賜尋轉河南左布政使以入覲
卒于衛輝子器每談治體自六部達諸鎮能歷道其
故及當變通之宜北虜犯邊嘗陳邊務數十事馬鈞
陽劉華容二公皆重嘆許弘治末多所建白至 孝
廟山陵方起聞有水石為病上疏言之至下詔獄執
不變未幾還原職歷二邑因時立政畫然歸於禮法
毀諸淫祠以其材充廟學公署之用常熟稅入常後
期令先輸者無耗期日遞加既乃以多益寡耗足轉
輸而民無敢後矣東南諸水由常熟白塘入海工侍

本朝分省人物考

卷四十七

五十三

浙江六
高尚武

淳安徐公嘗合四郡疏利之會有漲沙當海口潮汐
增淤水患如故便率民開之比歲衝流日深水不為
患汴城苦遠汲鑿井城中數十處皆得美泉又作屋
以居織染貧匠其惠利如此為考功郎中逆瑾勢方
熾會有擬以翰林處之者聞之亟為書辭於內閣事
因以寢識者趨之初至湖廣分守辰常道會柳桂賊
起遂請改道自劾自暑提兵勦平之會轉河南時方
以柳桂積勞成疾而東賊方渡河天又寒甚有勸緩
行者亟輿而住卽至嵩縣居守賊方走湖廣曰賊必
復向汝州洛陽藩籬備不可缺乃自嵩馳赴之賊至

餓食登城晝夜調度手書示城中人曰不上城及上而輒下者皆斬既而有將下從賊者即斬以徇城守益堅賊遂引去其臨事應遽如此山陵之獄救者兩京科道及庶吉士凡千人性介直濟以和易與人交能以量容以情恕不以辭色假故人無喜怒而有感愧其所建立亦足暴於天下矣

表 嫌

表嫌字景輝號志齋慈谿人方壯年時以布衣晦迹江湖間爲文超厲卓越不作常語邑人未知也歲庚子前侍御江西吳公秀爲慈谿尹一日試士偶得其

本朝分省人物考

卷四十七

五十四

浙江六高尚武

卷於羣衆中獨驚嘆以爲奇士嫌由是知名是歲年二十五舉於鄉辛丑連舉進士及觀政工曹日赴部供事唯謹大司空賈公俊私識之既而授南京兵部主事轉車駕員外郎皆耿直有聲守備中官蔣琮最驕橫以不法事相囑弗聽蔣銜之反駕以罪繫獄年餘獲宥名自是益彰徹後改南京刑部員外郎郎中明刑執法稱西曹之最擢知廣州嶺南大郡前守以贖贖敗事既至教令一新興仆舉墜每侵晨吏抱文案魚貫以進嫌爲指摘奸蠹畫一以示須臾而盡吏受成案而去噤不敢出一語一有告訐召其人訊之

立得其是非狀皆匍匐悔罪皆下始而紛訴盈庭繼而訟者益少人弗敢欺性度簡易率以嘻笑集事然本剛勁不肯習諛爲可否其所經畫苟自信即上官欲撓之不可得廣南城控引諸番際大海茫茫數千里雖物貨阜繁而中有隱憂爲繕治城郭操練兵卒時戒不虞衆或迂之其後佛郎機之變人始服其先識郡屬如新寧等邑半爲盜區嫌曰是未易以恩信撫也謀之督府次第舉兵取其渠魁誅之其後始懼而自戢尤善理冤獄先是有龍游人王姓者與其甥同貨於廣其甥被市蕪無賴六七輩掠其貨殺之沉

本朝分省人物考

卷四十七

五十五

浙江六高尚武

於海王公之御史下府理官鞫其事反坐王以罪王叫號稱屈嫌從旁踪跡之遂得劫殺者追其賊皆實悉置於法又有旅客爲人謀而死分其屍密遣人伺之獲其人乃所嘗與爲仇者亦正其罪由是治稱神明按撫以卓異言之朝詔進階亞中大夫食從三品俸而視事如舊將以需大用也正德初既六載滿績適逆瑾欲以順天府丞缺償之冀得金三百兩嫌曰京兆丞顧可以賄賂得哉忤其意遂致政去去之日民攀送載路作爲詩文皆自出機軸鏗然可誦退而家居凡二十有七年日與三數耆舊徜徉於山顛水

漚絕口不言時事亦不溷跡於公府人尤以是為難之沒於嘉靖壬辰距其生七十有七

張 昂

張昂浙江慈谿人也大父楷官僉都御史平巨寇有功昂少自樹立成化中登第知鉛山縣事求利民立規條簡便有法越數十年不能易有巫能役鬼物呪咀人立死人畏事恐後昂擒至榜笞數百自若也是夕大風揚沙石蔽天遠屋錚錚鈴索聲眾益駭以為果神人也頌請釋昂卒致之死縣城南有西洋廟觀靈怪旁郡男婦祈禱充道路昂毀殿撤象祠以為便

民倉

王 渙

王渙字時霖號毅齋寧波府人弘治丙辰進士初令長樂有善政徵拜御史連上疏極數道瑾之奸惡瑾啣恨次骨矯旨杖于朝堂除名既歸猶以他事論成瑾誅諸謫徙者皆驟起而渙絕不一通政府以微憾竟抑不用士論惜之

王應鵬

王應鵬字天宇號定齋鄞縣人正德戊辰進士出宰嘉定會流賊兵至狼山吏民駭竄下令諭安之築城

本朝分省人物考

卷四十七

五十六

浙江六

本朝分省人物考

卷四十七

五十七

浙江六

拒守卒以無虞其他鋤暴扶傾廉威茂著魏國公弟徐淮擁眾橫豎欺軋間并至嘉定執之不少貸以風節徵拜監察御史糾劾不避權貴 武宗微行以死爭之烏思藏取佛抗疏力諫大學士石齋楊公奪情起復則劾奏之直聲凜凜動朝著清戎八閩按視東齊督學畿內嘗語諸生曰國初氣化渾厚士有實學故發為文者論事析理足裨世教近來文體衰薄動以古書字句相摹擬求其中則索然無有不惟文不成體學不成章往往居官任職垂則債事皆學術之禍也士服其教文治一新擢大理少卿遷僉都御史

陸 珂

陸珂字容之號石樓鄞縣人正德甲戌進士授南京車駕主事國朝自都北平留都以快馬駑船運供億事久弊積珂為增修造之費定往來之期均其勞逸厚薄而人宜之時中璫用事假名勢者旁午于道索舟動以百數力為裁省寧藩亂 武宗駕幸南都白巖喬公叅贊機務凡事引珂籌之曰我益友也陸安

慶知府郡經宸濠之變百計撫綏民得再生偶訊堂上忽報縣囚劫獄行且趨府顏色自若麾卒列所訊囚搜于庭下徐捕逸賊盡獲之蓋兩賊相通舍此趨彼則跳梁兩不可制於以見其沉機應變也陞貴州副憲都勻在萬山中民夷雜處有龍猴二場軍夷貿易常因以致亂乃以捕官防壓有剛恭者立執之衆咸惕然獨山同知蒙鉞父子仇殺七年平浪王武仲與阿向爭官仇殺十數年亞藤作亂餘黨尚存至則皆相率請聽約束王景羅糾拽黑苗入寇兼程馳至清平調兵圍之使人持檄諭以大義衆即解去陞四

本朝分省人物考

卷四十七

五十八

浙江六

川叅政提督糧儲凡諸處倉庾遇近產米地方舟楫可通者自運本米其餘解折色委官于附近產米處糴米上倉官民便之再轉福建左轄入覲冢宰許松臯公詢以地方弊政條陳數事許公採而上聞晉右副都御史巡撫保定時世廟南幸倉卒經畫至忘寢食遂得疾疏乞歸里節丁內外艱憂毀不勝而卒

柴經

柴經字季常號松洲鄞縣人正德丁丑進士授刑曹主政武宗遊幸偕部僚伏闕力諫詔跪闕下五日廷杖三十奪半年久之擢湖廣僉憲辰州有鄭

生者所可以怨坐之死刑監司心知其寃而以生之富置不為辨經獨條其寃狀侃侃無所顧忌生乃得免沅州判負當路肺腑戚橫恣貪虐按其罪一道慄然芒部告變將楚兵萬餘會總制伍公于貴陽勦平之遷貴州叅政劇賊周天星之變川貴病焉朝議合兩撫臣兵攻之經調兵轉餉與賊對壘者幾及一週事平受鎡幣之賜久之晉南京右副都御史視院篆兼署事大理監生吳仕以無罪蒙重擬池守減大姓徐正本從坐者數十人皆力為平停得無寃濫未幾致仕歸

本朝分省人物考

卷四十七

五十九

浙江六

周相

周相字大卿浙江鄞縣人進士由臨川知縣選河南道御史建言廷杖降韶州府經歷陞東鄉知縣累陞右副都御史巡撫江西疏請致仕

劉安

劉安字汝勉慈谿縣人進士由南工部主事改河南道御史建言降餘干縣典史陞鳳陽府知府

王杏

王杏字世文奉化縣人進士除山西道御史巡按貴州嘉靖十五年巡按山西建言廷杖謫閑散

人物考卷之四十八目錄

浙江寧波府二

陳振 姚鏞

王純 包澤

戴鰲 豐熙

聞淵 汪玉

張邦奇 余本

孫懋 屠應填

謝儀 沈教

黃宗明 華愛

本朝分省人物考 卷四十八目錄

戴賢 王相附王杰

陳憲 萬表

顧翀 包梧

姚涑 屠大山

馮岳 陳東

楊茂清 黃潤玉

傅光前 傅淳

鄭本忠 丘緒

補遺

馮泰 項懔



全元立 余有丁

沈一貫 陸懋龍

薛三才 楊守勤

本朝分省人物考 卷四十九目錄

本朝分省人物考卷之四十八

浙江寧波府二

陳振

陳振字時起號主靜鄞人弘治甲午領鄉薦辛丑登進士授知吳縣陞河南道監察御史福建按察司副使遭父母及大母喪服闋復除雲南副使陞陝西苑馬卿尋患風疾乞骸骨已在途會有命徙官遂以山東右布政使致仕歷仕幾三十年官至二品致政之日室廬儉然疏糲僅給家居足不踰戶閭口不及時事姻親舊故鮮接其面如此者十有二年以正德庚

辰二月二十日終於正寢為吳縣政平訟清門無私

本朝分省人物考

卷四十八

浙江七

然不以語人親故莫得聞其詳所上章疏子弟不及見其草巽言而危行好勝者莫與之爭嚴於界分以法度自防絲毫必執無少假借於家於官截如也而心迹不二始終不渝伎且嫉者無所伺其間逆瑾竊柄方面而下以事至京者多執贄其門不肖者希恩澤而賢者所脫禍起家艱赴部貧無以贄瑾惡其獨不往懷之未有以發也既復除雲南值邊寇煽亂設策冒矢石折首獲醜南徼肅清瑾索賚無處而名且

益顯乃得遷死馬卿

姚鎮

姚鎮字英之號東泉慈谿縣人弘治癸丑舉進士丁父憂服闋除禮部主事大宗伯傳瀚特重其文學凡四司議稿必屬裁訂十五年陞本部員外十六年陞廣西提學僉事八桂士孤陋不知向方自簡其俊秀課之立宣成書院於省城延海內之有名者日相與進德修業嚴蒞而厚給之諸生感奮月異而歲不同桂人尚鬼重巫有所謂山魃卓旺者能為變怪民間戶像而祀之鎮惡其為祟作除二妖文焚毀其像痛

本朝分省人物考

卷四十八

二

浙江七

治諸巫而嚴禁之居桂臬甚貧同寮僉憲丁公隆其子夔在門密餽三十金辭之不納又以桂林之士為文無法梓崇古文訣以示之準時兩司多以密啓媚巡按顏公願壽獨謂人曰姚先生無密啓我所敬也特疏薦之正德丁卯丁母憂行之日諸生送百里外伏地慟哭不能起正德四年服闋復補廣西提學僉事桂士喜再至肄業益精五年夏轉福建副使桂士留不得乃為立生祠於宣成書院之側以報德大學士敬所蔣公每遇督學廣右者必勉以取法姚公是年冬至福建值邵武之建寧被山寇焚掠往視籍給

被兵者凡萬餘家瘡痍之民賴以甦息事竣署臬司
 印章五月汀州大帽山賊七千餘人攻武平巡按賀
 泰倉皇走延平八閩震動檄率兵禦之鎮下與泉集
 鄉兵赴救賊聞風而遁乃叅賊形勢請集諸軍討之
 賊餒甚間道走江西破南豐新淦樂安時永定民有
 賴師智者所部五百人賊雖數萬不敢嬰其鋒先是
 為國禦賊麾下多戰死而賊又陰襲其家有司不能
 恤由是師智擁兵自衛不復出兵鎮曰壯士也撫而
 用之師智請效死諸軍倚以為重秋改提學乃以兵
 事屬憲副楊璋而卒賴智師之力盪平諸賊為提學

本朝分省人物考 卷四十八

三

浙江七
徐州

方或有後悔鎮私謂子涑曰使曲全吾名而終奪吾
 守此瓦全也即不幸有傷吾名而吾所守自固此玉
 碎也丈夫寧當玉碎他非所恤行之自若而閩之縉
 紳無敢有訾議者九年吏部旌方面官以勵天下僅
 十有五人副使獨鎮暨湯公沐徐公蕃而已陞貴州
 按察使持憲嚴明鎮守太監史泰戒輯其下宣慰安
 萬種畏其威名股票不敢仰視觀離宜撫楊友播州
 宣慰楊斌不協友死其子弘東身謝罪以自表於
 朝而播州日與構釁惟欲嫁禍於弘以撼上官鎮議
 楊友已死弘又受罪宜量授弘以舊職使撫其所部

本朝分省人物考 卷四十八

四

浙江七
徐州

方正明敏試卷累數百閱之通夕輒完凡在首列及
 諸被斥者皆能默誦其文以故士無不服興泉無春
 秋建汀鮮易學為之延名儒分教下邑閩中五經之
 學至是始全連登進士者甚眾幾與江浙等凡閩中
 諸大儒書院盡為修葺復增其祀田以恤後人又以
 林栗顏棫與朱子為冰炭而學宮猶有祀之者悉命
 斥之中官廖堂者永定人也其侄廖鵬以子囑鎮守
 太監崔安營求入場峻拒不許崔怒欲誣奏之弗懼
 閩權貴往往以子弟之私怨之文選郎中黃河清其
 男被斥以甘言求亦不答所親或諫之曰公持事太

而嚴與之約以遏其無厭之求眾善其策已而好事
 者抑觀扶播不用其議觀離始憤怨以兵攻破播州
 者數四川貴兩省不能制至十餘年而後定始服其
 策十年陞福建右布政視事一正以法公庭肅然十
 一年陞山東左布政使京邊轉輸朝至夕遣吏無所
 行其詭東岳玉女祠遠近奉香火者不絕例使丞若
 簿司其金帛歲終送藩公用而藩司恒密取數百繩
 以給其私鎮至絕無所取守藏吏以銀四千兩舊無
 標識密送私所正色斥之籍其數於撫按不以家累
 自隨者五年囊橐蕭然時北方有梟賊百餘出入景

一第丁丁丁 冊黃參四庫全書第 8 卷四十八

德間鎮曰昔劉六劉七初至此其黨亦甚微比其再至則千百成羣遂爲河朔不可撲滅之禍今宜乘其未集重設賞格以早圖之此亦所謂防患於未形也于是募能斬首者與三十金士爭效死一戰而擒斬者五十八人餘寇逸去又議武定當南北之衝兵備當設中丞黃公瓚集議奏於朝王兵書瓊以不先白已欲寢其奏因昌言曰盜賊竊發豈兵備官所能制何事紛紛建白乎鎮上議曰設兵備本以彌盜也設官而盜不除始可歸咎於官今其官未設逆謂其不能制盜恐非設官責成之本意也特疏開設武定兵

本朝分省人物考

卷四十八

五

浙江七

備爲請 上特聽之兵書遂忌其才每形於言色青州顏神鎮者礦利所出惡少年蟠結爲盜者無慮數百千人建議設通判一員以制豪梗一方至今賴之十四年春青萊歲歉人相食亟發帑銀數萬兩賑之是年十月 武宗南巡戎馬聚於臨清者數萬巡撫王翊巡按熊相悉以糧餉事委之儲特有素一毫不以煩民錢寧者責賄不得則謗於上 上知其誣不聽江彬尤以寵用事少忤其意輒以威協之至是彬不得賄又撫按二司相見禮惟長揖無他屈節彬甚銜之而未有以罪也令官校縱橫羅織竟無所措乃

執鎮守太監黎鑑家人以洩其憤時以諸司奏章自隨入報 上奇其狀貌鑠舟誤觸 上所御舟 上命執驚駕者問乘者爲誰鎮驛宿不知也舟人以姚布政對 上笑曰是美髯者耶卽命釋之翌日諸中官以告始驚謝十月 上還京陞鎮都御史巡撫榆林將行本司以二百金餽不受既至榆林百度廢弛 武宗先以十萬衆駐驛榆林幾半載公私上下積蓄一空調度兵食勞而不擾又厚撫士卒每給月糧分遣旗軍督送至其家射利之徒不敢圍奪諸將領之家不許私役一兵一時驍勇敢戰之士悉引見勞

本朝分省人物考

卷四十八

六

浙江七

之由是士皆思奮始有敵愾之志王兵書瓊時謫戍延緩忘其舊怨每存問之人謂爲長者前此諸將兵行不使有聲恐虜突至然終不能避及巡西路部署嚴整金鼓震蕩虜登高阜望之曰此大那顏也嚙指引去僉憲張宏謂之曰公鐵膽也先是鎮城之外虜寇叵測城門晝閉禁民樵採鎮曰此自敝之道也乃列兵近邊聽城中男婦芻牧恣其力之所取至暮嚴兵衛之而還計一日所入值千餘金於是邊民之困賴以稍甦先是每墩以磚易土虜掘其下則次第頽落而虜因之以殘我斥堠諸將計無施鎮令每墩置

小罌貯石灰以俟之虜羣集墩下擲一罌則灰飛滿目隨以矢石擊之虜不能視則散走由是不敢近墩嘉靖元年夏虜大入至涇陽去長安不百里全陝大震上遣總制都御史李鉞行邊虜寇益深乃督責鎮等鎮以遊擊彭拱有膽略且善格鬪乃使率所部出東路搗虜不意又募壯士從拱出指揮使卜雲於獄以為撲貳禡而遣之拱等至石澇池堡廣設方略誓以死決戰偵虜方解甲而寢前鋒過之虜不知也及發砲索戰虜悉眾而來前軍又襲其背虜驍將三人躍馬犯陣卜雲發二矢連殪其二其在後者復為

六月八日

七

浙江七

副將所中虜氣折而回我軍四面競起乘之多所斬獲虜兵悉引退捷聞上降勅褒獎而諸鎮賴延綏之功皆免於罰延綏舊鮮科目鎮於軍旅之暇嘗進諸生教之是時登名鄉薦者得二焉三山堡定邊營等處邊牆濶薄及風沙埋壅虜寇易入奏請發帑金四萬添設墩臺上從其請邊防賴以稍固又條十事上之嚴禁例聯邊牆清地土重體探廣蓄儲正巡屬別文移叙軍功減煩瑣利器械無不曲盡上嘉納之西邊將校被叅淹引歲月調遣恒至闕人乃請軍職徒杖罪以下照雲貴兩廣事例量罰米贖罪免

叅上從其議邊官便之雙山堡之東有所謂柳樹會者舊柳州也土人于瑾耕地得金磚金甲諸物所值萬餘金鄰人訟之鎮令僉憲姚文清鞫之問其所自瑾云其下有隧道數曲有巨室三楹東西皆金銀堆積中則金甲冑數十又有金耳環如今製而長者數甕所積以千萬計蓋西夏金元故物也姚僉憲請差官勘實聞於朝而發之以實庫藏則百萬之積可具鎮曰若是則人將謂我輩先有所獲何以自明且榆林鎮所少豈獨此哉于瑾一農夫耳而天賜之不可奪也乃斥訟者以金歸瑾仍厚封其地以絕後

不朝分省人物考 卷四十八

八

浙江七

患後至者議求其地發之旋思其言而止舊大司馬余子俊開創榆林志在拓地或城堡孤懸或斥堠單弱一時虜不測我虛實不敢犯邊者二十餘年自弘治辛酉火篩侵擾之後諸堡日疲於應敵膏腴之地曠數百里不治鎮議欲規而大之使聲勢連絡而芻牧不擾且以曠土為屯田則榆陽之勢始壯奏上兵書彭澤亟欲行之而工部憚於改作事竟寢邊人有盜虜馬歸者多至數百騎鎮給賞酬之悉以馬頒諸貧軍之無騎者自鎮還朝馬歲至三千而盡入於將官之家徒市邊患而無益於國去之數載各堡供將

官芻糧不絕於道始以軍運身疲則以馬運馬斃則以妻子運窘不能支遂相率降虜或逃之遠方而軍士之苦不可名狀後陝西巡按王儀行部至榆林問邊兵疾苦諸軍哭訴曰往時都御史姚公在鎮既無雜役亦無橫歛衆皆樂業自姚公去後代者漸失公之舊至蕭都御史聽讒納賄軍士罔恤吾鎮人濱於死若欲蘇我殘喘非姚公再來不可儀表其事於朝不報是年冬召爲工部右侍郎提督易州山廠上奏薦布政使鄭毅按察使孫修副使蔡天祐御史徐文華歷舉四臣之美自以爲不如舉以自代時浙江

本朝分省人物考

卷四十八

九

浙江七

布政方良永以劾錢寧家居爲言於朝令有司優禮之又以薛文清理學爲本朝之冠請配享孔子廟庭輿論翕然稱公三年春郊命分獻東海十一月以本官兼左僉都御史總督漕運辭朝將行值大同兵變大學士費公宏石公瑤請於上曰姚鏞才識明敏志慮忠純嘗撫邊方諳曉軍事宜改兵部右侍郎佐理部事上特從之每歲慶成與宴殿中而子涑領班陛左於時大臣父子同宴者大學士石齋楊廷和與其子修撰慎大中丞蓉溪金獻民與其子檢討臯及鏞三家而已五月陞都察院右都御史

提督兩廣軍務兼理巡撫時田州土酋岑猛兵精將勇始結劉瑾中結宸濠包藏禍心自雄一方不聽節制者六七年矣鏞在嶺外方以猛爲憂盛應期已奏調及諸州逮湖廣永順土兵克期進討兵部悉從其議鏞至蒼梧始聞盛議勢不可止恐愆師期倉卒調兵集糧而內地守備虛弱譎言洶洶岑猛將順流而下正月猛揚兵大灘二月造舟果化三月潛師窺武緣偵我有備乃止鏞亦遣使調猛兵以弛其謀又論猛使束身歸罪當請於朝待以不死猛請守巡官坐鎮田州然後如約鏞笑曰此非猛來降乃欲借兩

本朝分省人物考

卷四十八

十

浙江七

司官以自款其罪耳不許猛亦終不聽撫上以岑猛構亂復問以剿撫之宜鏞上疏略曰岑猛一土酋耳其初本爲思恩知府岑濬所逐致勞朝廷興師討濬猛始得以自存猛擁兵自固朝廷重扶弱之義復以猛爲該府同知後猛於江西有殺賊功朝廷重錄功之誼復授猛爲指揮同知特赦其罪猛自是有玩於朝廷且輕視中國之兵馬矣猛姦雄日長漸不可制構成亂階已十餘歲朝廷屢施寬假之恩而猛愈肆不恭之罪猛之當誅於今已緩臣切惟廣南之徭獯非土官不可得而治而土官之桀

驚不誅岑猛則亦不可得而用蓋近日之土官猛之威足以脅之猛不誅則土官未有懲也故欲撫猛以圖目前之安是猶養虎以貽他日之患臣不能為此以誤國家但猛所最忌者惟湖廣永順保靖土兵若土兵一到彼當瓦解土兵未到或機事先泄或調遣過期猛非束手就擒者一旦竊發必有儂智高劫破州縣之擾驚動嶺表之憂賊兇焰轉增變起旦夕臣不一言非忠也會永保兵至鎮自督師分兵五哨蹙之破定羅下丹梁猛子邦彥與其驍將韋好陸綬列十二營於工堯分道挑戰官軍奮而前斬綬好邦彥

本朝分省人物考 卷四十八 十一 浙江七

彼箭遁去衆始大潰猛自陣於平馬聞之亦潰於是諸軍集於田州猛乃奔歸順保諸軍從之歸順土官岑璋者猛之岳父也始亦欲庇猛俄而官軍四集乃鳩猛傳首南寧而其子邦彥亦病死捷聞 上嘉其功進左都御史加太子少保廕一子為錦衣衛百戶日有白金文綺之賜降 勅獎勵王受梁帝者劉召之遺黨也方召之被誅盛應期必欲盡殲其黨受等逃匿未獲至是盧蘇招受等同叛復入田州執署印知州王熊兆而受襲擄思恩然二酋數求救於鎮寮佐多勸從之鎮曰不可交南之役平而復叛者四麓

川之役平而復叛者三二酋假息游魂不誅之以懲後柰何曲庇其罪以偷旦夕之安乎乃引咎復奏於朝請軍勦之廣西布政嚴紘失謁鎮責其使銜之疾巡按石金劾鎮失策以致再亂且言岑猛父子尚在交趾助之將破兩廣郡縣以逞其忿又使人喧傳四方人多信之時桂萼張孚敬每於館閣出金揭帖於袖以示諸講官謂兩廣難保遠菴楊一清折之曰任事難議事易宜徐察之二公不聽廣東提學魏校以毀淫祠為名毀諸名利其田數千畝盡入方家樵霍渭涯諸家鎮至廣命追奪還官方霍恨甚至是遂

本朝分省人物考 卷四十八 十一 浙江七

與張桂合議排之起用王守仁六年六月以災異例請致仕 上輒允之且曰姚某不去則王守仁不來蓋已有先入之說矣鎮既得請所調諸軍以集而守仁未至永保之軍請戰鎮造浮橋濟師而石金則抑而不與初永保之兵聞有言岑猛在者瞋目怒曰岑猛我所擒也今謂尚在當生擒二酋以獻於 朝以詰猛所在金聞之益懼以故多方阻撓以候守仁之至及守仁至而專意撫之鎮亦抗章論巡按侵軍門之權且備陳一時利害而石金謂撫有十利征有十害之說於是指以罪鎮遂得閑住之命石金慮所劾

無以壓衆心乃遣副使龍誥檢括蒼梧庫藏又稽察軍餉詰責甚苛若絲毫有差將以是污讖之龍以無私告金金怒必使陷之龍退而語人曰我亦有子孫豈可巧詆厚誣以招陰譴金不能加十二年春上

有起用之旨大學士費宏再相值三邊缺總制尚書

對 上召費與李時冢宰汪鋐於西苑議之費首以鎮

對 上慨然從之比聞 命卽就道鎮善于馭士如

寧夏王効固原梁振榆林劉文皆從行伍中拔之爲

夷狄所憚而有功必賞樂於聞善一時軍士願爲效

死十五年正月奏寧夏鎮遠關之捷二月甘肅馬鞍

山之捷復以老乞歸 上疑其避事峻旨切責令開

任門生遍海內皆捐俸金爲管書院於慈谿東山之

麓十七年五月以病卒年七十四

王純

王純字希文慈谿縣人弘治癸丑進士授大理寺右

評事歷左寺正陞江西按察司僉事領兵備平瑞州

賊陞河南按察司副使潁州兵備兼理淮陽諸府屯

田未幾改廣東以父喪去逆瑾惡之矯詔罰輸邊粟

千石服闋改雲南金齒兵備陞大理寺右少卿時有

上變告山東歸善王謀不軌者純奉詔往鞫之同事

者欲深治其獄純不刻不隨平反甚衆轉左少卿未幾陞左僉都御史巡撫宣府時 上於宣府有所營建純疏止之不報會與同事中貴不協遂以疾乞致仕得請還正德十四年三月卒純精於法比性敦朴居官清白衆謂用未究其才云

包澤

包澤字民望號東川鄞縣人弘治癸卯舉於鄉丙辰

第進士首以才雋選授雲南道監察御史督視京師

通渠護垣有功承寶鑑之賜庚申奉璽書清戎陝西

飭理寧夏固原諸要害磨勘諸司文卷蒐剔蠹弊罔

有遺伏出按湖廣兢兢執法奏罷藩臬不職者郡縣

官凡自揆無狀輒望風解印綬詭籍之吏空舍而遷

諸王府侵田咸勒而歸之民先是郢王國絕遺墾田

一百六十頃興襄二府各欲歸其國奏爭不已撫按

官迄不能決澤詳覈始末請以田歸興府而襄府軍

校得佃種如故其事乃定時有叅將趙昇者結納權

貴嘗杖殺戍士奪民園舍有司無敢發聞澤至密以

萬金爲賂麾却之而悉按以法儀賓蕭璉較轆諸司

王實爲之窟澤曰藪亡格憲非 祖制也盍以聞王

瞿然出璉就獄太和官巨璠齊姓者怙寵徼福四張

漁獵聞澤按部輒戢其下曰毋縱閭羅包老擒汝矣
于是興學校正風俗練甲兵修水利舉荒政課農功
哀矜寡謹刑獄平反大辟凡四十餘輩值歲大歉發
餘粟葺貢院諸司以哺饑民所活蓋以萬計其餘興
利除害疏奏九十餘事皆斤斤中於理巴東雜出洞
蠻以隸省會之遙也恒負固不靖乃度地宜奏設九
溪永定兵備諸夷不兵而服卒之日家無私橐惟有
東川政績十二卷弘治乙丑七月卒於京邸得年僅
五十有七

戴鰲

本朝分省人物考 卷四十八

十五

浙江七
胡五

戴鰲字時鎮別號靜山鄞縣人生有奇質七歲誦書
卽了大義甫弱冠登乙卯鄉薦已未進士除太和縣
尹以經術節吏治所治獄詞精核如老吏豪民盧振
聞風遁去幕史大源網毒窮民操法逐之禽斬草薶
增城固防大儲穀粟以備凶饑民用康又撫按交疏
其賢調揚州興化縣時適大侵至有相殺以食者乃
請粟三萬餘石凡賑民二萬六千有奇瘞路葶二千
三百有奇收遺棄小兒官爲哺養民病者與藥田者
與種逋者緩征其有豪暴里中捕而誅之政舉籍籍
一如太和陞廣東韶州府同知撫定蠻夷用之討賊

輒爾奏功四封宴然陞南京刑部員外郎決遣如流
庭無滯獄時有鎮江程玠程環者以閩毆構訟而與
鄉之鉅宦有怨欲寘之死鰲曰殺人媚人而可爲乎
竟當之遣戍會其人秉銓以鰲守尋甸蓋損之也郡
故夷地官司學校不立吉凶無禮俎豆不修犬狺狼
噬者皆是也已乃歎曰嗟乎斯獨民也夷哉東之弗
華也而欲民之無夷舛矣乃城土城開府治立學校
建師儒有城有隍有壇有倉有亭祠舍館有陰陽醫
學飲舍讀法彬彬比於上國矣如是者六載以奏績
行素以不能善事上官被論鐫秩久之郡士民且長

本朝分省人物考 卷四十八

十六

浙江七
胡五

子孫矣而誦說功德者不衰後守林斌乃以羣衆之
情貽文鄉郡以表遺愛云歸家謹祠事睦宗族凡關
人倫風教者靡不用其情性雅好山水喜賓客築芳
洲別業已又築會川亭館日燕息歌詠其中賓至則
擯蔬摘果醴酒烹雌酣賞爲歡不待外求也古今圖
史徧陳齋閣時取而諷之有所會意輒起而劄記至
盈箱牘矣此其度豈妮妮緇垢者哉享年八十有八
同母弟鯨布政司叅議鰲都察院右副都御史巡撫
四川

豐熙

豐熙字原學鄞縣人生而穎異志趣卓絕讀書精舍嘗署其壁曰立志當以聖人爲的遜第一等事於人卽非夫也十六遭母喪水漿不入口者數日倚廬三年郡守姜昂器之曰此吾郡顏子也弱冠師姚鏞授毛鄭詩舉弘治乙卯鄉薦已未廷對 孝廟親閱卷大奇之置第一已而易置第二特賜狀元袍帶嘉寵之注翰林院編修陞侍講與修 孝廟實錄轉春坊右諭德時逆瑾用事朝士多媚之熙獨不附瑾銜刺骨出掌南京院事考滿便道歸省父沒免喪疏乞終養繼母不報復原職時資望隆赫中外事莫不傾心

本朝分省人物考

卷四十八

十七

浙江七

單四

嘉靖初陞學士 詔定大理議不合用事者憾以危禍冀得附已而熙卒守前議不變遂得罪戍鎮海衛居十有三年杜門著書絕口不言時事嘉靖丁酉卒先是彗星見文昌卒之日天鼓鳴浙江榜眼石坊忽崩壞熙性嚴重不妄交一人其可者必肫肫直見底裏而不可者卽通顯人未嘗一跡其門故卒與世齟齬博極羣籍潛心六經而尤邃於禮爲文古雅典則不規規摹擬而出入弛張一不鑿於矩度至金石之作尤其所擅長者也嘗同考禮闈主試順天武舉得

人最多所著有魯詩正說古易傳義禮教儀節白菴集一齋集子坊鄉舉解元嘉靖癸未進士南京吏部主事

聞淵

聞淵字靜中鄞人也生八歲夢一老父據石上持其踵相曰爾文王子孫也幸勿忘十有三年而孤世父遺受博士易補弟子員太常屠襄惠公居里中部使者爲之樹表襄惠夢一偉丈夫立表下自釋衰經授之日日遇淵與夢合弘治甲子舉於鄉淵憬然曰文王旣沒周以甲子興疇昔之夢徵矣明年舉進士授本朝分省人物考

卷四十八

十八

浙江七

單四

禮部主客司主事正德初劉瑾亂政裁主事員改淵刑部廣東司會部中失囚淵與同舍郎當坐時襄惠起殿中執法陰使人召之曰君來吾力猶能爲君地不然彼且齟齬矣謝曰罪在臣何敢抵鄉大夫撓天子法卽無罪彼其如我何卒不往同舍郎滿伏謁瑾而獨委蛇自如瑾曰聞郎中貌似夫子乃能遇辱不驚於是朝士皆稱爲聞夫及瑾逆節著對簿大廷瑾睚眦詞不服淵操筆以數日瑾僞造符璽私蓄甲兵人臣無將當大逆瑾語塞遂伏誅寘鑄擒詔繫鑄以下六百人論罪輕重無不厭服改吏部員外遞轉

考功郎丁丑上計有貪吏欲置丁法而中貴朱寧時用事曲為關說太宰私語淵寧能得 上旨即議斥

上不從奈何曰三載黜斥官守之謂何即不從守

官可也竟議斥有詔從中留之然益以謬謬聞矣明年進南京右通政三年進應天府尹故事中官守備

南京者受民詞檄下府幕幕吏奉行惟謹朔望必往

謁公事未辦者受程期比至語中官曰中貴人安得

受詞幕史安得為中貴人議獄非制也有詔則可悉

罷之嘉靖初張桂並以南部郎議大禮眾持論不合

淵獨然之張私謁幸得借公名列疏首謝不可吾不

欲勦人說以結主知也及張桂召入京師詣府請舟

淵止色曰君命召不俟駕安得舟游張桂嫌之改順

天府尹進太常寺卿詔求直言上修省五事 上齋

宿南郊郡校有囂者 上問誰左右謬曰大官庖人

上命太常察囂者眾大恐議坐一二人以應命淵

入奏曰百執事咸在昏夜莫知誰何請寬之乃得罷

進南京兵部右侍郎薦武臣馬永等十餘人後皆有

塞外功稱名將補刑部右侍郎既入朝張桂面與約

退朝則飯淵家既兩公來竟無所辦相目笑而去乃

飯於其鄰歷三品者九載始進南京刑部尚書晨持

訟牒者數十百人聚廷下淵語諸郎曰守備中官受

告密侵刑部權釋此不問顧獨下行有司事日治城

旦書何為乎自今民間大事必詣通政司轉刑部其

餘一切付司城始以尚書就道時張永嘉公囑曰僕

往在南刑曹嘗題詩郎舍中公至幸為我勒石樹公

後堂後僚屬遞至皆為張公致丁寧徐答曰此部尚

書堂也紀法在焉淵待罪尚書安敢以相君今日故

為郎官勒石卒不許張以此益嫌之 九廟災從諸

大臣自陳不職張擬 旨以致仕子歸 上曰朕方

欲用淵淵非老非病奈何輒令致仕卒留之其後改

本朝分省人物考 卷四十八 十九 浙江七

南京吏部尚書尋改北刑部尚書刑諸曹司郎鮮事

率以優游相高比至則以籍授司門籍記諸郎入舍

先後於是皆折節勤事而以躬行先之日論報十餘

章無留獄歷二品者九年僅加太子少保以不阿忤

袁州相國尋削之丁未拜吏部尚書曰使臣得先十

年庶幾猶可自效今事權去矣臣何能為上疏力辭

不許尋上便宜七事務正已以表庶官嘗問諸郎曰

先朝太宰孰優對曰蹇中定王忠肅淵曰固也耿文

恪方可否事少宰從左右贊一辭文恪宣言曰天子

建天官一人耳安得二天官耶宰正百官文恪近之

恪方

建天官

恪方

恪方

恪方

恪方

恪方

恪方

恪方

矣司務其率其鄉人謁諸郎聞其狀聽司務堂下讓之曰爾從事天官顧不能杜門謝請謁乃爲他人持羔鴈布諸門惡用此急罷之諸郎惴惴御史艾朴論選郎張舜臣淵力爭曰郎中無罪罪在尚書願免尚書以謝御史上以辭直議格不行歷尚書十二年考授太保授榮祿大夫乃力疏願乞骸骨上許之既歸渡津口顧語諸子曰吾自弱至老往往凌不測之波備嘗艱阻今既濟吾知免矣淵節儉出于天性卽退食尚書署十年着一敝冠位置有常不失尺寸朝食及日中無加豆夕則飲水一杯家食十餘

心月分省人物考

卷四十八

三十一

浙江七

年不問諸子生業癸亥病卒贈少保謚莊簡祭葬錄

蔭部議從優制曰可

汪玉

汪玉字汝成鄞縣人弘治辛酉年二十一領鄉薦明年游南雍時楓山章公爲祭酒整菴羅公爲司業大見器重召與語必移時較藝必冠多士戊辰舉進士授刑部江西司主事轉雲南司員外郎訊覈精敏爲同輩所推服甲戌陞湖廣按察司僉事攝辰沅兵備乙亥督造紙劄拒請託絕侵蝕減浮費以萬計明年仍巡辰沅攝兵備玉性簡亢不能與衆俯仰不悅於

當道湖藩六道辰沅最遠且多故以屬玉玉下上嶮巇不避寒暑矻矻移牒不間宵晝民夷肅然惟承順宣慰司恃其富強納賄權奸圖地之屬保靖者事久弗決相殺傷無虛歲朝廷勅大臣會勘或受別指欲有所左右而玉持益堅卒以理誦羣力焉承順先以黃金器若干啗玉玉聞之亟命擒其使使遽逃匿至是陰令刺客伺玉人多爲玉危者而玉屹弗爲動難亦竟弗及也香爐山土夷叛合湖貴兩省兵討平之玉之贊畫居多在沅再期鋤奸祛弊罄竭心力復構書院于明山之麓聚諸生爲之講解士多興起已

本朝分省人物考

卷四十八

三十一

浙江七

卯更巡武昌黃州會宸濠叛陷九江九江與黃蘄接壤倉卒備禦分守者稱病不敢出城而玉遽沿流入蘄斬吏民方豕駭欲竄玉諭戒稍定日夜修城增堦募民集兵皆越宿而辦黃梅有粟萬餘石與九江僅距一水衆謂在虎牙間而玉從容取歸州城賊睥睨不敢犯境已亢旱出禱澍雨輒降未幾武宗南巡供應賞犒之需籌畫周悉聲聞日益起然直道不見容積勤六年而薦劾不一及及是巡按御史毛汝厲疏玉才節乃擢柳桂兵備副使強賊王廷鑑爲患率民兵搗其窠窟悉殲之當道無知者其于事惟自盡

其心而不欲以聞于人類如此壬午冬丁艱明年春會吏部考察旌天下賢能卓異者纔數人玉復與焉乙酉服闋補臨清兵備稽供應減夫役豪猾屏戢軍民安之丁亥春擢山東按察使行之日耄倪泣送滿車下八閱月擢右僉都御史巡撫順天永平整飭薊州邊備見西北邊凋耗已極實將官培剋所致首議甄別將官賢否明賞罰以示勸戒仍劾去貪酷之尤者二人邊境肅然戊子春畿內賊楊恭作亂驚動京師玉調參將郝通授之方略不數日折其首京軍後至遂冒為已功玉曾弗之辯也凡防禦方略鐵冶利弊與夫重守令審均徭清地畝會錢穀皆熟計而條陳之切中時宜有撫畿奏稿二卷劬勤歲久成消渴之症且念數十年重大牢固之弊一旦盡革已為憮壬所忌而貪官被黜者相煽復起曰禍機在是懇疏乞休不允既病卧知不能起謂其子墀等曰吾他無所憾第汝祖墳塋未完祖母目疾未愈為恨耳一日又曰我欲重修家禮今不能及汝等讀書循禮若不遇於時則自食其力如徐穉子不失為賢曾無一言及家事卒年四十有九所著有二書碎義書經存疑錄雜記敝篋留稿凡若干卷

大明會典考

卷四十八

三十一

浙江七

葉洪

張邦奇

張邦奇字常甫鄞縣人十八舉鄉錄二十二舉進士改翰林院庶吉士正德丁卯授檢討命充經筵官以纂修孝宗實錄成陞俸一級時逆瑾竊柄斥逐正士欲鉗制天下人使盡出其下邦奇獨守正不阿瑾亦終莫能危之既乃以親老乞養遂出補湖廣提學副使奉二親就養焉比至楚崇雅黜浮三四歲間士習彬彬丕變二親既久居楚弗樂日思鄞不置乃上疏乞歸養詔可既歸杜門掃軌承顏菽水有餘權也溫清之暇唯尋繹經史一有所得則發而為文乃著學庸傳五經說以推明天人之奧嘉靖改元上方搜羅天下賢士以布之位用靳文僖之薦復起提學四川至蜀闢大益書院拔名士居其中時考校之人材彬彬然用盛未幾以王孺人之喪且念二親在遠復上疏乞休撫院因為奏移近地復改提學福建蓋三授督學之命於茲凡十有四年矣丁亥進左春坊左庶子兼翰林院侍講未幾陞南京國子監祭酒開牖蒙滯宣明德教言默動作示人準程榷楚不設而教行焉四方士忻忻稱得師也先是諸史板在成均歲久殘缺上用言者議特命訂較之與少司成

大明會典考

卷四十八

三十四

浙江七

葉洪

貞齋江汝璧戮力共事正譌補廢由是有完史矣庚寅陞南京吏部右侍郎尋丁洞雲公憂癸巳服闋改吏部右侍郎丙申進左侍郎冢宰缺攝行其事抑奔競獎名節拔淹滯開誠秉公人不敢干以私銓部凡陞除例先白政府以覘其意嚮奇曰黜陟當以公爾覘人意以用舍之則所遺者必多矣遂不復往白政府尋有旨以他人代攝銓部事居之恬如會翰林院缺長遂命以原職兼學士掌院事尋充日講兼講大學衍義纂修玉牒戊戌充會試主考所錄皆名士尋督四夷館已亥冊立皇太子詔慎選官僚以老

本朝分省人物考

卷四十八

二十五

浙江七
周性

逝年六十一訃聞贈太子太保謚文定性孝友事三親雖貴至金紫温清定省旦夕不少衰洞雲沒母太夫人年九十餘奇歷南北必奉而隨焉伯兄信齋來燕道卒於濟奇痛之每念及輒流涕以母道事其嫂終身不少異洞雲公晚得庶子二人尤撫愛之均財產與之其動止閑適與人語肫肫無矯飾而所學根抵於道文詞典則朴茂雖旁貫百家鈎引玄彙而卒止於道平生未嘗稱人之短而鑑別自精未嘗見疾言遽色而望之自不可犯未嘗立津涯以忤人而持身行已自不少屈有古君子遺風焉

本朝分省人物考

卷四十八

二十六

浙江七
周性

余本

余本字子華鄞縣人正德庚午領鄉薦辛未廷對擢進士第二授翰林編修明年念父老無兄弟疏乞歸省時例京官省親離庭幃六載乃許本未及再替而特旨允歸又明年奉其親就養京邸尋充經筵官時權奸迭興文事廢不用本慨然具疏指摘切無所忌至再上不報乃疏乞補近地儒學官便祿養當道難之乃請擢廣東按察司副使提督學校至則毅然以釐俗作士爲己任秉公力勤務行厥志然素性骯髒視卑卑咕囁之態不啻若腐穢行事一不當於理即

義形於色或面折不少容用是與巡按御史毛積不相能劾其不法數事而毛遂肆其莠言以相詆誣詔各回籍聽勸毛以京考落職而本適罹外艱服闋當道冷本赴選不可嘉靖丁亥起復山東按察司提學如故行事不改嶺南戊子秋試士之中式經公所首選者幾半其年四月陞南京通政司右通政凡文牒無細大一一訊辨擇可否罷行之曰不爾則無以遏讒說距殄行非朝廷設官意也官宇頽圯會以時誦禁工役乃計處工食若干佐以俸餘費不涉公帑役不越輿隸而堂廡煥然嚴飭莊固見者服其能焉都

本朝分省人物考 卷四十八

二十七

浙江七 周性

御史王公天宇嘗曰吾每有舉措或沉吟未決思子華之風卽沛然矣蓋生平臨義必赴於得喪是非生死禍福不一置於懷故能無所瞻顧若鷹攫瀾趨莫或牽掣家居食貧稱貸無虛月親族有急輒傾囊濟之從父兄弟或給之田若干畝本於書無所不讀見古人奇偉事躍然期必爲之至奸臣傳其擊節罵詈不釋口禮樂天文陰陽律呂皆研窮其數爲詩文直寫已意不屑琢鍛崇華飾作世俗語而典雅確實克裨世教得年四十有八知者惜之

孫懋

孫懋浙江慈谿人正德辛未進士任吏科給事中時寧庶人謀不軌懋建議選兵爲江西備留中日久兵書王瓊請如議行之楊廷和默然嘉靖二年任廣東左叅議陞本省副使四年時 上差較尉密訪給事中陳洸與鄉人訐奏事懋與按察使張祐詰之被逮各疏辯巡按御史楊銓極言乞加矜釋謫廣西藤縣典史十六年陞應天府尹十七年閑住

屠應填

屠應填字文伯號九峰鄞縣人弱冠領正德丁卯鄉薦舉辛未進士選授禮部主事予告歸省還改兵部

本朝分省人物考 卷四十八

二十八

浙江七 周性

丁父艱服除復改禮部時 武廟崩 世宗御極秩郊社禋宗廟殷祭上下以幽贊神祇百靈暨上 兩官徽號諸大典禮與有勤勞秩當遷而少年銳氣不能俛俯承奉大吏謫揚州司鹽判官鹽司者泉貨之藪也大賈賓集謗刺易興至則執準守憲統御輕重未嘗與時浮沉以獲贏利以故富商不得持貲奸吏以待急輕賈不致亭次售賤以滯時公私兩利上下平準而廉聲日起擢鎮江府同知審利病平煩劇區處中理不以位窘其才人翕翕稱之擢僉事按察河南挈綱振紀禁奸戢良執法無所曲撓而土豪世家

反目不敢視擬跡不敢行然頗尚操刻或意有所先
輒自爲之無所咨稟故與僚長多不協再遷湖廣屯
田副使而卒中河南謗論當調疏乞致仕得俞旨歸

謝儀

謝儀字國正號果菴鄞縣人正德甲戌進士令餘干
時宸濠稔惡畢真擅權地方繹騷儀周旋其間盡心
竭力民恃以不甚困邑號多訟明慎果決未三年斷
獄甚寡磁窰茶笋出於饒內臣督之往往求索無厭
且凌辱其有司儀處置得宜不使動其顏色禁黎園
淫樂一日上官臨縣將取海鹽童爲戲迄不應命當

本朝分省人物考

卷四十八

二十九

浙江七
胡三

道重之有洛陽年少雖老吏不如戰國子奇非庸才
可列之推方銳意興革爲久安大治之規以父喪去
任士民爲立碑以志去思服闋擢江西道監察御史
首疏白安慶指揮崔文進賢令劉源清之功効外戚
陳萬年中官王堂時春及姦黨何明之罪人爲凜凜
印馬於北直隸山東河南力振舊法剗時弊不肯少
徇以自欺其心巡按廣西寢思恩之謀折岑猛之變
大功數十上疏乞寬議禮諸臣請誅巨璫谷大用等
皆人所不敢言者鄉試監臨綜理周密得人爲盛擢
僉嶺東兵憲擒大盜曾蛇仔改福建設防海內策擒

大盜李良武禮高士蔡烈表文山誅吳浚之績及陳
布衣周翠渠道學立祠置田陞憲副巡海奏設詔安
縣安邊館立墩臺蓄番兵爲萬全之謀海道以清視
篆臬司辨陳大淵等二十四人寬獄遷雲南叅政尋
遷江西按察使時祖母踰九十迂道省之半月而祖
母病且卒萬里之外歸及視終若天使之然者苦節
之報純孝之感人以爲美談儀承重哀毀苦土中致
濕痰疾不愈以嘉靖丙申卒年四十有八

沈教

沈教字敬甫號平墅慈谿人領正德丁卯鄉薦遊太

本朝分省人物考

卷四十八

三十

浙江七
胡三

學甲戌成進士授豐城知縣豐巨邑也民儉而訟復
爲寧藩所擾不良於治教至而振肅之民人革化丁
繼母難僅官四十餘日而歸邑人紀循良於志焉丁
丑服闋補安慶桐城值寧藩不軌王師蹂躪內供糧
餉外整干城賊鋒挫而西返郡邑獲全 武宗南巡
慈壽太皇后北上夫役供給之繁重與權倖需索
應天六郡之役咸隸于教蹇蹇匪躬事皆克濟交章
疏薦資賞有加置學田以作士省郵役以惠民善政
善教不可縷紀尋徵爲監察御史初巡薊北再按滇
南維時土酋安銓鳳朝文相繼叛逆郡邑失守中外

騷動屢 上南顧之憂教提督三軍躬冒矢石賑給軍儲不避擅發之議故能百司用命一鼓氣張而巨賊授首奏凱璽書褒美白金彩幣先後再賜晉陟憲副勅撫荆襄流民漸復民樂其生嘉靖甲午仍以憲副清戎閩中丙申轉大叅督江右糧稅兼督學校八閩豪傑蔚然並興督稅清戎通寇逆跡聲實蔚隆當宁推重丁酉總憲貴陽戊戌右轄黔南乙亥轉山東左轄辛丑陟光祿卿壬寅晉右副都御史入院佐理立朝蹇諤不阿知者是之不知者嫉之居言路時議大禮而抗忤宰輔被繫北司幾死以故滇南不世之

大明分省人物考 卷四十八 三十一 浙江七

績僅得外補為方伯盡革餘賦取怒中丞捏疏誣謗竟成北黨不世之仇終中其毒然歷宦幾四十年隨其所至人咸紀頌功德至肖像立祠焉待命南歸即構寶恩樓奉勅誥璽書於其中吉月朝服北向稽首非公事不履城府方論定將大用之竟病消渴不起年六十有三平生著述有風化錄戎政錄巡東漫紀巡南雜咏

黃宗明

黃宗明浙江鄞縣人編修楊名以言忤旨詔窮治主老宗明疏陳非宜乃并責福建叅政俄召還為禮部

右侍郎轉左是年十一月卒於官初張桂以議禮得幸諸同議者咸驅駕氣勢更相牽引乃宗明無比周迹故張桂既出亦無訾之者

華愛

華愛字仁卿號石窻鄞縣人正德癸酉鄉試繼登甲戌進士授南京刑部主事讞獄明決訟者不冤凡有疑滯咸為取平歷陞本部員外郎郎中奔父喪南還服闋改除南京兵部職方郎中是司業稱繁劇從容裁決積弊振刷軍務肅清已乃出守桂林桂林民獷而好訟充斥於獄有久繫不決者聽微析疑窮日力

本朝分省人物考 卷四十八 三十二 浙江七

不懈浹旬囹圄為空時田州岑猛梗王化督兵征勦檄軍餉者絡繹桂林居會城素迫於應上官而怠於催科逋負以百萬計乃早夜區畫與民裁闕狹輸餽每為鄰壤先秩滿以最復舊任念以直道忤人欲退就家食而親友強之行遷延不速進卒被劾落職諸縉紳莫不扼腕民遮道泣送者無慮萬計慰遣之無幾微見言面卒嘉靖癸巳春秋纔四十三耳

戴鱉

戴鱉字時重號東石鄞縣人正德丙子舉浙江鄉試丁丑舉進士授刑部河南司主事每督獄見繫囚滯

穢率多瘦死必令給卹有方士能言陰事多驗卿相以下爭先迎致驚心知其姦檄召訊之果挾採生術遂寘之法進本司員外郎中陞四川按察司僉事整飭安縣兵備至則繕樓櫓遠斥埃選將練兵諭羌戎以威信不敢犯境民以安息龍州土官先是多以賂結兵部恣肆干紀莫敢誰何至與同餐燕鱉以法束之不少貸假至縮縮不敢吐氣涪江當松濰襄漢孔道而風波暴悍渡每不測見舟覆者十餘艘亟命漁舟拯之得活者百四十三人屍三十餘惻然歎曰此有司過也卽戒工市材造舟三十二爲梁四十餘丈

本朝分省人物考

卷四十八

三十三

浙江七

橫江如坦途又立法守之其爲民興利多此類先時有議禮臣僚被命北上適持檄南下遇諸臨清欲挽之與語而已解維以避心深銜之至是爲宰相寵倖遂諷所司奪職家居飄然林壑者八年會時宰物故起爲河南按察司僉事尋轉江西布政司叅議提督糧儲江西故多逋負每鈎稽輒緣吏胥爲姦不可振刷至則立格逐歲稽查姦不得行而乾沒者悉償無復有負逋者陞副使兵備饒州兼督造尚方磁器先是窰戶爭利時持矛相殺乃爲條畫禁治爭鬪遂息丁內艱歸已又起爲廣西府江兵備時猺獞嘯聚稱

亂幕府謀大舉兵征之衆議旁午曰此不足煩大兵也特密選精銳數百命指揮林瑞等分爲犄角授以方略深入仙迴松林歸化石田諸山繞出賊腹大破之斬首百餘級俘其酋豪周六等數十輩磔之於市餘黨悉鳥獸散江道肅清幕府欲上其功力却之陞江西叅政尋陞山西按察使振飭憲典官僚嚴之有闕豎殺人匿宗室家吏不敢問立收捕付獄聞者悚息有巨商持宰相書來告逋欠者輒焚書杖而遣之曰爲朝廷監司寧爲賈豎責券耶有一知縣受賕殺人巡按御史知其與權貴有連特爲釋之且言進士

本朝分省人物考

卷四十八

三十四

浙江七

可惜賢曰進士可惜一方之民橫遭荼毒獨不足惜耶必正法乃已尋陞廣西右布政使改四川左使丁外艱免喪補江西陞四川巡撫都御史入蜀革煩苛孜孜以保釐爲事所隸諸部雖羊腸鳥道必輕車詣之問民疾苦爲之興罷父老相傳以爲撫臣旌節二百年來僅一覩見也由是西省將士躍然歸心而江西舊僚有嘆之者竟以飛謗傾之落職而歸居三年一日端坐而逝距生年六十七

王相附王杰

王相字懋賢鄞縣人生而穎慧絕倫少受家學輒奮

勵誦習斯夕不懈稍長卽沈酣經典鈎稽史氏而力
 殫於淵學吐英摘華樹聲藝林名隱隱起矣嘗授徒
 高錢山中每夜灼一燈琅琅誦不休饑則拾蹲鷓火
 而啗之或竟夕不眠鄰傭厭苦之竊議曰何物怪孽
 欲以是博官邪聞之迄不爲止正德丙子薦於鄉上
 春官不第卒業南雍大司成汪俊見其文奇之辛巳
 第進士選爲庶吉士讀中秘書愈自刮磨茹荼攻苦
 如寒士爲文根抵六經而步武乎莊列每意至卽伸
 紙濡毫頃刻千餘言氣洶洶不斷辟之騁驥而下墜
 坂也諸學士先生曰奇哉士班馬不足爲也壬午授
 翰林編修甲申以議禮忤旨逮詔獄已而廷杖過楚
 卒時年三十七有文集若干卷相素豪邁尚志節初
 甚英毅中更爲和易外不置畛域而內井井無踈戚
 貴賤皆爲推心焉其尤大者事親篤孝先意承志恒
 得其歡心家貧屢空晏如也諸生束脩之饋不絲毫
 入私室里黨莫不稱之從弟杰與相師資勤苦力學
 舉丙戌進士任大名府推官嘗署府事輒濬沐兒河
 盡除貴戚之壅水爲利者民不病潦又嘗署開州民
 號馬千頃者與厚貨爲饋輒發其奸寘之罪以治行
 稱旣徵召而卒所著有經濟總論十卷

本朝分省人物考 卷四十八

三五

浙江七

陳憲

陳憲字廷章浙江定海人由進士擢監察御史巡按
 湖廣江西莊重知憲體其在江西政績尤著糾察方
 面及郡縣吏之賢否而去留之人用悅服南昌之民
 舊苦三司供給郡縣因爲已利憲悉革之民大稱快
 吉安守禦千戶臧清貪淫兇惡殺人破家殆不勝紀
 都司受賂常曲庇之往乘憲者皆怯懦莫敢問憲至
 廉清殺一家無罪三人執訊引伏械送京師一郡晏
 然舞抃於道他善政尚多旣歸同官以鞫獄出入相
 訐者引憲初鞫爲政俱集刑部憲事已白以待覆奏
 未出然已有病時施禮署部事寬而無制屬吏肆爲
 姦弊凡死罪繫獄者悉得自便臧清雖罪狀明白尚
 繫刑部獄未決夜竊至憲所詬詈捶擊憲憲忿恨竟
 以正德三年十月卒於刑部於是公論皆咎禮後
 上問侍臣曰聞御史陳憲能持身振憲紀今安在侍
 臣以實對 上立命磔清於市

本朝分省人物考 卷四十八

三五

浙江七

萬表

萬表字民望浙江寧波人生有異相
 玉色方頤額有三文風神炯炯慨多節相者奇
 之曰異日當名高天下讀書一目數行下年十七襲

衛指揮僉事志在鵠起不事家人業晝習騎射夜燒燭讀書揭孔明寧靜澹泊四言座右曰大丈夫經營天下如武侯何能煩首作求田問舍計乎庚辰武舉中式石學士閱卷以為奇置第一眾以所對多忤時語稍抑之尋授都指揮督全浙糧運晉視浙江閩篆南都坐營錦衣已為漕運參將者二漕鎮總兵掛印者二及南京中軍都督府都督僉書皆以宿望為當軸所推較表歷漕既久國計詘贏河溝通塞祖制及時敝當復當釐靡不明習嘉靖庚子二洪水涸漕舟並阻議者謂黃河改流著論折之力言漕河惟用沈

本朝分省人物考 卷四十八

三十七

浙江七 王國瑞

汶沂泗諸泉足以濟正統十二年黃河決滎陽入漕河潰沙灣入海景泰四年都御史徐有貞塞之乃分流自蘭陽東至徐入漕必疏濬而黃水始來稍稍與清合至正德六年黃始盛來衝決方黃河之衝時清河狹淺水固易盈沿河設淺舖每年轉運無滯也今二洪舊堤宛然可見但向者黃河漫漫一旦水落石出清河淺涸人心乍見不能無異其實則故河也蓋自洪達濟自會通至衛河一路堤坊原備河衝入衛漕害今二洪以下反用黃河之水而忘其故及水不來至疏濬以引之此所謂以病為藥也渦河在淮之

南商船皆自淮入渦至祥符銅瓦箱以達陽武去衛河六七十里議者欲鑿而通之直至白河則會通河可罷表議會通河之塞自濟寧至臨清計三百八十里尚書宋禮發山東丁夫十五萬鑿河建閘為費不貲以彼棄七十里之易而事三百八十里之難此無異故蓋鑿而通之則黃衛二水合二水合則衝決非常誰能障之此會通之運誠永利不可易也若干衛輝置倉歲以鳳陽諸衛之卒部鳳陽諸郡之糧令由渦河達陽武歷七十里輪于衛輝其勢甚易如昔日東流賊之變運道中梗又可為備變一策海運雖極

本朝分省人物考 卷四十八

三十八

浙江七 劉忠

險遠第浙中海船于遠番皆能通之松江與太倉通泰州有沙船淮安有海雕船嘗遊海至山東蓬萊貿易云離天津不遠若以松江太倉近海歲糧厚與雇直量運三四萬石使海道漸諳為事變之備又一策也太倉則例每糧一石耗七升至槩斛若輕齋之羨以還運卒故卒有餘力運無愆期後官悉收之股削四出人不聊生表憤曰此其患不獨在貧軍而且移之國計矣大者疏小者議累累百千萬言且極陳本折通融為國長利而又欲開河北山東圻內一帶荒田重農薄賦為漸減歲漕之地尤根本至論識者偉

之歲甲寅海上倭亂起表散家財募死士奮欲往擊會以都督僉書南京中府道經姑蘇與倭遇婁門楊涇橋率所募及少林僧躬冒矢石挫賊鋒身中流矢不為止遺書於子曰我家世以戰功死王事乃我獨持文墨議論身不任兵今晚年增一箭痕不亦美乎時賊據七團八團為巢我軍數戰不利表謂巡撫周琉賊據內地久近賊處民不得力田逋負日多催科敦迫相率去而為賊是驅之以助其勢也宜亟請獨積逋懸賞格使就中作計以携其黨兼下募兵令士著之餉等客兵則人人樂歸如得士千即賊滅千人

之朝分省人物考 卷四十八 事九 浙江七 高尚武

也以較用他兵孰利誰行歸者寢眾賊寢衰乃進兵賊懼夜遁賊之海上內地稍甦因作海寇議所為籌畫甚具賊方蜂屯諸島而欵王直者以驍雄魁其曹表策其踈鹵可誘而縛也薦鄞人蔣洲張惟遠使為間兩人雅善直其家坐通番被逮約獲直以贖且以上賞許之日強聒當路前未及行而表卒後總督胡公宗憲卒遣洲使豐後山口諸島渠魁立致東南晏然一時謂為奇功不知皆表本謀也表策夷情洞如指掌而論北虜尤人所未發嘗曰古夷狄侵中國未有中國人不為之用而能突入者夫華夷異類居處

寢食絕不相同豈甘心棄衣冠為犬羊役哉不得已也比年虜入太原殺掠慘毒上厯九重之憂中外章疏類多擊截之計所薦用者大都善戰善陣之人而于籌邊固本之道則置而勿論夫善戰善陣之人急于截殺乃一時救變之事如醫家所謂急治其標者也每督諸鎮之兵日幸一擊虜以為功而他不服顧然卒不能禦如病者屢投逐邪發表之劑而邪卒不去元氣不為其所傷乎且諸邊自將權移而邊政日廢矣自屯田鹽法壞而邊儲日不充矣邊儲不充而士卒殍死者眾矣殍死者眾而士心日益離矣士

之朝分省人物考 卷四十八 事十 浙江七 高尚武

心日離叛亡者眾凡叛亡之卒虜皆厚遇之與婦生子給以牛馬孳息土俗漸宜心無變反而後用為向導故地里之迂近兵力之強弱貨財盈虛人心離固將帥勇懦事勢難易皆得預知之而諸邊饑餒劬瘁之卒聞先叛亡者幸少須臾無死也輒相繼以亡而不亡者亦無固志是則深可憂耳夫虜之來也不測而我之禦也無時諸邊日夕營營以目前為事何暇為本計乎此所謂決陂以取魚圖一朝之利者也先是庚戌虜闖入塞內傳大都表聞之日夜束裝為計曰吾世受國恩今憂及君父豈臣子安卧時耶

事定乃已表少嗜玄學已而閱內典獨契于心關西釋自然者以苦行鍊磨得悟絕學與語大悅之自是參究不輟一日披衲入伏牛山曉行見日升忽大悟嘗言學貴真悟語言精切不離見解又言世論克已淺之乎其論顏子也夫視聽言動而溺焉已也視聽言動而止焉已也視聽言動而不溺不止焉亦已也禮者中也即吾之性也仁之體也不可絲毫容易于其間也是故無思無爲感而遂通不識不知順帝之則克之至也一日與羅達夫論道于臨江達夫躍然而歸遺書云自聞教後舟中終日忻忻若出樊籠見

大明分省人物考 卷四十八 浙江七

大世界若入巨海見龍宮藏動手動脚無非道妙其相契如此然雖超詣獨往而諄諄導人以實行謂夫子教人文行忠信至命與仁則罕言之吾曹抗首談性命而自愧于倫物得無爲跖者咄耶爲文敏給踈暢直寫胸臆所著有學庸志略論語心義孟子摘義道經贊言九沙雜言玩鹿亭稿及纂經濟文錄灼艾集玩綠亭詩抄濟世良方玄門入道資糧山中集諸書行於世薄田僅供糴粥而好爲德于鄉如建橋賑饑不可指數歷官四十年家無餘財餅鉢蕭疎與野衲遊見者不知其爲名將也嘉靖丙辰正月二十

六日無疾端坐而逝是夕大星隕于庭光射數十丈云

顧翀

顧翀字曰翔號遠齋慈谿人嘉靖戊子舉于鄉壬辰舉進士授工部都水司主事分治南旺諸泉至則釐革宿弊疏濬泉源使夫必受直而漕無滯艘公私稱便奉勅查理山東藩臬及諸郡賊罰蓋前此所未有也翀秉公持法風采振揚士論翕然歸之時父西嶼公在署忽棄養乃扶櫬歸葬服闋補兵部武選司主事尋擢員外郎於九邊智勇忠義之士皆廉訪籍記

大明分省人物考 卷四十八 浙江七

每佐其長以易置無不當癸卯擢河南按察司僉事駐節潁上兼攝徐州兵備道徐潁地跨江淮多巨猾劇盜號難治翀從容料理案無留牘而地方寧謐豪惡毛至剛占奪民婦女田產恃雄貲無忌竟補之置於法潁壽間盜多株連不解乃下令曰以姻連坐者勿治即日歸農者無數撫按交薦方期大用適以舊在兵曹查黃註誤左遷許州判官轉真定通判大名同知復擢河南僉事時鄭府橫恣不法悉緝治之遂歛跡彰德宗親王守道白晝謀殺其兄御史入賄欲從末減翀廉得其實堅執不可御史銜之誣他事中

之與訐辯御史竟落職而狝亦改福建未幾丁繼母憂服闋擢福建布政使司叅議時倭賊猖獗而福寧尤急巡撫王公詢特檄往勦之狝馳至其地禦備之策無所不至一捷于崇巖再捷于大金閭峽三捷于州城之外斬首三百級餘俘馘二百有奇賊大挫逃遁地方底寧撫按奏聞 上嘉獎賜以白金文綺庚申擢四川按察副使去閩之日福寧士民攀卧感泣立祠祀之四月松藩故維州境外地也軍夷雜處叛服不常至則動中機宜形格勢禁發即就戮有奸軍周尚武者陰蓄異志訪知擒其首十八人寘于法餘

本朝分省人物考 卷四十八

四三

浙江七

黨悉平因條畫五事嚴責成以馭兵威遠權事宜以防奸制變復舊額以賞夷安邊完通餉以足食養兵設官撥以典司出納巡撫羅公崇奎謂疆圉大計無過于此乃疏請行之而狝以西土寒甚不堪堅請致仕歸歸六年而卒

包 梧

包梧字子木鄞人也名御史包澤之子生而穎異讀書過目輒不忘領嘉靖壬午鄉薦通判蘇州時職造中貴怙勢傲視故事判庭叅梧獨長揖不屈諸額外取索裁革殆盡心銜之誣奏逮 詔獄謫無為州同

知未幾移成都府通判尋陞漳州同知漳瀕海盜藪長吏視為汎常弗問梧特設奇鈎致捕繫株連不遺餘力後竟奪歸梧為文奇詭雄俊自成一家言有白厓集

姚 涑

姚涑字維以慈谿人也總制尚書姚鏞之子狀貌奇偉資識過人嘉靖癸未魁天下授翰林修撰為經筵講官積誠感悟脫略詞章每進對稱 旨歷陞春坊諭德丁酉主北畿試得士為多人方以公輔期之隨以疾卒涑性孝友六歲喪母執禮如成人人事繼母無

本朝分省人物考 卷四十八

四四

浙江七

間言尚書思廕例以嫡涑讓繼母弟汲以悅親心涑讀書務為經濟事不拘拘文辭如邊防海運皆有定議作諸邊圖時有翰林三長之稱為經學政事史學也有明山集若干卷

屠大山

屠大山字國望寧波鄞縣人生而適伯祖襄惠公瀟以泰山磨崖碑遺其大父涓因以命名為童子時風神秀異有俊才襄惠公嘗摩其頂詫客曰是兒俊爽不凡他日當為國寶及長修髯偉幹頎然玉立好魁磊之節儻慕自意而又沉重不泄器局凝峻世莫能

窺焉年二十三舉于鄉明年登嘉靖癸未進士出知合州政先寬和持大體而禁奸詰慝未嘗以三尺假人與縉紳學士處坦夷不設城府人人延坐盡歡咨以政理又日引父老子弟問諸所疾苦務盡下情州民積苦瞿唐下流水歲啣城有蕩析憂悉力經營築隄障之民以安堵有李道士者挾妖術爲州郡患所至騷然以計擒之榜掠數百不能及其身乃齋戒禱于郡城隍之神詰朝再掠之而妖書出左腋下道士窘求水漿不得竟死杖下尋陞南京刑部員外郎出知吉安府寬大嚴明如合州時而清操益厲門庭肅然王尚書諸公子橫於里中民不能堪悉取其蒼頭奴助虐者法之後諸公子折節改行爲雅士尚書深德之嘗謂人曰使我諸子得比於人數不焚吾宗者屠使君教也世以是兩賢之居吉安五年陞山東副使備兵徐州當東北孔道四方人物雜糅民悍而俗黨至則一以寬大鎮物而以沉毅彈壓奸豪時貴溪相有蒼頭奴乘樓船下徐橫索驛遞執而箠遣之貴溪銜焉然竟無他十八年流賊大發標掠郡縣所至殘破督兵討平之河決呂梁爲置洪水不能爲災陞山東叅政尋陞福建左布政使時甌寧太宰李公

明倫彙編

卷四十八

學五

浙江七

默爲國子祭酒置田將樂將樂人逋租過半太宰囑將樂令治之而令故不爲治太宰怒囑以切責令令故以彊直不阿柰何以祭酒故裁賢令顧反益游揚之後太宰益相推重數薦于朝世咸高方伯義槩而服太宰賢有器量矣晉右副都御史巡撫湖廣酉陽苗民反會四川貴州兩省討平之捷聞陞工部右侍郎尋復以原職巡撫湖廣劇賊李邦珍駢脅多脅力號李千斤居大司馬幕府爲記室父殺人論死繫獄中邦珍歸格殺縣丞劫獄而去遂擁衆萬人橫行州郡命應山知縣葉震亨逆擊之擒其副賊張金選衆乃遁去而邦珍妻馬三兒者能軍善妖術剪紙爲兵每臨陣則士馬從空中下矢發衣裾間如雨大山仗劍叱之人馬亂墜遂敗走後得邦珍三兒子于鎮遠衛檻送軍門三兒向守者乞水從水中遁去後乃擒斬之陞兵部右侍郎兼右僉都御史總制湖廣川貴三省軍務是時苗民龍阿仔梗命全楚騷動遣叅將孫賢授以方略令設左右伏而賢以精兵深入道獲苗黨譚細奴善撫之以中秋夕擒阿仔於席上而我軍乘之直搗其巢苗人悉平辰州上官冉蕃者年十六梟勇絕倫欲奪父位而以黃金百斤他珠玉珍寶稱

本朝分省人物考

卷四十八

學本

浙江七

是白金絨綺之屬萬計行賄於里中後聞其事命縛
 蕃至轅門數其罪切責之終在事不敢奸父位袁州
 父子累求賂不得銜之甚會李公默再為冢宰首推
 兵部尚書曰非屠某不可袁州子世蕃恚曰李能揚
 之我能抑之遂以南京兵部左侍郎巡撫應天等府
 時倭奴大舉入寇自吳淞江直抵姑胥城下兵燹一
 空總制兵部尚書張經以北兵出戰北兵不習水戰
 大敗乃反嫁之禍而故銜者憾不已被逮繫獄事白
 釋歸田里家居二十餘年清約如寒士或浮白豪吟
 往來山澤歸則杜門燕坐泊如也終其世未嘗以一
 言干有司晚年尤習黃老朗然寂照而已

大明人考

卷四十八

四十七

浙江七

馮岳

馮岳字望之號貞所慈谿人嘉靖丙戌進士除授工
 部主事監稅蕪湖朔寘木匣十數商至即稅不停時
 刻令商自投匣中登記於籍封貯縣庫從前監稅者
 輒以墨敗而岳獨著清名歷員外郎中陞濟南知府
 蒞任閱獄見繫囚繁甚次第斷擬釋放囹圄為空郡
 多巨盜黨與竄名府胥中蹤跡詭秘人莫之覺廉得
 其實一日盡縛之遠近驚以為神盜遂屏跡問老恤
 孤勸善興學俗為之變丁內艱起補延平議減驛遞

供應之煩計擒巨盜有納金魚腹以賄吏胥者命卒
 剖魚而金見一郡攝服陞山東副使會審錄有四年
 十四時與惡少遊憚祖母過於防閑遂與惡少弑之
 或憐其年尚幼欲從末減岳曰張忠定見嬰兒掌父
 尚殺之况囚年已十四乎卒入之一應襲指揮招數
 人飲飲散偶爭于途交相拳毆一人死犯者家貧眾
 利得金遂坐誣應襲以殺人律讞之得其情罪坐犯
 者陞河南左叅政河決為患至不可禦親歷決所授
 吏成法所費甚省而堤固河寧民免墊溺陞江西按
 察使尋遷右布政時弋陽王修鹵簿取司中金錢不
 已且持令牌恐脅左使至無以為計岳取長史司移
 文閱之有自備工價不煩有司等語及查各藩自分
 封後未嘗敢擅修鹵簿者即欲奏聞王多方祈免省
 費不貲尋陞本省左布政使司中積胥盤蠹垂白不
 隸名尺籍者不可勝數一日坐堂上悉索而決遣之
 往錢糧出入左使司之右司無所事事岳至惟總簿
 書庫藏悉委之右使在司三載未嘗一入庫中陞順
 天府尹尋陞右副都御史巡撫湖廣尋總督湖廣川
 貴軍務兵部右侍郎岳以鄖陽居三省之中城垣未
 建無以捍禦遂奏城之蜡爾山諸苗屢討屢叛岳撫

大明人考

卷四十八

四十八

浙江七

勤並行獻俘於朝奏建容美等十四司統轄之三省
枚寧乙卯奏勦印水苗捷有銀幣之賜又奏勦酉陽
平茶筆苗捷恩蔭一子入監岳以沅州爲總督開府
之處土城易壞奏易以石巍然稱巨鎮焉播州苗酋
阿項驍勇善戰煽誘涪潭諸苗爲亂授總兵石邦憲
等以方略斬首數千阿項奔突馬蹶擒斬之諸苗悉
平親詣賊巢視諸要害建築屯堡列戍分哨爲久安
計捷聞進右都御史丁巳陞尚書刑部于南京 祖
宗舊制刑部理畿內刑獄詞訟具載會典迨後十三
道多所侵越乃具疏請復舊制時北尚書鄭公曉亦
具疏以請于是日親部事不敢追迨諸司勤職刑清
訟理畿輔肅然已未決意乞休屢疏以請 命下飄
然歸里萬曆戊寅上兩宮徽號詔有司具綵幣羊酒
存問辛巳以上壽終年八十有七篋中所遺僅一練
至假棺以殮大臣清貞至此亦今古所希觀也計聞
賜祭葬如例所著文集八卷恤刑稿四卷

陳東

陳東字約之鄞人也少從學究游心易之其師與諸
學徒講說經義約之則卧弗聽也乃汜濫百家言上
下屈宋班馬之間向褒以下弗論焉上海詩書之士

本朝分省人物考 卷四十八

四十九

浙江七

于是爭言陳生矣會稽中峰董公又故奇童也有女
待年于家曰吾女奇甚非得奇男子者弗字徧視里
中兒卒無當意者一日甬川尚書過中峰相與遨遊
禹穴之間從容言尚壻事甬川曰夫富貴所不可知
卽欲芝草琅玕者陳生殆其人乎乃艤舟甬江之上
呼陳生視之而陳生乃垂髫被儒者服繩趨而前面
如玉澤晴如黑漆望之非閭閻嬰兒子也董公乃雜
難墳典丘索及諸莊周呂覽言則滾滾對不塞試之
詞賦食頃輒辨語盡玄秘也董生乃目左右取日書
以來親爲期日而遣之已乃挈至京邸董公日爲程

本朝分省人物考 卷四十八

五十

浙江七

業課肄之約之唯唯奉命唯謹然心弗好也偷取古
人書意所契會者鈎纂精微時時論撰發舒淵懿于
是陳生名聞國都矣已乃舉進士授翰林庶吉士讀
中秘書益厭薄時藝尋調祠部主事已復改編修乃
日與屠文升唐應德田叔禾王道思數子更相過從
考鏡鴻濛陳說藝文至達旦不休倦則便相枕卧率
以爲常而諸貴人切慕其風時枉駕過之輒閉門謝
不納時當道擁權寵朝士咸奔走之約之獨不加禮
以故不能見容出爲湖廣僉事分司辰沅辰沅五溪
故區而苗蠻之所都也深山叢箐犬牙阻兵時時烏

合攻剽內地緩急不可控捕而約之乃量裁濶狹宣
 布威信苗夷稽首聽命四境帖然而約之乃終不樂
 居上書乞骸骨時吏部闕尚書而元匡霍公與甬川
 張公為左右侍郎計曰陳生偃蹇甚矣必徙之會山
 東缺提學輒注擬以上而內閣欲用其所私力持之
 約之竟不果用已乃稍徙而閩也每出治吏檢括案
 牘窮日夕不休與學士先生接周旋款語無不人人
 滿意比歸休輒仰屋慨歎憤志跼蹐家人莫喻其故
 第左右羅古圖史置酒一壺且誦且飲飲輒數盃下
 已而忽大嘔血須臾可數升病瘳矣徙河南提學會
 本朝分省人物考卷四十八 五十一 浙江七

楊茂清

楊茂清字志澄號芝山鄞縣人吏部尚書守陞子也
 以蔭授南京鴻臚寺署丞凡九年陞貴池知縣池濱
 大江使傳往來如織民好囂訟難治至則因土俗相
 時宜廉民情稽故牒去所不便而與其所便暮月之
 內上信下服俗用以熙有古循良風焉于時涇縣有
 王瓚者通青陽富室周鑑金預構一丐婦蓄之鑑至
 索金輒殺婦以誣之訊者以鑑富為嫌莫敢直事下

茂清反覆閱其獄詞曰何不指近人以證而以五十
 里外之麻客乎既伏瓚背護瓚又何能毆及胸脇死
 乎瓚乃語塞而鑑得免石埭楊翁生二子長子標次
 子死而婦與僕奸翁逐之僕復潛至其家翁乃以盜
 撲殺之時標往青陽為親故壽而僕家誣標殺之以
 抵罪臺使者檄之覆勘則逮青陽與標酒者十餘人
 隔而訊之如出一口乃坐翁收贖而貸標後數年道
 經其家盡室羅拜於途且攜一小兒而曰此標出禁
 所生也微公楊氏斬矣又貴池王業與妻以烈酒醉
 殺劉廷璋昇而沉之江妻當從坐乃釋妻而坐武曰
 本朝分省人物考卷四十八 五十二 浙江七

吾憐二子方在襁褓耳由是八鄉黎亦率從化導賢
 能懋著檄委無虛日陞山東沂州知州去之日蕭然
 圖書數事士大夫灑泣祖帳庶民聯袂扶杖擁道遮
 留曰奈何奪我父母也至沂一年調沔陽道出貴池
 父老商旅逆之江許摩肩踵履翼舟輿而趨曰何幸
 復見吾父母乎至有掩袂泣下者至沔三年治行炳
 然矣遂引年致仕而歸

黃潤玉

黃潤玉字孟清浙江鄞縣人也生五歲侍母病夜不
 就寢家人異之六歲就塾師坐立屹然不與羣兒狎

書過目成誦塾師奇之十歲道上見遺金不拾十三
詔徙江南殷實戶實北京父當行潤玉傷父老行萬
里輒涕泣求代官少之對曰父去日益老兒去日益
長少長不庸愈於老乎卒行抵北京受廛都城外十
里所沙漠寒沍無人居與同役築室成比閭傾貲給
徭賦墾圃種蔬以爲活人不堪其劬而泰然安之稍
隙輒肆力於學以心爲嚴師以聖賢爲矩矱擇然後
言確不可易焉揆然後動端無所苟焉都城有富翁
獨與一女居招與同賈辭或問何也曰瓜田不納履
耳於是里中子多從之學爲文理致淵永舉鄉薦授
本朝分省人物考 卷四十八 五十三 浙江七 周安

傅光前

傅光前字長孺號太恒浙江鄞縣人舉進士爲南太
常博士日與密友徵求問學而太恒尤精猛思之不
得則閉戶長跪達旦家人不知所爲後卒有聞入爲

吏部稽勳主事病卒年四十一

傅淳

傅淳慈谿人家世業儒父時借以道學鳴于鄉淳能
傳其家學鄉人稱爲退密先生有洪範敷言性理叢
說大學補略視志稿藏于家

鄭本忠

鄭本忠鄞縣人自號安分生以明經舉爲秦府教授
本忠問學純正言行敦卓有安分集藏於家子復言
雍言俱登進士第雍言官至太常少卿

丘緒

本朝分省人物考 卷四十八 五十四 浙江七 周安
丘緒字繼充寧波鄞邑庠生上舍丘鑑之中子鑑妻
余氏小妻則黃氏也黃氏生緒而余乃不相狎也出
之適江東包氏未幾復轉適他所遂不復聞問時緒
年尚幼或徵詔以母故輒欲獻不自勝父母憐而撫
慰之及年十五上舍君卒每語及朱康叔事頰首銜
恤不覺涕泗之霑霑也孝事母余甚篤父之余亦心
傷之均愛若已出余病且劇嫡產兒經及弟綸俱客
京師緒獨侍湯藥惟謹不解衣帶者數月余重感其
孝與緒訣曰我卽死汝無忘若母矣緒矢志益決當
是時距黃去時凡二十年所矣轉徙不一杳不可迹

忽一夕夢人告之曰君之母蓋在台州金鰲寺前云
 次日上郡偕一人憇於途知緒為丘氏也漫向問曰
 丘有出母者乎聞其子固賢也而今安在乎緒驚異
 反詰其自則包氏故養馬廐也詰以母向往故廐歸
 而訊其母其母曰昔居浮橋東有周平者曾口其事
 然今已配成京衛矣而緒兄女之夫則王李也時以
 進士待次京邸遺書囑王為訪其人久之未得也偶
 一日大雨有避雨於王邸門者奴聞其聲為鄰人也
 而叩之乃即其所訪周平者也延而問之始知黃適
 台州李憲副之子云緒得報即裝而之台時李已故
 無嗣而所後者乃遠族子也漫不知前事緒徬徨掩
 泣於道有見而傷之者曰此中有東門王四老者齒
 踰耄矣故嘗作媒氏為生儻知之乎導往詢之則知
 黃居李無依而復適仙居吳義官明旦欲再請王老
 叩其悉而其夕已暴亡矣吳仙居之巨族生至其里
 歷闈數十家見一門頗飭躋而入焉則吳秉朗秉勳
 之弟也二人皆庠生感其事而留止焉中夜遍詢諸
 族有嬸氏室於內聞所留止者異鄉人也恚而咻焉
 姪語之故嬸故黃舊主母也而因憶前事然亦不詳
 所往呼舊倉頭問之云適於金鰲寺前去歲經之官

本朝分省人物考

卷四十八

五十五

浙江七

已殯寺傍矣生以其言與夢符也而信之且行且泣
 期得一面棺為慰而二生與之偕道犯一牛觸生於
 溝則傘工馬長之門也馬兄弟駭而出因問所從二
 生以其事告馬長曰吾先傭肩輿度日億曾與一婦
 至縉雲蒼嶺下殆其人乎今存亡未必彼所傳寺傍
 棺者謬耳二人忽入門縛輿而出曰願執廐役為先
 生導緒喜甚即別二生乘輿而行至其地馬兄弟卸
 輿辭曰當於此求之矣酬之金不受曰吾兄弟憐君
 哀苦而來豈為金耶因授之輒投金而去居嶺下旬
 餘一無所咨邂逅行人惟以寧人物色之有織屨者
 本朝分省人物考 卷四十八 五十六 浙江七

云此去三舍地名王碧川者有陳六十婦蓋寧人去
 歲其殆亡乎緒懇祈與俱先造其姑氏之家諭如其
 言遂往王碧川詢之而問左老嫗亦如其言即緒從
 奴亦以為信矣乃緒不自信復遣奴詢於諸陳奴俛
 俛行委巷中忽一老嫗佇立於門探之為寧人也而
 扣其從來具悉嫗亦轉詢丘氏息耗合焉知其為黃
 也馳而報生生愕不自持亟踉蹌以往抱持悲號曰
 天乎何生不辰而降割我母子若斯之極也蓋閭里
 莫不感動焉所謂已亡則其妣氏也陳翁無子而家
 貧多負生還取金徧償之併迎翁築別室奉之捐田

本朝分省人物考

卷四十八

五十六

浙江七

養焉翁死則請母入室率妻子朝夕饋饍怡如也初居母余喪瘠毀盡哀處兄弟友愛純篤先是伯季俱輸粟入仕籍凡用貲若干析產時衆議量筭其貲固讓曰苟若而可何言乎一體者哉人以是益多之嘉靖辛卯宰邑因入覲疏緒二事于朝命賜額於孝子表里宅云

補遺

馮泰

馮泰字克雍浙江慈谿縣人永樂十五年舉人除河南道御史建言充吏運磚尋復職疏請致仕

本朝分省人物考

卷四十八

五十七

浙江七

項懔

項懔字思誠奉化縣人景泰二年進士除湖廣道御史丁憂復除山西道勅討四川筠連蠻夷親冒矢石積勞成病卒遺妻曹氏守志弘治中旌表其門

全元立

全元立字汝德號九山鄞縣人弱冠試有司高等府倅館之衙齋館人病且殆適元立從戶外來病者恍忽聞鬼語云全公至矣且避之試爲朱書懸于寢病隨愈人以是奇之嘉靖乙未成進士改翰林庶吉士滿九載考進脩撰充經筵講官時河套議起分宜忤督

撫曾公銑諸于 上逮論死并傾貴溪次第辟西市

舉朝寃之憤然曰使吾職臺諫當以言爭職廷尉當以法爭吾職以史獨董狐筆在耳援筆草告天文大抵暴分宜橫狀比楊忠愍就辟益盛詆分宜訟言于朝諛者輒以聞分宜怒甚嗾之遷南京大常卿已陞南京工部右侍郎所領水衡筦權將作諸務較他曹爲劇左右大司空百度綜核歸于節慎居數月以入賀行會歲旱言官請兩都大臣當自劾笑曰太宜人老矣吾登鍾山望白雲起東海心未嘗不搖搖懸旌也休矣遂抗疏乞歸後分宜累敗章薦起竟不赴

本朝分省人物考

卷四十八

五十八

浙江七

沈一貫

沈一貫浙江鄞縣人隆慶戊辰進士萬曆二十二年以禮部尚書入閣歷少傅中極殿大學士兼太子太傅吏部尚書二十四年告病一貫制義卓然名家在詞林時與江陵忤文章氣節表表一時入政府後正值採使稅監四出民不堪命而 國本未定中外危難一貫亦以天下爲己任從中多所幹旋止因楚獄妖書察典三事以致議論籍籍一貫亦不得安其位而快快以去云

余有丁

余有丁字丙仲鄞縣人嘉靖壬戌進士及第授編修
 管誥勅謂王言柰何私諛為利悉麾謝饋而詞務簡
 重充實錄纂脩經筵講官歷司業洗馬兼脩撰侍
 東官 登極改左諭德兼侍讀加俸一級掌南院便
 道之家買山東湖中得古洞構園其側曰舒園陞南
 祭酒手校二十一史重梓之移疾歸卧舒園日讀莊
 子有得手疏若干卷起少詹事兼侍讀學士掌院歷
 太常卿管祭酒事禮部右侍郎兼侍讀學士經筵講
 官以吏部左侍郎掌詹事會典副總裁陞禮部尚書
 文淵閣大學士入閣時張居正新故有丁與張四維
 一曰人倫物考 卷四十八 五十九 浙江

陸懋龍

陸懋龍號貞所鄞縣人萬曆丁丑進士筮令合肥器
 宇脩偉多心計善記事雙眸炯炯一屬曉經歲不忘
 是以人不敢欺以毫髮邑內丁田宿有遺漏影射之
 弊至則校丁之多寡而準之以伍分其徭役悉歸之
 田賦歷今稱便時遇亢旱露禱哀籲多方設賑民賴
 有生河南劇盜劫掠龍舒鍾離等處嚴固封守督兵
 禦之境上盜不敢窺婺婦何氏為豪民所誣立雪其
 冤猾胥朱馬兒以假稟詐錢竟置諸法脩包孝肅余
 忠宣祠以表揚忠節振勵士風所至宦績官評良法
 惠政不可殫紀歷官湖廣大參以內艱卒于家

本朝分省人物考

卷四十八

李

浙江

薛三才

薛三才號青雷鄞縣人中萬曆丙戌進士改庶吉士
 戊子授兵科給事中累官湖廣左布政使時楚獄起
 藉三才主持事得歸結親藩多所幹旋而眾亦無所
 林連丁艱歸已酉陞都察院右副都御史巡撫宣府
 壬子陞兵部右侍郎兼右僉都御史總督薊遼所至
 盡却餽遺常俸之外一無所入不令而威內安外攘
 一時倚以為重丙辰加陞右都本年陞戎政尚書已
 未卒 贈太子太保

楊守勤

楊守勤號崑阜慈谿縣人中浙丁酉第三甲辰會試
 第一廷對復賜一甲一名授翰林院脩撰丙午丁憂
 甲寅補原職起居注乙卯陞左中允順天主考丙辰
 陞右諭德講讀管理誥命己未房考本年陞右庶子
 旋以冊封歸庚申欲赴京報命得疾卒于家守勤
 之文不加雕琢而大雅不羣有成弘先輩風其人之
 博大溫潤酷似其文又矜氣節重名行辭受取予間
 凜然不少假借與人交則推誠吐赤不覺鄙吝潛消
 汪汪千頃波也惜未及柄用耳

本朝分省人物考

卷四十九

六十一

浙江七

人物考卷之四十九目錄

浙江紹興府

韓宜可

梁貞

王冕

楊恒

劉韶

姚友直

葉砥

趙古則

陳性善

楊維禎

錢宰

趙倂

上網

徐士涓

王旭

朱孟常

本朝分省人物考

卷四十九目錄

一

浙江八

錢古訓

馮本清

唐肅

劉謹

唐愚士

章敞

貝恒

胡智

魏驥

王暹

張崑

楊信民

呂升

柴欽

徐初

邵宏象

嚴迪

趙參

陳贊

陳詠

俞欽

戚瀾

丁川

史琳

何鑑

楊榮

謝遷

王鑑之

王華

黃珣

張景明

本朝分省人物考

卷四十九目錄

二

浙江八

目錄終

本朝分省人物考卷之四十九

浙江紹興府一

韓宜可

韓宜可字伯時山陰縣人元至正間行御史臺辟為幕掾毅然拒之洪武初以歲貢薦授山陰縣學教諭尋轉楚府錄事十年拜監察御史持風紀不避權勢十一年左右御史陳寧胡惟庸中丞涂節侍坐上從容燕語宜可直前長跪出懷中彈文劾陳寧胡惟庸涂節險惡如忠奸佞似直恃功怙寵內懷反側擢置臺端擅作威福乞將三人斬首以謝天下 太祖

本朝分省人物考

卷四十九

十一

浙江八

怒曰三人事朕盡職豈有反側之心快口御史排陷大臣着錦衣衛監問尋釋之出為江西按察司僉事時官吏有罪笞以上悉屯鳳陽母慮萬數即上疏論刑以禁淫厲一民軌合論其情之重輕事之公私罪之大小而施舍之今官吏有罪不問公私而悉屯鳳陽小人之幸君子殆矣乞分其公私以合輿情 上可之命定於律十三年歸朝京師 上賜沒官男女散入諸司為奴婢宜可不受且以為非聖人政即上疏極論罪人不孥古之制也有事隨坐法之濫也官吏有罪厥辟勿宥國之典也罰其妻子何居况男女

人之大倫姻婚踰時尚傷和氣合門連坐豈 聖明所宜此必有以夫榮妻子享其樂夫既犯典章當隨坐以重其罰進說者豈盛德之事聖人仁政之宜行哉乞除之天下幸甚 上曰汝言是著為今後坐事將辟 上御謹身殿鞠之時天朗氣清忽雷火遶殿上驚而言曰得非枉此人乎雷乃息因獲免封上二十餘事皆報可未幾以例罷歸十九年行取到京命撰祭鍾山大江文諭日本征烏蠻詔作堯舜禹湯傳賢論皆稱 旨特除山西右布政使二十一年以事安置安南二十三年以翰林院檢討陳性善薦其德行文學再起為雲南叅政尋陞都察院左副都御史在臺以鋤奸顯忠為已任百寮悚惕不敢犯未幾卒於官時大星墜地櫪馬皆驚人以為應宜可云

梁 貞

梁貞字叔亨新昌縣人元至正中為國子監生端慤寡言由國子伴讀授太平路儒學教授 上克太平貞與諸儒迎見所言輒援詩書有根據 上說之命為江南行省都事遷湖廣按察僉事兩浙都轉鹽運使拜太子賓客日侍 太子讀書大本堂洪武元年六月命兼祭酒掌監事倣周制以六德六藝從容訓

迪務底於成有異才出類者即奏聞擢用之初國學既建諸博士皆就職胥子在內府者令布衣高啓謝徽教之至是諸生方序立右順門內貞傳 旨下勅諸生田受業大學歲賜衣以為常三年九月坐事放歸田里後卒於家

王 冕

王冕者諸暨人七八歲時父命牧牛隴上竊入學舍聽諸生誦書聽已輒默記暮歸其隣或牽牛來責蹊田父怒撻之已而復如初母曰兒痴如此曷不聽其所為冕因去依僧寺以居夜潛出坐佛膝上執筆映

長明燈讀之琅琅達旦安陽韓性聞而異之錄為弟子遂為通儒性卒門人事冕如事性時冕父已卒即迎母入越城就養久之母思還故里冕買白牛駕母車自被古冠服隨車後鄉里小兒競遮道訕笑冕亦笑著作郎李孝光欲薦之為府吏冕罵曰吾有田可耕有書可讀肯朝夕抱案立庭下備奴使哉每居小樓上客至僮入報命之登乃登部使者行郡坐馬上求見拒之去去不百武冕倚樓長嘯使者聞之慚冕屢應進士舉不中歎曰此童子羞為者吾可溺是哉竟棄去買舟下東吳渡大江入淮楚歷覽名山川或

遇奇才俠客談古豪傑事卽呼酒共飲慷慨悲吟人
 斥爲狂奴北游燕都館秘書卿泰不花家泰不花薦
 以館職冕曰公誠愚人哉不滿十年此中狐兔游矣
 何以祿仕爲卽日將南轅會其友武林盧生死灤陽
 唯兩幼奴一童留燕俵俵無所依冕知之不遠千里
 走灤陽取生遺骨且挈二女還生家冕旣歸越復大
 言天下將亂時海內無事或斥冕爲妄冕曰妄人非
 我誰當爲妄哉乃携妻孥隱於九里山種豆三畝粟
 倍之樹梅花千桃杏居其半芋一區薤韭各百本引
 水爲池種魚千餘頭結茅廬三間自題爲梅花書屋
 本朝分省人物考 卷四十九 四 浙江八 危王

楊恒
 楊恒諸暨人也號爲白鹿主風神俊爽翹然超其羣
 其外族曰方建塾聘賢傳館四方游學士生往受諸
 經領其玄旨稍事文墨輒峻潔如淵珠衆譁曰生賦
 資絕倫非積功所可及盍遜其一席地聲光流發越
 間煜煜能動人競投贊延官問師數弗應浦陽江上
 有鄭氏一宗累五十室同案而餽戒子姓執贊致辭
 生躍然興曰是或可爲也卽日上道臯比中居以倡
 道爲已責日摩月切操行有可觀歷十春秋自以精
 明不逮前時退居白鹿山戴椌冠被羊皮裘帶經畊
 本朝分省人物考 卷四十九 五 浙江八 室

傲周書著書一卷坐臥自隨秘不使人觀更夜深人
 寂輒挑燈朗諷旣而撫卷曰吾未卽死持此以遇明
 主伊呂事業不難致也當日佳時操觚賦詩千百言
 不休皆鵬騫海怒讀者毛髮爲聳人至不爲賓王禮
 清談竟日不倦食罷輒去都不必辭謝善畫梅不減
 楊補之求者肩背相望以繒幅短長爲得米之差人
 譏之冕曰吾藉是以養口體豈好爲人家作畫師哉
 未幾汝穎兵起一如冕言 皇帝取婺州將攻越
 物色得冕寘幕府授以諮議叅軍一夕病卒冕狀貌
 魁偉美鬚髯磊落有大志不得少試以死君子惜之

烟雨閒暇則吟風弄月傲睨萬象若不知古今之殊
 軌有識者莫能窮其際高郵欒鳳來爲州牧獨造門
 拜曰鳳聞先生賢言行無悖古先哲人願爲州學之
 師生牢讓不起鳳不得已令間右子弟卽其家問道
 州政有關失鳳必移書諮訪生白以利病裨助恒多
 後若干載殿中侍御史唐鐸出守越欲辟起之生力
 辭如前鐸不敢強生性醇篤無銖髮矯僞與人語出
 肺肝相示恥爲覆藏事垂名義峻言斥之弗少怨家
 無僭石儲臨財甚介山氓誤坐法當死生憫其蠢愚
 謀諸鄉鄙活之氓輟烏犍爲謝生拒之頓頽于地潛

然隕涕生曰東作方輿非牛何以畊俟三冬或爾至
期民復來請生反覆譬曉之乃已州人士求連生族
祝生持其成暨委禽致餼繼以金幣生笑曰孰謂君
子而可以貨誘乎悉遣去人復譁曰是可以義取者
生尚不之欲况其他乎於是鄉人教子者恒指生爲
法焉

劉韶

劉韶字季麓以字行餘姚縣人登洪武甲戌進士第
授行人司行人嘗持節雲南四川朝鮮所至宣上德
達民隱餽贖一無所受事聞賜鈔襲衣丁丑陞陝西

本朝分省人物考

卷四十九

六

浙江八
劉韶

布政司左叅政先是陝有逋賦民積歲不能輸有司
峻刑督之韶至慨然曰民困不能輸爲之父母又忍
峻刑督之耶與其察謀分行郡縣解其勢緩其期勞
來緩輯而從容勸誘民皆感激曰是矜念我我可不
戮力以累仁人奔走假貸以輸無幾畢完陝不產礪
砂而歲月有課額民窘不能償至或償其家者爲奏
罷之洪渠水溢爲民患躬行視之爲設法治堰民賴
以安在陝四年被召爲刑部左侍郎尤懇懇重民命
平反數事陝平民王某爲盜所引逮至而所引者已
伏法不能自白乃召所引者之妻子使識之而聽其

詞竟得實王免於誣有典守錢穀而虧免者既被逮
則援引千餘人同罪韶廉知其誣卒辯所誣引者釋
之河陽逆旅夜月朱趙二人異室而宿朱怨家後追
至而誤殺趙朱實不知逆旅主人疑朱殺之追執送
官鞠訊拷掠朱遂誣服不敢求辯韶獨曰是偶邂逅
相聚非素有負且計其裝非有圖也特緩其獄遣人
密察之無幾有司竟得殺趙者而朱以緩獄不死楊
州民胡氏夜有賊入其室殺人而遺刀屍傍且視之
柄有鄰家蘇氏私識官捕鞠蘇蘇曰家失此刀久矣
不服既備極諸刑竟誣服韶潛使持刀往察其鄰一

本朝分省人物考

卷四十九

七

浙江八
吳士美

童子識之曰我家物也遂得賊而釋蘇蓋其理刑一
以求生爲務永樂乙酉纂修大典命太子少師姚廣
孝禮部尚書鄭賜監修而擇有文學者一人爲之副
遂以命韶討論裁處人多服之庚寅坐失出罪左遷
兩淮鹽運判未行復畱丁酉改工部管繕司主事躬
勤治職未嘗以崇卑爲意癸卯以疾卒年六十一

姚友直

姚友直名益以字行蕭山人洪武甲戌進士授中書
舍人累陞司經局洗馬永樂中 宣廟爲皇孫時奉
命授書并授斬獻王凡所顧問必以正對王以賓禮

待之未幾陞左春坊左庶子及滕王建國雲南陞雲南左叅政掌長史事滕王薨因事至京 宣廟嘉念舊勞擢太常寺卿正統三年正月卒遣官賜祭命有司給舟車歸其喪營葬焉

葉砥

葉砥字周道上虞人洪武庚戌以明經取進士第得定褒縣丞兵荒之餘民未安業勤於撫字流亡來歸乙卯坐累謫涼州處之泰然曰吾無愧於心足矣日杜門修學有詩寄子曰不須詢遠道窮達信乾坤更號坦齋又號尋樂作賦以見志士大夫謫居者皆宗

本朝分省人物考 卷四十九

人

浙江八

之守將西寧侯宋晟亦延致家塾為之師已卯以薦辟起為翰林編修復陞廣西按察僉事用法平恕獄無冤滯吏畏而民愛之嘗兼縮三道印出按郡至遷江會洞獠數出沒為害吏民洶洶欲遁去且以無備請少避砥曰我去縣官必遁民何恃以安即命料丁壯立保伍寇來併力禦之頃之報益急下令如故不為動寇亦卒不敢至永樂初以吏事被逮籍其家惟薄田弊廬故書數篋而已事白還之仍命與史事書成改考功郎中砥進退人才品第高下小大各適其用尚書蹇公一以藻鑑任之不濶以他事會修永樂

大典徵天下名儒命為副總裁稽經考史無不愜當仁宗在東宮緝熙聖學擇儒臣侍講論砥預焉其言于上者必堯舜周孔之道非是不以陳為郎中九年俾食四品祿 上親灑翰授之久之引年求去不許乃自言於吏部曰砥老矣猶叨祿在朝人將謂何上若不棄願得一小郡牧民庶報效萬一吏部以聞即拜饒州知府蒞郡先教化後刑罰興利去害摧姦植柔民無愚良莫不愛之如子水旱為災憂若已出每齋沐致禱必獲有年人以為盛德之應郡故有磁窰銅冶而丁調不減他郡砥為力言於布政司得減四

本朝分省人物考 卷四十九

九

浙江八

之一時方營造工之受役者當給糧贍其家布政司下饒州於遠輸內畱八萬石給之砥謂非戶部意不可眾譁然利其便請必從砥終不許未幾部符下他已入倉者皆反之民使遠輸勞費彌甚眾乃服其明決皆拜謝布政司亦自愧其所行凡再述職京師皆以恤民隱革弊政去汙吏為急然謂饒之風俗厚其民易化有訟者必以理論不付曹吏民知其愛已也多悔悟而罷訟簡刑清民歸德焉戶口增至萬三千士之取科第者數倍於昔年益高而燭理益明遇事亦若無足為者嘗賦詩以自適卒之月作書戒子孫

以睦宗族和戚姻重義輕利母貽譏於後世尤以不能報國恩為慊卒於郤解之正寢郡人無賢愚貴賤皆哭之哀距其生享年八十平生為文甚多今所存者南行藁退朝藁芝山藁經進藁及經進講義

趙古則

趙古則字搗謙餘姚人也後因薦者言遂以謙名宋秦悼魏王之後幼孤貧寄食從山寺與學佛徒同學書克已復禮之目為用工準的聞金華鄭四表學有根源往師之得其傳歸隱萬書閣潛心大業饑寒迫之晏如也國初徵修正韻稍試其學眾以謙年少黜

本朝分省人物考

卷四十九

十

浙江八

為中都國子監典簿與同官論事不直罷歸築考古臺述六書之旨註聲音文字通周易提綱諸書凡三百餘卷大臣有薦謙者上曰吾欲老其才而用之復薦于皇太子乃召為瓊山教諭明年進所註書詔翰林博議不報復還瓊山作瓊臺布學範教化大行嶺表以南稱為趙夫子至今思慕之初謙之來京師學士宋濂遣子仲珩受業謙歸之明年仲珩校正韻多采用謙說眾固莫知其出於謙也謙學以聖賢為的修己誨人勤勤懇懇至於六書之學則尤精義入神得于圖象言意之外謙既沒門人柴廣敬以聲

音文字通進字學者心好之莫得而見也謙于世利聲華澹然無所罣礙直義所在目無王公然終以此厄窮無悔卒于番禹年四十五

陳性善

陳性善名復初以字行山陰人洪武十八年進士上見性善凝重謂侍臣曰性善君子人授行人司副入翰林為檢討初誠意伯劉基卒命李鐸往取其遺書基子璉即出觀象玩占石室中書從鐸請闕上之性善善楷書召入便殿繙錄上威嚴進見者惶汗手顫不成字唯性善動止安雅書法端正上悅

本朝分省人物考

卷四十九

十一

浙江八

賜性善酒是時威遠叵測性善留竟日家人以為死矣比出大驚喜久之超陞禮部左侍郎薦薛正言輩雲南布政使韓宜可隸謫籍性善薦起為副都御史皇太孫在東宮時熟聞性善名及即位獨召性善賜坐問治天下之要性善所言悉從然施行未竟輒為日司所更性善請見曰陛下不以臣愚猥承顧問既僭塵上聽許臣必行未幾輒改所謂為法自戾以信天下靖難兵起改性善為副都御史監軍建文四年三月辛巳戰靈璧與彭與明劉伯完王資皆被執文皇縱之歸性善衣朝服躍入河死後加追

戮家徒邊已而赦還

楊維禎

楊維禎字廉夫會稽人爲元進士仕奉訓大夫提舉建德路總管嘗策蹇視事江南德之歷陞江西等處儒學提舉會洪武一統應聘修史抵京僅百日遂謝病還雲間後臨革撰歸全堂記投筆曰九華伯招我當往及逝聞空中百人步履聲異哉華陽外史張伯雨叙廉夫集云今代善用吳才老韻書以古語駕御之惟李季和楊廉夫稱作者廉夫上法漢魏出入李唐其古樂府有曠世金石之聲宋文憲公景濂亦稱鐵崖若聲光殷摩憂霄漢吳越名士競歸之比東海倪元鎮崑山顧仲瑛雲丘張仲簡吳興郊九成皆其客也廉夫之跡頗類陶靖節讀其置妾云買妾千黃金許身不許心使君自有婦夜夜白頭吟則其不自引去者所指微矣至俠客詞云太阿飛出匣欲取賈充頭又夜宿倡樓酒未醒飄風吹落鴛鴦瓦何其雄偉豪邁耶

錢宰

錢宰字子予會稽人吳越武肅王鏐之後博學能文洪武二年以儒士舉爲國子助教時郡邑弟子員貢

入太學者設爲教條限以歲月責其功效助教與博士程其課業而升降之既升舍乃得選登仕籍然士方畏懼爲法所繩惴惴莫有樂學者宰爲人莊重和易諸生每一就之輒戀戀不能舍以是爲時明師十年三月巳卯朔以年老陳情乞休 上許之勅授文林郎國子博士致仕宰既歸精力猶壯宜 上德意有從之游者輒開廸不倦遠近宗之二十七年四月上觀蔡氏書傳象緯運行與朱子詩傳相悖其他註說與鄱陽鄒季友所論間有未安者遂 詔徵天下儒臣定正之於是兵部尚書唐鐸等舉宰及致仕編修張美和致仕助教漸觀等並遣行人馳傳取之是年四月至京師入見 上語以正定書傳之意命翰林學士劉三吾總其事禮遇甚厚時建酒樓初成賜宰等鈔宴其上人各露醉獻詩以謝 上覽之大悅復遣禮部尚書任亨泰諭旨諸儒有年老願歸者先遣之宰齒最高與衆皆請留亨泰以聞 上喜曰朕知諸耆宿終能成朕志其善視之九月巳酉書成賜名書傳會選命亨泰梓行之賜宰等宴及鈔令馳傳歸其鄉又三年宰乃卒壽九十六初宰嘗病近代新聲太繁刻意古調擬漢魏而下諸作及古詩十九首

本朝分省人物考 卷四十九

十三

浙江八

且各補其未純者詞林稱之所著有臨安集

趙 倅

趙倅字本初山陰人博通經史為文道健名重當時尤明於毛詩洪武六年春被薦至京 高皇帝召與講論經史倅援據傳說貫穿古今每奏對 上輒稱善除國子博士既教胄子隨扣輒應莫不樂得經師上一日御奉天殿倅偕諸儒侍側召至前諭之曰經學必宗孔子母以儀秦縱橫語示諸生也倅頓首謝歸而告誡士子屏去戰國策諸書勿讀自是博經者文日益醇明年詔擇諸生之聰悟能文者三十五人

大明分省人物考

卷四十九

十四

浙江八

命倅領而顛教之且令修詞以漢司馬遷班固唐韓愈宋歐陽修蘇軾為法尋於諸生中擢李擴黃義等入文華武英二堂說書多至大用倅自專師席旦夕誨迪不倦士多成業丙辰十一月乙未陳情乞骸骨丙申 上御奉天門御史臺左大夫汪廣洋右大夫陳寧奏曰博士趙倅以詩經施教成均者四年其弟子為方岳重臣及持節各部者往往有之是不為無功今年逾七十筋力寢衰精神不完願 陛下放歸山中以盡其餘齡 上可其奏加倅官為翰林院待制勅吏部給以誥命致仕戊戌倅詣闕謝 上召之

使前問曰卿何郡人對曰會稽 上曰向為兵部侍郎出知萊州卿之子邪對曰是也 上因締視之曰卿誠耄矣歸養其家為宜倅頓首而退初倅子圭玉

官法從時倅作訓忠之書教之圭玉由是服政有盛名世以倅為愛而能誨越七月甲辰詔出內藏庫錢二十五緡以賜倅拜謝遂行廣洋及寧皆賦詩贈倅和者成什司業樂韶鳳授簡學士宋濂為序率同官暨諸生千餘人送之都門聚觀者莫不羨其榮遇云倅後考終於家八十一

上 綱

本朝分省人物考

卷四十九

十五

浙江八

上綱字性常餘姚人也洪武初以文學徵見 上親策治道拜兵部郎中未幾潮民弗靖擢綱廣東叅議往督兵 綱致書與家人訣攜其子彥達與俱單舸往諭降之還至增城為海寇曹真所得日為壇坐綱上羅拜脅為謀主綱唾罵不絕口遂遇害彥達哀號請代不得且哭且罵曰賊并殺我其酋長曰父忠而子孝殺之不祥與之食不顧則憫其誠孝釋之乃綴羊革裹綱尸以歸後有 詔立廟死所彥達子與準閉門力學不求聞達有司以遺逸薦遁匿山中終身不仕

徐士涓

徐士涓字叔遠餘姚人也習聞典故時事洪武初召拜河南按察副使風威大行按視南陽郡值久旱草木俱稿死士涓戒禱得雨歲輒大穰又嘗視事蓬池庭中俄產一竹人皆傳為士涓之瑞云

王旭

王旭字漢章餘姚人也強學力行隱居教授學者多從之游洪武中以茂才徵拜英山知縣縣多虎百姓苦之旭禱于神虎輒去衆以為神興學勸農吏民親愛如父母焉

八朝人物考 卷四十九

十一

浙江八

朱孟常

朱孟常字守恒餘姚人也洪武中鄉貢任南平知縣最知名有體要縣逋漁課積年不能償孟常奏蠲之江西民兵採木過南平饑餓濱死孟常出粟賑之俱全活時遣中官刻期督木至南平期迫甚而木未集榜笞官卒衆駭亂孟常力沮之夜有神見夢于中官曰若第去朱令在何患事不濟中官覺而疑之悉以付孟常孟常從容處之事成而民無所擾

錢古訓

錢古訓字古訓餘姚人也武肅王之裔進士調行人

是時緬與麓川相構緬主卜刺浪使使來貢而訴思

機發于朝 上擇古訓持 勅往諭而以李思聰副

之至則宣 上威德釋二國之忿罷其兵麓川酋長

刁于孟者謀攻其主古訓曰吾以天子使臣將事于

裔夷會小醜之弗靖不能輯寧之以還雖非專命亦

使臣之羞於是入其部責以大義皆稽首凜凜無復

逞者思機發以古訓能休爭已亂薦方物願留為援

古訓卻不受作書示以不可思機發得書駭汗遂歸

古訓於是古訓叙次百夷山川風物為書還見 上

并奏之 上悅付在史館賜襲衣古訓後知漳州府

本朝分省人物考 卷四十九 十七 浙江八

以文章飾吏事表著忠孝激勵風俗甚著聲稱尋改

湖廣參議名績愈茂

馮本清

馮本清餘姚人也洪武中鄉貢授監察御史遇事敢

言不避權貴出按蘇松諸郡彈治甚肅有豪猾武斷

為盜主本清逮寘於法籍其家廣東守備王某以失

機罪應死自列有斬獲功於例得貸王故饒於貲者

法家避嫌經歲不決本清謂避嫌以殺人法與情兩

失之矣為上請王得減罪遷福建按察僉事分巡漳

南訟牒山委旬日決遣殆盡漳例納番貨歲計百萬

民間至破產鬻子女償官特奏蠲之興化民盜蘇木
事連坐應死者三百人本清止戮首犯餘釋不問建
寧大水漂沒廬舍躬督官民船數百隻為浮橋以濟
全活者無算改任江西卒於官曾孫蘭舉進士累官
江西提學副使

唐 肅

唐肅字處敬自號丹崖居士杭之新城人父始遷越
故今為越之山陰人肅生有異質敏而克勤授毛詩
比長兼通諸經笈及于史陰陽醫卜書數之學無不
研究為文簡潔而雅與律詩步驟盛唐樂府古詩上

本朝分省人物考 卷四十九

十八

浙江八

薄漢魏所著有平居稿文斷諸書尤工篆楷深得筆
意至正壬寅歲充賦江浙以道梗不得上省臣便宜
授杭州路黃岡書院山長轉嘉興路儒學正國朝取
浙西例起赴南京以憂還洪武二年春用薦至京纂
修禮樂書其夏擢應奉翰林文字其秋科舉法行預
考南京貢士扈從東宮拜英陵有襲衣之賜次年夏
以疾失朝叅例免官歸後例謫役濠陽子之淳官侍
講詩亦清麗

劉 謹

劉謹山陰人洪武中父謫戍雲南伯兄又以督運死

京師謹甫六歲輒知痛父一日問家人曰雲南在越
何方家人以西南指之輒朝夕向西南遙拜年十四
歲懼然曰雲南雖萬里天下豈有無父之子哉治裝
為尋父計時滇夷初服道路荆楚歷六月抵雲南艱
辛萬狀遇父于逆旅相持號慟行道傷悲俄而父患
瘋痺欲以身代戍莫得歸父而國法戍邊者惟十六
以上嫡長男始得更替於是復歸攜伯兄子往而伯
兄子亦尚孱弱又復歸悉鬻家貲以往蓋三返雲南
始得歸其父也父歸家徒四壁幾不能為生謹力供
菽水晨昏必極其歡

本朝分省人物考 卷四十九

十九

浙江八

唐 愚士

唐愚士名之淳以字行山陰人建文二年 勅翰林
侍從之臣方孝孺等集數千載經史中事為一書又
命舉優通文學之士孝孺首薦愚士時寓金陵為李
景隆子師立召為翰林侍讀賜冠帶令與孝孺俱領
修書事進講前漢書愚士父肅仕國初應奉翰林文
字以故愚士得遍游公卿間宋濂稱其文迥肅謫死
臨濠愚士奉喪歸葬求父遺文雖荒郵敗壁高崖斷
石靡不纂錄什襲時時伏讀聲甚凄切聞者皆掩涕
愚士長身巨鼻博聞多識為文蔚贍尤長于詩翰洪

武中數從景隆徧游燕薊秦周所過廢都舊邑名賢古帝遺跡輒為詩歌論記性喜飲酒酒酣夜談傾坐晚得官近侍未幾病病愈復起明年病甚比卒遺言請銘孝孺愚士貧無他宗族喪事數千百緡倚辦景隆孝孺為聞 上詔有司給舟歸葬

章 敞

章敞字尚文會稽縣人永樂癸未領鄉書首薦明年登進士選入翰林為庶吉士偕狀元曾榮等二十八人讀書中秘與修永樂大典壬辰冬授刑部主事癸巳 命同諸儒纂輯五經四書及性理大全書成重

本朝分省人物考

卷四十九

二十

浙江八

膺賜齋時近京西山有盜肆劫逮捕數百人鞠之多不服敞察其寃惟拘其辭色異者一人餘悉遣出期翼日復至同官爭不可卒遣之明日至如約後勘驗其人皆非盜而一人辭色異者果真盜衆始服其明內申轉員外郎階奉議大夫尋遷郎中丁外艱起復改吏部考功郎中洪熙初賜誥命階奉議大夫丁內艱服除調驗封宣德庚戌擢行在禮部右侍郎進階嘉議大夫奉 詔往安南命黎利權署國事暨宣詔利遣人白相見禮敞語之曰吾奉 詔命至爾蓋小國一酋長能盡禮於使者即所以尊敬朝廷何以白

為利聞即趨拜坐於下令所親給侍左右數為功媚辭欲眩以聲色敞正色待之終不為動及還餽臚珍異一無所受利曰假此以將誠何拒之甚敞曰吾奉命令爾撫輯一隅以廣 皇上一視同仁之恩豈為賂至耶利乃以所餽物付貢使致之且戒關吏俟使者出即閉關敞知之及關親閱所貢方物餘悉封付關吏及利死復奉 命令利子麟權署國事關吏見曰此天使前却金者比還却所臚如初麟不敢更進蓋知其不可以利動也 英宗嗣位之初平陽王復封晉王即以故護衛官軍田廬為請敞受 命往冊

本朝分省人物考

卷四十九

三十一

浙江八

封則較其軍數量以出廬歸之餘給於民王不悅敞啓曰國中先三衛今止一千戶所以三衛田廬而歸一所之人得無過多且朝廷以藩屏望殿下國內軍民宜均愛之庶副 皇上至公之意王悟曰使方面諸官蚤有此言吾亦豈敢上煩朝廷哉還奏 上嘉之未幾遷左侍郎敞恐典禮品式有因革輕重先後矛盾之異而吏胥或緣此作奸於是白尚書胡公澗取國初至今凡所行條格集記之付四司使得參酌而行事獲適宜奸弊頓革太醫院每舉醫者多弗諳醫敞察知之遂偕尚書奏革其弊比歲僧道數給度

牒輒以千計乃與尚書請依洪武例三歲一給凡僧道出家及舉爲僧道官者止於所居封內不容越籍冒濫四夷貢使日給廩餼庖人每侵尅之敝聞之曰小人爲口腹計使朝廷薄懷遠之禮可不禁乎卽令所司具日給之數付通事者或給不如數從而督治自是遠人以爲朝廷待之加厚云於正統丁巳卒年六十二訃聞 上遣官諭祭命有司治喪葬爲人性質端厚接人待物意氣豁然賙貧濟難尤克盡心其問學優裕爲文簡暢所著有質菴稿藏於家

貝恒

貝恒字秉彝上虞人舉永樂甲申進士初授湖廣鄒

三二

浙江

陽知縣縣僻而俗儉前之名能治者率以嚴刻恒寬馭之而導以禮義其民感化相戒母貽羞賢令於利一介不苟取歲餘以祖喪去官寮佐以下致賻贈盡却之而吏民不忍其去有流涕者祖喪未終繼喪母服闋改東阿知縣東阿當南北要衝素苦過使往還共給之費至則規措有方物具而不擾簿有挾私怨緣飾人死罪者恒謂曰盍以直報之簿愧而止鄰邑盜劫人匿其贓古冢中冢傍耕民得之后被劫者識其故物執民訴官民不勝拷掠竟引伏恒臨問而疑

之然非其所當理未得有爲會有人過東阿被盜來訴者恒併鄰邑盜事以檄城隍神而嚴督機察兵大索數日獲三十餘盜鄰邑劫盜皆在耕民得免冤死民有兄弟爭競相告者曉以大義使退而思之兄弟皆悔過謝歸獄有殺人賊未決而兩目俱盲恒當就審時視其容色若甚戚焉者問豈有冤乎賊曰罪當死無所冤但憂身死宗祀無繼耳遂命其妻入侍疾後賊死而妻生子矣嘗歲旱躬禱之雨立至有蝗爲災引咎自責蝗遽散歲屢豐建議於朝請平糴爲預備計從之仍下其議旁近州縣通行之祀典壇廟及

本朝分省人物考 卷四十九

三三

浙江

學舍久毀于兵前令率苟且行事恒則率丞簿出俸倡邑人咸作新之有暇詣學進諸生講說以正所業而月日程之令鄉社皆立學時循行田間觀民藝穫以驗勤惰邑西南有灤春夏潦水無所洩泛溢浸衍近灤之民恒廢耕恒親相地開渠納諸大清河召民役之與其佐議簿持不可曰法不得擅役民恒曰所以利之也有罪請獨加我不相及渠成後人壞千畝耕之卒亦無事芻邑流徙來歸者甚衆綏撫如子車駕征北虜命河南山東西民丁隨軍供饋餉郡邑各遣官率之憚行者往往爲規避計恒毅然起曰天

子親征臣下可避勞耶卽治裝就道民間令行皆忻躍以從動息飲食與民同甘苦師旋東阿無一人失所者在官雖小物必思及民營繕有餘棄廢鐵敗皮朽索故紙之類悉存之工匠閒暇令煮皮爲膠鑄鐵爲杵搗紙索爲穰貯之庫會車駕巡幸北京勅使督建席殿所貯悉濟急用而民不費有薦其廉公明大體堪任風憲者徵命已下縣耆老百餘人詣闕乞留從之九載考績上京師時 仁廟監國知之曰在東阿得民心特陞秩正六品俾復任民間恒得復來踴躍迎拜數十里嘗坐累罰役京師時有令官役滿卽

不肖全倫人物考

卷四十九

二四

浙江

胡智

胡智字宗愚會稽人永樂辛丑進士擢監察御史巡按陝西夏大雪智疑有冤獄未伸悉按部內諸司獄有繼母不安其室子諫之者繼母誣以不孝智廉得其情訊之遂釋其子宣德間陞廣西副使龍州與交趾思郎州連歲交兵爭地智定以公議交人不敢復

爭景泰初陞廣西左布政使致仕十餘年足跡未嘗入公門蕭然蔬水老益矜重論者稱其學行之醇備焉

魏驥

魏驥字仲房蕭山縣人永樂乙酉舉人四年會試乙榜爲松江府學訓導遷太常寺博士甲辰從征國有大事驥悉與聞遷吏部考功司員外郎陞南京太常寺少卿正統三年陞行在吏部左侍郎以老辭調禮部又辭特改南京吏部示優待焉十三年九載入見乞致仕不允陞本部尚書景泰庚午四乞骸始得歸

不肖全倫人物考

卷四十九

二五

浙江

時年七十有七自承事郎累轉至資善大夫天順甲申 詔下進階榮祿大夫嘗纂修永樂大典聘考江西鄉試者二同考會試者三奉 勅巡視畿甸持節慶代府冊封郊廟耕籍諸禮典無不預驥爲人端重祇慎簡默廉勤而好別白君子小人其少舉於鄉聞父病不俟撤棘而回耄年事其兄教諭驥愈益恭謹在學校嚴師道與諸生衣冠相對不問寒暑蒞官所至崇正抑邪務大體山川壇獲雙白兔圻內升瑞麥皆却弗奏在吏部時中官王振怙寵贊見惟怕一方振亦不較呼爲先生有進士未終制來欲爲考功者

同官可之驥曰選法不可擅又可上欺邪已已之變
驥在南都寢食靡遑率諸司條陳討胡安民之策多
見施行法司因旱恤刑有王剛惡逆訴冤或以其年
少欲緩之驥曰此婦人之仁天道不時正謂此也獄
遂決翼日而雨又戍卒四人牧馬三人互毆一人死
之有司却拷訊三人內一人當之驥曰罪一人則情
可矜罪三人則律不合宜上請卒得 旨三人各杖
一百改戍邊地餘多類此里居二十年無事不踰戶
閭而遠邇敬禮候問者相屬於道遇鄉人言孝友忠
信遇有官者言勤謹和緩布袍糲食不別治生其清

本朝分省人物考

卷四十九

二十六

浙江

修苦節人或難之尤不忘憂國與民語及輒感額其
鄉故多水患有楊龜山湖隄遺跡插堰塘瀝倡率修
築一方賴之篇章之富山刊板刻幾徧天下有南齊
集若干卷松江志水利切要理學正義等傳於世成
化七年八月戊辰 上御奉天門顧禮部臣曰魏驥
壽及百齡兼有德望其 勅遣行人存問賜羊酒有
司月給米三石贍之 勅未臨浙驥先以是年九月
薨於里第有司已得請加例祭葬既而其家以驥遺
言上臣驥死無憾愧無以報朝廷 恩恤之典乞辭
免 上曰老臣清儉固爾死尚然邪不可不成其志

其諾之茲兩事前所未有也先驥薨旬餘一夕大星
殞其鄰王文政庭中驥忽就枕口占云平生不作欺
心事一點靈光直上行及革語意不亂倏然而逝訃
聞識與不識莫不嗟悼松人士相率走吊於門制服
哭奠哀感尤深云謚文靖公初為松江教官汲汲成
就人才諸生在學者候一更盡必携茶往視之見書
聲者供茶一甌及至三更將盡必携粥以隨尚有讀
書者供粥一碗且嘉其勤後出其門者顯宦甚盛正
統初任吏部侍郎中官王振怙寵而驕每出則雖部
堂尊官亦歛輿迴避一日相遇於崇文門不為避王
啗之譖於內衆為驥危忽一日 上御便殿召吏部
既至問孰為右郎驥且訊以近日曾有何事驥慷慨
言其故且曰臣不材位六卿臣不足惜朝廷名器可
惜耳 溫旨慰之曰爾所言者是好官好官

本朝分省人物考

卷四十九

二十七

浙江

王暹

王暹字景陽山陰縣人登永樂戊戌進士第為翰林
庶吉士進元夕詩獲寶楮之賜授刑部主事卓有能
譽陞員外郎宣德五年用大臣薦擢河南按察司副
使丁父憂服闋調山東正統元年隨調陝西專督糧
儲二年以軍功陞布政使司右布政使綜理繁劇庶

孫克熙奉 勅勸濟得米一百五十餘萬石歲用不
 歉奏立范文正公祠於延安民禱輒應七年丁母憂
 去任吏民請留 上遣官邀諸途奪情復任九載秩
 滿應遷遲朝論難其代仍俾守原職以慰陝民正統
 己巳胡馬飲蘆溝京師戒嚴檄召還陞右副都御史
 守正陽門時遠邇軍民聚城下嗷嗷待斃乃啓西直
 門悉放入賴以存活者萬計尋 勅安撫順天等府
 及鎮守天壽山陵築立城堡統軍剿虜遂奏罷被害
 郡縣歲課物料民安之景泰元年 勅巡撫河南湖
 廣兼修築沙灣聽便宜行事保定張普山以妖言煽
 衆於陳州發兵擒普山誅之事遂定奏脩河工次第
 宜白黑羊山抵蕭縣每十里置舖專人提督修治仍
 乞減免濟南兗州科差以甦民困三年陞左副都御
 史未幾陞右都御史奏開封等府水災其遠運糧草
 乞量派別州縣運納又奏順天山西山東等處復流
 民業宜令有司撫恤寬免糧差又奉 勅考察河南
 湖廣鳳陽官員去留惟允又奉 勅賑濟河南徐州
 饑民因奏開封等府州縣傷災五十一處乞蠲該年
 夏稅之半凡所奏 上皆從之又慮黃河水勢漸及
 汴城築堤四十餘里捍其外城民用免溺五年以災

本朝分省人物考

卷四十九

二十八

浙江八

異上疏自劾乞罷歸情懇甚上許之及陞辭蒙燕勞
 遂行已而河南官民交章乞留而已去矣既致仕杜
 門謝客優游林泉十餘年而歿享年七十所註有慎
 菴集四十卷奏議二十卷藏於家

張 崑

張崑字廷瞻上虞人舉永樂辛卯鄉試明年會試不
 第授宣城教諭時學校教弛士習趨下崑嚴立法程
 懇懇焉為陳說朝廷命官立教之意推明聖賢之道
 以誨迪之滿考楊文敏公薦於朝陞當塗知縣當塗
 在畿內號劇縣賦繁役重力為裁省求其敝弛而更
 不朝分省人物考 卷四十九 二十九 浙江八

張之暇日從二卒循行鄉落視其作業以懲勸其勤
 惰姁姁然如家人父子而災為之卹利為之興尤甚
 於治家事苟於民未便雖沮於郡於憲臣必不苟為
 阿徇而當路亦雅知之無齟齬焉時靖遠伯王公統
 師征麓川所過吏民多竄匿崑詣諸縣集徒眾具芻
 糧迎犒江上指麾調度俄頃而畢諸將校駭愕相顧
 歎無敢有囂譁者憲臣按郡嘗檄以攝廣德州事閱
 月而州治流民占復者以千數竟擢南京雲南道御
 史凡京衛訓練士卒城門戍守悉命督察疏劾冒禁
 者繩以法不少貸為御史未二載陞鎮江府知府鎮

江密邇當塗務尤簡事不勞而理民不待喻而自化
又二載以外艱去服除改泉州泉郡大而民囂稍濟
以猛州有大道民惑於怪廢不由公單騎造焉民悟
是日道復闢泉人士作詩頌之浚市河通舟楫毀尼
僧廬舍百餘區即其地改建社學里豪王大觀輩數
十人糾結爲州里患侵漁公賦有司莫敢問民訟之
布政使石公以其事屬崑召之即至諭使自新盡輸
其所侵賦會石公行部復屬致之其人見石公悔曰
吾豈爲石布政來耶崑知其終必爲患以石公教數
其罪杖殺之一郡稱快而大觀子稠竟與其黨潛走

本朝分省人物考

卷四十九

三十一

浙江八

京師誣以他事崑適入朝聞之即自請獄 上命廷

臣按其事至泉泉人頌太守賢者溢遠道事衆誣奏
上即日釋之命移知荊州而竄觀黨於北徼崑治荆
無異於泉而政尤嚴明蓋自鎮江至是滿九載因疏
乞歸而荆民方懇請留焉 上重違民意增秩三品
還命治荆崑念母老沉鬱不遷久之感風痺疾因復
疏乞歸 上固不許而竟援詔例棄官歸矣歸見母
拜且泣曰兒自今復得爲母之子也篤孝養不衰又
四年而疾作以至不起崑自爲校官以至治劇邑典
方州操履三十年如一日以爲居官之法教化爲本

而刑所以弼教也故所至以修學校爲首務其治刑
訊決如流詭誕之徒望其容儀輒沮塞不敢吐聲氣
無嚴刑峻法而遺愛常周於民當塗之民至於今思
之遇其鄉人必細談善政至疊疊不已且問起居安
否何若有繼以泣者民之不能忘也如此

楊信民

楊信民名誠以字行新昌縣人永樂庚子領鄉舉宣
德庚戌擢工科給事中小心廉謹出使江西整刷軍
伍民情宿弊上疏奏之皆當時急務改刑科有直言
之節正統癸亥陞廣東左叅議受密 旨許言事招

本朝分省人物考

卷四十九

三十一

浙江八

捕雷化高廉等州盜賊諸叛皆平蠻獠向化時按察
使郭智所行多不法信民劾罷之黃翰來受代而所
爲益甚又劾之連僉事韋廣黃亦誣詆信民俱逮下
獄啓行時廣人爭携金帛就舟相贖俱不受既至法
司鞫得實黃坐除名廣之軍民耆老致仕官員及山
徠洞人鹽場竈戶共一萬餘人連名具狀相率赴三
司保畱乞備其事上聞亦有跋跡萬里直詣 闕廷
稱寬者動以千計歲已巳 車駕北狩胡虜猖獗朝
廷用言者起信民守白羊口是歲廣東都司囚黃蕭
養越獄遂至嘯聚守土者閉門自守召邊將禦之多

為所敗城中軍民朝不謀夕鄉民避亂趨城至則閉門不納及歸盡為賊所戕脇從者日益眾賊為輶輿車來攻城聲言楊大人家眷勿憂城破當護送還鄉廣人寓京者聯名上章乞信民遂授左僉都御史

勅往撫之至則廣城被困者數月矣即開四門發倉廩賑饑下令有司給民木牌縱其出入賊見帶牌者皆曰楊大人所給俱不殺民皆喜悅相慶又出榜招撫之歸附者日以千計乃差桃山驛丞某及餘丁何普受等齋榜文入賊營招撫諭以恩信蕭養大喜簪花設宴約日至城投降信民冠帶單騎而出隨從者

大明分省人物考 卷四十九 三十一 浙江八 吳士元

數人賊眾數十萬皆倒旗羅拜蕭養跪泣下乞示以更生之路信民坐自如諭以禍福即日投降者數千人餘皆謹諫而去越五日又至信民復往見賊以大魚獻信民受之不疑投降者又數千人未幾董都督統大軍至賊遂中變景泰元年三月五日有大星殞於城外對岸之河南十二日質明都指揮使姚麟來白事尚與啜茶談議忽疾作扶入卧内即仆矣城中軍民聞信民卒信疑相半既得實爭走哭館下雖老嫗稚子亦至失聲滿城縞素具牌位哭奠者相屬陷在賊中者聞之亦曰楊大人死吾屬無生意矣黃

蕭養亦為文具祭訃聞 天子悼甚遣官諭祭信民卒後僅閱月大軍即平賊凡賊所經處盡屠之民仰天號曰使楊公在吾人豈受此禍哉廣人追送柩還哭奠者阻塞道路如喪考妣既而耆老黎善聚等赴京奏請立廟於廣州額曰惠濟春秋致祭水旱疾疫必禱焉民有事不得其平者輒具詞焚告不直者輒恐懼服罪至今為然成化己丑賜諡為恭惠

呂升

呂升山陰人由永樂間舉人授溧陽教諭陞江西按察僉事坐事降官與纂修永樂大典復為僉事歷山

本朝分省人物考 卷四十九 三十三 浙江八 吳士元

西福建考滿陞大理寺少卿升清介勤慎為僉事時所至以興學為務能激揚士類為少卿用法公平至宣德八年以老疾奏乞致仕從之仍命給驛還鄉

柴欽

柴欽字廣敬餘姚人永樂癸未捧鄉書明年上春官第進士時 太宗初御極拳拳於作興儒術文士選進士中穎異之尤者二十八人象天之列宿使為庶吉士欽其盡讀天下書必如古聞人之能以文名當世者欽在列益感激奮勵窮日夜不絕聲累積之厚故施諸文也質而華汪洋而沉著不蹈襲陳腐而駁

駁欲追古人轍跡尤善為賦每出一篇輒膾炙人口
會朝廷纂修大典徵天下遺書以備採摭欽薦其師
國學典簿趙搆謙遂命馳傳即其家取至京師與欽
同纂修禮樂音韻書日進退館閣考索編著縉紳皆
閱其勤卒以劬悴致疾歿沒時年三十六京師士大
夫不問交不交者莫不惜之

徐初

徐初字復陽會稽縣人永樂癸未舉人授山東濰縣
教諭秩滿擢戶科給事中洪熙元年陳治道十事皆
見嘉納賜金織文綺陞都給事中宣德元年漢庶人

本朝分省人物考

卷四十九

三四

浙江八
吳上元

高煦反 上親征協贊有功賜緘獲四人英國公張
輔朝會失儀劾其跋扈無人臣禮 上雖曲宥輔而
心嘉其直尋陞大理寺卿中官姓阮者守遼東失利
侍郎柴車按其當死者二十餘人初奏當誅首惡勿
濫及非辜工部侍郎羅汝敬巡撫陝西坐事黜官過
赦吏部輒復其官言官劾以為黨罪應死初曰是特
失覆奏耳吏部因得釋初為寺丞與楊復論事不合
被劾俱下獄太史奏大理不見 宣廟特宥之為復
其官星乃見正統初調南京太常寺卿尋致仕景泰
三年七月卒于家初為人孝友寬平出言未嘗忤人

至於論事決疑侃侃形於色及卒朝野惜之

邵宏譽

邵宏譽字德昭餘姚人也永樂甲辰進士拜監察御
史有風裁用薦擢翰林修撰預修 宣廟實錄正統
壬戌同考會試尋陞福建按察副使時坐閩寇鄧茂
七反左遷寇平追錄宏譽功復湖廣副使致仕宏譽
天性孝友親歿廬墓居官清慎囊無遺資毀譽不形
犯而不校寬然長者也子銓泰州同知孫賁廣東左
布政使

嚴迪

嚴迪字允迪餘姚人漢子陵四十五世孫也通易春
秋二經補邑弟子員貢入太學屢試首六館之士宣
德五年出知江浦江浦邇留都號難治迪一以長者
化導之比屋欣戴在任九年以最聞時執政者素知
迪於成均奏迪可大用已得 旨矣會 宣廟升遐
部覆遂寢正統初入覲懇疏乞歸竟得以 前旨晉
大理少卿致仕迪歸囊惟圖書家仍茅茨論者謂不
媿高節之裔江浦祀名宦有傳

趙魯

趙魯字尚確山陰人宣德初膺鄉薦名在高等歷任

本朝分省人物考

卷四十九

三五

浙江八
張子玉

教諭秩滿不調恬靜自如人服其不阿正統十二年陞國子典籍日端坐觀書詠詩校對梓刻訛缺或忘寢食倦則鳴琴自娛祭酒陳敬宗謂人曰趙尚確仕不近利學不近名對之坐談簡淡有味令人興起今之黃叔度也敬宗寄魯詩充棟羣書萬玉林縱觀窺見聖賢心每隨松影移瑤席時對梅花奏綠琴但學古人敦素履不同時俗論浮沉公餘最是怡情處青鳥時時送好音久之遷典簿益勤敏盡職不以爲卑秩滿引年致仕行李無一長物惟囊書數百卷而去

陳贊

浙江八 三十一

陳贊字惟成號蒙軒休姚人博極經史期以策名科第作懷二都賦以見志已而再試有司不偶輒棄去用杭州府知府盧王潤薦爲儒學訓導嚴立條約啓迪有方門弟子出爲顯官者十餘人浙江左布政使黃澤雅重其文行金石制作必以屬之宣德乙卯纂修仁廟實錄天下郡國當會萃事蹟以上而兩浙十一郡之事贊實總之時稱有史才明年滿考起京簡任翰林待詔授中使書于內館群璫薰其教化成才者衆秩滿陞典籍尋遷五經博士未踰年以學士高公穀薦陞廣東布政司左叅議時寇黃蕭養之亂

甫平撫摩凋瘵極盡仁恤訪鰥嫠幼穉之被掠賣者贖還其家瘞兵卒遺骸親爲文祭之以憫其不幸聞者感悅其他善政宜民者類此廣民至今思之不忘景泰癸酉遷太常少卿祀典忒飭輿論稱愜天順丁丑疏乞致仕不許越三年再請始得休致時年六十有八矣適其子嘉猷有使滿刺加國之命因便道奉贄至杭以別墅在西湖之側遂留家焉先是浙中名卿大夫致仕家居者六七公南京吏部尚書魏公驥其一也聞其歸皆來會喜相謂曰歸老之榮皆上賜也乃約月一集爲恩榮會會必賦詩爲樂蓋不減

浙江八 三十七

本朝分省人物考 卷四十九 三十七 浙江八
洛下風致云每遇良辰輒偕從弟致仕知縣賓及騷人墨士遊玩于湖山間其別墅中亭堂以十數皆幽勝可樂也客至必命酒投壺徜徉竟日鄉人羨慕之目爲神仙中人天順甲申 詔進階亞中大夫成化丙戌卽世距其生七十有五臨終神思清明謂次子嘉瑞曰吾家受國恩三世矣其語爾兄勉力以圖報稱語不及他所著有自娛藁容臺藁薇垣藁撫安錄歸田藁凡若干卷藏于家其和陶詩唐音及西湖百詠梓行于世

陳詠

陳詠字永言餘姚人也幼從父戍居庸正統間魁順天第進士拜南臺御史侃直敢言時英廟北狩廓王監國進中興十四事尤指切將臣失事誤國者願甘心以謝天下又抗言亡徙長陵衛卒徙卽有變以故得不徙靖遠伯王驥有寵而專詠劾解其兵柄師討鄧茂七之黨勅詠監軍無一犯令者寇平降璽書旌之出爲陝西按察使母疾額代母死詠哀毀亦死年纔三十六篋無一錢同官棺殮之耿清惠九疇歸其喪薦紳道奠者相望休庵王竑祭詠而忘其楮竑曰可無用也公生平不取一錢死安受此楮爲其

本朝分省人物考卷四十九 三十八 浙江

俞欽

俞欽字振恭新昌縣人景泰辛未進士選爲翰林院庶吉士授禮部儀制司主事天順初陞郎中癸未會試場火左遷松江府同知成化改元召還改兵部武選郎中乙酉征山東蠻寇有功陞太常寺少卿壬辰陞禮部右侍郎丁外艱起復爲兵部左侍郎制終始就任九載秩滿加正二品休卒於官年五十四訃聞賜祭塋如例欽通敏有才幹處事善思慮而不失所居皆號稱職蓋能臣也時將以重任畀之而欽忽報

卒聞者多爲憫惜云

戚瀾

戚瀾字文湍餘姚縣人景泰二年進士選庶吉士瀾雖官木天清華之地而意象倏然常欲駕風雲而斥八極覺非人世榮利可得而羈斂者天順紀元授編脩與大學士李公賢彭公時呂公原同纂脩大明一統志書成予告歸省歲餘詣京渡錢塘江抵暮風濤大作有絳紗燈數百對照耀江水徹底通明丈夫九人帕首袴鞬帶劔乘白馬飛馳水面一舟之人恫駭瀾曰母懼吾知之矣推窓謂九人曰若非桑將軍九

本朝分省人物考卷四十九 三十九 浙江

弟兄耶皆跪而應曰然曰去吾喻矣須臾悄寂且命舟人返棹曰有事吾當還遂歸謂家人曰吾某日逝矣及期沐浴朝服端坐頃之嚮九人者率甲士來迎屋瓦皆碎戈戟旌旄晃耀閃爍遂卒後車騎騰踔前後若有所呵衛者隱隱入空而滅久之丘文莊公夫人自瓊海入京舟泊鄱湖夜夢達官呵擁入舟曰吾翰林編脩戚瀾也昔與丘先生同官義不容忍特報爾三日後有風濤之險隻帆片櫓無存可亟遷寓于岸夫人驚寤如其言移至寺中如期果瀾浪兼天衆舟盡溺夫人白其事于文莊公公以聞于朝遣

官論祭于墓而文莊自為文祭之且系之詩曰幽顯殊途隔死生九原猶有故人情曼卿真作芙蓉主太白常留翰苑名念我冥冥來入夢哀君惻惻每吞聲朝回對坐黃封酒悵嘆雞壇負舊盟

丁川

丁川字大容號東陵新昌縣人天順登甲申進士初授貴州道監察御史成化乙酉有大臣被罪求脫因結權嬖以誣忠良川以諫疏入即正大臣之罪丙戌奉命巡漕河起利除姦政聲載道上政本君心聖學六事又上時政甦民困等八事為上人知重令總三

卷四十九

四十

浙江

司奏贖及案獄遂得總檢諸道事丁亥南京午門為雷所擊川上疏脩德以回天意 上嘉納之令群臣同加脩省時都御史張岐恃才玩法川疏其六事遂劾罷之凡有所論擊必視川為倡率凡大刑獄必視川以為可否而後上聞 上知其忠義誠信可屬重任每稱名御史必曰丁川實有意大用矣川忘身殉國知無不言時外戚會昌侯孫繼宗操管十二營兵權重任其子瓚掌錦衣衛事川以其權任太重具疏論諫 上俞允乃令其仍舊帶俸禮部尚書馬昂荆襄巡撫都御史楊璠怠事川上疏論之即令致仕時

中貴人玩法多被劾黜貴妃萬氏寵貫後庭干預外事川上疏諫正時 上方怒甚川亦住俸三月成化辛卯 皇太后崩 上因陵廟事方責言者川上疏諫曰眾臣之請天下之公論聖母之命一時之私恩也從天下之公則綱常正倫理明慰 先帝之靈愜天下之望從一時之私則綱常斁倫理虧違 先帝之意起天下之疑一事公私之間而天下安危攸係事竟得寢壬辰擢順天少尹初蒞政歷訪民隱上撫民賦役等五事值畿內蝗旱又疏救荒禦災十有五事聲譽著聞未幾擢總憲臺奉 勅巡撫延綏重地

卷四十九

四十一

浙江

因上備胡四事如開中淮浙積鹽等事以延綏逼河湟為北虜出沒之衝三邊在陝者莫先焉繼上八事如揀擇將帥設置努矢操練士卒創立團堡等項又進安邊十策 上素知其賢所陳悉允行之平生清苦自勵雖親友織芥之餽未嘗肯受平居無疾言遽色於凡勢利紛華泊如也接下吏以恭雖盛暑不衣冠不見奉太恭人石氏極孝雖祈寒暑雨公退之後朝夕未嘗離左右太恭人訃聞亟還哀毀骨立撫柩一慟不踰時而卒囊橐蕭然幾無以為殮鄉士夫暨西川劉公伍山何公相與治後事 上憫悼之賜贈

有加又遣官諭祭以彰其德年方四十八歷官僅十五年耳所著有東陵文集傳於世

史琳

史琳字天瑞餘姚人成化丙戌舉進士丁亥授工科給事中時貴倖專擅朝廷稍事宴遊值上元張燈爲鰲山之觀費以數萬又頗崇飾浮屠宮寺相望抗章歷論無所避癸巳擢陝西布政司右叅議時鞏昌番賊爲梗始至掩擊之盡降其衆遂出行部自安定歷會寧金蘭抵秦州相度地勢增繕屯堡斥堠以斷賊路既又轉關中之粟以實甘涼身自輸督往來邊徼

本朝分省人物考

卷四十九

四十二

浙江八

九二年由是盡得其形勝要害及戰守方畧戊戌以憂去任壬寅復起爲福建布政司右叅議甲辰轉江西左叅政所部豪舉怙勢庇盜成習莫敢問悉鋤治之丙午袁吉饑極力賑濟全活者甚衆丁未春吉安民有殺其隣之子寅夜移置道傍被害之家莫知所由訴於琳緝之莫得乃禱於神曰境內平人被殺守土之責也願神告予以洗其寃是夜遂得之夢明日求之果得其人遂輸服已而贛盜起殺官吏攻破城邑琳督捕斬七百餘人釋諸脇從遂以無事弘治戊申陞右布政使辛亥轉左布政使民苦藩府歲祿至

倍徙取未饜乃爲請於朝得自省轉輸自是遂免侵

削琳既佐政久悉諳諸利弊方銳意爲民興革尋擢

陞右副都御史巡撫保定諸府兼提督紫荆諸關畿

甸民困重役戍卒疲於罰班又滹沱漲溢壞民田廬

時爲三患乃爲定徭役法奏免重稅並河上流穿支

渠以殺水怒民賴以甦真定大名諸川果園皆居民

世業嬖倖怙寵奏取以備供應琳力言其不可辭甚

懇 詔遣官覆視果如其言乃止久之有司議增真

保定惜薪夫役屢疏諍尤力 詔仍其舊丙辰入爲

工部右侍郎與尚書徐公貫僉力曹務徐亦傾心相

本朝分省人物考

卷四十九

四十三

浙江八

倚一時多所裁正嘗因災異上六事曰止織造恤邊民停傳造惜供應節財用戒無益皆切時宜庚申轉左侍郎兼都察院左僉都御史經畧邊關首陳謹邊關以防衝突五事九載秩滿擢右都御史時虜寇猖獗朝廷方命將出師衆遂舉提督軍務已而報稍緩命先赴宣大會計兵馬芻糧虜退還京 命泣院事辛酉入侍經筵是歲虜復寇榆林假琳軍法重權率偏師先往飭勵邊將琳乘機進戰屢有斬獲及保國公朱暉統兵至遂協謀直搗虜巢虜聞風驚遁毀其廬帳而還事聞璽書褒美副以銀幣寶鏃師還入見

陳邊務十三事甲子復以西北多警 命與保國公
 治兵京營乙丑夏 敬皇上賓國事槍攘而宣府遊
 兵復失利請濟師 上遽命出援於是琳出宣府保
 國公出大同分督諸將合勢邀擊遂以捷奏 上降
 璽書獎勵師還入朝遣中官迎勞寵賜有加明年丙
 寅為正德改元正月卒先是一日火星犯左執法琳
 以為已憂已而左都御史戴公珊卒親朋以為解琳
 曰未也及代掌院事不踰月亦卒自居九卿前後請
 老十餘章 敬皇勉留不許至是竟死於官年六十
 九計聞 上賜祭葬如例既而司馬奏論戎功贈太
 少保左都御史尋復以大臣例加贈太子太保又
 賜祭者再遣官護喪以歸琳狀貌魁偉望之知其為
 貴人童時溺園池中死彌日畦人出而負之復生襟
 抱坦夷洞達與人不求備雖疏賤鄙劣見之皆獲自
 盡博聞多藝射奕書繪之事兵法地理雅步占候與
 凡方藥之術咸識其要畧尤工墨竹有求者無貴賤
 皆欣然應之天性孝友執親之喪哀毀踰節廬於墓
 側者三年家素儉約清介如寒士而矜恤親黨則不
 遺餘力居常規模古人為自警要語列之左右二屏
 每戒子孫曰昔先公省菴府君作宦三十餘年三掌

教鐸四典文衡其所遺惟書數卷而已予竊祿明時
 惟恐橫叨青紫常俸所入足供朝夕不使家有贏貲
 以汙先德惟願為吾子若孫者不墜箕裘永守子訓
 使後世稱為清白吏子孫吾願足矣故琳雖歷官中
 外四十餘年而卒無餘蓄聞者莫不歎服

何 鑑

何鑑字世光新昌縣人成化己丑登進士年非三十
 已上弗選近侍鑑甫二十八鄉先達有勸增年者鑑
 曰未入仕先欺君可乎庚寅竟出知宜興縣歲輸
 米數十萬石運戶攬納者妄費民苦額外加徵償貸
 動以萬計鑑力請於巡撫每里選殷實六戶以二充
 運戶四充運夫共運米 白石每一戶徵銀十兩消
 耗米若干並付總部收支回縣稽算重徵之弊遂革
 又歲貢茶一萬五千斤例領南京馬快船裝送船軍
 無統紀惟私載射利反致官茶攘竊泥腐歲亦額徵
 貸百計又請每茶一斤收解錢三文顧船裝運罷馬
 船民皆便之隸兵火甲積年漁食小民一切罷革拘
 攝催徵惟責里役逾年宜興稱治一日村老百餘輩
 携二童捧薯蕷五束茶少許詣庭下曰吾儕小人不
 識官府自公下車犬不夜吠人安寢食故來見耳羅

大明分省人物考

卷四十九

四十四

浙江八

大明分省人物考

卷四十九

四十五

浙江八

拜而去巡撫都憲滕昭畢亨刻章交薦銓曹亦以政績卓異聞甲午召陞山西道監察御史乙未巡城捕盜時禮部奏度僧道請度者數萬相聚擾惑為非乃建議寢其事遂散去丙申巡口北宣同等處時中貴廖禮協叅將周賢按妖人趙大事因誣良民百餘人以聞 上命覆按失實乃責廖禮等曰妄殺無辜希陞賞論死者止三人徒者四人餘得免奉 勅會給事中唐章查盤邊儲芻糧乃論黜監司以下不職者數十人連劾巡撫都御史鄭寧殷謙郎中曾會劉顯馬孝祖輩請逮捕繫獄殷謙停俸餘皆置之法時權

本朝分省人物考

卷四十九

四十六

浙江八

范甯

為民所發下車首嚴禁令人不敢犯屬邑宜永高盧有鑛洞封閉已久朝廷特 勅大監陳喜同鎮巡開取鑛曰鑛脉已竭若更起常課是貽吾民以無窮之害也執不聽 上復遣大監梁方開取卒無所得而止甲辰乙巳丙午河南山陝連值凶歲餓殍流徙相屬請盡出府庫銀兩遣官糴黍豆分賑屬縣復條陳救荒禦災十事具申鎮巡奏聞多見施行先有徵完糧稅以災停解至是 詔蠲逋負差官賑濟故屬縣皆有備而內帑救荒之賜總司皆以給親藩官軍俸祿上下賴焉流民死者命於四方設義塚壙埋幾七八萬軀遺孩收養濟院三年之間地方狼戾多相食盜賊殺官劫庫檄報紛紜獨河南一郡晏然當道特下鑛荒政於各府以為式洛陽地方不滿百里稅糧幾十萬鑛以南陽汝寧二府稅糧亦各止十萬餘石洛陽一縣顧與二府相埒具奏懇切准照江南折銀事例克數丁未春陞山東左叅政將行軍民老弱號泣攀送弘治庚戌春陞四川布政使四川國初設茶課浥爛官吏老不得代乃議徵銀解部官民便之松茂邊儲歲苦豪黠攬納弊根牢不可拔悉擒置於法其弊遂革壬子冬轉本司左布政使人 覲癸丑春

本朝分省人物考

卷四十九

四十七

浙江八

范甯

陞右副都御史總理江南糧儲巡撫地方兼理浙江嘉湖杭三府稅糧國家貢賦仰給東南比年災傷公私困竭鑑訪究弊源以次興革甲寅蘇松大水饑民嘯聚攘寇官不能禁乃以便宜發未起運米十五萬石遣官分頭賑卹更條陳折兌運折祿米折食米折軍糧停料價停織造留船料留課鈔開鹽引存工價共十事以聞又疏乞照往年川陝存留折銀二十萬兩兌軍米三十萬石分賑各屬皆准行之故所在民不知災九月奉 勅同工部侍郎徐貫濬吳淞白茅等港以泄積水不旬月厥工告成松江小民苦於輸糧加耗鑑以小戶多官田而糧重大戶多民田而糧輕遂令有司論田加耗民甚稱便乙卯正月丁父憂丁巳服闋起巡撫山東山東南北要衝接遞夫役歲計四五萬人官府濫增吏緣為弊民不堪命乃度州縣繁簡酌里分多寡分派夫役立為定規臨清德州倉場權貴攬剋納充巡捕官兵倚勢害民悉擒治隸戎籍者數十人闕里災舊廟金章宗所建規模卑隘為請於朝開拓增建計工料銀十五萬兩皆取於抽分鈔關不斂於民己未冬陞刑部左侍郎 命訊周藩大獄復命稱 旨賜羊酒寶楮陞本部左侍郎辛

酉秋奉 勅同三法司審錄罪囚賜羊酒冬十一月山東袁州等府直隸徐邳等州大旱奉 勅便宜賑濟首陳五事一借糧餉以資賑濟二乞通融以拯時艱三停料價以止無益四寬差役以寬民力五停工作以待豐穰悉報可時巨盜弄兵亟命有司賑濟饑民招撫流亡牛具種穀區畫備至壬戌七月訖事賜寶楮以勞之九月奔母喪南還時兩居憂備知鄉邑利病 以興革達司府力請施行鄉人啣恩感德相與醵金建祠肖像奉祀乙丑服闋適戶部獻民數孝廟按圖數戶以為當今生齒繁盛戶口宜登而耗弊在逃亡流移脫漏埋沒 命簡大臣考覈廷舉鑑以刑部左侍郎兼左僉都御史清查河南湖陝三省瀕行 孝廟賓天 武宗嗣位復申命鑑乃刊條檄申詳 勅旨二十餘事俾三省各知遵守自河之南河之北漢之左右窮鄉險道無不躬親巡歷仍奏委三省藩臬分方任職以督厥成隱藏者省發飛射者釐正流寓者不遣願歸者無禁民從役戎從伍匠竈各從其業聯而為甲圖而為里設畸零帶管以待貧弱無所歸依之氓於是三省計清過流移逃亡戶四十萬有奇竣事而還賜羊酒寶鈔因疏處置地方十

大明人考卷四十九

四十八

浙江八

大明人考卷四十九

四十九

浙江八

事以聞一曰請官給散戶由二曰處置附籍人戶三曰處置還鄉人戶四曰查理軍匠奸弊五曰嚴戶籍以革脫漏六曰嚴版籍以清里甲七曰嚴禁捕以靖地方八曰專委任以總地方九曰均田賦以安小民十曰設衙門以控地方復歸功於王瓊等一十二人請量加旌擢復陳途中所見軍民利病六事清允支以實京儲處驛傳以祛宿弊足兵食以備不虞停夫役以蘇民困添佐職以備任用均差操以障地方奏禪新政丁卯春陞南京兵部尚書參贊機務時逆瑾拔權內外諸守權貴皆出門下鑑毅然不顧首檢覈

大明分省人物考 卷四十九 五十一 浙江八

大小教場神機等營并操江官員刻剝者罷黜隱占者發舉軍中積弊一朝頓革及考選五十一衛所軍政官一以至公請託不行權貴歛手戊辰南京大饑瑾幸國災不允賑濟且勅南京運米三十萬石轉郵鳳陽鑑以留都地方重於鳳陽災傷甚於淮西會同內外守備直言辯奏始得停運及差官賑濟已而瑾凶焰益熾附之者紛然鑑未嘗與之一通訊問及刑部都察院長員缺廷論三薦之瑾終不用其黨錦衣衛千戶張文冕者鑑先巡撫蘇松時以詐偽事捕置於法後亡匿附瑾朝夕煽禍無所不至竟誣松江

官布事於瑾罰米七百石原籍上納慨然鬻產完之繼又捏闕里修造事罰米一千石寧夏上納鑑計無所充戶部隨為乞恩寬宥上特命蠲之庚午八月逆瑾文冕伏誅辛未春正月特詔為刑部尚書三月朝見命侍講經筵讀廷試卷賜通鑑纂要四景回文詩夏四月偕九理等官審囚明允稱旨賜羊酒夏五月改兵部尚書奉勅提督團營軍務賜蟒衣玉帶會盜賊四出劉六劉七等起於畿甸監廷瑞等起於四川李四等起於江西各竊偽號攻陷郡縣屠戮守臣敵殺官軍聲勢張甚時承平日久民不知

本朝分省人物考 卷四十九 五十一 浙江八

兵郡縣望風奔潰甚至開門迎款以故南北不通人情洶洶即建議選將練兵嚴號令公賞罰募義勇起用逆瑾罷斥舊將都督白玉等數人奏行山東直隸等處修濬城隍選補軍餘機兵錄用民間武勇不許遺以資賊鄉村鎮店結伍立柵互相應援河南山西等處設兵守黃河斷大行以防奔突京操官軍俱留本處分守郡縣又於漕運十二把總部下每船選精卒一人沿河駐劄以防運道商旅又請立大賞以消大患詔悉從所議六月八日賊攻破棗強知縣段豸死之遂屠其城破廣平清河兩宮故城獻縣而北

奏遣都督張俊王琮統兵分布霸州文安賊聞復遁
 回山東時馬中錫駐兵德州張偉駐齊東賊眾散而
 復合去省城密通鎮巡三司惟登城覘望莫敢開門
 發一矢乃劾奏馬中錫張偉擁兵自衛縱賊不戰鎮
 巡守臣怯懦不職及劾都指揮桑玉受財啓禍通事
 王永與賊交通皆下獄桑玉伏誅王永亦斃於獄又
 請調宣府副總兵許太遊擊將軍卻永率部下入居
 庸關駐劄涿州延綏副總兵馮禎入紫荆關駐劄保
 定又奏請兵部侍郎陸完督理軍務凡軍容輜重山
 川地理險要一一規畫授以成算賊圍滄州不克進
 五月十八日 陸完 五十二 浙江八

抵霸州固安京師大震復奏請調陸完兵徑往固安
 完奉 詔抵平口賊欲遁去諸將合兵蹙之大敗軍
 威遂振捷聞賜羊酒初 上欲遣大監谷大用領兵
 剿賊鑑與眾議謂陸完處有捷音非軍威不振但賊
 奔竄靡常不可得耳今宜益兵四路守截我軍不勞
 而賊自滅矣賊自東明之敗各已潰散有益都賊張
 興張旺者亦聚眾千餘在東平一路劫掠適主事張
 嘉謨督餉調官軍至遂與卻永敗賊於高麗店殲殪
 殆盡賊覘知谷大用毛銳等官軍在臨清復奔霸州
 忽絕城馳報蓋賊以十二月朔 車駕出郊圖犯御

蹕時鑑未寢左右無一吏卒乃自具帖子令家奴遁
 入長安門逐門遞入司禮監直房轉奏 上知復駕
 牌傳各門嚴加防守又絕城賞報通州良鄉涿州各
 守備官整備人馬兼以常制 駕出南郊分調人馬
 於南海子蘆溝橋羊房各三處下營以防衝突處分
 已定漏下五鼓矣頃之 上命司禮太監召至左順
 門問今日 駕可出否對曰 駕當早出以安人心
 車駕遂出迄暮方回賊知有備遂西奔掠新城雄縣
 而南破饒陽博野等縣覘知祁州備禦有方乃迂道
 徑攻高邑保安高陽出真定掠趙州安平直抵晉州
 五月十八日 陸完 五十二 浙江八

棗城柏鄉衡水等處鑑計賊非東向臨清必南奔彰
 德移文促陸完督兵分道追襲至彰德賊方圍湯陰
 聞官軍至望風遁去許太馮禎卻永等追戰敗之渡
 河陷溺死者無算時十一月十八日也又明日賊眾
 萬餘突至復圍李瑾馮禎營許太與禎瑾夾攻賊失
 利敗走已而楊虎劉七分夥自宿遷渡河攻破睢寧
 靈璧虹縣轉掠至亳州奪船渡河百戶夏時用火炮
 擊之舟覆賊帥楊虎與其黨九人俱溺死部下劉三
 趙風子邢老虎代領其眾勢復猖獗入河南境攻破
 州縣殺戮守土官兵圍燒房屋劫掠金帛發毀墳墓

受禍極慘時裕州同知郁采率義兵力戰弗支死親藩及守臣告急鑑建議復於宣府許太邵永大同李鉉遼東劉暉延綏時源馮禎諸將部下續調未發官軍各若干分道赴之復以諸賊分責諸將計日勦滅而議請簡命遼東巡撫都御史彭澤與咸寧伯仇鉞提督河南軍務以前所續調官軍仍留山東聽陸完等調用朝廷賜鑑麒麟服壬申正月二日忽傳報賊仍抵霸州攻圍甚急京師復大震鑑默計續調宣府邊兵已到涿州密召郎中汪舉從容如無事衆竊訝之舉至乃徐與衆別詣部押牌調邊兵之在涿州者亟趨霸州賊聞遁去先是陸完聞賊北奔恐犯京師即調許邵二將追至德州方懼獲罪忽報賊被許遊擊部下擊走東遁矣二將驚喜不知所爲久之乃知爲續調者嘗語人曰何公此舉既解霸州之圍復紓吾輩之罪既遼東續調官軍亦至十二日駕出郊祀禮成上下帖然邵永率續調兵追賊至山東大敗賊帥李隆於穆陵關隆奔入劉七營劉七怪其反覆斬之遂併其衆復奔河南陸完分調諸將許太等率兵追勦巡撫鄖陽都御史李士實亦請調湖廣土漢軍兵以備流賊鑑即奏行李士實分委總兵

本朝分省人物考

卷四十九

五十四

浙江八

方壽祥等赴河南會勦時源神周等軍尋亦俱抵汴梁諸將分兵截殺大敗賊衆斬獲無算賊夜奔商水倉惶阻河不能渡官軍若併力感之賊可殄滅因紀功御史雷宗力勸諸將朝崇府盤桓久之賊因得渡商水破西華鄆陵偃城等處至河南府賊逸我勞副總兵馮禎戰死賊亦敗去提督紀功鎮巡等官隱匿朝王誤事情實止以馮禎陣亡聞鑑劾之徵宗下獄賊自河南之敗徑奔汝寧總兵仇鉞都御史彭澤分調諸將追勦所斬甚多生擒賈勉兒楊寡婦乘勝追逐趙風子兄弟就擒劉三走死河南寇平捷聞上降勅獎勵劉六劉七等乃東入陳萊掠膠州平度萊陽文登招遠攻圍寧海潛入海套陸完等復分調邵永許太等諸將會兵追勦賊潰分作兩隊一隊由高密西奔李鉉追至臨朐沂水勦滅無遺其劉六劉七等一隊復北走霸州乃奏調參將成釗等統領京軍都御史陸完甯杲亦各分調諸將會兵截殺賊乃越霸州徑往雄縣迤南直抵山東南度黃河由鳳陽入湖廣至武昌據掠濱江兩岸劉六爲先鋒調防守土兵迎擊溺水死劉七徐彥明益糾合水寇掠剽陸完統領諸將邊兵分布要害處擒捕天道効順撲毀賊

本朝分省人物考

卷四十九

五十五

浙江八

舟官軍四面感之齊彥明授首劉七溺水死寇黨始盡無復孑遺時都御史陳金尚書洪鍾亦以平江西四川捷報 上論功行賞有差進太子太保蔭子容為錦衣衛百戶又特 命進階光祿大夫勳柱國癸酉江西四川餘孽復起具劾提督巡撫等官請 命都御史彭澤總兵時源赴四川賊未平以人言致仕自為卿佐踐上卿在朝多所汲引文臣如王瓊彭澤俞諫武臣如馮禎許太邵永時源等皆其推薦云

楊榮

楊榮字時秀餘姚人也成化壬辰進士初授南工部
本朝分省人物考 卷四十九 五十六 浙江八
上事丁母憂服闋補北水部已出視河壽寧侯家人挾勢干禁立寘於法卒為蜚語所中逮詔獄釋歸尋卒榮襟度夷曠長於詩嘗會試還舟中取唐音和之旬月成帙被罪雖南冠而繫不廢吟咏其履常蹈危所養有過人者書學懷素尤善寫竹清風爽籟如其為人孫大章嘉靖癸未進士終刑部左侍郎先備兵三輔計縛都市大盜守荆南時遼王佚蕩無檢大章以 祖訓惕之終其任王不敢逞自恭藩晉南鴻臚尋貳刑部亦其聲寔茂也榮雖官不竟志卒顯厥後而要之著述垂世固自有不朽者焉

謝遷

謝遷字子喬餘姚人自幼穎慧志趣不凡皆以遠大期之成化甲午鄉試為第一乙未會試第三 廷試一甲第一人授翰林院修撰奉 詔入館勤而且謙為諸元老所重御史某驟陞都憲臺中循例請為文以賀峻拒之眾服遷正直辛丑同考禮部一甲三人其二皆遷所取士人咸服其精鑑癸卯冬滿九載陞右春坊右諭德甲辰再同考禮部 孝宗毓德春宮慎簡侍從首及遷乙巳充經筵講官丁未 孝宗登極推恩宮僚陞左春坊左庶子兼翰林院侍讀仍加
本朝分省人物考 卷四十九 五十七 浙江八
俸一級初開經筵奉 勅為日講官與修 憲廟實錄內侍郭鏞者請選妃嬪以備六宮遷言 上方諒陰豈宜有此俟山陵既畢徐議之未晚也 命禮部議如遷言 上方勤學遷務積誠以開悟 聖聰每先期輒焚香莊誦如侍 天顏及當講敷暢詳明甚稱 上意庚戌以省親請聽給驛往且賜金帛為道里費辛亥實錄成陞詹事府少詹事兼翰林院侍講學士加俸如前冬十月母鄒宜人卒癸丑父簡庵又卒計聞皆蒙 特恩賜葬祭乙卯春 詔以本官入閣辦事時猶未終喪八月服闋赴京疏辭不允陞詹

專兼秩如舊蓋 皇太子將出閣讀書欲重儲端之任故以輔臣領之內辰 命主會試所取多知名士是歲累有鶴袍犀帶之賜丁巳勅修大明會典爲總裁官戊午春 皇太子出閣奉 勅陞太子太保兵部尚書兼東閣大學士遷因上疏以親賢遠佞勤學戒逸爲 皇太子勸 上嘉納之清寧宮災上疏請修人事以回天變詞甚剴切且引咎避位不允已未賜一品服太監李廣死欲例加 恩典遷力陳其不可辛酉虜犯大同遷疏安邊機宜以進 上卽行之本兵以軍興國餉匱乏欲加南方折銀每石三之二

本朝分省人物考

卷四十九

五十八

浙江八

避口 先朝以官田稅至重故立折銀以寬之今若再加民不堪命矣蓋節用以紓用乏乎虜騎尋遁國用不乏其事遂寢時視朝稍宴諸司章奏或有不報者兼以工役煩繁遷累言之皆見采納且有玉帶蟒衣之賜癸亥會典成陞太子太保禮部尚書武英殿大學士武岡蠻寇平賜俘奴一人甲子以災異再乞避位不允 孝肅太后崩因先年禮官預擬與 孝莊太后並祔 太廟至是遷請 命集衆議以正典禮尋別議如周姜嫄之禮立奉慈殿祀之識者多其貧寒之力時承平旣久政漸寬弛而近習怙侈尤甚

有齊玄者奉使武當山欲漸激濁揚清便宜行事等語於 勅中遼東首將張天祥妄殺冒賞近倖欲曲庇之遷皆執不可至觸 聖怒不卹也內府各庫及諸倉場馬坊蒞事內臣多作奸索賂民不勝其害而御馬監軍士自以禁旅不隸本兵虛兵冗食莫敢誰何其弊尤甚一日忽召對命通行禁約且令所司搜剔弊端嚴立科條有犯者必懲不貸皆從遷請也遷知上圖治甚切委任甚隆思盡革諸弊以肅正化若軍匠之曠缺戶口之衰耗以及屯田鹽法馬政等事將漸次修舉以復於舊事方有緒而官車晏駕矣

本朝分省人物考

卷四十九

五十九

浙江八

上大漸召至御榻執遷等手諭以善輔嗣君勸之進學無忘今日之命遷等悲慟而退 武廟登極 勅加少傅兼太子太傅餘秩如舊纂修 孝廟實錄充總裁官初開經筵賜冠帶衣履蓋追念 先帝遺命付託之重待遷等甚厚但近習蠹政漸不可長戶部尚書韓文率百官伏闕論之賴遷等主張於內將寘諸犯於法會事預泄遂不克遷等皆不能安於位矣十月再引疾乞休 允之賜 勅給驛月廩五石歲隸八名仍賜金幣襲衣遷等旣去吏部尚書焦芳入閣而太監劉瑾擅柄於內芳急於幸進憾遷嘗舉王

鑿吳寬而不及已瑾又以遷等先嘗裁抑及今廷論
 之故尤切齒焉二人乃深相結納欲甘心於遷因遣
 偵卒四出伺察遷事竟無所得會鄉人有以賢良應
 薦者瑾為違 詔格以遷咎與劉公健俱褫職又矯
 旨令遷弟武選員外郎廸致仕子編修丕除名且欲
 追奪 誥勅會瑾敗而止遷之去位也臺諫交章奏
 留皆逮繫詔獄備遭慘毒至死不悔遷既歸瑾意叵
 測人皆危之遷處之裕如日與客圍碁賦詩以自娛
 若不知有憂患者歲嘗大饑出粟以賙貧乏族黨鄉
 閭賴之祠堂成每旦必具衣冠率子孫焚香恭謁忌
 辰必茹素茶物豐潔其儀一遵文公家禮俾世守焉
 庚午瑾誅 詔復職致仕辛巳臺諫連疏薦之遣行
 人齋 勅存問復其官廩與隸如舊而增其數焉廸
 起叅議不復任翰林遷遣子正入謝 溫旨褒答蔭
 為中書舍人時徐夫人卒正乞終制仍賜祭葬如例
 癸未復令有司時加存問丁亥二月遣行人陳侃齋
 勅起遷於家且 命鎮巡藩臬敦促上道十月抵京
 勅進少傅戶部尚書謹身殿大學士初大學士費宏
 衰病將乞休曾具疏舉遷自代宏去而遂庵楊一清
 又以巡薦意若虛元佐以遜遷者天下皆相慶遷復

本朝分省人物考 卷四十九 六十一 浙江八

入而賢一清之能讓及遷至京而一清以官尊不
 處遷之下乃竟違初志輿論頗少之遷在舟中嘗具
 二疏大意以安靜寬厚為本及入朝自度衰年且難
 徇時力求生還遂不果上然 上待甚隆嘗以天寒
 免朝叅以除夕賜御制諸詩以郊祀賜錦織大帶以
 疾在告遣太醫視藥餌遣中官賜酒米少間則遣鴻
 臚卿趣出視事而遷竟以疾辭乞休辛卯二月以疾
 卒壽八十三贈太傅諡文正大學士費宏云公器宇
 豐厚風神秀朗其忠誠端慤始終不渝所謂清白之
 操百鍊愈精剛毅之氣萬人必往誠如 聖諭也其
 學以明義理為先為文正大溫厚不事雕琢可以垂
 之不朽在內閣時劉公敢於任事而資公之謀斷李
 公長於為文而資公之典則公可否其間不阿不激
 同寅協公所以輔成盛治者端在是也
 王鑑之
 王鑑之字明仲號遠齋山陰人成化戊戌進士初任
 真定府元氏縣知縣至則減稅蘇困除土惡孫整等
 數人民樂其業後離任遠近相送者如失父母擢江
 西道監察御史奏劾寵妃失序中貴忤權杖之下錦
 衣獄得復職差往直隸河南等處印記孽生馬疋萬

本朝分省人物考 卷四十九 六十一 浙江八

計巡按貴州辨死囚劉英等一十五人俱得生劾方
面等官崔昇等九十二員貪風頓息劾土官楊泰等
八員俱落職征勦久叛蠻夷長脚鷄選等并招撫楊
安等一百七寨弘治四年督學南畿公正剛明適大
理寺右寺丞缺科道爭薦太宰耿公裕不然且語衆
曰必得譽望服群者如南畿提學王御史可也衆議
翁然提學陞九卿者自鑑之始江西宗室有宮人逃
出藩臬執留奏誣以官闈穢污 上命往鞠之乃坐
王以用刑過嚴而藩臬失體擅留宮人之罪各相奏
辨有附執政者更 命刑部侍郎戴再鞠之反案奏

本朝分省人物考 卷四十九 六十七 浙江八

聞因其異遂提取來京躬自臨朝訊鞠鑑之待罪閣
下 上悟曰古人之待宗室甚厚盡從前擬遂受知
孝廟後遇宗室事必屬之及考績陞本寺右少卿山
西宗室互相訐奏往鞠之究撥置者俱置之大肆宗
室之罪有差陞左少卿十三年十一月北虜寇徧頭
關 上命改僉都御史奉 勅便宜行至則增要害
撫軍士禦虜有方虜不敢犯劾太監總兵等官羅玉
等巧取軍士財物邊境肅然奏繳復任陞左僉都御
史撫治鄖陽等處振肅綱紀所屬揣有不可容者皆
望風解綬而去陞左副都御史巡撫湖廣奸豪膽落

吏畏民懷正德元年陞南京刑部右侍郎二年轉刑
部右侍郎到任轉左時河南徽世子累奏庄田不結
命往鞠之係民者悉歸於民上下帖然陞俸一級推
南京都察院右副都御史陞刑部尚書賜玉帶會逆
瑾擅權籍沒錢都御史家產瑾欲罪擬妻奴執法不
從將男分戍各邊事畢正德三年冬引年七十三疏
力辭 勅馳驛還鄉自任官無被劾家居田不滿頃
管糧蘇通判令人送俸至即答詩謝曰老大登朝四
十年何曾問舍與求田歸來幸遇蘇司業日日令人
送酒錢正德十四年秋以疾卒壽八十四

本朝分省人物考 卷四十九 六十三 浙江八

王華字德輝餘姚人也成化辛丑進士第一人歷官
翰林終南京吏部尚書弘治中內侍李廣有寵華爲
日講官嘗講大學衍義至唐李輔國結張后表裏用
事誦說朗朗左右皆縮頸吐舌 上樂聞之講已遣
中官賜尚食正德初逆瑾專政士大夫爭走其門華
時爲禮部侍郎獨不往子守仁論瑾瑾益怒出之南
京尋傳 旨令致仕華坦夷洞直無所蓋覆而立身
大節凜凜不渝晚思山陰爲先世故居又自姚徙越
城光相坊居焉 世廟登極錄守仁擒濠功華進封

新建伯

黃珣

黃珣字廷璽餘姚縣人孕十四月而生聰慧絕人讀書過目輒成誦年三十三舉成化辛卯鄉試第一人越辛丑廷試第一甲第二人授翰林院編修二十一年丁外艱服闋當弘治改元與修憲廟實錄二年充經筵官是歲書成陞本院侍講賜宴及白金文綺四年充經筵講官丙辰分典會試文衡適太學司業缺進右春坊右諭德管司業事辛酉陞南京祭酒未任丁繼母憂孝宗念經幄舊臣特遣官為營葬事

及論祭十七年釋吉復任補國子祭酒明年陞南京

吏部右侍郎正德二年陞本部尚書既而逆瑾以私

憾之遂致仕九年卒於家年七十有七贈太子少保

歷其子一人珣為人簡易厚重忠實之性出於自然

凡經筵進講於前代理亂興衰之事必反復深陳之與以感悟天衷會試所選拔皆天下知名士掌南北太學振頹起廢百度具舉養諸生恩義兼至有山西人魏成者家貧不能歸止一女業已聘人欲改聘同舍生以資途費珣廉知即撥門差以濟之其餘或病給以藥或死無所歸為之殯殮者甚夥故一時士

翁然感頌之又斥其公餘銀若干繕理號舍完輯公廨正德改元時為少宰即偕冢宰三山林瀚條六事以裨新政頗見采納其為詩文典雅平澹如其為人所著有惕齋稿東山文集素菴詩集藏於家

張景明

張景明字廷光號葵屏山陰人也幼聰慧日誦千餘言年十二三補邑庠弟子員成化庚子登鄉試庚戌登第時睿宗皇帝初開藩邸長史馬政輩以不職罷孝宗皇帝命吏部擇可為代者尚書王恕即以景明為左長史袁宗臯為右長史人多惜此兩人不得他用者景明日賈誼董仲舒不有聞於時乎忻然入謝睿皇於諸王館諭之曰卿等皆名賢當大用今屈卿為輔幸共黽勉以善聞於世耳景明等頓首謝明日上疏勸睿皇正心謀學以周公及漢東平河間為期深見嘉納又獻為善最樂詩以寓規諷睿皇賜以金帛居數歲從之國詔賜正四品服國中事無巨細皆經畫有法上書陳六事睿皇優旨答之仍賜金帛久之又上廣胤嗣通恩澤厚風化養心源屏左道免括增田六事睿皇稱善歲丁卯以憂去睿皇奏虛其缺以待越三歲返國睿皇晏駕

世宗為世子方在諒陰令攝國事中外肅然景明尋
病力求去 世宗慰留有忠厚清真之褒病且死謂
所善大學曰死何足恨但嗣君幼冲不得終輔之以
酬先王厚德耳卒旬月 世宗入繼大統時人皆惜
景明不得大用追贈太子少保禮部尚書文淵閣大
學士謚恭僖子元恕廕光祿寺署丞元藩廕太學生

本朝分省人物考 卷四十九

六十六

浙江八



人物考卷之五十目錄

浙江紹興府二

陳雍

章忱

韓好問

呂獻

董玘

潘府

孫燧

陶諧

韓廉

何詔

王守仁

牧相

謝迪

宋冕

謝丕

胡東臯

本朝分省人物考 卷五十一目錄

一

浙江九

引嶺

葛浩

郁采

杜民表

車純

何鰲

謝瑜

葉經

呂光洵

翁溥

俞則全

錢應揚

成器

目錄終



本朝分省人物考卷之五十

浙江紹興府二

陳雍

陳雍字希冉餘姚縣人成化甲辰進士弘治戊申授工部主事修通州倉兼理張家灣磚料廠原在土橋改遷水次至今便之辛亥改刑部四川司主事檢引舊憲署篆平允遷署員外郎屢斷大獄司寇白昂戴珊謝綬咸器之甲寅六年考滿實授員外郎丙申陞湖廣按察司僉事抵任不修邊幅人頗易之至常德府新舊詞訟煩殷剖決皆盡五開衛與貴州黎平府

本朝分省人物考

卷五十一

浙江

同在一城一經巡歷民安堵至靖州按叅將胡澣

貪狀呈撫按革之已未改巡荆南壽王之國送至嵐流驛盡境乃止有詩為獻皆保國之言王賢之宜都知縣以餽王為名斂銀千兩乃拿問追銀送州公用餘物給散監利大盜黎彥斌父子五人出沒害人年久聞威自致於獄庚申奔父喪癸亥服闋復除江西僉事兌米吳城湖廣軍職念舊上司憚之禁戢軍士糧米有餘浮梁豪民欲改立縣治於景德鎮縣民不從生員六十人應試宿於鎮盡殺之莫知為誰又准王府奉祠許奏承奉舒方閻正胡玉釀成大獄當道

皆委鞠雍分囚於異處因自審之不期而真情露犯者俱伏其罪甲子監秋試丁內艱歸戊辰服闋除山西僉事己巳陞布政司左叅議庚午陞按察司副使逆瑾峻法繩下獨無可指摘猶以他事坐罰米壬申陞廣東按察司按察使大學士梁儲子次摠恃內閣勢謀產多殺平民言路發之朝廷差給事中劉湜刑部郎中張文麟往勘顧望莫敢斷遂以委之雍檢舊案抵次摠罪如律人咸以為宜甲戌陞河南右布政使簡重得大體乙亥陞貴州左布政使時有香鑪山勦賊之役設謀畫具糧餉遣吏兵以從有銀幣之賞

本朝分省人物考

卷五十一

浙江

丙子秋八月陞右副都御史撫治鄖陽乃從播州使道赴任值歲饑民皇皇思亂至則撫綏曲盡民賴以安戊寅陞工部右侍郎兼左僉都御史總督湖廣四川貴州三省採辦大木奉命奔走勞瘁弗恤已而大木萬數集于都下賜大紅織金麒麟袍三襲辛巳勅停止採辦工告成馳驛取還添註工部管事世廟卽位遣大臣祭告山川帝王之神領泰嶽太和山四川神木山之祭報厥成功刻祭文于碑乃推其功於先任劉丙嘉靖癸未至京時兩京工作聿興佐趙司空璜均節之易州柴炭厥缺官命攝之嚴辦納抑

微倖時不違者騰謫議乙酉陞南京工部尚書而言
官訕以厥中弊乃具本自辯復具疏乞休准致仕庚
子年九十賜羊酒存問仍月加食米二石御史王紳
奉 勅過家舉壽觴建牌坊於眉山東麓扁曰德壽
壬寅十二月卒年九十三

章 忱

章忱會稽縣人成化十五年以進士授臨城知縣至
則悉心咨訪凡民所欲惡事以次建罷動以愛養休
息化導勸勵爲務歲壬辰大饑民多流竄忱爲招徠
撫綏給其種食免其征徭民是以接踵來歸久之旁

本朝分省人物考

卷五十一

三

浙江四十一

邑流民願就編籍者亦數十戶畝券稅牒有久不別
白者悉爲條格以清其欺隱漁并之弊城北泥河出
源泉流甚博民據罔利會庚子夏旱忱率衆築堤引
水灌苗又教民桔槔以濟高阜邑自是有水利鄉鄙
舊無醫藥輒事禱禳坐以待斃因痢疫代作爲檢方
書修藥餌施之且諭以醫禱緩急所全活者不可勝
計修學官具祭器及諸壇壝館舍百廢一新旣又買
隙地創置社學陰陽醫學郵傳養濟院各一所皆不
勞而舉公暇則引諸生爲之親課其業且諄諄以孝
弟忠信之道告之士悉知自勵每歲春令民會男女

節其婚嫁之儀不得論財貨民是以鮮怨曠淫邪之
病或以訟至庭忱爲明示其曲直告以講信修睦之
義民多自慚惕引退嘗有坐人命誣伏者卷案已成
審知其寃力爲辨之乃得反釋郡帥以非公事役邑
民忱堅不奉令郡帥甚銜之亦終不能害久之陞太
僕寺寺丞士民爲之立去思碑而忱以寺丞致仕壽
終于家

韓好問

韓好問字大經號宜菴會稽人成化戊子鄉薦己丑
登進士第授大理寺評事詳慎公清綽著時譽乙未

本朝分省人物考

卷五十一

四

浙江四十一

陞寺副奉 勅慮囚四川釋寃獄九十餘人戊戌陞
寺正未幾陞淮安知府淮當南北要衝民苦供役隨
事節省雖中貴往來不敢過需撫臣至者悉與商決
江北四郡多滯獄泗州官軍嘗誣奏無辜逮死者衆
屬之辯理咸得其情他若集江南之漕卒禁僞券之
私嗾不動聲色而人自畏服馭吏以法愛民以仁淮
民至今稱之丁未陞陝西左叅政分守關南士有餘
糧民亦安堵弘治辛亥陞江西右布政使癸丑陞四
川左布政使時以繼母喪歸繼丁外艱服闋補廣東
所至有惠政己未陞右副都御史巡撫江西時洞民

負險為盜歲久蔓延莫能制奏立土官宣布威德一方遂寧時遣宦官駐饒燒造供御器力言小民凋弊之狀可憫先王恭儉之節當師 上為感動中止因素性直遂不能與時浮沉為當路者所沮抗章請老甲子復起巡撫河南中旨取樂工弗遣上疏至引放鄭聲為戒詞甚剴切亦見 俞允正德丙寅陞南京大理寺卿戊辰陞刑部左侍郎逆閹劉瑾惡不通款陞刑部尚書致仕欲假他事中傷而卒不能有所加歸則建瑞白堂日與耆舊觴咏取娛嘉靖初兩詔進階榮祿大夫好問狀貌魁梧屹若山立舉止有常

本朝分省人物考

卷五十一

五

浙江四十一

言笑不妄作字必楷居逼城市而軒蓋罕出入然郡邑大夫及過客以國典民隱就質者則響答忘倦故識者謂身雖不出而表俗澤物之功自不可泯性善飲未嘗有醉態接賓客未嘗有情容恭儉清慎終始一節望之者知其為大臣碩德重望鎮服鄉閭者蓋三十年嘉靖庚寅八月一疾而逝闔郡無貴賤大小咸思其德而痛其亡也奔弔如不及者距生八十有九

呂 獻

呂獻字丕文號甲軒新昌縣人生而穎異大父茂常

奇之甫七歲日誦數千言作文有奇語稍長補邑弟子員歲試主司必首之成化甲辰登進士出使河南明年授刑科給事中丁未校文南宮得大學士費宏蔣冕人稱其明 孝廟登極命使交趾賜一品服以行竣事歸贈金玉千餘固却不受會龍州土官趙源等索交趾使者財物使者上其事曰天使回時餽贖且峻却不留今趙源贖貨無厭寧不愧於清白之朝乎由是廉聲益著因災異陳八事及 孝陵災又抗疏剴切數千言 上嘉納焉張侯以國戚游宴後庭又奏劾之詔杖三十繫錦衣獄比就獄慷慨忠懇見

本朝分省人物考

卷五十一

六

浙江四十一

於辭色繼以所言直釋之居諫垣十年章數百上皆切中時事弘治十年擢應天府丞時輦下庶事繁劇專決不留性尤寬仁民皆愛之呼為父母辛酉提調應天試有權貴為子弟求薦者厚貽之斥不從往完庫者盜戶部所寄銀數千兩至是部檄取所寄銀不知盜者姓名獻廉得盜者并其贓眾驚以為神故人胡昉為江浦令為豪民所抑乃伸法以釋昉昉以金謝獻曰我以公而爾以私可乎亟去無污我十二年丁父憂屬縣祭賻甚厚皆却不受惟奠章數軸而已十八年服除以母夫人俞年高留侍母遣之再三乃

行鄰邑宰以金贖不受單騎抵京改順天府丞其煩劇倍應天而裁決益裕 武宗耕籍田爲執事官態度閑雅 上曰是禮儀甚善豈不可以爲尚書耶亟遷之時中官劉瑾方惡之卒不用焉吏部亦惡其不已附而獻介直不能媚趨用是十餘年不遷正德丁卯始授順天府尹未幾丁母憂明日遂行例當得諭祭亦以瑾惡之不與服闋赴京陞南京兵部右侍郎及瑾敗大臣多以賄籍獲罪而獻獨無名其在留都持重務大體不責細微至考選軍官閉門謝客秉持至公更調諸武官各稱其才會巨寇劉六等爲嘗江

本朝分省人物考

卷五十一

七

浙江九

淮間旦夜與總兵官議勦滅之策凡遣將必親酌卮酒飲之曰努力平賊當厚賞汝苟玩寇歸無死地矣時賊勢猖獗京師惶懼獨鎮靜如無事時正德癸酉以老請歸日與故舊相過從容雅語不以家事關慮性至孝父常以貧乏爲念奉其奩具以進繼而四方之士以贅來學者甚衆悉以歸父不私既貴父時命供灑掃忻然無難色出入必稟命及二親卒哀毀踰禮服除猶涕泣不已奉祭祀甚敬待兄弟有恩俸祿稍有餘卽以贖親戚卒之日家無所餘善與人交久而益親常有薄獻者獻薦於銓其人疑譖已訴之銓

部曰彼專言爾善爾反疑之其人益自愧謝始新昌未知學不究宗旨獻研精覃思綱領脈絡燦然明白多爲詩文冲淡純粹善草書跌宕奇偉所著有四書書經定說多發先儒所未備皆行世有甲軒文集若干卷使交稿若干卷藏于家

董玘

董玘字文玉會稽人弘治時會試第一畢力問學綽有聲稱入翰林院編脩歷官至吏部左侍郎玘在翰林時嘗請重修 孝廟實錄及嘉靖議郊祀大禮玘獻議曰臣謹按禮記言祀典者莫詳于祭法首叙虞

本朝分省人物考

卷五十一

八

浙江九

夏殷周之郊繼之曰燔柴于泰壇祭天也瘞埋于泰圻祭地也是祭天祭地之禮不同矣其曰埋少牢于泰昭祭時也相近于坎壇祭寒暑也王官祭日也夜明祭月也幽宗祭星也雩宗祭水旱也四坎壇祭四方也山林川谷丘陵能出雲爲風雨見怪物皆曰神有天下者祭百神而社則有大社王社國社侯社之別焉是其各祭不同矣又曰日月星辰民所瞻仰也山林川谷丘陵陵民所取材也是祭典不可偏廢矣郊特牲曰郊之祭也迎長日之至也兆于南郊就陽位也是祭天必以冬至其位必于南郊矣而不言祭祀

之所其在周禮大宗伯以禋祀祀昊天上帝以實柴祀日月星辰以禋燎祠司中司命風師雨師以血食祭社稷五祀五嶽以狸沈祭山林川澤而亦不言地惟太司樂冬至至禮天神于地上之圜丘夏日至禮地祈于澤中之方丘以天與地並言圜丘即所謂泰壇方丘即所謂泰圻是其時與位皆不同矣而未有北郊之名也至漢匡衡請定南北郊北郊之名始見於此蓋其說出于緯書若不足據然其言就陽即陰之象則禮之正也自時厥後議者紛然互有得失蓋古者祭天地有正祭有告祭冬至一陽生天道之始

本朝分省人物考

卷五十一

九

浙江九
吳士元

又生物之始也故順天道之始而報天焉必于圜丘順陽位也夏至一陰生地道之始又成物之始也故順地道之始而報地焉必于方丘順陰位也此所謂正祭也舜之嗣堯位也類于上帝望于太山東巡守則柴望秩于岱宗武王之伐商也告于皇天后土又柴望大誥武成成王之營洛也丁巳用牲于郊翼日戊午乃社于新邑皆因事並告天地有同日而舉者有繼日而舉者此所謂告祭也然上帝曰類者謂倣祀之禮而為之則非正祭天矣告地而舉柴望祭之禮或社祭之禮則非正祭地矣蓋特祭天地乃報本之

正祭也故辨方正位順時陰陽其禮別而專並祭天地因事而告祭也故隨在致虔不拘時位其禮合而簡禮雖不同義各有當也此義弗明于是有以孟春上幸天子親合祭于南郊而以冬至夏至有司分祭者矣若元始建武所行是也有請于冬至南郊而合祭天地者若顧臨等所言是也有援虞周告祭之禮以證天地當合祭者如蘇軾所言是也此皆後世之謬誤我 明朝有天下之初即建圜丘于鍾山之陽以冬至祀天建方丘于鍾山之陰以夏至祀地一始古制而因山以為南北日月星辰太歲諸辰則從祀

本朝分省人物考

卷五十一

十

浙江十
吳士元

圜丘嶽鎮海濱山川諸神則從祀方丘天神地祇各從其類而又春分朝日有朝日壇秋分夕月有夕月壇其壇位禮儀具載存心錄者可考見也至洪武十年復定合祀之禮時以大祀殿未成暫合祀于奉天殿十二年正月乃合祀于南郊羣臣皆從而日月星辰之專祭亦罷今大祀文合祭天地文及論中書勅載于御製文集者可考見也于時儒臣解縉嘗建議請復掃地之規竟亦未行豈禮固以時為大歟茲者大祀既畢聖心猶若未安欲遵復洪武始制以盡事天之誠且俾人各陳所見夫上下之分陰陽之義淵

衷蓋已洞然矣臣復何辭然心欲求其是則分祀者固古禮之正也分而復合亦出 上之獨見神斷殆未易窺測者記曰惟聖人爲能饗帝開創于始續承于後精神之運心術之動庸有潛孚而默契者乎况茲重大之典欲復其初宜必慎所處矣顧豈臣愚所能與哉玆有文集六卷唐荆川爲序以行

潘 府

潘府上虞人以弘治辛丑進士仕至提學副使乞終養不出後以薦陞太僕寺少卿改太常寺少卿致仕嘉靖五年六月癸酉卒府性至孝嘗疏請行三年之喪又上聖學淵源中興治要諸疏居家有篤行好著述鄉評重之巡按御史潘倣爲請乞祭葬禮部復言四品文臣例有祭無葬 上以府孝行可嘉特令有司量與營葬

孫 燧

孫燧字德成餘姚人也自幼英爽不羣年十有七補邑庠弟子員拙菴楊公一見竒之遂妻以女館穀于家弘治壬子以易魁鄉薦癸丑登進士學者爭師事之丁丑授刑部貴州司主事初任例典獄舊皆慮重囚生變或縱犴卒凌虐致死燧獨加意矜恤時方盛

本朝分省人物考

卷五十一

十一

浙江

吳士元

本朝分省人物考

卷五十一

十一

浙江

吳士元

暑疫癘令日採蒿艾爲之薰調囚咸感泣不數月卽著能聲推掌諸司章奏辛酉六月陞本部江西司員外郎壬戌秋承委決囚南圻以明斷稱癸亥陞署本司郎中尋實授乙丑奉 勅錄囚江右多所平反正德戊辰巳巳庚午丁內外艱前以執法忤逆瑾追罰粟數百石辛未服闋赴京八月復除本部湖廣司郎中十二月超擢福建布政司叅政奉 勅督理糧儲初閩中積弊爲之立洗而轉輸之方催征之法尤區畫曲盡吏民便之嘗委勘武功冊親詣地方訪覈真跡削賄冒勢奪登血戰者各數人讒怨弗恤也過建寧爲晦菴祠置田五十餘畝癸酉冬十一月陞貴州按察使未任甲戌改山東蒞任僅半載剖決如流吏民咸服乙亥轉河南右布政使與左使同心協濟甫三月甚得民心卽推陞右副都御史巡撫江西初江西寧庶人宸濠辨慧桀黠善匿情市交以希寵取威而箝制人口惟其所欲既誣陷方伯鄭岳多爲慾餌威攝繼再得護衛妄窺天意者獻諛旅賀時又妄傳護衛爲聖旨而文牒往來槩稱國主由是濠益志驕而遂睥睨神器矣副使胡世寧疏奏言及濠亦知傲自劾乃推過近屬痛懲其黨數百人以自解其妄

希佐命者以騎虎之勢為之力除異已先假生辰椒
召羣賀期必致世寧几上世寧既不往乃更嗾豪誣
奏再奏且為之派徵夫銀十萬兩以助其交構備兵
之資暨世寧得旨提問潛身投獄已被掠服而復
行江西會勘恃彼羣僚多其心脅欲踵先陷鄭岳故
事奏外別附他罪賴言官正論劾退其心脅數人又
推燧巡撫燧毅然謝遣家屬單車抵任持風紀慎禮
度外和內縝彼濠慾不能餌威不能劫遂失其鈐束
故智又得巡按李潤者劾退其元謀燧因得委曲明
世寧無辜世寧得減死戍遼江西民歷盜殘兵擾之

本朝分省人物考 卷五十一 十三 浙九 附洋

餘加以附勢科虐之極居民日不聊生商旅望城遠
避人情洶洶燧加意撫恤每見濠輒諷以大義動以
至誠濠亦外飾賢名曲示聽納於是嚴誦其黨尤者
數十以例其餘舊徵夫銀等項一切報罷一時民困
稍甦生理漸復商旅往來舟楫輻輳如故其飭吏治
則守巡官歲限所歷近四遠二及郡縣日令書所事
於冊及報守巡至止行事之詳以稽勤惰其重農事
則災傷之地官給種穀高阜之地為濬溝渠卑窪之
田為築陂岸而水旱必為之竭誠禱應其均差費則
革下里槩徵之弊定人戶九等之則而又專責牧判

派徵額數一洗吏胥之弊痛懲包攬之徒其足軍食
則令屯田該徵子粒就准軍士該徵月糧以免出納
之通擾至於執議水夫槩徵工食之不可而仍擬勾
丁馬頭解人執役之不便而照前雇役及末緩中使
之燒造或抗疏於朝或投劄當道雖一時所行或不
能盡如其意然於關民生休戚者皆殫心竭力而為
之成敗利鈍所不計也每謁文廟必進諸生反復講
論論之道理特廣文山祠宇贊其忠節城進賢城南
康寧州奏立安義新縣奏留饒州兵備奏議九江兵
備兼攝南康寧州武寧瑞昌及湖廣與國通城等郡

本朝分省人物考 卷五十一 十四 浙九 附洋

邑奏乞湖東分巡兼理兵備專駐撫州奏設南康府
巡邏通判管攝鄱陽湖魚船廣信府通判鈐束弋陽
等縣密戶是皆所以預防要害陰拆逆謀濠以憚其
多備遲回五年未敢即發不幸武廟頻年巡遊中
外人情洶洶鎮守太監畢真奉勅與燧同議機務
者也真先附逆事因掣肘清軍御史范輅劾其奸惡
濠時與真比賁緣奏捕禁獄三司郡縣遂爾奪氣莫
知所恃矣濠復肆志縱其素畜羣賊各處流劫以肆
兵逞威燧時累疏上不報深惟朝廷懿親不敢擅圖
先發而親近府屬中除副使許達知府鄭獻陳槐之

外無一可托者日與達等計議先欲悉捕羣賊翦其羽翼達等雖累受策時報克獲而終難搗其巢盡其類也時憂勞成疾連疏乞休又未得請亟命畫工自圖蓋已分一死報國靡他矣濠先居父喪矯情飾禮巡按者奏舉其賢孝於朝今居母喪踵前故事脅有司遞申鎮巡官求舉燧計欲緩其逆謀而徐為可圖且謂忠孝一道稱其孝或可勸其忠遂與林御史朝等具疏以上廷議頗駭會南昌人張儀官於京衛備以其實告御史蕭淮乃暴其狀以聞於是遣勳威重臣戒諭未至而逆校林華自京馳報濠懼已卯六月十四日因各官入謝於宴禮兵衛戒嚴濠出立露臺曰 太后有密旨令我起兵監國燧請 密旨看濠語塞叱曰不必多言我往南京汝保駕否燧曰天無二日臣安有二君有 太祖法制在誰則敢違濠怒入殿廷易戎服出呼燧罵曰我何負於汝奏我七本燧亦曰朝廷何負於汝欲反耶一時官屬駭愕相顧獨按察司副使許達反覆辯論且厲聲曰我輩亦方面大臣今日何得如此濠大怒喝令武夫縛曳燧達出諸惠民門外斬之許與燧同罵不絕口膝不屈而卒許素忠勇志禽凶逆使其在外必能稱兵為國

本朝分省人物考 卷五十一 十五 浙江 祖兆

討賊然以先陷世寧者為檄賀生辰之舉羣寮歲至後任者以為常制莫敢為異故在城同遇害也時盛暑天忽起黑雲恒蔽其屍濠聞亟移進賢門外亦如之濠乃驚懼即遣偽指揮王世寧買棺殮之是日濠遂分部黨各處追印起兵以反首及進賢知縣劉源清等聞變城守殺其所差親屬婁伯等御史王公守仁知府伍文定等各倡義起兵討賊伍即製燧及許神主迎次文山祠為文率吏民泣奠舉義旗而東及郡吏民間燧被害罔不哀憤響應王公帥之甫四旬而濠遂就禽餘黨悉滅及 世宗入繼大統首下明

本朝分省人物考 卷五十一 十六 浙江 祖兆

未遂及屢疏乞免又不獲請乃旁行曲成冀緩其發而徐爲之圖蓋公善處之權而人或未之盡知也此當危臨難仗節伸忠之死不回然後見公守正之心如青天白日而天下之人始洞然無疑矣此足爲千秋定案

陶諧

陶諧字世和號南川會稽人年二十二領弘治乙卯省元丙辰成進士爲翰林院庶吉士改授工科給事中首疏乞緝熙聖學以裨治道極言治亂存亡之故且請以大學衍義置禁中以備省覽未幾以父喪歸

大明分省人物考

卷五十一

七

浙江九

起服會劉瑾革竊權亂政疏劾之前後疏上若飛逸游以保治安遠讒佞以一政令修人事以弭災異停止不急工作以杜奸謀停止差官賣鹽織造等疏皆直指羣邪欺蔽之罪無所顧慮瑾等大憾之以他事誣陷廷杖落職爲民憾猶未已以在科時嘗巡視十庫遂駕言缺乏布疋提解詣京下之詔獄棍撫百端誓死不爲動乃復杖謫戍肅州衛怡然就道在肅與大司馬劉公大夏大司寇潘公蕃相倡和爲西行漫稿若牧羊臺賦蘆鴈橫塘等篇托物寓意忠厚婉順綽有離騷九章之風瑾敗被詔還家十餘年間詠詩

讀書若將終身及世廟龍飛追錄耆舊起江西按察司僉事區處發運南京水兌省費鉅萬踰年轉河南按察司副使管理河道先是修河物料如榆柳椿木草麻之類皆賦諸民間給商買辦吏書因而爲利虛其價值歲費數萬用且不敷比至廉得利弊迺更立法於沿河皆植柳以固堤又於大堤兩側遍植葭葦採取椶掃以當草束椿木則免樹商之稅給價徵納葦麻則以水利河道賦罰紙米俱折葦麻費減用周無煩於民總理臺臣奏請通行論者謂歲省費十餘萬及轉叅本藩區處河南北分守事宜舉爲民便

大明分省人物考

卷五十一

六

浙江

時太行賊陳卿爲亂害及山西河南等處二省會兵征勦未及進諧密探其徑道先以奇兵搗其穴賊茫然不知所自遂擒太行底定轉右方伯尋轉左居越月陞都察院右副都御史提督南贛汀漳等處軍務兼理巡撫至則條數事請行曰重守令專分守寬農民懲貪吏行之及期厥有成績乃遷少司馬仍兼中丞往督兩廣郡盜橫恣掠破城庫甚者僭稱王號諧至盡心經度隨宜勦撫若西山瓊州連州古田南平七山暨海賊凡七獲大捷斬俘總數萬計招降復業者總二十餘萬計又添設建白等縣分屯固守以絕

後患反側既平復謂廣右列壤遐僻文教未洽乃立
嶺表書院簡郡邑子弟之秀者親爲之訓誨務在廣
揚德化作其良心俾爲民表率士旣緩懷俗亦丕變
至於今賴焉時太淑人在堂懇疏乞歸養不允及卒
訃聞候代暮年乃得歸詔賜祭葬如例制終起入贊
本兵殫心武事思爲遠猷日夕考求職方險要凡會
議朝事侃侃必盡所見勿恤異同厭俗流靡退食輒
杜門不事交調衆皆歎服稱爲古君子居一年遇
廟災懇乞避位奉 旨致仕旣歸惟覽書課農不末
安逸族黨有貧乏者賙之歲荒爲粥通道以濟餓者
本朝分省人物考 卷五十一 十九 浙江四十一

韓廉

韓廉字守清餘姚人也弘治丙辰進士爲任縣令值
歲饑議捐稅契貲築城垣饑民獲以備易餉全活甚
衆已被徵去流賊剽掠芻邑任以城獨完民尸祝之
及爲御史按福建有靖寇功以忤逆墜謫萬安尋中

他事逮繫獄瑾誅累遷山東兵備副使致仕卒年九
十有四所司疏請建完名上壽坊

何詔

何詔字廷綸山陰縣人弘治己酉領鄉薦丙辰釋褐
授南京工部主事戊午護壽王之國諷貴璫減汰行
舟二千省財可萬計己未監造河舸廉其宿逋每半
給責償感以誠於不訶而事舉辛酉丁外艱哀毀特
甚乙丑改工部營繕司督造 孝皇帝山陵正德丁
卯轉屯田員外郎進郎中不能爲蠅附力拒內庫虛
出收單至忤逆瑾坐以他事下獄竟莫能害庚午出

本朝分省人物考 卷五十一

二十

浙江四十一

守永平值旱蝗躬禱山川用卹寬滯雨隨至蝗亦徙去
民有賢明太守之稱他如及中官石姓之成獄平王
宏之宿憾弭劉賊之侵掠却人覲之贖金皆守有定
力不以利害易丁繼母憂去位乙亥改永州府適彬
桂用兵餽運不繼乃建言楚多窖積可以銀易粟餉
足進兵率先搗賊巢撫定脅從全活甚衆時毛伯溫
按湖南首薦其可大用陞俸一級庚辰叅廣西政勦
平思州苗寇褒賜金緡嘉靖癸未轉福建右轄乙酉
進拜中丞巡撫保定諸府提督紫荆等關振肅廢墜
建明爲多有指揮攬權以虐民達官倚公以充食首

請於朝一裁之以法會天災上疏引咎避位得旨
 慰留尋召工部左侍郎會計悼 靈皇后山陵及董
 造敬一箴亭亭成勅宴翰林與賜金幣得命修復會
 通河道至今省車輓之費已丑陞刑部尚書尋自刑
 部轉為南京工部尚書首以 太廟乃 太祖神遊
 之所亟會題修理逾年告成勅獎有加逾明年城郭
 完又明年宮垣費舍公署祠廟之葺具舉初會計
 太廟工料可五六萬金比詔取給於蘆課缺官柴薪
 取雜料於諸局費財萬餘金不一經民而足初軍器
 局燬於火每假錢廠造作乃計價易寺人空第不改

大明分省人物考

卷五十一

王

浙江四子

王守仁

王守仁字伯安餘姚人父華成化二年辛丑狀元仕
 至南京吏部尚書母鄭氏孕十四月而生將誕之夕
 祖母岑氏夢天仙抱一赤子乘雲而來導以天樂至
 屋簷呼岑與之岑失手墮地蹶不能啼岑以生氣噓
 口少頃而啼岑驚寤即其初誕啼聲既誕果蹶少頃
 岑以生氣噓之而甦鄭自乳之忽乳竭夢神女為乳
 乳遂溢父華以夢雲之祥故名之曰雲生六歲不能
 言一日出戲於門有老僧過以手摩其項曰有此寧
 馨兒却被名字叫壞了鄭語華改今名遂能言而穎
 異頓發年十一大父攜之上京過金山作詩曰金山
 本朝分省人物考 卷五十一 王 浙江四子

大明分省人物考

卷五十一

王

浙江四子

檄瓦而成大局其因事就功敏而練類如此始至工
 部帑金不滿三千閱五年經費之餘乃踰二十萬人
 咸謂其均委積汰冒濫所致於事知大體志在奉公
 平生未嘗請託於人亦不受人請託情致坦然而其
 中耿不可奪聲利澹然而名位日大以事父母孝處
 兄弟友教子嚴每遺書子鰲以親賢遠利為戒迨其
 功成引齒馳驛還鄉家無贏貲室無勝妾廉靜之節
 始終一致云年七十有六卒贈太子少保鰲官至刑
 部尚書

一點大如拳打破維揚水底天醉倚妙高臺上月玉
 簫吹徹洞龍眠已而從塾師讀書出游市上與鬻雀
 者爭有相者見而異之以錢買其雀與之送歸書館
 謂塾師曰此子他日官至極品當立異等功名性豪
 邁不羈喜任俠年十七至江西謁一齋婁先生語以
 所當學而又期以聖人為可學而至此遂毅然有
 學為聖人之志然任俠之氣未能遽除弘治壬子年
 中鄉試兩上春官不第乃往塞外觀山川學兵法習
 騎射已未登進士觀政工部差督造威寧伯王越墳
 於河間造墳役夫一以什伍之法馭之暇即以役夫

演八陣圖少日嘗夢威寧伯授以寶劍及既竣事威寧家以金幣爲謝辭不受乃出威寧軍中佩劍贈之適符其夢有彗星見及鞞虜猖獗上疏論邊務因言朝政之失辭極剴切明年授刑部主事差往淮甸審囚多所平反復命回部日事案牘夜歸必燃燈讀五經及先秦兩漢書文益工父恐過勞成疾禁家人不許置燈書室乃潛置俟父寢又燃讀必至夜分因得咯血疾告養病歸越卽陽明洞舊觀闢爲書院靜坐習導氣爲長生久視之術靜極超然頓悟一日友王思格等四人往訪于洞中方出門守仁已知卽命僕本朝分省人物考卷五十一 三十三 浙江四十一

恙因詰其出處詐云商人道士曰視汝丰神若非得道之流決是廟廊清貴守仁乃吐實道士曰如汝所志將來必有赤族之禍因問何以至此道士曰汝既有名朝野若果由此匿跡將來禍發奸徒必假名以鼓惑人心朝廷必專究汝家豈不致赤族之禍守仁深然其言遂由武夷至廣信泝彭蠡歷沅湘至貴陽龍場始至無屋可居就石穴而處龍場之民日漸親狎以所居陰濕不可久乃相與伐木爲驛樓及屋扁爲何陋軒君子亭賓陽堂玩易窩以居之日夜端居默坐澄心精慮一夕忽大寤終夜不寐踴躍若狂者本朝分省人物考卷五十一 三十四 浙江四十一

史撫鎮南贛汀漳等處先是南贛撫鎮屢用非人山
 谷兇民初為竊攘以至聚徒為盜漸至擄掠鄉村焚
 掠州縣肆無忌憚凡在虔楚閩廣接壤山谷無非賊
 巢有司束手皆謂終不可理至南贛先嚴戰禦之法
 時龍南賊二千餘突至信豐又糾合廣東龍川洴頭
 諸賊酋分隊以進勢甚猖獗守仁於未戰之先令兵
 備官調兵斷賊歸路及委官統領前後夾擊之又曰
 此賊既離巢穴利在速戰又令乘險設伏厚集以待
 各鄉村往來路徑多張疑兵使進無所獲退無所據
 先時在官書隸及在城軍人陰陽占卜皆與賊通日
 本朝分省人物考 卷五十一 三五 浙江學
 左右詞規言咲起居動以往報守仁知其然一切示
 人以不測此輩陰謀不得行賊各依險自固四路
 設伏乃潛令三省兵備官各率兵從徑道與賊交鋒
 前後大戰數合擒斬俘獲無算餘黨奔聚象湖山拒
 守又密諭令佯言犒軍退師俟秋再舉密探虛實乘
 賊懈弛因新陞廣東布政使邵賈將之任例發兵護
 送乘此會選精兵一千五百當先重兵四千二百繼
 後進約已定潛率十數騎密使分作三路銜枚直趨
 象湖山搗其巢穴我兵奪據隘口賊猶不知我兵奮
 勇鏖戰自辰至午三省所發奇兵從間道鼓譟突登

乘勝追殺擒斬俘獲又無算墜崖壑而死者不可勝
 計餘黨復入流恩山岡等巢與諸賊合勢明日復戰
 又不利遞入廣東界樟溪大山聚糧守險勢甚強固
 乃分兵五路攻擊追襲與賊連戰攻破長富村等處
 巢穴二十餘處又令兵備僉事顧應祥等統領軍兵
 會同福建刻期追勦揚言班師出其不意從牛皮石
 嶺脚隘等處分為三哨鼓譟並進賊望風瓦解前後
 大戰十餘合俘獲四萬餘人有奇牛馬貨物無算是
 時大庾南康上游三省賊各發又廣東洴頭等處強
 賊池大鬚等三千餘徒突來攻圍南康縣殺損官兵
 本朝分省人物考 卷五十一 三六 浙江學
 與湖廣桂陽及廣西樂昌等縣巢穴相聯盤據劫掠
 三省於時兵備等官請調三省狼達等兵與官兵夾
 勦守仁又上疏論狼兵所過不減於盜轉輸之苦重
 困於民仍請便宜行事期於成功不限以時則兵眾
 既練號令既明人知激勸事無掣肘可以伸縮自由
 相礙而動日剪月削可使漸盡復疏請設添清平縣
 治及疏通鹽法以足兵食因召知府季敷等密授方
 勦生擒首賊陳日能等搗其巢穴俘獲賊
 黨無算又上疏論三省交勦方略先是屢請 勅便
 宜行事眾皆笑為迂故屢不報惟尚書王瓊因守仁

疏覆議奉 旨改提督南贛汀漳等處軍務換賜
勅書及前所請旗牌便宜行事俱得報可仍降 勅
獎勵陞俸一級賞以銀幣時汀州左溪賊酋與贛南
等洞賊相結盤據千里荼毒三省乃與諸從事議曰
諸巢爲患雖同事勢各異以湖廣言之則桶岡諸巢
爲賊之咽喉而橫水左溪諸巢爲之腹心以江西言
之則橫水左溪諸巢爲賊之腹心而桶岡諸巢爲之
羽翼今不先去橫水左溪腹心之患而欲與湖廣夾
攻桶岡進兵兩寇之間腹背受敵勢必不利今我出
其不意進兵速擊可以得志已破橫水左溪移兵而

本朝分省人物考

卷五十一

三十七

浙江九

桶岡勢如破竹矣議既決乃命各官等帥兵由各
道以入守仁親帥兵千餘自南康進屯至坪期直搗
橫水以與諸軍會又使兵備副使楊璋分守叅議黃
宏監督各營官兵往來給餉以促其後守仁自率兵
乘夜遂進未至賊巢三十里止舍使人伐木立柵開
壘設堦示以久屯之形復遣官分帥鄉兵及樵登善
登山者四百人各與旗齋銃砲鈎鐮使由間道攀崖
懸壁而上分列遠近極高山嶺以覘賊張立旗幟藝
茅爲數千竈度我兵且至險則舉砲燃火相應十二
日黎明兵進至十八賊方據險迎敵驟聞遠近山嶺

砲聲如雷烟焰四起我兵復呼哨分逼賊皆驚潰失
措以爲官兵盡破其巢穴遂棄險退走乃大奔潰橫
水旣破乘勝進攻左溪左溪旣破復議桶岡桶岡天
險壁立萬仞中盤百餘里連峰參天深林絕谷不覩
日月因詢訪鄉導賊所由入惟鎖匙龍葫蘿洞茶坑
十八磊新地五處皆假棧梯壑竇懸絕壁而上惟上
章一路稍平然深入湖廣迂回取道半月始至乃令
移屯近地休兵養銳揚威聲先使人諭以禍福而
使知府邢珣入茶坑伍文定入西山界唐淳入十八
磊知縣張戩入葫蘿洞皆於是月晦日各至分地遇

本朝分省人物考

卷五十一

三十八

浙江九

大雨不得進明早冒雨疾登賊首藍天鳳方就鎖匙
龍聚議聞各兵已入險皆驚愕散亂猶驅其衆男婦
千餘人據內隘絕險隔水爲陣以拒我兵渡水前擊
復分部左右夾攻賊不能支且戰且却及午雨霽各
兵鼓奮而前賊乃敗走桶岡諸巢悉平守仁以暇各
相視形勢據險隘議以其地請建縣治控制三省諸
徭斷其往來之路又進兵攻穩下諸坑等巢悉平之
又以湖廣二省之兵方合雖近境之賊悉以掃蕩而
四遠奔突之虞難保其無乃留兵四千餘分屯茶遼
諸隘餘兵回頓近縣休息疲勞俟二省夾攻盡絕然

後班師守仁驅卒不過萬餘用費不滿三萬兩月之
 間破巢八十有四渠魁賊首噍類無遺又疏請三縣
 適中之處立安義縣移置小溪驛於大庾縣城內使
 督兵防遏洎頭賊酋池大鬚等聞橫水諸巢皆破始
 懼加兵乃遣其弟池仲安等率老弱二百餘赴軍門
 投降求隨眾立效意在緩兵因而窺覘虛實乘間內
 應守仁逆知其謀乃佯許之使人至賊所賜各酋長
 牛酒以察其變賊度不可隱詐稱龍川新民盧珂等
 將掩襲之是以密為之防非虞官兵也守仁亦陽信
 其言因復陽怒盧珂等擅兵仇殺檄龍川使廉其實
 盧珂等懼自來告遂賊黨盧珂而使人密諭以陽
 怒之意珂遂遣人歸集其眾待時而發又使人往諭
 池大鬚且密購其所親信頭目二十人陰說之同部
 下百八十人自來投訴守仁還贖乃張樂大亨將士
 下令城中散兵使各歸農示不復用賊眾皆喜遂弛
 其備大鬚遂率其麾下四十人自詣贖守仁使人探
 知大鬚已就道乃密遣人先行屬縣勒兵分哨候報
 而發又使人督集盧珂等兵俱至而令所屬官僚以
 次設羊酒犒大鬚等以緩其歸先伏甲士引大鬚等
 入犒并其黨悉禽之出盧珂等所告狀訊鞫皆伏遂

寘於獄皆斬之夜使人趨發屬縣兵皆從徑道以入
 而守仁自率帳下官兵從龍南縣冷水徑直搗下泖
 大巢與各哨兵會於三泖先是賊徒得大鬚報謂贛
 州兵已罷歸皆已弛備散處各巢至是驟聞官兵四
 路並進皆驚懼分投出禦悉其精銳千餘眾據險設
 伏併勢迎敵於龍子嶺我兵鼓勇齊進各賊潰散遂
 進攻九連山於是選精銳兵七百人皆衣所得賊衣
 佯若奔潰者乘暮直衝賊所賊以為各巢敗散之黨
 疑不敢擊已度險遂扼斷其後路次日我兵已據險
 從上下擊賊不能支預令各哨官兵四路設伏以待
 賊果分隊潛避皆邀擊而悉俘之前後禽斬首級無
 算俘獲男婦牛馬器仗什物不可計餘黨張仲金等
 二百餘人勢窮計迫聚於九連山谷口呼號痛哭誠
 心投招乃遣官驗實皆量加責治遣知府邢珣往撫
 其眾籍其名數悉安插於白沙遂相視險易立縣設
 隘留兵防守而歸贛人皆戴香遮道而迎為立生祠
 又家肖像而歲時祭禱守仁疏乞休致不允又以龍
 川諸處係山林險阻之所盜賊屯聚之鄉當四縣交
 界之隙乃三省閩餘之地遂疏請於和平地方建設
 和平縣治以扼其要害又以大賊龔福全高仲仁等

本朝分省人物考 卷五十一 浙江九

本朝分省人物考 卷五十一 浙江九

邀路劫殺軍民攻掠郡縣命三省將官征勦克平乃上三省夾勦捷音疏朝廷陞右副都御史蔭子一人錦衣衛世襲百戶賜勅獎勵守仁在贛雖軍旅擾擾四方從游日衆而講學不廢褒崇象山陸子之後以扶正學贛人初與賊通性多鄙野乃爲立保甲十家牌法於是作業出入皆有紀又行鄉約教勸禮讓又親書教誡四章使之家諭戶曉而贛俗丕變十四年正月再疏乞放歸田里當路輔臣素忌之欲從其請兵部王瓊逆知宸濠必將爲變一日召其屬本部主事應興曰我真王某於江西與之便宜行事者不

本朝分省人物考

卷五十一

三十一

浙江

祖兆

捨之追不及是夜舟至臨江知府戴德孺聞守仁至喜甚留入城調度守仁曰臨江居大江之濱與省城相近且當道路之衝莫若抵吉安爲宜行至中途恐其速出乃爲計奉朝廷密旨先知寧府將反行令湖廣鄖陽都御史楊旦秦金及兩京兵部各奉密旨命將出臨暗伏要害地方以俟寧府兵至襲殺復取優人數輩各與數百金以全其家令其至伏兵處所飛報竊發日期將公文各縫置藏於裕衣絮中將發間又捕捉僞太師李士實家屬至舟尾令其覘之卽佯怒令牽上岸處斬已故縱之令其奔報宸濠邏獲優人果於裕衣絮中搜得公文遂疑不敢卽發十八日至吉安知府伍文定出迎遂入城撫慰軍民上疏飛報宸濠於是月十四日謀反殺都御史孫燧副使許逵并執縛巡按與三司官及府縣等衙門不從者俱囚之盡收在城各衙門印信及搬槍各庫藏一空釋放在城各府州縣見監重囚舟楫蔽江而下聲音直取南京又差儀賓校尉人等持檄至各府州縣曉諭收取印信驅截水兌糧船請命將征討以解東南倒懸奏至尚書王瓊揚言於朝曰王某在南贛必能擒之不久當有捷報至但朝廷不命將出師則無以壯

本朝分省人物考

卷五十一

三十二

浙江

祖兆

其軍威時寧王畜養死士二萬招誘四方盜賊渠魁亦萬數舉事之日復驅其護衛黨與并脇從之人又六七萬虐焰張熾守仁以百數從卒退吉安迺爲牽制之圖遠近軍民劫於宸濠積威道路以目莫敢出聲守仁督率知府伍文定戴德孺邢珣徐璉等調集軍民兵快召募四方報效義勇會計一應解留錢糧造作軍器戰船奏留公差回任御史謝源伍希儒分職任事約會鄉官致仕右副都御史王懋中養病編修鄒守益郎中曾直評事羅僑丁憂御史張鰲山赴部調用僉事劉藍依親進士郭持平致仕副使劉遜

本朝分省人物考

卷五十一

三三

浙江九

參政黃繡聞仕知府劉昭等相與激勸忠義曉諭禍幅又恐宸濠知其調度覺其間諜之謀發兵順江速出又密使僞國師劉養正家屬及平日與濠往來鄉官致陰附之意以緩其出直俟調度已定乃移檄遠近宣布朝廷仁德暴露宸濠罪惡於是宸濠始覺爲守仁所欺亟欲引兵而出次南康九江諸處猶自居省城以俟禦敵至七月初二日宸濠使人探知守仁兵不出乃留兵萬餘屬其腹心使守江西省城乃自引兵向安慶守仁探知其出遂星馳促各府兵期以本月十五日會于臨江樟樹鎮身督伍文定等兵徑

下於是知府戴德孺引兵自臨江來知府徐璉引兵自袁州來知府邢珣引兵自贛州來通判胡堯元童琦引兵自瑞州來通判談儲推官王暉徐文英新淦知縣李美太和知縣李楫寧都知縣王天與萬安知縣王冕亦各以兵來赴十八日遂至豐城分布哨道直抵南昌二十日黎明各至信地先是城中爲備甚嚴至聞我師四面驟集皆震駭奪氣我師呼譟並進梯絙而登城中之兵皆倒戈退奔城遂破擒其居守宜春王拱樛及僞太監萬銳等千餘人宸濠官中眷屬縱火自焚撫定居民散其脇從封其府庫搜出原

本朝分省人物考

卷五十一

三四

浙江九

收大小衙門印信九十六顆守仁先上江西捷音疏仍分兵四路躡宸濠是時宸濠攻圍安慶未下親自督兵運上填塹期在必克及聞守仁兵至豐城大恐卽欲回兵僞太師李士實阻勸以爲必須徑往南京旣登大寶則江西自服宸濠不應次日遂解安慶之圍會議歸援初安慶被圍衆謂宜引兵直趨安慶守仁以九江南康皆已爲賊所據而南昌城中數萬之衆精悍亦且萬餘食貨充積我兵若抵安慶賊必回軍死鬪安慶之兵僅僅自守必不能援我於湖中南昌之兵絕我糧道而九江南康之賊合勢撓躡而四

方之援又不可望事難圖矣今我兵驟集先破南昌賊已破膽奪氣失其本根勢必歸救則安慶之圍可解宸濠可以坐禽分布既定大賑城中軍民慮宗室郡王將軍或爲內應生變親慰諭之以安其心又出給告示凡脇從皆不問雖嘗受賊官爵能逃歸者皆免死能斬賊徒歸降者皆給賞使內外居民及鄉導人等四路傳布解散其黨二十三日宸濠先鋒已至樵舍風帆蔽江前後數十里守仁分督各兵乘夜趨進使伍文定以正兵當其前余恩繼其後邢珣引兵繞出賊背徐璉戴德孺張兩翼以分其勢二十四日

本朝分省人物考 卷五十一 三十五 浙江 嘉興府 嘉善縣

早賊兵鼓譟乘風而前逼黃家渡其氣驕甚伍文定余恩之兵洋北以致之賊爭進趨利前後不相及邢珣之兵從後橫擊直貫其中賊敗走伍文定余恩督兵乘之徐璉戴德孺合勢夾攻呼譟並起賊不知所爲遂大潰奔走十餘里擒斬二千餘級落水死者以萬數賊勢大阻引兵退八字腦賊衆稍稍遁散宸濠懼身自激勵將士賞其當先者以千金被傷者銀百兩盡發九江南康守城之兵以益師守仁以九江不破則湖兵終不敢越九江以援我南康不復則我兵亦不敢踰南康以躡賊乃遣知府陳槐領兵四百合

饒州知府林瑛之兵乘間以取九江知府曾璉領兵四百合廣信知府周朝佐之兵乘間以取南康二十五日賊復并力盛氣挑戰而風勢不便我兵少却死者數十人守仁急令斬取先却者頭知府伍文定奮督各兵殊死並進砲及宸濠舟宸濠遂大敗禽斬二千餘級溺水死者莫計其數賊復退保樵舍聯舟爲方陣盡出其金銀以賞士卒守仁乃夜督伍文定爲火攻之具邢珣擊其左徐璉戴德孺出其右余恩等各分兵四伏期火發而合二十六日宸濠方朝羣臣拘集所執三司各官責其不致死力戰我兵已奮擊

本朝分省人物考 卷五十一 三十六 浙江 嘉興府 嘉善縣

四面而集火及宸濠副舟衆遂奔散宸濠與妃嬪泣別官人皆赴水死遂執宸濠并其母子郡王將軍儀賓及僞太師國師元帥等官李士實劉養正劉吉屠欽等數百餘人被執脇從官太監王宏御史王金主事金山按察使楊璋等禽斬賊黨三千餘級落水死者約三萬餘棄其衣甲器械財物與浮尸積聚橫亘若洲餘賊數百艘四散逃潰守仁復遣官分路追擒及之于樵舍大破之於吳城又破之禽斬復千餘級落水死者殆盡宸濠既勦送至囚所行數步回向守仁曰婁妃常勸我不要爲此事是我不聽實非其罪

今死於水望先生收其屍一葬守仁曰謹領乃為收
葬妻妃之族皆免于法他如李士實劉養正王春等
族屬亦多原而宥之劉養正舊從守仁游至此母死
未葬為之葬又為文祭之曰吾不敢宥汝之生為葬
汝之母先是宸濠以賄結朝廷左右及大小遠近臣
寮自輔臣以下皆有交賄實跡與往來私書皆記手
籍守仁得於其宮中悉焚之既禽執宸濠并偽官李
士實等將欲令人獻俘慮有餘黨沿途竊發遂欲親
解赴闕而朝廷差安邊伯許泰等往江西征討行至
中途聞宸濠已擒捷報至京計欲奪功乃密請 武

宗親征

武宗

浙江九

武宗遂自稱為總督軍務威武大將軍總
兵官後軍都督府太師鎮國公欲往江西親征臣僚
力諫不聽有被杖而死者既而江彬許泰劉暉張忠
張永魏彬等皆先領兵由大江至江西入居城中人
馬填溢衢巷至不可行彼輩皆倡言誣守仁始同宸
濠謀反因見天兵猝臨征討後始擒宸濠以為功脫
罪欲并禽守仁各為已功守仁初見其兵馬之盛意
有不善乃託疾不出為餉以慰勞之又親自行撫眾
心皆悅及度其無可為然後出見而忠彬輩故設席
於傍守仁佯為不知先坐上席令轉傍席於下請彼

自坐更以常行交際事體論之卒成禮而退蓋守仁
非爭一坐恐一受節制則大事皆將聽彼而不可為
故爭之力江彬等又欲將宸濠故置城中待 駕至
與彼輩列陣重擒之以為功守仁乃語之曰逆黨潛
伏尚多萬一疎虞變生不測則事勢不可救矣當是
時既不可以宸濠黨與付之彬等又不能解見 武
宗乃遂託疾不出張永一日暮夜排闥入臥內語以
眾人欲功之意守仁乃備語以盡忠為國及募兵征
勦之詳永領之彬等乃訪守仁原宥妻氏家屬悉擒
而殺之以為功又請 武宗誣以同反遂各引兵

本朝分省人物考

卷五十一

浙江九

至南京以候 武宗 乃上疏曰宸濠睥睨神器
陰謀久蓄招納叛亡操帶轂之動靜日無停迹廣置
奸細臣下之奏百不十通發謀之始逆料 大駕必
將親征先於沿途伏有奸黨為博浪荆軻之謀今逆
不旋踵遂已成擒法宜解赴闕門式昭天討欲付部
下各官押解恐乘隙竊發或致意外之虞臣死有遺
憾况乎賊獻俘國家常典亦臣之職分臣於九月十
一日親自量帶官軍將宸濠并官眷逆賊情重人犯
督解赴闕面受節制若復退還江西省城坐待總督
軍門 駕臨恐涉遲疑有稽天討疏上隨扶疾日夜

前進行至浙江杭州府而張永適至開稱宸濠等待親臨地方覆審明白具奏軍門定奪守仁因度病勢未愈前進既有不能退回愈有不可若再遲延必成兩誤乃暫留浙江館於西湖淨慈寺調治將見解逆首宸濠及逆黨劉吉等各犯并官眷馬匹等項逐一交查明白仍請張永徑自另委相應官員初江彬許泰張忠謀欲奪功實欲反坐守仁同叛後乃擒而誅之以爲已功張永知其謀私語家人曰王某忠臣而衆欲害之天理何在我不一明其冤他日朝廷有事何以使臣子效忠及復命先見 武宗備言守仁之

本朝分省人物考

卷五十一

五十九

浙江九

忠日言彬等加害之意既而江彬許泰張忠等果誣其無君欲叛 武帝皆不信張忠因守仁在杭又言守仁之不至留京明乎其無君也試召之必不來 武宗乃召守仁而守仁即奔南京龍江關由是彬等之譖不行而守仁復領巡撫江西兵殘之餘人民凋敝綏勞撫定無不曲盡是年 武宗晏駕 世廟登極特降璽書慰勞行取馳驛赴闕宴賞隨爲輔臣所忌潛諷科道建言以阻宴賞之事行至中途而返道經錢塘上疏懇乞便道歸省朝廷准令歸省陞南京兵部尚書參贊機務又具疏辭免慰 旨益勤本年

十二月內乃封新建伯特進光祿大夫柱國兼南京兵部尚書參贊機務乃累疏辭免欲朝廷普恩賞於報效諸臣又極言舉人冀元亨以忠受禍欲盡削官職移報元亨以贖此痛嘉靖元年丁父憂四方從游者益衆臺省迎當路意首以僞學劾之服闋例該起復輔臣忌其才望六載不召御史石金等交章論薦提督都御史姚鏌不能成功朝廷差官持檄授總制軍務督同都御史姚鏌勸處彼中事情守仁上疏辭免舉尚書胡世寧李承勛自代朝廷不允 上與閣

本朝分省人物考

卷五十一

四十

浙江九

老楊一清曰若鏌不去王守仁決不肯來遂令姚鏌致仕又降 旨督趨赴任守仁抵梧州代其總制沿途涉歷訪諸士夫詢諸行旅皆云岑猛父子固可誅之罪然所以爲亂者皆當事諸人不能推誠撫安以致之上疏謝恩極言致亂之由平復之策進至平南地方與姚鏌交代即立議罷兵行撫之善至南寧府乃下令盡撤調集防守之兵數日之內解散而歸者數萬有餘湖兵數千阻道且遠不易即歸仍使分留南寧賓州解甲休養待間而發初思田二府目兵盧蘇王受等聞守仁來知無必殺之心皆有投生

之念既至又見防兵盡撤乃遣其頭目樊富等十餘人先赴軍門訴告願得掃境投生守仁諭以朝廷威信及開示更生之路蘇受等既得諭羅拜歡呼隨撤守備盡散其眾來歸俱至南寧府城下分屯為四營明日蘇受等皆囚首自縛各與其頭目數百人赴軍門投見號哀控訴守仁復諭以朝廷恩德既赦爾死寧肯誘爾至此於是下虜蘇王受於軍門各杖一百眾皆合詞請命乃解其縛諭以今日宥爾一死是朝廷好生之仁杖爾一百乃我等人臣之義於是眾皆叩頭悅服隨至其營撫定餘眾莫不感恩誓以死報

大明分省人物考 卷五十一 四十一 浙江九

乞殺賊立功以贖前罪守仁復諭以朝廷惟願生全爾等今爾方來投生豈忍又驅之兵刃之下爾等逃竄日久家業傾破且宜速歸完爾室家修復生理至於破賊軍門自有區處不須爾等勦除待爾等家事稍定徐當調發於是又皆感泣歡呼守仁遂委布政林富總兵官張祐分投安插督令各歸復業又備歷田州思恩之境按行其村落而經理其城壁請田州仍立岑氏後為土官知州以順夷情時設流官知府以制夷勢分設土官巡檢以散夷黨又以田州既設流官宜更其府名為田寧至於思恩則岑濬之後已

絕不必復設土官又按視斷藤峽諸處猺賊上連八寨下通仙臺花相諸洞彼此犄角流劫郡縣國初以來屢征不服乃檄叅將張經會同守巡各官集議分兵布哨以永順土兵進勦牛腸等賊巢保靖土兵進勦六寺城巢先是賊酋訶知守仁駐劄南寧寂無征勦消息又不見調兵集糧遂皆怠弛不以為意至是突遇官兵四面攻圍各賊倉惶失措擒斬頗多餘賊退敗復據仙女大山憑險結寨我兵追圍拔木緣崖仰攻復大破賊寨乘勝復攻破油碎石壁大陂等巢餘賊奔至斷藤峽橫石江邊因追兵緊急爭渡覆溺

本朝分省人物考 卷五十一 四十一 浙江九

死者無算并斬獲首從賊級俘獲男婦牛畜器械等項不可勝計仍令收兵潯州府駐劄復命各官兵移兵進勦仙臺諸賊巢四面仰攻賊乃敗散又命布政林富副總兵張祐分投密切調各目兵盧蘇王受等分定哨道進勦八寨前後擒斬俘獲殆盡親臨相視思恩府基景定衛縣規則蓋南丹衛舊僻在廣西極邊之地非中土之人所可居者於是移築於周安堡正當八寨之中以阻扼其道路之衝則柳慶諸賊不

皆將效順服化思恩舊治原在寨城山內尚餘里乃令移出橋利六十里外地名荒

田四野寬衍之處開圖立里用漢法以治武緣之衆夷夏交和公私兩便復移鳳化縣治於虞卿爲立廨宇屬之思恩又於宣化思龍地方添設流官縣治又增築守鎮城堡於五屯以壯威設險仍選取協守兵及附近土寨目兵擇委智略忠勇官一員重任而專責之使之訓練撫擊務在地險旣設而士心輯和又令參將兵備等官不時親至其地經理而振作之則賊勢自摧又將思田分設九土巡檢司各立土目衆所信服者管之節次具疏奏請定奪 上極嘉其功勅行人齋銀帛羊酒獎勵九月初八日行人至廣城

本朝分省人物考

卷五十一

四三

浙江九

是時守仁臥病床褥已餘一月扶病具疏謝恩而病勢日篤猶力憊視事先是守仁年十五歲時夢中嘗得句云卷甲歸來馬伏波早年兵法鬚毛皓莫知其謂至是舟至烏蠻灘舟人指曰此伏波廟前灘也乃訶然登廟禮拜如夢中所見因誦夢中詩且歎人生行止之不偶云乃於十月初十復上疏乞骸骨就醫養病因薦林富自代守仁病革班師行至大庾嶺謂布政使王大用曰爾知孔明之所以付託姜維乎大用遂領兵防之爲敦匠事於舟中命家僮陳敏具行至南康縣將屬纊之際家僮在傍問其所嚙守仁曰

我他無所念平生學問方纔見得數分猶未能與吾黨共成之爲可恨耳遂屬纊而逝昇至南安府公館而歛柩經南贛雖深山窮谷男女老弱皆縞素出迎道左匍匐哀號若喪考妣江西巡按御史儲良材奏請至吏部尚書桂萼令該司匿其訃不舉乃參其擅離職及參其處置廣西恩田八寨事思威倒置又詆其擒宸濠軍功冒濫乞命多官會議先此張孚敬見其廣西所處恩田岑猛諸子及盧蘇王受經畫得宜并征勦八寨有方奏至甚喜極口稱其不可及欲卽爲揭帖薦入內閣而桂與楊聞之皆不樂乃嗾錦衣

本朝分省人物考

卷五十一

四四

浙江九

衛都指揮黃綬奏其用金銀一百萬託黃綬過送與張公故薦用兩廣縮疏辭其誣奉 旨黃綬學行才識衆所共知王守仁功高望隆輿論推重下能遷於獄杖之而死明年春 上將出郊桂密具揭帖上遂允命多官會議遂削世襲伯爵并朝廷常行卹典贈皆不需被守仁天資絕倫讀書過目成誦少喜任俠長好詞章壯好仙釋旣而好學以斯道爲己任以聖人爲必可學而至實心改過以去己之疵奮不顧身以當天下之難上欲以其學輔君下欲以其學淑民惓惓欲人同歸於善欲以澤覆天下蒼生人有

宿怒深仇皆能忘之而不較雖處富貴常有烟霞物表之思視棄千金猶如土芥藜羹瓊鼎錦衣緼袍大履窮廬視之如一真所謂天生豪傑挺然特立於斯世者近古誠未見其比隆慶初復伯爵世襲謚文成萬曆初從廷臣議詔天下從祀孔子廟庭稱先儒王子

牧相

牧相字時庸餘姚人也少受業於王尚書華華器異之與文成公同學弘治己未遂同舉進士授南兵科給事中武宗初政闇瑾竊柄言者禍且不測相遣

三朝分省人物考 卷五十一 四九 浙江九

其室本母歸借官官戴經海彥徽等疏瑣不法數十事忤旨械繫至京廷杖九十絕而甦下錦衣獄文成時為刑部主事上疏申救并繫獄三月相視職為民文成謫龍場相歸而孝養其母課子授徒聞民間有利病則走白有司行罷之非是杜門不出也瑾誅詔復其官尋遷廣西叅議除書至而相已卒二日矣家貧藁葬十餘年有李廉使其捐俸檄郡為營兆始克襄事敝屋數楹至今猶存其舊過者咸式焉

謝迪

謝迪字于吉號石厓餘姚人自幼神清氣爽穎悟過

人父簡庵公鍾愛以其多病不欲事進取益務操修不懈於學弘治己未進士尋授兵部職方司主事轉武選司員外郎文移匆匆揮遣若流悉中肯綮大司馬諸公咸委重之正德初逆瑾亂政擅權怡然退處林下嘯咏自適若將終身世宗登極懋隆治化思用舊臣起為江西右叅議已遷廣東左布政使入覲還任遇疾卒于途迪夙有遠志久鬱弗施起廢以來益圖奮勵用答殊遇其叅議時南昌民有謀殺兄而誣其嫂者有司莫能訊密為踪跡竟得其狀遂伏辜時稱神明巡撫都御史盛公薦為九江兵備副使其

三朝分省人物考 卷五十一 四六 浙江九

地為江湖要衝自逆藩煽變之後剝削非堪事多可慮除其煩苛務為緩戢民賴以寧建議城彭澤財力之給經畫裕如公私不擾九江形勢自是增壯修理庠校以作育為事科目得雋頓殊於昔陶靖節狄梁公之祠歲久傾圮為之葺治以崇祀事曰是風化所關不可廢也轉河南按察使風裁肅然獄無滯囚僚友傍觀嘖嘖歎服嶺南之擢事先領要裕民剔弊不遺餘力時值大比以貢院隘陋弗稱拓而新之士就試者從容展布以為科目之重論者謂其深於經學不尚詞華發之舉措鑿鑿可行有補于世才識明敏

足以濟之又毅然有執不爲世故撓屈隨所至輒有聲稱使天假之年得究其用事業所建尤當有不可量者惜乎其遽止於斯也卒以嘉靖己丑春秋六十

宋 冕

宋冕字孔瞻餘姚人也弘治中進士初官刑部以執法忤逆瑾或危之冕曰君不知當官正色爲吾家廣平耶得緣此貶死芬芳實多謫金谿知縣瑾誅復召爲禮部主事尋參議河南會歲饑哺活無筭轉福建叅政永春等縣流賊猖獗分巡某以僨事論罪非冕

本朝分省人物考

卷五十一

四七

浙江學

所轄地也請之鎮巡以備師往賊殲焉然推功不居以贖前車之覆者擢陝西左布政使保釐大著織造某當者需緡錢溢額輒不與銜甚百端伺隙終不得已進右副都御史撫治鄖陽至則拊循訓勵三省救寧會 太廟災引咎乞罷再疏始得請劇賊馬興等乘間騷動冕不以弛擔故諉之後人督諸路軍討平之事聞有白金文綺之賚所司以贖緩三千餘解送悉置備賑冕外和中勁歷官垂三十年被服如寒士乃其不居功不避事尤人所難孫岳舉進士官至按察使

謝 丕

謝丕字以中號汝湖餘姚人弘治乙丑舉會試第四人廷試第一甲第三人授翰林院編修正德初請告歸省頃之逆瑾構禍文正公遷見幾勇退旣而落職瑾移怒詔丕亦爲民後瑾誅文正公與丕皆復官構肥遜嘉遜二庄日與高人燕賞爲樂文正公家居喜接後進丕尤加意獎掖凡雋異之材必欲成就之以濟世用其立教重經義治事有宋湖學風士爭興起遠方來學者踵至嘉靖初奉詔徵用復翰林編修陞俸一級乙酉 武廟實錄成陞左春坊左贊善賜白

本朝分省人物考

卷五十一

四八

浙江學

金文綺秋八月同石門翟公主考順天鄉試時稱得人丁亥陞太常卿提督四夷館兼翰林院侍讀是年文正公被召再入相丕充經筵日講官士林榮之無何文正公乞休而丕以太常少卿兼翰林學士掌院事賜雲鴈襲衣四書大全書傳乙未 孝靜毅皇后梓官發引特命捧主 上臨軒策士特命讀卷孟冬時享 太廟等廟特遣行禮屢拜銀幣書籍之賜不每進講敷剴切而儀觀詳雅 上爲之傾注自是寵渥日深遣祭先師廟從幸山陵賜孔雀襲衣金帶銀瓢諸物修飾七陵泊預建壽宮命同大學士未齋顧

公輩往祭天壽山之神尋轉吏部左侍郎兼翰林學士仍掌院事東宮誕生遣祭內殿恩賚有加廕子入監讀書隨命充管錄累朝寶訓實錄官同修大明會典捧 孝肅孝穆孝惠三皇后神主奉安陵殿駁駁大用矣歲丁酉丁母太淑人憂遣官諭祭賜寶鏹給驛歸其喪仍遣官祭葬服闋巡按傅公具疏薦起弗應因修譜牒創宗祠置義倉義學施藥餌以拯貧病造橋梁以濟往來鄉人多德之後有被召當國者不察舊也道武林避不一見京華權近亦不一通問遺暇即汝湖勝處葺東巖闢留園為逸老所盤桓其間

本朝分省人物考 卷五十一 四九 浙江九

因自號留園野老蓋至是絕意於世用矣病時命諸子曰吾生荷國恩已溢涯分莫可為報身後慎勿乞卹典卒年七十有五訃聞 上憫悼勅贈禮部尚書祭二壇

胡東臯

胡東臯字汝登餘姚人也弘治乙丑進士初授南刑部主事時逆瑾弟琅為南京守備諸曹爭往候謁東臯獨弗往中府都督乃倖臣錢寧姪民有訟其家奴不法者按律坐之不少貸數平反大獄暇則與同曹郎魏校吳昂講德論道蒸蒸如也擢守寧國以治行

為天下第一蒙 旨褒賚陞四川建昌兵備副使丁內艱服除即家拜威茂兵備討西番耿勺之亂勺遁脇從千餘人釋不問進按察使仍留茂州懸購得賊親暱者兩人碎賊首以獻西人始安尋進都御史巡撫寧夏該鎮邊虜騎數蹂入奏築花馬池賀蘭山邊墻三百餘里又議撤鹽池戍卒徵班銀以備邊費至今賴之在西夏一年章凡二十餘上多見采納聞季弟喪乞歸而朝議以老成之臣不宜引去改撫鄖陽未幾召還內臺陳時政十二事言甚切直輔臣某故嘗推引欲以見德者東臯自公謁外未嘗一造遂

本朝分省人物考 卷五十一 五十 浙江九

大忤會 太廟災上疏自劾去東臯歷仕與處苟利於人必身任之歸田體粥不給孫文恪陞曰吾姚仕宦而清貧如寒賤者三人胡中丞東臯宋中丞冕胡太僕鐸號姚江三廉蓋不誣也東臯子翌以鄉薦守高唐有惠政陞廣東僉事且舉進士歷岳州知府皆世其清白云

張嶺

張嶺字時俊號楓立紹興蕭山人丁未進士除上饒知縣實心為民清稅均徭民甚德之陞南京兵部主事劉瑾擅權勢軋中外適隆平侯張祐卒無嗣弟侄

爭襲行該司勘問瑾偏有所護私囑之屹不可奪乃
矯制取入刑曹而陞嶺興化知府甫下車瑾又以異
香下諸郡責賄不報郡人戴大賓者弱冠及第瑾欲
以侄女奪其舊聘囑嶺王之復不應瑾怒甚遂撫隆
平侯事落職當元巨祝 聖畢卽微服東歸杜門謝
客瑾誅起守南雄清操益勵陞江西參政時宸濠潛
蓄異謀賄結諸司使黨人王泰道意正色拒之遂陰
搆於朝而嶺聲望素著諱不得行遷本司右布政尋
轉左時濠欲拓府居以極大內力拒之濠爲掣肘嘗
呼之爲病風子久之擢南京光祿卿尋拜右副都御

本朝分省人物考

卷五十一

五十一

浙江九

史巡撫保定 武廟巡遊權豎江彬輩往來旁午一
切誅索戒郡縣無所應羣小百計擠之遂移疾乞歸
嘉靖初起擢右都御史總督兩廣計擒上思州官黃
鏐勦平劇賊蔡猛三等諸寨斬獲萬餘江福流賊江
小危四等劫陷郡邑勢甚猖獗悉討平之三載考績
廕一子太學陞南京都察院已陞南工部尚書疏請
致仕 詔進一品階榮祿大夫未幾卒年七十有四

葛一浩

葛浩字天宏上虞人弘治丙辰進士以五河令召拜
南京御史會災異 上疏劾戶書某貪鄙請置之法

武廟初教坊請選取樂工浩以教坊非先王之樂諒
陰非聽樂之期手疏止之時逆瑾竊權率同僚力諍
請斥除以正國法疏入下錦衣獄杖黜爲民瑾復摘
以他事下南錦衣當是時濱于死者數四而意氣自
若也瑾誅起知邵武府俗故尚巫男女聚會無別下
令嚴禁之民有兄弟訟者論以倫理至情立感泣讓
所爭而退已晉廣東參政時會寇作議者以縣治孤
危恐先碎賊手乃潛師趨賊不意縛其渠魁賊遂以
平由左右布政入爲太僕卿尋晉南京大理卿改北
慎恤情罪廷中稱平 上親郊有犯蹕者欲置重典

本朝分省人物考

卷五十一

五十一

浙江九

浩奏罪不至死遂得未減會雷震午門西樓自陳不
職得致仕以歸未幾卒

郁采

郁采浙江山陰人正德初知裕州會霸寇趙鏊率衆
攻掠采誓死拒守城陷力戰而死 詔贈光祿少卿

杜民表

杜民表字望之浙江嵯縣人正德十二年進士嘉靖
二年由鉛山知縣遷雲南道御史以議大禮廷杖三
年清軍山東六年巡按宣大建言免官

車純

車純字秉文上虞人正德丁丑進士授工部主事時
潞河圯洩病漕捧檄往治之費省而事集蒙 旌賚
焉無何大禮議起永嘉張公過邸舍要之為助持不
可竟以廷諍杖 闕下遲迴郎署者幾二十年乃擢
山西參議分守大同大同故扼胡而險時戍卒稱亂
虜薄近郊洶洶危矣轉餉調兵多方經畫一鎮將吏
倚為長城因著備邊論若干篇進雲南副使備兵曲
靖時大理張知府贖貨虐民撫臣檄以按治張懷明
珠暮夜以餽斥遣之竟正其罪由布政使晉右副都
御史巡撫湖廣一切供具往侈費無度悉從減省與

本朝分省人物

卷五十

五十三

浙江九

諸司處率朴外坦中不設城府會乞疏歸里而楚世
子弒其父端王變起倉卒闔城欲竄鎮以靜定眾乃
不騷已而朝命重臣與法吏會勘執其罪人及詭詞
庇逆者正之法而始得懸車就道歸田二十餘年享
年八十有九而終

何鰲字巨卿紹興府人正德丁丑進士初授刑部主
事與諸曹合諫 武宗南巡被廷杖久之擢湖廣僉
事遷四川參議播州夷仇所司土官單使往招不煩
一兵而定尋遷山東副使兵備徐州計口受俸錢委

何鰲

其餘于官以給軍興費黜賊罪吏無所殉由臬長
左右轄晉右副都御史巡撫山東會有巨盜稱亂勒
兵討平以才望薦為兩廣總制 命下為當事者所
嫉逮繫至京左遷福建參議後嫉者敗召為應天府
丞尋復右副都御史總理漕河陞南京兵部侍郎改
刑部尚書清德重望為時所推重云

謝瑜

謝瑜字如卿上虞縣人進士由南道御史改雲南道
巡按四川建言劾相嵩京察罷歸卒贈太僕少卿

葉經

葉經字叔明浙江上虞縣人進士由常州府推官選
江西道御史劾嚴十惡深銜之巡按山東監試嵩指
試錄中語坐譏訕杖死贈光祿少卿廕子

呂光洵

呂光洵字信卿新昌縣人進士授溧陽知縣治最選
河南道御史巡按甘肅山東等處又巡視京營劾卷
京畿陞南光祿少卿累陞右都御史巡撫雲南以軍
功陞兵部尚書兼左都御史仍舊巡撫隆慶元年改
南京工部尚書未任致仕光洵別歷中外各有樹立
居鄉杜門養重至今稱為醇德君子云

本朝分省人物

卷五十

五十四

浙江九

翁溥

翁溥字德宏號夢山紹興府人己丑進士令太湖捐
苛剔蠹嚴已惠民治聲大著召拜吏科給事中值大
同軍殺主帥廷議未決抗疏乞正法以定國是及事
寧功罪失實復疏請選風憲官往覈之時冢宰結權
黨邪大逞胸臆以要上籠下乃與同官孫應奎薛宗
鎧等發其奸狀而大奸距腕內外稱快時疏攻者九
人二死于杖六謫降而溥得龍泉丞屢蹶屢起最後
擢右副都御史巡撫江西至則值歲凶議賑貸明年
又早上疏乞蠲租省驛傳供應凡調停節省可惠民
本朝分省人物考 卷五十一 五十五 浙江九

俞則全

者靡不殫心晉兵部侍郎陞南京刑部尚書抵任踰
月以病痰一夕卒于官賜祭葬廕一子入太學謚曰
榮靖有知白堂稿

錢應揚

錢應揚字俊民餘姚縣人進士由長沙府推官選河
落職

成器

南道御史巡按廣東建言降全州判官陞樂安知縣
成器餘姚人聞侍講劉球劾中官王振下錦衣獄死
乃即邑中龍泉山頂為壇祭球祭畢以餞班諸同志
其祭文歷述古今權奸之禍凡二千餘言人謂之祭
忠文其地為祭忠壇比與謝翱祭文山于西臺事同皆
義士也

本朝分省人物考 卷五十一 五十六 浙江九

分省人物考卷之五十一

浙江紹興府三



劉棟 胡鐸

倪宗正 嚴時泰

來天球 汪應軫

徐守誠 徐愛

秦鉞 陳克宅

張懷 陳煥

魏有本 蕭鳴鳳

王鈔 龔輝

本朝分省人物 卷五十一目錄

楊大章 陳塏

王畿 錢德洪

孫應奎 周祚

周如底 呂本

管見 來汝賓

諸燮 孫陞

蔣坎 陶大年

沈束 沈鍊

陳陞 宋大武

趙錦 周如斗

浙江十一 翁明

陶承學

范櫟

諸大綬

陶大臨 附子允宜

張岳

孫鋌

葉逢春

毛吉

王元敬

吳允

陳觀

陳有年

張元忭

蔣勸能

陶大順

王泮

羅萬化

邵陞

陳紹

商為正

本朝分省人物 卷五十一目錄

孫堪

馮應鳳

高從禮

陶望齡

胡瀚

季本

徐渭

黃珏

吳宗元

孫鏞

俞漢遠

補遺

陳思道

葛啓

朱賡

孫鑛

孫如法

二

浙江十

本朝分省人物考卷之五十一

浙江紹興府三

劉棟

劉棟山陰人弘治間領鄉薦登正德辛未科進士選庶吉士旋授編修讀書中秘期師古人不染時習所為文似歐陽修詩似杜子美文憲費公極相期許丁丑克房考所得咸海內名士暨世宗御錄為講官首進格致誠正修齊治平之說以啟沃聖心歲甲申世宗勅議追崇興獻之禮欲祧武宗主于別廟抗疏廷諍謂武宗一代之帝主無可祧之禮而

本朝分省人物卷五十一

又切責時宰引宋時濮議貽笑後世大忤當軸被廷杖死而復甦下詔獄者月餘仍復原職詔修武宗實錄內閣介菴靳公稱其所撰有狐史之風錄成遷左春坊左中允以父喪歸服除出補湖藩叅知政事至則剔吏弊察民隱斷疑決裁冗費革濫役平市價刊布賦役全書著為令甲迄于今奉行之時荆顯陵職提督不憚寒暑世宗賜寶鏹綺幣以旌勞勩巡撫南昌朱公首劾于朝有翰苑真材藩垣善政之疏遷河南左轄開封宗室甚繁為量其戶口裁其祿米而給散以時分授有制事事皆服其心法自不撓

累歲帑中有羨鍰萬計司帑吏于行時私囑取之正

色抗詈不持一金水蘖之聲膾炙人口癸巳登南京

太僕卿寺署在滁山水清勝牧政之暇時吟詠以繼

醉翁之跡甲午晉秩太常提督四夷館奉詔欽選譯

字生不但門無苞苴而一時權貴所囑稍不為動忠

誠無偽朝士仰之第以嫉惡太峻目擊嚴分宜之濁

亂絕跡不及其門遂為所憎改留都少司馬朝論大

為不平而司留鑰者數載竟為分宜所忌陰嗾其黨

攻之遂飄然拂衣歸釣于鏡湖矣家食時惟教人以

孝悌之義訓子孫以耕讀之事避地于興教寺之山

本朝分省人物卷五十一

麓構芙蓉園鑿方塘蒔花木與二三知己結龍山之

社足跡不入公府不及塵事計聞于朝特諭賜祭命

官為營葬域崇祀于鄉

胡鐸

胡鐸字時振餘姚人也為諸生時以博雅稱而尤邃

於易嘗著易說與虛齋蔡氏蒙引並行弘治戊午舉

鄉試第一乙丑第進士選庶吉士改給事中時嬖倖

虐諷方熾鐸以言事忤遂出副河東運使清裁矯著

巨賈關節弗入視學福建校士惟先名理不規規舉

業尺幅間七閩嚮風焉晉太僕卿終順天府尹惜未

大用而卒世喜譚道學如鐸者口不言而躬行之身歿未幾子孫至不能舉火以齒之兩中丞洵不媿矣

倪宗正

倪宗正字本端餘姚人也有夙慧精於易學弘治乙丑進士選庶吉士以逆瑾目為劉謝黨出知太倉州時水災條上封事報可所全活甚多隨入副武選郎武宗欲南巡抗疏遮留幾斃于杖猶以詩諫 上尋悔賜獸錦已出知南雄府會 世宗追錄言者加三品俸宗正性曠灑不耐世網竟賦歸日惟酒榼茶椀寄傲花石間詩文攬筆立就有川雲嶺月之致而書

本朝分省人物

卷五十一

三

浙江

法亦道居常委蛇不矜衫履即對客亦不屏姬侍得晉人標韻其居官則非沉浮無當者故足術也所著有易說小野集

嚴時泰

嚴時泰字應階餘姚人也裔出漢子陵先生之後幼父賈於楚遂入籍江夏縣踰冠舉弘治辛酉鄉試又十年而成進士任溧陽令用治行徵拜御史以仲兄時肅為楚王儀賓改同知鎮江府事尋遷南康太守時金齒弗靖奏設永昌府以鎮治之而難其人廷議以為非時泰不可領勅而治郡事蓋異數也累遷四

川左右布政所至皆以廉能著聲兩臺為 上言

臣無如時泰賢入為太僕寺卿俄晉右副都御史督四川軍務四川故舊遊地也肯繁夙嘗運以奇畫都蠻積寇一鼓而殲捷上賚白金文綺加俸二級先是都御史應大猷以征都蠻失策罷歸疏中盛推其先事之力遂得召用後官至尚書其知人讓賢類如此久之拜南京工部右侍郎一年而致政又二年而卒卒之日至無以為殮清白之操皎皎如在所籍以不朽者固在此不在彼也若專城稿牢益木山等集特其緒餘云

本朝分省人物

卷五十一

四

浙江

來天球

來天球字伯韶號兩山蕭山人弘治庚戌進士除工部主事蒞呂梁啟閉有定期權勢莫撓又鑿義井立社學修河堤植以榆柳轉刑部員外郎中往獨石關勘問失機事宜奏參將劉軌以下罪皆斬陞山西僉事參奏晉府徐庶子多不法事罪其尤者二三人時瑾賊擅權啣其不附適儀賓入司以擅加刑責上訐瑾遂乘機差三法司會勘調陝西僉事時四川流賊入漢中府界與總兵官閻綱追圍七月計擒賊首藍五等以凱獻捷聞賜獎未幾逃賊復熾百計誅勦甫

克平定四省巡撫會薦以久勞我事未霑一級之賞
詔陞按察司使仍于軍前殺賊賊平回司視篆一洗
案牘訪懲貪墨憲紀振肅秩滿推延緩都御史不報
再推河南左方伯又不報投袂起日時行時止吾其
到岸之舟矣疏乞休致賜允至家構南山堂引江風
山月以自樂享年七十有九

汪應軫

汪應軫字子宿山陰人也生有異稟風格秀朗弱冠
補郡庠生慨然以范希文自期取學齋廩餼周宗黨
之鰥寡無告者丙子領鄉薦丁丑會試第二人改庶

本朝分省人物考

卷五十一

五

浙江

徐玉

吉士讀中秘書不入權貴門大學士毛公紀采時譽
欲一見之終不往已卯 武廟將南巡與同館舒公
芬等七人上疏懇留有旨跪門廷杖瀕死出知泗州
泗為祖陵禁地役煩而土瘠民情弗知農桑到則首
勸之耕買桑而植之募桑婦教之蠶事 武宗南巡
郵卒馳報駕至他邑徬徨勾攝為具民至塞戶逃匿
獨凝然弗動或詢其故曰駕來未有期而倉卒措辦
科派四出吏胥易為奸倘費集而駕不果至將柰何
時中使絡繹道路恣為求索率壯士百餘人列舟次
呼聲震地中使沮喪靡從人速牽舟行頃刻百里遂

出泗境後有至者斂戢不敢肆駕至南都中使短
令泗州進美人善歌吹者數十人奏泗州婦人荒
且近多流亡無以應勅旨臣向募桑婦十餘人倘蒙
納之宮中俾受蠶事實于治化有裨事遂寢 世宗
登極召復舊職去泗之日行李蕭然父老泣途立祠
建碑紀其去後之思巡按甯公欽薦刻有水清月白
萬口一詞之語既入諫垣首論選后朝儀二事給事
中梁本茂御史汪淵以言事罰俸上疏乞恕言官開
言路踰數月廷議追論在館中時協舒修撰芬夏考
功良勝萬儀制朝連疏乞留車駕為一時忠良宜隆

本朝分省人物考

卷五十一

六

浙江

徐玉

恩數以優之詔陞俸一級疏懇辭願以補支言官之
罰俸者雖不得請識者壯之時有奏王守仁報功失
實爵賞大過宜當追奪上疏申辯刑部尚書林公俊
以執法忤旨去位上疏請留居諫垣一歲中連上三
十餘疏念親老乏侍奏乞改南以便迎養從之比至
留都永嘉張公孚敬安仁桂公萼同官南部方講大
禮欲倚以為助議不合即上疏請遵典禮崇正統以
安人心張桂並大用出為江西僉事執法甚嚴不為
貴勢撓乃其存心平恕遇死囚惻怛哀矜多所平反
然鯁介不能徇人會與巡撫忤疏乞致仕未報抵家

築小亭扁曰樂遂巡按江西御史徐公岱疏其文行
名于天下忠孝尤為著聞居官氣節時望攸歸久之
臺諫交章謂不宜寘之閑散朝廷復以原官勅提學
江西既蒞事其條教一本躬行士皆信向之居無
何以父憂歸服闋臺諫相繼論薦命未下而卒鄉人
白於當道奉其主祀之鄉賢祠學者私謚為清憲先
生郡侯南大吉知其清而貧一日獲豪民石天祿將
論死欲令得其東則從未減石氏以千金丐命片
不許南侯擬築禹廟山隴墻延袤十里民皆驚
致書于侯曰論禹平成之功以一方財力為陵小
為秦若推其心茅茨土墼而盡力清淮豈忍以民
為周垣乎侯聞言而止所著清澗集若干卷藏于家

本朝分省人物卷五十一

七

徐守誠

徐守誠字誠之餘姚人也少刻苦自樹潛心理學弘
治中登進士授南兵部主事嚴於稽察武衛改觀執
父喪廬墓有馴虎甘露之異鄉人名其山曰慈山服
除補刑部日與四方名士相討論學益進嘗陳時政
十餘年多見采納出為湖廣令事理寬糾墨不避權
勢遷山東參議歸途卒誠孝友廉介非其
義一介不取歷官二十餘歲僅蔽風雨有慈山雜

著十條為學者所誦

徐愛

徐愛字曰仁餘姚人也正德戊辰進士出知祁州遷
南京工部員外歷郎中愛娶於王蓋文成之妹婿也
弱冠領鄉薦適文成謫龍場歸論學於稽山愛深吳
之遂北面執弟子禮後數年文成自考功遷南太僕
愛亦自祁遷南京工部同舟歸越論大學宗旨聞之
踴躍痛快如狂如醒者數日傳習錄即是時所編也
從遊四明觀白水登杖錫至雪竇上千丈巖以望大
姥華頂語下會心隨地有得文成在南四方同志日

本朝分省人物卷五十一

八

浙江 徐仁

親疲於酬應愛每分接之咸得所欲而去及文成有
南贛之命愛亦請告歸期諸人耕雪上之田以待其
師忽嬰疾不起年纔三十有七也訃聞文成哭之慟
愛在祁值劉六劉七之亂有保障功疏陳十事多見
採納居南工廉勤克舉其職而惜未究嘗遊南岳夢
一瞿曇撫其背曰爾德同顏子壽亦與埒文成每語
輒傷之

秦鉞

秦鉞字懋功號嶼湖餘姚人正德甲戌登進士第授
湖廣攸縣知縣比直歲凶民力殫竭適負繁多寇盜

一五十二 續修四庫全書 史部 傳記類 4 及五

出沒蒞政之初卽緩催科勤撫字繕垣墉簡士伍民
生樂業賦克而盜亦息時巡撫中丞鳳山秦公金甫
平苗夷檄鉞紀驗功次精覈有條丁丑擢江西道監
察御史輒以風采著聞不避權勢知無不言貴戚近
侍威嚴之嘉靖壬午巡兩淮鹽政務去奸弊餘積甚
夥充助均輸乙酉巡按江西監試事選拔多名士丁
亥陞山東副使整飭徐州兵備尋丁外艱服闋補江
西九江兵備壬辰陞山東布政司右叅政癸巳陞按
察使所至有政績得憲體甲午陞右布政使綜理錢
穀明潔不與輪解出納批答無滯時廟建方興下工
本朝分省人物卷五十一 九

石不談時政巳亥冬乃還故里重建家廟庚子丁內
艱哀勞過常忽構疾疾篤囑其子孫曰吾才智寒淺
賴祖宗積德叨冒至此分願足矣況五十不爲天吾
巳過之豈復遺恨言訖而逝年五十有九鉞長身偉
貌丰格標異立論侃侃襟度豁如也事父母恭謹父
靜齋公足疾拊摩調護躬任其勞太淑人迎養都下
惋愉備至爲文淳古以辨博濟之居官整飭備明治
要百務紛集移時而判其才識過人遠甚子宗道山
東布政司右叅議嘉靖二十九年賜祭

陳克宅

本朝分省人物卷五十一 十
陳克宅字卽卿餘姚人也正德甲戌進士初爲嘉定
令吳中賦重豪右多欺詭爲奸克宅履畝清丈宿弊
頓革以治行最召拜御史首劾巨閹劉允取佛烏思
臧挾邪蠱亂罪當斬又劾武定侯郭勛大不敬直聲
震中外歷按貴州河南風裁益著臺資當內轉冢宰
持私憾出爲四川兵備副使鴛番爲梗勒所部兵益
熾之諸番自是無敢犯者歷湖廣左布政使楚大侵
之後重以采辦民不堪命克宅劑量節縮全楚晏然
尋拜副都御史撫貴州貴州固賊阿向負險逆命克
宅密令死士乘夜半猱升絕壁以索梯度軍大破之

捷聞加俸賜金綺改巡撫應天方去任餘孽復叛言者以罪克宅遂罷歸歸四年而卒已而事白詔復職賜祭葬錄其子克宅敷歷四方有殊績乃其發軔在嘉定至今猶尸祝云

張懷

張懷字德珍餘姚人也富有學殖正德丙子以儒士薦第一連第授禮部主事會武宗南巡伏闕泣諫罰跪門五日杖三十嘉靖初又以議大禮不稱旨杖三十已陞江西參議歷廣東參政所至有廉敏聲突以他事波及勒歸公論惜之歸惟布袍芒屨督耕飯牛過者不識其為官人間徒步欵公門以村僕挾傲冠紳為門者所詬詈樸行素風足范流俗所著有鷄鳴集茹茶錄藏於家

陳煥

陳煥字子文號西愚餘姚人以禮經魁浙士既舉進士授工部都水司主事董漕艘于淮丁內艱服闋補營繕未幾疏改南京由南刑部主事員外郎歷禮部郎中陞廣西右叅議雲南提學副使湖廣右叅政江西按察使布政使入為光祿寺卿致仕煥天性淳厚居官以仁恕為心至義所不可不為苟同當在淮時

本朝分省人物考 卷五十一

十一

浙江四士

武宗南幸巨闕悍將所過大索賄賂莫敢違者煥曰禍福命也何以賂為弗賂亦不及于禍在廣右分守柳州猺獞出沒為患叅將沈希儀領兵界上欲誅之謂之曰獞不可盡雖兵之不能止其患不若諭之義以恩信撫之遂與希儀入其境召諸酋長更為約不犯則賞之諸酋長大悅聽令擁輿送出境而不犯柳州滇南士習異中土煥之教切切惟安貧執義以廉節為先士由是知向方焉歲已亥駕幸承天所過有司或坐供張不具得譴煥條其鉅細罔不飭備復奉旨督修顯陵殫力程工務極壯固稱上意而

本朝分省人物考

卷五十一

十一

浙江四士

監視及承事者因緣乾沒皆不得肆告成詔進一階有金幣之賜一日渡漢江大風雨舟幾覆眾擁泣煥命舟人拯溺者活數十人竟以無虞任江西四年安和寬簡官民便之吉水豪某者依山阻水恃力與有司抗乃逮至庭下察之情人也貸其死笞之卒改行為良民光祿典內府諸饜饐中貴率溢額以需披藉應之中貴頗不便因構語中傷之於是浩然有歸志會歲考察諸大臣例得自陳乃稱老乞歸甚懇上可其奏歸則開圃于舊第之西南壘山鑿池蒔花木構亭其中中有八景皆以愚名自為文記之歲時約

里中故舊賓客讌飲相娛樂飲輒至醉醉更稱曰
醉嘉靖庚戌卒年七十有二

魏有本

魏有本字伯深餘姚人也登正德辛巳進士官御史
首劾武定侯郭勛貪恣宜奪其兵柄都督馬永六將
材可代勛 世宗怒調外任吏部尚書廖紀疏留
本且言馬永有將略名重夷虜御史言是臺省亦交
章如紀奏詔復御史尋按蘇松四郡奸墨褫魄累遷
僉都御史撫河南值歲侵疏請蠲賑凡八上是時宗
藩祿餼工役最爲民困而悍宗要挾輒有譟聚所司

本朝分省人物考

卷五十一

十一

浙江十

者有本裁抑劾治弭伏以聽滿三載改督南京糧儲
民遮道攀留肖像祀之晉南大理卿及貳刑部又以
右都御史出總漕運遂引歸有本愜懣無華平居寡
言笑至談當世務切中肯綮遇大事毅然肩之卒贈
南工部尚書

蕭鳴鳳

蕭鳴鳳字子離山陰人正德甲戌進士授監察御史
時方以言爲諱劾奏兵部尚書王瓊雖小有才多挾
私妄作都督江彬夤緣投托蔓將難圖申救胡副使
世寧孤忠爲國力剪強藩封章慷慨天下想聞其風

采非徒事聲容者比奉 上命巡山海諸關值邊
久弛將官怠縱遍歷邊徼修廢振墜相機設備廣樹
林木多爲覆塹虜騎不敢長驅相顧喙息會傳奉

武宗將出邊捕虎總鎮以下遞相掎剋上疏言 陛
下不當賤民命而貴異物玩細娛而忘遠圖因及官
司掎剋兵民疾苦之狀留中不報嘗疾馳黃花鎮故
視倉糧苴礫居半且侵剋累鉅萬守將盡論如法巨
璫溫祥在司禮監有權令二倅折簡爲請併逮倅治
之邊境悚然士始獲餉先是貴人多冒奪士卒首功
前御史盡爲紀錄悉奏奪之江彬錢寧忿然爭論于

本朝分省人物考

卷五十一

十四

浙江十

前徐曰某地某地相距幾百里某乃同日殺虜彼此
獲功豈能二三其身邪二人語塞巡邊代還畫圖山
川形勢量地夷險叙著機宜方略緩急有差按圖可
議戰守彭都御史澤上其功且薦可大用王瓊以夙
憾不爲覆奏復命巡按雲南值左脛爲邊風所中疾
作遂疏請歸省踰年南幾缺提學御史乃膺簡命素
以人才廢壞爲憂至則振起科條以身範物先德行
而後文藝士有可進者降色溫言懇懇誘掖語及理
道反覆推明其或有不率教者縱其文擬楊馬詞並
莊騷亦在所必黜重以權貴人請之不聽也其諸官

師之賢否生民之利病往昔之忠賢山林遺逸悉心咨訪抑揚興革直欲挽回陋習躋之隆古而與人為善之誠惻然可掬故南士有陳泰山蕭北斗之謠陳謂先督學陳恭愍公選也尋陞河南按察使仍董學政凡所施設一如南畿時內閣欲以怨構誣其鄉人谷生欲假手甘心焉廉知其故不為處乃覆為其子弟甥婿請託又弗許由是憾甚嗾言事者劾之量移湖廣兵備副使未幾復提督學政復仍為怨者所構疏求解職尋丁母憂自是遂不復出嘉靖甲午以疾卒于家距生年五十有五疾革時令子扶坐堂上曰

本朝分省人物考 卷五十一 十五 浙江 三

吾平生不欺使吾一見天日耳子泣請遺命曰為好人餘一無所言學者稱為靜菴先生所著有靜菴文錄詩錄教錄杜詩註若干卷六經方次第有說創草未就為人瓌傑廓落廉靖方介終身無媵侍靜處一室浩然天游常正襟危坐或獨步中庭遇風月清明則自喜曰此吾儒受用處也其於出處之際百折不回其視功名事業則真若浮雲之過太虛也

王 鈞

王鈞字子宜號印巖會稽人嘉靖壬午發解浙闈癸未進士甲申授南京水部主事丁父復齋君憂服闋

補北水部權稅荊州而其地則豪商大賈所湊集也猾僧因緣為奸至者率不免於訾議鈞獨攜一力嚙檠茹茶一介靡所染有美利則稍弛其征以便商及代而去蕭然做篋也甲午轉員外郎中審五聽戒五疵孳孳求民之衷會有勢璫祈脫人獄甚力峻却之絕不與中貴人通凡經論決咸稱平焉乙未出知邵武府每晨起視事洞開重門竟日坐堂上庭宇寂然無一人敢左右睨者百姓望之以為神明也而事則各輸其情蓋筭朴幾措矣有訴娶婦而失其粧匣者詳其詞曰此非外盜必與若同居而異心者耳首則

本朝分省人物考 卷五十一 十六 浙江 三

可以贖罪不深治也明晨一人持所盜物陳於庭稽顙乞罪果其同母異父弟也其不怒而威多若此時有楊行人者以使事道於郡橫有需索吏民苦之鈞取真西山心政經遺之楊慚而亟去巡按白御史行部鈞以禮自將不為折詘乃御史深心銜之下車立索庫藏刑名諸案牘欲有所撻發而不得其隙御史意悟詳其治狀特書薦之己亥考滿當陟矣有嫌之者曰清操士宜主財賦竟轉福建都轉運使其為轉運也如分司荊州時鈞稽宿蠹條畫甚精于時福州缺守巡按檄鈞署焉郡在省郭垢弊若殫鈞夙著簡

肅不嚴而治民有異母兄弟爭產訟者久之不息諭之曰若等非皆若父所生耶若父之心寧使有一不足哉爭而攘之則不足若父憐乎若子也而以貲傷父心寧復爲若輩血食也訟者感泣讓其所爭而退肖像而祀之癸卯丁母憂服闋補長蘆丁未擢雲南布政司左叅政分守諸民故習夷男女多野合嚴爲禁諭稍稍有變者庚戌轉按察使辛亥轉右布政使癸丑轉廣東左布政使在二省兩提秋試綜理嚴密稱得人丙辰入覲陞右副都御史提督南贛汀漳軍務所轄故多洞賊竊出剽掠而當事者益從而騷之

本朝分省人物考

卷五十一

十七

浙江四十一

井德

是上聞復獎賚之是冬長樂興寧龍川程鄉諸處及羅緣洞復相煽動會兵擒勦以次蕩平賊又念廣中寇盜頻繁宜遏其衝無使竊發乃相度要害添設縣治而不逞之徒稍衰止矣廣寧先是督府自置賞功所諸凡金錢得恣出入無與覈者鈔改貯梧州府每有犒賞移文給之出給有稽嫌議不作而軍儲亦漸贏矣己未考績進階通議大夫錄賡一子未幾召爲南京都察院右都御史掌院事始浩然有歸志矣具疏乞休丙寅二月卒前一日大星隕其舍光燄燭天卒之夕印巖崩者數仞訃聞詔贈太子少保賜祭葬謚恭簡

本朝分省人物考

卷五十一

十八

浙江四十一

龔輝

龔輝字實卿餘姚人也嘉靖癸未進士授工部郎嘗被命督木川貴貴州民夷錯居卽有水非殿材疏請得專事川蜀已轉十之七八部檄猶促不置適彗星見詔求直言輝遂上言蜀頻年兵荒財力空匱民不堪命因繪山川險惡及轉運艱難爲十五圖以上世廟嘉納焉蜀人德之至與諸葛武侯並祠尋遷副使督學陝西晉叅政著全陝正要書世多傳之歷副都御史督軍漳贛平懸繩掛坑諸賊巢踰年復有漕

撫之命時河淮二水並注於淮民幾為魚輝以便宜
濟築費省功鉅兩地俱建祠祀以南工部侍郎致仕
家食十五年鶉衣淡食未嘗治垣屋而虔享祀恤癸
孤著宗約鄉閭化之其大者念邑苦賦役白所司丈
田平徭觀風者推其法於全浙出處大有裨益可規
其槩矣卒贈都察院右都御史

楊大章

楊大章字章之號東橋餘姚人嘉靖癸未進士授瀏
陽令瀏陽號難治逋稅至逾鉅萬且狡猾健訟不可
窮詰至則持廉秉正根極弊源賦乃漸集豪民李鑒
本朝分省人物卷五十一 十九 浙江四十一

者籍貫犯禁肆毒隣境甚至拒兵殺官以叛一旦出
其不意單騎即其巢擒之強梗豪俠之徒相戒不敢
犯瀏陽大治丁外艱歸補知歙縣因俗為政寬猛相
濟禮法兼行尚廉節興學校勸農桑剔蠹修廢百里
之間熙然樂業擢刑部主事改兵部轉工部員外復
轉兵部郎中陞山東副使備兵霸州霸州固盜藪連
值歲稔人情洶洶多方賑貸又日練精兵彈壓之惠
溥威振數百里之內始帖然無憂亡命胡廷秀直入
都城白晝劫殺人從西直門出人莫敢逆選驍騎一
二察其向往追至臨清縛來斬之歷參政晉南京鴻

臚卿又擢光祿卿召為工部右侍郎改刑部左侍郎
時海鹽鄭公曉為尚書互相敬愛凡獄無小大原情
比律必期于允當而後已當是時天下無冤民焉無
何鄭公去章亦以疾請告歸山林引興日與諸鄉紳
觴咏談笑以娛天年享年七十有八而卒

陳塏

陳塏字山甫餘姚人身不滿五尺而長於文年十八
魁于鄉已又魁會試皆第五由行人選南科給事中
首劾武定侯郭勛怙寵奸橫狀及與議禮驟進重臣
抗籍甚有聲後提學廣東稱得士如海瑞龐尚鵬並
本朝分省人物卷五十一 二十 浙江四十一
出品題擢參藩而以學臬罷蓋居中者借以釋憾所
罷固其所忌嫉也林居隱約如寒素日耽耽嗜古為
文率醇雅不為鈎棘語所著有戴記存疑受拙藁其
手所丹墨圖史甚多

王畿

王畿字汝中山陰人學者稱龍谿先生正德嘉靖間
王文成倡明理學以教良知為宗郡人駭而不信畿
首往受業焉畿弱冠時以高才領鄉薦士望之若祥
麟及是以所聞出為諸生言願從者日衆嘉靖癸未
試禮部不第立取京兆所給路券焚而歸卒業于師

門師爲治靜室居之踰年大悟曰致良知三字誰不聞信得及者惟我也丙戌復當會試文成命之往不答文成曰吾非欲以一第榮子顧吾之學疑信者半而吾及門士朴厚者未通解穎慧者乏沈毅能闡明之者無踰子今宦學者咸集都門子曷往焉畿曰諾在途自良知外口無別談自六經四書傳習錄外手無別檢間有及時藝者曰業已忘之矣抵都門歐陽南野魏水洲王瑤湖泊郡縣入覲諸同志爭相辨証大爲推服入場屋所爲文直寫已見不數數于時格識者謂此非可以文士伎倆較也拔置高等而同門

本朝分省人物考

卷五十一

三十一

浙江學士

錢緒山亦在選時閣部大臣多不喜學語緒山曰此非吾輩仕時也不就廷試而還時師門來學者衆文成不能偏指授則屬畿與緒山分教之所興起爲多文成論學每提四句爲教法無善無惡心之體有善有惡意之動知善知惡是良知爲善去惡是格物緒山謂此是師門定本不可更易畿謂夫子隨時立教謂之權法未可執定體用顯微只是一機心意知物只是一事若悟心是無善無惡之心意即是無善無惡之意知即是無善無惡之知物即是無善無惡之物蓋無心之心則藏蜜無意之意則應圓無知之知

則體寂無物之物則用神天命之性神感神應惡固本無善亦不得而有也是謂無善無惡若有善有惡則意動于物非自然之流行著于有矣自信流行者動而無動著于有者動而動也意是心之所發若有善有惡之意則知與物一齊皆有心亦不可謂之無矣緒山曰若是是壞師門教法非善學也畿曰學須自證自悟若執權法以爲定本未免滯于言銓亦非善學也時文成將有兩廣之行緒山謂曰吾二人所見不同盍相與就正焉晚坐天泉橋上因各以所見請質文成曰正要二子有此一問吾教法原有此

本朝分省人物考

卷五十一

三十一

浙江學士

兩種四無之說爲上根人立教四有之說爲中根以下人立教上根之人悟得無善無惡之體便從無處立根基意與知物皆從無生一了百當卽本體便是工夫頓悟之學也中根以下之人未悟本體未免在有善有惡上立根基心與知物皆從有生須用爲善去惡工夫隨處對治使之漸漸入悟從有歸無復還本體及其成功一也汝中所見是接上根人教法德洪所見是接中根以下人教法汝中所見我久欲發恐人信不及徒爲躐等今旣說破亦是天機該發泄時但吾人凡心未了雖已得悟不妨隨時用漸修工

夫不如此不足以超凡入聖所謂上乘兼修中下也德洪資性沈毅汝中資性明朗故其學亦因其所近若互相取益使吾教法上下皆通始為善學耳自此海內相傳天泉相証道脉始歸于一云文成發舟畿與緒山追送嚴灘復扣玄旨文成舉佛家實相幻相之說詔之畿從旁語曰心非有非無相非實非幻纔著于有無實幻便落斷常辟之弄丸不著一處不離一處是謂玄同文成亟可之文成至洪都鄒東郭暨水洲南野率同門三百餘人請益文成曰吾雖出山汝中與同志里居究竟此事諸君即裹糧往浙相與

本朝分省人物卷五十一 二十三 浙江十一 李文

質之當有證也明年文成平思田亂歸卒于南安方偕緒山赴廷試聞變渡江復返迎至嚴灘與緒山議服制緒山以為父母在麻衣衰經弗敢加焉畿請服斬衰以從于是共奔至廣信成喪扶櫬歸越經紀喪事廬于墓定服心喪三年建天真書院于省肖文成像其中且以館四方來學者歲舉春秋仲丁之祭無問及門私淑胥以期集祭畢分席講堂呈所見于公取正焉心喪畢壬辰始赴廷對時相張永嘉欲置甲不果開吉士科道之選欲引之不應久之授南職方主事尋以病乞歸病已待禩時相夏貴溪言議選

宮僚其婿吳儀制春畿門生也首以薦貴溪曰吾亦聞之但恐為文選所阻一往投刺乃可畿謝曰補官僚而求之非所願也貴溪怒曰人投汝懷乃敢却耶若負道學名視我為何如人遂大恨補南武選會三殿災詔求直言六科疏薦王畿學有淵源宜列清班備顧問貴溪稟旨詆為偽學而罷薦于是再疏乞休銓司報予告矣踰年當考察貴溪使謂考功司郎中曰王其偽學有明旨即黜一人不可遺考功雖附勢猶畏公議未敢決而時知之者交以書責考功唐太史順之至以為不復知人間廉恥事考功怒遂決去

本朝分省人物卷五十一 二十四 浙江十一 李文

以快意而因厚自結于貴溪故名雖高仕竟不達然終不以是動心而孳孳以講學為務所至接引無倦色自兩都吳楚閩粵皆有講舍江浙尤盛會常數百人年八十餘猶不廢出游有止之者輒對曰不肖豈真好勞但念時常處家以習心對習事因循隱約有密制其命而不自覺者纔離家出遊精神意思便覺不同與士夫交承非此學不究與朋儕酬答非此學不談晨夕聚處幹辦此一事閑思妄念與世情俗態無從而入蓋欲究極自己性命自然不得不與同志相切磨若同志中因此有所興起欲與同了性命則

是眾中自能取益非吾有法可以授之也又曰不肖百念已灰而耿耿于心不容自己者有二師門宗說幸有所聞常年出遊思得一二法器相與證明衍此一脈天壤悠悠誰當負荷六經四書之文厄于後儒之臆測附會道晦學荒蓋千百年于茲矣先師首倡良知之旨于聖學脈賴以復續不肖晨夕參侍謬承受記時舉六經疑義面相指授欣然有契稽諸遺編所可徵者十纔一二衰年時日有限若復秘而不傳是師門之罪人也思得偕同志數輩相與辯析折衷聞舉所聞編摩纂輯勒為成典藏之名山以俟後聖

本朝分省人物考 卷五十一 二十五 浙江

錢德洪

錢德洪初名寬德洪其字也避先世諱尋以字行更字洪甫餘姚人也正德間陽明先生倡道東南德洪實首師事之嘉靖丙戌舉禮部遂引疾歸真以卒業戊子北上聞師訃而返保孤寧家不遺餘力至壬辰始應廷試又以親老乞恩便養得教授姑蘇士幸博一第恨不能立致通顯而六年寂冥其受命衡要其中必有以勝之至以司寇郎訊郭勛一事大悚然可

異焉夫翊國公郭勛者固上所寵怙即召不往豈真欲殺之乎巧為逢而附輕可也而必不敢輕及言事諸臣欲殺之從眾而附重可也而必不敢重 上怒尚書以署事為解罪可分也而必不敢分寧身揆三木日與楊御史趙都督講易不輟助死乃得釋隆慶初臺省交薦議召用時年已七十矣詔復原職進階朝列大夫其平生自言曰學貴有得遇物而反非真得也今觀其退可遺榮進不避難其殆有真得者歟子應樂舉于鄉三為縣令而居業蕭然亦克肖矣

孫應奎

本朝分省人物考 卷五十一 二十六 浙江

孫應奎字文卿餘姚人也嘉靖己丑進士為禮科給事中疏劾冢宰汪鉉忤旨幾斃杖下謫丞華亭鉉亦尋罷已移江陰令歷官右副都御史應奎初舉于鄉即師事文成授傳習錄一編其為人剛直自負能堅持是非不可奪居官聲績矯矯斷獄雖忤權貴必伸其法當山東布政時有開膠萊河之議御史衛命往應奎按視地勢必不可河即河無益徒愁勞百姓爭言諸不便狀及奏上朝議直之役竟寢入觀與冢宰爭官屬可否冢宰欲有所曲庇執之愈力竟不得生平風力任事此其大者其鄉頗自簡貴迄無阿私子

汝賓洪孫敬愿先後舉進士

周祚

周祚字天保山陰人嘉靖丙戌進士授東阿令邑號罷劇縮贏直罇民獲息肩教訓聽斷煦煦如家人東人悅之丁父憂去闋補來安修阿之政邑人大悅徵拜兵科給事中每自矢曰幸備天子耳目持論務存大體苟可納忠母恤我私疏陳任將賑饑弭盜均牧省兵稽尺籍清旣弊慎祀典飭荒政覆首功十數事皆切覈救時虜躡遼東大康堡殺傷頗衆祚奉命往按具得實狀釐別功罪以聞閱其事出叵測悉傳與

本朝分省人物考

卷五十一

三七

浙江

輕比而反覆陳邊兵芻糧大計 上悉嘉納之還至

三河蒙犯風雪會有進貂裘者峻拒之遂中病手足攣痠醫不能愈以疾免歸歸則肆力鉛槧去雕去腐時為燕趙激亢之聲詩淡者似建安沉鬱復似少陵而瑰心竒氣若河流下龍門積石奔激不得瀉風觸木怒號撇旋漂擊已而噫氣冷然故攬其詩文而志可悲也

周如底

周如底字允直餘姚人也嘉靖己丑進士初知瀏陽改婺源時汪太宰鉉方柄銓家人橫甚如底一裁以

法汪憾之移判武昌汪去位始擢工部主事歷營繕

司郎中時 九廟四郊 慈慶慈寧諸大工繼起川

湖巨材啣尾至故事至則輓入臺基山西二廠聽內豎取裁繕司唯唯而已如底密召工師索其總冊梁若干柱若干長圍若干椽桶椽檻之類畢具乃令輓木者悉以木置長安東西街召諸匠如式裁用然後進兩廠而所餘關頭悉送器皿廠造御器內豎一無所得內外提督若太監高忠武定侯郭勛並貴寵用事雖屢肆叱辱如底第含忍偵卒日夜伺其起居竟無隙後以積資擢太僕少卿念親老未嘗携家憂思

本朝分省人物考

卷五十一

三八

浙江

勞苦被疾請告歸歲餘卒無以為殮其清譽益彰云

呂本

呂本字汝立餘姚人也初誤姓李後奏復嘉靖壬辰進士是科選庶吉士卷呈 上糊名不密命復選而乃得本本丰姿玉峙人蚤以公輔期之已授翰林檢討出為南司業七年而晉官坊時上方銳意總覽本主順天丙午試試目禮樂征伐自天子出錄文有治以一統為盛勢以不移為尊等語大稱 上意以丹筆標其句蓋嚮用始基云遞晉兩雍祭酒己酉會卜相廷推六人本次未竟被 特簡以少詹入閣辦事

一萬一千... 子... 5 反之下

歷十三年躋少傅眷遇渥甚丙辰克會試總裁復掌銓登斥稱旨褒擢本身事察主且又介分宜華亭機穽間負孤誠自若上不疑而下不忤要其識度有過人者立朝所奏對悉關大體而調停景裕二邸以安國儲力居多至其主城江南議爲半壁保障則龍山有祠血食無忝辛酉丁太夫人艱歸夷倫林下者二十六年備極人間之樂終其身無疾言遠色所容接靡不醉其盛德焉萬曆癸未年八十命所司存問又四年而卒贈太傅諡文安官階恩數略與謝文正遷等而齒過其二子元稱象賢諸孫翩翩文學胤昌胤

本朝分省人物考

卷五十一

三十九

浙江十
孫明

初其顯者人謂其生平所邁得天獨侈抑其厚德有以基之矣有期齋集奏謝稿館閣漫錄行於世

管見

管見字道夫號石峰餘姚人嘉靖乙丑舉於鄉明年登進士授常州府推官風檢嚴峻見理速而持事堅權勢不可動搖蒞任未久豪強斂迹心惟公恕冤獄多所平反春岡劉公按江南首薦之諸當道有疑難事累年不決者必以屬之一鞠自無遁情崇明劇盜數人流劫瀕江州邑遠近震驚奉中丞檄設策勦捕不旋踵熾滅殆盡宜與逋負數千萬緡至縣令坐累

以死往視篆甫下令雖素號豪猾者無不悔罪一時

輸納具足繼視武進無錫治如宜與人稱神明焉所

至尤加意學校以美餘置學田若干畝士類德之於

是聲名籍甚撫按交薦無慮十數章壬辰徵天下良

吏治行第一擢吏科給事中念既爲天子耳目凡

繫國家利害生民休戚無不言而明於臚要必期有

濟尋轉兵科左給事中監壽陵大工時戶工二部建

議加賦以佐工費抗疏極陳利害以爲不可上是

之仍黜二卿海內陰被其澤及轉戶科都給事中以

疾乞歸已而復起補禮科嘗疏止車駕謁陵之行又

本朝分省人物考

卷五十一

三十

浙江十
孫明

條陳邊藩事宜甚悉咸著爲令辛丑正旦日食上

詔輔臣宗伯禮科至便殿議朝賀應否衆猶豫不敢

決見議朝賀宜擇日行以明皇上敬天之意上

嘉允之癸卯擢廣東右叅政廣東多貨寶地水蘖自

勵矚然無染無何入賀萬壽事竣以疾請解職疏凡

三上得俞旨病痊有司具奏錄用既謝事歸足跡不

入公府日以睦族善鄰明農教子爲事時或偕知舊

觴咏琴奕倘伴山水以自適臺使屢薦起之不應方

葺草堂於峽山之間將耕釣老焉而病奄至矣壬戌

十二月卒距生七十有二

來汝賓

來汝賓字子禹蕭山人嘉靖壬辰進士鄉舉及禮部試皆第二授知奉新縣其俗獷鬪狠訟抵訐拏健務必勝不勝則陰持上官短以責右無已至則迹其尤者數人痛法繩之既而曰此豈道化意耶於是開學館延進諸生為指示經法如是而為文章如是而躬行諸生歸以語其父老子弟父老子弟皆曰吾令良願自輯不敢為非凡在奉新十月而調丹陽丹陽道衝兩都舟車至西郭門日數十百縣令日出河澣造請諸大夫視供具徒隸一一指授無失賓客意久之

本朝分省人物考卷五十一

三十一

浙江十

歸縣中為民均賦平爭訟調繇作又時延進學宮諸生講說經訓勸行如奉新時愈開館穀諷誦不絕日不暇給至積瘁咯血不自支云居職廉謹歸時橐中不能十金所至務為民興利在奉新開五鄉塘瀦水田皆肥饒在丹陽則濬練湖溉田少旱患生平無所嗜好但好讀書自為諸生至劇吏未嘗廢稱說也丙申徵入為兵部主事改禮部員外郎未幾疾作累疏告歸歸五日而卒年三十六耳

諸燮

諸燮字子相餘姚人少卓穎負奇氣稍長下帷究經

義為舉子業雅馴超邁一洗陳言登嘉靖乙未進士除兵部主事守山海以簡伉忤本兵巡撫大僚竟為所中謫茶陵同知不赴任歸居錢塘區曰梅隱迎父母就養梅隱者其父別號燮亦因以自托謂如梅福隱吳市云遠近士慕燮經學願執經受業者不下百人燮喜因不復有仕進意踰年朝議量移湖州通判所知致書勸之仕始隨牒往三年晉邵武同知兩倅郡皆寬簡馭下勤于勸學氓士胥懷之及以艱歸有自閩負篋來依止者燮館穀之不斷也丙午終服從游者益眾開化諸士咸請傳經于其邑六月返棹過嚴陵濯足灘上溺死歸柩于杭弟子皆失聲哭葬錢塘石屋山燮深于經學然耻立門戶指取高第有進用階而脫略自喜恬于華寵標度不耐羈縛恒布素行街市中若無名秩者歷官五品惟以授徒給生計其介守可知矣

本朝分省人物考卷五十一

三十二

浙江十

孫陞

孫陞字志高餘姚人忠烈公第三子自幼穎特不凡髫髻即嗜學日記數千言讀史至名賢傳輒以自期弱冠補邑庠弟子員課文必循矩度同輩莫不感服正德己卯忠烈公撫江右死寧庶人之變陞隨二兄

誓死復讐會庶人就擒乃扶柩東歸廬於墓茹素二年巡按韓公聞而賢之召試越王臺吊古文大驚謂可與唐王勃滕王閣序並稱名隱隱起嘉靖乙酉舉於鄉丁亥遊太學時伯兄堪官錦衣隨楊夫人就養傳經都下家窶甚乃自題曰勿謂古人爲不可及勿謂天下第一等事爲不能做帖之書厨其礪志類此乙未對大廷賜一甲第二人授翰林編修感上知拔閉門檢身心研墳籍求所以經世務絕不與他曹事已亥春冊立東宮詞林官例得補宮寮人爭競進陛獨不然居其後者以妨已讓之竟不爲動乙巳以

本朝分省人物考

卷五十一

三十三

浙江

校勘列聖御文五經二十一史遷右春坊右中允與修大明會典清理軍職貼黃丙午主南畿試事崇雅黜浮所取多名士一切宿弊芟革殆盡己酉晉國子監祭酒教先器識敦實行命諸生各舉所知拔其尤者揚於彝倫堂以風其餘又慮浮競難制懸格二十二條就行之不以親故關說輒改或遇貧喪出粟爲助諸士咸服辛亥陞禮部右侍郎值華亭徐公爲尚書協恭一心裕景府冠讀禮商決居多壬子上卽舊邸建元祐宮命安神祭告奉使謹飭所至減騶徒有司或供治過具悉揮去過襄鄧間見民治河多菜

色哀而憐之作詩遺守臣遂得給廩守臣爲鐫詩於石癸丑改吏部右丁內艱朝紳禮餽悉謝却伯兄卒歸二喪廬墓茹素如忠烈公時人見其毀瘠勸之肉食不從淚輒下以是得脾疾服除薦疏踵至徵拜禮部左侍郎旋改吏部陞樂道人善察其可用卽白太宰不欲人知檢礪水操視毫末非義若將浼己人素信之無敢以私入者丁巳進南京禮部尚書至則懲俗奢靡敦朴素爲諸曹先疏陳較術業數事剴切可行詔嘉納之又因曹務稍簡益留心治道凡邊塞險夷戶口登耗與夫刑名錢穀庶政一一研究顛末思

本朝分省人物考

卷五十一

三十四

浙江

注措之屹然爲後進法程庚申以疾卒壽六十計聞詔贈太子少保謚文恪賜祭二壇生平孝友天植事忠烈公與楊夫人始終盡志事兄如事忠烈公無巨細必稟命而行坐必侍側痛父殉節戒勿治家慶手絕不書寧字卽用必以他字易之終不爲人作壽父文至母棄世亦不爲人作壽母文平生無家念一介之微苟有未安曰趙清獻必不如是雖奇字名畫玩適之物泊然無欲教諸子不專文藝嘗曰養德養身養學三者須日體驗不可缺一故伯子太宰繼仲子翰林鈺叔子光祿綜季子兵書鑛幼子璣俱奉庭訓

不脫書生氣味睦宗族懇懇導之為善雖幼賤行坐必以齒叙既貴徒步里中非遠行不肩輿重交誼尤篤死者同年韓修撰卒撫其子白部使者立忠表誌華州王司成地震卒收其文序以傳士大夫咸服為古道其問學不自暴炫於典籍百家金石竹簡之傳并國家典故無不洞悉為文宗兩漢詩宗杜氏慕而求之者非其人不授筆至關綱常如餘姚謝生殉賊及雲樓王氏雙節皆為立傳所著有易測窺天錄及詩文若干卷

蔣坎

本朝分省人物考 卷五十一 三十五 浙江四十一 蔣坎字養孚號澄江餘姚人登嘉靖戊戌進士授兵部武庫司主事丁內艱改除職方司轉員外郎尋晉車駕司郎中遷知江西瑞安府遭外艱起補臨江府

其初為主事提督武學不徒取具課程親授諸生韜鈴指畫方略如指諸掌出其門者多著武功大殿工與大司馬遜以董其役覈諸奄占役冒支弊中人怒計欲中之豫廢其奸獲免工竣蒙賚銀幣其為駕部故事使客給關支率由車駕司坎銳意節省任怨不恤無所徇假請符者往往不悅先是中官以覈冒支衛坎至是以裁符傳故中官愈不能堪遂詭挾若逮

之者坎則挺身直往將為扣閣狀奄輩計沮皆散走或更為好言解之其矯矯風節類如此總督曾石塘公建議建河套詔廷議之廷臣多顧忌相視莫敢先發坎獨上書十七事鑿鑿皆攘胡大計切中機宜雖寢不行而朝論躓之出守瑞州瑞俗好訟計難治坎剛明剽割若烹小鮮有部下巨猾熊騰峰者把挾官府屢中以危法上高黃令性朴而疎任僅三月以贓罷免坎閱招辭知為熊所中傷乃召其邑父老識之交口寃黃遂全黃而誅熊瑞人萬口稱明嗣補臨江臨瑞皆左右地俗習相沿坎以治瑞者治之政聲大

本朝分省人物考 卷五十一 三十六 浙江四十一 起歲亢旱禱雨雨輒應郡中多劫殺耕牛計捕之盜屏迹郡有蕭灘駟衝甚時分宜權動灼天下子姓往來相屬雲焱逢軼傳騷弗堪前守率厚款遇坎獨御以常憲不少假貸故雖積有聲望薦剡至十數上而竟以觸忤當路媒孽罷官以去其子勸能舉進士為主客司副郎尋蒙恩復職致仕再晉中憲大夫復進階太中大夫卒於隆慶四年閱世六十有四

陶大年

陶大年字長卿會稽人嘉靖辛丑進士授南京兵部主事職督武學諸生為條具科指一如督學使者功

令月以十五試騎射制策第其甲乙而賞罰之人人感奮久之遷員外郎中出守吉安巨盜劉某主與援暴里中先守莫敢誰何至則嚴督賊曹椽竟捕得之復窮治者主名是巨室也或謂是夫百足之蟲扶者衆矣不聽竟置重典有貴要子倚勢睚眦殺人者斷其股棄之死者家上變告貴人書求寬假者紛至一鞠卽首服竟論如法遷山東副使視海上師青州楊施仁者大猾也鼓衆倡亂應者至千人授方略擒治之解散其黨事聞陞俸一級改閩憲時寇已薄福寧城方在重圍中一日夜馳至其地爲擘畫戰守具相持累月賊知有備乃引去去而圍連江連江邑小城廩幾爲所陷者數矣復檄閩浙兵大破之斬首七十餘級生得夷酋六人賊勢大沮改四川參議分首川南道復調廣西潮寇張璉者倡亂甚熾四省會兵合討大年督狼土兵數十萬先諸道至不期月璉授首捷聞有白金文綺之賜晉江西叅政主督餉時三巢諸酋連結閩廣群盜聲勢相倚撲不可滅大起諸道兵爲犄角餉每先期以辦軍卽異道至牛酒芻粟無不時給師克有濟以下母憂歸無何朝廷以災變考察方面官向所論主盜者甚且貴爲京朝官欲其

本朝分省人物考

卷五十一

三十七

浙江四十一

姜洪

心焉而諸勢家爲所抑不得逞者比而傾之遂落職子允光以進士爲刑部郎中所著有讀史日抄竹屏偶錄見聞所錄私記遠記諸書藏于家

沈東

沈東字宗安號梅崗會稽人嘉靖癸卯鄉薦第一人甲辰成進士司理徽郡拜給事中觸事憤憤每語及分宜父子目皆皆裂會總兵周尚文卒請卹典嚴氏憾其素不附已報寢抗疏言尚文忠勇素著國之長城其死也邊人亡不灑涕者身後之典格而不議何以示勸夫當事之臣不能上體聖心任己意爲予奪

本朝分省人物考

卷五十一

三十八

浙江四十一

姜洪

臣竊悼之疏入嵩大恚條旨賜杖闕下尋繫詔獄垂絕者三四庚戌虜人犯關京師戒嚴詔集廷議國子司業趙公貞吉抗言曰驛沈東之囚以求直言錄周尚文之功以勵邊將虜可不戰而退東在獄聞虜變具疏請得精騎五千往來督戰以外疑虜而內翼都城且度虜飽而歸必道涿鹿出遼薊或衝突于宣大宜傳檄諸路乘其惰歸設兵夾擊必大勝嵩見疏輒又斥去曰囚安得與朝議其後餘姚趙錦上虞徐學詩會稽沈鍊先後上書論嚴氏悉被逮謫謫以去時號越中四諫時嚴氏恨越人特甚而言鍊與東同宗

疑有連益切齒腐心屬主者加械手足分且死戕家
人叱後事賴華亭徐少師中收得免後嚴氏敗詔釋
獄 莊皇帝登極起遷給事中擢河南布政以疾辭
免歸初在獄中所著有周易通解文言說內外歸里
著易圖洪範律呂諸說詩春秋周禮諸解及潮候集
雜體詩藁藏于家

沈 鍊

沈鍊字純甫越人也少而讀書有異氣從王伯安先
生游先生一再與語即奇之曰生千里才也辛卯舉
鄉試又七年成進士為溧陽令其治以博擊豪強衛

本朝分省人物考卷五十一

三十九

浙江四十一
吳士元

赤子為急用伉倨忤御史得調在平以父憂歸服除
補清豐令錦衣帥陸炳聞而賢之請吏部得為經歷
至則與鈞禮終不敢以分相加炳與嚴氏父子深相
結以故鍊間從世蕃酒世蕃虐所狎客給事中飲并
其任強灌之鍊即以灌世蕃曰吾代客酬也喜從尚
寶丞張遜業飲少飲輒醉醉則擊缶鳴嗚誦出師二
表赤壁賦已慷慨曼聲長嘯泣數行下于時虜闌人
塞都門不啟 天子憂會虜獲我中貴人為媢書附
以進曰予我幣通貢即解圍不者歲一斃而郭時華
亭公領大宗伯要諸大臣以御朝請 天子下其書

大宗伯會文武羣臣計孰便國子司業趙貞吉曰步
所謂貢者彼薄城而軍我乃城下盟竊以為 天子
御奉天門出內帑士上驛言者旌功臣虜固當自退
而檢討毛超囁嚅言吾固寬虜以予貢而出之而後
議守便趙廷叱之爭之堅而鍊復為申趙理刺刺不
休太宰夏公怪而問曰若何小吏也鍊目攝之曰人
吏噤弗言故小吏言胡怪也且不曰主辱臣死耶太
宰意不得自罷而華亭公持眾議上竟弗予貢次日
天子出視朝有所誅進矣當是時鍊負氣甚壯欲力
吞虜幾得一身當一面畢見其長乃上疏言請以萬

本朝分省人物考卷五十一

四十

浙江四十一
吳士元

騎護陵寢萬騎防通州餉而合勤王之師十餘萬鼓
而薄其情歸必大勝報聞罷蓋是時相嚴嵩獨貴幸
用事數寢抑邊事不以報而見事急則若為開言路
有所誅進者將帥當事臣迫誅益入昧居間嵩以免
而其進有時賄賂價暴起言者日以益嵩日以重于
時鍊方飲張丞所泣而歎曰詩不云乎歛歛訛訛亦
孔之哀謀之其臧則具是違謀之不臧則具是依已
矣亡所信吾謀矣吾即不死而苞苴日蠅然過我而
集于西第何也且夫社稷何賴焉乃抗疏言相嵩父
子翼虎鼠社悞國大計請儻之以謝天下太宰阿私

亡所異同宜從坐詔以鍊昔歲誼譁亡人臣禮今復
誣詆大臣自爲名廷榜之數十謫田舍外而先是趙
貞吉亦坐他法謫斥矣鍊當田保安倉卒寄妻子廣
柳車未有舍而保安賈某者傍睨曰公非上書請誅
嚴氏人耶揖之入徙家而家鍊鍊始有居矣里長老
問知其狀咸大喜助薪粢而遣其子弟來從學稍與
語忠義大節則又大喜而塞外人釁爭爲詈相嵩以
快其意因日相與詈嵩父子以爲常至爲偶人三象
唐相林甫宋相檜及相嵩而射之語稍稍聞嵩父子
啣之切骨而侍郎楊順來總督故嵩客也前大帥某
本朝分省人物考卷五十一 四十一 浙江十
徐崇

將以間而取若父子世蕃曰吾固知之卽以屬巡按
御史李鳳毛鳳毛謬爲謝曰有之竊陰已解散其黨
矣鳳毛得代歸遷爲光祿少卿而御史路楷來又嵩
客也世蕃爲酒壽楷而使謂順曰幸爲我除吾瘍事
成大者侯小者卿順則與楷合笑捕諸白蓮教通虜
者竄鍊名籍中以謀叛聞而前大帥時理兵部無異
取中旨僂籍其家而予順一子錦衣千戶楷候遷五
品卿寺順猶快快曰丞相負我薄我賞猶有所不足
乎謀之楷取鍊二子杖殺之而移檄越逮其長子諸
生襄至則日掠治困急且死會給事中吳時來上疏
本朝分省人物考卷五十一 四十二 浙江十
徐崇

業以選僂避虜俟其解則縱吏士取死人首甚者夜
徼避兵人僂之以爲功鍊廉得其首主名貽書謂之
前大帥恚旣得代卽以屬順曰是故撓乃公事者丁
巳虜大入破應州堡四十餘順見以爲失事當坐益
縱吏士殺僂避兵人上首功以自解而鍊復廉得其
狀貽書謂順語加峻且賦詩及樂府者二或謂公遷
人非有言責毋爲爾鍊怒曰吾嚮者豈亦有言責耶
若視吾眼在否而欲盲我夫殺人而欺其君以要賞
吾誓不與共天順聞益恚以其私人經歷金紹魯指
揮羅鎧走嵩子世蕃所曰是夫也結死士擊劍習射

論順楷誤國大罪 上怒相嵩不及爲之地急下緹
騎捕治順楷而襄得釋居久之相嵩敗世蕃斃死御
史維新復論順罪而微爲襄理還其諸生 穆宗初
詔褒言事者沈之寃始大白贈光祿少卿贈祭錄一
子太學裏用諸生久以膺貢上春官伏闕上書極言
總督順巡按楷殺人奸黨狀而給事時亮瓚相繼以
封事諸詔可捕順楷司寇獄論抵罪當虜掠近郊時
都門閉鍊急謂陸公勿閉門閉門以民予敵矣陸爲
言于上而許之所入男女以巨萬計鍊于詩文援筆
立就奇麗甚而不能盡前其牢騷憤激之氣往往多

楚聲以故人咸讀而憐之其死以丁巳之十月十七日得年五十有一子四長即襄次袞次褒死惟最少子袞以釋免襄既白報公警推太學恩予袞

陳陞

陳陞字晉甫餘姚人也嘉靖辛丑進士父煥光祿卿賜歷外藩具有幹濟為光祿時例及引年陞與仲堉並登朝籍煥語二子曰乃公倦矣抑人有言飲不盡樽以遺子孫吾其休乎遂乞歸築地開圃日與故舊賓客飲宴陶然適也陞醇謹有父風選庶吉士授編修終南禮部侍郎居官不矜崕檢質行自茂 世廟

本朝分省人物考

卷五十一

四十三

浙江四十一

井五

在齋宮用儒臣撰文得速遷陞獨辭避棲遲詞垣者二十年當其時推轂者亦鮮晚乃簡陞禮侍再起曹而年不待矣寧鈍遲母巧速不可謂非賢也季觀子鏞俱成進士議者以煥達挹滿之數而駿發於其後云陞贈禮部尚書謚文僖

宋大武

宋大武字文成餘姚人也與弟大勺從子岳同登嘉靖辛丑進士授刑部主事進郎中持法平恕不為苛驚以阿當道時緹騎橫甚輒罔無辜巧詆委成西曹以希賞格西曹畏緹帥貴幸無敢抵牾大武輒白其

枉釋之已出為永平守永數中虜為繕城守備要害永賴以安歷廣東副使治海南四郡時有臨高隄林之寇撫定之功為多擢本省參政歸大武故善病既家居杜關靜攝引年大耋即里巷不覩其面者幾三十年每事依于孝弟斯可謂篤行君子矣

趙錦

趙錦字元朴餘姚人也參議墳子墳廉直以古道自持故宦跡齟齬然多惠愛去後常見思歸田所居僅蔽風雨錦少嚴整強骨自立越俗巨家子弟即庶人必儒服錦獨著田間冠娶婦登嘉靖甲辰進士授江

本朝分省人物考

卷五十一

四十四

浙江四十一

陰令課最徵拜御史累疏言國家大事皆稱旨大學士嚴嵩父子專擅為奸利錦因日 上疏極詆其惡娓娓萬餘言嵩恚甚時錦奉詔雲南清軍政緹騎萬里往逮備諸難楚不為動至下錦衣獄榜訊幾絕除籍歸家亦貧父子布袍蔬食適 莊皇帝即位錄諸諫臣起錦復為御史累廷南京吏部尚書侃直如故與江陵相不合復引歸江陵敗起故官尋改左都御史時眾攻江陵 上震怒籍其家錦獨上書申救無阻將來者任事之心議者稱其得體遇艱歸再起刑部尚書未至卒謚端肅

周如斗

周如斗字允文餘姚人也嘉靖丁未進士授貴溪令以徵拜御史按三吳會倭內訌兼會勅監軍將士提書屢至歲且稔疏請蠲稅瘡痍用起吳民德之瓜期叩關乞滯特賜允明年倭再訌於松城守戒嚴奔命者守帥拒弗納適如斗行部至厲聲曰即弗納是驅之死也脫有不虞吾任之扶携而入者頌載道倭亦旋解居中調度獨多焉為倭帥所忌僅資金綺加俸一級自是為南督學南督撫寔卿大夫所推轂云於時三吳賊重而軍興加派更疲甚如斗蠲法煦摩

本朝分省人物考

卷五十一

四十五

浙江

倍殫心力已徙撫江右病卒至今吳人有周邵之稱邵名陞後二紀而按吳者也子思克壬戌進士

陶承學

陶承學字子述會稽人幼端凝少言笑其祖方塘公憐愛之時訓導於鎮江携之學舍未幾方塘公卒於官棺殮不給無以歸丹徒令蔡時來吊承學年甫十齡出拜客儀度兀然詞對贍敏令大異之曰陶先生有孫如是寧死也厚為聘祿而歸之登嘉靖丁未進士授中書舍人庚戌選為南京御史巡鳳陽倉時咸寧侯仇鸞擅寵握兵外挾虜與為交關言者多罪斥

承學疏列力詆之明年鸞敗聲日起在南臺六年甚

著風裁差滿報命屬吏多循規例修舉主之禮一切屏絕不得通或志乘圖牒當受者皆令於岸上發露紛披方許入舟丙辰出知徽州府徽故善鬪諍訟牒滿篋或數十歲不結每日庭質輒慰諭之曰此處殊不易入汝更思之欲罷猶可罷不汝竟也稍纖細者輒曰此何足煩官府歸令汝父老議之議而未當吾為汝治未晚也訟殺人者多不以實每須檢驗必先與約曰此非汝父即汝兄也非有沉寃巨痛而戮其腐骨即與子弟殺父兄者同律令責認狀不得實即

本朝分省人物考

卷五十一

四十六

浙江

坐遂法一二人後以大衰而九敏于決斷未嘗滯日宿辭下邑民裹米就讞者朝至夕去徽人號為半升太守言食米半升可了官事也始至每狀期多至數十百張二年後不過數牒而已亦有放告遂無一人應者隸卒無事多訴求復業椽史貧餒然無一人以賊敗者始雖少望後更用感慕三殿災部使採木江南者以微多木商特重其額乃力爭之曰木商販木於外耳郡未嘗產木也議遂上得減十之五六凡四載郡中士紳無敢以尺牒白事者有新進士謁見當中門馳入左右侍者皆然承學肅入客座詞色

無異茶畢送至堂乃揖就東階徐曰昨汪老先生見過亦從此出汪老先生前吏部尚書鉉也新安至今傳之以為佳話入計部考為卓異第二人是時柄臣子亂政取貨觀吏為黜陟承學入都單刺而已然循廉之名聞於天下循資轉江西副使視兵九江瀕行父老爭資持擁門頓首曰明公去徽筭中無徽州一枚錢設鄉中親故從明公乞土宜扇墨何可不應乃為受墨一定扇一握而去方在郡時下邑人有板書爵里供奉于家者及去乃相率立祠於郡郭置田供丞嘗會景藩出封泝江而上牽舟者數萬人徽奉檄本朝分省人物考卷五十一 四十七 浙江 五十四

當發萬人助役逆於江承學時備兵九江力言於監司曰山民水役本非所宜又徵發于千里之外曠日坐候殆不堪命莫若責直于徽而募人於瀕江瀕江民樂得豐直而徽可大省此便事也監司以為然於是徽得罷役省公私費數萬民賴以全活無道死者乃益感激思慕每過祠下必拜生日共祝釐於祠其賈四方者遇越人必問陶大爺安否後其子望齡以官諭歸省道過新安所在擁塞廵路皆歎曰此陶大爺兒故老就見有淚下者其見慕愛至此其在九江適贛賊流臨吉戕副使汪一中破玉山縣江右傲擾

承學治兵湖口防其突逸至黃石磯與賊帥袁三遇三劇寇也諸將屢討不得麾舟師鼓而薄之賊矢及所坐舟繚斷帆解督戰愈厲竟盡殲焉捷奏賚白金文綺癸亥陞湖廣叅政分守澧州去九江時積美金數百兩以繕郡城工竣郡人為碑以紀其事踰年陞福建按察使節丁內外艱六載服闋再補廣東連遷河南左布政使凡納令與輸者出令與受者乎手交衡如民間人而美出而損者即時面白雖錙銖必罪以府官一人監視而已受成焉從應天府尹陞大理卿轉工部右侍郎戊寅陞南京禮部尚書時刑書吳本朝分省人物考卷五十一 四十八 浙江 五十四

百朋請老騰書政府舉承學自代或以告曰公第徐行旬浹可無南也聞之促裝遠發至禮曹有吏沈鉞暴於眾積貲幾萬廉得其橫惡狀杖之至斃時有傳給事者楚人怙江陵寵勢傾一都承學適攝工曹傳數受商人財為言事及為沈鉞關說皆拒不聽積志甚而承學於江陵為同年甲慶都絕始猶以時望見重後迺大懟辛巳京察遂囑言官實名拾遺疏中河南道邵陛抗言陶宗伯清德素聞恐違物論江陵怒曰汝試言今九卿誰非清官即後江陵敗撫按薦疏七上竟不報生平薄於聲色貨利如水本淡如雲本

輕筮仕後所人俸祿皆歸諸伯兄每自外歸必傾囊篋手拮而出之雖把握之物無所畱或言男女長大須少儲者笑曰吾兄弟所謂異頭而同身者又何間焉所居宅惟樓三楹與弟布政幼學共之家指漸蕃乃於室中藩屏以處終其身無所益所親嘗詰之曰人皆欲富惡貧而公獨異者何也對曰吾何以異于人但生平面皮太薄手腕太軟門吏在傍吾愧之不能貪耳聞者傳服後疾卒予祭葬如制

范 櫛

范櫛字子美會稽人幼貧甚父沒幾奪業已益自奮

本朝分省人物考

卷五十一

四十九

浙江

滿服試縣中第一大爲令所賞爲諸生十年授徒自給嘗開兩館往來講授時母老而配沈病臥講畢復步歸爲炊常奔走無課文暇時於塗間默構之每往返輒就兩義晚歸恐兒啼煩大母懷之潛步月中運思成課課更多其伍其精苦如此嘉靖己酉舉于鄉連成進士授工部主事管節慎庫蒞事日嗽餅數枚以廉謹稱職時有昌平密戶百許人俱以犯陵脉讞論死心哀之念必有首事者得之餘可活也竟坐一人死餘悉減歷員外郎中出知淮安時倭驟犯鹽城轉掠廟灣督府集兵五萬七分十七營以禦之而

自將卒屯菊花潭以杆城畫繕兵械宵嚴守備時積荒後府藏虛諸軍所給餉日千石餽者三萬人商賈希少倉糧告竭于是私發銀三萬兩六道往糴五旬米至就船中減價糴之以銀三萬償糴本而空獲米五萬石軍興給足卒以殲賊自受事不解帶者半歲衣漬表裏粘合爲一肌染如漆兵事甫罷而景藩役興王舟之涉淮也供頓千里舳艫萬艘夾塗錦纜而牽者五萬人時諸郡括丁夫俟役呼召甚棘櫛略不儲時漕院大憂之召爲語謾曰明公在何慮耶怫然曰乃欲委罪于我一老夫何濟曰非敢然也獨仰明

本朝分省人物考

卷五十一

五十

浙江

公斯易集耳今王船方出糧船必不敢入聞比次坐候日費爲難令以旗甲守船而用其十人爲夫彼利得儻直趨役必喜第須一紙牌耳曰如不足何曰今鳳陽以夫數萬協濟於徐役畢必道淮而反若乘歸途之便資而役之無不樂應者則數具矣於是都御史大喜稱服進曰無用也復愕然起曰何爲曰方今上流養水以濟王舟比入黃則各閘皆洩勢若建瓴安用衆比至遣人持錠金逆于途遺王左右曰水悍難泊惟留意於是王舟皆窮日行水漂疾如激箭三泊供祇千二百金比至儀真而一夕五萬矣時王重

載出羣盜謀劫王布黨起天津至鄱陽分徙千餘人
往來遊奕一日晚衙罷門卒報有貴客入儼潘氏園
寓孥者命詞之報曰從者衆矣陰選健卒數十易衣
帽如庄農曰若往視其徒入肆者陽與飲挑之與鬪
相搏繫以俱來慎勿言捕賊也卒既散去旋命輿謁
客反過市頭捕者羣訴計數得十七人陽怒曰王舟
將至官司食不暇暇問汝鬪乎俱繫之獄至漏下二
十刻出十七人于庭厲聲訊曰汝輩謂官府出迎王
欲乘虛為亂乎吾久已知之矣咸叩頭伏曰奴輩常
死侵辰捕賊首已遁其孥妓也於是令飛騎馳報徐

本朝分省人物考卷五十一 五十一 浙江十

揚諸將吏而斃十七人于杖餘賊散潰當是時微櫓
事且不測一或疎虞疆吏咸駢首就戮矣居無何而
玉城城之議起淮安故兩城漕院以多備不便于防
守議合之而櫓意勿同遂與之忤乃搜遠歲逋為罪
劾奏之而竟罷去郡日郡人扶攜悲戀婦女皆登埭
呼嘯川途為隘踰數百里至江而後反或裹錢物投
舟中遣人追還莫得主者相與生立祠祀之其惠愛
如此所著洗心居格言觀史雅言首尾吟等集行世
卒之歲有降紫姑仙者諸孫就問壽以詩呈覽中有
半醉逢司馬句櫓笑曰吾今死矣半文八十加一吾

壽數也醉者酉卒丁酉卒也馬屬午在午日乎果以
六月午日歿

諸大綬

諸大綬山陰人其始誕也母夢有鳳自天投于懷已
而岐穎絕羣甫髫日誦千餘言日不再過十歲善屬
文比部郎入山錢公越鉅儒也見而奇之乃言于兄
以女女焉閱四歲隨雙潭公官祁門祁門令又見而
奇之語人曰此非東南南竹箭邪居三歲返越補郡諸
生文學日益遠時輩畏之又明年癸卯領鄉薦及御
史舒公數睨之間年幾何曰二十有一舒顧諸寮曰

本朝分省人物考卷五十一 五十一 浙江十

是子凝采不凡異時有文館閣光茲榜者必其人也
自甲辰歷癸丑凡四上春官輒不第歸歸則杜門茹
澹今古自律若處子未嘗逐隊登公庭有所託乙卯
北上宿清源逆旅夢 天帝並 肅皇帝坐而語指
公為才賢昇以印劔明年丙辰舉會試第二廷試第
一人時家人以公既貴顯製袴欲以統厲聲斥曰袴
宜以統耶吾行將非糲以終身安用此每慕王文正
不在温飽句因鑄之石章隨授翰林院修撰亟迎母
於邸日奉旨甘侍膳寢已未春克會試同考官所錄
多名士舊制凡為人後者封不及本生綬痛之是夏

秩滿乃日夜草奏祈貶封詞甚悽惻 肅皇帝嘉其
孝特允之於是在廷諸臣凡若此者舉相慶以爲此
殊典自諸太史始嗣後爲學士爲侍郎兩值覃恩皆
得竝及所生自此凡後於人者皆得服其本生著爲
令在講筵凡五歷寒暑每進講必先一夕齋戒積精
凝思期以至誠悟主上而丰姿修偉步止雍肅吐音
朗朗 帝每竦意聽之所著經史講義凡涉理亂幾
微必剴切詳盡言人所不敢言一日講尚書至有言
逆于汝心必求諸道有言遜于汝心必求諸非道反
覆開論諄諄以納忠鯁屏諛佞爲言 帝爲肅然改
本朝分省人物考 卷五十一 五十三 浙江

陶大臨

陶大臨字虞臣會稽人也嘉靖丙辰廷試第二人授
翰林編修故相嚴嵩耳其名欲致之門下數遣其子

世蕃侯于邸戒門者以他出應之第一刺報而已卒
不見而是時僊居吳給事時來慷慨慕義臨獨善之
數與楊圻世務吳君謂世務莫先於擊相嚴因出其
草讀之曰是爲名計耶爲勝之則毋觸縣官諱泚筆
汰其甚者已吳君論上詔獄詰責五毒苛備大臨曰
遣餉藥物醪糗爲偵伺耗息吳君謝母重累故人笑
曰固也奈何使君獨爲善吳君得不死以戍去而適
值韓淑人卒以喪歸毀瘠踰禮三載絕酒肉不御內
既除服乃出仍故官校錄永樂大典當是時元相華
亭公心器之數引與議國事而會 世宗晏駕遺詔
本朝分省人物考 卷五十一 五十四 浙江

及他箋表咸有力焉尋以通議公喪歸會大典成道
進翰林侍講居喪無異於韓淑人時服除進侍讀學
士掌留院歲餘拜南京國子祭酒至則進諸生與講
說道理經濟不爲高遠奇僻之行士則之亡何以少
詹事兼侍讀學士召侍 上講讀於春宮尋進詹事
仍兼學士如故 萬曆初遷禮部右侍郎兼學士復
如故前後凡三視院篆異數也俄解院事佐部其在
經筵爲日講修 穆宗實錄爲副總裁 上雖在冲
幼聖質不世出所以啟翼之者亦無不婉轉曲盡每
至謹天戒法祖孝親卹民隱慎用舍廣咨訪緩工役

飭邊政諄諄有味乎言者也每進講左右皆目相視而 上亦嚴重之亟稱先生賜服視一品他金幣之賜無虛月改吏部仍日講修史歲首太計吏秉持公道銓政肅清衆方期以大拜惜未幾而逝年僅四十八孝友天至居家事長撫幼無不殫精竭力甚至叔氏遘疾欲減歲以代之生平嚴取合絕嗜好孝廉時里中有凌而奪之田訟於令弗爲白也令後知之驚以問亦竟弗白里豪有御史逮當令治矜其疑徐謂曰書不云乎疑惟輕令悟趣寬之豪後知其自夜挾百金爲壽謝曰誤矣我何德於公公無爲此胡少保

本朝分省人物考 卷五十一 三五 浙江 李文

宗憲時擁節東南損數百金爲樹坊歎曰東南困矣以餉軍不足而我何用坊爲居官二十年一切贊謝俱絕自奉極簡約食不過算器衣無重綵門不納優人跡顧其好施予獨異是所衣食父之黨若而人母之黨若而人諸戚友以至閭左右若而人取之若困廩也恒言學有根而室有基不實則欹又曰爲善罔極惡亦罔極譬之岐乎南則益南北則益北又曰善猶水也爲之先者源爲之後者理始而濫一觴終而潤九里每讀孟子至收放心未嘗不再三歎也且曰憂勤惕勵其古帝王之心璽乎子允宜舉鄉會皆魁

其經唐詩漢文大爲詞林所重

張岳

張岳字汝宗餘姚人也登嘉靖己未進士授行人權給事禮科進刑科右而闖豎盛者故 肅皇帝興國與俱來者也憑寵盜香資巨萬岳廉寔劾之 上大怒杖殺其黨暨戍雷都又上六事語侵元相大司馬而二憾成矣遂出爲雲南叅議歷官叅政時江陵號知人乃三遷晉南京右僉都御史適江陵父死欲奪情南中縉紳闕然乞雷疏具岳不署而獨上疏謂奪情爲權奔喪爲經兩者並行不悖庶萬古之綱常不紊不省是時凡言奪情者盡重譴而岳由是外補至後江陵死臺省交薦起四川叅議又三遷而復爲左僉都御史陛見即條政要四事已 左副都御史致政歸著有通書等釋行于世

本朝分省人物考 卷五十一 三六 浙江 李文

孫鋌

孫鋌字文和餘姚人也文恪公陞仲子薦嘉靖己酉鄉試第一癸丑成進士選庶吉士授編修以左中允典試應天所拔多名士嘗直經筵講虞書彌違之義剴切詳至時傳旨購珍異計 以上疏竟得罷已爲國子祭酒會 穆廟登極覃恩詔天下郡邑自歲

額貢生外復拔所廩異等升之國學曰恩貢庚午多士涌集乃疏請廣科額語甚具 上從之蓋是秋兩京各增額十五人遷南禮部右侍郎銓生有異質爲文自出體裁絕不襲時製一語尤精易義一時學者宗之既讀書中秘益肆力攻爲古文詞詩俱有詣有集若干卷早卒未行

葉逢春

葉逢春字叔仁餘姚人也少有睿資讀書下帷連數旬不出寡交與矜亢自持其天性也登嘉靖乙丑進士官至鄞陽太守終其身雖紛拏疊至側弁而吶哦

本朝分省人物考

卷五十一

五十七

浙江

徐云

不休也下筆頃刻數千言不斤斤襲前人口吻獨匠意成一家言萬安朱尚書衡特器之然不能摧亢爲和以偶儕屬少不當輒凌厲使無所容是以毒螫起於交衽而所在齟齬先逢春官冬官同舍郎屈意下之私相語曰葉叔仁號能文而素氣往往取戾於筆札間當竟以此躓矣迄其言果驗逢春雖官僅二千石乃其守郡數擊強宗家居簡貴絕請寄孤立行一意亦可重也有工部集十六卷行於世父選嘉靖戊戌進士子憲祖舉甲午鄉薦

毛吉

毛吉字宗吉餘姚人也舉進士授刑部主事是時錦衣衛卒鉤據百司公卿皆重足自保卽其黨有犯有司莫敢問獨吉能懲其犯者如他犯指揮門達陸曷者怙寵擅威立能生死人百官道遇皆躍馬避去恐後吉獨揚鞭與抗於是其黨交訕之吉偶以失朝下詔獄乃羣嗾律卒挺之幾死轉廣東按察司僉事分巡潮惠劇賊楊輝程鄉據寶龍石坑龍歸三峒攻掠城邑吉督七百餘騎破賊三千衆擒其黨曾玉謝瑩而寶龍之賊伏山上發毒弩我軍不利吉選死士百人掩擊之楊輝殪衆遂驚潰凡破三峒斬首五百

本朝分省人物考

卷五十一

五十八

浙江

級俘六千人又擊破雷州巨寇部內悉平捷聞降勅獎諭陞副使仍理軍務賊又攻河源縣吉屢敗之餘衆趨于陽江之雲岫山我師徂勝突入賊營陣亂賊合乘之師潰從騎勸吉避不聽死之事聞贈嘉議大夫廣東按察使諡忠襄遺官諭祭賜米帛錄其子科入太學廣東及餘姚皆廟祀之初吉之遇害也官無餘貲或以吉犒軍餘銀寄付其家僮爲道路費吉神降于僮妻亟呼曰夏憲常吾生平玉潔肯舍垢入地哉悉索還之闔署駭觀謂其死無易節如此科後亦舉進士有名聲官終提學副使

王元敬

王元敬字廷臣號古林山陰人以嘉靖己酉舉于鄉成已未進士釋褐知許州入為刑部員外郎中出守荊州府治許即以清能有聲中州江陵秉國名知人荆其父母郡郡守尤極時選於諸曹郎特屬意元敬曰願以吾郡煩前許守是時江陵父里居前守及諸大吏謁見皆繆謹反行侍坐如大父元敬乃講敵禮所請事有不可輒裁之顧用是反見敬憚郡校士吏置名籍呼唱次至江陵子迺以僮應艷然起曰公子即自貴無求就試孰為勸駕者而柰何以僮辱上明

本朝分省人物考卷五十一 五十九 浙江十張奇

日皇恐趨謝始與之試上為江陵治第諸大吏率輸金助役至千餘金元敬獨以數金往始遼王罪廢其宮竟夷為江陵宅元敬曰王以昏亂廢固宜而遽夷其宮室若太妃何後江陵没言者以為罪更奪宅為解識者服其晰於治體沙市有美稅惟守所用乃籍而歸諸公帑江潦潰隄漂田廬無算遂以帑美繕築民不知役江有巨盜曰楊羅剽賊數千里無敢呵禁密得其子弟數人召慰譬之許令泐濯羅果感悔自歸卒為良民陞按察司副使治兵曹濮有朱學孔者兄弟賊猾外飭車騎為貴遊而陰主盜四出剽劫積

數十年不能得至是伏誅先是他盜劫漕州輕賚銀奉詔司道守令皆奪俸尅日捕討適元敬以學孔狀聞撫臺欲藉以塞詔旨為官吏解免力持不可曰異日者更得前盜而誅欺罔罪當誰任乎無何果得劫漕盜皆服方是時政尚嚴肅諸省決大辟常至百十元敬所論東省囚止六人御史少之曰豈可徇一時之意以戾天和耶至再任終不肯易已參福建省政時閩海有蛋賊將更督兵逐之而道乃更執島人為功元敬驗知其寬也下牒責親屬保任多縱之餘尚數百人督府令悉棄市知不可復爭多叅覆以緩

本朝分省人物考卷五十一 六十 浙江十張奇

之及督府被言去囚皆得活其所守精審仁恕多是類也坐是不為執政所悅終江陵在日官不過藩臬而荆前守皆一時新貴為卿丞矣江陵敗名乃益著由京尹領節鉞治吳會至吳即劾奏墨吏四人境內肅然吳諸大家率善通糧率移於單戶元敬治不為毛鷲然徵責無敢格者終歲得宿逋五十萬餘民為之甦軍門牙兵千人符籍虛詭汰之歲省餉數千已遷南京兵部右侍郎秩滿行赴京至汶上忽病道還至家疏請骸骨 上溫詔許之家居十餘年八十七乃卒元敬生平蹈履動有尺寸終日澹然

殺人亦不能奪也楊忠愍之死交遊多引避獨持杯酒至西市引滿爲訣郎都木時三殿工起商木每倚牙僧相與侵牟爲蠲蠹往時受木於路有鞞衫而揖者稱王公姪請以其商木居間王公者所號三士大監也幸於上權震中外元敬怒訶曰爾詐也 天子建法官王公近臣而若乃壞之乎與杖數十聞者皆咋舌初爲許州有聖水傳可療疾遠近全集立命塞之藩使以子病求水於許報曰湮之矣再至曰業湮之不可啓幼而受學從兄元春後爲陝西按察使兄亦一時顯融著名譽然越中稱長者必言二王公云

刊分省人物考卷五十一

六十一

鄧明

吳 父

吳父字君澤號環洲會稽人少英朗不羣及長美髭修幹沉毅好謀爲諸生試多不利益慷慨自喜持論宏邁人不能測也以例入北雍嘉靖戊午己未連舉鄉會試授兵部主事癸酉丁內艱起補車駕歷武選郎中時 穆宗馭極巨璫例乞門蔭移牒紛藉至以子磨父或丐予他姓持例不予疏請司禮匿不上遣人詣曹求易疏收繫其人欲以遮奏聞司禮懼謝是時父守法名喧廷中武爵訛濫吏緣爲奸更置籍與內黃參質繇是銓序精允宿弊蕩然時虜入塞並掠

盧龍太原京師戒嚴議徵宣大兵入衛父策曰永平完實虜飽匪速去必不渡灤水而西明矣以愚計之及茲已遁適而銳師邀其情可以大創今徵兵內向坐失機會寇去而守徒自勞憊後驛至虜果以議前

一日出塞而督臣以入援故緩追賊賊頓於寧武無擊之者盜會一本嘯海上閩師討之以殲其巨魁捷聞朝論且行賞父曰海中超忽賊魁真偽未可辨也請覈實乃賞後一本果未得其料敵奇中類如此初鄉薦出新鄭高公門風以材略見重新鄭之扼於華亭也罷去無一人祖道者父單騎送之於野執袂而

本朝分省人物考卷五十一

六十一

浙江十

別遂爲執政所憾謀逐之賴吏書蒲坂楊公營護以免已乃出爲湖廣參議時嶺右有古田之師議調麻陽兵以遵犇潰供餉不貲兌曰賊所從入楚者二道皆徑於土司但犒諭其酋委之禦寇此不過百金數吏之事耳從之移河南京糧道參政陞山東按察使飭兵霸州立保甲塹塗布壘巨木斷道以備盜盜馬不得驟咸屏伏他走久之擢僉都御史巡撫宣府等處至則營邊垣自西海冶抵西陽河東西袤亘千里明年復築外十三家邊起滴水岷訖于黑漢嶺烽火相接故民堡單弊官屯率土墉庫惡難保民棲無安

宅耕無寧未至是併聚合守諸屯墉皆甃而崇之而後胡漢畫然人有恃賴諸陵背胡無捍蔽每秋防時督府皆徙軍駐山後兌縣龍門東達靖胡堡橫絕虜地三百里建壘其間遷史車部落屯之凡繚垣百六十里甃臺百六十所而陵寢乃固諸帥皆罷虜桀頡嫚吏每貢時賜物輒抵地上不肯受兌思有以震懾之市日虜酋去塞百里而獵其精銳屯塞下將吏皆集張家口以填之兌偕文武四五人騎而出二藍旂導直趨虜營虜錯愕咸張弓挺刃遣人馳告軍門來觀若營虜乃拜跪爭獻酥酪遂按行其軍噓而返虜

本朝分省人物考

卷五十一

六十三

浙江十

楊林

遂大懾不敢縱無何虜絕貢擁兵至塞要求十二事將吏請少從之以釋其憾兌曰不可此嘗我也從之祇示弱將生虜心乃召之前為開譬禍福曰汝能貢仍賚汝否則聽營中砲聲耳言畢千砲並震虜馬皆辟易咸哀籲乞求而去初貢市制度草略乃始制虜王貢儀定書稟之式通使之禮夷館以五銳士夾一虜加局鍵焉每市賞止酋長檣外驗票稿給輕重有差法最詳密後來皆謹守繩度而已虜習侵盜雖欸服時諱於市或潛盜所驚馬以去乃令守者持白楮伏而伺得盜皆痛棒而逸之虜以為言使對曰暮執

賊安問胡漢且孰令爾為市而盜乎虜聞皆慙沮兌居上谷久威信著聞時用不測賞結諸夷心因而任之虜性質得恩賜效死力無異以是所遣間諜雖窮漠皆能鈎得之雖他鎮督撫往往藉謀力以濟乙亥遼東以虜謀大舉聞兌亟以兵趨平虜堡值歸虜捲甲重載踏冰而渡師薄之斬數百級水解虜溺死無算又虜嘗挾賞寇邊攻毀鴉鵲砦殺二將軍薊師皆奉詔切讓卒以兌謀縛阿都赤等十七人獻於古北口詔戮於鴉鵲砦先是宣府屯糧溢故額至二十一萬軍多積逋疏請赦逋汰浮人乃蘇息又令流人歸

本朝分省人物考

卷五十一

六十四

浙江十

楊林

業者原其負給以牛種由是耕者雲布粟價賤于中土嘗言火器之利可令賁獲失勇初至上谷即造將軍砲百減虜砲千三眼銃萬創為雙輪小車挽以十人駕二馬隨營遠涉砲發而車完器成引虜使至營觀之砲舉若連珠移時不絕乃嚙指去已陞右副都御史兵部左侍郎以原官總督宣大先後九年府庾克初積美金至十九萬屯穀二百萬太倉太僕罷輸邊銀殺皆至百萬省南山移鎮客餉二十四萬任子三賜飛魚服再賚金幣十五庚辰回部扈從上大閱進陣圖兵略命以右都御史總督薊遼比至選兵

卒教陣法作火器繕塞垣先是修邊者率嚴隘口而虜往往從山梁闌入于是塹深埤高皆爲堅壁復曹家砦以犄古北邊守益設薊師討朶顏趕免俘其畜馬還所掠百六十人壬午率師禦速把亥於鎮夷堡爲覆待之虜陷伏中斬首百級捷聞告廟擢兵部尚書太子少保廕一子世襲錦衣千戶入掌兵部事數月力請骸骨疏七上得歸生平負氣好施耻居積俸廩所入緣手散盡罷官至潞河費用乏絕碎公讎銀卮匪以資行橐嘗言吾總六鎮錢流沒蹀爲富翁易耳每思多財則多田業多田業則衆僮奴徵責訟愬

本朝分省人物考

卷五十一

六十五

浙江

張奇

郭就見長吏曰大臣體自尊重先輩浸失其故言不能見重于人敢自薄耶時以爲有禮七十二而卒訃聞祭葬如例

陳觀

本朝分省人物考

卷五十一

六十六

浙江

張奇

陳觀字忠甫餘姚人嘉靖己未進士拜兵部武選司主事尋陞車駕司員外郎佐大司馬樞機肅清軍府人無敢干以私者甲子轉武選司郎中凡天下武臣承襲者咸隸焉吏每竊柄舞文紈袴子皆入賄黃緣爲姦選舉往往多濫一以至公振刷之邪蠹屏息丁母憂服闋復補武選司郎中風裁益厲兩典武會舉一考天下都司官豪雄帥領多所識拔累官郎署練達機宜材識卓詣大司馬虞坡楊公大器異之戊辰兵備湖廣衡永郴桂諸郡會新寧猺人寇掠江廣詔命討之觀以兵餉方不足而與蠻夷從事邊鄙重傷元元之命乃遣使者招撫諭以威信猺人面縛降轅門願受朝廷約束誓無敢復反廣東賊黃潮祖等流劫郴州桂陽督兵擊之斬獲虜首以百計招降餘黨悉平廣西賊韋銀豹等大駕樓船泝衡永江大掠諸郡又督兵殲之江上時兩廣征古田猺獞軍門檄爲備大振兵以張軍威聲聞八桂蒼梧間虜爲褫魄猶

人既平則給土田立堡巖修城垣募勇敢足軍糧興學校明教化凡士風吏治民務戎機靡弗經營蓋為朝廷保障一方樹長久之畫非苟偷旦夕安也而神明之用亦以竭矣初陳公士賢有惠政於衡永間衡永人立祠祀之至是以觀配祀謂之兩陳公祠云辛未入賀報政於朝先已陞雲南左叅政而竟以憂勞楚事積苦疾作卒於京師旅舍虞坡楊公撫而哭之出涕曰使君須臾無死即卿丞何足道哉乃給驛遣官扈其喪歸故里

陳有年

本朝分省人物考 卷五十一

六十七

浙江 李文

陳有年字登之餘姚人故都御史克宅季子幼有奇負嘉靖壬戌登進士授刑部主事移疾侍母淑人久之至隆慶丁卯改除吏部遞晉驗封郎會忤楚相居正意再移疾歸淹十年為萬曆甲申起稽勳郎尋掌選一切賄乞勢囑悉謝絕選法大清晉太常少卿已推右僉都御史撫江右務清淨為理時大稜奉詔弛遏羅禁徽商挾巨貲牟射者有年為部民計奏自今且止外販徽商嗾其鄉之彈事者論違詔罷歸庚寅起南操江右僉尋遷協院左副歷刑兵吏侍晉南掌院轉南吏部尚書癸巳同邑孫家宰鑰子告竟以有

年代蓋特簡也在事謝絕一切視為郎更嚴有詔令推閣臣該部首山陰去相及部院兩賢者忤 上意詔下切責詔及司屬遂堅以疾去去之日挾兩蒼頭襪被以行觀者莫不嘆異抵家足跡不入城市所居再被燬構葺力不能給日飯脫粟敝冠澣衣雜處耕樵間未幾病歿年六十有八囊無羨金幾不克襄大事後贈太子太保諡恭介廕一子

張元忭

張元忭字子蓋號陽和其先蓋蜀之縣竹人宋相忠獻公之後也徙家越之山陰父天復以進士官至太

本朝分省人物考 卷五十一

六十八

浙江 李文

僕卿生而古貌魁然稍長好讀書母愛之戒無溺苦于學乃張燈幕中俟母寢夜誦不輟總角時嶽嶽負意氣數矢口談時政得失人物臧否太僕公故抑之不答也會楊忠愍諫死遙為誄詞慷慨泣下露衿太僕公乃色喜大奇之嘗讀書至朱子格致篇輒覆其卷而沉思已聞王文成良知之說遂潛心理學嘉靖戊午舉于鄉數上公車不第下帷龍山之陽喟然歎曰聖賢學自有異曲士抱蟲蛙之見不務即心證聖而猥踵其下風一何陋也戊辰歸自京師而太僕公有滇難蓋太僕公故嘗副滇臬擊武定叛夷有功忌

施宗黨若弗及其文章春容爾雅粹然一出于正初太僕公作山陰縣志未成績成之已又創紹興府志會稽縣志義嚴衮鉞足稱一方信史他所著有雲門志略山遊漫稿槎間漫筆行于世又有不二齋稿志學錄讀尚書考讀詩考讀史膚評皇明大政記臧于家

蔣勸能

蔣勸能字汝才號雲龍餘姚人嘉靖乙丑登進士授行人冲雅有儀度溫然可親又工於專對嘗使秦唐二藩所在人敬慕之擢祠祭主事庚午晉主客員外

本朝分省人物考

卷五十一

七十一

浙江

郎遵父艱歸癸酉起補郎中萬曆丙子出為湖廣右叅議分轄衡永駐節永州永與廣西界峒徭為患時道州甫被掠詢鄉民知有徭老者為之謀主乃集兵為勦聲而陰用恩惠撫之於是徭老懼諭其眾歸所掠因召來與之語為除其罪曉以禮義又立社學簡其子弟教誨之徭人悅服而廣徭攝其威德終任無敢擾者永以徭警嚴夜禁犯者輒斬首奸民或賄邏卒報其私伺夜出掩殺之曰是且甚於徭矣下令必生獲敢擅殺者死閭里以安為人內明而外寬其政以慈惠為本不屑屑求名而惠澤及民者寔多永屬

邑零陵以附郭稱繁官全設而祁陽有郡東北民狡悍多盜官乃不備請捐零陵薄以益祁陽兩邑至今便之零陵有要人氣談甚張宦楚者多屈意奉之屢以事託漠不為意因誣構之已卯丁母艱歸遂不復仕

陶大順

陶大順字景熙號雲谷會稽人嘉靖乙丑進士授工部主事以母老移疾歸養服起補武選歷職方郎中時北虜初款塞約束未堅奏牒上下日不暇給條畫詳練事倚以辦時其弟文僖公大臨已為吏部侍郎

本朝分省人物考

卷五十一

七十二

浙江

兄弟並當樞機獎拔文武材士門庭肅清外無餽問退食冲然雖賓客羣居莫能窺其際也長子允淳同科進士擢尚寶司丞而文僖子允宜復舉禮部軒騎出入京師以為盛事秩滿遷大名兵備副使陞湖廣叅政再遷福建按察使轉左右轄擢右副都御史巡撫廣西致仕以歸大順器識通敏氣深慮沉平居恂恂抑畏臨事裁斷洞然無滯所決獄平反甚多初亡人曾光何心隱皆圖像召捕甚急武昌有游士與客比丘過從者或以為疑竟收之問何以知其為二人曰光額痣應圖也笑曰果光也額不復痣矣釋而遣

6 文三

之楚之鄙邑與宣慰司鄰民相與訟有司恚其扞捕以叛聞發兵討得二十七人奏報當死會官論決心知其冤至市平立不肯押字曰就所書獄此拒捕耳非叛也御史動色曰公言是也然業已奉詔當柰何乃殺一人餘皆獲免闕藩司之帑大亡其金吏卒五十人皆坐繫榜掠備至時爲右使請于長曰盜者二三輩止耳而繫五十人卽盜在是亦四十七人冤矣請爲公治之則悉縱遣繫者令四出跡盜果得真盜以報五十人者皆得解時楊君四知爲巡按御史當決囚屬以差次其必無赦者十人甲乙以報而復爲

本朝分省人物考

卷五十一

七十三

浙江十

篋內笑篋中禱而探之所探笑視所差次前後無一人爽喜而謝曰公之明允乃仰符天意乎居楚日遣吏江行遇盜剽其囊視所持牒遽曰此陶公所使也虐仁人使不祥乃舍之其得人心類此宦游三十年徒仰祿入居楚日至斥私奉金二千兩以繕治郡城及長閩藩筭錢穀每出納監以郡佐涉筆署封而已嘗謂諸子曰吾意欲爾等貧以爲更勝于富故生平田產無所增加當弱冠時從其祖父莊敏公官京師以三河籍中癸卯順天鄉試時南人附籍舉者凡九人北士謹于朝九人者皆歸克本縣廩生又十六年

戊午再舉于鄉又八年偕其子成乙丑進士徘徊藩司甚久不知者謂已篤老然懸車時年六十五耳

王洋

王洋字宗魯山陰人嘉靖乙丑進士萬曆八年知肇慶府十二年遷按察司副使分巡嶺西洋治肇慶慈愛和易士民見者語次尋繹甚有恩惠未嘗疾言遽色於人而確然有執雖門生故交無私也好爲民興利興起學校後瀝水由城東石頂出收皆畝一鍾爲浮屠於石頂之上以利學宮通北港利灌溉大治陽江學宮又爲陽春學置田凡便於士民者爲之不啻

本朝分省人物考

卷五十一

七十四

浙江十

饑渴肇慶幕府所治兩粵藩臬使者若四方之宿無日不至饋櫛出日昃不遑暇食延見有禮人人得其懽心經畫事宜悉中窾會幕府甚重之府江之役懷賀之役珠池之役皆有勞焉洋性恬淡自奉如寒士居官廉潔焚香靜坐若禪室然詩辭冲雅書法道麗有其家右丞右軍之攻粵中文士皆來就正而郡中子弟又時以舉業請則擇程式示之如羣飲於河各厭其腹矣十六年遷湖廣叅政高要士民遮留泣下建祠祀之高明亦有祠

羅萬化

羅萬化字一甫號康洲山陰人少凝重六歲就塾舍舍旁屋忽圯眾駭奔散獨端坐自若識者異之隆慶戊辰臚唱第一授翰林院修撰尋與修世廟實錄陞侍讀筭理誥勅克經筵展書官與修大明會典已卯出典應天鄉試明年分校禮闈當江陵柄國也以嚴峻為治心竊非之數形歎議而江陵亦因其伉厲自遠不能無望其幸客周生者亦山陰人每過邸舍數以微詞動之輒亂其緒或舉大白以杜其說俾不得竟江陵大奴九九者建三大寺於都城私為請記憲曰吾天子侍從臣而當為奴作記是歲復為其子

本朝分省人物考

卷五十一

七五

浙江

先期請試題愈憲曰吾晚裝兩篋明日踵出宣武門外而謂吾難去官乎以是愈忤江陵每嗾銓曹令外補或難之怒曰楊惟雄非狀元不嘗補外也然亦終其世為六品官不得調壬午江陵病卒始遷右諭德克經筵講官明年陞國子監祭酒條教甚謹改南京禮部右侍郎丙戌以外艱歸至辛卯始擢吏部左侍郎壬辰陞禮部尚書兼翰林院教習庶吉士先是儲位未定廷臣交章得旨以二十一年行至是復有三王並封之命萬化率其佐抗辨上疏曰祖訓立嫡不立庶蓋以有嫡有庶自不得舍嫡而立庶耳非嫡未

出而必待嫡之謂也今 皇后祿兆未彰皇長子睿齡日茂節奉明旨昭如日星而復援立嫡之經暫從封國之典將使觀望靡定疑慮叢生臣等具員禮官有死不敢奉詔會諸司疏日百數上事遂寢國本得以大定朝鮮之役當事者力主封倭而言者又請勘使與封使並出萬化謂封議已堅勘使祇假設耳即令勘使果不虛出而以封命之重出而復返國體謂何夫我以封而賞寇倭以兵而邀封釜山非奉命所出之途阻兵釜山亦非叩關乞封之禮此與城下之盟何以異豈可使四夷聞且見耶力疏沮之不報後

本朝分省人物考

卷五十一

七六

浙江

封使出倭敗約使辱命返京如所言藩番踰制請封上意欲予之堅持不允至有詔切責執奏愈堅時會推閣臣名在舉中或有言中人須少行賂者歎曰山谷寒士被遇至此於吾分過矣此何官而可貨取耶冢宰缺大為時望所屬而忌者中擠之以是俱罷未幾瘁病連疏固請 上賜驛資金寵行者甚渥既行病加劇至寶應卒訃聞祭葬如例謚文懿

邵 陞

邵陞字世忠餘姚人也隆慶戊辰進士選庶吉士授御史按吳疏寬積逋無算次江北創議築泗堤濬海

口以捍水患次江右江右素苦機杼赤號之賦並爲
疏請裁減而監臨棘事尤稱公慈歷湖廣巡撫盜踞
大宿靳黃間勢張甚分地協勦厥功居多初潞王之
國有以 景邸莊田啖之者王請之溢於故額陞列
見田以聞無濫及民產官至刑部左侍郎陞恢豁有
度喜扶植士類至指陳中外闕失忠悃切至以故
上多嘉納其所罕知而已亦未嘗語人者則掌道
時陰持敦促故相疏不上最爲孤騫孫司馬鑛能詳
之亦足繫其生平矣

陳紹

本朝分省人物考

卷五十一

七十七

浙江

陳紹字用光上虞人自幼穎異弱冠舉於鄉壯年登
進士授廬州府推官以明允稱會守與倅不相能撫
按使廉其事或以僚友爲嫌不避竟直其守被召詣
京師將首擢諫署適前倅謁銓懷對萋非之或從吏
請選郎謝不可曰媚人吾弗能也於是拜南京監察
御史嘉靖庚子崇明海寇嘯亂當事束手武臣失紀
抗疏請徹厲乃咸震警襄力獻功辛丑巡上江西接
彭蠡東抵青海賊故出沒置巡牌甲伍上下譏察江
海廓清復命疏江洋便宜五事及文武庶僚臧否聞
者歎服壬寅之秋北虜大侵西人半爲屠慘慨然上

疏曰宋相中國司馬遼人戒飭邊吏今相當誰咎哉
廟堂肅然自此不能安其身矣癸卯考最將行報擢
韶州知府怡然赴任至則與民更始榜十餘事其大
者曰清本源曰申聖諭曰禁侈俗曰稽積滯曰輯盜
賊一郡咸屏息而聽矣乃修張文獻墓新余襄公祠
祀章九臯父子以風之乃簡七學弟子員於濂溪書
院若明經館爲之師以訓迪之士民風灑乎動矣已
乃政葺而事釐之俗故髻年納婦爲之厲禁徭役以
人一丁配糧一石貧民苦之改議丁配之五斗曲江
附郭里甲煩費爲之稽籍分日縮十之七郡堂就圯

本朝分省人物考

卷五十一

七十八

浙江

發帑羨捐罪贖葺之踰月而成民不知費詔民貧而
喜訟得其情而捐其贖訟者感化英德有楊金者殺
吳福泰賄吏嫁罪蔣效文翁源池成鑑謀殺嫂姪飾
僞贖冀倖免一訊皆伏辜合郡以爲神明韶西界連
州清遠萬山徭人蟠據時出剽剽稽補徭官召諭賞
賚申明約束於是諸徭亦皆喁喁聽命令矣乙巳歲
大饑發粟躬爲校給迄無冒得者民大稱便既而四
月不雨至於六月爲徧雩於山川百源曰某有罪降
罰予一人罔以某一人青而移災於百姓日勤奠瘞
暑毒弗戒忽感暄而暈時雷震電坐若假寐已復甦

言及郡事而卒

商為正

商為正字尚德會稽人隆慶辛未進士由刑部主事簡為監察御史出按山東福建督學畿內遷大理寺寺丞進右少卿攝卿事侍講筵克廷試讀卷官尋改為左性敏捷強記多所討覽言之皆有條貫自為諸生時已然及解褐見貴官時與論事輒為言往往代與今沿革之異擘畫詳允如宿吏老宦聞者驚服及按齊魯吏民畏憚如威霆轟然各在其首俗多豪猾相連結長短吏民號曰窩訪張仁者其魁也吏畏其黨

本朝分省人物考

卷五十一

七十九

浙江十

不敢發捕得笞殺之一部皆誓時膠萊河役起作者

清謙淳中蛆生于股人眾騷然環噪首議者欲為變馳往慰定之會奉詔按驗上言所穿處石盡木出且汲且挑工力甚費就令渠成而麻灣海會淳河各數十里朝濬夕淤即別開一道行且復然恐徒糜財力終無所就又言倡議大臣乃心存國計願勿以事成毀傷任事者心疏奏役罷論者稱其有體戍卒以倭俘百獻詰之曰夫遇敵合鬪至移時卒無寸釘是為生倭者耶訊囚固海商其一人解行滕則途券具在驗之而信悉縱遣之從御史久次擢大理方授節鉞

而竟罷歸識者惜之年七十有六卒于家

孫堪

孫堪字志健餘姚人也忠烈公燧之伯子堪仲陞其季也正德己卯忠烈公死濠難堪兄弟自籍聞變哭幾絕挾刃將赴讐死會濠已擒乃扶柩歸廬墓者三年有瑞芝產塚上堪以蔭授錦衣千戶中武舉第一歷都督僉事當是時堪官尚寶陞以侍從歷少宰奉母楊夫人就養邸中堪日率二弟伺顏色拜跽起居其退處輒憶忠烈公淚涔涔下也及楊夫人考終已九十餘堪示踰七十矣竟以哀毀骨立卒于途疏聞

本朝分省人物考

卷五十一

八十

浙江十

詔贈都督同知堪奇節偉行乃其天賦而才亦過人工古文詞書學顏魯公邊防兵制及天文地理律曆醫卜諸家靡不通曉又善繪事畫菊入神品然以抒憤寄情非其志也尚寶堪亦以諸生異等選入史局預修會典玉牒諸書楊夫人之喪與季廬墓如喪忠烈公時服闋尋卒姚人重閔閱如孫氏文武忠孝萃于一門者指不多屈云

馮應鳳

馮應鳳號鳴陽山陰人萬曆癸酉舉于浙為第八人庚辰成進士令永豐縣襟江繞湖時有水患其民險

而健吏多舞文爲奸至則與諸掾約若有罪弗急曰
悛者吾法在吏胥惴惴莫敢詭訛因進父老于庭問
木所患苦狀躬督版築爲長堤以捍其流田皆沃壤
至今稱馮公堤簿書稍暇卽請學宮課士子業示之
正鵠於是登賢書躡蹻盛矣先是邑人夢神語云馬
生二角制科如錯今乃悟爲馮姓云爲令五載酌平
不苛造利祛疾民安利之尸而祝焉召拜監察御史
丁父憂闋再補監察出按雲南時總鎮沐仰視潘泉
奸僕攘田于民洵羣不逞以爲滇憂至卽論舊制
徐檄治其奸僕責之歸田而薄令贖罪巨鎮帖服兵

本朝分省人物考

卷五十一

八十一

浙江

備副使李公材以冒功蒙罪詔獄六年廉得其狀抗
言李謀當緬賊內訌蠻酋又叛而翼其勁李謂此可
計間難用直擣密令把總寇崇德等橐金攜其交蠻
果悔禍而反攻緬謀至令把總杜拭等間道會擊于
是有遮浪之捷師還論賞諸將武人多飾語遂爲勘
功者劾奏寔不當坐以罪乃得釋人謂馮公一言回
天洎按江右稅瑞肆虐有司多以激訐爲名高至則
明東以制惟務鎮靜不與囂競惡氛漸熄巡視京營
疏請專司舉劾稽將領汰老弱卽卿寺莫敢撓其議
者營務一新理長蘆漕務使貧竈復常產甦困商令

無壅滯未幾而疾作神已稿瘁猶注意舉劾力疾草
疏從事勸之曰監司自有成語何自苦重構爲曰吾
爲朝廷綜名寔惜身瘁耶會遷太僕少卿欲具疏乞
歸而疾已彌留矣距其生六十有二

高從禮

高從禮字質甫號青厓會稽人萬曆乙丑領鄉薦明
年丙戌連薦禮部射策高等除刑部主事進員外郎
中出守臨江府居五歲擢福建按察司副使主屯鹽
尋以藩叅治閩粟遂拜憲使治兵於漳南歲丙午奉
表賀萬壽於京師過里中忽中暴疾而沒從禮詳雅

本朝分省人物考

卷五十一

八十二

浙江

沉厚言笑不妄及歷試外臺名譽隆起平居嘗銘其
座右曰恕能養德儉能助廉赴事欲勇宅神欲恬初爲
西曹時方遣使出讞選次當及深自陳讓至於再四
或怪問之曰公何讓之固也曰昔歐陽永叔居夷陵
行視駕閣有積牘焉枉直乖錯不可勝覆也退而以
獄矢故終其身精法審斷予書生方師吏耳敢專使
命 上之以滇事怒李公材也言者強諍 上持愈
堅法吏皆震怖憂不可測曰 聖主可用理奪乃操
筆爲奏曰材用夷敗緬不無闢國之功據揭申文自
抵罔上之罪又曰臣子報功失實死有餘辜君父宥

罪矜疑人將效命 天子視奏色為霽竟獲原解臨
江之岨有龍池羊腦者南筠界也巨姓主盜盜晝殺
人燒廬舍操車馳往縛其帥災巢以歸有羅氏者擅
貨養客將為亂復用奇計收之民賴以安龍池羊腦
之人至今祠祀焉權事之興官閩省中使者運日動

腕輒持關鍵逆牙以制之竟嚴憚不敢恣橫會中使
開罪庠校諸生徒聚謀於衢窘迫莫可脫乃譬令執
罪人以自解而以兵護之歸眾乃定奸人妄奏言福
建鹽使司多滯引鬻之得十五萬金乘傳磨來商窺
皆憂擾時主鹽法挺身疾辯羣小皆挫服為輸餒四
本朝分省人物考 卷五十一 八十三 浙江 張子玉

千有奇而止閩貴人言於二臺請以私票行齧號曰
抵引皆許之矣又力爭而罷紅番以舶來求市中使
以聞上言無敢夷心生方來患閉關謝却之番乃引
去臨江據津塗常以富人主客役役罷產率破當審
踐更時諸富人皆行貨營免吏用舍視其厚薄郡民
皆愁苦之至是悉罷遣使者以公錢供而使吏主之
曰簡客者守也先是傳煩而名為節省官損郵直而
民陰率私錢佐之無所告愬乃上牒請悉遣還舊額
清江鎮百估之所會也故事官市民僅與半直與又
後在郡五歲未嘗遣一卒適市僚屬咸師之鎮人安

焉鎮故有社倉衰八都之粟立司正副以領之監守
稱病至是聽民出義廩分五庾令自為守官無所煩
民以恃賴清江之祠遺愛者三前守戴公德孺以兵
從新建伯討逆濠者也一乃生祀從禮而俱浙產及
其沒也聞者莫不傷悼之

陶望齡

陶望齡字周望會稽人也父承學歷官禮部尚書望
齡稟極清臞靜穆之性自孩穉而已然年九歲時匡
坐終日與其兄虞仲問答皆世外語讀書往往有超
解十七補邑弟子遂致力於古文詞時大理卿燕陽
本朝分省人物考 卷五十一 八十四 浙江 張子玉

商公督學北平就婚於燕都受業於樵李葵陽黃學
士之門甲申自燕返補試睦州閩倣庸林公視兩浙
學見其牘絕歎賞以為浙士無兩檄冠其先所試士
子廩明年遂以第二人舉于鄉己丑南宮第一廷對
擢第三授翰林院編修與焦修撰弱侯袁宮諭伯修
黃庶子平倩極相友善朝夕究譚性命之學寓書與
弟爽齡向時迷陋視一科第為究竟地正如海師妄
認魚背謂是洲岸耳聰明人宜蚤悟勿墮大海而甫
覓舟楫也辛卯兄德望棄世尚書公以慟哀致病亟
請告歸養朝夕視膳與其二弟日相與徵論於前百

道承順病亦漸損甲午詣闕補原職同修國史乙未分校禮闈得人獨盛已復請告返越戊戌丁外艱服除奉其母北上復補原官尋轉太子中允知制誥時東朝始建覃恩被於庶寮 綸命委積日數十軸未得暇體素羸至是益憊曰吾乃用身命博寸祿耶思解衣作歸計而母聞之艱然曰吾崎嶇北來席未暖而遽去何筆挈也於是謀改南徐爲引身之策數月以左春坊右論德兼翰林院侍講典試留京會妖書事起一二細人構其間詞連大僚時 上方震怒勢將不可測曰如此則大獄興反覆相噬禍且株連臣

本朝分省人物考

卷五十一

八十五

浙江十
徐林

悅慈湖子輯慈湖金鉅於近世悅龍溪近溪各輯其語錄嘗曰慈湖師陸文成之所自出餘子皆文成之裔也學道之堅精進勇猛乃終身退然自居於學地卽庸流卑士片語近道折節下之與其弟輩友愛無間聯床共臥動卽浹旬月未嘗入內體羸弱不任勞苦而性喜臨汎往往旬日不休崎嶇跋履初不言倦每見林薄蒼翳清溪滌洄則解衣盤礴嗒焉忘返或至山水奇絕之處則攝衣而登踐苔捫蘿凌犯危磴從游者方戰悼危慄而翩然獨詣直躋其巔宿萬山之巒必晨起以觀煙雲之變熊島嶼之出没情境所

本朝分省人物考

卷五十一

八十六

浙江十
徐林

會嘯歌不已嘗一登洞庭雨游白嶽窮台宕之幽峭覽天都之奇勝陟天目臨寶陀幽絕處皆有題咏短吟長什無不可誦所著有制草若干卷歇菴集若干卷行于世計聞予祭葬謚文簡

胡 瀚

胡瀚字川甫餘姚人也七歲端重如成人一日問塾師曰學孔孟以何爲入門塾師大異之其從父支湖公召語之曰孺子願學乎學在心不以不欺爲主澣唯唯著心箴圖就質於王文成公文成公曰吾小友也時王公畿錢公德洪皆與爲忘年之交會講學天

真書院主朱學者疑陽明宗王學者論考亭游日考亭當註疏附會之時不得不擷精茹粹以發蒙陽明當支離割裂之後不得不指點頭顛以證世俱正法藏雖異而同學者服之澣於博士家語若不經意而語必驚人當謂於一第承蜩易耳然數奇每蹶晚乃以貢得華亭訓導尋教諭崇明歸至今吳門稱澣者以為安定遺裔云築室今山署曰松篁小塢歸臥其中觀喜怒哀樂未發氣象爽焉自得病革為詩示兒孫神色恬正庶幾去來翛然者有今山文集一百卷行於世

本朝分省人物考 卷五十一

八十七

浙江 餘全

季本

季本山陰人既受學精思力踐慨然以聖賢為可學而至常兢兢磨練於事為朋友之間患世之學者以自然為宗忘其所有事習於惰而偷自便也曰心之本體原戒慎恐懼天命靡寧主宰常惺猶之龍矩則常定潛見飛躍隨所遇而時應是以警惕主變化也彼以自然為宗而不知惕若有同出於虛而卒流於物欲者矣患世學以講經為病徇傳見微曲說任胸臆之所之而去道愈遠也單精於六經深研妙詣多所自得始明德童年時於經義務深悟既知學引伸

觸長益有妙契文成存時與書言看經書取其有益於學而已一涉拘執比擬則反為所縛雖特見妙語一時不無開發之益而意必之見流注潛伏有反為之障而不自覺者矣後學成歐文莊亦以習心流注箴之蓋師友切磋入微者如此明德舉進士官監察御史以論禮補外卒後門人祠祀之謚曰明德先生

徐渭

徐渭字文長山陰人幼孤性絕警敏九歲能屬文年十歲做楊雄解嘲作釋毀二十為邑諸生試屢雋胡少保宗憲總督浙江或薦渭善古文詞者招致幕府

本朝分省人物考 卷五十一

八十八

浙江 餘全

覽罷瞠視不答胡公曰生有不足耶試為之對具藁進公故豪武不甚能別識乃寫為兩函戒使者以視所善諸學士董公份等謂孰佳者即上之至都諸學士見之果賞渭作表進上大嘉悅其文旬月間遍誦人口公以是始重渭寵禮獨甚時都御史武進唐公順之以古文負重名胡公嘗袖出渭所代謬之曰公謂予文若何唐公驚曰此文殆輩吾後又出他人文唐公日向固謂非公作然其人誰耶願一見之公乃呼渭偕飲唐公深獎歎與結驪而去歸安茅副使

坤時游於軍府素重唐公嘗大酒會文士畢集胡公
又隱渭文語曰能識是爲誰筆乎茅公讀未半遽曰
此非吾荆川必不能胡公笑謂渭茅公雅意師荆川
今北面於子矣茅公慚慍面赤勉卒讀謬曰惜後不
逮耳其爲名輩所賞服如此渭性通脫多與羣少年
昵飲市肆幕中有急需召渭不得夜深開戟門以待
之偵者得狀報曰徐秀才方大醉豪噀不可致也公
聞反稱善時督府勢嚴重文武將吏庭見懼誅責無
敢仰視者而渭戴敝烏巾衣白布淋衣直闖入無忌
諱公常優容之而渭亦矯節自好無所周請然性豪

本朝分省人物考卷五十一 八九 浙江 徐仕

恣間或籍氣勢以酬所不快人亦畏而怨焉及宗憲
被逮渭慮禍及遂發狂引巨錐刺耳刺深數寸流血
幾殆又以椎擊腎囊碎之不死渭爲人猜而妬妻死
後有所娶輒以嫌棄至是又擊殺其後婦遂坐法繫
獄中憤懣欲自決爲文自銘其墓卒以援者力獲免
既出獄縱遊金陵北客於上谷居京師者數年獄事
之解張宮諭元怵力爲多渭心德之館其舍旁甚離
好然性縱誕而所與處者頗引禮法久之心不樂時
大言曰吾殺人當死一茹刃耳今乃碎磔吾肉遂
病發棄歸既歸病時作詩曰閨門與狎者數人飲

噱而深惡語富貴人自郡守丞以下求與見者皆不
得也嘗有詣者伺便排戶半入渭遽手拒靡口應曰
某不在人多以是怪恨之晚絕穀食者十餘歲人問
何居曰吾噉之久偶厭不食耳無他也尤不事生業
客幕時有餽之洮絨十許匹者遂大製衣被下及所
嬖私褻之服靡不備者一日都盡及老貧甚鬻手自
給然人操金請詩文書繪者值其稍裕卽百方不得
遇窘時乃肯爲之所受物人人題識必償已乃以給
費不卽餒餓不妄用也有書數千卷後斥賣殆盡幃
莞破弊不能再易至築寢年七十三卒

本朝分省人物考卷五十一 九 浙江 徐仕

黃珏 珏字玉合餘姚人性廉靜朴厚八歲始能言言輒
有中時喪母哀毀如成人以庶母讒失愛於父而孝
父益篤父令諸子析爨於家貴聽諸弟所欲及父沒
竭力治喪一不具弟每讌語及母輒涕泣不能食
家祭祀極誠敬將之有富人兄弟欲訟者沮弗聽請
絕交事得解兄聞之大感奉金爲謝珏笑曰吾言義
也不可以圖利終不受平居以教授自給晚益空乏
而胸中曠然依婿劉景祚以居與太原王萬石陳郡
謝肅爲文字飲疾病謂子熙曰吾歸矣汝善持而身

語畢正衣冠端坐而逝

吳宗元

吳宗元字長卿山陰人其上世有諱者以學行聞門人私謚為文簡先生後遷為諸暨人宗元孕十有四月而生幼穎智屹如成人蚤失父事母甚恭夢白衣人謂曰汝壽止此今以汝子孝特延一紀疾果瘳宣慰使辟用之大息曰母老年得力田為養不啻足矣力謝免歷十二年母以高壽終宗元號慟幾絕服除久每語及輒嗚咽流涕如新喪已念父母沒唯教子孫毋析居乃可以繼先志詣浦陽鄭義門謁焉得本朝分省人物考卷五十一 九十一 浙江十

孫鑰

孫鑰字文中餘姚人嘉靖丙辰進士除武庫郎轉職方數年肅皇帝齋居久錮言事諸臣屢與大獄上疏極諫中人憚上英察秘不以聞遂移疾歸穆廟初起南文選歷尚寶鴻臚光祿卿時江陵奪情以見忤乞休家食十年丙戌以原官召進大理卿時吳時來為御史大夫更律例多紕盭不可行下法司議鑰爭之強兩請上是大理議已進刑部侍郎改吏部庚寅遷南吏部尚書尋以兵部尚書叅贊機務上特簡注遷冢卿是時事權初歸銓部人情抗掇本朝分省人物考卷五十一 九十二 浙江十

奪俸鑄考功郎三秩于是去志益決獨以權黨二字不可遺後患乃上疏申職掌報聞堅卧乞骸 上遣中官賜以羊罽請益力疏累十上賜傳歸踰年卒鑪純誠質行與人煦煦長者意所不可責育莫能奪真不忝忠烈之裔矣

俞漢遠

俞漢遠上虞人能詩書嘗膺保舉寓京師時吏部郭尚書知其能書使人召之不赴召者曰冢宰人欲求一見而不可得予何獨不往漢遠曰吾以應薦而來今往爲之書使他日得美除人將謂以書得之卒不往後卒旅邸貧無所蓄鄉人哀金爲斂之

補遺

陳思道

陳思道字執中浙江紹興山陰人父谷深居鑑湖濱且耕且讀教授鄉之子弟生四子思道最幼負奇氣穎悟出倫日記數千言見者每以公輔奇之及對人言曰吾必爲吾父償書債洪武三年開科取士遂領鄉薦登乙丑進士授刑部主事執法不回二十年朝廷知其賢驟銓兵部右侍郎益勵風節雖至戚信友不敢干以私由是名譽日彰 寵遇日盛二十一

本朝分省人物考

卷五十一

九十三

浙江十

年轉禮部左侍郎二十二年三疏乞歸養家居不植生業儼然居官之日郡邑長令非有大政造廬請議不得一見與鄉人處則恂恂如也善屬詩文時推正直有行義者必以爲稱首云

葛啟

葛啟字蒙吉上虞縣人永樂二十年徵修大典入監除陝西道御史巡按湖廣建言謫萍鄉知縣致仕

朱賡

朱賡字少欽號金庭山陰人隆慶戊辰進士由庶吉士授編脩脩撰與脩 兩朝實錄充經筵講官 上方冲齡嗜學每進講開陳明盡 上輒和顏受之一日聞宮中娛情花石因講宋史花石綱極言羣小騷奪害民甚大 上退戒左右曰講官言可畏尋以講

本朝分省人物考

卷五十一

九十四

浙江十

講勞加俸一級改吏部左侍郎教習庶吉士尋陞禮部尚書諸宗室請封往苦吏胥求索乃盡爲查給有難之者陰令人往司封所檢得誥軸盡給之諸宗卿德不置丁繼母憂歸賜祭葬襄事尋故讀書東武山建逍遙樓偃卧其中者十有三年 上念舊學以尚書兼東閣大學士入閣辦事至則備陳礦稅爲害引唐玄宗宋徽宗爲戒詞甚剴至 上優詔褒美之會

工部據例請殿門工賡謂此嘉靖三殿故牒今軍興
 早潦所在若洗而所入礦稅原為大工者不得用一
 錢不此之請謾言往牒使 皇上無以示信天下非
 所以光 聖德乃密具揭呈進 上覽之大悅遂傳
 旨緩工令擬諭以進因備陳礦稅原為大工信不可
 失乃下諭封礦所在稅課改有司徵以其半濟工
 詔下海內歌舞若更生焉已疏請釋逮華司理鉅等
 十餘人于 詔獄而曹御史學程以語東事忤 旨
 繫稅監梁永誣咸陽令宋時際咸寧令滿朝荐唆劫
 稅銀有 旨逮獄咸力疏懇救獲免于罪戾焉久以
 本朝分省人物考 卷五十一 九十五 浙江

病請告 上不允會長子納言訃至一慟而疾劇亡
 何卒先是欲悉數時政叩閣以請及病危乃括而當
 尸諫 上優詔報可將革乃張目問曰 上意若何
 額而謝者再享年七十有四病中自撰名曰茶史食
 茶者以苦語人不知惟食者知之問以苦何如亦竟
 不能吐一語也大臣之遭憂離慙若此信稼穡代食
 之惟寶矣

孫 鑛

孫鑛號月峰餘姚人甲戌會試第一二甲四名授兵
 部主事調禮部尋調吏部歷稽勲驗封考功文選管

內外大計區別精詳輿情貼服甲申陞太常少卿丁
 憂復除常少右通政擢都御史巡撫山東陞刑部左
 侍郎改兵部經畧薊遼加陞右都御史陞南京兵部
 尚書丙午加太子少保回籍文章事業卓然一時固
 其識力之過人至于忠孝大節則得之家傳者素也

孫如法

孫如法字侯居餘姚人中萬曆丙子順天鄉試癸未
 成進士授刑部主事建言謫廣東潮陽典史未及起
 用而卒如法之曾祖卽忠烈公其父卽冢宰鑰忠貞
 大節真不愧祖父者

本朝分省人物考 卷五十一

九十六

浙江

人物考卷之五十二目錄

浙江金華府

宋濂

王禕

呂文燧

徐原

諸葛伯衡

許存仁

朱廉

傅藻

朱文

張孟兼

葉儀

范祖幹

馬廉

廉懷德

李暉

蘇友龍

本朝分省人物考

卷五十二目錄

浙江十一

鄭淵

吳沉

鄭濂

鄭濟

鄭沂

鄭湜

鄭棠

鄭楷

李希明

何士英

吳履

劉辰

張壽祖

胡翰

汪仁壽

江與立

盛本源

何壽朋

董仁仲

朱肇



楊芾

樓璉

王紳

金信 附子聲

鄭栢

鄭欽

龔泰

戴元禮

貝泰

邢旭

邵玘

謝忱

陳俊

包珣

盧睿

章聰

王稔

李敘

杜桓

馮傑

本朝分省人物考

卷五十二目錄

二

浙江十一

潘璋

樓澤

宗祉

姜璉

龔永吉

目錄終

本朝分省人物考卷之五十二

浙江金華府

宋濂

宋濂字景濂金華縣人在姪七月卽生爲嬰兒時苦多病每風眩輒昏迷數日年六歲入小學授以李瀚蒙求一日而盡自後日記二千言同肄業者日暮罷歸其所讀皆成誦九歲爲詩歌有奇語人呼爲神童年十五六里人張繼之邀至別墅問以四書經傳若干日可通背以一月爲答初不之信抽架上雜書俾卽記五百言乃以指爪逐行按之按畢輒背一字不

本朝分省人物考

卷五十二

浙江一

遺繼之告其父尚書公曰是子天分非凡當令從名師其父乃携入城府受業於聞人夢吉受以春秋三傳之學凡學春秋者皆苦其歲月先後難記濂卽列國紀年能悉誦之但舉經中一事卽知爲魯公幾年幾月是年實當列國某君幾年幾月或俾書覆之無少異者且兼通易書詩及周禮諸經爲舉子業每出諸生右會吳貞文公業授經於白麟溪上攻古文辭濂欣然往從學之未幾悉得其間與自是文章之名籍然著聞矣居無幾何吳公解館而歸濂嗣主教席子弟相從讀書講道東明山中時柳文肅公貫黃文

獻公潛皆大儒禮以友道柳公曰吾邦文獻浙東號爲極盛吾老矣不足負荷此事後來繼者所望景濂以絕倫之識而濟以精博之學進之不止駕風帆於大江中孰能禦之黃公曰吾鄉得景濂斯文不乏人矣至正己丑用大臣薦擢將仕郎翰林國史院編修官以親老不敢遠違固辭會世亂益韜晦不事表顯乃與弟子入龍門山著書二十四篇龍門凝道記及著孝經新說周禮集註等書濂於天下之書無不讀而析理精微百氏之說悉得其旨要至於佛老之學亦所研究用其義趣裁爲經論誠意伯劉君基謂其

本朝分省人物考

卷五十二

浙江一

主聖經而奴百氏馳驅之餘取佛老語以資戲劇譬猶飫梁肉而茹茶飲茗耳歲乙亥冬 高皇帝定鼎金陵遣使者樊觀奉書幣造門徵之濂遂幡然應詔與青田劉基麗水葉琛龍泉章溢俱見 上尊重之建禮賢館以居語必稱先生而不名七月命爲江南等處儒學提舉陳友諒平乃撰平江漢頌 上大錄賞十月奉旨入內授皇太子經遇綱常大義明白開陳再三言之而不倦 上深嘉歎之壬寅八月 上召濂及興國孔克仁講春秋左氏傳畢濂起曰春秋乃孔子褒善貶惡之書苟能遵行則賞罰適中天下

可定也是月告歸省親有白金文綺之賜甲辰十月
改起居注濂侍 上左右知無不言補益甚衆明年
乙巳正月 上御端門與論及黃石公三略且曰釋
之濂進曰尙書二典三謨帝王大經大法靡不畢具
願 陛下畱意講明之 上曰朕非不知典謨爲治
之道但三略乃用兵攻取時務所先耳 上召丞相
李善長歸江西軍中所掠牛與其民無牛者勿取其
租丞相退 上顧濂曰尙所言事當乎對曰民富則
君不至獨貧民貧則君何能獨富捐利於民實興邦
之要道也三月臥疾 上曰老宋起居何久不見繼

本朝分省人物考

卷五十二

三

浙江十一

聞在告乃憂形於色謂侍臣曰爾往傳命俾歸金華
山父子祖孫懽然同聚疾必速愈且速造朝乃賜
金帛 皇太子致贈有加焉六月上箋謝恩復奉書
皇太子勉以孝友恭敬勤敏讀書毋怠惰毋驕縱修
進德業以副天下之望 上覽書喜甚 上每與羣
臣言其淳謹君子輔導有方眷遇甚隆吳元年二月
設三局一曰律局二曰禮局三曰誥局徵儒士徐大
章梁寅分寘各局以濂等領之既而丁尙書公憂服
除詔修元史爲總裁官兼修禮書六月除翰林學士
亞中大夫知制誥兼修國史三年二月 上御東閣

濂等進講大學至有士有人反覆陳說 上加納之
七月元史成賜金幣有差其筆削倣春秋末著順帝
不綱風憲皆爲不捕之猫將帥盡成反噬之犬由是
羣雄角逐九域瓜分人以爲至論時甘露屢降濂撰
頌 上問災祥之故對曰受命不於天於其人休符
不於祥於其仁是以春秋不書祥而紀異爲是故也
皇上畱神至治以得仁賢爲瑞以臻和豐爲祥視前
代植金莖以承液誇嘉瑞以紀年者不侔矣 上姪
文正以荒淫擅殺得罪濂曰文正罪固當死 陛下
體親親之義生之而置諸遠地則善矣 上嘗言古

本朝分省人物考

卷五十二

四

浙江十一

之帝王當宴安之餘多好神仙以朕言之使國治民
安心神怡康卽神仙也對曰漢武好神仙而方士至
梁武好佛而異僧集皆由人主篤好故能致之使移
此心以求賢輔天下其有不治乎 上深然之 上
嘗祀方丘患心不寧濂進曰孟軻有言養心莫善於
寡欲審能行之心清而身泰矣 上稱善久之後失
朝左遷編修十二月遷奉議大夫國子司業國子多
大臣子弟蒞之以莊率之以正日進諸生立兩序據
坐執經敷揚闡奧之旨教以孝悌忠信之道學者帖
帖遵度四年七月坐考祭禮遲滯與魏觀同謫濂授

安遠知縣五年二月召為禮部主事六月嘉瓜生於
句容 太祖命濂撰嘉瓜贊濂之忠誠久而彌篤

皇太子一言一動皆以禮法諷諭使歸於道讀書至

切於政教及前世興亡之故必拱手揚言曰君國子

民之道當如是不當如彼且推人情物理以明其義

皇太子每斂容嘉納 上嘗問帝王之學何書最要

濂請 上讀真德秀大學衍義 上覽而悅之令左

右大書揭之兩廡之壁時諦觀之六年正月以舉人

張唯等為編修入文華堂肄業命濂為之師 上聽

政之暇幸堂中評文優劣每食太子親王迭為之主

本朝分省人物考

卷五十二

五

浙江四

上御西廡大臣皆侍坐 上指衍義中言司馬遷論

黃老事令講析俾在坐者聽之濂既如詔復言曰漢

武嗜神仙之學好四夷之功民力既竭重刑罰以震

服之臣以為人主能以義理養性則邪說不能侵興

學校教民則禍亂無從作矣刑罰非所先也 上謂

濂曰朕之為君上畏天下畏兆民兢兢業業不敢

自逸對曰 陛下此心古先哲王之心也願 陛下

慎終如始 上御齋室濂侍坐 上問三代曆數封

疆之修短廣狹濂歷言之且曰三代之治天下也以

仁義故歷年多後世莫及 上嘉納七月陞翰林侍

講學士中順大夫知制誥同修國史仍兼贊善大夫

奉詔搜萃歷代姦臣之蹟編為辨姦錄及進太子諸

王各分賜焉初 上作祖訓錄至是書成命作序諭

以大意濂歷言帝王之道及 皇上創業之艱以致

箴戒之意於後人 上稱善命刻於篇首嘗侍 上

至後苑觀穫 上曰農事成矣對曰國以民為本民

以食為天 陛下知稼穡之艱難而念生民之勞苦

實盛德也 上問曰三代以上所讀何書對曰上古

載籍未立不專讀誦而尚躬行人君兼治教之責躬

行以率之天下有不從教化者乎八月奉旨纂修大

本朝分省人物考

卷五十二

六

浙江

明日曆一百卷擇言行之大者為寶訓五卷總裁其

事朝夕禁中至七年五月乃成十一月孝慈錄成八

年正月 上與濂論用人 上曰人材不可一槩而

論賢能之士或有隱於老佛卜筮負販者顧在上者

能拔用耳否則有志不得上達多矣濂對曰誠如

聖諭三月洪武正韻及大明律成俱為總裁九月侍

皇太子親王遊中都隨處規益既歸 上諭曰皇太

子留心治道卿等居常諷諭庶廣識見幸善調護之

濂自以布衣沐非常之遇普竭誠以報國凡 上有

所任使靡晷靡夜躬閱載冊書於牘進之或覆視於

册一字不遺在朝日久若郊社宗廟山川百神之典
 朝享宴慶禮樂律曆衣冠之制四夷朝貢賞賚之儀
 及勳臣名卿焯德耀功之碑承 上旨意論次紀述
 咸可傳於後世在 上前所陳說不為文飾隱蔽雖
 家事苟有問亦一一道之常曰君猶父也天也其可
 欺耶故 上久而益信其誠欲俾參大政辭曰臣少
 無他長惟文墨是攻今幸待罪禁林 陛下之恩大
 矣臣誠不願居職任也 上愈厚之每宴見必命茶
 賜坐每旦令侍膳詢訪舊章講求治道或至夜分乃
 退屢有所建明召問廷臣臧否第言其善者不置又
 本朝分省人物考 卷五十二 七

問否者為誰濂曰善者與臣友故知之否者縱有臣
 不知也卒無所毀或命賦詩為文必寓忠告嘗奉制
 詠鷹令七舉足即成有自古戒禽荒之言 上欣然
 曰卿可為善諫矣然濂絕不以語入至於應制之作
 亦不畱藁署温樹二字於屋室之壁有問及內事者
 指以示之 上嘗與濂飲素不勝杯勺舉觴即辭
 上強之至三觴面如赭行不成步 上觀笑親御翰
 墨賦楚辭一章以賜仍命侍臣咸賦醉學士歌且曰
 俾後世知朕君臣同樂若此也甘露降 上召賜坐
 上躬執金杓煉湯於鼎以甘露投之手注於卮以賜

濂曰此和氣所凝能愈疾延壽故與卿共之耳皆異
 恩也九年四月將有事於方丘適有晉王妃之喪命
 濂考古制以聞對曰按王制喪三年不祭惟祭天地
 社稷越紼而行事喪服傳云宮中有喪三月不舉祭
 既葬而祭宋王珪司馬光王安石皆以為祭天郊社
 之禮國之大事聖人所重雖有三年之喪亦不敢廢
 示有尊也 上然之五月 上謂濂曰自古有國家
 者未有不資賢才而能燭理秦之時張良陳平韓信
 皆隱屠釣漢高用以成帝業今山林巖穴豈無超羣
 拔衆之才茲欲羅致之其道何由濂曰取士莫善於
 本朝分省人物考 卷五十二 八

鄉舉里選用人莫善於因能任官任官莫善於久居
 不遷古有是論而 陛下行之得才之效莫過是矣
 六月 上以濂久典制作宜勞為多特拜翰林學士
 承旨知制誥兼修國史 上每有言曰朕以布衣為
 天子卿亦起草萊列侍從為開國文臣之首俾世世
 與國同休不亦美乎趣令取子孫官之屢辭謝不敢
 奉詔至是詔徵冢子瓚之子慎為殿廷儀禮司序班
 未幾復召介子璵除中書舍人 上時休暇輒命題
 試璵與慎而戒飭之 上笑語濂曰朕為卿教子孫
 濂或奏事久稱倦 上命璵慎共扶下殿祖子孫三

世皆官內廷當世以為異事復以艱於行步特詔皇太子選良馬以賜 上親作良馬歌復詔羣臣咸作之以寵耀焉濂益感激不自寧 上以濂年且至不可煩以事十一月有致政之詔加贈其父為嘉議大夫禮部尚書誥辭皆 上所親製天下榮之濂行既有期 上眷念尤深曰卿去何時復來見朕乎幸相侍數日姑徐徐行由是朝夕左右者累月時詔許言事朝臣有 上疏萬餘言者 上厭其迂愆怒欲罪之以問羣臣有阿意者指其疏曰此不敬此詆謗罪當誅 上舍之而罷怒未解召濂對曰彼應詔上

本朝分省人物考 卷五十二 九 浙江 徐仁

疏其心為國耳烏可深罪乎 上默然已而 上覽疏中有足采者召阿意者罵曰吾怒時若等不能諫乃激吾誅之何異以膏沃火向非宋景濂之言幾不誤罪言者耶 上嘗廷譽濂曰古之人太上為聖其次為君子若宋景濂者事朕十有九年而未嘗有一言之偽誚一人之短寵辱不驚始終無異其誠所謂君子人乎十年二月濂辭歸瀕行賜金幣文綺及御製文集皇太子贈以衣三襲 上又問卿今年幾何矣濂曰六十有八 上曰藏此綺俟三十二年後作百歲衣也濂叩首謝 上復囑曰大江漲不可舟

卿宜循內河達家庶幾無虞仍俾慎護行至家即拜表遣慎詣闕稱謝仍上箋皇太子申明正心治國之要 上賜詔褒答初將辭請歲一來朝是年九月朔遂入朝越十四日見於端門 上行想已久廷問累矣及見大喜加勞再三皇太子諸王皆驩動顏色越朔日 上降勅符遣儀曹奉醪膳諸物抵寓館以賜自是日侍 上遊歷觀宮闕盤旋禁禦詢諮備至便殿侍食日晏始退恩禮之優羣臣莫敢望寺人衛卒見其至皆以手加額相推排迎拜恐不得先覩之留朝七旬餘 上重其選而難言之濂以歲暮力辭還

本朝分省人物考 卷五十三 十 浙江 徐仁

復遣中貴人賜上尊至於道所經行皆 上為指畫既行數日 上問璩曰爾父道中無恙否璩以安對未幾復謂璩曰朕疇昔之夜夢見爾父笑談如曩時爾父雖去其容儀儼然在朕目中也璩叩首謝曰非陛下垂念臣父之至何以形諸夢寐濂德重而不居位顯而彌恭既司制作之柄造門求文之士先後相繼蠻夷朝貢者數問其安否日本高麗安南使者至購文集不啻拱璧而濂退然自持似不能言者朝廷有大議間問引古今辨說不少有所回性命之理晚而益究其極外物之往來視之若不相干嘗曰古人

一第丁... 升黃參... 第 18 版反內

之爲學使心正身脩措之行事俯仰無愧而已繁辭
復說道之敝也故作事不尚表暴務合乎義教人皆
隨其質而導之使人於善與人交和易任真無鈎距
爲所給亦弗與較臨財廉非其分不取大書於門曰
寧可忍饑而死不可苟利而生權要及有力者苟非
其人雖置金滿橐求一字不肯與縱不得已與之亦
不受其餽謝日本使奉勅請文以百金爲獻卻不受
上以問之對曰天朝侍從之官而受小夷金非所以
崇國體也 上深然之貧賤人情有可哀欲發潛振
幽卽忻然爲之四持文衡試天下士得人爲多接引
本朝分省人物考 卷五十二 十一 浙江四十二
後學惟恐弗及天下之能文者多經指授朝廷英俊
咸以爲法雖以貴顯平居布衣蔬食無異貧士不事
生產不置田宅或勸爲子孫計則曰富貴豈一家物
哉自少至老未嘗一時去書不觀及致政歸青蘿山
關一室曰靜軒終日閉戶纂述人不見其面戒子孫
毋至城市姻婭有以郡縣事爲託者皆峻謝之或談
及時事輒引去不與語切於仁愛聞民有困乏者食
爲之不飽濂視近甚明夜置燈於几臥絺帷中能閱
蠅頭小書一黍上能作十餘字皆可辨畫不飲酒寡
嗜欲所著文有潛溪集四十卷蘿山集五卷龍門子

三卷浦陽人物記二卷已傳於學者翰苑集四十卷
芝園集歸田以後所著計四十卷十三年冬孫慎以
罪被刑舉家當寘重辟 上念舊臣特赦安置茂州
十四年五月卒于夔府年七十二

王 禕

王禕字子充義烏人自幼秀爽奇敏及長長身嶽立
屹有偉度習古學師事真潛戊子元政亂禕爲書數
千言上時宰危素張昺若並薦不報隱青岩山著書
戊戌徵署中書省掾商略幾務 上每稱子充不名
間與論文童稱善因命采故實爲四言詩授太子辛
本朝分省人物考 卷五十二 十二 浙江四十二
丑進平江西頌 上覽頌喜曰吾固知浙東有二儒
卿與宋濂耳學問之博卿不如濂才思之雄濂不如
卿癸卯授江西儒學提舉司校理外艱乙巳除侍禮
郎兼引進使定議禮制遷起居注 丙午升同知南昌
府禕被榛莽建府署撫瘡殘集徙散收廩賢士搜除
奸蠹經理廢壞郡得安輯賜黃金帶丁未召議卽位
禮忤旨洪武元年降漳州府通判尋上疏言上天以
生物爲心雷霆霜雪有時而搏擊有時而肅殺然皆
暫而不常向使雷霆霜雪無時不有則上天生物之
心息矣洪武二年召修元史爲總裁官徵逸士汪克

寬胡翰宋儋陶凱等十六人爲纂修官開局天界寺
 禕史事擅長裁煩剔穢力任筆削書成拜翰林待制
 同知制誥兼國史院編修官三年預教大本堂經明
 理達善開導召對殿廷必賜坐從容宴語未久奉使
 土番尋召還五年往諭雲南六月至諭梁王亟宜奉
 版圖歸職方不然天討旦夕且至梁王不聽館別室
 數日又諭曰朝廷以雲南百萬生聚不欲殲于鋒刃
 曾不聞元綱解紐天兵西征不五六年天下大定爾
 恃險遠旅拒明命龍驤鷁艦會戰昆明悔無及矣梁
 王駭服有降意卽爲改館會元遣使脫脫至雲南規
 本朝分省人物考 卷五十二 十三 浙江十

梁王有二心欲迫殺我使以固其意梁王持兩可不
 決匿禕於民間脫脫聞之謂梁王不得已出與脫脫
 相見脫脫欲屈之罵曰天訖汝元命我朝實代之汝
 如燬火餘燼尚欲與日月爭光耶我將命遠來豈爲
 汝屈有死而已顧梁王曰汝朝殺我大兵且夕至六
 年十二月竟被害瘞地藏寺北年五十二子紳字仲
 縉博學能文洪武二十九年走雲南求父遺骸不得
 述滇南慟哭記建文元年四月紳上言父死節狀下
 翰林議贈翰林院學士奉議大夫謚文節正統六年
 又贈翰林學士謚忠文

呂文燧

呂文燧字用明永康人元至正之季民反處州爲盜
 轉掠而東陷永康發諸縣繹騷弗寧文燧散家財數
 千萬與弟文燁合謀募里壯強子弟得三千人將之
 與盜屢戰盜敗走復其邑斬獲甚衆呂氏之聲聞東
 南朝廷三授以官皆辭不受用事者聽讒殺其弟卒
 不敢怒而爲之盡力大臣義之承制表其閭而復其
 家發之巨室細民幸不遇盜者悉歸功呂氏是時永
 康有呂氏隱若巨鎮焉 太祖旣克婺乃藉兵甲詣
 轅門降 上大喜特命爲左副元帥兼知縣事時文
 本朝分省人物考 卷五十二 十四 浙江十一

燧以事畱杭未返命其弟文烜攝之比還復召爲庸
 田司經歷改中書省管勾江西行省都事權知廬州
 府至官三月浙西平更授嘉興知府松江民作亂襲
 嘉興規知之走使者告李曹公文燧始據城曹公
 兵卽至遂就擒諸將欲屠城文燧等曰據城者賊也
 城中民何罪釋不屠民德之滿三載入朝奉詔持節
 諭閩婆國洪武三年十一月次興化有疾卒于驛舍
 年五十四鄉人聞其卒皆哭泣相弔喪歸髦倪迎拜
 於道數十里不絕卒之明年嘉興佐貳以下坐鹽法
 死者數千人有司以嘗署名公牘例籍其家 上特

詔歸之曰吾知呂文燧誠信人必不圖姦利且歿於使事可念也時呂氏家逮繫縣獄鄉人哀之如親戚及詔歸其家乃皆舉手相賀

徐原

徐原字均善蘭溪人也少從吳禮部遊與吳沉童梓爲友博覽羣書以詩文名世所著有五經講義強學齋文集數卷 太祖取婺州與吳沉同命爲訓導歷主福建江西考試攷之皇明政要及元綱目云太祖改婺州爲寧越府命知府王宗顯開郡學延儒士葉儀宋濂爲五經師戴良爲學正吳沉徐原爲訓導時

本朝分省人物考

卷五十二

十五

浙江十一
徐云

諸葛伯衡

諸葛伯衡蘭溪人也少清介持名節從鄉先生游獲聞前輩緒論力求實踐鄉里咸推重之洪武初以薦授北平雜造局大使不以家累自隨出入無車馬遇雨輒草履行泥塗中弗厭也遷趙州吏目州有建峯廟廟有青蛇惑人凡入人家必有禍伯衡殺青蛇罪巫者民以不惑以左春坊大學士董倫薦召問治道

以聖明之世紀綱正而法度脩民皆安業但廉之道輕耳上大悅擢陝西叅議以道途遠近定轉輸法民甚便之後改廣東叅議卒于官金華杜桓爲作小傳稱爲清脩直亮之士

許存仁

許存仁名元以字行浙之金華人祖謙學於金履祥得朱子傳學者稱白雲先生元末 高皇幸金華訪求其後召存仁未至而乘輿已還乃驛赴京師一見與語大說曰何相見之晚也拜京學教授仍命入傅皇太子及諸王歲乙巳九月丙辰朔置國子學設博士助教學正學錄典書典膳等官以存仁爲博士丙午五月 上發濠梁省陵墓命從行八月壬子命存仁進講經史存仁講尚書洪範至休徵咎徵之應上曰天道微妙難知人事感通易見天人一理必以類應今宜體此下修人事上合天道然豈特爲人上者當勉哉爲人臣者亦當脩省以輔其君上下交修格天之本也吳元年四月 上至白虎殿見諸子有讀孟子者問曰孟子何說爲要對曰勸國君以王道施仁政省刑薄稅乃其要也 上曰孟子專言仁義使當時有一賢君能用其言天下豈不定于一乎冬

本朝分省人物考

卷五十二

十六

浙江十一
云

十月丙子定國子學官制陞存仁爲祭酒最見禮遇出入兩宮且垂十年自稽古禮文之事至於人材進退時政弛張無不預議及修舉廢墜更規設法以教國子條例數十事皆見施行會存仁嘗以學宮什器用諸私室言官以移用官物坐之章入 上覽之笑而已適浙江僉事程孔昭劾奏存仁駐杭娶妾飾牀以象牙非師臣體乃詔勿治安置韶州既至韶即張文獻公祠以居好事者繪爲南華謫居圖後遇赦還卒

朱廉

本朝分省人物考 卷五十二

十七

浙江十一

朱廉字伯清義烏人也自少刻苦勵志淹貫經傳悉領要義既而學文于黃潛遂以文章知名國初知府王宗顯器其材辟爲羣學師及浙東行省右丞李曹公文忠開鎮嚴州尤加禮敬遂移長釣臺書院未幾丁外艱洪武三年詔修元史 聖朝日曆起爲纂脩官史成拜翰林編脩八年乘輿巡幸中都命廉扈駕至滁州北至中都進詩十首 上覽而大喜曰佳詩朕爲汝和有頃召廉賜和詩六首當時以爲榮既而授經楚府尋陞長史久之病贖遂致仕而歸序經講誦探研聖學嘗取朱熹語類摘其精義名曰理

纂言其爲文謹嚴精密有文集一十七卷

傅藻

傅藻字伯長義烏人也受業黃潛以文章知名洪武五年由本縣儒學召對稱旨授翰林編脩尋改應奉文字拜監察御史擢東宮文字出知武昌府陞河南按察使所至皆著聲稱藻奉勅按鳳陽獄道途所見輒成紀行詩若干卷率有關於風教一日召對華蓋殿以詩呈進 上覽之悅作和章四首賜之

朱文

朱文字悅道浙之義烏人也從王稔游學博才瞻剛本朝分省人物考 卷五十二

十八

浙江十一

方少許可人洪武六年舉明經授知星子縣廉介自持興學勸農奏其縣山高風冷春意來遲艱于採茶上可其奏遂罷茶貢人惠之後陞贛州府同知盡心撫綏秩滿民遮擁留至今贛民祠祀之

張孟兼

張孟兼浦江人爲人伉爽不羈其文每爲誠意伯劉基所愛重數稱其才于 上嘗召視之曰生骨相薄仕宦徐徐進乃可耳母驟也未幾除山東僉事廉勤疾惡摘發無所貸吏民見其行部皆凜然墮膽陞副使時布政吳以僧獲顯秩每加陵侮上怒論棄市

葉儀

葉儀字景翰金華人也受學于白雲許公公語以學者必以五倫為本以開明心術變化氣質為先儀朝夕惕勵研究與旨已而授徒講學士爭趨焉其語學者曰聖賢言行盡于六經四書其微辭奧義則近世先儒之說備矣由其言以求其心涵泳從容久自得之不可先立己意而妄有是非也王師下金華召儀為五經師以老疾辭隱居養親所著書曰南陽雜葉等集吳沉稱其理明識精一介不苟安貧樂道死而不變

本朝分省人物考

卷五十二

十九

浙江十一
相五

范祖幹

范祖幹字景先金華人也授業許白雲之門悉得其旨趣其學以誠意為主而嚴之以慎獨持守之功引誘學者惓惓真切惟恐其不入于善四方士夫嘗問安否為斯文重輕戊戌天兵下婺與葉儀以大學進尋辟為諮議以親老辭李文忠時守嚴郡特加敬禮恒稱師而不字幹篤孝郡守王宗顯立純孝坊以表之學者稱為純孝先生所著有羣經指要讀詩記大學中庸發微栢軒集若干卷藏于家

馬廉

馬廉字原清東陽縣人幼有操志博通經史洪武初薦授德清丞招徠流離撫綏凋瘵甚得民心既而調丞壽陽有候卒于廢寺得埋金五十兩以進廉命簿錄其數藏于官帑後歷遷山西按察司副使在官讞獄詳明民無冤滯以親老請謝政詔進一階致仕卒鄉人為傳其事私謚曰孝廉

唐懷德

唐懷德字思誠金華人仲友七世孫性敏好學受業許謙六經百家之言無不研究其學以濂洛為宗粹然一出于正廉訪副使暢篤聘講淮陰聞者傾服武

本朝分省人物考

卷五十二

二十

浙江十一
相五

威余闕持節海右特傾下之或請闕書楊雄九州箴未知所出懷德即援筆寫之不遺一字嘗與宋濂宿錢塘辨諸子是非凡九十餘種歷誦其文以對如撞巨鍾隨應濂推其博思誠曰徒博陸澄之書厨耳吾則藉之以窮理而施諸事也用部使者薦擢金華縣學教諭遷衢州學錄卒所著有破萬總錄六經問答鈞玄集書學指南存齋稿百有餘卷

李暉

李暉字宗表其先汴人元季徙家錢塘少從永康鄭信游信奇其才以女妻之避兵金華翱翔永康東陽

二邑間國初有司舉奏補國子監助教未幾以病免歸卜築永康奎山下講學授徒與諸詩人唱酬為樂略不以貧窶介意其詩一出李杜二家機軸天台徐一夔稱其緣情指事機動籟鳴無窮搜苦索之態而語皆天成有盛唐家法識者以為確論門人唐仲暹編其詩文為草閣集凡七卷子轅字公載亦能詩嘗被薦為宜倫縣丞所著有筠谷集

蘇友龍

蘇友龍字伯夔金華人遲之後嘗學經于許謙以才推充府吏入閩海為差奏汀寇謀襲臨漳遣友龍督

本朝分省人物考

卷五十二

二十一

浙江十一

長吏為備長吏欲藉民為兵友龍曰民不知兵久矣一旦藉之必大致紛紜此非禦盜是增盜也長吏問計將安出友龍曰吾知所處矣閱兵籍得放逸者二千使帥之擊賊竟獲其首禍者再轉江浙行省吏書紅巾犯杭州官吏多逃惟叅政樊執敬坐堂上以死自誓友龍說曰明公以身死國義則得矣如一城生聚何今城中眾不下數十萬公庫金帛以萬計與其委諸盜曷若募民使戰耶戰而不勝就死未晚樊不能從上馬迎敵而死友龍與椽李樞謀以蘇李署號召民殺賊一人即携首受錢一百五十緡民持刀爭

奮數日之間獻馘充庭未幾辨章兵至破賊走之友龍絕口不言滿考謁選擢授蕭山尹縣為吳越要衝師旅經從無虛月誅索芟芻不少愜意則侵掠居民友龍儲時既充有犯者擒置于法士卒入城如見大將不敢出語相誰何會歲儉弛湘湖之禁以利民不足啓常平倉以賑餓者僚屬力沮之友龍大言曰啓天子粟活天子民有何不可倘有譴責吾自任之民賴以生者蓋數萬計改本路總管府經歷未任轉行樞密院照磨陞行省都事叅政石林宜孫分省處州請友龍與俱友龍勸其禮賢下士安輯流亡招徠羣

本朝分省人物考

卷五十二

二十一

浙江十一

鄭淵

鄭淵字仲涵浦江人也德璋曾孫祖文轟父鉅淵性孝母疾侍湯藥年餘弗離病革思食西瓜既食而卒後見瓜輒泣終身不忍食之因念母得贖疾繼喪父哀毀骨立服除猶哀慟遇忌日哭猶如初喪歿身不變從學宋濂以古文知名于時所著有遂初稿讀文

類及卒宋太史表其墓曰貞孝處士

吳沉

吳沉字濬仲浙江金華人故元國子博士師道子也博學有文累徵為縣庠訓導辭不就洪武十二年薦授待制十一月甲午朔日上觀漢紀顧謂沉曰人君理財之道視國如家可也一家之內父子不異貲其父經營儲蓄未有不為子計者父子而異貲家必隳矣君民猶父子也若損民以益君民衣食不給而君獨富豈有是理哉丁酉上論持身保業之道又謂沉曰人當無所不謹事雖微而必慮行雖小而必

本朝分省人物考

卷五十二

二十三

浙江

防謹小行而無已者可以成大善忽細事而不戒者必至於成大惡常人且然況人君乎又曰安生於危危生於安安不克慮則能致危危而克慮則能致安在能謹與否爾上御奉天門視朝畢謂沉曰人君治天下進賢納諫二者真切事也沉曰求之於古行者鮮矣是故亂日常多治日常少上曰使其真知賢者與治其國何有不好真知諫者在於忠已何有不納惟其知之不真是以於已難入若誠能好賢則不待招徠而賢者自至誠能納諫則不待旌賞而諫者必來沉曰陛下之言及此國家何幸焉十二年

十二月以事降編修十三年六月丁卯復以為待制沉薦教授童冀儒士吳慎遣使徵之十四年冬十月辛酉給事中鄭相奏言尊無二上稱臣於東宮是並所尊矣沉駁之曰東宮國之大本所以繼聖體承天位者也臣等尊敬之禮胡得而異焉請凡啓事東宮如舊制上從之十五年十一月以為東閣大學士十六年二月上將享太廟沉進精誠錄先是上謂沉曰朕閱古昔聖賢其垂訓立教大要有三曰敬天曰忠君曰孝親君能敬天臣能忠君子能孝親則人道立矣然其言散在經傳未易會其要領爾等其

本朝分省人物考

卷五十二

二十四

浙江

以三事以類編輯至是書成上覽而善之命沉撰序三月沉因講周書至國則罔有立政用儉人上曰甚矣國家不可有小人有人必敗君子故唐虞任禹稷必去四凶魯用仲尼必誅正卯沉進曰書言去邪勿疑所以深致其戒上曰國家不幸有小人如蓄毒藥不急去之必為身患小人巧於悅上忍於賊下人君若喜其順已而恣其所為將無所不至矣沉曰小人中懷奸邪而言似忠信不可不察上曰然小人善於逢迎彼知人主所樂為者不顧非義乃牽合附會曰是不可不為人主不樂為者不顧有益

於國家亦牽合附會曰是不必為此誠國之賊也自古知人固難而知言亦不易八月丙戌以進講後期降侍書尋改博士十九年七月丁丑卒沉富蓄遠覽常因奏對誤遷渭源教諭未行改典籍陟大學士考功監劾其怠事降侍讀終博士三仕三已無喜愠人以此多之

鄭 濂

鄭濂字仲德浦江人也淵之從弟性寬默喜怒不形人稱長者主家政二十年子孫從化諸婦寡必守節一家同居歷宋元至洪武十四年有以寄鈔事証其本朝分省人物考卷五十二 二五 浦江十一 劉均 家者從弟湜代詣吏濂謂曰我家長當罪于是兄弟爭就獄事聞 太祖慰諭之因問以治家長久之道濂以謹守家規對 上嘉賜酒饌遂命除湜福建布政司叅政後復有盜糧証其家者 太祖曰鄭氏義門焉作此事後濂以事坐死弟洧就吏死于京人哀之私謚曰貞義處士

鄭 濟

鄭濟浦江人也濂之弟善屬文洪武二十六年尚書嚴震具其家孝友積行聞 上遣官簡拔其家子弟三十以上者二十四人赴京選用遂除濟為奉議大

夫左春坊左庶子致仕卒于家

鄭 沂

鄭沂字仲與浦江縣人宋時旌表義門之裔國初天兵下浙東甫定金華選良家子弟為叅隨舍人沂居行間著能聲既而還京師仍命歸鄉里洪武二十五年宣召義門子弟年三十以上者至御前選擢備用沂其一焉三十年又徵取大姓賢能者授以重任吏部引奏 上特召沂詣前語曰爾家大孝大義累世同居前朝雖嘗仕宦我今使汝大貴御筆親除為禮部尚書夙夜祇畏恪恭乃職同寅協和有如兄弟於

本朝分省人物考

卷五十二

二五六

浦江十一 劉均

時新創大理寺命各部官會同審囚沂再三詳讞無一人枉濫三十一年正月郊祭前期命焚詒城隍時天大雨禮畢雨忽止夜半登壇月明星朗大禮慶成天顏喜甚未幾奉旨往山西祭晉恭王五月還朝 太祖疾大漸既而賓天典祭禮畢即引年致仕東歸 永樂二年 成祖思念舊臣復召沂授以前職蒞事三月憫其力衰不煩以政特製誥命賜歸有世悖孝友天稟忠淳之語四年朝廷新禮樂修永樂大典訪求天下圖書與姪監察御史幹以家藏書籍及龍吟雅友二琴上進蒙賜白金百兩寶鈔一千二百錠文

綺四端有副四年入朝賜白金五十兩寶鈔四百錠
文綺二端有副皆異數也六年鄉人誣告義門私造
軍器朝廷遣官搜索一無所有止有舊紅漆器尚存
以罪坐家長瀾當之沂詣前請曰家長乃某之兄昏
耄無聞某嘗爲禮官不能使家衆遵國法罪坐某兄
弟爭再三事聞於朝未幾蒙恩宥仍賜冠帶還家八
年 大駕巡北京召致仕老臣南京聚會同館待以
優禮五日一朝東宮沂嘗爲領袖 駕還賜燕東歸
十年三月忽得氣疾浹旬一日呼二子杓槃來前曰
吾仰賴 天子寵光祖宗德澤白衣授以尚書今年
踰七十以疾終於正寢幸莫大焉爾等當一心向公
力行義事以圖報効言畢忽風雨大作頃焉風靜雨
止倏然而逝享年七十有五

鄭 湜

鄭湜字仲持金華人洪武十四年奸人誣告其家以
交通賊臣事甚危兄弟二十五人存者幾二十人而
五人爲湜之兄仲兄濂先以事在京師吏逮捕急四
兄欲行湜奮曰有弟在其忍使兄陷刑辟自詣吏請
行至京兄濂迎謂曰吾家長當任其罪弟無與湜曰
兄年耄弟當任其罪二人相爭入獄既而 太祖聞

本朝分省人物考 卷五十二 二十七 浙江十一 徐五

之召二人至殿前勞勉之卽赦其罪賜湯沐酒食詔
拜湜福建布政司叅政吏部奏無缺特設叅議之官
以處之遂授中順大夫福建布政司左叅議賜冠帶
襲衣復命舉所知因薦同郡王應等五人後皆授叅
議有聞于時湜治福建吏民熟其家聲相誠勿犯豪
將病民者與之爭可否帖帖畏服南靜縣民爲亂註
誤者數千百人部曲多掠其婦女爲奴皆言于諸將
縱遣去卒不敢譁商有二人劇盜殺其一而取其財
其一人得脫訴于官捕盜在獄驗屍無有不肯承夜
取盜鞫訊因縛置于庭匿吏案下俾聽其語夜半盜
顧庭空無人果私語始知其沈屍井中明日詰盜以
沈屍處盜驚伏闕人神其政十五年正月以疾卒于
京師享年五十有六

鄭 棠

鄭棠字叔美浦江人也與從父兄楷弟栢俱受業宋
濂之門以文詞知名棠尤善馳騁永樂初纂脩大典
用禮部尚書李至剛薦入館書成吏部銓試第一除
翰林院典籍 仁宗爲太子監國南京選儒臣進講
與主汝玉等九人在選敷陳從容眷待殊渥秩滿陞
翰林檢討以疾辭歸所著有金史評及道山集二十

本朝分省人物考 卷五十二 二十八 浙江十一 徐五

卷

鄭楷

鄭楷字叔度浦江人也蜀王聞其賢奏除王府教授賜號醇翁陞長史致仕所著有鳳鳴集

李希明

李希明字濬文東陽人父唐從許謙游潛心經史為詩文必以理勝一時名輩如胡翰宋濂雅相推重之為本郡儒學教授所著有靜學齋尚綱齋集希明夙承廷訓多所淹通洪武中舉孝廉入太學舍選第一授伴讀侍 太宗于潛邸從容輔導甚被禮遇陞監

本朝分省人物考

卷五十二

二十九

浙江十一
吳士元

察御史進江西左叅政時陳友諒餘黨依險縱掠朝廷將出師勦之希明奏乞矜其勢窘不得已者招撫不服與師未晚從之希明榜示流民爭先來歸乃以安撫功擢刑部侍郎卒于官

何士英

何士英字子文東陽縣人洪武中舉人才授知平原府以親老乞歸忤旨謫廉州判官臨民廉謹再乞歸養永樂初起知平原府編氓相慶以為重得慈父母會主者較郡庾虧數千石士英方自劾民爭輸之如數考滿去父老遮雷載道安府有詩送行有前任只

多琴與鶴此行惟有影和身之句御屏記廉吏十八人士英居其首陞兩淮鹽運使先是民苦部差督鹽課者所至苛擾及歲課孳生馬駒賠納不及士英一切奏罷之遭母喪歸吏部尚書蹇義以其廉能奏欲奪情鑒辭終制起復蒞前職始終一節致仕歸卒

吳履

吳履字德基浙江蘭谿人國初為南康丞南康俗悍民以為丞儒者易之履晏然自如居數月周知其情偽有發槌一縣驚服乃更化以寬視民如子民有訴召使與前語弗加叱民或援丞裙相爾汝弗責也有

本朝分省人物考

卷五十二

三十

浙江十一
吳士元

徵調召大姓坐廡下好言慰諭之聽人人自言便否由是民愛丞如父吏卒不能為姦有王瓊輝仇里豪羅玉成執其家人笞辱之玉成兄子玉汝不勝悲集少年千餘人圍瓊輝家奪之歸縛瓊輝道箠之濱死乃釋去瓊輝兄弟五人庭訴辭指出血誓與羅氏俱死履念獄成當連千餘人勢不便乃召瓊輝語之曰獨羅氏圍爾家耶對曰千餘人曰千餘人皆辱爾耶曰數人耳曰汝憾數人而累千餘人可乎且眾怒不可犯儻不顧死盡殺爾家而就速雖有司有法汝悔當何及瓊輝悟頓首惟命履乃捕操箠者四人于瓊

前杖數十血流至踵命羅氏對瓊輝引罪拜之事
 遂解縣令至召民轉輸不時躬至鄉督之民走入山
 罵令吏卒以語動令令怒欲速論一鄉民獲六七人
 下獄嚴錮之而往捕其餘民大駭履計民無罪出巡
 獄叱獄卒釋之曰若無罪還告若父兄無恐乃往告
 令曰犯使君者一匹夫耳其鄉人何罪且法乃天
 子法豈使君解怒具乎儻急且有變自古未有窮刑
 法速輟而不變者也事得已南康俗好祀淫祠祠有
 蛇出戶限民驚怪以爲神至奔走祠之履罪神巫十
 人投其主江中爲丞六年而去去三月他吏用法急
 本朝分省人物考 卷五十一 三十一 浙江 童維

辭小罪而陷大罪也郡從之凡有徵徭皆不使之與
 越三載入朝擢知濰州濰州民畜官驢四十匹禁守
 核其孳息駒欲責償諸縣皆以勒民買驢洵矣履
 不聽曰民實不欺烏可妄責其償國家富極海內爲
 吏者當宣布德澤爲民除疾苦寧少數匹驢耶于是
 事得罷山東民願以牛羊代稅吏聽之履曰牛羊後
 有死瘠患不如粟也獨收民粟他縣以牛羊送陝西
 驅走二千里皆破家以償濰獨完役僉人部送隣縣
 牛履曰有牛家送牛雖勞不敢怨使之代之脫中道
 牛死誰當爲償力爭不奉命履爲吏不求威名以愛
 本朝分省人物考 卷五十二 三十二 浙江 童維

而亂民益追思之知安化縣始土豪以世亂糾民爲
 兵天下既定豪酋易氏者怙勇力與所部保險阻自
 全江陰侯吳良檄旁縣兵捕擊之兵且集召令計事
 履曰易氏自逃死無他惡奈何激之使生變乎不若
 先以計致之果爲逆用兵未晚也良聽之而事平已
 而江陰侯檄取故兵請爲農者民自驚奔相告勢危
 甚履屬耆老諭之曰侯所取者兵民無與也籍其願
 爲兵者數人而止長沙郡令造戎衣履力爭曰吾邑
 民貧而俗暴撫之以恩且恐叛安可責以事如他縣
 乎令格不奉命其罪小奉命而致亂其禍大決不敢

劉辰

劉辰字伯靜金華縣人慷慨負氣節善談論喜功名
天兵下婺城辰首上謁署為典籤奉使方谷珍令左
右飾二美姬以進辰峻却之左丞李文忠開省于嚴
辟辰叅其軍事大將葛俊守廣信當祈寒集丁夫浚
城濠民苦之將為變文正止之不從大怒欲臨之以
兵辰請往諭以大義後悔聽命事遂解以親老求歸
養未几父母繼歿執喪哀毀薦起為監察御史立朝
持正蹇諤著稱擢知鎮江府興廢舉墜勤于其政郡
有濱江田八十餘頃歲久淪沒仍責賦于民為請于
朝除之京口開廢舟楫不通漕運者轉新河江陰二

本朝分省人物考

卷五十二

三十三

浙江十一
張文

港以出江多阻風濤乃自京口至呂城百二十里濬
淤塞修閘壩順水勢之出入公私便之漕河源淺易
涸恒仰練湖以益水湖有三斗門久廢亦修築之干
是漕舟既通而湖下之田亦稔浙人轉漕道其境上
死者收瘞病者給米以小舟送境賴全活者甚眾
丹陽道接句容民負任者往往因日暮行劫商旅患
之辰嚴為禁約盜遂息永樂元年召修高廟實錄凡
當時戰伐克捷之功宿將舊臣有所不能盡者歷歷
言之聽者如身在其時目睹其事考之記注無不懸
合書成超拜江西布政司左叅政雨滂江溢饑民為

富室多罹其患檄郡邑勸富民出粟以貸饑者官
為立券期以來年償本蠲其役以為之息民遂相安
無事南贛諸府荒田糧六萬餘石有司歲抑取于民
民不堪其弊辰以聞悉蠲其額後坐同官累免歸六
年召起為北京刑部左侍郎以老不任政日被顧問
留京師者三年賜勅致仕踰年復召至京命督工武
當未行疾作給驛送還卒于常州毗陵驛舍年七十
八為人直諒多聞有古節士風所著有國初事蹟子
徵博覽能文年餘七十猶力學不懈嘗著金華名賢
傳

本朝分省人物考

卷五十二

三十四

浙江十一
張文

張壽祖字伯樛浦江人也性孝父早喪母患乳核荏
苒二十年成癰忽潰壽祖吮出其毒而病隨愈年九
十餘寢疾累歲壽祖侍奉不懈母死哀毀骨立貧
不外慕授徒為業洪武二十五年召老召歷事戶
曹除光化知縣

胡翰

胡翰字仲申金華人自幼聰睿一日道中拾鏹若干
緡不去坐候遺者而還焉父奇之益督以學遊學浦
陽博覽經史又登許文懿公門南北士皆願與交以

所著文進之文獻黃公待制柳公皆稱許不容口有
勸之仕輒辭過廣川吊董生謁曲阜拜孔子墓而歸
當世名公多所交接惟武威余公闕宣城貢公師泰
號知已遭時多虞四方兵起避地南華山中著書自
樂 高皇帝聘至金陵會有以金華民籍田出兵者
翰曰金華民素懦不習軍旅藉以為兵徒費廩粟爾
上可其奏授衢州教授洪武乙酉奉旨纂脩元史賜
白金文幣以歸素嗜山水泉石晚歲卜居三洞之上
幅巾短杖徜徉終日焉所著有春秋集義胡仲子集
長山先生集吳沉稱其文簡潔清峻高出于人暮年
本朝分省人物考 卷五十二 三五 浙江十一
請文者踵門不苟隨也

汪仁壽

汪仁壽字仲山蘭谿縣人善記覽經史百氏靡不窮
究尤明于性理之說天兵下婺同許元葉瓚王胡翰
等召見會食省中日令二人進講經史敷陳治道所
著有靜齋稿若干卷子雨能繼家學詩詞俊雅與呂
肅陳誠汪旻為文字交人稱四友

汪與立

汪與立字師道蘭谿縣人受業于范祖幹其德行與
何壽朋齊名而文學稍優嘗謂學者當視古人為不

足母視今人為有餘人以為名言隱居教授不求聞
達優游林泉以壽終

盛本源

盛本源蘭谿縣人也洪武中兄本道被鄉里誣誤罪
當死本源謂其兄曰兄未有嗣理不可死我子女四
人愿以身代兄在我猶不死也遂毅然就吏代死聞
者莫不嘆異杜長史桓嘗為作傳

何壽朋

何壽朋字德齡蘭谿縣人也受學于葉儀窮理守道
隱居教授不妄干人洪武初舉孝廉以二親俱老辭
本朝分省人物考 卷五十二 三六 浙江十一
父歿舍所居宅易地葬焉學者因其自號歸全稱曰
歸全先生

董仁仲

董仁仲蘭谿縣人也洪武中知莆田縣蒞政精勤而
持之以公毫無所徇公庭鞭朴雖設不施民大悅服
後卒于官貧不能歸葬民相與營葬于邑之西劉山

朱肇

朱肇字本初義烏人洪武中領鄉薦入太學召對稱
旨授戶科給事中永樂初奉命按治江西黜貪去弊
政若神明立朝敢言嘗以論事忤都御史陳瑛中以

事當坐死得白左遷湖廣宣慰司教授用知府唐
薦陞長沙府同知政化大行宣德初罷歸

楊芾

楊芾字仲彰義烏人徙居東陽少穎悟刻志于學早
從陳樵遊復登黃潛之門文詞典雅操筆立就二公
皆愛重焉洪武初聘為義烏學官膺薦上京辭歸所
著詩文有百一藁無逸齋稿又輯元詩為正聲類編
總若干卷學者稱鶴岩先生子璵璵俱能詩璵嘗補
金華賢達傳

樓璉

樓璉字士連義烏人祖有成字玉汝以字學著吳萊
稱其精緻可傳任無為路學錄父光亨字景元從吳
萊學宋濂序其梅溪詩藁稱為法度之詩璉蚤承庭
訓復從宋濂游經學淵邃文章峻潔為同門所推洪
武中由儒士召授宣寧主簿歷仁壽大冶陞藍田知
縣轉廣東道監察御史以事謫戍雲南有居夷集五
卷用薦召陞翰林侍讀靖難師入京命方孝孺草詔
加以極刑改命璉為之璉不得已受命歸而憤嘆妻
子問得無傷方先生耶璉乃自經死

王紳

本朝分省人物考 卷五十二

三七

浙江十
徐集

王紳字仲縉義烏人學士禕之子幼孤鞠于兄綬聰
明好學克成家從學宋濂濂教為文章即能馳騁變
化議論鑿鑿出入人表濂器之曰吾友王侍制其有
後乎紳事母盡孝及卒哀毀踰禮未幾綬亦歿然
單居蜀王聞其名聘至藩府待以賓禮紳念父禕持
節死雲南遠在萬里外乃請于 王乞往求遺骸王
憫而資其行既至訪求不獲遂于死所立木主號慟
奠祭聞者泣下有滇南慟哭記以著志既還王禮遇
之益至未幾以文行薦于 朝召為國子博士橫經
講解六館翕然俄得疾卒于官年四十有一所著有
本朝分省人物考 卷五十二

三八

浙江十
徐集

金信

金信字中孚蘭谿縣人穎悟工詩從楊維禎遊往來
吳越間詩聲大著部使者以茂才舉不應歸隱金華
之優游洞以詩自娛學者稱為謾吟先生有春草軒
集傳于世子聲字伯鏞亦能詩與袁仲仁陳大有輩
皆以風流儒雅能詩聞于時號十才子云

鄭栢

鄭栢字叔瑞浦江人也隱居著書或以其名達之蜀
王王顧其兄楷曰叔瑞可謂清逸之士人以清逸處

稱之所著有聖朝文纂文章正宗續文章正宗金華賢達傳進德齋稿

鄭欽

鄭欽字子敬浦江人也太和弟文厚子太和無子立為後孝友天至年十七生父得羸疾醫言人血可治輒刺膚血以和藥既沒痛悼終身母疾凡三焚頂灼臂以顙天撫弟妹極盡恩意視一家如一身資婚嫁有家禮其遇疎族有續食粟禦寒衾恤異姓周窮饋嘗續完太和所著家規共七十三則自號青蓮居士云

本朝分省人物考 卷五十一

三九

浙江十一

龔泰

龔泰字叔安義烏人也九歲而孤母傅氏躬教之長就外傳日記數千言博達世故每長老有所資問必為之條析動中肯綮洪武丙子領鄉薦明年入太學奉旨閱齊王府衛兵伍綜畫周密策試第一除戶科試給事中辛巳遷都給事壬午北兵渡江有旨令泰巡城泰與其妻訣曰國事至此不可為矣即城且陷吾分必死爾第齎勅携諸幼以歸否則俱溺于井辱可免也火起內廷泰馳赴之道為兵校所執見上于金川門命非奸籍者釋之泰亦獲釋竟投城以

死妻負其遺骸歸葬鄉里泰遇事剛果有為以孝友著聞始居邑庠遇狂者至擠泰于池幾溺弗救或請訟之官泰曰彼誠病狂於吾何校鄉人趙文慶者為盜所竊跡之弗得有謂巫言其應如響叩之當得其實願泰俱往及往巫見泰瞠不能出一語由是服泰之正死時年三十六士大夫莫不悲之

戴元禮

戴元禮名思恭以字行金華人學於丹溪朱彥修初仕御醫事 太祖藥餌輒效風雨即免元禮朝洪武三十一年五月 上病少間輦出御右順門召諸醫

本朝分省人物考 卷五十二

四十

浙江十一

官治疾無狀者盡付獄獨召元禮至榻前曰汝仁義人也事無預汝無恐太孫即位誅諸侍醫者獨拜元禮太醫院使遠簡王肅莊王慶靖王皆奔喪至京聞太孫道 太祖語哭問勞元禮簡王題仁義字大軸莊王靖王為贊詠賜元禮或曰 文皇以舊恩陞元禮院使者誤也初洪武丙寅 文皇患瘕韓公懋治久不愈請元禮至問所用藥曰是也又問 文皇嗜何物曰生芹元禮曰得之矣投一劑夜暴下視之皆細蝗也晉恭王病亦請元禮得愈病已復發卒 太祖怒逮治王國諸臣元禮侍曰臣嘗奉命療王王飲

臣藥數矣臣對王病毒在膏盲即復作不可治今果
然 太祖遂釋晉王諸臣尚書嚴震直病 上令元
禮好治之否且償命一劑而愈有妃嗜燒酒腹痛治
之愈日十年必復發發不可治後十年竟病腹痛死
王賓者吳中高士願受元禮方書元禮索賓拜師事
我我與方書賓不肯一日詣元禮值他出有書八冊
案上賓袖去元禮歸驚嘆自失賓不娶臨終以其書
授盛啟東韓叔賜

貝泰

貝泰字忠魯金華縣人也自少以文行聞永樂初由

本朝分省人物考 卷五十二

四十一

浙江

太學生中京闈鄉試授餘于縣學教諭遷國子助教
尋陞司業超拜祭酒以文學受知 宣廟召見便殿
賜 御製招隱歌前後在太學四十餘年六館之士
翕然從化後致仕歸縣尹欲為造大司成坊木石已
具固謝却之尹不得已改為縣儀門所著有文集若
干卷

邢旭

邢旭字景賜金華縣人父沂從范祖幹游以詞翰知
名與邢俛成濬俱嗜吟咏互相倡和號山中三詩友
旭學于家庭登永樂二年進士累官河南叅政進

旱澇修舉荒政民賴以安奏免二程子孫徭役賜
土正統初陞四川布政革弊去奸撫養軍民恩威並
著夷酋王永壽董敏失和治兵交攻朝廷遣帥討之
旭即身履其寨諭以禍福皆釋甲待罪請遣子入質
進馬謝恩師遂不戰解還未幾致仕卒蜀人追思惠
政立碑成都三公廟祀之所著有退省集

邵玘

邵玘字以先蘭谿縣人中永樂乙酉鄉試明年中會
試賜勅歸進學又明年召至授湖廣道監察御史慨
然以功業自期號貞白生以見志明憲紀究律意而

本朝分省人物考 卷五十二

四十二

浙江

用法平恕至遇渠奸巨猾為民厲者亦不少竟假聲
譽遂起嘗巡按江西廣東福建克振風裁時 仁宗
皇帝監國尤所簡知間刑部都察院大理寺明堂上
官 命玘署有重獄數付以玘玘感 上知遇夙夜
盡心每事親理有所顧問應對詳明一時老成多推
讓之陞江西按察使先是南昌新建二縣苦上官和
買理役者供一日費家為之空玘視事之日立罷之
權聲溢路而私不便者皆側目焉玘自用簡僉終亦
莫敢一語積歲訟牒填委悉取省閱擇其尤甚者自
聽斷餘悉歸郡縣滯獄一清在江西五年政用肅然

丁內艱去服闋改福建按察使治職如江西而有司之務倍繁稍濟以寬宣德三年召為南京都察院左副都御史時南京諸司緩弛御史尤縱玘奉勅簡擇奏黜其不肖及庸懦者綱紀復振為人外肅內寬仕二十餘年所歷中外皆風憲于條制故實與夫施措之宜默識明習所至糾劾官邪舉大體而略瑣細家居有孝行既仕得錄時惟母在迎奉就養極其愛敬母喪哀毀所居產瑞芝者再鄉里以為孝感處朋友寮屬必約之於義有所薦舉必清介士其廉潔之操終始一轍宣德五年正月得風眩疾遽卒計聞

本朝分省人物考

卷五十二

四三

浙江十一

謝忱

謝忱字惟壽永康人也貢入太學領應天鄉薦登永樂壬辰進士授監察御史遇事敢言不避權貴九為巡按詰奸禁暴無所假借人稱謝閣王漢府謀不軌廉得其實以聞命勅之賜反屬男女吳德等四人因忤尚書蹇義陞四川按察司僉事歲歉民多抵法忱憫之為求可生之途適地方多虎患示以得虎皮三者免一命人爭捕之于是虎患息而民命以全卒于言歸葬之日行李蕭然

陳俊

陳俊字俊民東陽縣人登永樂乙未進士除監察御史巡撫南畿劾貪吏革宿弊郡邑肅然累陞應天府尹以嚴峻繩下吏有犯賊者或杖殺之處同僚不阿以私嘗曰吾不能自立清流然隨波汨泥亦不為也後卒于官飲食之明日俱甦詢之乃寧波追賊軍艘遭風飄溺南海耳遂移文遣之陞陝西副使以疾乞歸

包珣

包珣字懷德以字行蘭谿縣人永樂丁酉舉浙江鄉闈卒業成均居無何拜雲南道監察御史直言正色侃侃立朝理獄必求其情人稱其無冤其存心尤仁厚友人為京秩妻死無子止一女方齡適珣使外其友病篤念珣不置口遂遺囑置衣篋中戒僕曰此篋必俟包公至發之珣拜見其書大慟且知有托孤意乃極力營其喪葬育教其女踰已出及笄擇同里宦族子歸之同官一人逮獄危急密以黃金百兩白金置薪束中見寄時無知者踰月其人死於狴犴珣邀其鄉之仕宦者併其孤焚香誓心出其物以付之封記如故無錙銖遺人服其不欺嘗巡歷遼東福

建江西廣東諸郡廉公明恕正已正人吏畏民懷所至有聲宣德乙卯幾九載欽陞河南按察使斷獄平允人目為龍圖後人嘗有驪麪工暮夜被刺莫知誰何有司誣執一人拷訊不服珣廉得其人竟服辜一藝人技頗精一日昧爽赴憲司執役道經陋巷被人中傷投井中汲者聞井中有咿嚶聲急告於珣珣曰此人必未死令人懸縲繫紙筆令書其人果血模糊書殺我者某某捕盜至則人死矣遂寘於法人益稱其神明又軫念客死及無葬者乃捐俸金置義塚方四十里凡枯骸遺骸咸令掩藏仍令屬邑一如之平

本朝分省人物考

卷五十二

四十五

浙江十一

生力行陰德類此正統辛酉蒙

恩驛召至京陞刑部左侍郎未幾謫雲中丁卯歲十二月以疾卒

盧 睿

盧睿字仲思東陽人永樂丁酉領浙江鄉薦辛丑登進士第宣德丙午拜監察御史丁內艱起復改山西道為御史廉正明決不為利害所惑有土豪被逮法當死主憲某公徇私傳生議睿執不可改讞釋之已而事敗釋者以鬻獄謫戍睿之名自是顯民有犯法全家徙戍遼其徙也有逸去者後得而繫之繫久遇恩宥主憲猶督發配所甚急睿曰已獲即遣可也久

繫而遇宥可釋不可遣入疏辨之卒釋寧家嘗按治於遼因有訴寃者十三人皆金州衛卒與卒長也自言訶知山東民運布花多奸弊因合謀執之弗克執反被誣以強盜獄成且二年矣察其實寃悉辯出之十三人者得不死一時令行禁止下人畏且服之正統丁巳朝廷以大同宣府俱宿重兵宜遴選憲臣巡撫特陞右僉都御史奉勅以行至則嚴法令刻蠹弊節浮費廣儲蓄摧強撫弱人賴以安時北虜入貢勢頗張睿慮其包藏禍心為後患乃上疏言馭戎之道要在恩威相濟恩不施則無以懷遠武不振則無以

本朝分省人物考

卷五十二

四十六

浙江十一

示威宜修武備防不虞識者韙之辛酉改命參贊寧夏軍務寧夏孤懸境外尤為重鎮贊畫戎機行視險要增築鳴沙州興武二城列置烽燧十餘所益廣屯種繕甲兵較士馬以固邊備而於軍民利病可施罷者尤盡心焉初授田屯軍不計腴瘠眾苦於輸稅睿視瘠者求閒田益之因教以墾闢灌溉之法不數年田皆膏腴耕者利焉民被水災輒復具奏蠲租姦不得行軍無苛擾其地舊設儒學訓武生春秋二下恒斂眾錢以祭瘠謂其瀆且擾也因規田二十餘頃請於朝以軍餘佃之歲收租入為常祀費凡區畫邊務

出於獨見者章數十上多見施行而與總戎會議而
行者尤多理冤恤死與正人心開風化之事設誠而
力行之在鎮年久上下悅焉嘗遭風痺疾 上聞驛
召至京賜醫藥俾養疾京邸丙寅春疾少瘥復起西
行丁卯陞右副都御史己巳秋虜寇大同以有備故
無患是冬賜金織文綺二表裏白金二十兩蓋寵勞
之也至是疾復作屢疏乞骸骨庚午始得請南還時
年六十一矣爲人天資淳美孝友忠厚入無間言居
喪奉祭必修古禮而誠意懇惻終始無替其於修家
譜置祭田凡義所當爲者必勇爲之至於聲色勢利
則不惟不趨且常避遠之若畏怯然居守三十餘年
家無餘資其自奉雖儉薄而於待賓客濟貧困未嘗
不豐且厚也家居十有三年乃卒距生七十有三

章聰

章聰字俊民金華縣人登永樂甲辰進士宣德二年
拜監察御史彈劾不避權貴銓曹稱爲御史甲乙嘗
奉勅撫諭南夷及監軍討罪西戎規畫得宜戎夷歸
化朝廷嘉其能陞廣西按察使奏徙南丹衛于賓州
奉議衛于貴縣士卒免煙瘴之患議置巡司于潯梧
柳慶要害之地民免圍軍之擾陞右布政使尋丁內

本朝分省人物考

卷五十二

早七

浙江十一

徐林

對艱卒于家

王稔

王稔字叔豐義烏人自幼潛心勉學博覽羣書侍父
入蜀游學京師及父歿扶柩歸葬終喪復登方孝孺
之門以卒所業文行重于士林及孝孺被刑狼籍人
莫敢收稔與鄭恂潛至聚寶門外求其骸骨以歸禍
幾不測人稱其誼永樂中以儒士舉預修郡邑志及
採上二朝實錄事蹟以病曠不仕號贖樵所著有青
岩類藁

李敘

李敘字秉彝東陽縣人永樂中由鄉薦入太學最爲
祭酒胡儼所器重宣德初試授監察御史嘗奉命錄
囚辨出交趾俘囚凡三千餘人出巡海甸首擒豪右
范端操等十餘人置之獄餘皆屏迹官吏有貪墨者
一切汰去雖親戚故舊不少容接泗川有老嫗鬻子
以供權貴烙馬敘會權貴出法語禁止之中使取珍
禽異獸至准者敘陳其害民悉報罷 上問都御史
顧佐諸御史盡職者有幾佐首以敘對風裁凜凜朝
野稱之凡巡按例皆歲一周交代敘獨保留淮上三
年及還朝權貴構以事下獄必欲擠之會八百車里

本朝分省人物考

卷五十二

早八

浙江十一

徐林

二蕃讐殺累遣廷臣招撫不服朝議以為惟敘可左
遷行人領特旨往諭之至則曉以禍福逆順皆聽命
息兵通貢 上喜復以為御史竟為諸權要所誣構
謫成大同天順改元赦還復職遂乞致仕歸優游林
下凡二十年以高壽終所著有困菴集南征紀行錄
藏于家

杜桓

杜桓字宗表金華縣人領鄉薦以親老家居就養不
赴春試博極羣書登永樂進士授紀善悉心輔導知
無不言王禮遇之未嘗稱名後乞致仕桓學識醇正
本朝分省人物考 卷五十二 學九 浙江十一 李文

馮傑

馮傑字孟英金華縣人永樂中貢入太學時方營建
考選管工授瀘州判官佐政廉平民夷從化正統中
薦陞監察御史巡按福建奏減銀課巡兩淮奏寬鹽
禁人多懷之景泰初廣東盜起州縣騷動朝論以傑
歷練老成陞授按察使隨方撫捕未幾盜平致仕歸

潘璋

潘璋字栗夫金華縣人由進士任工部主事監稅荆
南有水蘖聲陞四川提學僉事善干作與士類尤尊

禮儒先尚書周洪謨謂全蜀之士仰之若山斗愛之
若父母陞陝西副使仍董學政未幾卒蜀祀名宦祠
所著有靜虛齋稿

樓澤

樓澤字濟霖永康人登正統乙丑進士初授刑部主
事正統十四年扈駕北征師潰于土木死之事與龔
全安童存德包良佐同天順初查褒忠節因無子故
卹典勿及云

宗社

宗社字濟才蘭谿縣人性至孝父疾竭力就養及歿
本朝分省人物考 卷五十二 五十 浙江十一 李文
廬墓三年母陳目雙瞽社每旦出郭汲溪流為母洗
滌且以舌舐之目遂復明母後以壽終葬日陰雨幾
不克葬社號泣呼天天忽朗霽禮成復雨人以爲孝
感復廬墓三年天順中有司上其事詔旌其門曰孝
行以國子生授知瀘州

姜璉

姜璉字廷器蘭谿縣人本姓徐氏其先有六一翁者
婿于姜冒姓焉連講學為文度越流輩天順庚辰登
進士授山東寧海州知州陞贛州守丁內艱改永平
卒歷官通敏有治績嘗大書榜公堂云漕官事如家

事以民心為己心足稱良吏所著有凝香稿喪禮書
咏史詩藏于家

龔永吉

龔永吉字天民義烏人泰之子舉鄉薦授職方司主
事陞武選郎中以事謫戍平涼時北虜犯邊用兵部
尚書王驥薦為佐軍從討破之尋詔驥南討麓川緬
甸等處及征勦苗蠻養孟等處永吉從出師皆有勳
績還陞大理少卿歷兵部右侍郎調南京禮部改大
理寺卿決獄多平反成化改元上疏乞休歸七年卒
于家朝廷遣官諭祭營葬

本朝分省人物考

卷五十三

五十一

浙江十一

人物考卷之五十三目錄

浙江金華府二

章懋

趙艮

鄭錡

趙年

王汶

盧格

姜芳

謝愷

黃傳

徐沂

童品

章拯

童俊

潘希曾

王坡

徐讚

本朝分省人物考

卷五十三目錄

十一

浙江十一

盧煦

李滄

應典

張大輪

陸震

唐龍

戚雄

姜綱

邵幽

楊言

胡森

應璋

董遵

附董暉

凌瀚

金江

趙崇善

虞守愚

楊祐

章适

馮亮



程文德 趙祖元

吳百朋 張元諭

吳廉 周煥

李珙 徐用光

胡節 龔曇

戴升 朱助

潘琢 唐熊

黃裳 朱勝

胡榮 王宗聖

朱環 汪灌

本朝分省人物考卷五十三目錄

徐文敏 胡擇

王冕 陸璫

朱方 王世名

補遺

童存德 趙志臯

陸可教

人物考卷之五十三目錄終

本朝分省人物考卷之五十三

浙江金華府二

章懋

章懋字德懋蘭谿縣人成化丙戌會試第一選翰林院庶吉士授編修甫四十日偕同官黃孔昭莊定山論上元烟火非是謫臨武知縣先是一峰羅倫論首相不當奪情亦謫時稱翰林四諫官毛給諫弘陳御史壯論救拔改南京大理寺評事遷福建按察司僉事三年疏致仕去尹冢宰曼固留不可三詰而終不變時年四十一人以爲難既歸甘貧守道奉親外閉

本朝分省人物考卷五十三

門讀書體認實學而言必根志志必先用用必副功提挈綱要所得益深士風爲之一變來學者衆至不能容當時白沙一峰定山皆極推與弘治十四年南北闕祭酒倪冢宰岳起謝公鐸於北懋於南時未終制詔虛位以待令吏侍楊守阯常卿李曼署監事十六年就官凡所開示若無奇論比論天下古今事及五經理道若寸挺撞鐘大小叩應手而鳴有疏勸勤聖學重諸令敬天戒隆繼述謹大婚兩乞致仕 溫旨免留正德三年三疏請老歸後起南京太常寺卿辭進禮部侍郎又辭既致仕儉壬鼓好綱常易故籍

紳惟毒在 宗社亦爲之搖獨明炳幾先而憂先在
位者蓋炳炳然江西之寇陷浙江乃移縣城矮屋三
間左寢右爨門垣不能備侍御鮮冕張縉給諫徐文
溥劉蒞時疏舊學者德表以風世詔加存問十六年
世廟入正大統再用言者薦加南京禮部尚書致仕
報至已在床褥日噫無以爲報也疾亟與林守有年
論古今事與姪贊論君大夫保天下國家之本未旦
故居之前星隕申乃化辛巳除夕也壽八十六仕籍
幾六十年官僅三考立朝僅四十日城府不見其迹
者四十餘年卒贈太子少保謚文懿國史稱其志行

本朝分省人物考

卷五十三

工

浙江
范王

高潔自少潛心大業居常不爲異同至臨大事決大
議則據經援史確乎不易百凡嗜好一不入其心難
進易退之節世尤高之

趙 艮

趙艮字時中永康人成化己丑進士授給事中鯁介
敢言因災異陳謹天戒重國本卹民艱鎮邊境四事
忤旨杖于廷幾斃是歲宮媵所生子才兩歲左右請
立爲太子艮抗疏力諫止之及 孝廟正位東宮請
簡正人爲師保以職輔導艮滿九年考陞本科都給
事中先是重臣王越被劾啣之嚙于中官汪直誣以

言事不謫誦四川廬山令弘治改元擢江西按察司
僉事陞副使卒于官

鄭 錡

鄭錡字威甫號聽菴蘭谿縣人也自幼刻厲學問根
據理與博宗子史登成化乙未進士任靖江令專務
以平易立政德教道民執母喪歸靖人勒像而尸祝
之乞恩致仕不復出嘗與楓山同脩蘭谿縣志所著
有聽菴稿子璫字溫卿由成化丁酉鄉薦授閩縣訓
導庚戌登進士令長洲遇事英發言論亦多過激與
時不諧陞楚雄通判致仕所著有道德經陰符經正
本朝分省人物考

卷五十三

三

浙江
徐王

解禮儀纂通蛙鳴集等書藏于家

趙 年

趙年字有年初補蘭邑庠生因湯溪初設縣撥補湯
溪縣學生成化甲午領浙江鄉薦登乙未進士授行
人屢奉 命行祀事于諸王府凡饋遺一無所受在
陝西值歲大歉減廩餼爲藩臬諸臣倡以賑民饑全
活甚衆陞工部營膳司員外監本部厥宿弊除革殆
盡中貴憚之差監蕪湖木稅歲積羨餘且萬金悉歸
之公帑代還管理五城九門事執法嚴正不可犯人
目之爲趙鐵面云又轉都水司郎中適中貴有希旨

將於衢州府織造金龍絹者業已成年聞之即抗疏極言不可 上允其奏自是中貴伺其闕失弗可得誣以驚所乘馬多索價值下 詔獄終不少屈以求免竟坐除名所著有一得稿碌碌集藏于家

王汶

王汶字允達義烏人少孤思繼家學讀書極勤苦素貧能守道自樂登成化戊戌進士第嘗上疏乞就郡教授奉忠文公祀不遂乃授中書舍人守正不阿甫三載見有進不以道者恥與為伍遂謝病歸築精舍齊山不取累世所藏書讀之若將終身焉弘治改元

本朝分省人物考 卷五十三

四

浙江四十三

兵部主事婁性都御史虞瑤交薦於朝遂與翰林檢討陳獻章同被召汶猶力辭侍講學士謝鐸祭酒章懋勉之行逾年始就道至淮病偶增劇未抵京師五十里卒因所居齊山學者稱之曰齊山先生所著有齊山文集若干卷藏于家

盧格

盧格字正夫東陽縣人也成化辛丑進士知貴溪廉能有德政丁未夏江西盜起朝命大臣討之以才望檄格率所部民兵以從寬猛適宜兵樂為用盜平擢監察御史激揚著聲出按廣東以母老辭歸優游林

下數十年恬靜無求尤人所難平生所著有荷亭辯論若干卷兄楷字中夫自幼英敏天順壬午以春秋中浙江鄉試第一工詞賦入太學與商文毅輅姚彖宰夔等為六會二公亟以倜儻才許焉時祭酒邢讓陳鑑司業張業以典簿侵餽錢抵罪楷方歷事中書奮欲救之或曰無益且取罪柰何楷曰師生猶父子也父既溺子可懼罪而不號呼以救之乎遂率同監百餘人伏闕上奏明三人之枉京師咸高其義可方唐之何蕃云卒年三十四所著有可齋集若干卷

姜芳

本朝分省人物考 卷五十三

五

浙江十二

姜芳字實夫蘭溪縣人領鄉薦第六任廬陵教諭正身帥物懇懇以文章節義為訓應聘主考於閩人有以私求舉者峻拒之居父母憂起蕭縣九年考績以文章典雅德器純粹書上考陞大理司務正德間時事日非不得復展平素乞休致臨終能自知其期具衣冠坐以待斃自為墓志

謝愷

謝愷字舜卿義烏人也由歲貢任叙州府推官操履清介訊鞠明允弘治戊申蜀大歉奉勅賑恤多所全活時盜賊縱橫招徠安集民大感悅撫按交薦於

朝命方下以勞卒于官旅視東歸惟救荒誓却金圖勸民詩籠鷄說數篋而已所著有石樓山稿

黃傳

黃傳字夢弼號白露蘭溪縣人也生而穎異讀書過目輒成誦比長從楓山先生遊遂潛心義理之學以名節自礪舉弘治庚戌進士授江陰令江陰稱難治傳興學勸禮威強梗惠良善精敏稱神明奉詔當行民奏留之三年授御史朝貴聞其風裁相戒歛避不父以病歸疾劇無資殯其家人尤之賦詩曰病餐藜藿神尤壯卧死溪山鬼亦清所著有白露集及江陰

本朝分省人物考卷五十三

六

浙江十一

卷五十三

誌鄭北園嘗贊其志剛而大行方而成心胷闊豁貧富不足縈其慮眼界分明邪正不能遁其情文章之技殆將騁飛黃于班馬而義理之學尋流求源亦欲上泝乎朱程惜乎壽年不永竟不遂其平生

徐沂

徐沂字希曾永康人也弘治癸丑進士授刑科給事中彈劾不避權勢時壽寧侯張鶴齡等恃恩冒德及中官李廣矯命于政皆抗章論之改南京工部奏罷歲取蘇州細密苧布福建改機陝西駝絨民稱便焉陞廣東叅議卒于官歸裝惟圖書而已

童品

童品字廷式號慎齋蘭谿縣人也幼與楓山齊名成化甲辰貢於學丙午舉南畿又十年丙辰始登第或勸之減年通籍曰吾早學而晚達命也敢為欺乎初授南武庫主事再遷武選員外郎武庫頗有羨餘同官以諷之不可取忤僚友不計也有指揮詭厲尚書解之曰童員外義理勇也居官與楊廉邵寶蔡清葉釗余燦相友善僅兩考遂引年致仕家居十九年以讀書喪明不自振而卒所著有周易羽義春秋經傳辨疑禮記大旨正蒙發微合章童子集金華文獻錄若

本朝分省人物考卷五十三

七

浙江十二

干卷

童拯

童拯字以道號樸菴蘭溪縣人其先出浦城宋相童得象之後生時有犯產象形者其祖松坡公喜曰吾家始自丞相得象後是子生有犯象之異此其兆也童子時穎慧絕倫授以句讀數過輒成誦雙瞳炯然亢日光不眩人皆異之伯太宗伯楓山翁授以易學講說輒能潛思究繹至夜分不寐又履繩蹈矩事無巨細咸恂恂不苟為文章不事險怪下筆滾滾數千言而理自足登弘治辛酉鄉試次年壬戌春榜釋

禍南宮以外艱歸哀毀骨立乙丑服闋授工部都水司主事管理沽頭間有遺愛既去而民思之立碑記其事正德丁卯改刑部廣東時逆瑾盜政士大夫重足不敢出氣拯曰擇禍莫若輕遂以決囚不覆於瑾誣以復命遲慢下錦衣獄數月調梧州別駕時夷獠數百人叫噪於馬平單騎往諭之開以朝廷大義獠遂解散五年瑾敗遂陞南京吏部稽勲主事六年陞南兵武選司員外本年陞南車駕郎中時中貴方橫多駕馬快船隻上戶紛然受害拯痛裁減之權要莫能干以私民賴寧輯以中原盜起力贊大司馬講究

本朝分省人物考 卷五十三

八

浙江十一

戎政尋改北兵車駕大為冢宰楊遂菴所知陞廣東提學既至倡率標的立章程以考衷樹風聲以彰教而賢者慕不肖者勸焉雖貴游子弟咸斤斤自敕不敢干以私嶺南人至今頌之乙亥遷為右叅政撫循五嶺時新會盜起為梗鎮巡委提督諸軍遂懸兵深入擣其巢穴取渠首而殲之脅從多所全安捷聞陞俸一級賞賚有差辛巳轉右布政嘗視篆直指使者檄弊庶僚則按其可辨者施行之所否則格不報迨左轄江公朝至私語其子曰章公此舉人所難也嘉靖二年陞廣西左布政使至日檢舊例務省約裕民

朝廷為戚里陳萬年建甲第會派省藩羨餘一萬兩拯以廣西地瘠民貧素無積財難以刮之惟軍門有犒賞餘銀乞將協濟以甦民困巡撫張公嶺從之不煩括索而上下恬然時論韙之陞都察院右副都御史撫治鄖陽嚴武備興學校三年改蒞濟寧理河道適當河變二三喜事之臣欲別開新河拯以河性靡常悍猛難制豐沛之淤塞因黃河之傍衝黃河之傍衝因上流之未濬宜即疏支河以殺其勢築長隄以防其衝然後挑通漕沛自無淤塞之患不過費十萬緡自可成功且黃河為患已非一日智者不與水爭

本朝分省人物考 卷五十三

九

浙江十二

地惟順其勢而導之而其激盪變遷雖神禹不能使九河常如故也後世或塞其決或隄其卑或疏其派皆隨時救患者也弘治初河決荊隆口又決黃陵岡又決張秋當時嘗濬孫家渡趙皮寨等處而後荊隆黃陵張秋等口可塞亦分洩河怒之驗也况自河南歷直隸至山東之曹縣時長堤以禦河患亦既有年為今之計惟於豐沛一帶為堤以禦之不使淤漕渠耳烏可輕費朝廷之錢糧絕閭閻之地脉變丘陵以為下舍川澤以為高哉若日神河叵測固非力所及必欲求別遠圖以蹤陳宋之蹟則新河一闢非棄百

數十里之田爲巨浸不可以爲河也朝議不協以姑蘇盛公應期代之竟不底績及竹澗潘公希曾用拯議而工始集當河變之時漕渠阻塞南望一路運船盡膠於沙上下洶洶拯食不下咽寢不安席露曝禱於泰山寧陽泉水忽涌數尺膠舟盡釋繼以天雨河漕獲達六年盛公代會營造 顯陵命以少司空提督其事廷議計費六十二萬有奇方究厥工比至輒殫心研慮僅用銀二十六萬而大工煥然落成拯素諳堪輿家乃下流築壩以固堂氣濬明堂以開勝築培堙埤龍岡委迤以護佳城事竣朝廷錫以白金文

本朝分省人物考

卷五十三

十

浙江十一

綺明倫大典以彰厥勞已亥秋 聖駕南巡登純德山徘徊稱善者久之諸臣以拯名對 上曰拯以某事去意甚惜之郢中疫甚昕夕殫慮賑救饑疲民賴以全活者甚衆八年陞南京工部尚書尋改北京工部尚書授資善大夫命侍經筵大祀勅省牲分獻瀆岳籍田賜扶犁錦帶蠶室成賜寶鏹千緡拯代南坦劉公麟或言劉政不便當更之拯曰劉公節慎帑藏釐革宿弊井然有經吾當守而弗失者也柰何變乎大學士桂萼一日延六卿議事出海運一疏商之衆莫能難拯曰海運北河漕固易但有風濤沒溺之患

且天津等處近年海口淤塞自古未聞有濬海者桂遂止庚寅夏言建議分郊 上命九卿議之拯以是事關本部將順則立蒙眷寵然 祖宗百五十年於茲一旦更之勞民傷財無益於事矧五星聚營室將有土木之漸東南民力竭矣豈可疲民以希寵乃上疏極論其事 上大不懌然輿論籍籍趨拯讜言故上亦不能顯黜之又以請建仁壽宮不當 聖心而權貴用事者勢甚薰灼益忤 上意于是革職以冠帶閑住拯雖去而時論益重之庚子丙午言官起廢逸吏部兩疏名上請竟不果蓋拯孝弟忠信出於天

本朝分省人物考

卷五十三

十一

浙江十二

性與人樂易不設城府然於權貴紛華澹如也謝事丘園葛巾野服與野老盤旋雲水間懽呼酣飲若素無勢位者足跡未嘗入州縣家事一不經心於天文地理醫卜百氏之術靡不研精得其肯綮雖家居數十年而憂國之心彌篤每占天文先事多驗輒夕不樂戊申正月卒年七十

童俊

童俊字天葵蘭谿縣人識達天人學窮理奧由舉人知嘉慶時民事田獵不知耕稼俊教以力穡至今祀爲稷神又知趙州出富民陸氏之冤獄識拔進士安

魁於賤隸因內臣王政巡歷踐踏士類不欲折腰遂致政歸民攀車泣留共立生祠祀之歸家饗餐不繼子徹其几以易米則持卷于手從容謂門人曰將以辦早厨耳處之怡然日夕考索經傳作書韻會通若干卷士論嘗評其家學精則童品博則童琥其兼之者俊也

潘希曾

潘希曾字仲魯金華縣人弘治壬戌登進士選翰林院庶吉士除兵科給事中 武宗登極時閣豎初燬有故太監汪直義男汪玉乞陞錦衣衛鎮撫帶俸守

本朝分省人物考

卷五十三

十一

浙江十二

瑩者即首疏奪之其略曰世祿以及子孫鬼神不欲非類內臣本無後而強求世祿之恩義男本異姓而欲冒他鬼之後疏上中官切齒恨之又上疏勸 武廟隆大孝勤聖學節遊樂遠佞倖八事逆瑾遂決謀中傷正德丁卯差湖貴二省計處邊儲陞吏科右給事中時瑾虐焰方張凡差者必重賂以求免禍有司亦為備千金希曾毅然却之曰我為諫官未能除君側之惡我之罪也柰何復助之乎瑾諷會多叅劾為招賄地不從遂大怒矯 命械繫 詔獄拷訊百端欲寘之死逮杖 闕下希曾量未甦瑾快示其黨

曰此後生潘某也死矣左右負以出即日除籍為民時見瑾者雖公卿必屈即被謫遣亦必辭以行獨不往既還鄉里杜門不出日惟課子弟讀書居後傍水有佳竹蔭可息間招親友觴咏悠然自得因自號竹澗居士庚午瑾伏誅明年詔起刑科右給事中甲戌偕太史甘泉湛公若水奉 詔持節往使安南錫麟袍玉帶以行尋陞禮科左給事中既入其國先諭威德正禮儀然後致 命紀事觀風有南封錄復 命陞工科都給事會內官監奏請修大素殿天鵝房諸役費累鉅萬抗疏力爭之其略曰方今邊儲告匱冗

本朝分省人物考

卷五十三

十三

浙江十二

食日繁山東河南近經兵燹江西四川未復瘡痍况營建 清寧二宮大木采及於遠方工科派遍於天下若復別興土木誠恐民不堪命疏上不報然無益之費自是少息丙子擢南京太僕寺少卿先是滁和之民困於買馬為奏更折色民大稱便而馬課視昔亦易完在滁凡六年不調 世廟御極乃擢本寺卿嘉靖癸未遷南京太常寺卿期月改北提督四夷館乙酉晉右副都御史提督南贛汀漳等處軍務 賜璽書斧鉞以行至則明號令修器械時簡教擇謀勇信賞罰以為備先是壬癸之亂招撫新民衆多各巢

連和漸以猖獗爲民害希曾鑒昔日之弊務馭以誠信其有自相告訐者則聽之以離其黨先年有功未賞者有司或吝於出納悉令賞之於是惠州黠寇賴貴聚衆肆虐乃發兵進剿空其巢穴奏凱 上嘉悅賜金幣慰勞焉洎頭餘賊蝟興流劫江廣荼毒生靈乃發諸路兵夾剿賊大懼襲通判董鳴鳳以要我撫會曰此賊故智欲緩我師耳昔人墮其計中吾可復蹈覆轍乎乃下令曰通判自憤事不足恤然有能掖之出者悉宥之益督進兵戰數合賊大敗生擒渠魁餘黨奔竄通判卒獲全乃令以功贖罪犁庭俘馘罔本朝分省人物考 卷五十三 十四 浙江十三 張著

畔岸於是决隄壅沙大爲漕患探本之論固有在矣上嘉納焉既至濟卽達觀徐沛險阻弗辭相度要機洞利害乃復上疏以爲濟沛間漕渠忽淤者蓋由决河西來橫衝并掣開河之水東入昭陽湖故開水不復南流而飛雲橋之水時復北漫故沙停而淤也今宜加築東隄以遏入湖之路更築西隄以防黃河之衝臣愚且拙不敢求新奇之功不敢爲苟且之計惟欲因舊以爲功從省以濟事故捨新河而修舊漕者圖其易也沿黃河爲隄百四十里者防其溢也停派夫十數萬僅用河夫二萬餘者恐民勞也罷催募而行犒助者慮錢糧難繼也 上復納之不期年而功成沛漕通歲運如故己丑秋河溢境山西徙三百步亂石絕流雖虛舟不得上於是遠近駭愕舟戒弗行乃命穿故河廣十丈以通水稍截徙河逼之東仍於徙河兩涯下歸以漸相屬埽漸逼河流激盪因决入故河奔放衝滌一夕河廣一倍二三日盡復其舊御史傅炯疏其費用甚省功緒速成上有以紓九重漕河之憂下有以遺一方民田之利一上乃加尚書俸級仍總理其任己丑冬陳疏乞骸不允辛卯春召改兵部右侍郎上任五日而部署災時堂屬多被

以一身任其責上承 清問下率羣僚內稽圖籍
外籌邊計舉無遺策本兵宿蠹沿襲世胄憑怙乃釐
革裁制盡復舊章是年秋陞本部左侍郎冬 勅督
理 仁壽工役力疾趨事日不遑暇壬辰三月十九

日傳制賜進士朝服侍班是日同省宴進士日昃始
歸有頃不起年五十七訃聞贈兵部尚書性孝友質
直簡靜惇慤平生言動未嘗少越法度接人冲夷和
粹而不喜諧諛無尤無比無賢愚大小一見必稱曰
長者有德於人未嘗自言人有不以禮自處者人弗
能容獨亮之不見其非於事靡所不學而一無所炫

本朝分省人物考 卷五十三 十六 浙江十二

視之若愚及臨大事決大疑若燭照數計知止足而
拙於進取為太僕凡八年居卿貳且三考朝列莫有
同者而介然無累其讀書精思力寬務為文章雋腴
古雅詩尤清婉所著有竹澗集若干卷

王坡

王坡字舜耕東陽縣人也弘治間授浮梁令初至
戶有以例饋金者坡一無所受縣中白額虎嚙人甚
眾有處子將嫁堂序森森環立虎直入啣處子去訟
于坡坡竭誠焚牒于城隍忽虎夜入城眾因格殺之
僉曰此尹感應所致也爭獻搏虎歌又值大旱素服

亡履自暴炎燄中三日大雨如注遠邇沾足民又為
甘霖頌以獻在任二年甚得民心因忤上官竟拂袖
歸坡自幼精太素脉甚言禍福屢有奇驗

徐讚

徐讚字朝儀永康人也登弘治乙丑進士授知東強
縣劇賊劉六等流劫郡邑讚繕兵城守先事為備賊
聞獨不敢犯民饑捐俸募粟作糜食之富人義激爭
先發廩所全活以萬計陞山西道監察御史理醴長
蘆兼巡河道逆瑾餘黨楊虎等流劫開濟間熾甚讚
以計擒之械送京師巡按江西勦河寇徐九齡等數

本朝分省人物考 卷五十三 十七 浙江十二

百人論功陞俸一級時宸濠久蓄異志讚結羣寇以
自樹此舉實翦其羽翼也又累疏請寬逋負罷徵役
釋冤平獄風采翼然陞知蘇州府抑奢麗剔蠹弊課
才惠民百務必舉宸濠之變治兵給餉遣戰艦出江
為上流聲援濠遂挫于安慶不能直窺南都者讚與
有力焉加陞河南左叅政仍掌府事在蘇凡七年其
政大要以愛民為本擢江西叅政陞貴州按察使尋
改湖廣又調雲南陞本省右布政使尋轉左使以母
夫人程年八十疏乞終養歸家陞都察院右副都御
史撫治鄖陽等處改撫河南值歲饑盜起條陳救荒

三事曰寬賦斂以安人心廣賑恤以救民命嚴備禦以弭強梁又陳便宜四事曰處歲派以資歲用均地糧以蘇民困移水次以便兌運處馬政以節民力事皆施行陞工部右侍郎丁母憂哀毀屬疾卒讚賦性寬和雅量海涵終身未嘗有怒容或擬之劉寬婁師德云

盧煦

盧煦字子春正德戊辰進士任長垣令修濬城池選練丁壯以禦流賊垣邑賴安陞刑曹尋擢四川僉事芒部爭立川貴合兵攻之不克煦率眾往平之邊境

本朝分省人物考卷五十三

十八

浙江

晏然陞湖廣叅議提督太和山具疏乞休甘泉湛若水稱其勇退全節云

李滄

李滄字一清永康人也登正德戊辰進士授南京工部營繕司主事嘗差督篋儀真及司龍江關抽分廉慎有爲人不敢干以私雖中官同事者亦嚴憚之公暇輒與崑山魏校永豐夏尚朴講學窮理以求檢身之方一切世務泊如也卒于官貨馬質物乃克斂鄉人高其風操率私錢爲樹坊以表之

應典

應典字天彝永康人也性沉篤刻志學問登正德甲戌進士授職方司主事與江山周文興論學有悟遂引疾歸與仙居應良黃岩黃綰過從講切又師餘姚王守仁授致良知之旨建書院于壽山集諸生講學四方會者常百餘人再起兵部車駕司主事念母病目無見復引疾歸養而母日忽明人以爲孝感朝紳多論薦不赴自釋褐至啓手足名在仕籍三十年前後兩任僅一考而已

張大輪

張大輪字用載東陽縣人也少師事楓山章先生舉正德甲戌進士授工部主事三載報政忽夢父疾心戚乞歸抵家父果不起人以爲孝感起服補刑部主事轉郎中訊囚得活者數百人擢建寧知府有酗酒殺兄者賄有司久不決大輪至竟置之法時旱久卽雨古田寇作當道難其計大輪獨馳檄曉以禍福尋散不煩寸兵尤溪二大姓構訟踰三十年結營闕死者百餘人大輪承委單騎詣解輒伏罪更知常州擢福建按察副使遷江西叅政咸著靖亂之略以母憂去卒于家

本朝分省人物考卷五十三

十九

浙江

陸震

陸震字汝阜蘭溪縣人也從楓山先生學慷慨有大志以名節自砥礪舉正德戊辰進士授泰和令威德益著賑恤民艱邑遂稱治民戴之如父母立生祠祀之被召授兵部武庫司主事遷車駕司員外郎時江彬怙權伺轡車駕多巡幸震抗陳仁義之疏幾獲重譴以大臣申救得免已卯春彬復誑上南巡命下中外洵懼變莫測震曰事急矣既不能去又不能言吾何以祿為遂與同官黃公鞏疏陳六事請斬江彬以謝天下彬聞之矯詔下錦衣獄逮擊月餘拳梏跪于庭五日三訊三杖而死時霧霽四塞晝晦

本朝分省人物考 卷五十三 浙江十三 張奇

如夜水溢內海子玉河七鐵柱齊折如斬僉曰此乃天意示變也初震在獄時瘡痍方劇慷慨賦詩有惟有梅花入夢香等句又與黃公鞏講易九卦以明處憂患之道其從容就義如此 世宗即位首詔贈太常寺少卿遣使 諭祭廕其子有司為立專祠祀之名曰褒忠萬曆四年並祀本府三忠祠體仁震季子也震係獄權奸必欲寘之死絕其食飲體仁甫髫年乃變服為他囚親屬饋于父歷荼苦萬狀母恭人徐以是強令承蔭選通政司知事歷臨江節推章州通判莅官廉介有循政無忝先德云

唐龍

唐龍字虞佐別號漁石蘭谿人太夫人方寢夢獅踞門而向日驚寤而龍生日光正射蓐也幼即岐嶷有奇志而機神警朗讀書過目即融領從鄭進士聽菴公受易弱冠遊楓山章文懿公門正德戊辰進士授郟城令郟荒敝甚民戶流亾至則煦嫗愛養紆恤勞來之身勤約以率僚吏歲旱則徒跣請禱甘澍隨應於是百穀豐成流民相繼復業戶口稍益繁焉屬流賊起燕齊殘破州邑無算郟當賊衝乃崇城浚濠治戰具選城中壯子弟并招鹽徒且乞兵督府為備禦

本朝分省人物考 卷五十三 浙江十三 張奇

計未幾賊至攻城不利則板營奔馬頭寨因勒兵追襲之斬獲二百餘級數日賊步騎二萬來報馬頭之役又乘其未定縱壯士奮擊之復斬首百餘賊怒因糾合各部黨號三萬直趨郟勢甚熾乃製桅口長柄等炮賊至炮發連斃其驍銳六十餘人賊大創以去既騰檄當道連帥喜即布郟檄諸州俾觀法郟城令焉後竟以軍功陞俸二級龍初蒞郟視縣倉餘小麥數斛庫惟有銀三兩深以為憂日即緩急何賴於是節省措置其後積粟麥至二萬八千石銀亦至三千餘兩其破賊城守抑恃儲蓄為固云三年威惠流鬯

士民孚悅訟獄益平以父篁嶼公憂去服除擢監察御史出按雲南時 武廟數出狩奸孽實導之上疏乞戒巡遊以安夷夏因斥江彬等罪請實於法以爲不臣之戒土弁鳳朝明以罪廢厚賂寵臣錢寧寧諷鎮巡諸官洗雪規復用又首駁正之寧乃矯旨俾襲部檄下又執奏於 朝遂褫其職指揮盧和寧假父也殺人罪死寧囑獄官濫出之且致書於龍手裂其書竟致和於理凡再忤寧衆皆危之不爲動巡撫中丞以滇戍卒多冒補非世胄者將覆汰之其帥臣因稽其月給以激衆衆洶洶且爲變乃語中丞曰滇夷方也以夷治之乃安今宜無追呼而尺籍悉備撫而肆之猶逾募配矣獨奈何欲擾之中丞以屬龍乃諭使給糧俾復其所而後衆定其他所建白皆懸契時宜滇人賴焉庚辰按江西承逆濠之亂百度蕩弛初發難時 朝廷命二璫暨都督許泰劉達帥禁兵討焉比至而濠平久矣然猶恃威福凌虐吏士軍校皆占民舍以居剽贖淫恣乃甚於寇民不勝毒乃首收縛其邏卒且榜於市亟疏乞班師而促泰等行民始即安時屬官功罪尚疑未白諸從逆者請託規避猶視事如故龍召而數之曰臣子事君有死無二夫

本朝分省人物考

卷五十三

三

浙江十三

張奇

皆從罔治謂凡民爾若等讀書受官食祿既不能固封守又不能明節義乃爭先附降奉頭苟活尚得偃然居位爲權貴販卒耶即日收其印綬而列其不忠之罪於 朝與褒節旌功之疏並行焉鎮守內臣崔和前在金騰大逞於民爲龍所劾治及再與從事貪暴益甚禁之如初和恨浹骨後和居中用事每伺求其短欲以危禍中之卒無所得師旅之後凶年薦臻龍極意民隱撫戢賑濟若痛在膚恤災數疏讀之令人垂涕議者以謂江西撫綏之功不在王新建下徐御史岱陳中丞洪謨交奏其功請亟超擢辛巳拜陝西按察副使提督學校其教以敦行誼正習尚變氣質崇節介厲廉恥爲先時士學趨詭異乃新正學書院分經建局選士羣肄之刻其奇靡而約諸理秦士興焉尤敏於精鑿品士校文錙銖不爽拔秀彥於髫年蒐茂異於寒畯凡所賞錄其後往往登進列爲名臣矣初元山席公書嘗令郊多善政龍時召故老咨而行之元山服其義遂相知重至是元山位宗伯方與宰衡異同龍因鄉試發策論朋黨陳列大義以諷元山閱錄曰是策專箴大僚非唐提學不能作亟呼秦吏語曰爲我謝唐君謹受教矣其爲朝望所重如

本朝分省人物考

卷五十三

三

浙江十三

張六

此巡撫中丞監察御史累章論薦 朝議徵列卿不
 果嘉靖丙戌進山西按察使風裁峻整事至迎解一
 道肅清驛置中徒犯數十百人歲無所得食因夜噪
 而通有司議加越獄罪龍曰此迫於饑寒計乃無聊
 耳且胥靡豈狴犴囚比耶乃簿笞其倡首者數人而
 議責其顧直為緩期俾自持謀投所由郡縣輸直皆
 縱遣之眾泣謝去相謂曰公實活我願鬻身以母負
 卒無有沉其脾者不越歲而輸悉至其誠信感人如
 此丁亥人為太僕卿七年擢為左僉都御史總江淮
 漕兼撫廬鳳諸郡兩淮賴年災異田土蕪曠民困甚
 本朝分省人物考 卷五十三 壬酉 浙江十一
 而長吏多賄政不恤民乃首頒吏誠以儆有位於是
 貪墨吏望風自解去又乃撫民利病之大者以次奏
 請興罷之漕政久而弊滋隨宜修治其所規畫皆為
 國經遠計准當天下舟車之衝驛傳積蠹瀕河州縣
 役夫疲於奔命乃為剔剔伏垢立簿要勾稽之而奏
 省進奉快船及入貢夷使馳驛者供索並從縮民以
 少紓江北之民苦養官馬積逋至千餘匹吏急之不
 能得又有備用馬入之太僕土產不勝任則別市以
 償率一馬而費百金民弗能堪上奏乞暫停官馬而
 輸太僕者令折徵省費十五壽州正陽關推商通泰

二州有無田千粒本皆一時權計而卒為暴濫漕卒
 勞甚而又有船料之徵並奏罷免之徐沛新河之役
 調河南山東丁夫五萬餘供餽取給二百里外加以
 參蒸病者相枕籍 廷議下之龍曰疏濬舊河而增
 築其堤自可通漕較之新工難易百倍卒如其議民
 不大勞而河迄通利承命慮囚平反者數十人釋輕
 罪二千六百有奇開府二年吏士懷服兵農感悅商
 工通惠威化大行己丑召為副都御史北行日淮人
 老稚啼泣遮留至繪像生祝之建祠者相望焉其得
 民如此在內臺正色立朝百僚肅然憚其風采擢吏
 本朝分省人物考 卷五十三 壬午 浙江十二
 部右侍郎十年轉左署皆攝太宰事於時內閣權甚
 重進退百官銓部皆取風指龍抗行已志介直不阿
 朝臣有坐論執政屏斥者數十人悉收用之無所避
 開國元勳劉基常遇春李文忠鄧愈湯和後皆失爵
 百餘年累經 廷議弗能復乃稽據故典奏復之五
 臣子孫並得續封每授大吏必先器識而後才華進
 廉靜而抑奔競其小官則以資品叙之人稱公允會
 關內久饑民相食 朝命發內帑銀三十萬賑之而
 胡酋吉囊擁眾十五萬人據河壩時俺答眾號四十
 萬亦出沒邊徼全陝戒嚴在 廷會議推才望素著

者昇以安攘之寄俄有 特旨陞兵部尚書兼右都御史總制三邊軍務兼管賑濟事宜及受命入關躬歷村落宣布 上恩區列機宜訓平糶蠲官逋寬私債節用度停勾攝撫逃移恤老羸收遺棄散糜粥給醫藥凡十餘事奏報 上大悅有忠勤體國之褒十一年秦又饑復奏請發其賑法仍舊而所活有加時邊備久弛虜每歲一深入蔓延二千餘里恣其虜掠而去諸路僅保營壁莫敢誰何至則首簡戎行飭器械號令一新士氣皆奮而尤以選將領明賞罰爲先梁震王効劉文謀勇冠一時皆拔自麾下推誠任之

本朝分省人物考

卷五十三

二十六

浙江十三
吳士美

地又檄諸將分布要害嚴兵以俟虜果猝至張鳳梁震前擊之虜潰乘勝逐北俘獲七十餘級秋吉囊自將十萬騎入營花馬池乃令曰賊寇延綏張鳳主之寧夏則王効固原則劉文其折衝批亢則委之梁震部分已定虜從青沙峴犯延安會文率所部赴之設伏以要虜文自迎戰伏起乘之虜大敗斬獲百三十級于時王効敗虜於興武營梁震敗虜於乾溝二旬之間凡三捷焉兵部奏功曰始都御史王越襲擒虜首四百餘以功封威寧伯尚書王憲以三百餘級加太子太保廕一子世襲錦衣衛百戶今虜酋親擁大衆志吞涼朔而唐龍連摧覆之較之往績事勢尤難而功績過焉古稱一月三捷今乃二旬厥功殊矣乞此二臣特加封廕用答忠勲竟爲執政忌者所抑賞多薄焉大同之亂與北虜連王師討之未克乃遣梁震帥兵往援且以計携虜楊言西師百萬擣其巢穴矣虜師繇此却顧而震因得以降其城執其首惡一方底寧其力居多在軍於三邊四鎮山川地形險阨歷歷如指諸掌爲圖置座隅卽寇至坐而籌之指授諸將方略咸中機要動必有功在邊四年戎夏慕其威信 朝廷倚重焉丙申改刑部尚書時執法大臣

本朝分省人物考

卷五十三

二十七

浙江十三
并立

相繼去位諸大疑獄宿留不敢決毅然任之外戚張延齡以罪逮繫奸人劉東山乘機上變構間兩宮其徒朋與為奸利告訐蔓引株連遠近被逮無虛日法吏坐獄不窮竟去者數十人龍按得其妄狀竟抵東山於法都人快之異時議大禮大獄諸臣謫戍且十餘年業多物故前後論救者數十疏輔臣復從中申解不能得龍曰是難以口舌爭也願 明主獨可以孝感是歲 九廟成 詔下單恩懇請赦諸臣上許之得放歸者二十八人武定侯郭勛權傾一時欲攬諸司之柄條陳若干事其四事下刑部諸司怵本朝分省人物考 卷五十三 天 浙江十三

勛勢燄議多依違獨參駁其妄勛有請託輒嚴辭拒之涿州豪李昭坐重辟賄諸權要前後上辯八十奏遭誅者二十餘年當朝審勛與執政皆 勅使欲附比出之龍曰殺人者死必如律京尹劉淑相與當路大臣訐奏發其陰私當路必欲寘之死龍曰殺人以媚人吾不為也淑相止坐落職由是多所忤貴戚大臣其年以尚書六年考加太子少保先是起家宦於鄉於京師於晉於淮再入秦皆奉太夫人以居自秦召入也太夫人思卿南歸諸弟因留之時太夫人年踰八旬雅懷歸志為所居位多危疑嫌涉規避低回

久之至戊戌夏陳請乞休終養詞指酸切 上嘉之優以給驛公卿祖送盈道皆歎其忠孝兩盡全節完名都下相傳以為盛事既歸閉門却掃朝夕侍太夫人起居飲食必親進之養志承顏曲盡其孝暇則進門下諸生討論義理商略今古間以文藝自娛若將終身家食六年臺諫騰章論薦凡三十餘疏 上特旨起用甲辰秋推改南京刑部以地近便迎養故具辭未得 旨而進為南京吏部尚書尋以北虜猖獗諸邊戒嚴 朝廷擬本兵非龍不可遂承 簡命仍勅兵部馳驛趣赴京奉太夫人北上且具疏辭不允仍 勅兼管團營軍務以乙巳春至都總理樞密經略邊防未明振衣日中退食忘其勞瘁形為之衰龍深識兵機以為制敵之本惟在 德而故時驍勇總兵白爵李朝陽張鳳等皆坐 獄中其以註誤閒廢者復數人其餘無可用者 龍曰邇來諸邊解體正以二三用命宿將為言官苦舉細故而文吏復以法繩之摧落且盡繼之者惟怯自救不暇何以望其樹奇宣威哉夫跣躄之才負俗多累寧當以二卵棄干城一蹶廢千里也故曰使功不如使過乞有諸將在繫者令其立功贖罪廢錮者從宜用之得

旨會如所請 朝論避之往年防秋率不能先事隄備虜去來若風雨乃於夏中即檄諸邊申嚴師律修城塹遠斥埃虜至則持滿待之至秋虜騎數萬軍於大同之北諸將出精銳逆之虜知有備遂引去自是邊境晏然大同叛軍亡入胡者歲誘虜入驅牛羊子女徜徉而北以爲常龍曰是類有所恃且生他變乃密下教宜大二鎮令謹備非常俄而大同王子克等八人齎稱臣奏文及符印旗牌等令二健卒走虜潛約攻城爲內應者總兵周尙文覺其狀遣人躡之徼外二百里執以歸得所爲表印卽檻送八王子并其

本朝分省人物考

卷五十三

三十

浙江十二

黨數十人於京伏法其年八月加太子太保因乞恩得以今官貶封四代十一月轉吏部尚書龍故嘗爲少宰習其利弊即吏亦雅信服之銓部常格循資序進自其後多越次超遷其淹蹇者或守一官而十年不調龍曰限資固賢愚同滯越格亦僥倖易生其失等職在銓衡均平爲允乃錄其年勞之尤深者數人進拔之以明資叙其有異能奇績自可不拘士論悅服歲貢生員當補教職者待次京師積二千餘人選部一歲六銓員不滿三百貧士以旅衣食弗給乃亟責所司吏檢究疏通之臺諫建白舉用廢才事下

龍曰人才故可惜矧爲人所媚而淪誤者乎乃數上四十人皆時望也雖不果行公議少伸矣故事推補除授皆太宰主之自左右侍郎皆不得與乃曰爵人於朝與衆共之故每舉必會僚屬參詳裁酌有至更數書者而與少湖徐公宛洛韓公尤以德義相劇切有古同寅協恭之風會故大臣復起執政多所指摘因傷足移病乞告且謝宰事有 旨暫就私室調理部事仍署掌至五月病增再疏陳疾引年不允至六月疾益甚懇疏求去因昇疾辭 朝去都城二十里轉劇不可行則僦屋以居旬日竟薨於旅舍其日大

本朝分省人物考

卷五十三

三十一

浙江十二

雷雨電光繞室移時乃定壽七十所著易經大旨若干卷漁石集若干卷雲南奏議江西奏議督府及總制奏議共若干卷傳於世

戚雄

戚雄字世英昂之子金華縣人也正德辛未進士令建陽約已愛民植良剪惡置學田以優士減支應以節財建人德之祀名宦祠既調南海劇煩尚簡擢南道御史巡江聞寧藩變起亟如儀真調兵要害爲防守計上下長江歷暑雨風濤無所顧恤迄逆賊就擒始解嚴又奏免差南京守備太監及條處河患疏運

通足邊餉等五事多見施行嘉靖六年疏劾李福遠之兇焰郭勛之比黨時以風聞妄奏逮問落職氣節表著士論避之平居不妄談笑銳意文學易簣時手不釋卷所著有雪厓文集金華縣志鄙見日鈔發賢文軌等書行于世

姜綱

姜綱字幼章號方竹金華籍蘭谿人大理司務芳之子性剛方力持古道正德中由進士任南刑部主事讞議詳明當請除方遜志奴藉理高介夫冤訟以議大禮與時宰不合呂涇野官武選一旦于稠衆中問

本朝分省人物考

卷五十三

三十一

浙江十二

及同鄉能詩文者綱不應呂前席復詢答曰德行本也詩文末也本之則無末如之何呂改容謝之轉工部營繕司郎中剔蠹斥奸為吏卒所憾共誣構用官物下錦衣獄尋得辨釋落職家居淡薄自守不預外事亦不以營家為念其自贊曰方不就曲行不諧俗知我罪我方竹方竹所著有鳳林類稿經史等記若干卷

邵幽

邵幽字宗周東陽縣人也正德甲戌進士授建陽知縣九載嚴正有能聲民咸德之擢監察御史出按廣

東以忤權貴謫官卒入建陽名宦祠

楊言

楊言字惟仁鄞人也正德庚辰進士授行人使于代代王故好學賓禮益隆乃進諸生為說易翕然心折復命未幾而代亂王出奔復使于代而代安王乃歸國遷禮科給事時大禮起堅不附聰蕞之議抗疏三上言愈激直 上震怒刑鞫于午門至折指慘矣而終不易詞謫判宿州已稍遷溧陽令蘇州同知累官至湖廣右叅議以歸家居角巾布袍崇尚約素諸子中有以豪侈相矜者必痛誡之曰吾死不願汝曹有

本朝分省人物考

卷五十三

三十一

浙江十二

胡森

胡森字秀夫號九峰浦江人也辛巳進士授南京刑部主事歷員外郎吏部郎中陞太常寺少卿尋進鴻臚寺正卿襟宇開霽風度穆清志存經濟仕不負學嘉靖初年議大禮始與羅峰張公意合以父教命不可遂中止不敢附名歷官銓部甄拔人才居多既歸大臣有欲引之再出者竟不從惟徜徉九峰山水間有九峰文集傳于世

應璋

應璋字德夫永康人也宋少師孟明九世孫嘗學于楓山先生一見語以黃勉齋所云真實心地刻苦工夫璋佩服不懈先生稱其純篤焉後膺貢授徽學訓導補長樂再遷羅源教諭正己率人人皆樂從致仕年九十終學者稱爲東白先生所著有四書索微尚書要略等書

董遵

董遵字道卿蘭溪縣人也受學楓山之門潛心理學專志力行江右胡東洲督學禮爲浙東奇士貢入禮部試居首選授江西南昌府學司訓正身率物士多

本朝分省人物考卷五十三

三十四

浙江十三
范清

向風時蔡虛齋邵二泉相繼視學徵主白鹿洞書院轉溧陽縣教諭陞知江浦縣立積散法爲備荒計在任一年百廢具舉因疏乞近地便養忤當道意調知廣東感恩縣懇請得終養歸居家風雨不蔽擔石寡儲而事親曲盡孝道所著有金華淵源錄及文集若干卷從子翬篤志力行事父母及生母以孝養聞三喪九年不御酒肉不入內寢雖衰絰已除而哀慕不替縣令疏其事於朝以貢格異等授思南府推官思南以禮義訓化之水蘖之操六年如一日人以一門二孝廉稱焉

凌瀚

凌瀚字德容蘭溪縣人也性端方沉毅弱冠卽負大志不規規科舉之學早遊楓山之門得其標的言行必期信果步趨必由規矩閑居正襟坐雖甚暑不去巾襪對朋友自朝至夕無惰容尤嚴義利之辨嘉靖乙酉以易魁兩浙益肆力學問凡天文地理名物象數以至禮樂兵刑漕運水利之類靡不究心四方從遊者日衆各因其材教之既謁選授泰寧教諭泰寧僻處山中士子多朴少文瀚日與諸生講明理學且立爲條約以正其趨貧不自給者則分俸資之九年

本朝分省人物考卷五十三

三十五

浙江十三
張文

如一日士習爲之不變在任兩應聘典山東廣西試陞周府紀善堅不欲出從遊者強之就道至則剛直自持輔王以禮其所上崇德講學等啓辭嚴義正王甚敬焉以疾卒於官所著有羣書類考太平策略邵武泰寧等誌金華正祠錄等書

金江

金江字孔殷溫雅聰慧承家學日以著述爲事嘉靖初由太學生任太倉州判官以開濬下浦有功陞高唐州同知捐俸賑荒民賴全活兩佐川治未嘗以吏事廢學所著有續綱目書法端本要略華州文滙錄

趙崇善

趙崇善字伯兼學者稱石梁先生系出宋清獻公後有諱某者為蘭溪尉遂家焉崇善幼端重不妄言笑屹屹負巨人志十歲能屬文十七游膠庠輒有抗心希古之意丙寅丁外艱毀瘠骨立坐是幾廢公車業一日竦然曰舍顯揚曷以報吾親益感奮淬厲於學讀書獅山茆亭陋甚四無居隣雪夜有虎咆哮戶外勢甚悍而擁襪讀自如丙子登賢書丁丑成進士授婺源令下車謁廟諸生講時習章崇善曰某來樂與諸君學幸終始以君子相砥礪至人知與否某不敢本朝分省人物考卷五十三 三六 浙江十二張文

知得諸君為知己足矣尋徧訪高行折節下之退食不入私室朝夕與紳談性學罪罪若吐芬屑曰此余治心術也嘗念善為理者不欲擾獄市而何藉吾巧為其居官不為文深苛細朔望集紫陽書院與士大夫討論孔孟遺言已讀法為士庶規已揖者艾而問之某鄉俗何若某善惡若何某有訟而下之輿論何若就是時決事人人冷然濯以清風也鷺相在事議毀書院時福山紫陽在議中而有力者且據福山自占崇善復之為石林精舍單車野服集諸生講授不輟每月兩課稅捐俸稍為楮墨資舉婺歛二邑爭

絲絹之徭最久朝命索豪右急意有所指則毅然執對大吏不能屈而止郡將徐以嚴治屬吏奔走脇息崇善一奉職無所徇徐不悅久之乃大稱服曰幾失一賢者會行履畝法乃擇其敏而不欺者勞以卮酒日毋相負事竣溢於額乃排其議均之上撫臺撫臺他委覆覈溢什一諸役悉就逮崇善爭之不能得迺列其狀于臺竟從之縱諸逮人而以他事論罷前委者稅契例解三千有奇餘以充他費時公私乏崇善獨寘簿請識其郡印主者收受上之郡邑不與焉或從吏使留此以濟匱則曰是掩耳盜鈴吾不為也故本朝分省人物考卷五十三 三七 浙江十二張文

人有所請戒勿與通曰不欲以故人得舉百姓發產研墨崇善再入覲無所攜人有遺之絹帽者匿金冠其中即斥之出除夕有客相過市內以地客怪發無交際乎崇善曰此邑之士大夫能廉潔之時人以其衙齋方之僧舍蓋不愧清獻公之後三月治行異等召戒行而早走羣望徧禱出粟賑得雨而後發老稚前擁而號至車枳不得行久之士民謳吟不已肖像生祀有發婦脫簪珥來助曰吾夫以里役破家迨兒事公費不半菽而役竣恨不刺骨以報也歲例清戎無益而費巨檄下崇善袖歸私署不以示六曹其

并遂絕于兩造平心決讞吏皆洗手奉法若夫催科絕借支徵解絕那移冊籍絕飛灑種種具在口碑請闕授四川道御史請告再除山東道上疏明公論正大典伸積寃語多忤執政而不之顧也出按遼左有暫免邊地行刑及勘議功罪考選軍政改文武職銜諸疏乙酉再請告丁亥丁內艱結茆墓側若無意于世者禪除姻黨爲勸駕庚寅北上會文懿公首揆席法當避改尚寶司丞奉 命冊封益淮兩藩晉少卿抗疏亟臨御圖治安及用人馭兵之要癸巳奉 命冊封楚藩再晉卿疏冊儲備荒及銷鑿致和之道已

本朝分省人物考

卷五十三

三人

浙江十一

無一語及他第謂其子曰吾受國恩未報惟爾曹力學繼先志諸緒紳會哭於邸檢橐中裝才十數金爲醵金以贖始克襄事崇善負時望且夕且柄用徒以親嫌多自引屏跡田里人以是高之遂巡謝弗居也氣度恬夷卽與褊心者遇無不愧解去日啖菜羹脫粟飯一盂無玩好無媵侍一室中惟圖書茶竈蒲團香几而已入官歷年於祖遺田六十畝無少益同志過從一肉卮酒共談客去掩關宴坐凝塵滿席湛如也居恒無一函入政府一字入公庭以爲常已丑歲侵衆嗷嗷待哺有謀居間者篋銀器數事至則正色

本朝分省人物考

卷五十三

三人

浙江十二

卒之日年六十有三

虞守愚

虞守愚字維明義烏人也由進士初宰嘉魚調萬安
懷民以惠擢御史上言時政忤 旨杖幾死按福建
及徽寧等處人謂其知治體嚴重不可犯又不專于
惠也轉大理寺丞尋陞都御史提督南贛汀漳軍務
所轄吏悉鑒其才鄙勇怯而兼容之是以鼓舞眾職
吏無不稱最為歐陽南野所推重歷大理寺卿以南
京刑部侍郎謝政歸平生淳篤孝謹立朝居鄉並以
厚德見稱所著有經書一得錄虔臺拙藁東厓文集

楊祐

楊祐字汝承蘭溪人生十九當嘉靖元年領浙江鄉
本朝分省人物考卷五十三 四十 浙江十三 范尚

貢入京師道鄒魯之墟過稷下周遊渤海之間登郭
隗之臺慷慨悲懷有襟帶千古之意已而罷歸治一
室河壩散列羣籍流覽其中而專覃思於經術於是
學益深博八年登進士第試月初生賦天育驃騎歌
改翰林庶吉士明年除知興國州考薦輒最入為刑
部員外郎遇謗出知濮州稍遷濟南府同知十八年
擢江西按察司僉事復以謗待次家居歲餘調補湖
廣按察司僉事二十二年暴疾卒于官年四十先是
江西巡撫今司徒王公薦其文行卓偉宜令董學官
當有以風厲人士其後湖廣部使者又薦其器用堪

以備兵皆先後報聞竟卒士大夫交相弔曰嗟乎楊
子在何不可為者今已矣初弘治間海內淳耀縉紳
先生翕然興於學厭時俗頹齷踴厲振迅務追先秦
西京而細唐宋當是時北地李獻吉尚型范而信陽
何仲默貴窈眇號稱復古天下嚮風焉祐先後崛起
雄視中土初借計詣公車吳君維新嘗以為賈生明
國體而匡衡推經術紹嘉哲軌在楊生祐亦獨喜自
負為文章奔放凌轢若馳車九折之坂而河決金堤
莫之禦也其議論雄辯勇決颺起泉涌卒然聞之駭
汗愕視至吏治之才本於天植他人縮衄已獨奮前
本朝分省人物考卷五十三 四十 浙江十三 范尚

章适

章适字景南蘭溪縣人也少孤事大父母曲盡愛敬
比冠携其弟述邁師名儒凌瀚步趨不違沉潛禮義
淳如也嘉靖中舉進士授行人宣布 上命所至行
李蕭然復命擢禮科給事中時 世宗未有倦勤意
上荆南諸集

無敢言及儲君者乃慨然曰事有大於此者乎爰進講讀疏雖忤上旨而風節凜然殆人所難未幾引疾告歸竟不起家無羨儲凄然一布衣也所著有道峰集若干卷

馮亮

馮亮字執夫號貞齋其先世自山東徙居義烏嘉靖辛卯舉於鄉壬辰舉進士令潤之丹徒邑瀕江南北最爲要劇民疲於供億亮以身任怨汰其十七吳中諸郡邑素苦白糧解役會歲大侵而役不蠲力請於部使者以贖鍰代輸故鄰郡流徙載道而潤安堵如

本朝分省人物考

卷五十三

四十一

浙江

昔最聞擢兵科給事中俄轉禮工左右復陞兵科都給事中疏請清軍理餉建城堡治濠塹以備虜數事皆鑿鑿可施用中貴人某成國公希忠寵焰煽都城前後疏其不法皆得請權貴歛跡尋陞河南叅政會歲復大侵至人相食極意賑恤捐祿爲郡邑倡所全活無算是歲入計以治行異等賜文綺錫宴南宮尋擢四川按察使按諸貪墨吏無所假貸望風解綬去者數人尤加意獄事日夕手爰書獻牘至達曙以寢遂以此得瘵疾再請始得歸且詔銓部俟病愈起而行行至夔州歿矣僅四十有四耳素不問家人

已特廉河南入計時吏白羨金萬餘叱去之曰安有行苞苴馮公者歿之日夔守爲檢其橐中裝僅餘羨俸數十金而已其廉益著云

程文德

程文德字舜敷別號松溪永康人父十峰公銓弘治己未進士官至四川副使文德端穎有異質五歲能日誦數千言稍長博極羣書大司馬潘竹澗公奇之妻以女十五補邑弟子員從楓山先生遊授以誠篤自治之學慨然志於聖賢正德己卯領鄉薦上春官不第益憤發於學從陽明先生遊授良知訣反求於

本朝分省人物考

卷五十三

四十二

浙江

心性嘉靖己丑進士第二授翰林院編修上郊祀議選庶吉士疏靈雪頌靈鵲詩親蠶行內訓講章孝敬勤儉四詩上宴近臣於無逸殿得與上無逸講章奉勅纂修祀典會同年四川楊公名上疏觸上怒下詔獄責主使者乃述所聞繫獄故事密投楊公爲守者所持上聞上下錦衣衛急捕御史陳九德文德聞之毅然就繫而出九德比拷掠無一語黜爲信宜典史總督陶公諧延主蒼梧書院檄兩廣士從講理學蓋倬然以斯文自任其教專主立志謂聖人必可學開示切要之語多士向風十四年改安福

令立鄉約均里役治豪右之不輯者建復古書院以聚諸生十五年丙寅陞南京兵部職方主事轉禮部精膳司郎中丁外艱二十年辛丑起復補兵部車駕郎中時北虜猖獗上備邊禦虜數事及造戰車法多見采行二十三年陞廣東按察副使未行轉南京國子祭酒與六館士約敦本實抑浮靡又為葺號舍典射圃疏復館職以學行擢都御史二十六年丁內艱二十九年庚戌擢禮部右侍郎會虜騎薄都城分督宣武門嚴詰察盡入郊民之奔命者疏卹凋殘慎擒捕舒民兵三事三十一年壬子轉吏部左侍郎癸丑本朝分省人物考卷五十三 浙江十二 四十四

當大計專評騰賢不肖以裨銓政會試知貢舉事竣加兼翰林院學士掌詹事府事教庶吉士兩直隸河南山東饑疏聽民輸粟散賑四省稱便 上禱祀西苑命侍臣撰登詞爭綴奇巧以進獨寓諷意三十四年會推南京吏部尚書上疏力辭因勸 上享安靜和平之福 上大怒以為謗訕有 旨褫職歸築室壽山角巾布袍聚徒講學杜足不入城市三十八年十一月以疾卒年六十有三性孝友事二親盡志善處其伯兄與人不設城府非禮亦不報恒居已於人之後生平樂道人之善而諱其過取予嚴雖一介不

苟清苦若寒士產業守舊僅自給卒不能葬總督胡公賻之乃舉隆慶萬曆間以臺省撫按先後請贈禮部尚書 賜葬祭謚文恭

趙祖元

趙祖元字宗仁號南菴婺之東陽人奇穎自負周覽六籍及諸子百家言尤精經生業每試輒屈其邑諸生唯邑諸生亦靡不人人心遜也遂以嘉靖癸卯舉於鄉明年成進士而雅志厭薄吏事疏請得教授江西之吉安吉安故稱人士淵藪而是時羅太史洪先鄒祭酒守益皆以講學家居率郡諸生日就請益無不灑然自奮者居久之遷國子助教又二年遷刑部主事尋轉員外郎以執法格用事貴臣得仇直聲又二年出僉山西按察司事丙辰地震河東蒲州境覆壓過半盜乘之蜩起抄劫晝行密設方略解散黨與而悉籍其金錢之無主者數十萬官貯之且用新其城塹境以無事俄遷江西叅議治之如山西秩滿復遷山西兵備副使丁母吳宜人憂以歸先是族弟大史祖鵬女歸太保陸炳炳以貴倖帥緹騎勢甚張自相嵩以下咸目攝之故炳死而太史斥及其季刑部員外郎皆坐黨罷矣而論者亦遂以是併訾之夫嚴

本朝分省人物考卷五十三 浙江十二 四十五 朱秀

陸方貴幸時諸蠅附士率躡數資被顯擢而祖元歷官二十餘年僅止副使尚可謂之黨援乎及歿而諸子蕭然食貧至買資稱貸以償所遺子錢心跡始暴白于天下

吳百朋

吳百朋字惟錫號堯山青田人徙居義烏嘉靖丁未進士授永豐令為政務先教化束矢入片言折服有水清鑑明之謠徵拜御史持節按淮揚卒遇倭亂披甲嬰城籌兵食晝戰守賊不敢逼先是倭薄東門外撫臣下令軍中開門者斬民襁負號呼者聲徹野百

本朝分省人物考

卷五十三

聖六

浙江十一

朋曰郭外非吾民也耶亟內之母以與虜每按部以惠文彈治諸不法然持議平不苛其按楚亦然九載考績晉大理丞轉右少卿尋陞右僉都御史撫治鄖陽改提督南贛軍務當是時內迫山寇外苦島夷羽檄旁午與兩廣都御史合兵四擊捕首虜無算已又敗倭于烏石又戰波水神山賊兵燿已又敗倭于海豐捷聞賜金帛初賊首楊一戕殺長吏勢張甚而蘇阿普等依山阻險流毒四部乃懸賞格陽為招拊而陰督大軍張左右翼擊之遂平洪田再破香寮又移師擊藍松程鄉擒其首渠轉戰大田別攻乳源始興

賊殪之先後破巢一百二十斬首數萬級鹵獲人畜鎧仗無算又移鎮信豐授叅將蔡汝蘭方略率師討平苦竹岑岡高沙諸賊餘黨盡平居民始得帖席居度六年蒙矢石馳驅烟瘴間年未艾髮垂垂白矣前後奏捷疏十有八廕子一賜金帛十二加二品俸者一晉秩三隆慶戊辰擢南京兵部右侍郎再晉刑部右侍郎丁父憂起補兵部久之陞刑部尚書時部事久虛積案填委至則亭法讞疑獄無小大必躬親之以疾卒于官諭祭葬如例

張元諭

本朝分省人物考

卷五十三

聖七

浙江十一

張元諭字伯啓浦江人也博通經史尤精于春秋嘉靖丁未登進士第授工部虞衡司主事持正不阿廉介自勵奉命董修內殿內官覲多估工料諭直拒之從公估報工完羨餘悉歸于上時有誣以他事聞于銓司者銓長張華陽面詰有諸諭答曰有之竟去其官爾亦不必問也華陽服其高雅誣者喙息尋轉本司郎中以忤權要左遷常州通判丁父憂歷守吉安桂林永昌二郡清白不渝咸著政績擢雲南憲副奉表北上以疾卒于途居家之日家積餘租悉以周族之貧乏及不能娶者羅念菴鄒東廓甚禮重之所著

有詹詹集蓬底浮談等書行于世

吳廉

吳廉字介夫歸安人嘉靖壬午以貢上春官甲申入業成均未幾會同舍生犯嬉走邏不獲獲廉譏譴之廉不深辨因乞歸久之聞湛公甘泉司成均復入業甘泉見而異之雅敬愛焉戊戌授知即墨縣蒞官約已黜情專意愛民節用縣故有供款悉斥廢頽解隻僕窶窶竄立揭書座屏上與其樂于身孰若無憂于其心與其益于家孰若無損于其民其子往省之謂曰吾有牧任當勞民勸相不為私營汝母願我為也

本朝分省人物考 卷五十三

四八

浙江十二

子以故不滯行謹唯如命值歲饑經理勤勤亟亟為民請賑適移膠河之役主者銳甚不能回廉切恫民瘼稽不發主者持之嚴曰吳知縣頭可舍官特餘事耳 朝廷命我牧民可視其就死地乎又逋負停積一時徵計使輜相釋下益苦之格不與其使構激語謂以木偶人因為詩以自嘆曰老大粗更事疑非木偶人不應方寸地時展一分春秬自懷甘苦憑誰質質真歸田何日擬斗粟未全貧遂飄然棄官歸邑士民留者載道攀泣擗膺樹屬脫烏累帙以贈轉相賈和聞者與悲廉秉誠馭下與民如家人禱雨雨至驅

蝗息侍御藍北泉境之賢傑嘗擬為古之循吏今之純儒也比歸寥索故址率履益悲稽文述古或酬事據興下筆洵湧老而彌劼與壯髦相頡頏甲辰湖郡公創社峴山奉杖屨以往有司隆飲鄉校哀然虛左然多避不赴卒之日豫訣期訂果正裾坐口占一絕云草莽荆榛不殫行山前山後路皆平牧童短笛橫牛背自在還家月正明乃瞑年七十有九所著有酪中醒語及詩文若干帙藏于家

周煥

周煥字克光浦江人也資性穎悟博學能文章居家以孝友稱嘉靖戊午由貢授福建永福知縣居官兩月倭寇猖獗攻陷郡邑城池所至風靡煥率民兵晝夜督戰斬獲百餘級賊退憤甚遂併寇煥勵志堅守月餘力竭糧盡外援不至煥戰死之時一家死者八人福民白于上官立祠祀扁其額曰忠勇文移本縣為申司府允議列祀鄉賢

李珙

李珙字侯璧永康人也由歲貢授東鄉訓導陞淑浦教諭嘉靖乙丑詔拔異才以風郡吏當道薦擢大理評事珙蚤有志理學徒步見陽明先生于越先生

本朝分省人物考 卷五十三

四九

浙江十二

授以致良知之訣珙悟獨居精思盡得其旨于是同門錢緒山王龍溪輩推重之在東鄉當道聘主豫章書院教事及淑浦日與同志訂會所至發明師訓聽從者衆平居不事生業死之日惟曰只此見在良知吾今緊密受用性命皆了古所謂得正而斃者珙之謂歟所著有質疑稿若干卷

徐用光

徐用光字成孚蘭溪縣人也性敏志潔不屑俗流嘉靖間由進士任工部都水司主事歷員外郎管臨清磚廠出納工料銀數十萬絕無緇涅中貴往來河道

本朝分省人物考

卷五十三

五十

浙江十二

有肆橫者每斥之不可干以私人服其廉能事竣陞屯田司郎中卒于官

胡節

胡節字孟通浦江人也由順天鄉試舉人授淮安知縣爲一時廉能首稱值外艱歸行李蕭然邑人感泣欲贖金不能強乃建却金亭于西禪驛之渡口自恨勿克終養廬墓而卒

龔曇

龔曇字汝霖義烏人也性至孝年十七因父演病躬侍湯藥衣不解帶比卒哀毀殯葬如禮事母尤謹凡

四十年母卒廬墓苦塊餽粥奠獻悲號三年如一日有司以孝聞詔旌表其門賜八品官復其家見配享

永慕廟

戴开

戴开字善甫種德尚義嘗捐已田五百畝置義庄以給養字族親姻之貧乏者又設義塾以教訓其子弟嘗時殿講御史盧公虔爲撰記子孫食報者至今不衰

朱助

朱助字士貞浦江人也天性孝友母卒廬墓孝感三本朝分省人物考

卷五十三

五十一

浙江十二

異家燬回祿而師茶堂扁出煨燼若新一也益栢茶枝致黃鳥卵育馴而不驚二也家有母犬病瘡其兒啣食食之三也兄士安謫戍麻陽歲具衣錢供給每出粟貸貧不收其息里中有甲當償乙者輒代償之其他善行亦多

潘琢

潘琢字時循蘭溪縣人也性孝友不私妻子父喪毀瘠骨立酒肉不入口者三年母患瘋癩琢衣不解帶痒痾痛楚隨意搔摩梳洗水火皆親理之母久卧思起乃制軟輿與弟昇之惟其所適如此者七年母沒

哀痛幾死既葬廬墓九年人皆稱其克盡子道云有司延為鄉飲大賓扁其門曰孝行

唐熊

唐熊布衣士蘭溪縣人也性澹泊躬修孝友母鄭夫人年老失明起居必敬扶持之不離左右伯兄漁石公以刑部尚書養親歸熊恭謹承意代勞母氏安其養焉家貧幾不自給而處之裕如雖兄陟上卿益自勵所守終其身不殖家產蓋無於陵之避而有仲子之風者矣

黃裳

本朝分省人物考 卷五十三

五十一

浙江十三

黃裳字元佐浦江人也篤行敦義嘗讀范仲淹義田記感而捐常稔田二百畝儲租以濟疎族隣里之急者名之曰希范晚第進士調三衢司戶郡守朱士麟稱為儒林楷範

朱勝

朱勝字仲高浦江人也由舉人授刑部主事累陞郎中知武昌府未幾調蘇州府所至多善政蘇人歌頌德政十年流傳中外奉勅褒嘉超陞江西左布政使卒于官

胡榮

胡榮字希華浦江人居家孝友名動鄉閭蒐獵百家旁通九藝玉立塵表守令高其行年凡七十以疾終門人私謚為文莊先生有澱州漁唱集

王宗聖

王宗聖字汝學義烏人也由進士授興化府教授陞國子監助教正已率人大司成古冲李公雅重之累官福建僉事倭寇猖獗調遣有功歸休築室繡湖之濱督學屠公禮聘講學于本邑明倫堂上與邑令趙公大河發明經權忠恕之義聞者稱服所著有濱河藁五十卷權政記十五卷太極圖跋等書

本朝分省人物考 卷五十三

五十二

浙江十三

朱環

朱環義烏人也赤子時無兒啼聲仲父桂無子養為子已桂生子璧及宗周頗疎環環事之彌謹服勞事不知有寒暑也時境內多盜白晝出道上劫人財桂有金數百兩與璧謀瘞窖中璧夜發之去復誣環桂怒褫環襦袴立之大雪中一日夜環涕泣謝過終無一語辨其冤桂虐使日甚環五六年間瀕死者數矣恒順受無怨言桂死遇璧益厚璧子慶多暴遇死獄環竭力營救卒免之環有子曰元女曰壽元末縉雲盜置若峽源山將劫環奉之為謀帥環莫之知也元

聞遽歸走白父當速避環老憚奔走又以謂亡是事不聽涕泣請又不聽罵之元度令賊縛翁去誰謂白翁非反盜者必殺盜庶有明也伏垣下賊偵騎至立殺之以血手入示父負之去未幾台賊獲環亡奴在焉吏引環逮之獄時所司方患盜凡盜獄所連逮多論死會元病不能起獨視妹而泣妹壽奮自前走法曹椽泣訴哀求脫父而歸人稱其世孝云

汪 灌

汪灌字慶衍金華西山里人也爲人廉直能急人患難人有故叩之卽風雨寒暑不避也鄉里大事官皆

本朝分省人物考

卷五十三

五十四

浙江十三

倚之以辦一日念徭役不均而訟訐滋起也聚其鄉人謀曰鄉之人非吾父兄則吾屬子弟也顧墮恩圯義而闕於役者獨憚追胥科繇騷屑之擾焉耳請率里正一歲所須錢長短相覆亡慮費三十萬吾鄉戶各自實其貲爲三等定著之差次於籍而衆哀金以畀當役者從之先後視戶籍金之多寡視等則異時戶有升降則告於衆而進退之如是則名雖直役者聽事而實皆仰給于衆也公無廢事而私可無敗家尚可憚乎願與父兄慮之衆翕然稱善卽日立約束無違者旣又以哀金之難也衆割田百畝爲之約成

登其書於縣而各藏其副於家竣於役而反則會衆擊豕醜酒舊里正以田授新里正成禮而退於是一鄉之役訟遂絕行三十年矣太守吳公大善之延灌等及他父老與爲禮而志其鄉以風歲惡饑民羣起爲攘寇以救死守召灌爲畫欲調兵灌曰無以爲也此直丐升斗救死耳下片符可致何俟兵乎脫兵出則挺而搏矣守乃悟然猶遣巡檢與俱灌止巡檢於家飲食之獨以數十輩持符逮至莫不畢集吏覲功悉論以死灌請府伏庭下不起曰是曹束手隨檄來未嘗扞法也今以逆論之後復無凶歲乎且灌實召之灌不忍民聽灌就逮而死也守感悟亟解散其獄黥者纔二人其著信如此

徐文敏

徐文敏武義人父早卒母朱遺腹生文敏及長事母克盡孝道母患瘋疾文敏百方醫療不痊乃斷暈酒每夜叩北辰祈以身代越四年勿懈忽一夕夢老人示以方如方劑藥母服而愈鄉人嘆異之其孝老而稱篤正德間 朝廷旌其母節後十年知縣張沐核其孝行具奏未報而文敏卒其母年逾九十而終

胡 擇

本朝分省人物考

卷五十三

五十五

浙江十三

胡擇字仁甫蘭溪縣人由舉人歷邵武長沙建昌三府通判陞景州知州真定府同知所至廉謹練達人以法家老吏稱之致政歸蕭然不自能給而猶兄弟讓田產真孝友天性者也

王冕

王冕字公亮東陽縣人居貧養親誠愛母卒廬墓三年知縣張立嘗雪夜往察之果見嗚咽僵卧大加嘆賞捐俸助之聲稱大著太守劉蒞大書孝行之門旌異焉仍復其家丁役

陸璫

本朝分省人物考

卷五十三

五十六

浙江十二

陸璫字溫夫蘭溪縣人也由舉人授萬載知縣愷悌有為豪巨為盜者璫難剪不遺力歲饑民多逋負移檄交至璫即自械繫民咸願身代璫曰父老無自苦吾寧以此去無忍爾輩流離也勸課學徒撫存孤寡皆誠心惻怛後以謗調大庾民痛哭遮留治大庾語無躁妄遇事堅執不為詭隨處劇繁以簡靜愛民禮士敦雅有古風陞福建漳州府通判去後民恒思之

朱方

朱方字良矩永康人也性樸寔言笑不妄初任丹陽尹水槩自持聽斷詳慎歷淮安同知刑部員外郎中

寶慶知府操履不踰遷雲南叅政乞致仕當道疏留之竟引疾去程松溪先生出其門終身執弟子禮方亦以師道自居時兩重之云

王世名

王世名婺武義人也年十七時父良為族侄俊以爭屋毆死世名恐殘父屍不忍就理乃佯聽其輪田議和凡田所入輒易價封識俊有所餽亦佯受之雖錙銖罔有不計值封識者私繪父像自像帶劍侍置密室朝夕泣拜購一刀銘之報讐字母妻不知也服闋遊邑庠不專事舉子業惟手書忠孝格言一編佩之

本朝分省人物考

卷五十三

五十七

浙江十二

已而已子甫數月撫之謂母妻曰吾已有後可以死矣母妻亦不知所謂也一日俊飲於其隣醉歸世名乃迎而揮其所購刃立碎其首以報讐故號於眾歸以白其母遂出其向所封識租價餽值及宿構刃狀赴邑請死實萬曆九年正月也去父死之日六年于茲矣邑陳令驗所封識訪之士民知報父讐是實乃曰此孝子也不可令對獄卒別館之上其事當道當道委金華令汪往訊之世名曰復何言吾事畢矣只欠一死汪曰檢若父屍有傷子未應得死世名曰吾忍痛六年始發者為何不忍殘父屍也以吾命抵讐

命奚檢爲遂具呈懇乞放歸故里拜父辭母撫子嘯
妻絕吭柩前獻屍臺下汪憐之遂移文請於郡言世
名宿抱父冤潛懷壯志強顏與讐同室矢志終不共
天封買和之貲不遺鎰銖鑄報讐之刃懸之繪像就
理恐殘父屍卽死慮絕親後歲序屢遷剛腸愈烈及
甫生男一歲謂可從父九原遂揮刃於讐人甘投身
於法吏驗父若果有傷擅殺應從末減但世名誓不
毀父屍以生惟求卽父柩而死一檢則世名且自盡
是世名不檢固死檢亦死也捐生慷慨旣難卒保其
身而就義從容是宜曲成其志合無放歸故里聽其

本朝分省人物考

卷五十三

五人

浙江十三
張文

自裁當道可其議世名遂得歸歸之日汪囑之曰子
行吾且來子無卽死吾終不惜爾父旣朽之骨而不
以全爾孝子仍以死自誓誓不欲檢汪喟然曰浮生
有涯令名無已世名正色曰豈謂名哉理當如是其
母迎而泣世名曰身固父所遺也以父之遺爲父死
雖離母得從父矣復何憾謂妻曰善事若姑善撫若
子餘無言見武義陳令陳仍館之前館囑守者曰無
令其死迨汪至武義邑人迎而直世名者千人汪遂
令昇其父棺棺至世名聞之大慟遂以頭觸地守者
持之不得死明日邑諸生翼而見汪世名望見父棺

卽以頭觸階石血噴如雨地爲之赤諸生相持大號
陳汪二令亦不忍視爲之泣數行下諸生請從其志
汪乃昇其父棺去遺文而弔之世名少甦卽求至灘
視父柩爲一再慟望弟扶棺登舟久之乃返汪所汪
且去矣讀所遺文曰汪君知我哉陳令又欲白于上
免檢其父以全其志世名曰此非法也非法無君何
以生爲遂不食而死死之日靈霧昏慘烈風迅雷大
雨如注迨迎屍歸始開霽焉遠近莫不曰真孝子也

補遺

童存德

本朝分省人物考

卷五十三

五人

浙江十三
三

童存德字居敬蘭谿縣人正統十年進士除廣西道
御史巡按北直十四年護駕北征死于土木之難

趙志皋

趙志皋浙江蘭谿人隆慶戊辰探花歷官吏部左侍
郎入閣歷少傅建極殿大學士兼太子太傅吏部尚
書二十九年贈太傅謚文懿志皋在詞林時與江陵
忤外謫江陵敗復入詞林 神祖以人望所屬不由
廷推特起而大用之亦孜孜思有所樹立以報 聖
恩因動多掣肘不獲盡見所長竟贊志以沒云

陸可教

陸可教號葵石蘭谿縣人萬曆丁丑進士改庶吉士授編修庚辰病歸丁艱服除授原職尋轉侍讀戊子主考江西辛卯主考應天所拔多名士而試錄亦膾炙人口歷南禮侍卒文章與馮祭酒夢禎並為士林珍重馮之品行以超逸稱而可教規旋矩翔屹然自立能不失文懿公軌度云

大明分省人物考

卷五十三

六十一

浙江十三

人物考卷之五十四目錄

浙江台州府

陶凱

方克勤

鄭華

葉兌

危貞昉

鄭士利

陶宗儀

王叔英

徐宗實

葉居昇

鄭恕

盧原質

方孝孺

林嘉猷

許繼

盧迴

本朝分省人物考

卷五十四目錄

浙江十三

石允常

東湖樵夫

夏迪

趙季通

徐善述

鄭華

魯穆

王一寧

陳燧

李匡

范理

林鶚

夏塤

魯崇志

陳選

黃孔昭

謝鐸

龐泮

夏鏃

陳世良



王奇

王啓

秦文

王熿

蔡潮

金賁亨

應昌

原忠

石簡

秦鳴夏

趙天佑

秦鳴雷

陸州

吳時來

王萬祚

趙元銘

王弼

黃綰

本朝分省人物考卷五十四目錄

二

浙江十三

本朝分省人物考卷之五十四

浙江台州府

陶凱

陶凱字中立號耐久台州府臨海縣人生時有大星墜簷前光燁臥室比成童讀書輒過目成誦爲文下筆動千百言皆據理立論博學強記性遲重不妄言咲既冠夜歸限於大溪不能渡忽有人撐小艇泊岸攝衣登舟既渡回顧舟人皆無見者異之一日里中大疫凱探視病者見神入甕器中避之凱命筆封識投棄水中疫即愈又嘗入城晚宿三江病家夜禱俟

本朝分省人物考卷五十四

浙江十三

祝者過夜分凱曰我代之迺即誦離騷經聲清越以長病者驚汗浹背而愈儀容步履有嚴有則四方子弟慕其學相從者甚衆父敦孝友苦於不給以其束修之入佐父治喪葬供祀如禮其上世墓域有奪於勢家咸贖而表之且他無兄弟惟一妹適仙居懷仁顧氏早卒其子及女撫以成人故鄉黨稱孝友者莫不曰陶氏父子而士大夫又皆爲詩以歌咏之誠意伯青田劉氏爲之記嘗遊吳興遇相者四明袁廷玉謂之曰公五岳朝挹而氣色未開五星分明而光澤未見宜藏器待時後十年爲異代臣子顯名其在荆

揚間也至元中以禮經掇科除永豐學諭內醜夷德不受職隱居教授主杭州施允弘家塾及太祖初起兵聞名訪凱延上座不敢居太祖曰師座不可坐耶凱曰將軍器宇軒昂襟懷豁達凱聞人誠見所未見者雖侍側且不可矧師位耶相與極談因進取天下之策太祖曰何謂也凱曰羣雄所據地是實地兵強未可與敵胡元雖有地政衰民怨是空地也取之易也太祖大奇之自後用其策遂至地廣兵強而興焉別間凱囑曰方今百姓愁苦仰在明主將軍請自愛民寶重太祖曰會有重遇日子尚未晚

本朝分省人物考

卷五十四

二

浙江三

也戊申歲太祖定鼎金陵遂遣使奉書幣來徵時凱矢心不仕游學湖海中不應詔上求之懇切論來使曰陶凱不應詔可取一族人首級回話由是族人之四遠求得凱見上補翰林編修與學士宋濂等分科修纂所撰元史三十八卷志五十三卷傳六十二卷目錄二卷繕寫成一百二十冊又撰洪武廣韻若干卷以進上稱善命教大本堂授楚王經洪武三年陞禮部尚書剖符封功臣議五等封爵宿大本堂據歷代故實討論詳定四夷之未歸附草壘書諭之悉效順獻琛於是法制未備上命有司各行

鄉飲乃采周官儀禮及唐宋之制參定其儀又以兵亂之後人才荒落命定科舉式行於天下以取賢才百凡禮儀區畫居多四年初設進士二月九日上命嘉議大夫國子祭酒魏觀為讀卷官凱之弟陶誼為彌封官取中式進士吳伯宗等一百三十名而凱實提調得人之盛始此遂刻程文而凱序其首又命撰大明樂章九闋王保保女為秦王嫔妃時妃有外王父喪上命廷臣議之凱奏大功以下雖凡人亦可成婚况王妃無服上命中使女史往諭妃家行納徵發冊禮冬十一月辛酉長至日上御奉天殿

本朝分省人物考

卷五十四

三

浙江三

集羣工于廷告以誓命戊午出宿齋居時尚書黃肅等侍凱請曰皇帝升中於天國之大典幸際熙明與於執事之列不可無篇什以紀慶成昭示萬世遂以唐詩星臨萬戶動月飭九霄多為韻凱首唱之以次屬和上命翰林學士宋濂序諸首十二月凱言漢唐宋時皆有要紀載時政以資稽考今起居注紀言紀事藏之金櫃已呈為實錄凡諸司領錄聖旨及奏事簿籍紀載時政可以垂法後世者宜依會要編類為書使後之議事者有所考焉其臺省府宜各置銅櫃藏領錄簿以備稽考俱從之車駕由宣城

至金華紀所歷奉制賦詩一十四首陪祀 太廟
駕還朝進賀以詩 上稱善一日召對文華殿賜繡
頃間 上色愀然凱請乃得 高后艱產之由因進
以方晡時喜捷疊至 上大悅賜之金牌篆云免陶
卿之罪又嘗陪視便殿 上從容問居地形勢凱以
象鼻岩對且曰臣鄉人張竹屋題曰曾入蒼舒萬斛
舟至今壘對蕪清流君王玉輅催行駕安得身閑伴
白鷗即令人歸刻其詩於水中九靈岩壁以實明問
一日 上御五鳳樓工部進吞船之伎羣臣觀侍眾
皆以見吞對凱見獨不然 上問之凱曰臣惟見遶
本朝分省人物考 卷五十四 四 浙江十三 朱秀

楚王求其師弗得憤入金水橋下羣臣解衣履下救
者及法官以不復奏受死若干員隨贈太子少保以
旌其忠洪武八年三月也葬長潭山下
方克勤
方克勤寧海人也少從鄉先達學窮研力索至忘寢
食元季亂却穀隱山谷中國初被徵辭索之急起家
為濟寧府知府錫冠帶寵行比至官首為書一通懸
康衢論 天子愛養元元之意民有隱情許詣府自
言禁隸卒之追捕引者羣坐語訊得失郡學官缺孔
子廟堂頽圯聘賢者為師撤浮屠氏以葺廟社各立
本朝分省人物考 卷五十四 五 浙江十三 戴洪

烏用二千石為密聞之中書即日詔罷役先是不雨
 克勤袒跣徧禱羣祠涕泣臥祠下詰朝天雨民歡呼
 而散是歲五穀俱熟五年秋隣境蝗克勤聞即省愆
 輟食稽首籲天迨夜聞空中轟轟聲燭之乃飛蝗蔽
 天而過郡獨有年民有獄訟大者笞辱小事諭遣之
 不留案牘庶獄鞫日省錄無久淹每秋成即移文
 與民期日輸倉粟聽民槩解不遣吏而稅常先登江
 浙二行省歲運糧百萬詣濟寧水陸千里撫如部民
 不令有纖毫怨懟言之朝燭其耗每徵發下信符致
 民民得并力耕桑襁負來歸者相望初赴官戶僅三
 萬稅七萬石餘三年後戶增至六萬稅十四萬有奇
 二州二十縣家給人足野無流殍冬寒河凍驛舟不
 行命舟人伐木作炭穿土穴藏冰因其餘力以成事
 功郡故以葦困時糧火屢為災教民為陶瓦屋百餘
 間申戒火令編民居為什伍遞相救恤遂不復火會
 大師十萬往伐燕官吏索糧芻相輻輳于前克勤依
 序酬決無不如意一軍稱能永嘉侯朱亮祖將舟師
 北征水涸舟膠不可動勒民夫五千決河以軍法申
 督克勤不忍夜泣禱于天天忽大雨水起數尺而去
 克勤為政以風俗為急以德化為本郡最煩劇民爭

本朝分省人物考 卷五十四

六

浙江十三

化久益無事終日衣冠坐堂上召諸吏授詩書法律
 性不喜近名常自誦曰近名必立威威必害人吾不
 忍為也府庭不陳杻械懸韋鞭楹間示無刑罰奏六
 歲績績最錫燕賞還郡 上召見獎諭曰政成當顯
 用卿尋為屬吏楊貢所構誣詔御史廉按御史憚失
 出峻治之以用倉中炭葦就逮民號呼填道隨行百
 餘里者數千人子孝孺上書政府請以身贖父罪不
 報請役江浦會空印事起又就逮而沒克勤孝友備
 至與人交洞見肝膈自奉簡素一布袍數十年不易
 日不再肉每行縣杯湯不肯受兗州守因童子進二
 木瓜管而却之鄉人為饒陽令者以潯鴈侑書力却
 去而于人最恩南冠過郡者必米醪遺之不能步者
 僦舟車送之同列以事奪祿旦夕延共食會飲醉投
 案大詬去禮待之益恭及酒解來謝克勤陽為不知
 者曰昔之夜吾亦大醉不識君何謝也晚益畏慎書
 所為夜必白之天俯仰無愧作宋太史以為古體道
 成德之君子云

本朝分省人物考 卷五十四

七

浙江十三

鄭華

鄭華字思孝臨海人洪武丁丑進士初授行人奉使
 川廣有令名建文中註誤謫東平州判官靖難兵起

謂其妻蕭曰吾義必死柰親老汝少何妻泣對曰君能為國妾獨不能為君乎華乃稱疾尋醫携家托其友無錫丞趙次進馳還東平時州長貳盡棄城走華獨率吏民死守憂勞病甚水漿不入口者三四日北將未能攻陷東阿分兵東平華曰守土之臣義不苟生請援山東又不至乃力疾戰不屈死之時年甫三十台州祀華於八忠祠

葉兌

葉兌字良仲寧海人以經濟自負尤精天文地理卜筮之學元末仰窺天運有歸乃以布衣獻 太祖高皇帝武事一綱三日策言取天下大計 太祖奇其言欲留用之兌力辭遂賜銀幣襲衣以歸後數歲削平天下其規模次第悉如兌言

危貞昉

危貞昉字孟陽臨海人事親以孝聞其父孝先洪武辛亥進士擢官麟游丞再遷陵川坐法謫役浦江縣貞昉時為郡諸生聞之奔訴于郡守欲走代之守以其名隸學籍難其行貞昉號泣于庭曰人孰無父哉柰何獨沮於我也左右為之言獲如其請即日上海道詣京師伏闕上疏曰臣父陵川丞孝先不幸絀吏議

翰作大江之濱筋力向衰不能執事而大母范氏春秋復踰九十且旦念之恐染霜露之疾無以遂其菽水之忱臣犬馬之齒方殷願代父作使其歸養雖即死無恨疏奏 上惻然從之貞昉乃解儒衣易短製欣然就役施施無難色然質體羸弱不勝負任之苦越七月病卒貞昉通周易兼能學唐人歌詩性剛直讀古忠孝事敏祗久之且曰使貞昉生其時亦當若是爾遇交友患難蹈湯火赴援不為利害惑卒時年二十八聞者皆悲之

鄭士利

鄭士利字好義寧海人嘗為縣諸生其兄士原以儒薦為河南懷慶府同知遷湖廣按察司僉事利因告于師去侍其兄游學有名洪武九年天下考校錢穀策書空印事起凡主印吏及署字有名者皆逮繫御史獄凡數百人士利兄亦以河南時空印繫獄中天子方怒空印事以為欺罔行省臣三十餘輩守令署印者皆欲置之死佐貳以下榜一百免死為軍遠方丞相大夫皆知空印者無它罪可恕莫敢諫士利獨歎曰 上不知以為空印大罪誠得入言之 上聖明寧有不悟擬欲言之適星變求言士利曰可矣

既而讀詔有假公言私者罪之久之士利曰吾所欲言者為 天子殺無罪為可痛耳吾兄非主印者固當出需吾兄杖出乃言曰吾死不恨其兄免死出土利乃為書數千言言數事而於空印事最詳其意以為誠欲深罪空印者恐奸吏得挾空印紙為文移以虐民耳臣以為文移必完印乃可今考校策書合兩縫印非一印一紙之比縱得之亦不足用况不可得乎且錢穀之數府必合於省省必合於戶部其數誠不可懸斷預決必至戶部而後定省府遠者去戶部六七千里近者三四千里待策書既成而後用印則

本朝分省人物考 卷五十四

十

浙江十三

往來之難非暮年不可至故必先用印而後書此權宜之務所從來遠矣何足深罪且國家諸法必明示之天下而後罪犯法者以其不可而故犯之也自立國以至于今未嘗有空印之律有司丞相不知其罪今一旦捕而誅之則何以使受誅者甘心而無詞乎朝廷求賢士而置之庶位得之甚難位至于郡守者皆數十年所成就通達廉明之士非如草菅然可刈而復生也 陛下柰何以不足罪之罪而壞足用之才乎臣竊為 陛下痛惜之其書既成欲上者數矣而未決每歸逆旅則閉門俯首而涕泣數日其兄子

侍行者疑而問之曰何所苦乎士利曰我疏上觸天子怒必受禍然殺我活餘人我更何恨遂持書詣丞相府士利短小容貌如常人見丞相禮頗倨丞相問何書士利曰吾將為 天子言之丞相何問也丞相曰御史大夫入奏 上覽書大怒詔丞相大夫雜問誰教若為必有主謀者士利笑曰顧吾書可用與否如何耳且吾業既為國家言事自分受禍人誰為我謀乎辭卒不屈然猶輪作終身而竟殺空印者

陶宗儀

本朝分省人物考 卷五十四

十一

浙江十三

陶宗儀字九成黃巖人冲襟粹質洒然不凡少舉進士一科不中即棄去務古學無所不窺出游浙東西師潞國張公翥未喜李孝光京兆杜本文章故其家法過人遠甚尤刻志字學工舅氏趙集賢雍篆筆家甚貧抵松教授弟子遇人無夷險佞直一接以誠平居寡言咲至論古今人物上下數千年竟日不倦至正間浙帥泰不華南臺御史丑問辟舉行人校官皆不就張士誠據蘇議署軍諮不往洪武辛亥詔取天下士癸丑命守令舉人才又以病免或謂讓之歎曰一檄而喜所以為親祿不逮養適增悲耳况今賢良輩出草莽之臣老死太平幸矣踰分之榮其敢覲乎

藝圃一區果蔬著積度給賓祭餘悉種菊栽接溉壅
身自爲之間遇勝日引觴獨酌歌所自爲詩撫掌大
噉人莫測也宗儀崎嶇亂離幾二十年喪葬祭禮備
盡其力人以孝稱因避兵家城北泗水之南買地結
廬遂居以老晚益閉門著書世所共傳說郭一百卷
輟耕錄三十卷書史會要九卷四書備遺二卷其未
脫藁者不與焉

王叔英

王叔英字原采黃巖人洪武二十年薦起爲仙居訓
導三十年改海安府學陞漢陽知縣有惠政嘗遇旱

本朝分省人物考

卷五十四

十一

浙江十三

虔禱不效遂絕食天大雨復祈晴遂霽建文初方孝
孺欲復古井田叔英貽書力阻之曰凡人有才固難
能用其才者尤難子房之于漢高能用其才者也賈
誼之于漢文不能用其才者也方今明良相值于載
一時但天下之事固有行于古而亦可行于今者如
夏時周冕之類是也亦有行于古而難行于今者如
井田封建之類是也可行者行則人之從之也易難
行而行則人之從之也難從之易則民樂其利從之
難則民受其患此君子用世貴得時措之宜也召爲
翰林院修撰靖難兵至淮上建文遣使四出募兵叔

英奉詔行至廣德聞 上已遜位卽慟哭會齊泰奔
叔英曰泰貳心矣及泰至密問之乃相抱哭相語共
圖再舉已而知不可爲乃沐浴衣冠書絕命詞藏衣
裾間自經于玄妙觀銀杏樹下詞未有千秋史官筆
慎勿稱希賢之句又題其案曰生旣久矣未有補于
當時死亦徒然庶無慚于後世妻金氏繫獄死二女
赴井死祠山道士盛希年收葬叔英于本州城西五
里之地後建忠節祠祀叔英妻并二女又有貞烈祠
在黃淡畧上

徐宗實

徐宗實以字行名屋黃巖人洪武壬戌有司以禮敦
遣赴闕數被顧問敷奏剴切均中時宜 高皇帝深

本朝分省人物考

卷五十四

十一

浙江十三

喜得人勅銓曹任司風紀辭居外任授銅陵簿復請
歸迎母就養重忤 上旨謫輸役淮陰驛郡邑校官
聞其至爭除館延致爲賓師多所造就久之詔爲駙
馬胡觀師教法嚴明如在鄉塾時觀受教惟謹旣冠
入府成禮畢每當講授中使援他府例設駙馬位于
堂中北牖下南面而置師席于西階上東向憮然嘆
曰師嚴道尊然後民知敬學豈以我一布衣而訕師
道哉輒手引駙馬位使下然後爲說書復爲書貽之

賁以在三大義及富貴驕人之說觀泣下遜謝執弟
子禮愈恭略綺紈之習尚儒雅之風 高皇帝深嘉
之召見獎諭再四德譽日著洪武末任蘇州府通判
奏發粟二十萬以活饑民當春暴水嚙堤為患巡行
郊野相視原隰大興治水之役令有田之家量多寡
貧富人出力而饑者得所資屬邑有節婦王氏邵采
載其事而旌表未行乃請旌之禮部以前朝事不允
上言封比干墓非前朝事乎朝議謂其知大體從之
尋以薦超陞兵部右侍郎海州有節婦年十六許嫁
而夫亡歸夫家成喪持服養姑送終剪髮自誓守節

本朝分省人物考

卷五十四

十四

浙江十三
朱秀

不二採訪使上其事所司以其年未五十不合例宗
實上言曰隨事處中始為合義守文執一豈曰得宜
厥婦既能守夫于筮嫁之初又能剪髮于葬姑之後
雖剜目割耳亦無以加自當與卓異同科豈與尋常
比例廷論建其言下郡邑旌之被使兩浙以嫉惡太
過被劾怡然去職復起為尚寶司丞遂上疏乞骸骨
許之後靖難兵起奉使招集兩浙義兵明年建文遜
位去家屬皆覆沒于京師宗實杜門以終老焉

葉居昇

葉居昇字伯臣浙之臨海人洪武中為山西平遙訓

導時欽天監奏五星紊度日月相刑下詔求言居昇
謂人曰今天下有三事其二事易見而為患小其一
事難知而為患大三者積于吾心久矣縱不求言猶
將言之况有 明詔乎即為書上言三事其略曰分
封太侈也求治太急也用刑太煩也今四方已平矣
民庶思治而不務以寬大御之視誅殺人如滅螻蟻
使民不獲安息欲以圖治難矣用刑之際多憑 聖
衷致使治獄之吏務從深刻以趨上意平允者多得
罪夫圖治於亂世之餘猶理絲于棼亂之後緩之則
端緒可得欲速則膠結而不可解今病民之不安奸
邪之不正朝令異革賞罰不准君勞于上臣困于下
治烏可致乎此二者人皆知其不可然非禍亂之根
也所謂分封太侈者 天子畿內地止千里而秦晉
周楚踰千里之國以封年少未達事之王無事則易
驕佚有事則為僭亂此人所未知而臣所為患也疏
入 上大怒曰小子何敢間吾骨肉詔逮繫刑曹問
狀竟死焉

本朝分省人物考

卷五十四

十五

浙江十三
童維

鄭恕

鄭恕字本忠仙居人治尚書能賦詩好古博雅家甚
貧一毫不妄取蕭然斗室日與學徒數十人講論經

史高風勁節一時傾嚮之寧波知府禮聘爲昌國縣訓導尋陞知蕭縣甚得民心建文四年靖難支將王聰攻破蕭恕不屈死之後籍其家二女當配亦死之子濂混姪温汲謫北平種田或曰恕嘗有平幽燕疏歸起義兵時無應者遂往就戮蓋事定加刑也台州祀恕于八忠祠邑有專祠祀恕及二女

盧原質

盧原質字希魯寧海人母爲方孝孺姑也原質之學得於方氏洪武戊辰登進士及第第二人孝孺以詩賀之曰奉天殿上榜初開共賀江南得秀才好與青蘿居士說少年文運屬天台授翰林編修二年庚午父喪詔賜驛舟楫幣遣歸又四年陞太常寺少卿建文中多所建明 文廟登極坐黨詔族其家與其弟原朴等皆死

方孝孺

方孝孺字希直一字希古台州寧海縣人至正丁酉始生之夕有大星墮於其家性資精敏絕倫長者見之皆咄咄嗟異方髫鬢已善屬文雙眸炯炯如電讀書十行俱下日積寸許見典冊所載聖賢名字或良將相形貌輒默然記欣然有願慕之志鄉人呼爲小

本朝分省人物考

卷五十四

六

浙江十三

韓子年十五侍父宦游濟上覽周公孔子故宅求七十子遺跡慨然歎曰使吾得遇孔子同時縱顏閔未可幾其餘豈多讓哉但恨今世無聖人不得依歸耳曹國公李文忠一見奇之待以國士年二十翰林學士宋濂方以文章道德推重海內四方至其門者輻輳洪武八年父克勤嘗誣誤繫京獄孝孺數言於朝廷代父死既而謫戍江浦又上疏乞身代役皆不報克勤自獄中遣孝孺從濂游孝孺持所爲文上謁濂願受業濂一見大嘉賞異謂孝孺曰吾備伍禁林數年來閱天下之士亦多矣而未有如子者子之文非

本朝分省人物考

卷五十四

七

浙江十三

當時之文也顧肯從我游乎即日館置左右日與討論經史爲文辭濂歸金華孝孺往來山中凡四年盡得其所學自是文章繼濂而起一時四方耆儒宿俊無不傾心與交會父坐空印事草疏將詣闕伸理而父沒扶喪歸葬濂尋徙蜀孝孺欲往省不可以文顯天願輸壽以延之濂嘗欲甥之而不果洪武壬戌上用學士吳沉楊樞薦詔徵至京入見陳說多稱旨上問樞曰孝孺孰與汝對曰十倍於臣賜之宴几稍歇必正而後坐 上使人覘之喜其舉動端整謂皇太子曰此莊士也當老其才以輔汝試靈芝甘露

論 上每面試舉子輒親定高下註選至孝孺獨不註曰異人也吾不能用留為子孫光輔太平足矣

皇太子素重其才召賜食東宮待以賓友孝孺既歸益杜門纂述不出會仇家得罪詞連孝孺有司例簿錄家貲械赴闕下 太祖立命釋之孝孺奉祖母孀妻子家屬數口還鄉鄉人感歎以為盛德已而家益貧窘無以為資孝孺處之泰然不以為意嘗臥病絕糧家人告乏則曰聞古人有三旬九食者窮豈獨我哉吾猶勝之矣授徒石鏡精舍若將終身二十五年復辟至 上方重賞罰以其志存教化謂左右曰今

本朝分省人物考 卷五十四 十八 浙江 李文

非用孝孺時乃除漢中教授詔許水陸給舟車明年閏四月攜妻抵住山郡荒僻水土暴惡病瘦痿者十之五士人鮮少雖五經亦無全者孝孺安之嗜蔬糲若飢萬鍾者每味爽升席為諸生講解文義至暮曉曉無惰容由是山南人皆知向學二十七年春蜀獻王聞其賢以賓禮召見每有所陳論輒虛懷聽納恒曰方先生古之賢者也 皇太孫聞其名癸酉丙子徵入典試應天府三十一年閏五月 太祖大漸遺令必先召孝孺建文帝立馳驛召還將用為執政天下莫不以王佐屬望用事者忌之乃止遷翰林博士

再遷侍講文淵閣日侍左右備顧問德望素隆一時倚重尋定官制改侍讀學士為文學博士以孝孺為之是時館中徵集四方名士修 太祖實錄及類要大典諸書皆命孺總裁官諸儒於所長各互有得失至孝孺則卓為一世儒宗朝廷大制作皆出其手靖難兵至京駐金川門外宮中悉自焚三十五年六月十四日孝孺聞之持斬衰服晝夜號哭 太宗即位欲詔天下問左右誰可草詔者廷臣以孝孺對 上遣人名之數次不至 上乃使擁之入見孝孺既至見 上益悲慟聲徹殿陛間左右禁之莫能止 上

本朝分省人物考 卷五十四 十九 浙江 于

親降榻慰諭之曰我家事耳先生何良苦又曰先生為我作詔命左右給以紙筆孝孺大批數字訖擲筆於地曰死即死耳詔不可草 上大怒繫之獄初上南下時姚廣孝曰 殿下至京須全方孝孺若殺此人天下讀書種子絕矣在獄時先收捕其族黨每捕至輒下之獄以恠之而孝孺終不屈于是命磔之夷其族孝孺臨終絕命詞一章詞略曰天降亂離分孰知其由奸臣得計今謀國用猷忠臣發憤兮血淚交流以此徇君兮抑又何求嗚呼哀哉庶不我尤識與不識哀之如親戚年四十六復有 旨收其妻鄭

氏使者至其門已經死門人王稔輩收孝孺遺骸殯之聚寶山宗族坐死者八百四十七人孝孺嘗謂道無事不在列為二十八箴又作雜誠三十八章謂化民自正家始作宗儀九篇謂治先德化而後政刑作深慮十八篇又以篡臣女主夷狄雖有天下不可為正統作釋統三篇并周禮考次大易枝辭帝王基命錄皆發先哲所未發四方夷裔得其一字寶若拱璧當時皆諱而不傳至洪熙初仁廟嘗謂羣臣曰若孝孺真正忠臣宜從寬恤方氏遺族始得赦還留都與其鄉因特建祠以祀孝孺而諸遺集始行于世

本朝分省人物考 卷五十四 千 浙五十三 千五

林嘉猷

林嘉猷初名昇寧海人始事同邑王琦琦坐累家徙雲南姻族無一人顧卹者惟嘉猷徒步千里追送贈遺泣涕訣別人高其誼後復與邑人鄭公智友善行六十里至漢中求方孝孺師焉方氏之門四方學者至無虛日而孝孺獨以得二人為喜相勗以進于聖賢之道曰匡我不及者二子也洪武丙子嘉猷以儒士校文四川蜀獻王聞其賢與公智俱召至成都薦為府僚賜名曰良顯建文初辟嘉猷入史館為編修公智為監察御史嘉猷累遷按察司僉事燕邸召入

居處最久得其隱情以告孝孺內難平兩人皆坐孝孺姻黨逮至壬午九月被戮

許繼

許繼字士修臨海人自兒時屹有成人之志以古賢哲自勉善賦詩言暢而旨深一時名流咸嘆賞而士修不自足也玩心天人窮曠探微將大究六經之緒反之於約以成身致用有得乎心沛然以樂不以貧賤患難惑其志與天台方孝孺友善相切磋不怠繼甫壯而病病三年而孝孺每見之未嘗不覺其獨進也比死神志不亂洞然於晝夜死生云

本朝分省人物考 卷五十四 千 浙五十三 千五

盧迴

盧迴浙江仙居人為入踈爽不屑曲謹然大節皎然少喜飲酒飲酣輒長歌人或謂其狂既仕顧折節恭慎靖難後不屈縛就刑長謳而死聞者悲之或曰盧

琪

石允常

石允常字恒德寧海人洪武甲戌進士歷官河南按察司僉事廉介有聲人稱石清潭分巡汝寧道微行民間聞哭聲甚悲允常廉知其女為閹宦逼姦而死受其訴聞於朝捕宦抵大辟羣宦銜之巧構允常左

遷常州府同知俄北師起允常棄官歸 文皇卽位
追論建文間廢毀局府官僚事逮至者五十餘人允
常與馬衆悉洵懼服罪人上贖米五十石獨允常鍛
鍊百端堅不肯服繫獄二年免死謫戍中屯衛躬擐
甲胄幾三十年年七十代還過南畿感愴病卒于舟
中

東湖樵夫

東湖樵夫者不知何姓名每樵浙東臨海東湖上日
負薪入市口不二價建文壬午秋詔至臨海湖上人
相率走縣庭聽詔或歸語樵夫曰新皇帝登極樵夫
愕然曰皇帝安往曰燒宮自焚樵夫大哭遂投東湖
水中死至萬曆初南京兆尹奉 上詔建祠治城祀
遜國死事諸臣遂列主從祀

夏迪

夏迪字庭簡天台縣人生而魁偉性聰明介特事親
友弟極其孝愛既長備邑庠弟子員洪武丁卯以書
經中鄉試戊辰上春官適遇疾弗第入胄監卒所業
庚午試政於刑部授溧陽縣丞勤于撫字吏民信服
邑通年丁水滂連賦數夥其糴里有鬻妻貨子願償
所逋猶未能集甚至有喪身亡家者迪閱之乃勸借

本朝分省人物考 卷五十四 三十一 浙江十三 朱秀

本朝分省人物考 卷五十四 三十一 浙江十三 鄭明

於殷實巨家得米十萬七千餘石先足官賦次贖其
子女以歸人咸德之明年調福建懷安縣丞蒞政一
如溧陽朝廷以虧免欽騎官員馬匹來徵民無所措
迪有白馬即與輸官一不與較於時理問缺所司知
其廉能委以任之推謙詳密剖決平允略無留滯薦
陞大理左寺副凡遇審決一以至公無不得其平焉
壬午 文皇卽位陞吏部文選司員外郎轉本司郎
中銓選一遵常制舉得其人名達 仁皇試以太極
論褒美有加丙戌拜河南左叅政有如其能者交訐
陰私詔繫獄勘明年春 仁皇憐其無辜請命於行
在宥其罪從隆平侯分理庶務尋授兵部司務越四
日召至文華殿諭以戶部田賦不清用爲浙江司郎
中稽覈清查奉命不數日清理明白尋拜四川左叅
政及辭仍命傳置到任凡繫獄未決者即時推審獄
無淹滯人咸悅服先是所屬土官嘗以進貢道經本
司在官者各饋馬一匹迪至亦如之獨不受衆皆服
其廉時朝廷遣使採辦木植踰越歲時瘴氣盛行民
多夭折迪因入覲備知民瘼奏蒙齋 勅寬免軍民
歡聲如雷庚子丁母憂甲辰夏調江西左叅政 仁
皇卽位遣使召至拜都察院左副都御史乙巳夏五

月領詔督常州府稅糧先是本府困於水災迪至今郡守能觀等勘實徧召鄉之巨室告以陰騭事其發倉撥廩得米六萬餘斛以充濟公私賴以給助羣民得以全活者衆間以稅糧跋扈收細民稅糧踰期逋負迪程督迫切有唐達者託舊僚顧行之子顧賓以賂直抵南京解宇家人白之于迪即擒顧賓等劾所由送赴北京奏之朝廷知其出於非辜唐達等悉抵罪未幾邁疾丙午二月卒于金臺享年六十有一

趙季通

趙季通字師道天台人由教官舉任吉安永豐知縣

本朝分省人物考

卷五十四

二十四

浙江十三

調漳州龍溪寬厚愛民甚戴之永樂初與修太祖皇帝實錄書上除國子博士陞司業調北京國子司業簡爲趙王府左長史宣德二年七月卒季通端厚和平操守堅確雍容詳雅有政事才隨事規益委曲盡誠於侍講讀必推理以檢諸事多所開悟王甚禮重 太祖 仁宗皆深知之當時論親藩輔導之良蓋季通爲極選云

徐善述

徐善述字好古天台人邃於經學且工爲詩以薦授桂陽州學正持身廉慎士子欽之秩滿陞國子監助

教立簿籍以稽課業因鑒別其人之高下有犯小過而素行不疚者輒進言得免於罰以是諸生多競勸同官侯復性剛急善述婉曲論之復自是忿戾消沮每遇善述曰我見公輒歡然如飲醇何也因目爲今之黃叔度云 仁宗爲皇太子時簡入官寮爲左春坊左司直郎每作詩使善述指摘數過乃已多自書睿製以賜之善述亦盡心不懈於文事多所啓沃仁宗每見聽納陞右贊善以疾卒於官爲人淳厚質實學識端正耿介恬靜不爲阿附 仁宗卽位追念輔導之良贈太子少保謚文肅命有司立祠墓側歲以春秋祭之

本朝分省人物考

卷五十四

二十五

浙江十三

鄭華

鄭華臨海人洪武末由貢士任行人謫東平州通判將赴任憫靖難師起馳至東平力疾戰死

魯穆

魯穆字希文天台人幼穎悟夙成風骨峻整舉止異常兒鄉先輩表魯恭素有藻鑑見而奇之謂其大父曰此兒他日當爲偉器宜善陶之稍長爲邑庠生能自力學攻苦食淡雖隆寒劇暑不少休息毅然以名操自檢大書於座右曰人常咬得菜根則百事可做

自少勵志如此永樂丙戌登進士第 勅賜歸於是
屏絕人事益肆力問學諸生多執經受業及召戒行
有司贈鈔萬緡時厚謝之弗受或曰贐之禮常耳曷
深卻之穆曰吾仕方發軔未有以及民乃先厲鄉
里可乎聞者歎服嘗覈江北諸衛糧糶及巡兩淮鹽
法監給龍江抽分竹木局薪炭所蒞皆冗務而綜理
周密吏不能容奸丁外艱去毀瘠逾禮服除拜福建
道監察御史自持侃侃介然不可奪時 成祖幸北
京 仁宗居春官留守漢庶人遣諸宦者將校出外
縱為不法莫敢言者乃啓 仁宗深言其患章寢不

本朝分省人物考 卷五十四

三六

浙江十三

下未幾庶人事敗皆如其言常州巨商屬治問當斬
斬鄉人居京師胡姓者懷白金二百兩乞減其罪穆
曰汝豈不知我耶使我欲富則不須今日矣即去無
復及吾門竟寘之法賓客相見惟道寒溫舊故而已
無一言及私者洪熙改元秋滿陞福建僉事理冤滯
繩貪墨摧豪右舉職無所顧避泉州進士李思義調
官廣西妻吳少而美色富民林肆故與吳中表嘗私
焉欲納之勢不能得也乃謬為親善令黠僕二人為
思義護行至中途吳謀毒思義及其姪殺之吳歸肆
遂納焉李氏族人訴於郡得厚賂反罪告者復訴臬

司臬司亦如郡反罪之積十餘年穆至廉得其情擒
肆與吳一訊輒服卒正其罪漳州民許某家裕無子
以姪為後既而妾生子乃更與其姪貲三之一託其
子許死其姪言子實非吾叔出也逐之奄有其貲妾
訴莫為辯者穆至漳妾携孤伏于馬前言狀乃取孤
別置之召父老問嘗識許某者得數人問曰汝識其
子否皆曰未嘗識也乃于市集諸小兒密以孤子雜
其中令諸父老別之諸父老指曰此兒甚類許某即
孤子也事遂白引許之姪扑之頓首請罪悉歸其貲
晉江縣有陡開四所以蓄洩水溉田數千頃民賴之

本朝分省人物考 卷五十四

三七

浙江十三

甚眾為豪勢專以專利歲旱細民視其稼焦死不能
得水羣訴之穆執專利者罪之且械以徇眾民皆驩
呼鼓舞瀕海之間每聞穆至善者生色惡者禡氣其
為人畏愛多類此 英宗嗣位大臣薦其治行驛名
拜都察院右僉都御史贊肅憲紀寬猛適宜人以爲
得體奉命捕蝗大名廣平循行阡陌勞來不倦害息
民不知擾既而觸炎暑稍感痺疾正統二年六月十
日方治事暑疾作昏眩卒于位年五十七 上聞遣
禮部左侍郎章敞諭祭仍給舟歸其喪穆剛正清慎
內恕外嚴執治不回而恒略細故一介不苟取與寡

嗜欲薄滋味儉約如寒士與人交澹如也既卒幾無
為斂公卿聞之咸致弔賻始克襄事又深於經學所
著有葩經或問禮記日抄竹素游思等稿藏于家

王一寧

王一寧仙居人岐嶷英敏過於常見隨父居京年十
三已能詩仁廟在春官聞之名試早過銀河詩立
書七言絕句以進深見嘉賞十八以詩經中永樂庚
辰京闈第二又四年會試於禮部名在第八奉命蒞
事湖湘丁父憂家居十年始至京師會宣廟求文
士甚切吏部以應召見試表正萬邦論及詩賦等皆

本朝分省人物考

卷五十四

二十八

浙江十三

見嘉賞擢吏部主事俾與大學士陳山等共事于文
華殿次年以母老不能就養乞分祿于家未幾改任
翰林修撰預修宣廟實錄書成進侍講食祿視五
品同考禮部會試是歲五月以母喪歸服闋被選充
進講官復受命主考應天鄉試取士稱得人明年九
月遷禮部右侍郎又明年往湖廣督運糧餉隨軍進
剿苗賊時賊勢盛糧道不通措置有方食用不支遇
淫雨公私大困親祈禱雨為立止兵民立石頌之至
辰州府遇暇日輒詣學課師生講習且督有司為作
興之於是士風大振景泰二年被召還京理部事是

歲冬遷左侍郎景泰三年卒年五十有六方得疾時
詔遣中官偕御醫來視并賜米物比疾革復如之既
卒復賜賻遂楮緡遣禮部官諭祭贈太子太保禮部
尚書謚文通有司歸其喪并為營葬域為人闇敏而
疏達為文必根於理詩詞翰墨清絕可愛孝友忠信
之行尤為人所稱惜焉

陳燧

陳燧台州臨海人永樂戊子浙江鄉試已丑會試名
皆第一改翰林庶吉士未幾坐郎中盧信事繫獄遘
劇疾弟琛入侍因感疾卒燧哀之然未嘗歸怨于盧

本朝分省人物考

卷五十四

二十九

浙江十三

晚年家益貧然急于行義嘗戒諸子遇貧乏者宜隨
力賑之不必計其多寡若須富而後行恐吾人終無
濟人之期知縣孫振望嘗往見燧顧其廬敝欲為葺
治且請令庖人繼肉燧皆峻卻之

李匡

李匡字存翼黃巖縣人年二十一領鄉薦明年會試
賜進士第始授太常博士未逾年丁外艱服闋改江
西道監察御史巡歷處德於民者甚眾如在應天財
庫檢沓鈔貫及奏免折蘆柴鈔計萬餘錠皆所以奠
國家澤斯民復命未幾巡按北直真定永平等五府

民間牧養長生牛羊以歲久人民負累疲敝乞恩得
 甦民困繼差陝西詳審刑獄辨冤獄得生者幾三百
 人及按治江西時少師楊公其長子稷恃勢暴刻鄉
 里被訴抑行御史布按覈實匡不畏權勢遂覈其事
 稷坐重刑是年聞母喪丁憂服將闋陞四川按察司
 副使是時四川播州苗賊作耗委匡帶領官軍撫捕
 與賊克敵一十五次景泰元年以軍功陞左僉都御
 史巡撫四川領軍剿賊播州未平叙州羿蠻又行寇
 亂焚劫九縣全蜀騷擾復領勅勦捕時四川地方不
 寧軍伍數少匡乃召民間壯丁凡九千餘教練操習
 本朝分省人物考 卷五十四 三千 浙江十三
 雜處部伍匡號令嚴明措置有方屢戰而屢捷羿蠻
 始息播州餘寇尚未盡滅總督貴州軍務右都御史
 王來咨請會兵攻取草塘期而進兵至則王來違期
 匡被圍乃堅守營寨絕旗鼓罷知更五日一戰而捷
 盖由示弱而勝草塘既平適為輔臣江淵等所阻寢
 其行天順改元 英宗復賜官帶閑住六年該兵部
 尚書馬昂等官奏保復前職仍勅巡撫宣府匡精力
 尤壯志謀益深親歷邊陲增築寨堡復還侵奪屯種
 斥堠崇密雞犬相聞八年嬰微疾度不可療遂陳情
 乞歸卒于家享年六十有六

范理

范理字道濟天台縣人少穎悟端凝一目輒能記長
 為縣學生博書工文譽髦皆自謂弗如甫踰冠中宣
 德己酉鄉試第一明年會試第三 宣宗嘗召諸進
 士至齋宮親試用人何以得真才論理居第二賜白
 金五兩楮幣五十緡既而例歸省還朝時重守令之
 選拜知江陵縣事縣當四方之衝過客旁午理嚴禁
 令雖權貴無敢漁一錢先是民累歲負租至十四萬
 石都御史徵之嚴理以民貧不能償也乃召將卒家
 之佃號畸零戶者論之曰世言戶役既佃舊立戶而
 免役可乎遂定其等各出募役之米因以償負租畢
 完且平訟徭勸樹畜卹窮賑弱禁奸招逋訪孝子節
 婦及忠賢之裔謹學校正禮俗民心翕然甫七月以
 卓異聞于朝少保楊溥薦知德安府亦悉如江陵教
 養之政隨州民四百家田為楚府護衛所占猶輸租
 理備奏盡歸其田民感甚皆立主祀之滿去以最異
 超陟福建布政使時大兵剿賊邵茂七等理司饋餉
 善調度兵皆給食民不加賦朝廷嘉其功賜綵幣表
 裏各二楮幣十丁潘夫人憂起家拜貴州左布政使
 初貴州草創卽驛為布政司以夷之難擾也久莫能

本朝分省人物考 卷五十四

三千

浙江十三

改作理奏徙貴州前衛於他所以其地造司數百楹不擾而就土官無貲弗能職者十五六理悉俾襲吏無敢難常移文以通夷情間抗章以蠲通稅餉兵春以糧秋以銀便省漕四川湖廣饋糧貴州艱甚理俾代糧以銀爲之糴減時值十二貴民既獲利而川廣被惠尤溥秩滿擢南京工部侍郎南京創自國初歲久凡百皆弊葺造鉅費理不欲煩民迺請鬻蘆場之新葦抽分局之腐木碎炭內府之庫舊貯布帛通售銀殆萬兩又請南畿獄囚贖者隨葺造所需而納於是自 郊廟宮殿內外諸署城樓街表或造或葺動輒百千間既修巡戰諸船數百兵食諸器數萬皆以次成而民不知又奏各處饋南京糧者自船抵倉多所費每米石費三斗請兵就其船人支三月之餉官取費米歲可萬石以備賑貸從之果利尋轉南京吏部左侍郎考課公明百僚憚之嘗請老至再不允滿考赴京途遇疾卒壽六十四早孤事潘夫人孝處昆弟友居官清慎忠勤凡政皆精慮而果行之一以興利爲主故江陵纔七閱月而去之日民遮阻不克則奔餞數十里慟哭而返少保楊文定公溥聞之曰世有爲縣七月遽得民如此尋以薦有德安之職逮其

本朝分省人物考

卷五十四

三

浙江

去德安去貴州也民祖餞如江陵尤甚德安又勒其去思碑於府治其爲文章操紙筆立就溫厚坦明深切事理嘗著讀史備志天台要略皆八卷詩經集解三卷德安府志丹台稿皆十卷藏于家

林 鶚

林鶚字一鶚臺州府太平縣人登景泰辛未進士第明年拜監察御史丁丑遷鎮江知府壬午當道者以鎮江事簡而鶚才長於治劇請以蘇州知府姚堂兩易其地詔如其請在蘇州僅一年超拜江西按察使又三年卽遷右布政使尋轉左庚寅拜南京刑部右侍郎丁憂復除召爲刑部右侍郎始終歷六年再守

本朝分省人物考

卷五十四

三

浙江

太郡二刑曹于南京出入中外卒稱官守其爲御史時適朝廷方重臺諫一時言事之臣摺摭或過其實獨持大體略細故不言言必當其實時舉以總三法司奏按士論翕然推重嘗監京府試大臣子有不預薦者意考試官黜落之以沽強直名誣其取士不公邑人林挺適入試在中列疑有私逮挺考訊將中鶚以法及調所考試卷驗皆如格事遂得白 英宗復辟凡前言事過訐者卒左遷 特召大臣擢其得大體者知大郡鶚得鎮江 陞辭召見論以擢用之意

賜食大官兼給鈔爲道里費至郡舉偏補弊凡前政之廢弛者次第興舉之未嘗一言暴前人非惟曰必如是及調蘇俗喜誇詐好興作一切鎮之以靜有所革必詳審至再然後行蘇人伏有雅量鎮江漕河經孟瀆頗險言者請鑿河自七里港引金山上流通丹陽以避之巡撫都憲主其議鶚以迂遠而多石且壞民廬墓乃言於大臣請按京口牘甘露壩故迹因而浚之以通舟楫春夏以牘秋冬以壩則道里近而功力省從其言果便蘇學廟像歲多剝落者或久欲因其舊而加以修飾乃奮然易以木主廟貌改觀廉憲

本朝分省人物考 卷五十四

三十四

浙江三

江西一時僚貳分巡各道者人異其見往往用已意出入于法一正之以律多所平反廣信民妄傳天神夏尚書等遠近驚疑乃榜諭之且戮其魁其怪遂息又嘗以歲饑奏減恒賦十五萬石禁樂戶買良家女爲娼遏嶺南洞寇不使入境江西士大夫至今稱良方面者必歸焉在刑部三年罪無大小必加研審其或未當從容請于大司寇務合於法而後已故獄經斷者咸稱無冤云

夏 垣

夏垣字宗成天台縣人景泰辛未進士擢廣東道監

察御史按廣西時首除奸貪息盜賊通錢帛民皆便之尋歷福建興革黜陟一如廣西時而其於江西也風裁益甚中貴人葉達怙勢衆莫敢撓垣卒劾之落其權天順未用薦者擢廣東按察使廣東有師旅之命守城兵不足取之民項曰誰獨無父母妻子而舍其人舍其親以扞人之親奚罪哉民皆感泣而去曰公活我也既凱旋都御史韓公雍將侈爲燕樂徐曰出師以爲民也今師以病民可乎韓不能難成化初擢布政使尋徙江西未幾遂擢右副都御史巡撫四川四川通夷獠歲多劇寇比至以楊兒捷聞 上寵

本朝分省人物考 卷五十四

三十五

浙江三

賚之益爲盡心立互知會捕法賊得以不熾古州苗以萬數徙居爛土幾年矣有仇播州宣慰者誣爲道引將逐之垣亟奏曰制馭苗蠻當如狼虎其靜也若棄之使不懷疑其動也必馬之使不爲患今靜而故使之動何哉松茂叅將請益兵曰將不在兵兵不在衆乃棟精銳四千八百人往更之而一無所增巡撫例得議事條六事以聞曰嚴責成以馭將威遠慎舉錯以修政安民權事宜以防奸制變度繁簡以隨材授任重將權以馭寇安邊設官攢以典司出納大抵皆疆圉計也既乃意有所不合輒引病歸章三四上

上留之卒不可得曰知足不辱吾豈敢阿所好以終負吾心哉及歸杜門養親不復修主客禮以疾卒剛直介潔平生未嘗一詘意於人而人亦不敢干以私所至鋤強扶弱尤善推鞠得其平詞輒剖露具伏有犯之者雖少賤一以理喻不苛責也事親篤於敬非公署終身未敢南面而坐居常好讀書雖職務填委不少廢間出爲文章而尤工於詩往往遍唐律所著有說苑要語裨政叢說嶺南集嶺南江西行稿三巴稿奏議集凡數十卷藏于家

魯崇志

本朝分省人物考

卷五十四

三六

浙江十三

魯崇志字懋功天台人父穆累官都察院右僉都御史風望重一時爲兒時聞家學已屹然有自立之志景泰庚午領鄉薦邑令贖以白金力辭弗受甲戌成進士授吏科給事中彈擊不避權要上嘉獎之賜五倫書一帙天順初奉勅齎銀數萬兩給賞邊戍防範嚴密下無敢欺戍者皆蒙實惠尋命賞京士衣絮其立法之嚴施惠之均與前賞同時武臣曹欽跋扈舉兵犯關適待漏闕下駭其事卽馳馬與一偏裨格鬪大軍尋亦合而曹就誅矣癸未陞南京太僕寺少卿徧歷州郡釐其宿弊傳以新法不數年馬遂蕃息

而民咸稱便成化癸巳陞應天府尹先是七邑民阻饑逋賦數萬石爲勸貸以代之輸而賑其貧者深水民孔姓者武斷於鄉人患苦之有司莫敢攫擒置之法中人主敬怙勢以鹽二萬引懇鬻規重利厲色拒之蓋念急於爲民雖舉世所趨不難出身以當其衝慨然有烈丈夫風壬寅九載秩滿加正二品祿仍掌府事明年癸卯終於位壽六十有六訃聞遣官營葬仍命藩司諭祭爲人愷悌詳雅以公廉自持怨有不讐而德無不報一介不苟取予尤加意青衿今學宮櫺星二門猶其所創建云

本朝分省人物考

卷五十四

三七

浙江十三

陳選

陳選字士賢臨海人天順庚辰進士拜御史成化初上疏言君子小人進退治道所係不可不慎救羅倫劾學士倪謙錢溥干進又劾尚書馬昂諸大臣不職出巡江西風紀大振不事聲威而貪殘吏望風引去至今稱前有韓雄後有陳選迨董學政于南畿一時官吏動相戒曰是非糾劾百僚不避權倖者邪何可犯也御史大夫韓雍時居喪吳中戒其下悉屏儀去之曰陳御史選言動循禮規約簡明力變浮華令諸生讀暇則習古禮徧歷郡縣至學宮

默然端坐以身為教前後三年變色之語不見于衿佩折筮之筮不下于皂輿而人畏之如神明既去思之如父母為河南按察使公廉不畏強禦時中官汪直往河南勾當公事藩臬郊迎選俟其至自公署中道而人直詰責之密疏直專擅罪留中逮直歸上問河南好官為誰直以選對上出疏示之擢廣東布政使廣民疲困為除徭役罷和買辦賑濟辯冤獄尤不畏貴倖中官弟逼取寡婦奪還之有提督市舶司者倚進貢為奸利役戶苦于供需特減去三十人其後番人馬力麻與海商私通詭稱蘇門答刺國使本朝分省人物考 卷五十四 浙江十三 戴洪 臣市舶利其貨不問特發其偽時又有撒馬兒罕使臣以獅子入貢浮海還國云欲往滿刺加更市獅子選言西域賈胡為圖利耳使墮其謀必貽安南諸夷之笑國體所關甚非細故中官既蓄減役戶之怨且素利進貢及是每為阻抑怨益深乃誣奏它事逮赴京廣人數萬擁留之在道病作行至南昌而卒追贈光祿卿謚恭愍選立志以古聖賢自期讀書遇格言即手錄于冊平生言不出口視所當為者勇於為之不顧利害言動端莊燕會惟服先人故衣客至瓦器蔬食而已自河南聞喪還行裝蕭然車一輛及之官

廣東騎驢出都門而去其儉約有寒士所不及者嘗曰居此官必盡此職行此事必盡此心所註小學孝經冠祭禮儀等書行于世

黃孔昭

黃孔昭字世顯黃巖縣人後其地割為太平故今為太平人父瑜兵部職方主事賢名甚著年十四遭職方公與母夫人相繼下世自京師扶柩返葬哀毀骨立既長建寧守賀法知其賢舉為松溪訓導不果乃嘆曰士之出仕乃藉人舉薦耶慨然誓取科第以世其家刻苦力學至忘寢食及入邑學家貧乏資給而

本朝分省人物考 卷五十四 浙江十三 戴洪 學益力天順庚辰登進士第初授工部屯田主事同官有貪污廢事者與不合以計擠之無所得而孔昭之名因起其人既被黜獨署司舉宿弊盡革尋擢都水員外郎署無故例不得改調吏部以其賢而工官隸宜成化五年特奏改文選命下皆以為宜九年擢本部郎中持選法最慎汲汲以人才為務嘗曰國家用才猶富家之積粟積于豐年乃可以濟饑才儲於平時斯可以濟事頃者人皆矯激沽名以閉門謝客為高天下人才何由知之故公退客至輒延見詢訪有所得必書於冊往往量其才隨其地參之輿論

薦於冢卿用之務使各當其才雖小官卑職亦不敢忽或因勢家干請欲私用其人輒力言其不可時既不能盡沮後其人多自敗衆始服其正凡在文選者十五年擢通政司右通政專清武職貼黃又三年始陞南京工部右侍郎時工役不息屢假私錢以給材用歲久多所逋負至則以提舉等司隙地皆爲豪強侵占奏復之以收其利方漸革諸弊而俄以疾卒年六十四爲人清介有守自舉進士已有廉名及授秩以公事之江西雖鄉人之仕其地以尺帛來餽亦卻去後同考會試有勢家子暮夜持百金私謁叱之不

本朝分省人物考 卷五十四 四十 浙江十三

容見然終不言其人凡親友患難疾病必殫力扶植之尤不妄交游故布政司陳選侍郎謝鐸皆鄉人之卓然者獨以道義相好若刑部侍郎林一鶚既沒念其子孱弱爲經紀其喪復輯其事行傳之後奉詔得薦舉異才以常山樊公坐蘭溪章公懋奏二人蓋素爲賢者士論以爲得人平生好學不倦公暇輒手一冊日求古書多自校正更輯鄉里前輩文詞爲赤城論諫錄并赤城詩集校刻行世其所自著質實而理勝有定軒集若干卷

謝鐸

謝鐸字鳴治號方石太平縣人少穎敏能韻語將冠遊邑校與少司空黃孔昭友相與砥礪慨然以古人自期天順甲申登進士選入翰林爲庶吉士益肆力學問成化己酉授編修預修英廟實錄賜銀幣癸巳被旨校通鑑綱目因指歷代得失爲疏數千言以進甲午命讀秘書條上西北備邊事宜略曰河曲一方近失聲援夷狄仗爲窟穴夫大河爲關輔之限而受降東勝又大河之藩籬失此則河不可守况延綏榆林至寧夏二千餘里列堡二十有三馬步軍二萬三千有奇老羸半之是以往歲寇掠如入無人之

本朝分省人物考 卷五十四 四十一 浙江十三

境東自孤山栢林諸堡中自平夷懷遠諸堡西自靖邊清平諸堡又西則寧塞諸處直抵金陽川安邊諸處直抵環慶花馬池諸處直抵固原以至土門塞門山城諸處莫非入寇之處朝廷久爲搜套之策疑而未決及此無事正宜蓄兵養銳於大同寧夏以爲東西之援漸圖收復漢唐故疆與國初東勝之地據三受降城以極形勢守其不攻者策之上也又曰今用將帥皆晚唐之債帥也戰沒者士卒而名數不聞克捷者士卒而賞歸權勢尅滅之暴辦納之艱怨塞胸腹得而使之乎言甚剴切皆鑿鑿可用乙未秩滿陞

侍講入預經筵嘗發明誠之者人之道謂務虛名而不實用工夫如漢武帝內多欲而外施仁義唐太宗外行仁義而內多慚德便是不誠又如梁武帝酷好佛法唐德宗信任盧杞不能明於治道之邪正人材之賢否是不能擇善也唐玄宗初年勵精圖治幾致太平後乃窮奢極欲溺於所愛唐憲宗初年發憤志平僭亂後乃好神仙迎佛骨有始無終是不能固執也時 純皇帝頗有偏好鐸以此諷反覆推說皆人所難言庚子丁內艱再罹外艱壬寅終制謂人曰初心冀祿為親今無及矣苟仕非義也遂以疾聞明年

本朝分省人物考 卷五十四 四三 浙江十三 詩全

癸卯吏部輒起堅以病謝閉門讀書暇則借逸老登眺方岩鴈宕泊如也 孝皇初廷臣交章論薦會修憲廟實錄詔起入朝供事庚戌陞南京國子祭酒以廉節為教士皆刮滌有以請託自愧者又疏上國學事宜曰擇師儒慎科貢正祀典廣載籍復會饌均撥歷其論祀典略曰孔廟從祀之賢萬代瞻仰教化之原龜山楊時程門高弟實衍延平之派六經之闡足衛吾道而不預從祀臨川郡吳澄生長於宋而顯於元夫出處聖賢大節夷夏古今大防忘君事虜跡其所為不及洛邑頑民願在從祀之列臣固不能無憾

况二人皆大學之師其於廟祀黜陟不可不正尋以師道難盡疏請致仕不許明年辛亥仲子死先祀無托遂致仕諸生以狀歷部臺請留且疏留於朝鐸抑諸生之納粟馬者至是舉則多所抑者家居幾十載惟讀書求志日不少懈勢利一毫不嬰於懷而薦者益力戊午會國子缺祭酒 特命陞禮部右侍郎掌祭酒事遣使就其家起之兩具疏辭疾不允行次越得疾徑歸以狀投紹興府繳進力求致仕不許又疏求台州府轉奏知府不敢上給事中吳世忠主事潘府言當速起以盡正人之用使者再至有司勸駕益

本朝分省人物考 卷五十四 四三 浙江十三 范尚

急遂行至京以求退而得遷非義所安辭以舊官供職不許始受命其為教如在京雍時因地震建言維持風教事內稱人倫風教所先人倫不可以不明也願正禮典以究明倫之實仕途風教所繫仕途不可以不清也願重科貢以清入仕之途冗員風教之濫冗員不可以不革也願革冗員以從京府之制捷徑風教之羞捷徑不可以不塞也願塞捷徑以澄國學之源大略云學校之設所以明人倫也人倫莫先於父子子雖齊聖不先父食顏曾思三子配饗堂上而其父列祀廡下有是理哉莫若別於闕里立廟祀叔

梁紇而配以顏路曾皙孔鯉庶幾各全其尊而神靈安妥矣人倫莫大於君臣吳澄親爲宋之遺臣而覲顏胡元之官祿名節掃地復何取哉宜斥其用夷變夏之罪罷黜從祀以列于莽大夫之列科貢之設皆所以羅天下之賢才而用之也科舉雖稱得人奈何考試等官皆御史方面之所辟召恩之所加勢亦隨之於是外簾之官預定去取名爲防閒實則關節乞令大臣舉部屬等官素有文行者以爲主考庶幾前弊稍革近年以來大開捷徑如納馬納粟之徒卽他日之鬻爵賣官豈盛世所宜有哉今邊事方殷必有

本朝分省人物考 卷五十四 四十四 浙江十三

以此策獻者往年爲因此輩不諳文理凡撥各衙門者俱各僱人今遂視爲定例致使六科短差亦以僱人艱難爲辭目前流害其極如此乞照內府等衙門事例許以年月相應者送寫本亦令掛選出身庶幾嗟怨少息而風教之地亦稍清矣 上從其議又疏請修理退省堂各東西饌堂及監生病故者給與口糧脚力俱允行之連疏乞致仕六館師生上章乞留臺臣吳世忠張芝吳舜力薦不允癸亥 上命輯通鑑綱目并續編爲纂要鐸論黜陳隋胡元之亂說皆有據任職三載念祖母趙氏守節未白俟滿者請以

本身誥命易爲趙氏旌表凡例死者不旌 上特破格行之仍給誥命旣而復疏乞致仕疏凡五上令致仕卒于正德五年年七十有六贈禮部尚書謚文肅性孤介簡直無華飾節操堅厲慎取予有防畛居常坦坦雖庸人孺子得親之及遇事則斷斷一定不可奪志恥溫飽布素蔬食將以終身嘗曰吾無他長惟安分知止而已故其進也反覆辭免至不得已而後就其退也量任揆已奮而決此其出處大節本未甚明夫豈偶中侍致者平生不喜與內侍往來在纂局內侍之勢權者每設食恭禮丐一言不可得見義必

本朝分省人物考 卷五十四 四十五 浙江十三

爲先人有遺田若干畝斥供先世祠墓祿食稍贏輒買田代之分給諸弟置家塾資宗族貧葬又買田分諸姪而又創方岳書院築牛橋閘與姻親故婚喪患難之不贍者鄉郡先哲行義著述靡不蒐輯表闕或求其祠墓繕祀之老居田里有以自樂每聞朝政改革君子小人進退消長之機未嘗不感慨深嗟而掩袂也於書無不讀其所爲文甚多尤長於詩蓋其精識絕人論議歸於一是所著有桃溪集續真西山讀書記伊洛遺音伊洛淵源續錄四子擇言元史本末宰輔沿革國朝名臣事略尊鄉錄赤城志及文集詩

集論諫錄鋸山集百餘卷

龐泮

龐泮天台人成化中進士歷刑科給事中時武岡知州劉遜以事忤岷王王訐奏之逮繫錦衣獄泮率同列論泮并下獄直聲大著以徐溥救免仕至廣西布政以疾歸

夏鏃

夏鏃字德樹天台人幼篤學博極墳典成化丁未進士不樂仕進乞放歸弘治辛亥始起赴闕奸人李孜省等亂政鏃上疏乞就近府教吏部尚書王恕惜其

本朝分省人物考

卷五十四

四六

浙江十三
朱秀

才不與先是庶吉士鄒智應星變詔進士李文祥上新政疏御史湯鼎劾大學士萬安劉吉尹直給事中方向劾太監蔣琮激昂標榜推李為大將湯為先鋒直聲振天下文祥方從咸寧丞入兵部至是獄辭連及智等謫成殆盡于是鏃抗疏救之曰李文祥鄒智等皆以言得罪夫言官無流竄之禍則不足以彰其譽有謫徙之苦則愈足以見其難罪愈重而名愈高人主知此故轉而容之則言者無禍亦無名罪愈輕名愈鮮而福固歸于人主矣因并論大臣聯衡蔽塞言路吉等大怒矯詔下錦衣獄鞠治無所得禁錮月

餘釋之復謝病歸家居十年再以強起值火篩入寇京師戒嚴人人爭議靖虜鏃獨以為虜患雖可憂而土崩瓦解蕭牆之禍尤有甚者疏陳自台及杭由江渡淮以至輦下數千里間百姓之流離賦役之煩苦勢豪之橫害與夫官司之不恤民瘼歷叙其饑饉死亡之狀以達 聖聽且欲以宋太祖燈燕繁華之失為戒以真仁宮掖儉約之德為師乞移見在之冗費以助軍需勿取已困之民財而充妄用語語極懇切章入不省除南京大理寺評事守備內豎違例受詞復奏奪其權尋以母老乞終養不起嘉靖初詔起用竟

本朝分省人物考

卷五十四

四七

浙江十三
張子玉

以老辭年八十有三卒父墳景泰辛未進士仕至右副都御史巡撫四川時鏃方弱冠即為詩以盈滿諷之墳欣然解組歸五年而歿矣鏃雅不欲乞恩典計聞命下而襄事已畢官給白金七百僅取以供祭祀餘悉散之貧族囊無留貲及鏃之喪八閱歲而不克葬侍郎新昌吳公乃為舉其殯云

陳世良

陳世良字崇之臨海縣人成化登丁未進士初授樂安令樂安之俗勇悍成風夙艱於理良至勞心殫思恩以撫之威以震之爬梳剔簿籍一清宿弊盡革

吏畏民懷且留心學校士風聿振政教並懋當道屢
加獎譽時迎養太宜人於官舍宜人見其貌癯勤勤
憂形于色及聞民安其循士頌其廉則躍然喜曰吾
無憂矣及三載考績北上丁內艱去之日民越境攀
號依依不忍舍服闋補南和下車既謁先聖廟集諸
生講畢顧瞻廟學傾圯歎曰是風化之本也命工料
材次第新之嚴諸生教條親講解時考較以勗其成
設社學十有七以訓編戶子弟表唐賢相宋廣平里
以勵士風由是邑人向學弦誦之聲達四境邑之小
戶村田數百頃近下每爲流澇所沒築堤障之堤之

六朝分省人物考

卷五十四

四本

浙江十三
張子五

上植雜樹以固其基澧水經河頭郭公鑿渠三十餘
里引以溉田遇澇則洩而歸之河旱澇有備民受其
賜措置預備倉糧以萬計饑窶有所倚賴先時牧馬
場歲徵租銀千五百餘兩不分地之肥瘠而槩徵之
小民告病良上其事當道奏聞於朝因得隨地量徵
減去舊額之半雖鄰封亦沾其惠且懲奸頑撫良善
時賦斂均徭役窮獨無所歸者有養婚嫁斂葬不能
舉者有助由是邑民逋逃復業者數百家四方流民
歸之者又千餘家戴之若父母然其他修城池置門
關舖舍以防民患均集場以便民利一權量度衡以

立民信細大之務畢舉皆鑿鑿可紀當道者交章薦
舉甫三載而徵召之命下及爲御史正色立朝彈糾
不畏強禦初巡三關犬戎震服暨按南畿激揚有道
風采凜然時逆瑾干政竄逐忠良獨抗疏言之爲瑾
所忌正德二年尋遷南京大理寺右寺丞未幾中以
事罰贖米三百餘石至轉貸於人衆皆吊之少不爲
意五年瑾敗 上勅廷臣起諸被瑾抑者首擢爲大
理少卿六年拜右僉都御史兼管操江憲度振肅時
倚爲重適流賊猖獗悉心防禦朝夕申明號令刻期
督戰所至克捷屢疏乞休口不言功得請卽飄然東
歸旣歸卽村門却掃惟與賓舊徜徉湖山之間若將
終身焉正德十三年起應天府尹未任已卯九月三
日卒所著有青嶼稿奏議等書藏之家

本朝分省人物考

卷五十四

四九

浙江十三
穆

王奇

王奇字世英天台人士大夫號爲古行初爲諸生穎
敏絕人治尚書兼通易詩二經凡數十萬言皆成誦
且兼通天文卜筮星數之學或曰有異傳焉然自得
爲多提學張先生和試其文奇之再舉不利以友寬
白有司至于 且亢提學張先生悅謂非規也黜之
同事數人皆 以復奇獨落落鄉里者數年成化

壬辰其友潘提學禎以進士起復上京師謂奇曰子
盍遠遊乎天下之大豈無知子者至京師董司寇昱
館於鄆縣里第為從子師久之欲妻以姪曰非吾偶
也辭焉有薦為恭順侯教讀者或毀之家宰尹公及
見言無卑辭悵然而歸遂漫遊金陵三原公在兵部
方為權貴所尼屬奇筮之曰公歸矣越三載其起當
銓衡乎已而果然時奇在京師或勸謁之奇曰今吾
不可謁矣乃復之金陵既而又之京師居數年之江
西之河南之山西之兩淮晚而東歸徘徊吳越之間
者凡十年雖以術游然惟神而明之之義不敢自怠

本朝分省人物考

卷五十四

辛

浙江十三

於修凡語人又必附子服惠伯之說故縉紳先生以
儒者待之其在金陵吏部官欲黜二御史而問其命
奇曰命豈宜問於公哉進退人才固有不在命不對
而出刑部逸重囚主者屬奇筮之遇恒之大過曰五
為囹圄賊入矣其焉逃之計其獲日與時皆不爽聞
者皆色然駭陳指揮妻死將斂其女病問命於奇奇
曰女固無恙其母亦且未死後當生二子即欲斂其
必越午午時妻復生後果生子二人王郎中應奎問
命奇曰是火氣太盛若官之南所至必有火災後守
台州既上三月郡中災十室九燼王以疾去在淮安

屈總漕直問張家宰綵之命俾為書奇之奇曰是固
大顯然今將敗矣吾不敢為書也是歲秋游歡谷山
中仰見玄象嘆曰客星主急變奈何越三日復觀焉
則喜曰無事矣未幾逆瑾敗此數事其尤異者奇孝
友天至有所得歸付其弟以養母母年九十餘奇為
兒態悅之有嘉果必袖以奉然介甚苟非義雖千金
不顧即受於知已亦惟足用而已聞人之善亟稱於
人其有不善面詈之至不能容陳知縣袞舉鄉飲大
賓再拜請辭之曰無瑕者可以與此吾豈不自知哉
此皆所謂古行者

本朝分省人物考

卷五十四

辛

浙江十三

王 啓

王啓字景昭黃巖縣人年十六知縣歛人鄭君達見
其氣貌不類凡兒問曰爾誰家子乃以祖父對又問
知讀書乎應曰知遂面試之亟加歎賞後三年領鄉
薦連登進士時猶未婚告歸娶畢出授霍丘知縣勤
政惠民操慎不苟有兄弟爭財訟不息者以宋人所
著兄弟吟令誦之使立廳事朝夕對揖久之乃悔讓
其所爭而退一邑皆感益敦教導重農事緩催科鋤
強梗霍邑至今思之弘治間召選南道監察御史盡
職敢言嘗言皇親張鶴齡家奴生事宜置國法及言

守備內官董讓不法人皆偉之考滿陞江西按察司
僉事詰奸滌冤既訟者服未訟者畏修白鹿洞濂溪
二書院及文丞相祠堂毀淫祠四百餘所政暇則專
讀書間有所見則隨手筆記所著有正蒙直解周易
傳疏周禮疏義及編古文類選大學稽古衍義等書
戊辰陞本司副使擬改山東提學不果先是以他事
觸怒劉瑾降廣西容縣知縣瑾又行令廣西巡按御
史提問罰米三百石輸之官已復有事罰米二百石
待命未報會赦免久客梧州著邇言等書比瑾敗乃
復爲四川蓬州知州鎮撫兩廣都御史林公論薦陞
本朝分省人物考 卷五十四 五三 浙江十三

戚得羸疾革猶衣巾坐正寢湛然而逝氣貌魁偉虬
髯星目心地坦夷不矜小節與人語真率無防畛亦
不肯隨俗作好惡低昂以亂賢否是非及免官家居
未嘗懟怨性好著述然不甚刻意平生無富貴相衣
服飲食麓糲如常人卓然有前輩風

秦文

秦文字從簡號蘭軒臨海人弘治壬子以毛詩中鄉
試第一癸丑聯登進士第觀政二年授南京行人司
行人三年轉司副四方從游之士戶外屢恒滿既滿
考得歸省尋丁父艱服闋遷刑部郎中時逆瑾之亂

本朝分省人物考 卷五十四 五三 浙江十三
羅織京朝官刑曹易染尤甚文以身殉法不少貸讞
獄精明老吏皆自以爲不及瑾竟不能害未幾遷貴
州提學副使貴州學政頗簡類兼清戎糧餉等務文
於養士外又多區畫方略軍民便之踰年以母憂歸
服闋改陝西仍督學政文之兩爲提學也以身爲教
親爲講解大要以抑奔競黜浮薄爲先兩地士習爲
之丕變初未拜貴州楊冢宰欲以江西唱之要之來
見竟不從自陝入覲嬖倖錢寧孫安廖鵬各以其故
來視輒謝不見後亦不能害之在陝二年遷河南布
政使司左叅政抵任覩河洛居民蕭條甚而武宗

巡游調度日急慨然告病以歸撫按知不能奪以聞于朝有詔嘉其恬退許之于是年五十有六矣後先歷官三十年而一介不苟持之益嚴嘉靖己丑卒年六十有七

王 爨

王爨字存約黃巖人弘治壬戌進士授太常博士每遇郊祭衆率宿食郊殿爨病其褻獨宿於館次日衆被逮爨獨免人謂其筮仕輒卓立如此擢工科給事中

本朝分省人物考

卷五十四

五十四

浙江十三

韓邦奇咸以駕帖被逮爨言錦衣乃扈從爪牙之寄駕帖非尋常勾攝之文必重急而後用之今不問巨細虛實一槩施於林有年韓邦奇骨鯁之臣非盛事也丁丑當大辟 駕幸北園當事者謀取遙旨快私臆爨持疏請停刑還 駕謀乃寢其疏皆人畏縮不敢言者竟以忤中貴傳 旨謫惠州府推官攝府事積羨累千金悉委不取擢廣信府同知嘉靖改元以科道會薦復刑科都給事中尋擢太僕寺少卿改太常擢應天府尹府賦徭繁重富人多投內監神帛堂以避而積累貧者爨爲革冗役節冗費夙弊悉清他

如議罷京邑種馬議發內帑絲織神帛議輕荒稅蘇流亡議料田出賦均貧富疏數十上皆不避嫌怨爲之一時困者起流移者歸而爨之頌聲滿京輦矣丙戌陞南京刑部侍郎以母春秋高疏乞終養詞引李密事甚哀荷 俞旨回籍則太夫人疾劇不食五日矣聞爨歸喜甚尋就康衆謂其孝感所致三年母壽九十五而終起復原職土豪王冠家僮數百人陰購初生嬰兒剉粉爲延年劑且廣結權貴事發爭爲求脫竟按罪論死畿民稱快六載考績渡江大風覆舟浮沉百餘里會海山採薪舟回以巨斧破舟底出之

本朝分省人物考

卷五十四

五十五

浙江十三

時憊甚有司請就行臺爨曰我去則舟中人誰與出之乃盡出之而後去其年擢南京右都御史舊內守備進表取御史兩人監禮爨曰中人行禮奈何輕用朝廷耳目官乎執不與奉表北上大學士夏言藉寵傲物京堂官率多隅坐爨獨據正席且贊惟一幣夏滋不悅因乞骸骨以歸爨仕餘三十年所論薦多當世名流性不能隨俗俯仰至於升沉利鈍處之泊如平居恂恂若無甚可否至臨大節決大疑則毅然不可奪有京兆遺愛錄傳于金陵士民建生祠祀之于聚寶山側

蔡潮

蔡潮號霞山臨海人弘治辛酉鄉魁乙丑會魁改翰
林庶吉士丁卯拜兵科給事中明年戊辰分考禮闈
所拔多名士在諫垣慷慨敢言中外想望風采適逆
瑾當事建議閱驗天下府庫虛實遺言官中貴人雜
出意在擊搏漁利海內騷動潮奉推擇當詣閩務惜
元氣存大體同事者始若落落終翕然服從閩人莫
不歸德至于今稱焉庚午轉右給事中辛未遷湖廣
按察司僉事奉璽書督學湖湘至則著條教揭學則
先行後文力振士習校閱精嚴弗爽毫髮湖湘人士

本朝分省人物考

卷五十四

五十六

浙江十三

隨才造就聞風者莫不興起乙亥轉貴州右叅議貴
西南荒徼蠻獠叢最兵革相尋清平苗寇據香鑪山
以叛勢搖全省潮至盜益猖獗圍城數重乃殫慮經
略誓死以守間道轉餉士皆奮勇先登竟賴蕩平自
鎮遠距省城凡七程重岡複嶺崎嶇嶮絕旅行數十
里無所依止爲十里創亭翼然相望會奉天殿災詔
市木川貴間勞動居多被白金文綺之賜壬申轉福
建右叅政奉璽書督儲至則躬犯炎水徧歷諸郡運
方略靖海寇嚴徵令給軍儲泉漳兵民樹大事碑通
衢標表功德其在他郡相地險隘輒爲梁涂葺以亭

宇大者剔萬里林闢鹽田裕設北嶺飛鸞雲嶺一旦
蒼蔚悉屏化爲康莊丁亥轉河南右布政使道出建
陽故有橋名朝天跨交溪悍流適燬于火民以舟濟
艱危公私爲病因板號遮留願復舊觀弭節數月捐
俸爲倡聞者爭先樂助即日檢工備授成算視舊倍
加完美垂成而後行蒞汴凡注措悉務寬平幕僚有
死者貧不能歸傾月俸助之兩河盜賊充斥下令郡
縣道周悉種植榆柳諸木縱橫各以行列不惟賊騎
難於出沒且薪蒸亦資民用汴人至今賴焉未幾具
疏乞休因移書一二知舊戒齋奏者必得請乃返旣

本朝分省人物考

卷五十四

五十七

浙江十三

歸徜徉山水陶寫吟咏適然樂以終日性疎于殖財
施人則不知倦親戚故舊以匱乏告者靡弗賙之死
不能葬者輒追助之道路津要故無梁者剏之圯壞
者葺之其不梁者舟之舟敝者新之其尤難爲力者
如平大惡灘建邵家渡橋移三江埠疏東泉二井貽
之永利殫心悉謀必濟而後已他如割居宅以闢通
衢脫帶金以粥道殫廣布方藥以康疾病凡可以利
物濟人者爲之略無勉強蓋自懸車以來餘二十年
猶一日也歲中每值旱澇輒率鄉耆詣神祠祈禱靡
不應驗已酉夏旱尤甚爲齋素出禱于外冒暑致疾

醫藥罔效遂考終正寢壽止八十有三是夕烈風震雷轟然旋繞所居屋上人咸以為異焉

金賁亨

金賁亨字汝白臨海人以弘治進士歷官江西提學副使為人清粹醇夷剛介端毅得于天稟既知學問大指毅然以聖人為必可學動止作息語默酬應務與學俱嘗愛橫渠一時放下則一時德性有懈初學當以心為嚴師及伊川整齊嚴肅則心便一之語日用工夫莊敬嚴密言動有紀細過必錄蓋踐履既篤德性堅定矣及留曹調告屏居數月取明道延平書

本朝分省人物考

卷五十四

五十八

浙江三

反覆潛玩乃知工夫過苦賁效太迫反入于銳進助長之病其於澄然真體似未有悟入處於是默坐澄心體認天理一意涵養於明道所謂不須防檢不須窮索延平所謂洒然無礙釋處超然有解以是居官行政大抵主于崇禮教敦俗尚端蒙養維世淑俗之意惻如也在揚舉行四禮修釋奠新樂舞斥大僚之冒祀鄉賢者黜無行士之貪緣援例者在闡發明晦菴之學本之延平豫章龜山明道具有本末端緒乃闢道南書院以崇祀五先生復詮次其人如明道之表裏洞徹莫見瑕疵如龜山之終日不言嗒然而

飲人以和如豫章與人並立而使人化有若春風之發物如延平之水壺秋月瑩徹無瑕如晦庵之心度澄瑩無渣滓特為表章參驗考證源流灼有明徵在江右優選志行之士羣之白鹿書院中親與講論聖賢為學次第明濂溪過化之由究鶩湖異同之旨所以開發成就者極其懇惻居家則百行純備鉅纖不苟為後學之所宗仰不異于泰山喬嶽之在望也有學易記道南錄學庸議臨海縣志行于世享年八十有六

應昌

本朝分省人物考

卷五十四

五十九

浙江三

應昌字克盛仙居人翰林編修良父也宰而孤鞠于母陳稍長讀書知大義即務為躬行出從事藩司鹽手奉公不以私自污走京師白母苦節得表閭會日者言母壽當盡即斷酒肉徒步走抵徐血趾而登舟欲急歸省比抵台聞母固無恙而兄病疫劇盡夜走山谷穿虎豹羣以歸日夜檢藥物兄愈而後即安仕為分宜尉俸入雖薄盡移以養母及遺孤姪自奉敝衣糲飯晏如也蒞官勤敏介毅袁四邑丞簿尉自入國朝百五十年惟昌列祀名宦中已謝事歸養至徐聞母訃不食者五日比葬廬於墓得痲病眾昇之以

還終禪苦塊時年六十餘矣遇二親忌輒號泣不食者竟日及八十家衆叩首請始一食家甚窘極力營大宗祠以祀先及建考妣墳族里薰其誠孝率慕而行之鄉有乞假雖衣被靴袍無所靳誨二子以身教每讀書至古人忠孝大節呼二子戒之曰吾以少孤失不以儒發身遺若等也幸得仕當忠君體國法古人年八十四而終

原忠

原忠仙居人舉進士入翰林爲庶吉士正德中以父老歸侍蕭然山中講學授徒養親者十餘年世宗

本朝分省人物考

卷五十四

六十

浙江

入繼統召還授翰林編修尋以直諫杖闕下罷官

石簡

石簡字廉伯寧海人登嘉靖癸未進士授江西餘干知縣政洽化行吏民懷之嘉靖七年陞南京武選司郎中時值考選殫力奉公黜陟允當考績之京不謁見權要陞刑部郎中改南京吏部文選郎中嘉靖十一年陞廣東高州府知府高州當徭賊焚掠之餘多方料理民得蘇息戴之如父母嘉靖十四年調安慶府歸途遇盜囊橐一空及盜獲止供有服飾件餘無他物士論歎服安慶地當七省之衝應酬不暇民甚

苦之爲之均賦役節冗費歲計省銀四萬梓爲定式迄今不廢去之日民至留衣立石特祠祀焉十七年陞雲南兵備副使壤接安南民苦山賊荼毒且險阻勢難征勦設計生擒二百餘人斬首不計其數地方以寧時有指揮犯罪將懷賂爲餽先以單目途中投遞卽重責寘于法貨物悉追入庫當道聞而稱之嘉靖二十年陞雲南右叅政二十二年轉湖廣按察使未幾陞貴州左布政使所至聲績卓異時五溪諸蠻四出劫掠攻勦弗克撫按以簡威望檄委招撫遂單騎而往諭以禍福悉皆投順當道方將薦揚適抱病乞致仕歸嘉靖二十八年薦補山東左布政使適征勦北虜庫有餘銀三千餘兩悉資兵餉嘉靖二十九年陞巡撫雲南都御史而沒平生忠信剛介正大光明利之所在一介不苟義所當爲貞志不回故蒞職精明政蹟炳炳而德澤之感人深所得俸餘悉賜親族囊無私藏嘗營一室弗克落成終之日幾不能斂入仕三十年竟以貧終其身在本縣則列序鄉賢在治地則崇祀于名宦焉

秦鳴夏

秦鳴夏字子亨號白崖臨海人僉事公娶包宜人嘗

本朝分省人物考

卷五十四

六十一

浙江

夢仙妃懷數棋子遺之於是連舉三子其長刑部員外郎鳴春其季則翰林修撰鳴雷而鳴夏其次也僉事公按察福建時年纔十歲已能日記數千言且善屬文文多敏思僉事公故不樂仕解官去行次崇安發病卒以童稚扶視執禮如成人伯父叅政公奇之曰吾弟不死矣授以家學不煩而成嘉靖辛卯舉鄉試明年第進士改翰林庶吉士是年選擇皆出上意教習去留視諸科為特嚴鳴夏質既高爽而文故俊逸不喜道故常語至是感激殊遇益自刻礪務為博雅名家二年以才授翰林編修乙未會試為同考

本朝分省人物考

卷五十四

李三

浙江十三

試官丙申奉命冊立魯王戊戌廷試進士為受卷官扈從謁山陵應制撰 太上神冊表己亥春 哀冲皇太子立簡用輔導諸臣 上意屬素所選擇者於是拜右春坊右中允兼翰林修撰庚子補經筵官同修大明會典諸書是時同拜者三十餘人獨壬辰科稱最盛而鳴夏在眾中魁偉長髯隆準而白晢尤為人所注目辛丑再奉命冊立周王明年以校正五經四書性理諸書例賜白金文綺癸卯主順天鄉試同官不檢言者力擊以去獨鳴夏所取士一一稱當絕無嫌疑明年會試故宰相子兩人同舉進士其試文

若宿構然或疑有他久之眾口漸騰為給事中所論下諸試官詔獄根株取驗而兩人鄉試故鳴夏所取士於是并置獄問獄釋罷秩還里氣素豪邁重以嚴整自飾不忍墮行輩後每念順天在輦轂下門客遊士多途穴奸不易防抵始受命主試勤勤防察密若禦寇而竟以註誤見廢心跡不白固已不能無少邑邑則益肆力詩文表見素志會倭夷內寇鄉邑糜潰日夕盼盼不休未幾盡得其利害情實與夫戰守攻之勢乃更慨然懷憤時時出議中其機牙於是撫按亦皆交薦其才以為可備緩急而尚書趙公視師北

本朝分省人物考

卷五十四

李三

浙江十三

歸復以名聞新命下詔以原官起用道至彭城疽發于背卒距其生年僅五十

趙天佑

趙天佑字世胤號方厓台之太平人舉嘉靖乙未進士為鳳陽推官召拜廣東道監察御史遷大理寺丞歷少卿都察院右僉都御史副都御史刑部左右侍郎遷南京都察院右都御史轉南京刑部尚書歲乙丑以留都之績上曰某親老矣願得致其仕歸奉一日之養得予告後三年戊辰用臺諫薦詔徵為南京刑部尚書尋改南京兵部尚書叅贊機務佐為人能

介然自守而濟以明敏博大其始為推官則有聲為御史按貴州宣慰萬銓所為多不法械其黨指揮張仁李木斃諸獄將遂按銓巡撫劉某納銓賕使之授甲而為移文諸司指仁木之死為召釁以脅之天佑笑語人曰人臣苟利社稷死生以之吾何愛一身哉遂命吏按銓反狀銓知不可撼即以其日囚服出就

理貴陽永順苗相攻殺有司招之不服貴與湖廣鄰也檄界上嚴為之備而奏請合兵勦之二省以寧比還條八事曰興學校設哨堡禁侵漁杜騷擾省刑罰備邊儲均徭役厚流民詔下貴州編諸令甲在臺中

本朝分省人物考

卷五十四

六十四

浙江十三

疏薦前都御史浚川王公才節可用且曰明君用才譬則大匠之用木大匠不以寸朽廢合抱之才明君不以一青遺濟世之器詔復以王公為都御史已又論時宰不當以所好用私人為侍郎奉命勘伊庶人分宜意欲寬之至則盡發庶人所為僭擬及事之與祖訓違者分宜怒甚明年出之掌南臺及分宜敗而庶人始伏法在南京刑部齊庶人殺其僕以誣儒生陸某某故富家法曹畏勢引嫌莫敢斷獨毅然出之劾兵馬胡光弼褫其官內請勅吏部歲一考察諸兵馬以儆貪者闖人馬廣坐當斬或以巨璫意丐以緩

死竟奏棄市有冤獄逮繫數年嘆曰死重辟也法官固知其冤不為白乎遂以疑讞其在告晨夕侍親側竟四年足跡不入城府暇輒讀書如儒生創大宗小宗祠數調其族之貧者至節衣縮食不少靳鄉先生林恭肅公歿若干年為請於朝賜葬謚生平大節其卓然可紀者如此

秦鳴雷

秦鳴雷字子豫號華峰臨海人生彌月而失母甫五齡而父僉憲公禮歿時世父大叅公文無子其配楊夫人子之未幾大叅亦歿家益落屢試弗售時從兄

本朝分省人物考

卷五十四

六十五

浙江十三

鳴春為司寇郎鳴夏為青宮中允楊夫人每舉以相勗益鬱鬱不得志至嘉靖癸卯領鄉薦明年遂成進士第一人授修撰無何楊夫人卒守制服闋仍前職丁巳以九載滿陞左春坊諭德尋陞南京國子監祭酒陞禮部右侍郎時長陵神道橋圯巨璫請改建計費十萬餘金中多謀自潤閣臣以陵寢大事未敢可否第擬旨禮工二部相度舉工大司空引物料工匠為已任而以經始屬之則急率眾量基而潛授指于擇日臺官明日臺官報曰年月不利與造須二三年後乃可羣璫喪氣失色無可誰何而事以暫寢丙寅

改吏部左侍郎兼學士總校永樂大典尋教習庶吉士會有浮言亟疏求去辛未起南京禮部侍郎尋陞本部尚書復上疏乞休優游家食游覽山川凡吳越之奇勝處無不窮探徧歷者癸巳春命駕武林與冢宰張公選勝西湖歷夏猶強健能飛觴爲卜夜歡未幾稍作寒熱遂致彌留享年亦七十有六矣

陸州

陸州字汝行寧海人嘉靖甲辰進士爲人貌侵弱不能勝衣至遇事剛斷敢爲卽責育不可奪嘗以南昌教官典湖廣鄉試故事校官處簾內乃品題之權御

本朝分省人物考

卷五十四

李六

浙江

史多屬之簾外州旣默默不自得比定解額諸校官與御史俱坐至公堂州偶袖中式二人卷閱之頗紕繆州起袖二卷懷之以詰御史御史不能對卽爲轉易二卷同校者慄慄咸服其持正已遷刑部郎出守常德會鼎建三殿湖北木運孔棘部使乘勢爲奸利民間騷然州至爲調停差撥以陰折其非一時屬路賴以按堵先是榮藩嘗請郭西濱江地租而併稅艦筏筏之泊埠者久之中官愈益橫索或闖及經行艦筏商人苦之州廉知非例下令禁治之中官惴惴憚州自是相戒斂跡郡受沅靖五溪諸水故築土堤捍之

春夏水暴土蝕則兩崖之間不辨牛馬州請易土以石募民資蠲帑金爲長堤百五十步高四仞廣半之澇至始不爲災縣官以賦則混淆徵斂無藝良民或倍輸之稅乃強黠者終身負責漫不裁省州戒民毋入城納稅第置循環二籍鈐發里甲歲令沿戶按額取之而納戶得以所納期限稅目自註於籍月終更互考成之完負悉有稽覈公賦大辦常俗不習爲商歲亡論豐歉穀一入亟圖貿商金以償官逋不且賤售富家因而爭時趨利故左右數從吏縣官願留穀防饑便母令販而出境州嘆曰此豈爲居積豪地乎

本朝分省人物考

卷五十四

李七

浙江

無金無賦無商無金奈何坐自窘束耶遂下令曰敢有以遏糴爲言者置諸法自是商民得通易有無歡然稱便州治郡三年不爲烜赫可異之政惟務約已愛民他如均傳費獎士類厯賑恤每事必爲之區畫期於奉法循理而已後以考績行尋擢九江兵備副使民生祀州于城北又一二年丁內艱卒于家計聞郡中父老率子弟朝夕慟哭祠下如喪考妣云

吳時來

吳時來仙居人登嘉靖癸丑進士授松江府司理會倭夷發難盤踞柘林以窺內境時郡守方臥疾奉巡

臺檄屬之城守則急練兵屯四郊以備聲援而寇勢逼甚士女趨保于城以萬計曰城外非吾民耶以民予賊而抱空城爲守幾何悉縱之入又城隘民衆壅汚蒸溼大疫乃四啓水關便輸薪穀因其歸舟以穢滯出之客兵獷悍剽掠不異寇爲好語結其長日率之以徇于郊刁斗相屬或弗戢呼其長縛治之迄終事無敢犯者總臣張公移鎮境上有親兵取人一縑竟鞭之數十張怒讓之徐對曰公用兵安民也忍庇兵殃民乎張愧而止明年寇猝至攻城雨甚城崩西南隅數丈急撤屋數楹而陰識其姓名於屋材夜選卒運之城外以爲木柵捍修城者平明柵畢三月而城完復以柵材還爲民屋則固昔所識也賊攻之不能下棄而北走城卒賴以完徵拜刑科給事時分宜盜權父子納賄極疏其奸狀以聞遣戍嶺表隆慶建元詔起行間游晉南臺都御史

王萬祚

王萬祚字君錫號二固臨海人生而色黧體貌樸古氣骨稜厲爲諸生時治經術有聲尤長于詩修身潔行若而年睹其面者僉以異日鐵面柱史期之萬曆乙未釋褐筮仕太平當塗令甫至先問大姓主名爲

本朝分省人物考

卷五十四

六八

浙江十三
張子玉

邑積患者得若干人悉法治之諸豪有力爲之屏息至革羨耗以防積猾之侵漁嚴保甲以杜濱江之竊發諸所擘畫迄于今爲當塗永賴服闕補河南汝陽敷政肅法令門以內水清門以外春盎亦若令當塗時汝陽重災單車問民疾苦爲請命兩臺盡緩得已額征一切起運難緩者尤悉心調停慰撫民咸感激勇於公賦怯於私闖中州窩訪徒黨甚盛廉訪其實不少寬假于是習姦者如距斯脫矣用治廉平不苛以異等授南京福建道御史所至風節矯矯彈劾不避時貴痛斥自設藩籬每疏上南北爭傳疏至疊疊本朝分省人物考 卷五十四 六九 浙江十三

趙元銘

趙元銘字廷特別號白雲台之太平人少讀書務踐履不事章句孝弟嫻睦之行一無可愧而尤嚴閨門

之別接人恭慎雖待臧獲亦無情容少膺家難未及長定婚盤峰汪氏父卒衆欲徇俗借婚元銘不可迄三十二始娶焉初寓武林館人女恃其姿潛奔即拂衣起去之樂清蔡知縣家富於貲初議以女妻伯兄未問名兄卒欲以銘諧禮謝不可戶充糧長每至輸戶家即饗餼持以自隨嘗以廣盈二倉輸米五十石倉官既與之申又誤以申遺即持還之鄉人親戚貧乏輒賙之死則爲助殯葬兒女孤貧爲之婚嫁假貸不計其息凶年則焚券以寬之晚而家落亦不知倦被強暴侵辱不介意一日行海濱遇醉人欲擠之

本朝分省人物考

卷五十四

七

浙江

水旁觀者不平欲槌之銘顧笑曰此人變常矣不宜與較至夜其人嘔血死汪氏先卒墓上植松數被惡鄰伐之殆盡或語邑大夫欲繩以法以詩謝曰千載白雲長自在十年之計等浮漚將嫁女買孥詢是良家子即擇配嫁之其鄉居民有先世佃僕今以富強故相凌犯銘退然不與之較先後郡邑大夫特加禮重歎曰忍難忍事順不順人可謂羣鳥之鳳衆獸之麟矣袁道丁隆皆躬拜其門平居手不釋卷雖隆寒盛暑衣巾未嘗去偶夜半思所讀書中意旨輒起持書坐逮曉或有所得以至忘食人皆以銘言行無愧

古人故以趙古人稱之年九十忽語其子曰我死矣昔我年三十時於黃堂祖源山中遇一老人鬚眉皓白執手語曰子有仙風道骨復期與會回首老人不見逾十年果會又期紫微山復會我昨曾夢紫微山得非數之終乎言畢而逝

王弼

王弼字存敬黃巖人仕爲溧水令溧巨猾席勢爲武斷吏莫能誰何逮獄論死溧有湖可田督民堤其田之中貴人視馬歲有賂弼不賂也入爲刑部主事累興化知府興化多豪郡稱難治弼至太息曰是故

本朝分省人物考

卷五十四

七

浙江

秉禮之鄉何謂難乎律身端潔布令信節制度嚴祀典厚科貢郡孝節必樹閭表門郡人劉閔以節孝聞弼親詣其廬訪焉閔至庭則設賓榻尊禮之行飲射一宗古儀禮登降拜跪盡日無情容俗婚禮過侈而佚蕩往往以賭博破家弼設牌書勸戒文懸之使開喻弗變者乃懲卒徒下鄉攝人故爲暴弼爲立期日定限授訟者自付之聽就理後期者有笞民得無擾賦稅均徭自以品式處分吏獨受成案苞苴盡絕俗喜爲吏胥至托請冀必得之弼俟藩司名牒下乃覆上頽風大沮部使者更騷法非便弼譬止不聽則疏

復其舊舊養濟院居河水上游患大風者相屬汙水
行城中閭城病之彌擇邑厲壇之右立屋圍井廁特
敞以請遷之焚故屋平其地諸學校壇宇公廡陂池
道路若祠廟在祀典者畢飾漏澤園隘別增之費盡
出餘積一不以煩民始公牘叢委弼指揮立辦其後
旦日視事比日中則庭無留人坐公堂讀書竟日而
已宿弊盡汰獄訟盡止盜賊屏息治理爲天下第一
莆人以爲百十年郡守未有也會病作民爭走禱沒
羣聚哭盡哀立祠祀之請衣冠葬焉

黃 綰

本朝分省人物考

卷五十四

七十二

浙江

黃綰字宗賢台州府太平縣人尚書文毅公暉孫也
爲童子卽勵志聖賢之學以廕補後軍都督府都事
文成自廬陵入覲來見語學文成喜曰此學久絕君
何所聞曰雖粗有志實未有聞文成曰人惟患無志
何患無聞訂與終身共學宗賢聆其言如渴得飲無
弗入也後二十年聞文成致良知之旨大歎服執贄
稱門人

人物考卷之五十五目錄

浙江嚴州府

徐 舫

商 輅

胡拱辰

姚 夔

宋 旻

徐 貫

徐 懷

俞 蓋

俞 諫

王 浚

補遺

洪 弼

何 海

衢州府

本朝分省人物考

卷五十五目錄

鄭 辰

金 實

樊 瑩

周文興

趙 鏜

吳 嘒

何 倫

補遺

葉 貞

吾 紳

毛 愷

王 璣

王 敏



本朝分省人物考卷之五十五

浙江嚴州府 衢州府

徐舫

徐舫字方舟桐廬人故簪纓家自幼有俠氣好馳馬試劍兼善攻毬鞠之戲視拘拘法度士不屑也稍長幡然悔曰此豈君子道耶即從師受章句為進士業操觚為文輒爛然成章已而又悔曰是如蠹書蟬雷入于故紙中何有終期哉人生貴適意曷習古歌詩吟咏性情庶幾少遂其願耳先是睦多詩人唐有皇甫湜方干徐凝李頻施肩吾宋有高師魯滕元秀世

本朝分省人物考卷五十五

浙江十四

號為睦州詩派舫悉取而諷咏之鉢肝劇腎期超邁之乃已積之既久圓熟璀璨明珠走盤而玉色交映也舫猶以為未足出遊江漢淮浙間與名士相摩切而詩道益昌江浙行省參知政事蘇天爵聞其賢力欲薦之舫曰吾詩人爾其可縻以章紱耶竟避去築室江臯日苦吟於雲煙出沒間翛然若與世隔因自號曰滄江散人天大雪乃泛舟釣江中終日戀戀若不忍舍去見者疑其非世間人元季兵亂益輻閉不出易為隱者服人莫知其蹤跡所在庚子夏金華宋濂青田劉基麗水葉琛龍泉章溢同赴 太祖召出

雙溪買舟泝桐江而西忽有美丈夫戴黃冠服白鹿皮裘腰縮青絲繩立於江濱揖劉基而笑且以語侵之劉亟延入舟中葉章二人競來謹謔各取冠服服之竟欲載上黥川丈夫覺之乃止濂疑之問於劉曰此何人斯諸公乃愛之深耶劉曰此睦之桐廬徐方舟也濂故聞其名亦起而鼓噪為驩共酌酒而別聲迹不復相聞有瑤林滄江二集各若干卷唐詩通考若干卷藏於家舫平居喜怒不形于色無急步無疾呼罔測涯際性向風義宛陵羅氏率五百指來避兵舫衣且食之病者注藥死無所歸則擇地藏之久而弗懈事平具巨舟載之還家丙午正月以疾卒壽六十有八

本朝分省人物考卷五十五

二

浙江十四

商輅

商輅字弘載淳安縣人幼穎敏卓越游邑庠時學論王端即以狀元宰相期之宣德乙卯發解浙江明年會試弗利乃入太學李文忠時勉為祭酒見而異之特設館東廂之後俾卒業及乙丑會試廷試果皆第一入為翰林院修撰丁卯 英宗命選詞臣劉儼等十人進學東閣輅與焉己巳車駕北狩 郕王監國召入內閣備顧問預機密陞侍讀時北虜入寇人心

海澗輅力主羣議請 郅王卽真以安反側時有議
南遷者唾而斥之虜逼城輅與文武元僚經略戰守
徵各邊帥選兵入援揭榜賊營購虜首僞爲喜寧報
誘擒也先書故遺於虜營虜得榜與書自相疑遁明
年景泰紀元陞翰林院學士本年秋 英廟回鑾輅
迎至居庸關伏謁命草詔稱旨賜酒果馬匹旣而錦
衣衛指揮盧忠妄言南內事中宮阮浪等被重刑猶
欲窮治不已輅極言不可輕聽以壞大倫有傷骨肉
之情由是盧忠得罪衆皆無累三年壬辰初議易儲
輅謂此國家大事有 皇太后在上臣下何敢議此

本朝分省人物考

卷五十五

三

浙江十四
姜洪

明日有旨會官議附和者衆竟易儲尋遷兵部左侍
郎兼左春坊大學士仍兼學士五年甲戌鍾同章繪
相繼請復儲禍不可測輅因召對力救繪竟得免景
泰七年丙子寰宇通志成擬進官秩時保傳止進兼
官擬輅陞兵部尚書會有沮之者諸總裁皆止進兼
官輅豈可獨陞至期勅出輅仍舊兵侍加兼太常寺
卿衆愕然不滿丁丑春 景泰帝不豫與陳循等倡
請復儲以繫人心不允繼具疏輅援筆增二語云
陛下爲 宣宗章皇帝之子當立 宣宗章皇帝之
孫擬請且進至期變作 英廟復位卽日以迎立事

置少保于謙王文等極刑召輅與高學士穀入便殿
慰勉以用心辦事且計議改元年號草詔頒勅後以
不能愆史石亨意坐削爲民輅去後 上每念及而
近倖輩排擠愈力意不復召 憲廟卽位之明年追
念舊學遣使驛召之輅於次年春至京以野服見懇
辭不允復舊任首疏八事勤政納諫儲將才飭邊備
革冗員設社倉崇先聖之號以配天開入德之基以
造士 上加納之戊子以地震乞休不允是夏 慈
懿皇太后崩詔議葬禮輅與彭文憲時力言祔葬祔
廟以體先聖篤夫婦之懿昭今 上全母子之情斷

本朝分省人物考

卷五十五

四

浙江十四
姜洪

不可有異議至率廷臣伏闕泣請 上爲感動卒從
之尋因彗見言官有所誣詆輅力求退奉旨朕用卿
不疑何卹人言至詰責言者輅言臣嘗勸優容言官
召用羅倫已荷加納今因論臣而反責之如公論何
特允所言召輅至榻前勉慰再三尋陞兵部尚書仍
兼學士時皇庄甚爲民厲輅言天子以天下爲家何
以庄爲又番酋滿四叛官軍往討未下廷臣規再出
師邀功有危語輅與彭時執不從未幾捷至 上喜
賜輅等俘奴各一已丑冬暖陳時政之弊辛卯冬彗
見復上八事言極懇切多見稱納 上一日議及郅

王監國輅縷言有社稷功當復帝位號左右聞者泣下上聞之亦泣遂復景帝號壬辰以天下水旱相仍請省科斂減力役寬兩稅弛利禁悉從之是冬奉勅修資治通鑑綱目乙未夏進兼文淵閣大學士丙申加太子少保改吏部賜冠帶一品服時禁中欲建玉皇閣於宮北得輅言遂寢其事夏月皇子薨憲皇以嗣續為憂左右知西宮儲貳已長但無敢語輅獨婉轉探引東宮乃立復上疏略曰皇子聰明岐嶷國本攸繫天下歸心重以貴妃撫育保護恩踰已出內外稱贊貴妃之賢近代無比但外議皆為

本朝分省人物考卷五十五

五

浙江十四

皇子之母因病另居久不得見揆之人情事體誠為未順伏望勅令就近居住皇子仍煩貴妃撫養俾朝夕之間便於接見庶得以遂其母子之至情愜眾人之公論逾月東宮母紀貴妃薨輅舉宋李宸妃故事殯斂悉如禮尋因黑青見條陳弭災八事曰番僧國師不得重給符券曰四方常貢外勿受玩好曰諸色人許直言自達曰分遣部使者慮囚以理冤抑曰停不急營造曰實三邊軍儲曰守緣邊關隘曰增置雲南巡撫又宮門災工部請命中官採木蜀楚輅爭以為不可上皆加納丁酉命兼謹身殿大學士時

內官汪直新坐西殿威擬至尊內外官臥不帖席輅疏十罪并指羣小韋瑛王英輩過惡以聞且云用此人實係天下安危上恚曰用一內臣焉得係天下安危太監懷恩傳旨詰責嚴厲輅正色曰朝臣無大有罪該請旨收問渠敢擅抄札三品以上之京官大同宣府北門鎖鑰一日不可缺人守備渠一日擒械數人南京祖宗根本重地雷守大臣渠敢擅自收捕諸近侍渠敢擅自改易此人不黜國家安乎危乎懷恩聞之咋舌而退即日輒去西殿由是見忤於直會前輔臣楊榮曾孫驥以罪逮至京語連及輅直從

本朝分省人物考卷五十五

六

浙江十四

中主之輅亦決於求去遂加少保給驛以歸抵家十載始卒贈太傅謚文毅輅丰儀山峙襟度淵澄早擅三元旋登內閣以經濟為已任以薦賢為首務問論古今治亂事機得失賢否疊疊不倦文牘盈案裁決如流中遭誣罔夷然不較權奸既敗事白復起倚毗益切建朋良多卒之身退名完德業著於當時風聲聳於後世先後蒙賞賚金幣之類頻腆而自處泊然一主考會試五為廷試讀卷官皆稱得士於書無所不讀為文渾厚雅贍詩主平淡不雕刻有集若干卷藏於家

胡拱辰

胡拱辰字拱之淳安人正統戊午中浙江鄉試會試復前列庚申除授黟縣在官歲餘上無逋租下無爭訟三年上蹟吏部民持盤費追送境上一無所受乙丑除福建道御史院長陳鎰風紀最嚴拱辰獨當其意凡諸擬議與十二道推讞刑名彈奏貴近必經其手戊辰三月丁父憂已巳八月北虜犯邊吏部遣使齋命至家奪情起復馳驛還京虜塵既息景泰元年庚午 欽賜五倫書四書五經各一部調除江西道自試職至寶授凡八年屢上封事皆嘉納之是年陞本朝分省人物考卷五十五 七 浙江十四 委分守威清至永寧二十九衛所地方後過安莊衛至白水堡本堡乍叛乍服為患有年犴狴蠻頭目沈時保挺身出見揚言我管下作惡者眾願得一號令與我去鉗束他不如此恐他日不便拱辰厲聲叱之曰但斬爾頭籍沒爾財產此即號令無他也沈時保股栗口噤不敢仰視堡中軍民官為之乞憐姑釋之還嚴過普定以告副總兵方瑛遂遣普定衛指揮郭貴往擒之至則併其妻子處以軍法其患始息過赤水衛則服女士官奢貴之悍不復擄掠過畢節衛則

平宜慰使隴富之亂道路遂通癸酉丁嫡母憂丙子復補廣東布政司天順元年丁生母憂庚辰起復仍補廣東成化乙酉陞廣西右布政使時地方賊寇猖獗人民受害拱辰以勦賊有功陞四川左布政使壬辰陞南京右副都御史癸巳提督操江乙未五月改除南京兵部右侍郎是年十二月改除都察院右副都御史總督南京糧儲戊戌陞南京左副都御史甲辰陞南京工部尚書丁未年及七十乞歸許之尋進榮祿大夫弘治辛酉 孝宗特令有司月給食米乙丑詔進光祿大夫且賜綵幣羊酒問勞丙寅壽九十本朝分省人物考卷五十五 八 浙江十四 武宗特遣行人齋勅存問兼賜羊酒戊辰卒九十有二謚莊懿拱辰歷事 五朝服官四十八年位列八座不遇大節慶不衣袵與衣繡非待賓奉先飲食不豐先世室廬之在故鄉者未嘗增飭尺寸清慎之名傳播中外性尤嗜書常校正南海神祠嘉忠錄文式學則鐵唾先生古樂府陳剛中詩集又常著作雞肋集錦官稿從征稿華封記事山居雜咏亦拙齋詩集敬所雜著稿皆行於世

姚夔

姚夔字大章桐廬縣人正統戊午舉鄉試第一會試

乙榜入太學進業時祭酒李時勉司業趙璠一見
 為偉器待以殊禮壬戌會試第一與從弟龍同登進
 士時人榮之癸亥擢吏科給事中首疏八事多見采
 納甲子夏旱奉命祀北鎮雨應時至都御史王翱鎮
 其地喜曰此所謂隨車雨也為立碑於廟乙丑秋母
 夫人疾醫弗效夔額天願以身代尋瘥丙寅持節冊
 封晉府疾卒夔以不獲奉湯藥為恨號慟屢絕奉柩
 南歸居喪盡禮遠近從遊士雲集多所造就服闋復
 舊任已巳 英廟北狩國勢危疑羣士勸郕王進議
 未決詢諸六科夔曰朝廷任用大臣正謂社稷計何

六朝分省人物考 卷五十五 九 浙江十四

必詢諸小臣眾乃詣文華殿懇請事遂定十月虜大
 舉進逼京城眾議戰守不一夔言兵敗之餘人心未
 定只宜固守伏兵歸路擊之遂上疏遣人間道齎
 勅宣府遼東令總兵官楊洪曹義各選勁騎刻期以
 進與京軍內外夾擊未幾洪義統所部兵來賊果一
 夕遁去景泰庚午春廷臣交章薦夔才堪大用陞南
 京刑部右侍郎時刑部規矩廢弛夔嚴肅整飭獄無
 滯囚壬申改南京禮部奉勅考察雲南官吏黜陟允
 當癸酉還朝遂留禮部尋賜誥進通議大夫丁丑春
 景泰不豫尚書胡濙在告夔強之出十四日率文武

大臣於左順門問安退集東閣議立 皇太子
 懇請未允次日夔欲率百官伏闕以請是夕與學士
 商輅議定遂歸十六日早三鼓至朝房夔屬輅具本
 稿有 陛下為 宣宗章皇帝之子當立 宣宗章
 皇帝之孫正位東宮等語夔躍然舉筆於立上添一
 復字時同官鄒幹等俱稱善已時入朝眾議合文武
 大小官僉名以一樣寫二本因遲延至十七日早夔
 作弗果進 英廟復位石亨輩竊弄威權勢類可畏
 夔視之如常亨憾其不附已乘間調夔南京 英宗
 素知夔為人且聞正月立儲之議未幾驛召至京賜

本朝分省人物考 卷五十五 十 浙江十四

召大學士李賢詢之賢以姚夔對遂調吏部有真定
 守以重賄賂亨挾勢囑復其官同列附亨者令擬奏
 稿來判夔擲筆大言曰吾寧不為此官必不判此稿
 事竟止亨敗附者降黜而夔之名益重癸未遷禮部
 尚書階資善大夫夔詳雅敬謹明於典禮克稱厥任
 上深嘉之甲申 憲廟嗣位命侍經筵賜白金文綺
 成化乙酉 上耕籍田幸太學皆從夔所請宴賜有
 加丙戌會試夔知貢舉預上數事以杜僥倖閏三月
 月進資善大夫五月夔率羣臣上封事大要以節

養天和爲主 上嘉其言慰諭甚至丁亥正月賜金織麒麟文綺七月以災異疏見乞致仕不允朝鮮進海東青夔言非故事宜下詔自今非常貢之物不得進以示不寶遠物之意戊子四月以災變率羣臣上疏言 皇上春秋鼎盛而震位尚虛宜均愛六宮以繁子嗣然此事自 陛下身上用非求神奉佛所能致也乞罷西山所建之塔斥回阿叱哩之流其餘庫府金銀綵段俱是民間膏髓不宜浪自費用內局諸作匠役未爲重大勳勞不宜濫與官爵仍乞每日視朝之後依 祖宗及 英宗皇帝初年未變時故

本朝分省人物考 卷五十五

十一

浙江十四 陳元

有他虞豈得爲孝今當於裕陵左右別擇吉地安葬崇祭如禮庶幾兩全卿等其體朕意夔會羣臣復奏大意云 上所有者 祖宗之天下當守 祖宗之成法 祖宗之成法卽 先皇帝與 母后猶不敢違況 陛下乎若今日之禮稍失則非 先皇帝之心損 母后之德 皇上不得爲至孝當起敬孝以諫而號泣隨之可也若 母后猶持不從則當用尊無二上處親以大義之道斷而行之 上猶未從於是內閣復請會議詔下羣臣再奏夔等言益切謂或者曰 上爲皇太后所出不可薄於此而厚於彼殊不知 慈懿與 皇太后他日並合葬裕陵並享太廟略無輕重何謂有厚薄乎或又曰 慈懿無子宜與 恭讓皇后同此尤不然 恭讓在宣宗時已嘗遜處別宮而立 孝恭皇后矣 慈懿在當時未嘗退處他宮未嘗別立一皇后豈得謂之同乎況 宣宗晚年追復 恭讓徽號悔恨莫及自笑曰此朕幼年事蓋可知矣又況 皇上繼統承緒卽同其子而可謂其非所出而別議乎後復繼以危言 上乃從之合葬祔廟如禮九月彗星見夔辭職不允己丑會試夔爲知貢舉官三月上疏乞祭先塋復不允六月

本朝分省人物考 卷五十五

十二

浙江十四

遷吏部尚書進資德大夫正治上卿夔熟於事體釐正庶務剗革宿弊品藻人物進退惟公中外稱慶以為得人庚寅雨雪失時夔率諸司條列政務其未且言可憂之事以冀感悟辛卯秋加太子少保遣中官賜羊酒寶楮是夕彗出軒轅夔上疏反覆諷諫言無所諱壬辰南方大風雨水溢夔疏言自前歲彗星示變以來四方漸覺多故朝廷處置事宜往往不為深遠之圖自古禍亂常起於災傷饑饉之餘母謂天道姑息有象無應只圖因循便安於目前也 上以其言命禮部即會議行夔自是憂形於色食不甘味上

本朝分省人物考 卷五十五

十三

浙江十四

疏乞罷歸田里不許已而疾作日轉劇臨終謂子璧曰吾受國厚恩不克圖報死後勿隨例請葬祭以重吾過言弗及私夔精神秀朗器識宏偉平居接人開心見誠汲引人才惟恐不及自奉儉素雖貴無異寒士天性孝友每語及二親輒嗚咽流涕處兄弟無間言視羣從猶已子遇宗戚中貧乏濟之無德色文章豪宕經書疏義學者宗之立朝三十餘年憂國之心老而彌篤說者謂其可屬大事其著述甚富所存藁盡堆稿一十卷卒年六十贈少保謚文敏

宋 旻

宋旻字弘澤淳安縣人登景泰辛未進士授大理寺左評事天順三年陞本寺正八年陞本寺右丞成化五年陞大理寺右少卿八年陞大理寺左少卿十一年陞大理寺卿二十年陞都察院右都御史提督兩廣軍務兼理巡撫二十三年致仕旻為人厚重接物詳慎謙抑在棘寺年久以仁恕稱及在兩廣承韓雍平定後號稱無事旻亦以靜謐鎮定之至 武宗即位以年八十已 上遣使即家賜白金文綺鄉邦榮之

徐 貫

本朝分省人物考 卷五十五

十四

浙江十四

徐貫字原一淳安縣人天順元年進士授兵部主事歷員外郎中福建參政布政山東左布政使拜都察院副都御史巡撫遼東陞工部右侍郎尋轉左至尚書加太子少保以修清寧宮進太子太保以疾乞致仕許之未幾卒贈太保謚康懿賜祭葬如例貫溫厚明敏在職方久熟于邊務謀畫章奏一時郎署稱首巡視福建海道料理蘇松水患績多可紀其在遼東風裁益著人咸稱之

徐 懷

徐懷字明德建德人天順庚辰進士拜刑部主事進

員外郎謙獄明允民稱無冤成化丁亥擢僉江西憲
臺明慎如秋水而風力過之安福有民陳萬年者恃
險爲號號爲洞主民間貴女搜掠殆盡官兵莫敢誰
何懷至福得狀密檄隣封于戶王杲知縣李愷領兵
快以行杲愷疑激變懷怒曰汝知檄行變生在我於
是直搗其穴擒斬巨魁散其脅從福民始安龍泉有
廖姓居隣湖湘初以僞尸賺財堡卒獲之誣以強劫
廖懼潛通親黨四百餘掩堡不備夜奪之堡卒報湖
帥發兵往捕廖遂嘯聚山澤衆且萬變聞懷兼程至
泉廖無反狀特爲湖兵所激遽令散伍受降衆遂潰
本朝分省人物考 卷五十五 十五 浙江十四

唯益鉉家赴訴於懷懷怪其劫多而賊少乃取賊衣
之新製紅表藍裏者示失主益鉉云是吾妻之衣某
匠製也失主云是婦之衣婦製也因逮匠與婦至雜
他衣與別匠檢出前衣曰此衣某手製也婦猶執爲
己衣懷詰縫用何色線婦曰色線如衣匠曰表裏皆
青驗之如匠色失主又云婦於火光下覘得益鉉并
孔俊貌懷出所捕者數人令婦雜視之婦指一人曰
此益鉉也又指一人曰此孔俊也益鉉既誤指孔俊
已久死獄中矣捕者抵罪益鉉等俱得釋江右屯田
積弊多端催科最大貸耕次之懷分屯卒十人爲一
本朝分省人物考 卷五十五 十六 浙江十四

擒廖等倡亂者十數人斬之泉民安樂平民朱堂姪
留乞患惡疾堂恐傳染逐之一日丐市中堂見之恥
誘令歸杖殺瘞之弟挺與里人丘確交惡確覘挺至
其鄰家欲歐之挺逃只獲其義男而釋之趙歸
堂匿之而以所瘞留乞爲趙尸訟確坐以抵死懷覆
訊曰義兒當有父母或親屬令逮之堂聞遂無人色
懷益疑密拘果得趙確始白永豐民羅益鉉與其徒
孔俊等數十人素頗不檢偶鄉有被盜失去衣九十
件首飾十數衆疑益鉉等捕其三十餘人於獄并搜
其所有以抵賊謂連劫七家也拷死者七餘亦誣服

所向如破竹時有巨魁饒斌者出沒猺洞恃險為勢十年來聞懷至即面縛就擒餘黨悉散湖湘之民號懷為長城七八載間政聲籍甚 上謂不可以屯局擢為憲長以溇湖惠懷則輕車熟途百廢具舉每見臺獄滿五十人則憂形於色必兼案疏次數月訟庭可羅雀丙午冬擢江右右方伯尋轉左江右之民喜曰湖人還我父母矣時贛洞寇起殺傷官兵監司帥聞畫無定策懷曰易圖也寇甚猖獗難與爭鋒但更番據要截歸路則我壯彼老滅之必矣後果如懷言郡邑吏役率以財勢叅克纔履役即剝民以償此寇

本朝分省人物考 卷五十五

十七

浙江十四 張子玉

之招也懷惟擇農民之秀者克之財勢一無所施用是民免吏禍弘治戊申 孝宗登極以左翊重鎮非懷不可遂召入都臺領 璽書整飭幽薊邊備兼巡撫地方懷出郭門首嚴關界次廣儲蓋又次恤疑獄時洪潦為災衝崩關口九十餘處城垣五千四百餘丈墩臺四十六座官廳樓鋪營房三百餘屋官兵盈甲鎗牌弓矢漂流無算懷具疏 上請簡差把總有材力者十餘員領官兵分方督造懷往來巡視不數閱月谷口畫圖獻功兵器照目補足適畿甸大荒兵民失業懷恐根本動播遠夷窺覘疏請京通薊三倉

米五萬石戶部銀六萬兩發下州縣驗口俵給一時流徙人民達官舍餘諸人皆待懷為命尋又疏借內帑金帛出為糴本分官易允克實州縣倉廩以備後虞畿民賴之八月錄重囚懷平反矜疑十有六起所活甚多如隆慶衛戎丁楊海受亡命者宋瓚王玉等八人財賂引之越關海以石毆破瓚腦王玉輩見海身帶兇器不敢救護而去瓚昏久復蘇以此訟海訊者議謀傷人而不死亦絞懷又辯曰瓚與玉等八人同行海惟一身安敢殺之既殺胡舍其身之兇器而用石耶此必玉輩有財與海而瓚獨無因與相鬪而

本朝分省人物考 卷五十五

十八

浙江十四 張子玉

傷耳只宜議以鬪傷罪之辛亥春陞南京刑部右侍郎力疾抵任諸司屬以懷老法家凡大小疑獄必親受指揮而後填案懷疏決如流無不愜服癸丑春年六十三卒

俞 蓋

俞蓋字廷臣桐廬人成化中以進士拜監察御史出按真定等府中貴人傅恭家豪斂民田前御史率賄韋兩端莫敢辨蓋毅然割其田還與民且劾奏恭不法獲其黨惡者數人治之時恭方幸於 上眾莫不為蓋危事且不測竟獲免出按江西九江外戚王氏

萬氏勢方烜赫其下恣橫境中吏莫敢問蓋執而械之貴戚斂避吉安知府許聰以剛愎凌上與臬司相訐奏事下蓋時權貴必欲置聰死蓋持平不阿忤權貴意謫判澧州至則檢閒田十頃以業貧士建義倉儲穀以賑饑氓大築堰陂溉田可萬頃環百里無旱憂巡撫上其績擢知茶陵又知六安州時流民嘯聚於邸急之則變緩之則爲後憂又擢知鄖陽傳詢民隱寬猛並施學校城池祠壇廨宇方秩然修舉而忽遘疾乞致仕歸矣行至武林卒春秋五十有五蓋所至喜興除利害疏滌冤獄吳橋民趙綱家居於盜莫跡其所由起蓋以御史至其地綱見于夢焉厥明捕盜六人下獄人以爲神平生博學工詩尤工書深得晦翁筆法卒之十四年仲子諫以進士拜南京監察御史進蓋階中議大夫贊治尹

俞諫

俞諫字良佐桐廬縣人弘治庚戌登進士授邑長清邑值旱饑至輒跣足走禱且賑濟其不能存者每歲春給牛種勸之耕暇則會邑諸生講析經義懇懇不倦使使者屢上其治狀戊午擢南京江西道監察御史同僚有匿親喪者諫曰事親孝故忠可移於君彼

本朝分省人物考卷五十五

十九

浙江十四
陳元

既忘其親矣況於君乎竟劾罷其官奉 勅清西戎戎籍廉明不苛積弊盡革其後御史因其法不敢變至爲師善碑以紀之乙丑轉河南按察司僉事雪花厓賊呂梅等作亂率兵破之擒梅以還俘其黨數千人是冬丁母憂正德三年服闋復除山西按察司僉事逆瑾方擅威福嘗出內批遣寺丞往邊境諸郡取兵爲他用諫慮其意不可測往白巡撫大臣寢其事瑾大怒方欲中以法不果已已擢江西布政司叅議袁州有富民構訟累年不能決諫閱案良久曰吾得之矣卽坐其爲首者一人於獄訟遂息旣而大帽山

本朝分省人物考卷五十五

二十

浙江十四
陳元

賊鍾仕高作亂復平之功旣上擢廣東按察司副使中道召爲大理寺右少卿已而轉左是歲江南治水乏人公卿僉薦其才可任遂陞右僉都御史總督水利於蘇杭乃作歌論民築圩塘以扞水民享其利衆議方急開白茅港諫謂港近海沙隨潮下上徒勞民力耳上疏罷其役七年擢南京右副都御史奉 勅操江癸酉江西奏姚源賊王浩八率五洞蠻兵劫掠州郡勢甚猖獗 上勅往督軍吏揀選將吏運籌靡間晝夜征凡九皆大捷遂蕩平其巢穴又增置萬年縣治建城池豁賦稅以功進右都御史賞白金表裏

詔復巡撫其地建昌賊曰徐九齡者為患尤劇積三
 十年官軍不能討復命師盡擒以還 上喜手詔褒
 獎加俸一級時宸濠方蓄異志以得 上賜欲撫臣
 以下朝服諫不可又去其左右為惡者濠怨甚屢欲
 殺之乃以疾乞休濠內賄閣權以奪其官既歸杜門
 不出者六年惟開義學校鄉子弟暇則讀書賦詩而
 已嘉靖元年召起督漕運兼理巡撫清冤獄黜貪吏
 所至肅然漕政壞思減推挽之費疏請二分而折其
 一上下稱便寶應湖水蕩嚙堤岸命植茭蒲其側蜿
 蜒如龍然水患以平今所謂清龍港者是也會歲凶
 本朝分省人物考 卷五十五 三十一 浙江十四
 又發粟賑濟全活者衆河南賊王堂等往來寇淮西
 諸縣諫下車未浹月即平其亂有司誣良民為助者
 即審釋之皆感泣而去二年召入治院事守法詳刑
 明察嚴勵諸御史 敬服焉三年致仕卒贈太子太
 保謚莊襄

王浚

王浚字德深號玉泉衢州建德人少有大志卓然不
 羣同邑張大尹見而奇之許妻以女攜授業焉弘治
 戊午以春秋舉于鄉正德戊辰擢進士授荊州知州
 愷悌宜民時逆瑾擅政中貴有占民產為牧地者爭

之不得乃鳴于朝逮繫錦衣獄瑾誅乃釋丁丑以內
 艱服闋陞刑部江西司員外郎 武廟南巡拉諸寮
 疏諫被杖幾斃罰俸半年庚辰出為山東按察司僉
 事兵備沂州清慎而政肅嘉靖乙丑進貴州威清兵
 備副使有土夷吳尚賢偶得宋印持以爭官構亂設
 方略擒之不費兵餉而地方以寧撫按上其事特蒙
 恩賚又土舍安萬銓驕蹇不奉召浚以誠信撫之適
 鎮守土夷恃險作亂久不能平衆謂非安氏兵不可
 破移檄以召即馳赴剿平之戊子陞四川右叅政未
 行銓曹以貴陽軍旅方棘遂進按察使巡撫葉中丞
 本朝分省人物考 卷五十五 三十一 浙江十四
 嘗舉以自代不果用庚寅轉河南左布政使辛卯擢
 尹順天謂所親曰吾昔守薊地衝而民貧役不能堪
 霸饒而僻民力甚紆吾今得均之矣蒞任未幾遂均
 二州之役為霸人所中又以直道與按治者不協劾
 其違例更役乃左遷福建右叅政歷右布政擢右副
 都御史提督南贛等處軍務奉宣德意以誠信為撫
 申以威嚴咸戴其恩革心向化數年之間師旅不興
 帑儲大省南安守欲求規薦密置數百金於米囊以
 獻覺而叱去之聞者悚然己亥進南京刑部右侍郎
 尋改刑部未幾 九廟災遂懇乞致仕嘗曰人生貴

知足爵位原非已物見得透則無往而不自得矣素性勤儉非疾病未嘗不鷄鳴而起暇則手不釋卷其服用淡如也凡祖業所遺悉推讓諸姪曰祖宗積德而發於吾幸有祿位又可與爾輩析其私耶凡親故祈請卽力爲維持不責其報尤樂道人善極口稱誦過亦不能容然不藏怒焉故馭歷中外餘三十年所至無事烜赫而去後之思恒不能已

補遺

何海

何海字彥廣浙江建德縣人永樂四年舉人宣德五

本朝分省人物考

卷五十五

二十三

浙江十四

年除福建道御史巡按交趾建言請永豐知縣丁憂復除寧國縣陞福建布政司理問累陞本省左叅議致仕

洪弼

洪弼字士直淳安縣人景泰二年進士除河南道御史巡按雲南天順元年陞江西僉事丁憂復除湖廣四年征勦靖州洞猺有功陞江西副使福建按察使貴州左布政疏請致仕

衢州府

鄭辰

鄭辰字文樞西安人永樂丙戌進士勅歸進學以需大用丁外艱哀毀踰禮戊子服除觀政刑部鄉人有姓邵者坐事繫部獄欲以重貲託爲求免辰堅拒不納已丑拜監察御史惟以一力自隨居室之中蕭然環堵毫無長物每日趙清獻吾師也辛卯安福民與人有怨誣以謀逆欲置之重典上命往察之具得誣狀而民以不寃乙未秋諸番之人有寓福建以暴悍殺人者事聞上意其叵測命往按之給衛卒

本朝分省人物考

卷五十五

三十四

浙江十四

五百以備使令比至察得番人無他止坐首惡者其餘盡釋之焉丙申人有言南京報恩寺受役囚徒有怨謗語命往驗之竟無實由是得免者以萬計谷庶人謀不軌察其實具疏以聞上語尚書方賓曰是可謂國家耳目臣矣爾當識其名灤州人告官吏爲已害旣逮治矣復命辰往按之得其實多見宥免上知其忠實稱任使可以大用戊戌秋超拜山西按察使獄有姑告婦忤逆者察其誣上奏出之藩使有簠簋不飭者糾治之好惡予奪必以公不以情庚子潞州盜發有司以叛聞詔遣大臣發兵往捕辰以

事在京師 上命亟還山西以計撫定辰日民豈敢
叛特畏徭役而已請毋發兵遂奉命往親入山谷以
開喻之民見其來皆感泣願復為良民潞得以無事
辛丑 朝廷轉粟赴山海以給軍餉禮部侍郎蔚綬
總之山西民丁則統於辰道遠民勞多所逋負綬下
令嚴督所司於山海貸錢償之辰日山西民貧且悍
急之則鳥獸竄姑緩之使自為計卒不肯舉貸而逋
負者亦以次漸完綬雖怒辰不如令然終以為能愛
民癸卯丁內艱丙午當起復山西軍民感其德伏闕
乞還原任 上從之戊申召為南京工部右侍郎乙

本朝分省人物考

卷五十五

二五

浙江十四
陳一元

卯 英宗即位特 勅遣辰往四川雲南貴州考察
諸藩憲大臣至嚴覈其不職者奏罷之人皆服其公
明正統丙辰有建議於大名開河引其地諸水通衛
河辰以為非便徒勞民力爾乃疏奏罷之戊午遷兵
部左侍郎己未同豐城侯李彬轉餉宣府大同而鎮
守都督譚廣不聽奏劾之事以辦集癸亥春持 節
冊封鄭王長子為世子既還得風疾 命太醫院給
善藥少差即出視事疾復作醫不能愈乃告歸卒焉
辰素性寬平舉止行藏多根於涵養即升沉譽毀變
態不齊而堅凝之識不為所撼故任率天理而重義

輕利恤人之患忘人之過初登進士歸人勸其與兄
弟分產業不取悉以讓兄弟人有貸其大父白金百
兩不能償者憐其貧取故券焚之在山西時同僚有
杜僉事者嘗與不協及卒為治喪妻子以艱險不能
歸辰適考績乃攜至京師又為之經營俾得還其處
心之厚如此

金 實

金實字用誠開化人 太宗入正大統請闕獻書以
君德民政為綱躬行仁義虛已納諫明察善斷審於
用人恭儉節用為君德之目厚風俗尚廉耻省刑罰

本朝分省人物考

卷五十五

二十六

浙江十四
李五

薄賦稅愛民力為民政之目 太宗嘉納其言復親
策之對稱旨命入翰林與修 太祖皇帝實錄書成
賜以金幣永樂紀元擢翰林典籍修永樂大典未幾
特選為東宮講官時 仁宗在儲位眷顧累加丁亥
以外艱去服除陞左春坊左司直即日侍經筵講說
詳明隨事納誨辛卯丁母憂哀毀成疾甫十年始起
任職 仁宗登極簡宮僚輔導諸王授衛府左長史
是歲復召入西掖纂述先正格言以備顧問宣德丙
午歸謁先塋 恩賜優厚拜奠既畢日召鄉黨宗戚
相與燕樂以榮 上賜既還益以輔導為已任 上

深敬禮之 英宗嗣位郊祀謁陵悉以命王左右之力居多戊午春王薨已未春為禮部會試同考官事竣上疏乞骸骨命下而卒享年六十有九天性至孝少遊學宮以不得奉旦夕歡朔望歸謁必奉觴上壽以悅親心父沒奉母宜人娛養備至友愛季弟老而弗衰處鄉黨以誠信善則揚之過則從容規之子弟好學者激勵而誘進之至於周貧恤難不吝所有故人林文郎卒於京親為殯斂歸其遺骸太學生江表死無所托既為治喪閱其篋得白金數十兩封識以歸其家敦行節儉而賓客過從即命酒為歡論談竟日亶亶忘倦閱經史日有程限或有事妨夜必補之不以寒暑少廢故經史子書以及陰陽星曆醫卜老釋諸書悉能探其願而究其奧嘗曰人不能無非覺而正之斯善矣蘧伯玉行年五十方知四十九年之非因以覺非名齋賦詩自警為文章春容暢達詩則和平冲淡無雕琢之病有集若干卷藏於家

樊瑩

樊瑩字廷璧常山人幼敏悟篤學未冠知自勵屏居山寺潛心義理冬不爐夏不扇者凡三年景泰丙子舉于鄉天順甲申登進士引疾歸養久之拜行人司

本朝分省人物考

卷五十五

二十七

浙江十四
張子玉

行人奉使西川餽金不受王官作却金亭以表其清成化庚寅擢監察御史山東盜起奉 璽書巡剿不逾月得其首以歸清理淮陽軍所條畫事宜至今為例已亥按雲南以檄諭交人中其要害交人懼而納款中貴人左右撓法眾為瑩難之瑩至開誠與語為定要東有犯者痛繩之貴人悟而自戢後卒以善去德之終身丁憂服闋知松江府松賦重役繁自周文襄公後法在人亡弊蠹百出其大者運夫耗折稱貸積累權豪索償無虛歲而倉場書手移新蔽陳百計侵盜眾皆知之而未敢以處瑩至晝夜講畫盡得其

本朝分省人物考

卷五十五

二十八

浙江十四
張文

要領曰運之耗以解者皆齊民無所統二利歸狡猾害及良善而夏稅軍需糧運綱費與供應織造走遞之用皆出自秋糧餘米既收復糶展轉迂回此弊所由生也乃請革民夫俾糧長專運而寬其網用以優之稅糧除常運本色外其餘應變易者盡徵收白銀見數支遣部運者既關係切身無敢浪費掌計之人又出入有限無可蔽藏而白銀入官視輸米又率有寬剝民權趨之於是積年之弊十去八九而田野之間無復睚突叫呶之患考尋文襄立法初意舉其徧弊而通融之以為經久之計如清水鄉竈丁草蕩以

絕富人之兼并革收糧囤戶以消糧長之侵漁取布
行人代糧長輸布而聽其齎持私貸以贍不足皆有
惠利及民而公事沛然以集巡撫使下其法于他州
俾悉遵之以母憂去在官甫二載松民懷至今弘治
初詔天下舉異才南京工部侍郎黃孔昭以瑩應吏
部尚書王恕聞之喜曰薦人者當如是矣將驟用瑩
而未得其所庚戌起知山西之平陽明年春即以爲
河南按察使時河溢境內漂流數萬餘家瑩躬蒞賑
卹所全活甚衆河南錢穀於北州爲浩穰巡撫徐恪
欲考見本末而衆難之以問瑩瑩曰視萬猶千視千

本朝分省人物考卷五十五 二十九 浙江十四 張文

猶百夫何難顧非職耳徐公舉瑩以代旬日間宿蠹
一清衆皆服之七月陞應天尹京府素稱難治而守
備蔣琮者尤怙寵作奸與言官奏訐連歲所蔓引罪
黜甚衆而事終不決瑩承命推鞠初若不與異者琮
規知之不爲意最後及山陵龍脈事琮遂得罪去瑩
在府屢治大獄舉法不阿類若此是舉衆尤稱快謂
絕類王沂公之去丁謂云應天故有常例錢數千緡
以給宴勞瑩至悉歸罷之民及壬子鄉試乃出其在
官者助場屋費是歲陞南京工部右侍郎尋改左副
都御史巡撫湖廣兼理軍務錦田賦與兩廣猺獞爲

寇聚衆幾三萬人瑩謂不開其生路賊將致死於我
乃下令除首惡必擒餘悉置不問賊聞之稍稍散去
遂得其倡亂者十八人置之法而牒其餘歸本貫兵
不血刃一方以寧於是巡屬水旱連二十州而諸藩
府繕修未息公私困弊衡州等處乏鹽瑩奏通廣鹽
收其餘利以助工作給賑濟又奏停綾紗紙銀數萬
兩奏減襄府琉璃瓦料以常瓦參之奏止安陸州展
北城以益藩府地凡省費數十萬故年雖稜而民不
甚困以疾乞休致總兵官鎮遠侯顧溥上疏懇留謂
瑩在湖湘官吏畏其威軍民懷其惠疾不至甚政賴

本朝分省人物考卷五十五 三十 浙江十四 張文

以和從之將失衆望而瑩請不已章三上許歸就醫
藥閑居七年未嘗入城府家遵教飭無絲毫過辛酉
以舊官起撫治鄖陽改南京刑部右侍郎十六年兼
都察院左僉都御史巡視雲南時年幾七十矣單車
屏從躬訪利弊雖巖阻瘴癘人迹所不到之處一一
履行奏劾鎮守及巡撫官罪狀黜不職文武吏千數
百員修城池勵兵馬賑貧窮撫流散威惠大行有爲
土官奪其牛不還者聞瑩至走愬之瑩還其狀曰汝
第歸彼今歸汝牛矣已而果然且請瑩伏罪瑩慰而
遣之他土官聚兵仇殺且攻城有司不能制以白瑩

瑩曰吾在賊敢爾耶不去當直擣其巢穴舉其族覆之聲聞卽斂兵退其爲蠻夷所畏服如此召爲南京刑部尚書疏決無滯犴獄幾空乙丑夏上章乞致仕逆瑾用事摘其勘降平侯承襲事落職爲民又以守松江日裁減官布以蘇民困責輸米五百石瑩怡然受命然自是家益貧戊辰以疾終又明年瑾誅詔書盡復其官秩爲人誠懇簡易不事邊幅於世味澹然未嘗有所好布衣蔬食僅適口體陋室敝廬僅取蔽覆鄉隣老穉耕夫牧豎見者皆接以欵誠而聰明果決遇事立斷通而有介正而不迂在言路抗顏直論

本朝分省人物考

卷五十五

三十一

浙江十四

聞者縮頸更兩郡去之日一物不以自隨宦途來往四十年水行單舸陸走隻輪而已一時正人君子雖交口稱之而沮之者亦力瑩常先覺急流中輒勇退故不爲所制而卒能全其高居家孝弟事父素軒意誠色順未嘗有違忤從兄早世撫其孤不異已生子孫皆授以恒業愛而能勞雖處高位而皆朴愿力學無貴驕氣由教使然也年七十五贈太子少保謚清簡

周文興

周文興字用賓江山人正德二年進士甫登第卽疏

疾乞歸讀書于江郎山中者八年部檄促之官起爲刑部主事歷官鴻臚卿在仕屢起屢退前後實歷不踰二考廟堂重其恬泊特踰次遷之得至列卿嘉靖十六年懇章致仕愛杭山水之勝築室清平山下凝然兀坐終日無憊色葆真頤和寄思塵壒之外與人交樂易無城府玄言高論意豁如也總督尚書胡宗憲表其里曰高士坊與夙講理學而兼通攝養能百日不食試以木椎擊顱骨不作痛楚嘉靖三十九年與壽八十二矣偶微疾預知死期以刺徧別所知而後屬續歸葬江山山羣公爲肖像故寓祠之

本朝分省人物考

卷五十五

三十一

浙江十四

趙鏜

趙鏜字仲聲號方泉浙之江山人嘉靖丙午赴棘闈試主司亟賞歎之曰不意寸晷中有此奇作也拔高等丁未成進士仍選庶吉士讀中秘書改授河南道御史督長蘆漕政時軍興需鹽課甚急人以儒者易之而鏜獨悉心經理尋究弊源逾月條上封事皆中肯綮老吏所不能及會代改應天巡按慎舉刺勵風裁諸不法事以柱後惠文彈治之威名大振適南畿學政缺命鏜董其事寔壬子四月中旬也時棘闈期迫就試者不下萬人士之夤緣干請者一切峻絕之

不為動歲乙卯按江南益矢虔慎所命題皆人所不能期而品題警校即與論所預擬者不爽尺寸內閣瑤泉申穎陽許荆石王皆所深獎而首錄之者也其他布列中外展采錯事者不可勝數益督學官之得士未有如此多者丙辰秋以疾乞歸仍補河南道刷卷畿輔擢順天府丞時府方缺尹諸務蝟集鐘以臺臣夙望飭典法繩之大府帖然無敢闌出入者無何改大理少卿民相率以不寃賀而父泉塘公訃至矣晨夜馳還哀毀骨立丙寅服除陞騰黃通政未蒞遂擢都察院右僉都御史既荷殊眷日夜奮勵思所以

本朝分省人物考

卷五十五

三十三

浙江十四

報 上為條六事以獻 世廟益器重之方注意大用未果 穆宗改元鐘為舊臣移疾乞身歸里杜門不問外事暇則與一二親故徜徉文溪間取古人四留義更號留齋居士鏜兩朝舊臣籍落有抱負始與江陵相同年又同館人謂馳一東道地立可召用而傲然不屑也曰吾奚敢忘 朝廷且如吾志何所著有留齋漫稿趙氏家譜六卷行於世

吳 嘒

吳嘒字景端開化人也通書易春秋以鄉舉入太學與蘭谿章懋安福劉戩四明楊守阯交責善輔仁多

所裨益既而諸子皆舉進士位大僚而嘒久不調太息曰親老矣尚擇祿為耶就江浦教諭迎其父就養教以敦本力踐為先務學東有隙沮洳鑿池種蓮亭其中曰求樂與莊行人景日淪浹灑然於吟風弄月之趣相樂也提學御史及按史賢者並以為有道賓禮之久之乞終養歸朝夕養志不違燕適諸可以娛親心者靡不致焉執親喪一於禮老猶毀頓與弟疎怡怡友愛始終無間言追復遠祖祠田歲時祭掃胥宴集胥訓告以合族鄉間質平獄訟衰息焉嘒學專為已不溺於記誦辭章之習自江浦歸家食餘二十年郡邑子弟及四方來學者履常滿嘒書太極西銘示為學本原及舉管子思之思之又重思之之語為窮理之要又謂學者日學欲有用須養氣氣克即天下事無不可辨者人士即所居稱文山先生

本朝分省人物考

卷五十五

三十四

浙江十四

何 倫

何倫字宗道別號東山江山人天性至孝居父憂哀毀踰禮事母尤曲意承顏家雖貧甘旨不缺衣服必備或營辦不足輒借貸於人日不若是何以慰吾母心及母亡殯斂遵古禮疏食三年如一日喪畢猶不釋服不入內鄉飲亦不赴曰吾親在淺土吾其忍乎

郡守李公縣尹劉黃二公咸貽之葬時對使者拜受於家終不造謝曰吾罪人不敢至公庭也貧失學年二十七始發憤讀書初從陽明先生講學於越既而復從王心齋王龍溪薛中離諸公游晚年復拜甘泉先生於南都及歸克然如有得也日與西山東溪諸公切劘以終其身一邑令欲見之而終不可得適族人重役令日何孝子見我可免也倫薄其人竟不往族人怨且詈不顧也一夜盜入其室竊器物而出倫覺其人而不呼將取釜始言日盍畱此備吾母晨炊盜赧然盡還其器物大聲日盜孝子者不祥自是其人不復為盜噫若孝子者將非王彥方之流也歟

本朝分省人物考

卷五十五

三十五

浙江十四

補遺

葉貞

葉貞字惟正浙江西安縣人永樂二年進士四年由庶吉士授江西道御史巡按山東河南福建督學南畿陞江西副使被誣逮繫成祖燭其誣超陞右副都御史卒

吾紳

吾紳衢州府人永樂甲申進士選為庶吉士入翰林頃書因與同列言理刑太宗聞之遂俱改刑部

主事治獄寬平有名稱尋陞郎中超拜禮部右侍郎太宗謂尚書呂震曰吾紳出自翰林可佐卿典禮矣既而為震所擠出為廣東右叅政尋復職改南京刑部奉命考察兩廣福建方面官有叅政素貪贖結權要且以紳為故僚友紳竟黜之時稱其公還朝復禮部侍郎卒紳性率直於人短長無所較視榮辱若不介意初拜侍郎時衣冠畢賀而一室蕭然了無供具有謂之日拜官不祀先會客乎紳笑唯而已

毛愷

毛愷字遠和浙江江山縣人嘉靖十四年進士由行

本朝分省人物考

卷五十五

三十六

浙江十四

人選廣西道御史疏畱鄒守益忤執政謫寧國府推官陞南工部主事累陞刑部尚書疏請致仕

王璣

王璣字在叔衢州府西安人嘉靖進士選授兵科給事準古酌今論關時政而急於內閣重權以防壅蔽尤人所不敢言者虜寇大同將臣失律反以捷聞奉命查勘功罪盡得其鈔略驅槍實跡及各官行事直疏以聞邊鎮股粟烏思藏乞襲天乘法王於所貢方物外私進鍍金古佛一尊舍利十顆上言明好惡訓華夷以垂法萬世詞嚴義正識者聽之外補

僉憲轉副使備兵天津沿河皆屯所無司庾者奸人時駕小艇名假質鹽實窺便攘劫覺而追之莫可指實乃籍其船戶官為編類令船尾各書一禽以相識別因得徑指船禽以赴訴盜無一得脫者河道肅清值九廟大工之役部委撈尋飄流木植親歷沿海敲水伐葦獲木無算歷晉右僉都御史時權貴欲市恩援以附已屹不為動乃嗾言官裁革添設重臣回籍聽用一意斂退更無意天下事矣里居十年歿所著在菴遺稿藏于家

王敏

六月分省人物考

卷五十五

三十七

浙江古

王敏字進德寧海人敏剛有廉隅不與人為款行其家固貧當其為學飽渴取杯水飲休休然若飢梁肉者入非類雖欲飲食之弗能也嘗與其友夜讀空舍中夜半隣女以事叩門求宿甚哀其友欲納之進德曰吾在此誰敢入此門其友愧謝貢入太學分教其方敏將苦其清介欲試之召飲酒悻婦人於偏室其醜內進德其中鎗門以去進德入見婦人排門出之尋拜御史免歸時葉伯巨郭濬皆負豪氣不服人至進德則自謂弗如也

人物考卷之五十六目錄

浙江温州府

黃性

黃淮

趙新

孔克表

王綱

卓敬

李任

韓偉

湯宗

尹道遜

章綸

鮑輝

周旋

高友璣

朱諫

張璉

陳璋

王敏

王叔果

項喬

王叔果

張德明

補遺

周丹

鄭采

婁濬

李顯

處州府

劉基

章濂

王景

劉璟

葉希賢

俞得濟

六月分省人物考 卷五十六目錄

浙江十一

李棠

陳詔

薛希璉

金文

潘葵

金忠

附子祺

周南

鄭汝璧

祝大昌

補遺

葉子奇

胡深

蘇民

施山

本朝分省人物考

卷五十六

十一

本朝分省人物考卷之五十六

浙江 温州府 處州府

黃性

黃性字思恭浙江永嘉人少保武英殿學士淮之父也元季亂方國珍據溫台諸蟻附者勢蹶動閭里性杜門不交歲大祲家落躬粗糲而養親必豐天下既定家復振推其餘以贍親戚鄉黨內弟王時中孤貧無依性撫之資之學已資之入太學為諸生及授官坐事沒其家有司以性同居併沒之性叩有司曰產當籍不敢辭願得先祠神主及先世遺文耳得之以傳其親戚曰幸為我保藏之如先德未泯吾當還此不可失也求先御史檢法袞於宋所受告身亾之則大慟既至京訴其狀於朝得釋歸而告身實未燬復得之則大喜曰復此它萬金不惜也後子淮既入春坊為學士事 仁宗監國屢有問賜洪熙初進封榮祿大夫少保戶部尚書武英殿學士如子官於是性年已九十矣益惇謙謹雖五尺童子必接之以禮隣惡少嘗侵其蔬地弗與校惡少後復侵官地吏逮治竟寬之閩士陳興祖者清尚人也與厚善客死永嘉歿之盡禮而繪其像時時對焉後淮謝病歸日侍

父子陶然比得疾手書數字付淮大要以忠君報國為重而喪戒循禮毋近俗卒詔遣官賜祭葬加厚焉

黃淮

黃淮字宗豫永嘉縣人洪武丁丑舉二甲進士授中書舍人壬午年靖難師過江同百官歸順 文皇入正大統首召見訪以大政深稱旨簡入內閣授翰林院編修尋進侍讀一日有告黨逆者淮言於 上曰洪武末年已有勅禁革不宜復舉 上從之而大獄遂息吏部以南人官北士不效順者例編伍淮曰近勅凡征討官員與舊官事同一體若復追罪南人是

本朝分省人物考

卷五十六

二

浙江十五

示人以不廣也

上即罷之永樂二年

上命解縉

與淮為主考得曾祭等四百七十二人撤棘入覲

上以得才之多為之甚喜三月

上欲立東宮預問

淮對曰立嫡以長萬世正法 上意遂決冊立 仁

宗為皇太子命淮為庶子仍兼侍讀五年遷右春坊

大學士仍兼侍讀輔導 皇大孫七年 上巡狩北

京命蹇義金忠楊士奇及淮留守南京諭曰朕留汝

四人居守猶唐太宗簡輔弼監國必付房玄齡也卿

等其識朕意八年 車駕親征胡虜適長沙妖人李

法良作亂 皇太子命豐城侯李彬討之漢王濬彬

不可用淮曰豐城老將必能成功兵貴神速宜亟遣

之以掩不備既而法良就擒果如淮策九年虜酋阿

魯台來降請併女直吐蕃請部屬共約束淮曰北虜

狼子野心離其黨使各為心則易制若併為一則難

圖矣 上顧左右曰黃淮如立高岡無遠不見十一

年西域烏思藏大寶法來朝 上命玉工以全璞製

印畀之淮曰 朝廷賜諸番制勅所用勅命廣運二

寶亦有限制今此璞大於璽書恐非所以示諸夷也

上嘉納之再命留守南京陞翰林院學士十二年漢

玉隨侍北征潛蓄異志日夜窺伺間隙流言監國之

本朝分省人物考

卷五十六

三

浙江十五

禍潛淮尤力值進表行在稍滯

上怒逮繫獄中凡

十年淮在狴犴惟賦詩引咎名曰自省愆集又即人情

物變寓之於言名曰自省錄會 仁宗嗣位釋之陞

通政使兼武英殿大學士仍領內閣事洪熙元年加

少保戶部尚書仍兼武英殿大學士時夏五月 上

不豫 皇太子往南京省謁 孝陵遣使召還既而

宮車晏駕羣情洶洶淮及楊士奇等佐鄭襄二王監

國及 皇太子還京即位大事始定宣德改元八月

漢庶人反 上率師親征仍命淮留守師旋固請歸

田父沒 上命以一品禮葬既襄事淮拜恩闕下遂

一第... 冊... 4... 5...

乞致政 上寵留累月賜遊西苑命乘肩輿登萬歲山賜宴山之麓翼日獻詩以謝 上大悅仍命宴餞於太液池且諭之曰明年朕誕辰卿其復來越明年如期至寵錫有加九月辭還歸田杜門不接世故者二十餘年至正統十四年乃卒於家壽八十三謚文簡准勤慎周密於職務無所不舉其識見尤爲人所不及所著有介庵集歸田稿

趙新

趙新樂清人博通經史洪武初舉任本縣訓導陞開封知府明于吏治郡人德之入爲國子助教尋陞山西右布政使憲度貞嚴綱舉理整後以翰林修撰致仕卒年八十一所著有四書說約行素稿

孔克表

孔克表平陽人孔子五十五世孫博學篤行尤精于史學洪武中薦爲翰林修撰 上篤眷之凡有著述咸皆稱旨

王綱

王綱字性常永嘉人善識鑒有文武長才少與高則誠元章相友善往來山水間時人莫測也元末嘗奉母避兵五洩山中有道士夜投宿性常異其氣貌禮

本朝分省人物考

卷五十六

四

浙江十五

本朝分省人物考

卷五十六

五

浙江十五

敬之曰君必補道者願聞姓字道士曰南隱士趙緣督也與語達旦因授以筮法且爲性常筮之曰公後當有名世者矣然公不克終曠下今能從吾出遊乎性常以母老有難色道士笑曰公俗緣未斷吾固知之遂去誠意伯劉伯溫徵時常造焉性常謂之曰子真王佐才貌微不稱其心宜厚施而薄受之老夫性在丘壑異時得志幸勿以世緣見累則善矣後伯溫竟薦性常於朝洪武四年以文學徵至京師時性常年已七十而齒髮精神如少壯 上問而異之親策治道嘉悅其對拜兵部郎中未幾潮民弗靖遂擢廣東參議往督兵糧謂所親曰吾命盡茲行乎致書與家人訣攜其子彥達以行至則單舸往諭潮民感悅咸叩首服罪威信大張回至增城遇海寇曹真竊發鼓譟突至截舟羅拜願得性常爲帥性常諭以逆順禍福不從則厲聲叱罵之遂共扶昇之而去則爲壇坐性常日羅拜請不已性常罵不絕聲遂遇害時彥達亦隨入賊中從旁哭罵求死賊欲并殺之其酋曰父忠而子孝殺之不祥與之食不顧賊憫其誠孝令綴羊革裹尸負之而出得歸葬禾山洪武二十四年御史郭純始備上其事得立廟死所錄用彥達痛父

以忠死力耕養母瓮衣惡食終其身不仕性常之沒
彥達時年十六云

卓敬

卓敬字惟恭瑞安人七歲時相工曰此兒骨髮殊異
必為名卿惜血不華色耳年十五讀書寶香山風雨
夜歸迷失道得一兒牛馮之歸比入門乃黑虎也洪
武二十一年進士除戶科給事中陞宗人府經歷進
戶部侍郎建文初 燕王來朝敬密奏曰燕王智慮
絕人酷類先帝夫北平者強幹之地金元所由興也
宜徙燕南昌以絕禍本夫萌而未動者幾也量時而
為者勢也勢非至勁莫能斷幾非至明莫能察建文
覽奏大驚翌日語敬曰 燕王骨肉至親卿何得及
此對曰楊廣隋文非父子耶建文默然 文皇即位
責敬不往迎敬厲聲不遜怒欲殺之而憐其才謂廣
孝曰諸奸臣皆欲首先誅朕唯敬諫徙封內地若聽
其言則干戈息矣廣孝曰不然南昌地居下流金陵
加兵特探囊取物耳使敬言誠用 陛下豈有今日
於是敬遂死敬臨刑從容嘆曰變起宗親畧無經畫
敬死有餘罪神色凜然經日猶如生夷三族 文皇
常曰國家養士三十年唯得一卓敬後四十年劉球

李朝分省人物考 卷五十六

六

浙江十五

傳其事秘謚曰忠貞敬立朝慷慨英偉美丰姿善談
論凡天文地理律歷兵刑皆能究察詩文峭拔磊落
所著文集五廿卷

李任

李任永嘉人洪武中襲父爵為燕山右衛指揮僉事
從 太宗皇帝起兵靖難以功累陞遼東都司同知
鎮守彰德宣德元年從征叛賊黎利守昌江賊既獲
都督蔡福逼令福至昌江城下呼任等速降任於城
上罵福曰汝為大臣不能殺賊反為賊用狗彘不若
用銃擊之賊懼擁福去賊以昌江為官軍出入咽喉
之地大集兵象用雲梯來攻任與顧福等留老幼婦
女守城率精銳出擊賊燒其攻具賊又築壘射城中
任夜出襲破賊營賊掘地洞欲潛入城任開橫溝用
將軍石擊之入者輒死城中士卒初有二千餘人前
後三十餘戰至是死者過半賊益兵眾攻圍日急相
拒凡九閱月人力疲困芻糧匱乏而賊益眾以雲梯
登城奪其門任福率死士三戰三敗之賊擁眾益兵
而入任與福不能支皆自刎死內官馮智指揮劉順
知府劉子輔俱自縊死城中軍民婦女不受屈辱自
死者數千人

李朝分省人物考 卷五十六

一

浙江十五

韓偉

韓偉温州人爲御史出巡河南鎮重有體一方藉以爲安及轉河東運使清操特著多所建白

湯宗

湯宗字正傳平陽縣人初由太學生擢河南按察司僉事改北平後陞山東按察司坐事左遷刑部郎中永樂初擢蘇州知府時郡內連遭水患細民流離逋租百餘萬石無所出宗不忍迫促諭富民出米代輸富民知其能愛民皆從其令不三月逋負悉完又坐事左遷知祿州用大學士黃淮薦召還授大理寺丞本朝分省人物考卷五十六 八 浙江十五 時外夷貢使病死使者從人謂醫殺之獄成宗閱牘嘆曰夷人於醫素無仇怨寧有故殺之理卒辦其誣明年河南水患民多流徙 仁宗在東官命宗往賑之比還命署戶部主事未幾坐累繫獄者十餘年 仁宗蒞祚復大理丞俄進左少卿陞南京大理寺卿宣宗嗣位命清理戎籍于山東時天久不雨宗極陳民間饑饉疲困之狀即日召還勅有司免租稅蠲徭役罷不急之務宣德二年卒年六十有三計聞遣官賜祭命有司治葬

尹道遜

尹道遜字克誠瑞安人穎悟不羣七歲能賦詩作字徑數尺有法宣德甲寅有司以神童薦于朝年甫十

二耳 宣宗皇帝聞而奇之面試其書嘉歎俾即文華殿績學供給甚厚未幾命爲國子生景泰庚午初授順天府照磨仍以書藝供奉遜不圖倖進母九十考最輒進一秩故自中書舍人五轉至太常寺卿仍考最食從二品俸凡歷仕四十年供奉勤慎未嘗有過弘治戊申年六十六上疏請老甚懇蒙賜致仕而歸蓋家居十六年以癸亥卒享年八十二爲人清心寡欲於世味泊如也公退靜處門無雜賓室無長物本朝分省人物考卷五十六 九 浙江十五 儵然如衲僧興至弄筆翰輒作書畫以自適或時吟詠發舒情思皆山林語若不知身在禁近者因自號坦然居士又號八一道人嘗著書一編推性命之原窺造化之妙有邵康節觀物遺意名雲山樵語雲山者所居之處也自秘其書不妄示人既歸貧而能守愈自高潔惟日登樓以雲山自娛未嘗一造郡縣門前郡守文侯林鄧侯淮重其風節數遣縣令存問周郵以尊禮之臨卒無一言及後事發其篋幾無以爲

章綸

章綸字大綸初名崙樂清人正統四年進士為主事南京禮部景泰初為儀制郎中屢有論建又條上太平廿四事及覆萬餘言又疏陳修德弭災十四事又言 皇上君臨天下十有四年 陛下親為臣子又以天位授 陛下稱 太上皇帝天下至尊也月朔望及歲時節旦宜率百官朝見延安門復 汪后於中宮以正壺儀復沂王於東宮以定國本 上見疏大怒下綸詔獄炮烙煅煉迫之引大臣及通南城狀體無完膚竟不承以鍾同先嘗上言并逮欲殺二人會天大風雨黃霧四塞乃止廖莊自南京來亦嘗請

本朝分省人物考

卷五十六

十

浙江十五

復儲遂縛二人至午門前杖一百鍾公死廖公遠謫綸錮禁獄中越二年裕陵復辟立出之獄中脫桎梏拜禮部右侍郎 上令內侍檢給十四事疏不得內侍從旁誦數言 上亟稱歎曰好官人綸繫獄久因有足疾會石亨招公卿飲不往短于上前改南禮部上命諭賜金幣文華殿遣行尋改南京吏部 茂陵即位有司以遺詔請大婚上疏曰山陵尚新元朔未改百日從吉心實未安釋服公除雖有常制顧諒陰大婚情禮自別乞勅禮部來春舉行成化元年兩淮饑條救荒四事四年勅會南臺考察綸欲盡去諸不

職者主者不可綸獨疏上南諸司構激言官並誣章劾之 上特遣侍郎葉盛給事中毛弘即訊留都經得白五年秋星變自劾不允秩滿轉左十二年請老卒 泰陵即位特贈尚書諡恭毅官其子立為鴻臚主簿成化初謝鐸預修 英宗實錄檢綸復儲疏不得輒歎息泣下曰公疏動萬言竟一字不傳何以示天下後世數白總裁劉定之應曰奏疏留中者例不書謝曰景泰數年間事孰此為大不書此奚書蓋請上增入錄中竟不從長子玄應給事中南京

鮑輝

本朝分省人物考

卷五十六

十一

浙江十五

鮑輝字淑大平陽縣人登正統癸丑進士拜刑科給事中為人外和內剛遇事敢言言必達大體上言有司抑配商鹽歛怨于上州縣官考滿貪緣保留為奸宜禁緝之延綏列校訐奏都御史不法往察其誣狀白于朝抵其罪山陝北直諸郡饑民流徙請分命大臣亟賑之仍寬其徭賦以安未徙之民邊將多役占軍士侵種屯田廢戍守虧邊儲請釐正其弊又謂承平日久天下軍衛多縱弛宜董之憲臣以嚴簡閱之法皆見采納正統十四年北虜入寇 英宗北征命輝督右掖軍紀戰功師潰于土木輝死焉子鳳奉衣

冠墓于先塋之次

周旋

周旋字中規溫之永嘉人也正統丙辰擢進士第一入翰林為修撰九載績最陞侍講景泰壬申進左春坊左庶子又明年正月二日夙興方盥櫛造朝忽得疾尋卒旋六歲喪父未冠又喪母孑然自立入郡庠為弟子員即奮發刻苦於學儔輩咸推讓之每以大魁自期雖屢弗偶而其志不少挫卒用有成入翰林適 詔選庶吉士俾績學中秘月為文章而考其成既在選首遂日夜進學不厭其業益修其名益重

本朝分省人物考卷五十六

十一

浙江十五張六

同考壬戌會試得劉君儼卷大稱賞擬實高等同事者沮之爭愈力已而 廷試劉君果魁選人服其識以疾在告久之還朝上疏萬餘言皆當時急務其於親賢遠佞勤政講學之類語尤剴切多見納用進講經筵與修歷代君鑑皆受白金文綺之賜卒時年五十有八與人交傾肝膽不事畛域有過從者輿至即歡留之奕碁觴詠忘其日之夕也為文章耻陳腐務出已意為奇語每日作輒呼酒引灌三數行索筆一揮千百言立就汗漫演迤理致泓然求者接屢於戶

高友璣

高友璣字肅政樂清人生有至性母病朝夕湯藥衣不解帶以孝聞舉弘治庚戌進士例得歸省及奉檄赴選途感異夢覺而驚遂復歸而母疾危克送終盡禮人以為孝感服除授南京刑部主事歷員外郎郎中治獄詳明諸司章奏悉資詳定十六年擢守九江聲稱大起正德元年陞廣西右叅政管田州府事田故夷方險地土官岑猛者坐與族類構爭削秩 詔以漢官撫之前官懼而逸友璣單車入境審夷情向背待以懇誠又宜 朝廷德威示之順逆利害始猛入見猶擁兵自衛久之乃遂款效束身聽命乃立學訓士置保伍以聯其眾歸被擄男女以數百計田人帖服竟不煩兵三年事聞 朝廷宥猛且復其官因徙友璣內地忤權倖仍以知府調衛輝郡當衝道民疲於供億一切裁損之請停黃河役寬負鹽禁衛人以甦五年陞江西左叅政尋轉山西按察使七年陞陝西右布政使八年擢右副都御史巡撫大同所至達政體赫赫有聲風采峻整貴倖數見裁抑十年坐是得既降二級致仕後起為兵備榔桂副使丁外艱未赴十四年以薦起為山東右叅政十六年轉福建

本朝分省人物考卷五十六

十三

浙江十五張五

右布政使本年 召為光祿寺卿嘉靖二年陞南京
刑部右侍郎四年轉右都御史總理漕運江淮數鹽
徒出沒為患請兵討誅渠惡若干人而招徠其眾革
驛傳費宿弊一清六年進南京工部尚書七年改南
京刑部已而召入為刑部尚書居僅三月餘謝歸平
居色溫禮恭至臨事疑疑操執不渝雖屢蹶屢興無
所依違姘姍故資久而後大用既用而不獲久云既
致仕以俸入構祠祀二尚書及刑書院買贍田教高
氏子姓及四方來學者朔望謁祠退考業講學以為
常所居僅敝廬布衣蔬食以終身蓋恭儉誠樸出於
天性然也卒年八十六贈太子少保謚讓簡

本朝分省人物考

卷五十六

十四

浙江十五

朱 諫

朱諫字君佐號蕩南樂清人弘治乙卯舉鄉試明年
丙辰登進士第授知歙縣其治鋤抑暴彊植立孱弱
縣有人誘富民子而殺諸山谷中跡甚秘富人訟于
縣久之莫能得也乃沐浴默禱于神神夜見夢翌日
如夢捕得之縣稱神君幸菴彭公守徽目其行事嘆
曰朱令殆天才吾弗及也時直隸最稱歙縣治丁員
外公憂服除改知豐城治如歙江西又最稱豐城縣
治遷知武定州在州以事忤權貴人亟白逆瑾瑾怒

本朝分省人物考

卷五十六

十五

浙江十五

將中以奇禍聞者莫不危之諫視事自若曰禍之有
無數也瑾其如我何會瑾敗免遷南京武選司員外
再遷郎中正德祭西贛州境有賊樓大帽山山延袤
閩廣千餘里中多溪谷賊憑要害時出為民患朝議
憂之於是部舉知贛州府事蒞任十餘日即舉兵歷
賊境歷行盤龍嶺諸寨鞬鞞鮮明甲卒練馭廉其勤
惰以時賞罰下令曰能捕賊者即與其所得賊貨官
無取人懷利競赴敵旬日殲渠魁數十俘其黨數千
人度賊窮慮遣諭之曰第降不汝戮也賊素戈矛以
首觸地流血曰公誠幸而丐我餘息者不敢復有異
志矣因散置於安遠龍南諸處給之牛糧賊感激遂
為良民居無何移知吉安府吉安江西巨鎮素號難
治又豪惡數家者投倚逆濠為虎狼境中前後二千
石皆悍濠置不敢問既至憤然曰守何為者而能坐
視鼠輩橫如此也且王府何與矣悉械繫之治如法
濠怒思有以中素服其威名恐未發於是時濠叛謀
浸成則儲餉募兵浚湟修垣人莫測其故會丁母憂
歸歸二歲而濠叛陽明王公嘗移書歸功焉諫頻頌
曰宗室負恩古今大惡不幸而吾廬中朝廷方流涕
行誅敢以為功耶服除自以仕途寡諧即決志謝事

結廬廬山臨眺廣宇徘徊茂林翛然有塵外之懷焉
時年五十有四子弟或進曰竊聞大人所歷仕地民
謳歌思德諸縉紳識與不識又咸想見光采世未忘
大人也大人何忘世哉冷然笑而不荅然間遇達官
貴人過從輒復取古今治亂興衰之迹聖君賢相之
業相與詆講言及海內多難則又未嘗不慷慨太息
也凡優游林下者二十有六年嘉靖辛丑初夏病作
諸子煮藥以進輒揮去之曰吾以儒生致位四品此
豈非命乎古人有言命乃在天何謂藥也越兩月卒
享年八十

張璉

張璉字秉用永嘉縣人別號羅峰既晉輔職 皇上
賜名孚敬字茂恭嘗蒙 召對 上有張羅山之稱
更號羅山早有異質克勵問學氣度端毅不與眾同
少遊郡庠弘治戊午以詩經中省試正德丙寅建羅
峰書院於姚溪聚徒講學造詣益充七試春官始中
庚辰會試時廷議 睿宗獻皇帝尊號眾論紛紜上
疏爲 皇上明父子之倫辭意諄切嘉靖壬午授南
京刑部主事甲申以議禮未決再上疏召至京廷議
陞翰林院學士乙酉進 廟御議疏陞詹事府詹事

仍兼學士丙戌擢兵部右侍郎經筵講書如舊時璉
請告省墓已陛辭 上命鴻臚寺卿魏澆諭旨留之
會吏部推堪任兵部 上命別推以璉名上遂用之
即日三遣中官宣令治事進謁廟議及奉安 獻皇
帝神主禮儀丁亥轉左進大禮要略 命開館纂修
明倫大典及 命欽明大獄勅署都察院事振肅有
條 賜勅獎諭及二品服色金帶仍給三代 誥命
陞禮部尚書兼文淵閣大學士仍奉 勅照舊纂修
兼管都察院 命兵部侍郎周倫佐理院事 諭勅
銀圖書二一日忠良貞一一日繩愆弼違 賜玉帶

一理院事未久而釐正爲多論邊務審邊將明憲綱
革貪暴并奏革各處濫設鎮守內臣清近京 皇親
庄田宿弊戊子加太子太保尋加少保 上享太廟
回侍道側 上屢顧之賜詩褒美有貌奇真才傑形
端志氣伸之句又曰予喜荷天貺賚賢作邦珍再
賜玉帶進姚溪書院集 賜書院名賢義堂名抱忠
命有司於書院中建敬一亭石刻御註范氏程氏五
箴 命註冠服圖成賜勅并金幣蟒衣以災異辭免
修書院 慰諭不允本年六月明倫大典成加少傅
兼太子太傅吏部尚書謹身殿大學士給四代 誥

命廕一子為中書舍人 章聖皇太后賜諭慰勞并賜金繒撰 孝潔皇后冊文及哀冲太子墳志皆有賜建議請言宣諭杜私謁重制誥平潞賊定服制應制陳言曰審幾微專委任惜人才求民瘼皆見嘉納勅所司舉行已丑命主會試天下士尋勅諭重修大明會典是年夫人蔡氏卒於京 降旨安慰命禮部尚書李時諭祭遣員外郎張寰督有司治塋事八月以災異辭准休致至天津遣行人周釋齋勅守取復任慰諭再三仍賜銀記一枚庚寅賜明倫大典大學衍義五經四書各一部知建造四郊丘壇事修祀儀

本朝分省人物考 卷五十五 浙江十五

成典進郊祀議請做古立九嬪以廣儲嗣皆允行命正孔子祀典一遵古制以一品初考賜勅褒廕一子為國子生會議郊祀成賜玉帶尋以名音同 御名請易疏再上 上稔知其忠謹親為撰名字賜之遂以賜金作堂於寓所 上以 獻皇帝手書榮思堂裝潢成軸 御筆金書 皇考于澤以扁其堂賜銀印篆曰永嘉張茂恭印并銀幣 御筆又大書孚敬茂恭二幅以賜以繼娶告遣中官賜羊酒銀幣以資禮用是年雷震午門西樓乞休賜牙笏公服比抵家西苑工完遣布政党以平齋賜銀幣 上念不置遣

行人周文燭齋勅往取復任壬辰命兼太子太師華蓋殿大學士復乞致仕歸卒未差少鄉陳璋齋勅起取復加少師再給三代誥命贈封如制賜銀印二顆是年 皇嗣生賜銀幣甲午命有司為作樓於府城以藏 御書文劄賜額寶綸命工部製扁差署丞朱守宣齋送以榜於堂乙未兩考賜勅獎諭廕一子為中書舍人以疾再乞休致差行人周文光御醫袁迂齋勅送還鄉月給廩米八石歲撥輿隸八名命有司時加存問丙申差錦衣衛千戶劉昂齋勅視疾諭疾愈還朝至處州疾作遂回再起至金華疾又作遂歸

本朝分省人物考 卷五十六 浙江十五

調理已亥 章聖皇太后哀詔至慟哭於家繼而疾益革遂不起享年六十有五 上幸承天聞訃誥贈太師謚文忠廕一子為尚寶司丞

陳璋

陳璋字宗獻樂清人資性聰穎書傳過目輒終身不忘正德乙丑登進士疏歸欲終養淑人讓之曰不聞舍孝子而為忠臣者乎吾得汝祿養足矣促北上以戊辰抵京值逆瑾竊政獲罪遂矯命令致仕太宰許襄毅公宣於朝曰古今曾有以進士致仕者乎欲為周旋而力不可同事者咸強賄之璋曰官以賄成吾

不爲也卽怡然就道及家甫二旬而母淑人告終識者以天所以成孝子也瑾誅應 詔起用辛未授刑部主事時司寇藁城張公子麟精法律屬多難之璋日士而不讀書謂之廢學官而不讀書謂之曠工况生死人乎乃研求法意至忘寢食律有疑難親爲註解遂以法家名歷員外郎郎中丙子審錄天下獄囚司寇張公廉其能者具名疏上領命審錄八閩所活不下百餘人有恤刑錄行於世錄囚故事鎮巡皆致幣受之以爲常一無取曰吾曾大父稽勲公使朝鮮凡厥交際饋遺例却不受吾思無忝先風非矯也事

本朝分省人物考

卷五十六

二十

浙江十五

竣還京適

毅皇帝欲南巡偕郎中陸君俸等諫止

觸 帝怒甚罰跪門五日杖五十先是璋病痢人皆

懼而止之璋日食其食者死其事吾何以全身爲奮

然往諫旣杖出臂無完膚伏枕閱五月而後起太師

張文忠公孚敬時方釋褐禮部丞往賀日寵辱不驚

死生不貳先生有焉辛巳陞雲南按察司副使 世

廟嗣登寶位給事吳公巖許公復禮議褒忠良以名

上可其奏加俸一級雲南去京師萬里隣接吐蕃諸

夷種類不一多有不能盡法者人或難之宗伯王文

定公瓚獨日爲政不難先生素不以勢撓不以利疚

嚴毅端方而出之以和平恕慈祥而斷之以義施諸

刑曹者卽其可施臬司者也及至果寬嚴相濟用得

其情然介獨立當路憾之乃日官以行志屈志以

伸官是愛官不愛身也吾有去而已卽稱疾不出當

路知其不可屈強出之旣乃據其美而旌之於 上

時有武弁以賊非其罪繫獄鞠者咸寬之而避嫌不

肯決及署臬毅然日吾知所矜者情也所守者法也

何避而嫌之有卽減而出之乙酉陞行太僕寺卿瀕

行武弁令其子馳數百里外餽以天花菜二裹璋手

之覺其中皆金寶也麾而還之僉事傅君尚文貽書

本朝分省人物考

卷五十六

二十一

浙江十五

稱頌而滇中至今以爲美談太僕馬政廢弛則修舉

廢墜條陳五事一時馬政事有成績丁亥陞大理寺

左少卿都御史熊公泱薦之於朝戊子陞本寺卿凡

法司庶獄及天下重囚悉從處當以報而平反日益

衆時錦衣捕獲羣盜數十人羅織奏送法司定罪中

有十二人實平民也司寇靜庵胡公世寧知其冤而

未之出送大理審璋日咎一臧獲於庭不當其罪人

且得而議之况置十二人於非命乎獄雖成不得不

辨乃駁回胡公喜日此先得我心者也遂爲開釋璋

日昔有 成命宜再請具疏釋之一日與胡公議罪

不合各奏請下 廷議竟是瑋言且行中外法司以爲成式未幾胡致政語人曰陳公知法而能恕司寇非此人不可胡剛氣人也與瑋若不合而卒敬服之如是已丑以疾乞歸不數月法司以決獄忤 上意相繼罷去衆咸服其知幾且處之無跡也癸巳起爲刑部左侍郎時司寇聶公賢虛心以受事無大小必同心後行且日以律法與諸屬講明每日法官非公明仁恕則輕重之間鮮有得其當者故一時諸屬多以刑名著聞聶公乃據其舊稿壽諸梓名曰比部招議凡入仕者咸賈之以資吏治甲午南京 太廟災

本朝分省人物考 卷五十六 浙江十五 督印

上聞變驚恨震怒欲罪諸中使及內外守臣特勅借錦衣給事往勘陛辭賜酒饌相國李公時執手曰此朝廷重事簡命君行盍慎諸及至南京多方咨訪直以天變奏時 上意不可測人見爲危之乃歎曰知有公耳敢違天意以爲人譴既而有官校經過訛言爲公事至乃笑曰事在勿欺禍福非所計也竟具疏上可其奏中使守臣悉從未減還朝踰月寢疾懇疏乞休不允乃強蒞事有上官以非法杖死下吏下法司獄或欲貨之乃與聶公曰殺人抵罪官與民一也固執不可用忤執政意借聶公致仕而歸士大夫咸

惜之弟瘠貧而早亾撫其二孤給田以食分宅以居俾各有成立尤耐苦節立官自常祿之外分毫無取常日未有不儉於家而能廉於官者故淡素自分布衣糲食於其身不改居室湫隘晏如也每念宗祠未建考妣靡所棲託遇時享輒淚下曰吾何以安飽爲遂竭力經營之規制則斟酌古今以爲久遠計閑家有法雖頑慢亦知有禮樂與人善子姓有讀書向進者卽喜而不寐自家食以來足跡不入城市惟杜門種花以詩酒與司寇高襄簡公友幾往還及親故相娛樂因築伴醉六柳二小軒以息宴焉壽七十有二

本朝分省人物考 卷五十六 浙江十五 督印

王激 王激字子揚永嘉人嘉靖癸未進士出知吉水吉水劇邑也精于吏者咸病其冗激殊不經意日出公庭數刻發遣公移了爭訟事已復操筆爲文辭亦數刻立就忘其身之在公庭也暇日與諸生讐校經義或對客談古今詩律得失雜以謔笑聽者忘疲其說經義不甚規規求合時調卽在公庭亦不喜爲時調束縛而其謔笑嘗以取容上官與諸敗官行事爲譬若將諭已意者訟至多引古人恐讓事俾自悔改更不禁繫以賦役留者言語煦煦如其家人父子節縮簡

澹惟所欲便不令迫苦人亦踴躍趨事嘗恐後期邑中人人稱其易與久之跡境內凶人王璇五六輩發其奸真之憲典於是人人又且顧畏奉法咸稱其操縱得宜已而內召擢吏部文選主事戊子出典廣東鄉試庚寅擢考功郎中滿考擢南京通政司右通政癸巳召主膳黃未幾改國子祭酒兼經筵講官爲吏部進退黜陟人才務當情實尤能采拔幽滯直已無所他徇在國子歲餘振勵有方然其私心既不欲以身爲人口實而被退抑與忌其進者竊揣知之往往構讒相軋遂決意棄去蓋屢疏始得歸既歸連遭內

本朝分省人物考

卷五十六

二十四

浙江十五

外艱心不勝痛遂以疾終其歸之年僅六十也激長身玉立風致魁岸負氣不肯下人不獨自視甚高望之者如塵外孤鶴不易籠繼久而窺其胸次率自貶讓其少時抱異質書過目輒成誦兼通諸經弱冠以春秋魁兩浙而舉進士則以毛詩居常有意辟穀酷嗜仙釋氏語稍長才名迸出傾壓行輩大宰喬白巖山人孫太初引爲文字交而因徐曰仁朱守中問學於陽明王公蓋終身服膺其教焉

王叔果

王叔果字育德永嘉人嘉靖庚戌進士授兵部職方

主事視西內工有金幣之錫復以使事歸省墓而倭事起族從所謂給事德者從義兵與角不勝死之族烏獸竄叔果曰不早爲儲胥將無族矣亟還朝上書願以家素爲城堡以捍賊而完其族報可乃聚族而謀捐橐而躬畚鍤之役堡成賊有環睨而已至今賴之尋遷員外郎聘同考會試所得多名士遂遷郎中出閱視薊鎮兵時諸鎮既有帥而昌平復設一總帥臨之各位相頡頏不能有所控御煩費且不支疏請從革所省以萬計有請修戎政志者例以史官充其任大司馬楊襄毅公請以屬之叔果書成進之曰京

本朝分省人物考

卷五十六

三十五

浙江十五

營紀改武選郎中當注選時最爲猥雜號弊數至則與諸寮精覈而次第之吏不得有所侮宿弊若洗滿六載旅謁分宜相前揖之曰故人子耶蓋爲東厓公有故僚誼也卒不私徃以是僅遷湖廣右叅議上疏乞骸骨不許所治荆西爲承天德安二郡承天世廟故邸也有先皇之陵在而德安爲景恭王初封國兩地中貴戚斃爭挾重以魚肉赤子一切引之以禮不聽則裁之以法竟任相戒無敢犯者詔修興都志俾之具草以上旣上而曰此獻皇帝紀也如志何屬同年高長史岱以志體別創而資其楮筆繕寫

之費書成郡始有文獻矣地故有郢梁岐三絕王墳中貴之守者歲私其藉修費以千計悉清裁之應山災授煮粥法以啖餓者又為繕豐樂驛前後割私帑以贍不煩縣官念謁陵者廉至其夫餼皆責之鍾祥嘆曰鍾祥之民盡矣為請於撫臣俾疏酌道里遠近如兩京中都以為謁陵節數多所減省郵驛少息肩而會分宜相敗吏部以舊資最久甫一載餘擢廣東按察副使廣數中倭吳司馬以為羸弱恐不任軍旅而重其文疏請以內地學政處之吏部知其指覈以歸里聽用喜曰司馬知我唯太宰亦知我遂杜門不復出少固羸然以斷欲久神轉王談論夙昔不稍倦既感脾疾猶強起具衣冠及執始就枕謂其子曰夫人生而膠膠擾擾者夢也吾夢且醒矣復何言問體中得勝否不答已而曰願天生賢者自是戒內子毋得挾婦女入謁已呼粥粥至猶能盡一甌已復就枕若寐熟者撼之逝矣得年七十有三所著有永嘉縣志十卷半山藏稿二十卷

項喬

項喬字遷之號甌東永嘉人嘉靖乙丑進士由郎署出為撫廬河間三郡守既擢湖廣副使以誼讓例謫

州郡稍起還舊復以誣搆下詔獄未幾得復職旋陞廣東左叅政素為同鄉相國張文忠公所知試進士時數欲推轂不聽以故不得上第選庶吉士避不赴考得南京工部主事已調北數上書言時事其後自郡至藩省十有八年淹矣故舊滿銓館多以書相勞苦裁答不一及勢利所在若執熱就深不敢邇濡然在官慮遠防漸不啻治家無絲髮漏筭起廢祛蠹不避要途名人如考荊州貪守下下黜黃陂墨令以按察與撫巡兩臺爭兩臺為誦革勢豪武斷市魁海艦嶺南人戴若父母其他補武選條格創屯田事宜利在久遠辨太廟災不逮守者策虜不能至獻青罷河間立堡議上楚王書頓減煩役平江廣峒賊以不關軍門隱功無悔請免南畿郡守謁賀儀定河間傳人諸如此類在漢世良吏傳中已為稀濶罕見以所修習即無宦業一時鮮與相亞而所至又復磊磊若此可不謂難哉

王叔杲

王叔杲字陽德別號暘谷居士永嘉人父徹官左叅議季父激官國子祭酒徹長子為憲副叔果次即叔杲也生而警敏異常兒十二通戴氏禮工制義旁及

大明分省人物考

卷五十六

二十七

浙江十五

大明分省人物考

卷五十六

二十七

浙江十五

徐仕

騷選子史祭酒公見而大器之曰此吾家千里駒也數歲徐文貞公以學使者至試而奇之補郡諸生學益閱肆卽醫巫星曆輿地之書靡不揅討嘉靖癸卯登鄉書明年下第歸益明習天下大計凡疆場士馬屯田水利以及食貨戶口之籍一一若指諸掌乙巳郡大侵叔杲佐叅議公出粟哺餓者存活數千人齏直指諮議法於杲杲請築沙城捍氓竈至今賴之倭變起海上杲聚族而謀計在築堡衆聞以爲迂尋寇以無備突入邑幾爲墟遂大服其義而杲亦力任之堡城樓櫓相望邑恃以無恐費幾七千餘金強半解

本朝分省人物考

卷五十六

五十八

浙江十五

其橐中裝也杲一意色養累謝計偕不往叅議公旣逝乃勉起舉壬戌進士筮仕靖江令尋調常熟靖江水四合姦盜出沒訐訟蜩起杲爲經理振制之而邑大治常熟巖邑也至則首修言公祠以造士而邑某侍御者藪大盜而收其入勢張甚杲立發其姦徃犴之夙稱寃者又立出之邑亦大治臺察以最聞遷兵部車駕主事會 世廟賓天 莊皇帝從裕邸入大內矣是夕有欲倣正德末年設兵九門者杲力爭之曰 武宗時 肅皇在楚大寶虛位乃陳兵以備今上已入內而何以此重駭士民爲報罷尋轉職方

員外郎杲念邊事廢弛力薦總督譚公總兵戚公當召入防虜患時戚募南兵數萬歲出不賞杲從中調護一時邊備大飭 上大閱有金幣之賜再晉武選郎中一切胥吏姦弊掃之若洗部籍載諸武臣功與承襲條格歲久磨滅杲題請重修而葉先春者挾奧援欲帶銜署衛事杲以例斥之伍司馬定濠亂予蔭一子部侍郎難其久不許杲曰例久不許者慮功未明也豈功如伍公者而有不明耶力爭之敘於錦衣其強力守官皆此類久之出守大名大名士沃而俗醇一以無事相煦沫而間修禮文以風之葺元城書

本朝分省人物考

卷五十六

五十九

浙江十五

院延碩師以教一時諸士響臻後多顯重者畿輔文學爲之一變癸酉命以湖省憲副鎮三吳方島夷內訌杲閱江延袤八百里各相其險隘而厚爲備精簡郡邑良家子程其騎射中勇智軼衆者拔之行伍中人人感奮一日寇以百艘至所練士分道搏戰而杲提尺一如意揮之遂大破敵所俘斬甚夥且獲被擄者數百人朝議紀錄晉右叅政仍留鎮吳吳賦累歲多積逋時有帶徵之議逮繫死者相籍會大司徒殷公道吳杲馳白曰江南財賦半天下歲輸業不支而益之帶徵如吾民何殷公蒞事竟除其議而吳民乃

稍稍蘇矣是時督糧參政缺杲兼治之為開孟河濬
 練湖為轉輸計比歲七月不用潤州行千艘皆膠不
 可以漕乃令集田間水車射湖水灌之三日而河溢
 不淹時自京口達于淮衆推以為神無何論折徵事
 起蓋杲條六利四害語甚辨而省郎不謂是也疏論
 杲坐改他用杲竟歸或勸之出則曰吾曩在公車屢
 謝計借者以吾親也豈吾官若干年而倍母以出邪
 歲餘部以閩臬起杲友人有傳江陵相意勸駕者杲
 堅卧不為動迨時相敗而人益多其先見云所居葺
 一園林晨夕偕兄弟賓客置酒高會酒酣自度曲為

本朝分省人物考 卷五十六 三十 浙江十五

張德明

張德明號毅宇樂清人萬曆丙戌進士授刑部主事
 陸員外郎中出守寧國擢湖廣副使以叅政致仕歸
 卒德明與人處坦衷白意耻為鉤棘詞覆之事官刑
 部時丁父艱卜塋于里中族衆刺刺有言德明不與
 校第以恩信孚之三年服闋擬選期襄事向之有言

者減爭先荷畚耨負土築塋無有後者守寧國時礦
 使至郡人情洶洶德明陽為款語陰實剗其距角部
 勒黨從得不橫噬如豸虎條鷹不隨不激一郡帖然
 至他郡則騷繹遍于閭井矣郡人至今俎豆之執正
 不阿勵操不苟去之湖廣抵武林而路費已罄反從
 輿隸輩稱貸抵家市產償道始抵任可謂嚼然不滓
 者矣

補遺

周丹

周丹永嘉縣人洪武初進士授新化縣丞在官以廉

本朝分省人物考 卷五十六 三十一 浙江十五

勒稱門無私謁吏卒不敢欺驗民貧富及丁稅多寡
 第為上中下籍記之遇有賦役隨輕重使之故民不
 擾而事易集至於獄訟文牘之務皆躬理之吏胥不
 得為奸罷諸役作民晏然安業由是流民之歸者益
 衆滿考課最陞考功主事既而縣民蕭俊等請闕言
 自本官去職縣政復擾民不安業乞令再任 上命
 吏部俾復為縣 仍令禮部宴賞而遣之

鄭采

鄭采温州府平陽縣人性介特仗義不屑屈下人年
 二十始肆力於六經羣史之文攻苦甚積久成章朱

太史讀其文以爲如齊魯大儒衣冠偉然出言不繁而曲盡人意也雖甚貧客至輒款洽士窮無歸者輒授館或終歲衣食之年薦飢客持券求謁采視其家僅餘粟五斗貸其五之三故人子遇盜裸跣走訴采盡舉衣衾巾履遺之嘗逍遙于門見敝衣躡履行雪中者呼之前予以帛布終不問其姓名觀采之爲人可廉貪激佞

婁 濬

婁濬永嘉縣人景泰二年進士除貴州道御史巡按淮揚河南糾彈邸王陞僉都御史疏請致仕

本朝分省人物考卷五十六

又三十一

浙江五

李 顯

李顯字崇綱號臺南温州府樂清人正德戊辰進士令閩縣拜監察御史出按貴州苗夷弗靖總憲欲勦誅之寇益肆侵暴乃隨山築道直抵夷穴據險徵兵四擊夷皆授首于是六行賞罰冒功夙弊剷刈殆盡邊嶠肅清捷聞賜綵幣復命攝兩道篆仍叅駁諸奏稿累官右副都御史巡撫南贛會有安南之役運籌決策卒致又安陞南京大理卿將戒行而贛之頑民糾衆竊發奉 詔會兵遠擊踰年平積勞成疾竟卒于官

處州府

劉 基

劉基字伯溫浙江青田人年十四入郡庠從師授春秋經人未嘗見其執經誦讀而默識無遺習舉業爲文有奇氣決疑義出人意料凡天文兵法諸書過目洞識其要講性理於復初鄭先生聞濂洛心法卽得其旨歸先生大器之乃謂基父曰吾將以天道無報於善人此子必高公之門矣元至正癸酉舉進士授江西瑞州府高安縣丞揭文安公僉斯見之謂魏徵之流而英特過之將來爲濟時器也基在燕京時聞

本朝分省人物考卷五十六

三十一

浙江五

閱書肆有天文書一帙因閱之經夕翼日卽背誦如流其人乃大驚欲以書授之基曰已在吾胸中矣無事於書也及丞高安有進賢鄧祥甫者精於天文術數廼以其學授基焉之官以廉節著發奸摘伏不避強禦爲政嚴而有惠小民自以得基爲慈父而豪右數欲陷之時上下咸知其廉平卒莫能害也江西行省大臣素知基辟爲掾史以讜直聞後與幕官議事不合遂投劾去隱居力學至是而道益明嘗遊西湖有異雲起西北光映湖水中時魯道原宇文公諒諸同遊者皆以爲慶雲將分韻賦詩基獨縱飲不顧乃

大言曰此天子氣也應在金陵十年後有王者起其
 下我當輔之時杭城猶全盛諸老大駭以為狂且曰
 欲累我族滅乎悉去之基獨呼門人沈與京置酒亭
 上放歌極醉而罷時無能知者惟西蜀趙天澤知其
 才器以為諸葛孔明之流嘗作文以期之方谷珍反
 海上元帥原兒只班被其誘脇省憲復舉為浙東元
 帥府都事基即與元帥納隣哈刺謀築慶元等城賊
 不敢犯及帖里帖木耳左丞相招諭方寇復辟為行
 省都事議收復基建議招捕以為方氏首亂掠平民
 殺官吏是兄弟者宜捕斬之餘黨脇從誣誤宜從招

本朝分省人物考

卷五十五

三十三

浙江五

安方氏兄弟聞之懼請重賂基悉却不受執前議益
 堅帖里帖木耳左丞使其兄子省都鎮撫以基所議
 請於朝方氏乃悉賄使人浮海至燕京省院臺俱納
 之准招安授谷珍以官乃駁其所議以為傷朝廷好
 生之仁且擅作威福罷帖里帖木耳左丞輩羈管基
 於紹興基發憤慟哭血嘔數升欲自殺家人葉性等
 力阻之門人密里沙曰今是非混淆豈自經於溝瀆
 之時耶且太夫人在堂將何依乎遂抱持得不死因
 有痰氣疾是後方氏遂橫莫能制兩越皆從亂如歸
 基在紹興放浪山水以詩文自娛時與好事者遊雲

門諸山皆有記行省復以都事起基招安山寇吳成
 七等使自募義兵賊拒命不服者輒擒誅之畧定其
 地復以為樞密院經歷與行院判石抹宜孫守處州
 安集本郡 行省郎中經畧使李國鳳巡撫江西
 諸道採守臣功績奏於朝時執政者皆右方氏遂置
 基軍功不錄由儒學副提舉格授處州路總管府判
 諸將聞是命下率皆解體勅書至基於中庭設香案
 拜曰臣不敢負世祖皇帝今朝廷以此見授無以宣
 力矣乃棄官歸田里時從義者俱畏方氏殘虐遂從
 基居青田山中乃著郁離子客或說基曰今天下擾

本朝分省人物考

卷五十六

三十四

浙江五

擾以公才畧據括蒼併金華閩越可拆簡而定方氏
 將浮海而避公矣因畫江守之此勾踐之業也舍此
 不為欲悠悠安之乎基笑曰吾平生忿方谷珍張士
 誠所為今用子計與彼何殊耶天命將有歸子姑待
 之會 太祖下金華定括蒼乃大置酒指乾象謂所
 親曰此天命也豈人力能之耶客聞之遂去基決
 計趨金陵眾疑未決母夫人富氏曰自古衰亂之世
 不輔真主詎能復萬全計哉眾乃定或請以兵從基
 曰天下之事在吾所輔者爾奚以眾為乃悉以眾付
 其弟陸俾家人葉性朱佑等叅掌之且曰善守境土

母爲方氏所得也勿憂我適總制官孫炎以 上命遣使來聘遂由間道詣金陵陳時務十八策 上從之會陳友諒入寇獻計者或謀以城降或以鍾山有王氣欲奔據之或欲決死一戰不勝而走未晚也基獨張目不言 上召入內基奮臂曰先斬諸議降及奔鍾山者乃可破賊爾 上曰先生計將安出基曰如臣之計莫若傾府庫開至誠以固士心且天道後舉者勝宜伏兵伺隙擊之取威制敵以成王業在此時也 上遂用其策設伏擊之斬獲凡若干萬 上以克敵之功賞基悉辭不受中書省設御座將奉小

本朝分省人物考

卷五十六

三五

浙江十五
戴洪

夜半請所指地果有雲起如基言衆以爲神莫敢違竟拔城擒賊而還王漢二以饒信降 上命基撫之陳氏洪都守將胡廷美使其子納降請禁止若干事上初有難色基自後榻所坐胡床 上意悟許之廷美遂以城降初基聞母冑氏喪悲慟欲卽歸 上以書慰留之期以成功基不得已遂從征伐至是辭歸上遣禮官伴送累使帛祭恩禮甚隆時苗軍反金華括蒼殺守將胡大海耿再成孫炎等衢州或謀翻城應之守將夏毅懼無所措會基至卽迎入城一夕定之卽發書金處屬縣諭以固守所部遂同邵平章榮

本朝分省人物考

卷五十六

三五

浙江十五
戴洪

基登城望之曰賊走矣衆見其壁壘旗幟皆如故且聞嚴鼓聲疑莫敢輕動基趣使疾進兵至則皆空壘擊鼓者乃所掠老幼耳遂窮追賊至東陽悉擒之以還基至京時陳友諒據湖廣張士誠據浙西皆未下衆以爲蘇湖地肥饒欲先取之基曰張士誠自守虜耳陳友諒居上流且名號不正宜先伐之陳氏既滅張氏如囊中物耳會陳氏復攻洪都 上遂與友諒大戰彭蠡湖勝負未決基密言於 上移軍湖口期以金木相犯日決勝 上皆從之陳氏遂平 上還京定計取張士誠因定中原拓土西北基密謀居多

本朝分省人物考 卷五十六 三七 浙江十五 戴洪

上或時至基所屏人語移時乃去雖至親密莫知其由命爲太史令一日基見日中有黑子奏曰東南當失一大將時參軍胡深伐福建果敗沒他日基見上上方欲刑人基曰何爲上語以所夢基曰三人頭上有血是衆字頭上有血以土傳之乃得土得衆之象應在夢後三日當有報至 上遂留所欲刑之人以待之三日後海寧以城降果如基言捷至 上大

喜悉以所留人俾基縱之熒惑守心羣臣皆震懼基密奏於 上宜罪已以固天意次日 上臨朝卽以其語諭羣臣衆心始安後大旱 上命訊獄凡平反

出若干人天應時雨 上大喜因奏請宜立法定制上從之張士誠平後張景欲亂政乃使人上書稱誦功德勸 上宜及時爲娛樂 上以示基曰是欲爲趙高也 上領之景色動知基得其情也乃使齊翼巖等伺察其陰事未及發而景先事受誅及司天臺災翼巖因爲書言之於 上其事多平日基密聞於上或 上使爲之者翼巖未之知也書奏 上切責翼巖斬之遂治黨與盡得其與景通謀狀 上適以事責丞相李善長憲吏凌悅因彈之臺爲 上言李公勳舊且能輯和諸將 上曰是數欲害汝汝乃爲

本朝分省人物考 卷五十六 三八 浙江十五 洪

之地耶汝之忠勲足以任此基叩頭曰譬如易柱必須得大木然後可若束小木爲之將速顛覆以天下之廣宜求大才勝任者如臣鴛鴦尤不可爾 上怒遂解洪武元年正月 上登大寶於南郊基密奏立軍衛法外人無知者尋拜御史臺中丞兼太子贊善適中丞章溢奏定處州七縣稅糧以宋制畝加五合上特命青田縣糧畝止五合起科餘准所擬且日使劉伯溫鄉里子孫世世爲美談也或言有殺運三十二年未除者基慨然曰使我任其責掃除弊俗一二年後寬政可復也 上幸鳳陽使基居守基志在澄清

天下乃言於上曰宋元以來寬縱日久當使紀綱振肅而後惠政可施乃命憲司糾察諸道基素剛嚴彈劾無所避凡中書內府闈人吏胥有犯卽捕治宦者監工不肅及府衛舍人奕棋基啟皇太子悉寘於法案劾中書省都事李彬侮法等事罪當死丞相李善長素愛彬乃請緩其事不聽遣官齎奏詣行在上從其議處彬刑基承旨斬之由是與李善長大忤上曰京李善長懇之基乃求退上命歸里基奏曰鳳陽雖帝鄉然非置都之地王保保雖可取然未易輕也願聖明留意焉遂辭歸後定西失利王保保竟走沙漠上手詔叙基勲伐且召赴京師同盟勲冊比至京師上賚賜甚厚追贈祖父爵階永嘉郡公累欲進基爵基曰陛下乃天授臣何敢貪天之功聖恩深厚榮顯先人足矣遂固辭不敢當上欲相楊憲基與憲素厚以爲不可上怪之基曰憲有相才無相器夫宰相者持心如水以義禮爲權衡而已無與焉者也今憲不然能無敗乎上曰汪廣洋何如基曰此器局褊淺觀其人可知曰胡惟庸何如基曰此小犢將債輓而破犁矣上曰吾之相無踰於先生基曰臣非不自知但疾惡太深又不耐繁劇爲

本朝分省人物考

卷五十六

三十九

浙江十五

范肯

之且孤大恩天下何患無才願明主悉心求之如目前諸人臣誠未見其可也上嘗與論兵曰克敵在兵制兵在將兵無節制則將不任將非其人則兵必敗是以兩軍之間決生死成敗之際有精兵不如良將基曰臣每觀廟筭初謂未必皆然及摧鋒破敵動若神明臣由是知將之勝又不若主之勝然陛下下不拘古法而勝尤人所難上曰兵者謀也因敵制勝豈必泥於古哉戰陳之事闔闢奇正頃刻變化如風雲之無常勢要在通其變爾三年七月授弘文館學士十一月進封誠意伯四年正月賜歸老鄉里二月至家遣長子璉捧表詣闕謝恩是年八月蜀平復遣璉進賀平蜀表頌上仍以文答之八月上使尅其以手書問天象事基悉條答其大意以爲霜雪之後必有陽春今國威已立自宜少濟以寬書奏上悉以付史館其書稿併已前奏請諸稿皆焚之莫能得其詳也初基言於上既括間有隙地曰淡洋抵福建界之三魁元未頑民負販私鹽因挾方虺以致亂累年民受其害俗猶未革宜設巡檢司守之抗從之及設司頑民以其地係私產且屬温州

本朝分省人物考

卷五十六

四十

浙江十五

縣事匿不以聞基令長子璉赴京奏其事逕詣 上前而不先由中書省時胡惟庸為左丞掌省事因挾舊忿欲構陷之乃謀以基欲求淡洋為基地弗與則建立司之策以逐其家庶幾可動 上聽遂以為案奏賴 上素知基置不問省部逮其長子獄 上時已勅璉歸及奏 上口既歸矣免之基入朝惟引咎自責而已先是楊憲敗後汪廣洋為丞相未幾而貶廣東乃相惟庸基乃大感嘗謂人曰使吾言不驗蒼生之福也言而驗者其如蒼生何遂憂憤而舊疾愈增洪武八年正月胡丞相以醫來視疾飲其藥二服

本朝分省人物考 卷五十六 四十一 浙江十五

有物積腹如卷石遂白於 上上亦未之省也自是疾遂篤三月 上以基久不出遣使問之知其不能起也特 御製為文一通遣使馳驛送鄉里居家一月而薨享年六十五遺文郁離子十卷覆瓿集二十四卷寫情集四卷長子璉集所遺文稿五卷名曰黎眉公集基未薨前數日乃以天文書授使服闋進且戒之曰勿令後人習也復命謹之語次子仲璟曰胡惟庸必敗我欲奉遺表無益也日後 上必思我待有問當密為我奏其畧以為修德省刑祈天未命且為政寬猛如循環耳諸形象要害之地宜與京師聲

勢相連絡幸 聖主留意基平生剛毅慷慨有大節每天下安危則義形於色然與人交遊開心見誠坦蕩無間至於義所不直無少假借雖親之者以此而忌之者亦以此惟 上察其至誠任以心膂基亦以為不世之遇知無不言每遇急難勇氣奮發計畫立就外人莫能測其機不贊 上成大功 上嘗臨朝稱之輒逡巡不敢當家居惟飲酒奕棋未嘗自言其功每天象有大變則累日不樂以天下蒼生為憂喜上天威嚴重惟基抗言直議不以利害怵其中 上亦甚禮之嘗稱為先生而不名又曰吾子房也廷臣

本朝分省人物考 卷五十六 四十二 浙江十五

或有過失得譴者密為救解而免其人或知而請謝者則拒不納其人不知亦未嘗為言也居鄉里守義尚節儉多陰德不以富貴驕人初與同郡葉琛胡深章溢金華宋濂同出處有通家之好至於居官任政則各行其志俱以功名顯於世而基與宋公又文章為當代首稱云

章 溢

章溢字三溢龍泉縣人始生其音如鍾父母疑為不祥幾棄不舉及成童嶷然莊重不習鄉井輕儇態諸兒出應科徑頗為儕類所侵苦溢忿曰彼徒謂我弱

耳乃往授事縣官即有曲者舉正理直之衆始愧服比弱冠從鄉先生王叔剛遊從事於正心修身之學既又聞金華爲文獻之邦間出游以次叩其統緒浙江憲使禿堅不花請與語悅之已而改官陝西與俱到武林心忽驚悸力辭而歸抵家父病已革越入日而逝人以爲純孝所感至正壬辰斬黃妖寇自闕犯龍泉與從子存仁避亂山中而存仁爲寇所執溢心計曰吾兄止有一息不可使無後挺身出謂賊曰兒幼無所知吾願代之賊聞其各方出重購以求及得之大喜賊帥欲問計溢正色拒之曰君等皆有父母

本朝分省人物考

卷五十六

四十三

浙江十五

妻子顧爲此滅族事耶賊怒繫之柱以刀磨其脇溢曰吾終不爲不義屈賊愈怒曰汝誠不畏死耶溢曰死即死何畏乎賊壯之不敢加害溢夜給守者乘間脫歸乃集里民爲兵不旬日擊却之處州府判官以兵來龍泉欲盡誅平民誑誤者石林將軍宜孫實總兵政溢走麾下說曰貧民迫於凍餒故相挺從賊誠得一循吏招緝之民即平民耳今不出此而肆行剪屠是殆楊湯以止沸也石林即檄判官母擅殺服其器識留幕下與議軍事其平屬縣慶元及建寧之浦城松溪羣盜溢有功焉上其功浙江行省丞相康里

公承制授龍泉縣主簿辭不授海寇起黃巖掠沿海郡縣行省命石林將軍守台城台之寧海民亦爲變攻圍台城急石林將軍飛檄召爲援溢方退居田里得將軍檄即起曰吾邦非石林將軍人且盡爲枯骨今一旦有急正我報德之秋也集驍勇少年數百人晝夜行至城下約內外夾擊賊遂潰海寇亦遁去寧海大饑豪民吳甲蔣乙積粟不糶言於石林將軍因行屬縣賑之比至縣即抵二家罪發其粟賑之其尤困者作糜食之及還龍泉龍泉亦歲儉大家有粟高其值不發溢先以私田易粟貸里人仍行勸分之政

本朝分省人物考

卷五十六

四十四

浙江十五

民受其惠爲多隣邑青田潘惟賢爲盜而龍泉監縣寶忽丁貪虐無狀民因導潘攻縣治寶忽丁棄印走溢同其師王叔剛召豪傑與賊戰敗走之縣治遂復行省給銀幣爲賞寶忽丁懼棄職獲罪而愧溢有功乃謀害之溢方贊元師黑的兒開府處城未敢發會帥府問寶忽丁罪遂結季溪惡少拒命首害叔剛於家帥府檄兵襲擊之寶忽丁遁去於是處之七縣盜皆蠲起行省移石林將軍以行樞密院判官分治處州溢謂石林將軍曰松陽小醜不速平將養成大患耶將軍曰惟君處之乃遣千戶曹勝安督兵援以方

略一戰盡降之分院上其功行省陞松楊縣尹又辭不受元帥葉君琛攻鄭寇於麗水屢為所敗分院調溢及樞密院都事胡君深合攻之賊大敗直搗其窠賊望見溢來拜乞曰我非為寇者待我殲此海蠻即降矣海蠻即葉君所部海軍也溢曰吾不知他特捕反者耳城為內外二砦麾兵踰外砦立壁或疑壁於兩砦間非利溢曰非爾所知我既踰外砦則內砦疑其已降而外砦亦許其疑已二砦相疑破賊必矣壁未完賊突至相持未有勝負麾奇兵橫擊賊奔北即移兵圍內外砦數重下令急攻遂陷之外砦亦降行

齊朝分省人物考 卷五十六 甲五 浙江十五 想

省復授福建行省檢校官尋又改除處州路總管府通判官皆不受長鎗軍叛迫其城南行臺侍御史遣從事楊迪徵師於溢勒所部軍就道長鎗聞溢至輒引去省憲交章薦於朝除武德將軍僉浙東都元帥府事又辭不受或疑為要名溢曰吾所將皆鄉里子弟使其肝腦塗地而吾獨取功名弗忍為也青田賊吳英掠婺之金華永康諸縣聚眾猖獗建議討之分院乃調兵屬溢及胡君深與賊屢戰皆敗之遂昌凶右戶閉糴土豪周天覺嘯眾殺之元帥胡君往討天覺負固不服久之始請降溢曰此賊不殄必貽後患

不聽受其降已而天覺果以復叛誅時天下日入於亂結廬匡山上自號曰匡山居士已亥冬 王師克處州又避地入閩中 太祖遣使以束帛召之乃翻然而起與青田劉基麗水葉琛金華宋濂同召至建業入見上曰我為天下屈四先生耳然四海紛紛何時定乎對曰天道無常惟德是輔惟不嗜殺人者能一之耳上曰卿等其留輔予矣何擢僉營田司事巡行江東兩淮之境田荒蕪及耕墾者皆分籍之差稅賴之以便溢以疾在告者久 上特遣使存問而溢日夜念毋不置鬱鬱成疾 上命歸省賜以白金

齊朝分省人物考 卷五十六 四十六 浙江十五

文綺而留其季子存厚於京師浙東始設提刑按察司即擢僉其司事尋命還處州代總制胡君入朝而為存厚娶胡君女 賜賞優渥且俾存厚入侍皇太子以示親信胡君出帥溫 詔還守處州饋餉供億規措無缺而不知其勞 王師平荆楚設湖廣提刑按察司遷僉司事入見 上慰勞之曰紀綱之事今屬卿矣既至觀荆襄多廢地遂建議分兵屯田且以控制北方計為便 上曰所言甚善第未暇耳湖廣行省鎮撫回回怙勢作威輕重人罪以為常廉得狀坐以法未幾河內道按察使宋思顏以浙東憲

使事不自下獄而浙東按察使孔克仁僉事王壽亦
以事被逮辭或連之溢憂懼不知所爲 上遣太史
令劉基論之曰予素知章溢守法令無疑也癸卯胡
君以兵入閩陷沒處州之境皆搖動 上命陞浙東
按察副使往鎮之平陽瑞安浦城福寧軍民等事皆
諫焉溢辭曰臣前任無狀同列皆獲罪而臣獨蒙寬
宥今若加陞擢則益重罪過疆場之事臣身任之萬
死且弗避副使之命臣不敢拜 上重違其志命仍
僉浙按察司事比至山寨或已叛溢宣布 詔旨軍
民皆感動乃誅其首叛者餘皆帖服青田夏清聞胡
君敗與福建參政范昌大合寇慶元龍泉時官兵盡
戍浦城中僅足自守召舊部義兵使據要害列木柵
爲屯勢相聯絡別龍泉縣治亦環植木城賊聞不敢
犯溢存道係長子初以元帥戍浦城及有是 旨命
存道提兵爲遊擊而溢卽處城坐鎮之溢謂父子相
統於律不宜乃 上奏請罷存道官不允兵戍浦城
者以食不繼爲病 上以屬溢洎浙東行省右丞李
文忠欲運處州糧餉溢以爲舟車兩通而軍中所掠
糧甚殷請拘入官而均輸之兵食乃足建寧守將阮
德柔遣將來納款人咸以爲詐溢曰陳友定據全閩

本朝分省人物考 卷五十六

四十七 浙江十五

勢必不能容故德柔圖自全計非詐也以其事聞
詔許德柔以元官守本部 命比下德柔果爲友定
所併留其使厚恤之温州茗洋周遂鄉恃山險常爲
寇鄰邑皆患之而郵傳之通平陽瑞安者亦爲所要
遞乃命存道合平瑞總督孫安之兵擒斬遂鄉中書
命處州造海舟若干艘并僉溪船戶爲水軍役繁而
事擾上奏設水軍千戶所專統之處多山而少田軍
需恒不足胡君爲奏免惟輸硫黃白藤於 朝而行
省復有所科屢以爲言罷之水軍千戶任惟淵朱仲
欽共戍青田會寇至仲欽逆戰而惟淵走還仲欽以
無援故敗乃斬惟淵以徇遣指揮何世明擊賊走之
惟淵乃胡君所任信者旣伏誅部曲莫不股栗浙江
行省參政朱亮祖總兵取温州溢調何世明以軍從
温州平溢聞其掠人子女命鎮撫林理徵之各部送
其家海隅旣寧請朝京師 上報曰吾知卿在邊良
苦俟平吳當卽召卿爾及浙西諸郡下 上遣使召
之且命分兵征八閩而存道守處州旣入見 上嘉
獎甚至 上諭羣臣曰章溢雖儒臣父子宣力一方
寇盜盡平其功誠不在諸將後溢再拜謝不敢當明
出 上召問征閩諸將何如溢對曰御史大夫湯和

本朝分省人物考 卷五十六

四十八 浙江十五

由海道進平章政事胡廷瑞自江西入此固必勝然
 閩中尤服李文忠之威信若令文忠帥師從浦城取
 建寧此萬全計也即日 詔文忠出師如其策處州
 之糧舊額一萬三千石有奇後以軍興加徵至十倍
 民不堪命乃言之丞相丞相入奏 上曰吾勞處民
 久矣 詔從其舊温州王宗雲朱君達來附各授以
 元帥之職還守其土及我師征溫失利輒叛去溫既
 平君達又請降溢曰小醜叛而復降納之是無法矣
 奏戮之浙江行省承 詔作大舟入海徵輸巨材檄
 處州與諸府同溢曰處婆之交限以峻險縱有木道
 何從出且凋弊之民曷以勝此力言於省臣止之洪
 武元年正月 上即帝位溢及劉基並拜御史中丞
 尋兼太子贊善大夫溢務存大體未嘗屑屑於細故
 或以為言溢曰臺憲百司之儀表居其職者當先養
 人以廉耻使人避不敢犯豈直搏擊為能哉 上親
 視社稷會大風雨還坐外朝怒儀曹議禮不合以致
 天變將殺之溢奏曰風雨已連朝無足怪者縱禮官
 議有未盡 陛下至誠自足以格神明願寬雷霆之
 怒上為之霽威 上愛溢甚嘗語溢及劉基曰二先
 生年向耄恐感霜露致疾善自衛攝不宜早趨朝也

存道部鄉兵萬五千從李公入閩閩平 詔存道以
 兵從海道北征溢持不可曰鄉兵農人耳始令征閩
 許以事平歸農今復調之是爽信也 上不懌而罷
 又繼論奏曰兵已入閩者俾還州里昔嘗叛逆之民
 宜籍為軍使北戰一舉而恩威著矣 上喜曰孰謂
 儒者果迂濶哉非先生為朕一行無能成茲事者受
 詔遂行比至處州母夫人已歿馳還舍例乞丁憂
 詔不允丞相李韓公貽書道 上眷待之意而遣存
 原還家灑泣而行比日治戎事惟謹鄉兵既集命存
 道部領由永嘉浮海北行上章乞如律守制 詔仍
 不允已而章再上 上覽之為惻然曰吾固知其情
 不可奪矣但朕憲臺缺人耳遂可其奏存道至崑山
 走京師聽進止 上授以處州衛指揮副使戍於上
 黨尋移平陽溢自喪母悲戚過度居常忽忽若無以
 自存者及營宅兆親負土石而感疾益深子女見之
 皆相顧悽愴曰勿憂也吾父母幸以安厝祖宗墳墓
 幸麓整飭歲時薦饗幸有公序吾庶幾無憾第荷國
 厚恩未能報效此為歉耳臨終親友何濬來候曰當
 收歛此心毋有所執滯溢曰吾久已知之遂薨於龍
 淵之私第年五十六訃聞 上甚憫悼乃撰文遣官

續修四庫全書 卷五十六 早九 浙江五 餘六

續修四庫全書 卷五十六 五十六 浙江五

卽其家祭之性篤於孝友父喪未葬而盜發里閭室
廬被焚叩顙籲天火至柩所滅事母夫人備極孝養
每事必得其懽心與二兄別已久卽創第龍淵三兄
同居以奉母怡怡之情藹如也先世有墓祠曰標慶
庵久乃廢弛重修葺之益田供祀事而定祭享之禮
命子孫世守之其於宗族里黨患其子弟無所於學
則創龍淵義塾延碩師以教之患其死者無所於葬
則以玉峰西崗爲義阡聽其埋瘞焉又以王叔剛實
鄉郡之賢者而石抹將軍忠於所事卽龍泉劍水之
陽作祠宇祀之曰忠賢祠蓋凡可以聳善扶義者無
不爲也狀貌宏偉器局夷曠外若和緩至臨大事則
議論爭辯不避權勢必折中於理而後已其與學士
大夫談聖賢之道如味飴密尤篤尚伊洛之學嘗曰
古人爲學皆躬行實踐人倫日用之間無非學也今
人以記誦詞章爲務特學之末事耳故溢於章句之
習皆不屑意而於綱常之大端有關於世教者恒切
切爲人言之平居務在濟人利物嘉言善行人皆能
道不可勝也

王景

王景字景彰松陽人自幼聰敏異常而有至情異性

本朝分省人物考 卷五十六

五十一

浙江十五

仁義之說期於實踐凡經史子集涉獵周遍發爲文
章高深雄健得古作者意當國朝洪武三年郡邑交
薦不就又明年由科目進其父語之曰吾家世受宋
爵暨元不競汝當思先世以儒道顯希聖賢之迹非
止於事親當移忠於君也景拳拳服膺及至京除鳳
陽懷遠教諭時方兵燹後學校甫興日與諸生披荆
榛建學宮講明堯舜禹湯文武周孔之道士子多有
成就上於天官考爲九州二十五縣最命未下而父
卒服除有旨徵天下博學之士浙江布政使安然以
景應詔旣至訪以治道日直翰林隨班朝見賜宴西
序製藩王朝覲儀改賜日本書作樂章與京城鐘鼓
樓記 太祖皇帝皆親覽尋陸大名開州知州政寬
平明恕民皆安之復修學宮建壇墀勸農桑均賦役
得新籍戶三千口若干田賦稱是會以疾歸鄉里明
年徵赴闕御書姓名於策命覆檢山東諸司牋奏日
給食大官亾何授山西右叅政風夜祇若以承流宣
化爲已任振紀綱恤民隱厚風俗清吏弊善彰惡瘴
百司肅然上下屬目冀見真儒之用不意有以稅糧
撓法者按之不伏辜上章誣以事謫居雲南臨安篔
瓢屢空不以介意日以經史自娛雖故人餽遺非義

本朝分省人物考 卷五十六

五十二

浙江十五

者一不受洪武年召回入翰林 太宗即位授翰林翰林侍講未幾陞學士階奉政大夫承顧問寵眷日隆及修 太祖高皇帝實錄與永樂大典俱為總裁書成賞賚優渥復督清文武官騰黃舉有成績兩典文衡去取至公號為得人六年以疾卒於官葬江寧鳳棲鄉之原享年七十有三靖難時言建文死 上問景葬禮景頓首言宜用天子禮 上從之

劉璟

劉璟字仲璟其父文成公伯溫也弱冠亟濡經傳喜談兵究極韜略握奇諸書偉貌豐頤議論英發既賊

續編分省人物考

卷五十一

五十三

浙江十五

葉丁香叛延安侯唐勝宗討之決策於璟破賊還薦

璟才略 上喜曰璟真伯溫兒矣召見璟謂曰朕欲

汝日夕左右惟閣門使如儀禮司立百官上宣達為

朕處爾無逾此官者遂授之 賜第馬衣帶金書除

奸敵佞四字於鐵簡賜之且命曰百官敢有不法汝

持此糾正會谷王封宣府謂侍臣曰谷王年少誰可

羽翼王者諸大臣故忌璟對曰閣門使劉璟忠勇果

敢可任 上領之授谷府長史并勅提調肅遼慶寧

燕趙六王府事璟嘗至燕 文皇與璟奕璟勝 文

皇曰鄉獨不少讓朕耶璟正色曰可讓處璟不敢不

讓不可讓處璟不敢讓靖難兵起璟馳還京獻十六策不聽令參議李景隆軍事景隆又不聽景隆戰敗璟夜半渡蘆溝河冰陷馬斃璟力破冰跳躋岸冒雪走良鄉趾裂跛行三十里璟子猶自大同赴難越良鄉至流州遇璟翼璟上馬奔還家養疾建文三年璟與疾赴闕進聞見錄千萬言又不聽令璟還家待用明年六月建文既遜位璟稱疾不起法官論璟逃叛逮至京見 上猶稱殿下且云殿下百世後逃不得一箇字下詔獄辨髮自經死法官希旨緣坐其家上不許得歸葬嘉靖乙酉提學副使萬潮肖像配享

續編分省人物考

卷五十六

五十四

浙江十五

文成祠

葉希賢

葉希賢松楊人建文中為監察御史方黃之獄殺幾萬人其謫戍窮邊不死於道則死於邊者又幾萬人方是時和尚方壯年披剃走西南重慶府之大竹善慶里山水奇絕和尚欲止居焉里隱士杜景賢知和尚非常人與之游往來白龍諸山見山旁松栢灘灘水清駛蘿篁森蔚和尚欲寺焉景賢豪有力亟為之寺和尚率徒數人入居之昕夕誦易乾卦山中人固謂佛經景賢曰和尚相釋而誦儒乎不可宜誦佛經

景賢意和尚不宜誦儒書恐有踪跡之者然又不肯顯言恐不能安和尚而和尚亦知景賢意改誦觀音經即名寺曰觀音寺和尚好讀楚詞時時買一冊袖之登小舟悉棹灘中流朗誦一葉輒投于水投已輒哭哭已又讀葉盡乃返衆莫之知景賢益憐敬之終不問所以和尚好飲不戒日注酒一壺俟客客至則飲不則拉樵牧豎入飲半酣呼豎兒和歌歌竟瞑焉而寐和尚頎形秀爽指柔白翦翦落筆成文不甚工密然意氣渙發又能感愴人死之日其徒問師即死宜銘何許人張目答曰松陽問姓名不對居嘗自稱

本朝分省人物考 卷五十六 五十五 浙江十五

日雪菴和尚

俞得濟

俞得濟字公廣遂昌人幼孤長克勵於學涉獵既博從先生長者習詩律永樂六年詔翰林集四方儒學之士纂修永樂大典及能書士職繕寫得濟以能書薦書成被賜資詔就翰林益進其藝十八年擢兵科給事中勤慎詳敏克舉其職坐累出爲邯鄲縣丞縣當要道使客百費取給於縣者日輻輳爲之有方民不困而事集尤以寬厚得民心洪熙改元召還爲刑部照磨尚書給事中皆言其才陞刑部主事盡心獄

中無冤滯者宣德五年以疾卒享年五十有一

李崇

李崇字宗楷縉雲縣人宣德丙午中鄉試庚戌中會試遭父喪水漿不入口者三日服闋而哀不衰正統丙辰拜刑部河南司主事蒞官行已一以古人爲師治獄法歐陽公求其生而不得然後論如法與人交際不過嚴以取怨不苟同以求媚一時同官咸以先生長者之禮事之己未廷臣建存省京儲之儀詔六卿減部屬視優劣而進退之尚書施禮不欲召怨於人以入官先後爲去留崇遂需次南還抵金華行

本朝分省人物考 卷五十六 五十六 浙江十五

第蕭然從者以匱乏告崇曰家近矣何過慮哉既歸日侍母於別業承顏順色熙熙然惟恐少拂其意別業中重構小軒前後層皆種菊扁眉曰菊莊時與門人子弟嘯咏其中悠然有陶靖節東籬之趣越三年壬戌秋官尚書魏源聞其賢薦起之癸亥八月調刑部山西司主事魏去淮揚金濂代之以嚴憚僚屬宗遇事據理辨是非雖被譴呵屹不爲動蕭宗伯恒時爲正郎深服其守正不撓久之金亦知爲純德君子甲子夏薦授員外郎每有疑獄必召崇相可否乙丑 上降欽恤之典勅法司簡公勤詳慎之士分蒞

諸道金以南畿地廣獄多遂以屬崇 陛辭乃矢曰
茲行苟取人一介當不生還道遇故人沈樂安蔣水
部淮安通判金華李某以精續銅蟾蜍鞞鞮見饋悉
却之沈以蟾蜍為清物強置于舟而去乃置諸水所
至覈奸直枉惟求公平賴全活者甚多竣事還京不
數日河南有謀殺商旅者久不得其情金復請於
朝命往廉之侍郎薛希連謂甫回輒遣能無獨賢之
歎乎金曰勤勞臣子之常疑獄 朝廷所慎萬一有
罪者生無辜者死我輩固不得辭其責李員外獨心
安乎崇深以金為知己忻然請行已而其事果白人

本朝分省人物考 卷五十六 五十七 浙江十五 孫明

皆稱之丁卯金以部屬正郎缺員數多首以崇薦
命下得江西部冢宰太和王直颺言曰素聞李某賢
江右之人其蒙福矣某衛刁軍誣千戶劉某謀逆無
少長男女皆下獄連坐者幾百人不避利害悉為直
之劉感恩無由請謁謝其第率家人望門羅拜而去
已巳秋八月 上親征北虜留守大臣薦其才德老
成陞本部右侍郎階嘉議大夫十月奉勅巡撫廣西
道出淮揚金濂方凱自閩還握其手大笑曰公論之
不可誣如此蓋喜 朝廷用得其人也廣右災荒之
地去京師幾萬里下車諭庶僚曰吾承 君命保障

一方已不敢有其身矣爾輩當體此意以此身與此
土相為安危可也豈可以地方善惡介意私便身圖
自取不職之罪以負 朝廷之任使哉恪勤職業者
雖下僚待以殊禮懦不立頑不廉者在方岳亦擯斥
不貸用是廉能者勸不檢者自新法度詳明防範嚴
密朔望詣學宮謁先聖畢退揖諸生親為講說語以
孝弟忠信禮義廉耻事民有不業農而嗚嗚仰賑貸
者 命分巡及屯田官給以種子使之耕種歲旱嘗
齋潔致誠檄文於神雨應期而降先是諸司繫囚動
涉旬月為之期日非死罪不許浹辰司刑之官夙夜

本朝分省人物考 卷五十六 五十八 浙江十五

敬慎滯獄一清令行政舉百姓歡呼桂林有靖江王
府悉裁之以義上不違 朝廷親親之心下不失仁
民之意王始雖不悅終深敬之然百粵之地羣酋非
一種雖承平之日叛服靡常景泰庚午東西相煽起
慶遠抵柳州數百里間居民竄匿道絕行者兵少糧
缺乃汰老弱革冒濫餘丁三抽其一復調土兵益之
設法以給軍餉且廣屯衆募民耕閒田以備日後之
需信用賢能不師已見轉輸者不告勞征伐者不畏
死討捕招徠威懷並施未及三年獲俘馘以萬計給
還民男女踰千獲馬牛羊無筭地方用寧 朝廷嘉

其勲命兼提督征蠻軍務事仍有白金綵幣之賜崇益圖報稱至忘寢食尋奉璽書簡黜廣右諸司之庸懦不肖者一以公道處之人亦無不服都指揮黃玠殺其猶子上官知府珮并其二子蓋上官邊徼遠臣生殺之柄自昔行於境內享有富貴廕及子孫故庶孽往往推亦同氣甘心於弑逆而惟位是圖玠挾其衆多且驍勇肆行無忌崇外示優容中畫成策竟以事執之玠本逆犯在獄設計上疏請易儲用事者不悟其非友如所請而勞資陞秩崇鬱忿成疾繼巡柳慶諸郡加冒嵐瘴疾日益甲戌上書乞養病告代還

不持一物隨身書劍亦棄去不留復命於朝明辰乘傳而還天順庚辰十二月卒於官壽六十有一

陳 詔

陳詔浙江青田人宣德五年禮部會試第一歷監察御史四川按察司副使僉都御史爲人平恕周密無怙勢賊物之失闕中盜起詔奉命往宣德意以安輯之革心向化者多景泰二年九月還京卒遣官諭祭賻以鈔幣

薛希璉

薛希璉字廷器麗水人宣德五年登進士第尋詔歸

進學後三年赴召觀政兵部拜貴州道監察御史負氣敢言不事訐直正統元年按治於河南克持風裁駁駁有時譽矣又明年巡京市場坊塌坊者四方百貨所聚也利博而奸生商賈患之京尹以爲言上命察之不踰月而權豪罔利者屏息上下便之考最賜勅進文林郎五年廷選憲臣俾奉璽書分行天下舉備荒之政復按江西所至以便宜剋奸弊廣儲蓄增築陂塘以興水利變通有法寬猛得宜吏服而民賴之能聲益著事竣擢刑部右侍郎八年畿內廣平等府旱且蝗奉命往視至則黜賊吏蠲逋負弛徵輸嚴令捕蝗蝗乃息是月大雨者三苗稿復蘇民以不流亡未幾往理鳳陽等處屯田宿弊一清軍民兩利十年巡撫直隸保定淮安等一十二府事有便不便者施罷不少俟宣上德達下情民用感悅十三年夏復往鳳陽賑饑民賴以濟是歲閩寇鄧茂七作亂師征踰年始克之而郡縣凋弊尤甚受命鎮守其地撫輯人民既而殘寇羅丕復起請調兵討之晝夜籌度知賊黨迫脅者衆遣人抵其壘諭曰若等皆平民苟能自新吾當上請寬若罪不然將殄滅之無遺育乃已降者數萬計先是有逃入海者聞之亦棄兵自縛

本朝分省人物考 卷五十六 六十一 浙江十五

詣麾下待罪悉釋之使歸田里其負固不服者縱兵擊之擒斬殆盡閩寇乃平以功陞刑部尚書景泰三年行考察政命之山東廉問以實罷黜貪鄙者二百五十餘人頃之山東旱蝗禱於泰山雨注而蝗息經營賑貸活饑民無算天順改元 上簡賢圖治任以南京刑部尚書用法明審而存心一以仁恕刑無寬濫至是卒享年六十為人忠厚端詳氣貌溫雅事父母篤於孝敬居喪哀毀如禮教子弟嚴而正與朋友交和以誠居官謙約不以貴勢驕人御衆寬而有制用兵持刑不殺無辜尤諳練政務前後奏疏百餘章

蘇州府志卷五十六

六十一

浙江十五

皆憂國愛民之計至於處大事決大議一言而定人莫測其際焉

金文

金文字尚德號履素麗水人少穎異甫八歲能習歐字十四能詩文侍父游宦京師學易于學士劉文安公析疑辨理厭服羣輩弱冠入邑庠時草寇攻圍郡城御史李公俊募奇勇士百道固守文應募建策多所裨畫賊常以所得箭反射城中衆不能禦文爲去其枯綴銅函於弦而射之賊不知所爲勢遂窘比寇平衆皆自占賞獨固辭不受力奮于學景泰庚午領

蘇州府志卷五十六

六十一

浙江十五

鄉薦明年第進士選入翰林爲庶吉士藻思穎拔公卿奇之癸酉拜行人出使四方詞翰語言見者嗟讓九載陞刑部員外郎司政久滯剖決如流一月之間發遣殆盡司寇陸公深所獎譽保定有疑獄事于貴戚久不決往勘之事辨而人無後言以父艱歸復除刑部郎中壬辰奉勅審理南畿刑獄平反二百七十有奇有受誣得雪者以沉香木肖像而祠之真定頑民上封事官民被誣者累百餘奉命鞠之三日而情具奏徙其人於邊而已在刑部始終十三年無私請托者合察稱之無異詞丁酉陞河南開封府太守開封爲中州大府政務旁午從容處之府獄舊遠府治卑濕逼隘瘠死者六七十人爲徙之府解時累歲淫雨害禾黃河崩決百姓薦饑流離者不可禦憂惶至不能食乃親履災所驗實圖狀定高下爲奏免其賦又奏便民七事詔皆可之素剛直不能與時俯仰當道忌而銜之會諸道覈官或潛以文名附章未乃得詔與致仕時年纔四十九知者無不爲之太息聞之不待報即忻然治裝歸和陶靖節歸去來詞以寄意既謝事治別業去城西一舍許扁舟往來遺落世事隨所得爲題咏曰鏡潭雜咏復號鏡潭主人得年僅

五十四

潘琴

潘琴字舜絃號鶴溪景寧人歷南京吏部主事改兵部武庫遷職方員外郎郎中擢福建興化知府致仕以詔例進階亞中大夫凡在官二十九年家居三十八年年九十而終幼警敏蚤邃經學尤博極史籍爲文章典則有古風致性嚴重不苟合以天順丁丑舉進士官南曹成化辛卯乃有興化之命建社學毀淫祠禁端陽競渡元宵放燈每以片言折獄廷無留案籍廢寺田以贍公用鉅細出納皆有籍記可覆按不

本朝分省人物考

卷五十六

六十三

浙江五

避權貴權貴人始譁而終信之自己亥致仕以來口不道世事足不至公室惟教子姓及鄉後進文學齒德隱然爲東南重雖踰耄神采精健不異少壯時所著有竹軒稿七卷詠史詩一卷會小疾卽移正寢戒婦女無敢近及脯而逝琴羣行悉備尤敦孝友創祠宇修宗譜闢祭田修累世祖墓自爲贊記族子翰林編修時用今稱南屏先生者琴實教誘之竟以學行大鳴於時

金忠

金忠字尚義麗水人天順壬午舉鄉薦甲申登進士

第會修英廟實錄奉詔往應天太平寧國徽州諸府採錄事蹟還簡試御史事于南京丙戌拜貴州道御史未上聞父喪歸又喪母哀毀踰禮庚寅服闋上京師卽上疏陳三事皆人不敢言者復除南京御史直星變具疏上言愈切巡上江抵南康諸府法尙嚴肅沿江諸司各置紙牌籍兵尅期更相考覈俾往來江上無虛日盜不敢肆監南京內帑諸衛倉及象馬諸草場吏卒轉相戒曰勿犯金御史攝雲南江西山東三道事劾大臣不任者一人三載考績道得鼻軻至南京移疾不視事因圖爲去計會臺檄遣巡盜蘇松

本朝分省人物考

卷五十六

六十四

浙江五

諸郡辭疾不往都御史胡公敦勸之而行人謂其執法太重而忠守之不變有爲所按者誣拾其陰事以奏遂逮捕聞命以妻子屬其友陳御史直大曰吾不免矣自往就逮入錦衣衛詔獄成謫戍遼東三萬衛談笑就道意慷慨如也時至遼杜門謝客有達官問所欲謝曰此正某平生所不敢爲者居六年病卒時諸子皆不在側家人以冠帶服之不能言但搖首至再易深衣乃一領而絕年四十有八性剛斷負才仗氣見義無所讓同邑進士吳榮卒貧不能舉合賻治葬又贈所鬻田若干畝貢御史壁道死具棺斂歸其

喪南京致賻以行遼有兄弟相仇者諭弟退避其兄及貧急又賙之所著在官有幾天稿三卷在遼有東甌童子吟稿三卷廣惠集方一卷藏于家初子祺方娶十日聞父難亟來赴及被謫兩上疏乞代父戍不得自歸遼為狀甚悉知者皆相慶曰金尚義有子矣

周南

周南字文化縉雲縣人成化辛卯以邑弟子員薦於鄉戊戌舉進士授六合令勤政恤民省刑均賦去之日挽留塞道民有一周如水之謠歲癸卯擢監察御史出則接近畿以及廣東皆著風裁入則總諸道章

本朝分省人物考 卷五十六

六十五

浙江十五 姜洪

奏臺中稱能遷湖廣按察司副使遭父喪服闋改江西進按察使所至稱廉明薦剡交屬時宰或忌之南抗疏且去銓曹惜之改任廣東未幾陟江西右布政使弘治十八年召為副都御史巡撫大同邊事多所籌畫虜常一入輒告捷有文綺白金之賜加俸一級俄以母喪去位逆瑾以查盤邊糧草與大獄就逮詔獄半載改獄大同嚴刑淹禁扶病奔頓見者流涕正德五年寘鐮反赦天下隨命復職聽用瑾愠其不叩門致謝俄矯詔復黜為民再繫大同獄比瑾誅乃得免六年命巡撫宣府引疾徑歸朝廷憫之正德辛未

江閩廣三省交界山谷大帽山等寨賊首流劫攻陷建寧寧化石城萬安等縣僭號稱王 命巡撫南贛汀漳地當四省之衝時方多事綏靖得宜惡黨悉平會諸道合兵剿寇盡殲之九年以功擢右都御史督兩廣軍務兼理巡撫廣人聞南來不勞而定南知累歲兵後民思息肩乃弛威布德惟飭長吏勸農寬賦痛省浮費以身先之一二年間民得蘇息十年疏請致仕優詔許焉乘傳以歸月有廩歲有夫役家居十七年間時事未嘗不動欣戚官府事未嘗有所與至小民受害未嘗不直言或取尤終不顧其儉素出乎

本朝分省人物考 卷五十六

六十六

浙江十五 姜洪

天賦在官惟菜食兩奔喪皆即日就道不受餽奠屏去葷酒蕭然一室居常手不釋卷尤精意文翰所著有知白齋稿盤錯集和許郢州詩集奏疏若干卷行於世性剛嫉惡而中實有容故能以功名壽考終享年八十有一贈太子少保

鄭汝璧

鄭汝璧字良玉號崑巖縉雲人隆慶戊辰進士初授刑部主事累轉郎中京師人頌其明斷咸願就質爰書成于手受罰者自以不寬錦衣主緝諸不法健役貪功以毛鷲相師獄詞多誣一一反之且命衛役不

得入署門宿猾無所容其奸持衛篆者亦心折焉尋
調驗封轉考功丁丑大計外吏有一二犯公議者其
人方走首揆門下蹤跡甚匿自謂立致開府榜出竟
黜聞者且駭且快且服踰月轉文選履任日即提推
典史故給事趙公參魯以推官超擢福建提學僉事
同署皆謂事涉太奇日事機不可失一見端即當斷
行之稍遲恐生他說天下才自足供天下用持秉者
未能無私然慎勿以有私待之參伍事勢以資與才
與地相提衡焉私無所容矣然竟以不能浮沉俛仰
于江陵陟太常少卿不數日出爲福建右叅議遷廣
東副使遂抗疏以歸時二尊人俱在堂深以得侍養
爲懽而素潛心理學既閒居則立爲程蓋日率靜坐
者二時餘則勤勤著述事間從邑中耆德爲杯酒謹
或相約登臨搜奇探幽寓目于鼎湖芝峽間其持家
甚嚴凡接見客會計家務皆有時傳語各有人家人
遵之不敢稍違家食者十二年起井陘兵備副使隨
遷赤城叅政赤城在上谷最北直懸出塞外三面皆
虜至則以軍容肅下略去苛禮時衣袴裙與諸將馳
走郊原校武技講戰略赴陽和謁制府皆以馬不以
輿明年遷榆林按察使再遷右布政權僉都御史巡

本朝分省人物考

卷五十六

李士

浙江十五
省自

撫山東值歲大饑加意軫卹諭郡邑權宜通有無給
金米又命諸市集具餽粥以待餓者委任得人給有
次第全活甚衆土人勒石記之青州賊魏邦齊倡亂
殲之賜白金河南亦荒甚至人相食 天子發帑金
萬餘賑之大司徒楊公博揚言于衆曰救荒乃巡撫
職若一值荒即須內帑安用巡撫爲今歲河南山東
同饑山東有鄭公宴然無事而河南遂至如此衆翕
然服其言會丁父憂時以飛語中傷有別調之旨久
之起南京太常少卿仍擢右僉都御史巡撫延綏延
綏其舊宦地也形勢要害皆所熟諳而諸裨將多舊
材官指使如意虜會炒兒忽明愛等寇孤山紅崖墩
命大帥李如璋擊敗之火落赤犯安邊命大帥杜松
破走之復窺懷遠命遊擊沈應蛟戰却之事聞賜白
金文綺遷兵部右侍郎兼僉都御史總督宣大山西
軍務廕一子入胄監丙午夏蒞任而疾已作急疏乞
骸骨者三最後得准回籍調理至山東荆門驛卒于
舟中以延綏軍功廕一子錦衣衛世襲百戶予祭葬
有律解帝后紀略諸王表功臣封爵考由庚堂等集
行于世

本朝分省人物考

卷五十六

李士

浙江十五
吳士元

祝大昌

祝大昌處州麗水人孝友出天性能以色養父母意有所欲候知之不言而事集一日不見皇皇焉如失重寶得一甘味雖百里外必歸薦之乃敢食母疾晝夜煉藥奉滄糜以進衣久不解蟣蟲叢生其間疾病走禱於羣祠且泣且禱不成聲見者為墮涕及母歿號慟幾絕諸復襲襖綴斂殯奠附一哀於古禮會火起勢烈甚急莫能救大昌伏母棺號慟誓與柩俱焚火忽自滅既葬如有望而弗至既而曰是將何以解吾憂乎乃肖二親像于堂祀之如生存州里異以為古蔡順丁蘭復見也事兄公亮如父家事大小必關白而後行公亮出大昌不敢中席而坐弟公直沒號哭頓仆久乃蘇孳孳以同爨為家政請公亮建家範數十則令子姓分任其事視勤惰而勸懲之每日序食堂上氣象雍睦不聞人聲三世一體怡怡也或問之分財大昌撫膺長慟痛自責以為吾不睦不友之過也故處人稱大昌孝友無間言大昌風儀岸特善談史上下數千年治忽幾微如指掌尊賢重傅平心率物未嘗以好惡有徧徇故舊貧窶者周之死給之棺歲儉輒出粟平糶元季青田盜阻民不得鹽食出所儲鹽惠族媼下及閭井鄉人咸德之藩閩徵辟不

本朝分省人物考

卷五十六

李九

浙江十五

肖自

應竟隱居而終

補遺

葉子奇

葉子奇字世傑龍泉人少好學博物洽聞嘗以究極天文物理自負洪武十一年春有司以令甲于二月望致祭于城隍神未祭之先羣吏竊飲猪腦酒縣學生發其事子奇適至學亦以株連而就逮乃于獄中以瓦研墨有得輒書事釋家居因續成之號曰草木子所著又有太玄本旨範通靜齋集詩宗選玉本草節要等書行于世

本朝分省人物考

卷五十六

李十

浙江十五

胡深

胡深字仲淵處州龍泉人少好學於書無所不讀元季兵亂深集鄉兵結寨于湖山既而我太祖下衢婺命胡大海耿再成取處州深時統龍泉慶元松陽遂昌兵欲閉關守禦二民咸請于深願內附以全民命深知時事已去乃解甲出見大海且曰吾所以為此者欲郡邑之民安耳 上素聞深名召至京擢中書左司員外郎日與論天下事言輒稱善浙東苗軍叛 上命深總制處州經畫以賦度地築城浙西李伯貞温州方明善皆相繼敗降福建陳友定擾邊深

奉命征之深突陣決戰馬蹶被執深因舉竇融歸漢
故事說友定友定亦禮遇之會元使至遂遇害事聞
上痛悼不已議加卹典追封縉雲郡伯

蘇民

蘇民字天秀遂昌縣人弘治十五年進士由檢校知
縣選御史正德二年午瑾降四川驛丞尋陞吏部員
外郎中累陞刑部右侍郎疏請致仕

施山

施山字鎮卿縉雲縣人正德十二年進士白宣誠知
縣選廣西道御史巡按貴州福建建言下獄降無辜

本朝分省人物考

卷五十六

七十一

浙江

州判官陞大名府推官累陞廣西僉事



人物考卷之五十七目錄

江西南昌府

李叔正

朱夢炎

龔鏞

朱善

胡儼

孫貞

劉端

包希魯附于貞

黃宗載

劉孟雄

熊槩

孫日良

聶好謙

范求

况鍾

萬觀

本朝分省人物考

卷五十七目錄

十一

王仁

熊尚初

陳安

羅虎

楊瑄附于源

李裕

熊懷

張元禎

王一夔

涂觀

丁璐

范瑛

于大節

熊繡

熊景

江潭

舒綱

楊廉

周季麟

艾璞



楊峻

范兆祥

熊卓

汪深

朱廷聲

熊桂

陳奎

周季鳳

萬夔

熊劔化

李材

魏良政

本朝分省人物考 卷五十七目錄

二

本朝分省人物考卷之五十七

南直督學御史西浙巡庭訓纂集

門人蘇松備兵副使南郡熊膏恭閱

男 過銘盤

過銘孟

過銘簠

寧國府學生員嚴弘志

句容縣學生員劉孔揚全訂正

江西南昌府

李叔正

本朝分省人物考 卷五十七

江西一

李叔正初名宗頤字克正南昌府靖安縣人年十二

以能詩聞人以神童呼之既長博通諸子百家之言

江西十才子叔正其一也方陳友諒陷南昌時妻夏

投井死叔正終身不再娶歲丙午初設國子學時有

以宗頤名薦者擢為學正洪武三年告歸田里許之

既退自齒於齊民已而廷臣以大學舊僚文行兼備

無若叔正者登名薦剡誤以克正為叔正四年徵至

京師仍除國子學正遷渭南縣丞時同州人與蒲城

人爭地連年不決行省以是事委之叔正即單騎至

其處召二家至前立談而決縣歲輸糧二萬而田無

定額乃令里社丈量立法密而刑嚴奸慝警服畢
獻其誠於是豪右失計公私交便遷興化知縣尋
召爲禮部員外郎年老乞歸不許除國學助教叔正
凡三至太學至是日與諸生講解立課程而督勉之
雖責胄待之愈嚴旦夕端坐聽察誦習無倦容暇輒
會計廩餼毫髮無敢欺者 朝論推讓其賢能遂遷
監察御史嘗奉 命巡嶺表會有瓊州府吏訐告其
守進表公座僉名鞠之抵吏罪而守之誣得直 上
聞而大悅獎諭之曰人言老御史懦乃明斷如是邪
連擢湖廣叅政陞布政使 召還爲禮部侍郎十四
本朝分省人物考 卷五十七 江西一 陳士儒

年陞本部尚書卒年六十四

朱夢炎

朱夢炎字仲雅進賢人夢炎元至正進士爲撫州金
谿丞歲丙午以故官入京延居上賓館 命與儒士
熊鼎等集古之忠良奸邪事實以恒辭直解之爲訓
士書及務農技藝商賈書使貴賤之家講誦通知大
義書既成有白金及衣帽鞞鞞之賜俄除國子博士
俾領胄子教之夢炎日以所爲書訓迪諸生兼使讀
誦經書無所弗率教者 上時召問夢炎奏對詳雅
應制作爲文章皆典則有據 上益重之吳元年遷

翰林修撰坐小誤出爲浙江按察司經歷洪武二年
轉山西行省員外郎是年入爲禮部員外郎尋陞侍
郎十一年四月陞本部尚書夢炎博學善記通歷代
文獻之學如指諸掌 朝廷稽古議禮審樂皆有力
焉

龔鏞

龔鏞字子諫南昌縣人由舉人授兵科給事中擢雲
南按察僉事秩滿詣京以諫議謫役尋起爲廣西僉
事復調廣東薦陞按察使所至以廉潔自將盡心所
事多所建明忠切時弊年七十一乞致仕詔允之至
本朝分省人物考 卷五十七 江西一 陶作

是卒歷官餘四十年家計蕭然無忝纍積平生剛介
直諒不以富貴累其心官雖蒞急泉未嘗尚嚴威尤
人之所難云

朱善

朱善字備萬江西南昌府豐城縣人少聰敏十歲能
文通五經四書大義祖雲洞先生嘗謂人曰吾孫他
日必爲令器及壯以經學授徒壬辰兵變隱居鄉里
養親教子杜門絕跡以聖賢道學爲己任奉繼母克
盡孝道友諒戰爭扶母奔竄十餘日復全人謂孝感
所致 高皇平一海內開建學校乃以豐城爲富州

州守延善至郡庠教有成效以名聞於朝授郡學教授洪武八年延試諸儒善為首乃除修撰署院事知制誥逾年以奏對失旨謫戍遼東十七年上思用老成驛召善還京以為待詔善常奏有國者重世臣有家者重世婚近日禮教弗明婚姻混亂或已聘而見絕或既婚而復離議律不精其禍乃至於此成周之世為婚姻者不過齊宋陳杞數國而已故當時稱大國曰伯舅小國曰叔舅世為婚姻可知也列國之君曹衛陳鄭秦晉莫不皆然降及後世如晉之王謝唐之崔盧潘楊之睦朱陳之好罔不以世婚為重

本朝分省人物考 卷五十七 江西一

今宜弛禁以通人情別族以明世教 上從之十八年 命主考禮闈撤棘之日乃起遷奉議大夫文淵閣大學士五月辛酉朔 上御華蓋殿命善進讀心箴善復言曰古者人君致治重在任人蓋任眾賢為耳目則視聽周乎四海任眾知為計慮則利澤施於萬民今天下太平惟選任賢才宜留聖慮 上曰任人之道當嚴於簡擇嚴則庸鄙之人不進當專於任使任使專則苟且之意不行然必賢者乃可以專任之非賢而專任者必生亂也是任人為難然人亦惟始終如一者其懷忠報國之心堅如金石然後任之

若匿詐似信懷姦似忠者決不可任也是年九月忽遭危疾 上遣醫調治其子逢掖請告還豐城卒年七十有二屬纊正冠危坐舉手加額曰感荷 聖恩無以報也語畢而絕鄉人見有星如虹墜其舍所著有詩經解願輯釋史輯諸書正德間賜謚文恪

胡儼

胡儼字若思南昌府南昌縣人自幼好學受經於伯父虞部員外郎汝器自求賢士相師友熊伯機以古文辭自高一見儼亟稱其有所養以古文法授之既長博極羣書至於天文地理律曆醫卜皆通其說洪武丁卯舉鄉試第二人明年中會試乙榜授華亭縣教諭時年尚少而能以師道自任勸勉諸生務實學勵行檢以變浮靡之習日親講授每至夜分雖隆寒盛暑不廢父老皆稱重之俄以內艱去繼改授長垣縣上疏乞近便養親改饒之餘于自是著為令其在餘干如華亭時士子樂從之成效居多已卯以薦陞桐鄉令為政以愛民為本凡可便民者以身任之民間積年逋負悉與奏免邑中虎為害傷民物乃齋沐告於神虎遂滅跡表朱桐鄉墓俾民奉祀嘗督漕運次三山值大風雪遇中流有覆舟命僕夫援之活其

本朝分省人物考 卷五十七 江西一

被溺者三十餘人捕蝗途中見饑餓病者悉命里胥扶掖就民舍給以藥石是夜大風雨得免暴露存活數百十人其治行卓異不羣識者知其必得大用壬午軍旅方殷廣求以集事御史府左副都御史練安薦於朝稱儼學足以達天人之際智足以資帷幄之籌於是召至京師未及任用而文皇帝已渡江矣翰林缺人吏部以儼名上為翰林供事陞檢討尋陞侍讀命同解縉等七人直內閣備顧問儼在七人中遇有顧問必從容審度而後對未嘗以才智先人時論多之甲申陞左春坊左諭德兼官如故侍仁廟

本朝分省人物考

卷五十七

六

江西一

於東宮在講筵凡古今治亂得失必反復敷陳以圖裨益以外艱去詔奪情道過南京入見東宮詢及民情所對皆切時事其年九月由內閣出拜國子祭酒以身率諸生奉守學規以圖成效一時人才翕然從化為文皇帝所禮重時國子生有以故告歸者皆坐成儼上言其情有可矜者得免永樂四年丙戌三月上幸太學儼在講筵賜坐講經儼講尚書堯典從容敷暢上俯聽甚悅賜賚優厚儼雖掌國學然朝廷有大制作若纂修高皇帝實錄及永樂大典天下圖誌諸書皆為總裁未嘗去館閣儼復善

書所進歌頌詩文詞翰並美上益簡注五年丁亥獻平安南頌七年召赴行在八年二月上命以祭酒兼侍講掌翰林院事供史職命戶科都給事中胡濙署監事十年十五年俱供事行在翰林院復直內閣輔導皇太孫監國縝密謹勅上下無間言十九年定鼎北京改北監洪熙春以疾乞致仕賜璽書褒美加授太子賓客致仕復其子孫賜寶楮為道里費仍命有司給舟車還閒居二十餘年日與學者講求性理之學親藩禮遇之方岳重臣咸待以師禮與之言未嘗及私且處甚澹薄歲時僅足衣食嘗表許遜

本朝分省人物考

卷五十七

七

江西一

韋丹廟請春秋致祭修白鹿書院羣儕中有不合即引退不與辯以故所至能全交既歸田里雖聲聞不至於朝廷而在朝論舊德耆俊者必歸焉館閣舊遊歲時存問不絕輒相與倡和達官顯人與東南好文之士徵言者足相躡於門正統癸亥卒年八十三計聞詔遣官諭祭命有司營葬其為文以理為主不尚辭藻所著有順菴文集行於世

孫貞

孫貞字宗正豐城人洪武以貢充國子生中癸酉鄉試甲戌登副榜者百六十餘人詔三等銓之貞得教

授紹興有施御史者按郡甚嚴私於給事徐氏子既
令充增廣生又升而廩膳之貞諱不可御史氣為沮
郡官皆從旁私語使姑許之退可改行勿與面質貞
曰君子與人以信焉有今日許之而明日可改御史
知不可奪遂止及奏績為諸郡最府有張通判以廉
介稱坐事繫獄都臺獄吏索賄不得多所挫抑事白
復官人疑其必易所守而張廉介自若會詔下教授
得薦賢貞即舉張遂擢按察僉事張貧甚無所治裝
貞即資之行永樂紀元貞秩滿陞國子助教嘗謂學
須以靜為本因立家教以示法於是閤其燕居之樓

本朝分省人物考 卷五十七

八

江西一

閉諸子其上親授以經諸生效之多成材者時博士
黃彥清與貞連居因熟其從子金蘭後彥清以姦黨
沒家金蘭為貴池典史坐累至京失所歸貞館之三
年有不足輒周之或傳言將罪彥清鄰佑又謂將罪
金蘭宿主貞皆恬不為動同鄉楊伯震為長蘆運副
得罪自獄中出病疫無復人色昇至貞門欲托寓焉
旁舍懼其相染固却之伯震遂露臥祠下貞歸聞之
嘆曰人各有命病豈能染耶亟命移入病卒以愈貞
嘗署監事監生在歷有事故不在官者所司移文問
狀六館紛然莫知至經旬不得報貞乃作類姓簿各

錄姓名籍貫班次欲求其人索姓下即得之監中釋
便遂為定法子曰良時為御史同居每夕歸必問今
日治何獄當則喜有不當輒切責之以是竟能其官
日恭為翰林編修分月俸致養卒不入升斗為已費
壽以欽賜銀幣不發封輒還之而報以書曰我俸恒
足爾宜自養爾廉勿復致也宣德初奏乞歸省卒年
七十五初為國子生時與郡人盧淵同舍及寫武臣
誥與主事夏原吉同事教紹興時與郡守李慶相善
後淵至侍郎原吉慶至尚書貞未嘗一至其門其自
守如此所著有竹齋文集

本朝分省人物考 卷五十七

九

江西一

劉端

劉端南昌人由進士官大理寺丞廉明執法靖難後
因治方孝孺獄暑月縱息樹陰劓鼻自卒平生負浩
然之氣每以天下事自任在詔獄時有詩云綱常干
古事此日屬銘彝所著有儒行十二篇懷古詩集并
百家輯錄隆慶初詔恤革除死難諸臣建大節祠以
祀之

包希魯

附子實

包希魯進賢人學問該博制行高潔門人受業者必
先德行而後文藝士習為之一新稱國忠文先生所

著有諾若集子實夫力學明經事親至孝一日獨行忽遇虎銜其衣曳至林莽中實夫曰爾欲食吾肉吾何憾念父母垂老缺終身之養虎知我乎虎乃起復曳其衣至故處而去人以爲孝誠所感永樂中旌其門

黃宗載

黃宗載豐城人自幼喜學年十五已能爲里塾師爲郡庠弟子從熊伯機受春秋遂取進士爲行人謹於自治奉使四方未嘗受饋遺歷左右司副爲司正以父憂去治喪無違禮不飲酒食肉者三年服除領舊

本朝分省人物考

卷五十七

十

江西一

職永樂癸未以賢舉授湖廣按察司僉事時湖廣諸道惟銅鼓五開最難治分巡刷卷者多憚行蓋天下巨姦宿猾皆謫戍其間善舞文弄法與事撓官府而陰把持其短長往者欲稍按治卽糾結如膠漆不解欲一切漫漶則見嗤無可奈何多避不肯往載至當刷卷卽毅然治行到武陵問風俗知其人苦於從軍女子惡爲軍婦不果嫁男子則慮婦家往從戍而以徭賦累已不果娶至年三四十猶獨處乃召鄉老里正諭人道大端俾轉相告語務嫁娶以時不踰月成婚姻者三百餘家他縣聞風皆樂從俗爲之變乃榜

諭銅鼓五開諸姦豪數其罪惡且發其善端曰不改

必寘之法衆知德化人人相戒勿犯比至莫有干於

理者丙戌徵詣文淵閣修永樂大典書成受賞而歸

已丑坐累謫楊青驛處之如平時遣一力受役而躬

自執爨暇則閱書史以吟咏自娛癸巳起爲山東道

監察御史侃侃自持乙未上親策士於廷時鴻臚

無卿丞張斌任事恃城守功最狠戾多所中傷人頗

憚之以不與讀卷至爭論上前不已載奏斌不學無

識不可以讀卷乃敢煩瀆 聖聽如此當伏法士論

壯之丙申命巡按交趾交趾城中諸軍營房覆以茅

本朝分省人物考

卷五十七

十一

江西一

故多火因廉知軍民歲歲伐材陶瓦備官用然皆資

權豪命三司幕官稽其數凡有取者皆著於籍由是

無敢私費不半年營房皆易以瓦覆火患遂息及歸

行李蕭然無交趾一物已亥丁祖母憂居家有旨奪

情授貴州道監察御史甲辰 宣宗皇帝正位東宮

夢選官僚職輔導權詹事府丞未幾陞行在吏部右

侍郎時少師蹇猶兼領吏部事多倚載載協力一心

進退人才必準公論不苟爲異同故一時號得人洪

熙元年賜誥命制詞有清潔平恕恭謹厚重之褒遂

南轉南吏雖無銓選之勞而勞於馭吏蓋其人率多

邪巧見害必避見利必趨往往冒法以僥倖載正已率物無少回撓屹然如泰山喬嶽不可撼已未進階資政大夫制曰寬和有執廉靜自持又曰小心慎職始終不渝人以爲實錄既孝於親篤於二兄仲氏宗曼有孫孤承裔貧苦不能自立載命其子文凱儒凱收養之文凱先卒獨儒凱繼其家及載歸卽爲承裔治居室使仍守舊業毋廢墜

劉孟雄

劉孟雄南昌人以賢良擢龍溪知縣縣與潮接壤山谷崑阻有陳永定者負險爲寇抄掠傍縣累歲不能

本朝分省人物考

卷五十一

十二

江西一

制孟雄至以計掩捕之先是爲邑者多貪闇不職吏貪緣爲奸徭役不均民富者幸免貧者不勝其困多竄徙孟雄覈其戶之虛實而等差其役流民間者相率來歸勸農務耕禁淫祠寬刑罰衛善抑奸邑以大治秩滿陞安州知州龍溪縣民相率奏乞留之授知州職還治龍溪甲子歲卒

熊槩

熊槩字元節豐城人永樂九年登進士拜監察御史聽決精敏若老於吏事者卽以能稱時 成祖駕幸北京 仁宗以太子監國事槩侍朝立文華殿門下

於大衆中見其狀貌壯偉問侍臣誰何以槩姓名對十六年藩憲大臣員缺 成祖命吏部簡兩京朝臣有材望者補之槩擢廣西按察使 仁宗宴於禮部予道里費至則慨然以戢吏姦恤民隱爲已任屬谿峒蠻獠大出殺掠居民聲搖諸郡桂人大恐布政使議欲請於藩王出兵以遏之槩曰吾等受方面之寄寇至無計捍禦乃以煩藩王事聞誰任其咎寇必不至戒嚴而已旣而果然議者服其識有居官而沒於其任者家以道遠弗能還 朝廷詔所在給舟車歸之有司迫促甚至槩念男女生聚有年一旦遣行貲用凋落奏乞聽其便從之十八年調廣東二十二年

本朝分省人物考

卷五十七

十三

江西一

仁宗正位召至而官車宴駕 宣宗親政以常鎮蘇松浙東西諸郡豪右之民往往挾詐力持吏短長脇制州縣肆毒善良無厭細民苦之特改大理寺卿命偕中貴人往按之槩亦知 上用已之意徧歷其地况官吏之無狀民之尤無良爲巨蠹者籍其家盡械以歸於京實諸法聲振動於一時海鹽民吏慶眞自號平康聚無賴之徒恣行剽掠有司累歲莫能禁聞槩至盡室遠遁得之武昌抵以殊死於是奸宄帖息單弱之民舉安其業父老勤逸稱快三尺童穉皆

知其名而相與傳頌之所至以餘力新學宮勸勵諸生先賢若胡安定范文正魏了翁三陸祠宇之傾圮者葺之范氏義田及墳地為人侵奪者歸之其子孫有賢行者禮之士類增重又奏應天府上元江寧差役頻繁今國子監缺膳夫請如洪武中事例以應天常鎮蘇松府縣罪囚應笞杖徒流者克役爲便上曰役有罪以蘇民力亦何不可命行在刑部議行之但用法過刻奸民有不便者誣以受賂有勢者以私怨欲擠之騰口言於朝上疑未之信遣御史廉問毫髮無所得還乃直其所爲上益信之賜璽書獎

本朝分省人物考

卷五十七

十四

江西一

徐相

勵槩亦自信不疑於利害當興除者皆列以聞松江嘉興兩郡接壤處其間地大民衆征調服役公私病之奏析其地爲五縣如其請四年入朝問勞有加特陞都察院右都御史往治南京院事始槩之出也鬚髮如點漆比還皓然盡白人皆歎其賢勞及斯命下又謂宜居是職槩材長於從政務持大體疑獄滯詞能立得其情而志存平反每具獄推見至隱惟恐吏售其奸民或不得其平故凡被其理者人以無冤尤嚴束羣屬恒舉古人剛方有志節者警之辭氣俱厲人人畏威奉法憲綱用振明年賜誥命進階資善

大夫未幾丁內艱八年召爲北京右都御史在上前知無不言於繫囚在抑者多所申雪故事車駕巡幸以文武重臣留守槩兩被是命九年兼署刑部事自朝慮囚日宴未暇食忽風眩尋卒於官壽五十槩爲入身長六尺神色明秀望之屹然可畏久而知其坦然無城府與人交恩意備至居家孝親友兄弟庭內無間言在官不以仕優而廢學有聞輒手記經史論說古今聽者忘倦爲詩文豪偉健麗似其爲人尤善草書四方有求之者雖祁寒盛暑忻然應之所著有芝山公餘二稿藏於家

本朝分省人物考

卷五十七

十五

江西一

徐相

孫曰良

孫曰良字良齊江西豐城縣人永樂辛卯進士授監察御史時朝廷初復安南地欲得老成有風力者安集其民陞知交州府居藩服下民夷雜處尤爲難治曰良治甚有聲正統初超陞廣西布政使丁外艱起復總督廣西兵備未幾丁內艱以北虜入寇起復陞右副都御史鎮守臨清景泰二年以疾乞致仕弗得乃舉都御史韓雍李匡輩十人自代章三上許之居家二十三年而卒年八十七訃聞賜祭葬如例曰良豁達有雅度與物無競歷官中外所至有惠愛及人

隱然有古循吏風自奉薄而急於義俸祿餘貲恒以散宗戚之貧者家居足跡不一入公府鄉人賢之

聶好謙

聶好謙豐城人永樂中進士授工部主事遷郎中擢知廣州府抑強扶弱除弊革奸權貴有所需拒之弗憚郡稱為仁懷太守時新會寇聚知其名撫之即降去之復叛後卒於官民祠祀之

范衷

范衷豐城人永樂中進士歷昌化泰和二縣尹陞知汝州居官清苦每去任民輒哀戀不舍時天下廉官本朝分省人物考卷五十七 江西一 徐相

三人衷為第一性至孝廬父墓瓜生連理又有三白兔遶墓馴走人謂孝感所致二子鏞鏜皆第進士官藩臬長有聲於時鏞任廣西政績尤著

况鍾

况鍾字伯律靖安人初以吏員事禮部尚書震尚書薦其才永樂十三年授禮部主事二十年陞郎中初令五品以上京官得薦士鍾薦右中允張宗璉上召問西楊曰人皆薦下僚鍾乃薦朕官臣耶對曰臣與王直擬薦宗璉不意為鍾所先 上喜曰鍾能知宗璉即日陞宗璉大理寺丞宣德五年知蘇州府

賜勅乘傳之任初至郡佯不解事諸吏抱案環立請判鍾顧左右問吏吏所欲行止輒聽吏乃大喜謂太守愚越三日召諸吏詰曰某事宜行若顧止我某事宜止若顧欲我行縛諸吏拷掠投庭下輒死者數人諸吏又皆大懼謂太守神明乃盡戮屬吏斥貪墨者五人庸懦者十餘人八年夏旱慨發預備糧賑農俾得盡力於田畝復與周文襄公講究收糧法由永樂間轉輸北京餉道遼遠糧長以一徵三府二百七十萬石加徵至八百一十萬除正供及餽車船費盡為糧長乾沒議別立糧頭同收受互覺察除免舊徵三之一以其二之一為轉輸費餘皆入濟農倉為來年經費本是年馬草米數十萬石及九年夏稅折布絲數十萬斤絹數十萬疋小麥數十萬石及雜出供費並代以餘米上無通事下無橫科民大悅每旱又輒發此餘米賑活輒數萬人二十餘年積弊不戮一人而盡除民接遞終歲在官不得負販叙丁差歲不過三日盡罷其在官者置綱運簿防運夫侵盜又置館夫簿防非禮需索綜理周密簡約易行大抵鍾為守專厲豪狡拊良善勢家有犯法立死杖下吏民大驚奉約束寒門下士有行藝者時時賑贍有鄒亮者獻

本朝分省人物考卷五十七

十七

江西一

詩於鍾鍾極爲稱賞欲薦於朝會有以匿名書數亮
過夫揭府門者得書笑曰彼欲沮吾薦正速成亮名
耳遂奏亮才學可用召試授吏刑二部司務轉監察
御史正統元年劾御史王璉罪狀法司論逮璉歲滿
去民叩闕乞留者八萬餘人陞正三品仍知蘇州府
七年卒市巷哭送其喪競立祠以祀鍾剛正奇偉潔
廉之操一塵不滓操履之固千夫莫回令行秋霜靡
暴弗馴惠流時雨靡悴弗煦後有至者莫能及焉

萬觀

萬觀字經訓南昌人登永樂辛丑進士第 太宗文

本朝分省人物考 卷五十七

十八

江西一
高林

皇帝欲老其才而用之俾歸進學尋召爲福建道監
察御史未幾陞嚴州知府七旦確聚漁舟數百艘晝
則漁夜則肆剽竊行旅患之乃下令凡十艘爲一甲
各限以地使自相守有所鼠竊者必連坐能改過者
俾安業如故不期月皆化爲良善郡中多大山田少
民貧觀巡行勸課山有可耕者聽貧民耕鑿而俾富
者助之民食以足歲造段江多於他郡則請計民力
爲準而減之遞運船多而遞運少歲治船爲民病則
請減其半地少蠶桑而絲稅多民弗便請以銀代輸
考績來京師吏部以聞詔賜誥命以寵之時天下郡

守拜賜者僅三人觀爲首丁艱服除知平陽先是百
工赴役京師者皆後期工部下有司遣人送之械繫
如罪人有死於道者觀憫焉後再遣時召而諭之曰
爾以匠藝當赴役而自取譴累人以惡人待爾故械
繫以苦之今我以善人待爾去爾桎械令自往爾能
誠信奉令乎衆皆懼曰謹如教無一人敢後者堯祠
廢奉請新之芝生於棟或歸美於觀觀曰吾知修祠
而已芝非吾事也滿九年考績陞山東右布政使下
車七日卽出視民瘼野有蝗督有司捕之且虔禱於
神蝗遂息陞左布政使景泰元年十月卒年六十四

本朝分省人物考

卷五十七

十九

江西一
劉楷

王仁

王仁字得仁本姓謝新建縣人也德性淵宏資質重
厚體貌魁梧音吐洪暢甫五歲母喪哀哭晝夜不絕
聲稍長從師受學書一覽卽成誦不事嬉遊而動中
矩度弱冠代父兄爲百夫長調度措置咸中理督漕
運事隨集而民不擾遂爲有司所舉薦宣德間授汀
州府經歷九載秩滿耆民千餘人保留藩憲疏以聞
授承事郎後本府缺推官六邑耆民二千餘人復列
名赴上官言其存心公平讞獄明允乞授前職以慰
民望上官轉達於朝遂陞授推官其在汀凡十八年

始至汀禮部員外郎許敬軒奉勅為太守以嚴厲待僚屬見仁議論正大剖斷公平遂委心聽信汀州衛軍素橫暴民被其害民人楊卯生被賊殺且劫其財咸以為暮夜莫知賊為誰仁曰殺人非細故不可以不究遂呼其婦而問曰汝夫素與何人相善婦曰與江州衛軍人支繼安鄧普堅交厚每與交財時二人適在家遂執二人訊問即引伏百戶王能毆死府卒王勝詐騙民財皆舉正其罪自是武夫隄卒震懾不敢肆有內臣至郡索白金仁曰郡僻小而民貧所產無異物且妄取民財明有禁例內臣怒欲示撻仁拂袖而出言欲聞於朝其人懼遂行未幾委清軍長汀岳老人等十二名坐埋沒當謫及仁以其過誤而寬宥之後奉銀三百以致謝峻拒卻之弗受間以公私務詣上杭在道見民携老幼號泣而行問之則曰差役重而富人倍取息不得已而徙他邑以全生仁歸即榜示禁革其弊且勸豐家巨室出粟以預賑貧民復業而全活者甚眾 朝廷命大臣巡行郡邑勸民出粟以預備賑濟藩臬官召仁計議與同至各郡施行會病而歸正統己巳延平沙縣反賊鄧茂七遣偽都督陳政景率眾圍汀州上官以仁歷練有籌略命

本朝分省人物考

卷五十七

二十

江西一 劉晉

統民兵協同官軍出戰賊敗潰去咸欲入山以搜賊仁曰民避賊匿山中今復加之以兵必濫及無辜無以副 聖天子好生之心宜招撫以宥其罪鎮守都指揮馬雄遂下令軍中不許妄戮一人違者以軍法從事官軍獲生口老婦三百六十餘人意圖功賞誣以為賊黨欲斬首以徇仁白雄此皆良民避難者豈可殺哉悉辨遣之還家雄得汀民與賊交通姓名欲按籍行誅仁沮以脇從罔治且求得籍焚之賴全活者不可勝計既而將樂賊寇寧化仁聞即召募壯勇躬出備禦不五日眾至一萬與賊戰於益洋賊敗走

本朝分省人物考 卷五十七 三十一 江西一 陳昌

追奔十餘里斬首百餘級生擒數千人民吳彥勝等被脇在賊中遂携妻子七百餘詣營自歸悉宥其罪而遣之還其鄉賊復聚將樂之常平仁以計令吳彥勝率其先被賊脇從者往常平偽穿都御史余公家誘擒鄧茂七姪鄧受其姊夫楊受生等三十六人而歸凝率眾趨常平搗賊巢穴會疾作而止病且革吳彥勝等籲天乞以身代死眾欲與仁歸郡仁奮曰吾若一歸賊必長驅豈可乎乃起坐帳中呼陳陵及諸夫甲而語之曰汝等務盡力以殺賊慎毋退縮吾生不能殺賊以成功死當助汝以滅賊無一語及家事

遂卒時正統十四年也年六十吏民立祠以祀

熊尚初

熊尚初南昌人由吏員舉授都察院都事轉經歷陞福建泉州知府會大寇鄱茂七猖獗鎮巡檄以監軍不旬日降賊數百明年賊復逼境聞帥危懼尚初歎曰受命一方本以安民今寇出不時由我不職所致寧一人受害無致下民受殃遂單騎出城為流矢所中卒有司嘉其忠配享忠臣廟

陳安

陳安新建人正統間進士授大理右寺副審獄詳慎多所平反陞陝西叅議歲旱禱雨輒應改雲南會滇池暴溢滄沒多方賑給活人十萬餘累遷布政使引年致仕

羅篔

羅篔南昌人舉進士拜監察御史活閩寇少壯者三百餘人累陞右副都御史巡撫湖廣撫諭苗獠歲饑多所全活召還上疏乞親萬幾用正人節賜予等事皆人所難言未幾致仕卒所著有知菴集

楊瑄附于源

楊瑄字廷獻豐城人景泰甲戌進士天順初為御史

印馬圻內民羣訴太監吉祥忠國公石亨二凶奪民田若干頃瑄疏劾二凶怙寵擅權勢上喜其敢言

稱職命吏部記其名且將大用既而還京慧孛連見

祥亨二凶日益張瑄與十三道御史謀劾之有洩語

二凶者二凶先譖諸御史上前暨彈章入上怒

召諸御史詣文華殿俾誦彈張詰之瑄與御史周斌

且誦且對歷陳二凶罪狀甚悉上意主於先入遂

下諸御史詔獄逼以誣引大臣刑甚慘酷數瀕死卒

一語不他及理刑者坐死掌道者謫戍餘貶斥奏上

會京城大風雹拔木壞屋走正陽門下馬牌於郊外

得從末減瑄竟戍遼東鐵嶺道遇赦還或謂瑄詣二

凶謝庶免後禍必不往復謫戍廣西南丹二凶相繼

逆誅釋歸憲廟即位言官論奏復其官尋陞浙江

按察副使定海城北捍海塘并海鹽海塘皆葺理修

築海鹽塘踰二千三百丈工尤巨禦患尤大陞按察

使甫半載病亟寮案問候尚諭築海塘法及濬西湖

之利既卒海鹽人德瑄立祠東海上著為祀典瑄子

源弘治間任五官監候正德元年七月源上疏言占

候得大角及心中星動搖天璣天權星不明乞

安居深宮絕遠遊獵罷弓馬歲號冷母輕出入闕除

內侍寵倖遊逸小人節賞賜止工役親元老大臣日
講習詩書疏下禮部部言源占候之言深切時弊源
復疏言十月二十六日占候得連日靈霧交作為衆
邪之氣陰冒於陽臣欺於君小人擅權為下叛上引
譬甚力劉瑾怒矯旨杖三十源又疏言自正德二年
來一向占候得火星入大微垣帝座前或東或西往
來不一乞思患預防瑾又大怒罵源爾何官亦學為
忠臣乎矯旨又杖三十謫戍肅州行至懷慶卒於河
陽驛妻斬蘆覆屍葬之

李裕

本朝分省人物考 卷五十七

江西

江西

李裕字資德豐城縣人景泰甲戌進士授監察御史
時都御史寇深方有寵待屬吏甚眾裕獨不為屈巡
按陝西上安邊八事時石亨父子勢傾中外以偽報
邊功移覈裕焚其求庇之書竟按劾之天順癸未陞
山東按察使諸死獄久不決者無慮數百旬月間鞠
之殆盡青州山砦盜嘯聚裕縱釋脇從免其逋負渠
魁既獲事遂平成化庚寅陞陝西左布政月餘召入
順天府尹請寬徵需革和買禁田土投獻罷官校供
應皆從之給引不入錢每引止輸楮鈔各二張自裕
始遂著為令癸未陞右副都御史總督漕運兼巡撫

廬鳳諸郡戍戍以父喪去任壬寅服闋請京留理院
事癸卯進右都御史振肅風紀臺中凜然御史稍有
過或遭箠撻由是得謗明年調南京都察院丙午來
考績遂轉工部尚書尋轉吏部時鄉人李孜省方以
左道得寵於 憲宗弘治初言官以裕之進由孜省
裕為辯誣錄竟連疏乞致仕去裕修形偉貌識度弘
遠所在以廉介稱為吏部會朝觀考察請更立才力
不及一條以存愛惜人才之意前冢宰有以私憾擠
排江西人士者裕懲之一無所校人服其公卒之年
八十有八遺言勿乞祭葬擾鄉里

本朝分省人物考 卷五十七

江西

江西

熊懷

熊懷字性安豐城人天順丁丑進士由部屬歷官至
布政使弘治初吏部尚書王恕屢薦懷為巡撫都御
史皆不用恕詢其故當軸者應之曰某不識熊懷為
何如人蓋懷謹於自守未嘗有書通問於當道也始
擢為南京光祿寺卿又擢南京刑部右侍郎庚申致
仕辛巳卒懷性嚴重寡言笑平居尤謹禮節薄嗜欲
言論侃侃所至以稱職聞晚年雖少不振然能持大
體且奉身而退終始之間益亦無訾議云

張元禎

張元禎字廷祥南昌縣人生而靈異五歲出語驚人
寧靖王聞其名召見之命為韻語響應無窮有心定
萬事定之語王倂然驚曰異哉斯童他日必為國
家偉器父松亭翁携以入閩閩人所在聚觀丐其詩
文少長還為弟子員都御史韓公雍甚奇之初寧靖
王書元微二字貽之因以名至是韓公為易之曰元
禎字廷祥謂當為國家祥瑞也天順己卯領鄉薦明
年擢進士時詔北人為庶吉士而南方止三人江西
惟元禎文名歛起久之授編修會憲宗初即位上
疏勸行三喪又上疏言治道大本大原曰講學曰
聽治曰用人曰厚風化行此四者則庶政畢舉三年
丁亥與時宰議不合迺乞歸家居二十餘年益潛心
性理之學名益高廷臣疏薦者甚眾有謂氣節恬退
當今鮮倫至有學貫天人之許當是時士大夫日望
其起而元禎確然如不復有意於斯世也孝宗即位
召同修憲宗實錄至則擢左春坊左贊善又上
疏勸行王道反覆幾萬言四年實錄成陞南京翰林
侍講學士本年乞歸養母家居九年至十二年修大
明會典召為副總裁至則陞翰林學士侍經筵日講
時孝宗雅意向用旋以母憂去十五年服闋擢南

本朝分省人物考

卷五十七

三六

江西一

京太常寺卿十六年修歷代通鑑纂要又召為副總
裁至則改太常寺卿兼翰林院學士掌院事仍侍經
筵日講并侍東宮講讀十七年命掌詹事府事管內
閣誥勅上疏勸經筵宜講太極圖西銘東宮兼講孝
經小學孝宗欣然嘉納亟索太極圖以觀曰天生
斯人以開朕也且將大用之不果武廟即位進吏
部左侍郎仍充實錄副總裁未及上正德元年疾卒
元禎癯然纖弱而崖岸孤削剛毅之氣不可犯人有
過面折之為文必欲作不經人道語晚迺削異為同
黜奇為平所交若陳布政選羅修撰倫陳檢討獻章
皆以道學自許者歸臥林下名高一時天下士想望
其風采云

王一夔

王一夔字大韶後復姓謝新建人仁之子也天資溫
粹弱冠從翰林侍講吉水尹鳳岐讀蔡氏書尹覽其
所作經義論策大加稱賞語諸生曰大韶他日所就
吾不及也赴江西鄉試名在前列天順庚辰領春闈
第一及廷對英宗皇帝策以禮樂刑政之要夔所
對上惟唐虞三代之盛下及漢唐宋沿革之詳凡三
千餘言末又曰禮樂之本刑政之原不外乎一誠臣

本朝分省人物考

卷五十七

三七

江西一

願陛下遵此誠以興禮樂則大禮與天地同節大樂與天地同和矣運此誠以用刑政則一政之出人信之如著龜一刑之施人畏之如鈇鉞矣 英廟覽之深契聖衷賜進士及第擢翰林院修撰又命與庶吉士楊英等同進學於翰林俾讀中秘書繇是所學益博發為文章不為奇崛雕刻之詞而純灑淵永人共推服少保李文達每以偉器期之修 英廟實錄文達為總裁以夔為纂修官據事直書得史官體今

皇帝初御經筵以夔為講官實錄成陞左春坊左諭德會朝廷以星變求言上疏陳五事一曰正宮闈以

本朝分省人物考

卷五十七

三八

江西一

端治本二曰親大臣以詢治道三曰開言路以決壅蔽四曰慎刑獄以廣好生五曰戒妄費以足財用忠懇剴切多人所不敢言者士人翕然稱之 上以宋元二史予奪迄無定論特命內閣儒臣妙選學識老成者用朱子書法編纂成書以續通鑑綱目時翰林在選者僅十四人而夔與分修元史因推廣前待制王禕之論以為泰定帝為世祖長孫宜承大統燕帖木兒迎立明文不過欲因際會圖富貴爾故於燕帖木兒舉兵以謀逆書凡以兵附燕帖木兒者以謀叛書於上都遣兵以討叛書一正前史之謬君子嚮之

書成進 御陞翰林院學士賜宴於文華門右廊又賜鈔一千貫成化十四年二月 皇太子出閣詔簡儒臣充東宮官夔與學士彭彥實等皆以學行選侍講讀十九年九月陞禮部右侍郎凡制度儀文多所裁定冬陞工部尚書工部所掌素號繁猥而工匠之長號作頭者持吏短長恣為姦利夔攷校案牘嚴勾稽剔蠹弊謹物料出納之數正匠作逋匿之罰斥遣作頭不得近左右凡有營繕必計程期以授屬官之廉能者使董之故費出有經人無久役二十三年得疾疾卒年六十三事聞贈太子少保在翰林屢典文

本朝分省人物考

卷五十七

三九

江西一

衡嘗考禮部貢士得羅倫置諸舉選已而倫以狀元及第考南畿貢士得王鏊以冠多士及試大廷鏊名在第三人皆服其鑒所著有古源文集若干卷藏於家

徐觀

徐觀字恒孚奉新人天順庚辰進士歷任南京吏部驗封司主事考功文選郎中出知衢州府改寧國府詔進階中憲大夫成化初年又進階亞中大夫觀在考功當考察南京庶僚力與本部侍郎章綸爭可否既連署上章觀復別疏請汰十餘人 憲廟命廷臣

葉盛覆覈之卒從觀議以其所統爲是在衢州寧國政尚寬平見州縣吏以深刻生事取聲名者輒不謂然二郡雖未久任而田野細民無不安之感其惠至今立心坦易推誠任真雖面折人人不爲忤至退而後言亦曰先生直人也於諸經往往涉獵其精專在易於史書上下三千年事記憶皆有首尾詩才文章類流麗灑落文從事行以爲酬應之作不復存稿所著惟六書音義正統世年表行於世春秋八十正德元年正月卒

范瑛

本朝分省人物考

卷五十七

三十

江西一

范瑛字俊彥豐城人天順庚辰進士成化戊子授行人奉使閩浙諸司舉故事致贖盡卻之奉命代祀南岳及境時有鎮守戒行巡撫以下欲往餞之懇瑛鄉人陳布政致意少待瑛不可厲聲曰君命與鎮守孰重諸公聞之馳馬郊迎無敢後者授河南道監察御史巡視京師有倚勢毆人者置之法都御史李爲之求免不聽巡按陝西專理茶禁先是三邊缺馬廷議欲資茶以市馬瑛謂禁大嚴則利盡刀錐以病商太弛則利歸權勢以病國乃斟酌行之於是官茶行而邊馬足荆州缺知府銓部以大郡難治擇老成御

史以往乃以瑛名上聞 詔可之朝士咸謂荊州上有藩封之親下有軍校之橫中有諸衛之錯布相抗前守多弗善其去且其地所謂雄據上流表裏襄漢者一遇歉歲易以生變瑛至藩封日遣人詣府促修造凡用工料價銀與夫匠瑛呼吏取文案視之奉奏行十無一二乃歎曰此前官畏勢承順耳吾不能也卽移文上下諸非奏行者悉停罷之陞廣東叅政致仕弘治庚申卒

丁璐

本朝分省人物考

卷五十七

三十一

江西一

丁璐字元美豐城人登天順進士授工部虞衡主事丁丑以差遣復命除都水成化丁亥以展省赴部復除虞衡己丑以兩考轉四川叙州知府戊戌以三考轉至廣東左叅政璐初在虞衡出清淮揚諸郡匠最號嚴明風采凜凜在都水督六科廊匠事見權璫同官咸屈膝璐獨挺立衆中權璫怒欲折辱之向闕大呼同官挽之而出詰朝自司空而下皆請謝過欲強璐璐竟不往先是諸璫時時於工部索匠璐往來二司一切嚴拒諸璫有憾言璐謂吾當先具以聞自是搖手相戒無敢復至索匠者在叙州松潘有警通判王衡奉巡撫檄調鏢手夷人於我拱之間夷人圍衡

欲加害璐單騎馳往衆見之皆投戈於地舉手加額曰我公來吾輩當盡室行即日隨調者三千人百戶王甲占慶符田數百畝十餘年不輸稅平民具奏聚亡命田舍中堅壁不出近之欲殺人璐徐以計獲之藉田而歸之民民爲之畫像立祠乃亟令毀之有張乙沒兄之官下物而不以分兄之子者兄之子訴之官璐呼乙至令獄中盜詐之曰吾所劫某家某物具在爾所乙拊心誓曰是吾兄爲官時所得也何爲誣我璐令以三之二歸兄之子且諭乙曰爾得於兄亦不貴矣慎毋讐其子遂感泣爲叔侄如初至廣東同

本朝分省人物考

卷五十七

三十一

江西一

官重其名以潮惠二郡號難治者讓璐分守之璐毅然而往不旬月令行禁止驚俗率而邊境寧巡撫朱公復留之一歲且曰二年間置潮惠於度外者實倚公及城饒乎仍檄璐督視衝風冒雨益加勞瘁輿皂每勸當晚起早眠以避飛瘴璐謂其欲就安便以給已不聽城成而瘴已沾體矣成化辛丑奉表之京師便道過家疾作卒春秋六十有一

于大節

于大節進賢人天順末進士授行人陞監察御史巡按湖廣以直言謫鶴慶府推官歷陞浙江按察使以

不阿權貴遂稱疾去大臣交薦力以疾辭朝廷強起之改山東按察使卒爲人矜名譽甘清苦歷任三十餘年終始一操士大夫高之

熊繡

熊繡字汝明江西豐城人其先以戎籍隸湖廣寧遠衛遂爲道州人丙戌進士授行人擢貴州道御史巡按陝西風紀大振布政于璠素貪墨憚繡威名棄官避去繡追之急時當路與璠同鄉有連嗾璠誣繡他事逮至六按驗之無所得璠被斥繡亦坐謫知清豐縣有惠政乙巳陝西大稜父子相食吏部舉繡守鳳

本朝分省人物考

卷五十七

三十一

江西一

翔清豐民遮留載道蒞任三日而雨歲登郡以無事累擢山東左叅政右布政使轉左陞右副都御史巡撫延綏三年以母憂去服除擢兵部右侍郎久之轉左嘗奉命清騰驥四衛勇士得其冗濫者幾萬人請裁革之權倖側目未幾擢右都御史巡撫兩廣首征獞獠之負固者一境以寧舊例供億甚厚一切裁之自廩米常給外秋毫無所取逆瑾用事密使人廉之卒無罅隙可指摘召還南京掌院事尋令致仕而憾猶未釋乃以大同浥爛布豆爲繡巡撫時事罰令自輸粟五百石於邊繡性簡直清介臨事有執致仕後

閉門觀書不預外事不殖生產自奉儉約尤悖孝友鄉評重之卒之日贈南京刑部尚書賜祭葬如例謚莊簡仍月給恤孤米一石蓋異數也

熊景

熊景字開甫南昌人領已卯鄉薦成化己丑進士授刑部主事擢員外郎已亥轉郎中甲辰念母劉老無侍歸養因以是號志休退也爲主事屬部多大獄部長使鞫則屢掣於大關貴人橫壁間隔法所入必脇使出所出必入景意一不爲動出入惟法無爽錙銖陞廣西部長凡所轄道則狂狴一空投牒受辯旁午

本朝分省人物考

卷五十七

三四

江西一

立門外入則惟聞脫校聲吏俯首書牘不敢睨人張關節要賂爲姦二廣節鎮都臺朱公嚴於覈實以賢監司許景檄景勾當潯桂諸徭徭人類而獸性居山林遇擾動輒號跳叫嘯觸跳跟必以死逞靜則跽伏不見踪跡景知其然約吾兵不得徙壁壘陰遣間衣商人服負鹽抵徭所若爲潛竄懋易者徭不疑也俱來詞虛實問曰吾商人不知新按察官何人然見其方具器若古壺狀者十數寶石其中室以巨木計曰徭出降無庸發此不然此嘗破大藤峽者也徭懼白酋酋即日降不旬日降徭及獠數十姓蓋景以

謀勝也能之先居南昌杉塘世傳楚子熊繹之裔屹然大宗元社將尼盜四起能以兵保障其鄉曰九成人無少長咸曰善翁是爲景之高祖

楊廉

楊廉字方震號月湖豐城人自幼穎悟過人學以六經爲正宗四書爲嫡傳周程張朱爲正派而飭躬砥行不落塵紛成化丁酉中鄉試第一丁未會試第三選翰林庶吉士移疾家居庚戌改授南京戶科給事中益留心世務經史之外凡民生休戚財計盈歉邊務利害悉研究顛末思以自効丙子丁內艱服闋補

本朝分省人物考

卷五十七

三五

江西一

刑科給事中戊午以便養請改南京兵科因地震劾奏用事大臣首薦張元禎吳寬李京陽王鏊劉戩宜備日講講書宜用大學衍義時論建之吏部尚書王恕被讒力言公卿不可無恕所宜優禮請斥遠讒邪無爲所惑楊茂元盛應期因事獲譴奏乞叙復他所論薦如周瑛周孟中劉大夏謝鐸林俊等皆有時名屢上時政便宜凡十數事又兩因邊鎮有警陳言備禦數事 朝廷采用幾盡又嘗論宋儒周程張朱從祀之位宜右漢唐諸儒又因闕里重新請更立木主以革夷教偶未及用識者惜之庚申陞南京光祿寺

少卿淹抑閒居幾三考惟潛心著述取濂洛道言與境多所關發嘗入賀 千秋節陳言輔導元良其說尤備丁卯陞南京太僕寺少卿時回務多暇環滁諸生多執經其門徧舉先儒異論分割是非娓娓無倦容尤謹其矩度崇廉恥外艱服滿陞南京通政司右通政前此軍民投狀或寢不行廉以政主於通不宜任情行止悉分送所司仍存其底備考壬申冬陞順天府尹以文學飾吏事不如柔吐剛以省繁苛為務市征襍賦皆酌其平豪猾不得為輕重屬醜虜犯邊命將出師者再所須車輛約費銀數千兩兼以水旱

本朝分省人物考 卷五十七 江西南一 朱榮

連年根本宜慮力言於兵部移大興遞運所餘銀以給之仍奏免夏稅一萬七千餘石六令農民改撥者量入貲為賑濟備民甚賴之慮各屬巧取民財每歲辦創作底簿具載其都數使上下通曉無能為弊凡徵稅則例鄉飲酒儀節悉加裁定遇鄉會二試所需悉從官給盡革和買借辦之擾舊號舍用葦則易以木為經久計立法簡而有數昌平縣以歲辦不前奏准陞州請轄密雲順義懷柔三縣復奏州貧不堪重役均車輛十之六於三縣使州無偏重釐各官馬夫銀於均徭使不得多取定陵戶貧富撥補之法使不

得影射皆著為令乙亥春陞南京禮部右侍郎疏論交修論廟禮論巡幸語皆切至駕臨舊都即奏言臣僚冠服當如朝儀又請謁 太廟皆得俞旨 世廟登極用廷薦陞尚書首進大學衍義節略有旨褒答前後凡八疏乞休癸未春求去益力特允所請歸里中則杜門却掃緝紳益歸重焉乙酉以疾終年七十有四 上嗟悼贈太子少保謚文恪平生所著有文集六十二卷劄記三卷奏議四卷家規一卷所述有伊洛淵源錄新增先天後天圖學考証太極圖纂要分類程氏遺書二程年表西銘旁通皇極經世啓鑰

本朝分省人物考 卷五十七 江西南一 朱榮

象山語類洪範纂要禮樂書 皇明名臣言行錄皇明理學名臣錄選註風雅源流唐詩詠史絕句月湖詩稿白沙定山詩星略算學發明綴算舉例醫學舉要名醫錄凡二十餘種

江 潭

江潭豐城人成化中進士授南京屯田主事嘗捧部檄覈蘆洲權璫多方賄之不得同官有中其餌者以語搖潭一不為動轉員外進郎中屢與司空爭事不苟隨以內艱去服闋赴銓曹卒於京棺斂之資出於親友潭學問精博詩文可傳言動不苟惜未究厥施

云

舒綱

舒綱本姓陳進賢人幼穎異領成化辛卯鄉薦一試禮闈不第遂棄科舉之業勵志聖賢博覽羣書父喪廬墓三年事母孝撫弟遺孤恤族中婚葬者動遵古典主教白鹿洞師道尊嚴綽有古人風

周季麟

周季麟字公瑞寧州人成化辛卯領鄉薦明年登進士授兵部武庫司主事陞員外郎郎中政無鉅細皆講求便不便而處之務竭其才始清禁軍再清畿內

本朝分省人物考

卷五十七

三

江西

及山東山西邊軍得健卒八萬青神余子俊鈞陽馬文升以宿望相繼為大司馬皆益倚任之章疏多與參酌乃行在部幾二十年守紀持重未嘗一跡權貴人之門弘治庚戌陞浙江布政司左叅政屢斷冤獄平巨盜遺利隱蠹搜抉殆盡戶部侍郎吳原以賑饑至工部侍郎徐貫以治水至事率倚之而集丙辰陞河南右布政未幾轉左其治如在浙而加慎焉農民之收補庫藏之出納遠嫌任法無隙可議交代之際貯銀至四十七萬餘兩人以為難兩藩撫按之薦舉者凡六七疏丁巳冬虜犯甘涼陞右副都御史往

蒞巡撫之任始至勒兵與虜戰斬首六十四級捷上

賜勅獎勵先是哈密忠順王中絕為土魯番王速壇

阿力所襲部落數千人來奔寓甘肅弘治五年國人

擁立忠順之族屬陝巴復為土魯番之叛臣速壇阿

黑麻所擄西陲之禍不解者四十年於是宣布德意

振揚兵威阿黑麻畏服乃送陝巴并原奪勅印抵甘

州季麟請仍立陝巴因經紀其事宜纖悉詳盡自是

諸部帖然番貢不絕陝巴之族弟安定國王千奔亦

慕義來謝事聞 孝廟大悅有白金文綺之資時季

麟已自傷胃痛矣而於利害之當罷行者恒汲汲焉

本朝分省人物考

卷五十七

三

江西

之所屬邊境之苦寒切近諸夷嘗親歷久駐益忘其身之病也初西安有警權調近地兵五千以城守歲久為例有力者因私役焉乃議歲用千人春秋番代餘悉罷遣歸農辛酉北虜小王子擁眾數萬入河套往來延寧二邊遣大將提兵捍禦季麟督屬給餉不絕劾總兵官恭順侯吳鑑怯懦宜罷鑑而以武安侯鄭英代之寇屢入鎮原靖虜平涼季麟嚴兵以待部下獲功甚眾在陝幾四年惓惓以振勵下僚為務將領坐貪縱黜罷者七八人其所薦進類多名士論者以為知人十七年御馬監及京營草場地止之在

薊州者與民產錯置屢屢互爭召還巡撫薊州等處
季麟亟具疏乞休又命移文促之既至請官會勘據
景泰間奏案正其疆界眾慳服爭端遂息臺諫不知
移鎮出於簡在也或以為言季麟累辯求去荷優詔
勉留不聽乙丑 武宗初繼大統以養病請報允給
傳以行歸林下十有四年而卒享年七十有四贈右
都御史謚僖敏

艾璞

艾璞字德潤南昌縣人成化辛丑進士授工部都水
司主事丙午調兵部武選弘治戊申陞職方司郎中

本朝分省人物考 卷五十七

早

江西一

壬子以冊東官充朝鮮國正使賜麒麟服癸丑調武
選丙辰陞通政司右通政提督贍其甲子陞光祿寺
卿乙丑命以右副都御史總理糧儲巡撫南畿其在
都水拮据經營出納惟當在兵部勤慎匪懈先後如
一曰籌畫邊事率中其機會典選有法人誦其便又
以北虜入寇陳六事咸切時務在光祿裁省浮費日
與貴倖相忤人以為難在南京平崇明施鈕二巨賊
賜銀幣且降勅獎諭又重定於日加耗例其餘興革
亦多犁然當人心時南京守備缺國公為奸民所愚
以原有欽賜田若干埋沒無錫縣奏於朝命會巡按

曾御史勘之田實一二小民納糧當差璞與巡按廉
得其實盡斷還民魏公恥之奏益力逆瑾主其事力
執如前時瑾盡革天下巡撫竟坐斷給不公編管海
南為民家眾隨往且以巨杖五十幾斃病踰年始愈
瑾誅乃詔復原官致仕越三年癸酉卒於家壽六十
三

楊峻

楊峻字惟高進賢縣人成化丙辰進士授丹徒知縣
陞監察御史歷廣東按察司僉事以父喪去服闋改
福建汀漳兵備陞浙江按察司副使歷任意長有坐

本朝分省人物考 卷五十七

早

江西一

報父仇者抵死峻以篤於孝竟釋之尋轉左布政使
鎮守中官方橫取於民督及有司峻面數其罪取鐵
索欲相與拘械詣京乃稍戢陞南京光祿寺卿歲進
酒以軍民轉運後期多敗者屬吏往往獲罪峻請命
巡倉者監之始無宿累遂著為令弘治末引年乞休
致家居十載而卒賜祭葬如例峻為人剛毅居官能
守廉儉政事則精敏云歸林下幾十年足跡不一入
縣門親終廬墓至老生日不為宴飲接後進必以正
論誨迪鄉邦稱之

范兆祥

范兆祥豐城人七歲作登堯山詩以奇童稱登弘治丙辰進士時北虜入貢廷議依違可否兆祥上疏數千言其間尊國體料夷情有人所不敢道者選庶吉士授檢討應詔陳言時政語切官闈下獄尋釋之出為涇府長史上疏論計安民社三事時議招南兵備邊兆祥力言不教之民不宜驅而遠征議寢後以不附中人復下獄編戍放歸兆祥有才名尚氣節雖屢困憊不少沮抑

熊卓

熊卓豐城人由進士為平湖知縣擢御史陳時政得失奉勅勞軍盡革乾沒之弊按都督神英贓罪論如法雖權貴莫之撓巡按廣東墨吏望風先遁時逆瑾權傾中外卓獨抗節不屈遂誣以奸黨勒令致仕

汪深

汪深進賢人由鄉舉授蘄水知縣下車首詢民瘼革弊政清虛糧積穀至四萬餘石後饑歲藉以賑卹修築堤堰旱澇有備葺學宮文風為之一新卒於官士民哀慕之祀名宦祠

朱廷聲

朱廷聲進賢人登弘治己未進士拜官行人以狷介

本朝分省人物考 卷五十七

聖一

江西一 梁仲德

聞 武宗時中官劉瑾以勢躡籍中外天下伺目廷聲乃上疏請誅奸慝以清君側瑾銜之矯誣逐黨人中以危禍罰米落職勒停十年廷聲毅然當之不為禍休迨瑾伏誅公道昭明歲辛未以錄用言官疏銓部題復起秩卽署歷官浙江按察司僉事湖廣副使河南左叅政湖廣右布政使福建左布政使陞都察院右副都御史巡撫湖廣復陞刑部右侍郎其擢中憲也力替顯陵工成屢承先帝金幣殊賜會荆襄地方值歲凶荒百姓饑疫流離載道老幼失所廷聲自擊其輟乃歎曰此莫非天子百姓可忍使填溝壑乎况此等雖值天時之變實皆為吾民父母者之責也遂疏出內帑數萬所全活不可勝計又奏收贖律鈔官司無得侵濫俱貯以備賑荒迄今守為定典及陞刑侍直以抗節恥屈權貴會有風雷葺宇變遂抗疏乞休雖蒙溫旨慰留廷聲曰吾為國重臣不能上消天變可尸位乎歸志益決力以疾辭嘉靖丁酉八月二十四日卒

熊桂

熊桂字世芳南昌人弘治戊午舉於鄉己未進士明年以父喪去服除授大理寺左評事尋陞寺副寺正

本朝分省人物考 卷五十七

聖一

江西一 張大

武宗初太監劉瑾用事以峻法繩下嘗倚詔係凡藏
 匿軍丁罪及隣佑五六家以肆羅織部屬承望風旨
 誣累嘗百數十人桂建言詔令權宜惟一時可行
 祖宗成憲則百世當守乞毋輕變枉致冤濫 上是
 之由是得免者以萬計屠都御史欲殺一指揮非其
 罪桂駁回五六次將聞於 上乃止瑾逆謀敗露黨
 與洵洵大臣慮有變促成獄法司多出入瑾門下者
 不無觀望駭愕失措莫敢先發桂毅然承之不終夕
 成招盡得奸逆之情其外應凶談如宸濠亦不肯以
 親王少諱也嘗治安化王獄其夜收三千人擬同謀
 併坐家口桂曰同謀機事也株連三千人且及家口
 得為機乎力與辨明所活不下萬人任凡六載巨細
 務在平反庚午陞徽州府知府治績燁然昆東南諸
 郡嘗得海翁紫陽書院舊址乃復于郡邑掄士有學
 行者唐臯等八十餘人講道其中資以俸餘又買田
 千餘畝給祭祀及來學者為久遠計國朝守令不握
 兵官軍又不得擅調正統間設民壯為守城計迄於
 成化又增添之地方有警則徵發捕邏而有司驅迫
 又有不可勝言者徽民甚苦之不肯就役桂為審丁
 糧定顧役法至今稱便時冗食日增內供白糧出蘇

本朝分省人物考 卷五十七

四

江西一

松常者勢不能給諂諛聚斂之臣飛派於徽入方新
 乾清官取材於徽當浙之半桂委曲白上司至於涕
 泣得減其半以蘇民困任甫三載進秩中憲大夫滿
 六年丙子陞山東叅政至山東分守東兗道一夕河
 洪泛曹州兵備吳副使忽驚斃桂晝夜馳數百里往
 視之水勢甚暴乃齋沐臨河祭告黜貪酷官吏數人
 水遂少定因築塞之嘗謁闕里見祭器不稱王祀度
 所費可千金會民有發地窖得錢數百斗來報計之
 適足用遂命工鑄造規制乃備戊寅督運至京師中
 貴歲常包攬利入本色以便浸漁桂力言於 上得
 納輕齋省費不下數萬山東人頌之未幾奔太恭人
 喪年五十八卒神氣秀發狀貌豐偉學見本領故剛
 大之氣經濟之才雖甚韜襲終莫能自晦也在大理
 有駁稿在徽有治徽大略及平生奏疏詩文號石崖
 稿若干卷藏於家

本朝分省人物考 卷五十七

四

江西一

陳奎

陳奎字文衣南昌人登弘治己未進士除廣濟知縣
 為縣有名召為監察御史時逆瑾用事往覈甘肅
 儲忤瑾意撫微過逮赴詔獄久之得白擢山西按察
 副使河南按察使山東右布政使廣西左布政使

仕二十餘年所歷皆憲職慎于刑獄精斷明恕竄正吏牘運筆如流吏抱案立不得出一語屢獻大辟可疑者率破械釋之而姦賊之吏則按劾無少貸以性直不能隨世俯仰爲貴要所忌謫者謂前在河南嘗爲逆藩市馬朝廷下所司考驗無幾微實跡雖事枉得白而已倦且休矣屬疾方劇適奉使南方間道歸無他語但敕以守官報國葬制從儉而已

周季鳳

周季鳳字公儀號未軒江西寧州人弘治癸丑進士授刑部主事恤刑湖廣多所平反陞副憲時麗江知

本朝分省人物考

卷五十七

四十七

江西一

府木泰與土官刺馬琦仇殺未解至則檄謂蓋由上官處分奈何以兵亂不退且徵兵盡剪滅之惶懼立解黎溪賊阿杓誘衆寇村寨隣省會勦未克陰遣官軍分布要路賊就擒土官毋師古與族構難招致諭以禍福皆感泣罷爭越嵩官舍欺隱田糧查併省其增額衆相勸諭遂完積逋後以奉例裁革歸瑾復矯詔令輸粟于邊蓋以中官張辰倚瑾勢代鎮茶虐江楚而季鳳特爲嚴禁故瑾啣之深也後瑾敗累官右副都御史巡撫保定巨賊王堂趙延壽等流劫郡邑驍勁無敵衆愕眙措曰是惡能爲潛授方畧立斬

渠魁餘黨竄絕旋以南京刑部侍郎解任家后病卒

萬夔

萬夔江西新建縣人進士由潛山知縣選陝西道御史建言廷杖降亳州判官陞常熟知縣無爲知州致

仕

熊劔化

熊劔化號際華豐城人中萬曆辛丑進士授增城知縣循聲蔚起詭繁華亭搜奸剔弊人不敢欺又開心見誠無所隱伏士民有清如水直如絃之謠選入臺中海內想望風采未及實授而卒

本朝分省人物考

卷五十七

四十七

江西一

李材

李材號見羅豐城人以聖學兼武功稍見忌于當路遂引疾求退精學問者十年起用金騰功勛茂著旣撫鄖陽復以滇事被逮賴公論得出戍時耄矣尤講學不倦所著有學古知本圖說觀堂稿經正錄

魏良政

魏良政字師伊兄良弼字師說新建人文成撫江西時昆季胥從受學時唐直指龍邵督學銳皆顯守舊學每與諸生言王公天資高難學諸生各守常業毋奔謁爲虛談時從游者頗憚避而師伊兄弟毅然不

為動師伊孝友敦朴渾然天成聞道最早燕居無惰
容嘗曰學問頭腦既明惟專一得之氣專則清精專
則明神專則靈又曰不尤人何人不可處不果事何
事不可為發解江西乃遂卒兄師說嘗言夢中見良
政輒流汗浹背其生前可知

本朝分省人物考 卷五十七

四八



人物考卷之五十八目錄

江西南昌府 二

胡訓 萬鏜

周期雍 李元凱

熊達 傅習

龔浩 范慶

葉釗 陳奎

魏榮 查仲道

楊薰 朱槃

熊蘭 余楨

本朝分省人物考 卷五十八目錄

江西 一

何祉 方孟縉

李金 張欽

宋景 趙惟興

李逢 魏良弼

舒芬 萬潮

熊浹 陳冠

張鏊 曾鈞

喻茂堅 丁以忠

黃樞 孫世祐

李遷 萬思謙



王希烈	姜儀
李遂	劉邦采
吳桂芳	李貴
吳晉	齊柯
雷禮	余日德
劉顯 <small>附子挺</small>	陳贊
補遺	
張謙	范敬先
衛源	許銘
王漢	鄧以讚
涂杰	陳子貞
萬國欽	涂宗濂
劉日寧	

本朝分省人物考 卷五十八目錄 江西二

本朝分省人物考卷之五十八
江西南昌府二

胡訓

胡訓字誨之南昌人生之先三日桂香滿室人咸異之既長器度端重學有師承識者知其遠到弘治辛酉舉於鄉明年登進士第授行人司行人丁外艱丙寅服闋復職奉命充楚藩祭葬使正德己巳選南京雲南道御史奉旨刷光祿寺文卷及奉勅巡鳳陽等處倉祛宿弊持風裁人服其公甲戌給由赴部時有同行者毛汝乾卒於道訓為貸金斂之後貸金主人沒而償其子以無券辭不受曰此實事吾豈以無券負吾心乎乙亥陞浙江按察司僉事訓所至訪忠賢勵名節有沈侍郎者官南京刑部素稱廉介及里居貧甚未嘗以事干當道訓憐之歲終遺以薪米曰子恤沈公所以愧其餘也先賢墓在屬地必修復之戊寅湯毛九亂孝豐訓冒暑兩取兵於溫處不日平之事聞上嘉賜金幣庚辰陞廣東按察司副使整飭瓊州兵備瓊去廣城三千餘里且迫近諸蠻夷訓於是擇兵馬防要衝積糴糧行間諜殺百姓初至有以患苦黎賊為言者訓欲殄之而有司但議招撫訓曰

本朝分省人物考 卷五十八 江西二

不可今之招字無異昔之和字卽下令諭以禍福有不如令者殺無赦洞有活羅者尤稱克黠訓議勦其尤者以警衆選調官軍往往之不半月賊面縛請降認糧入籍於是生熟黎人樂歸者衆州縣村洞戶糧田入版籍者以千百計皆海南百年來所未有者又謂黎人之劫殺皆由土舍之科斂土舍之科斂皆由有司之貪墨宜端本澄源則不令自清矣訓兼督學政訓多士以行檢爲先文尙理致而下詞藻以故士執經問難者無虛日在瓊數年視官屬爲子弟愛百姓如家人瓊至於今慕之乙酉陞浙江左叅政公堂

本朝分省人物考

卷五十八

十一

江西二

宿弊一切裁革水利屯田無不區置簡易安靜休養一方丁亥陞湖廣右布政使適顯陵工興悉心綜理御史上其功加賜金幣先是楚饑訓奏發公帑二十萬一以賑濟一以補官軍俸糧米價騰貴訓獨增價致商商集而價頓輕楚雖饑不因由是撫按交薦復有金幣之賜己丑轉貴州左布政使尋陞巡撫雲南舊往滇者道由深嶺嶺中多苗獠過者多遭掠訓捕渠首梟之由是商旅夜行阿迷蒙目等州強賊流劫城邑官軍不能平訓至調兵勦捕之又麗江鹽井等變亂成法統兵越境謀虜職官互占村寨警殺不已

訓得其故先下令曰土官犯者則子孫停襲其餘主使幫唆則照例重究又嚴督守巡諭以朝廷恩威從公撫勦羣夷帖然民獲以寧事聞又賜金幣己丑南京太廟災自陳求罷未允未幾丁內艱服闋仍奉命巡撫雲南時八寨諸蠻煽動滇民震恐訓獨督守巡兵備率漢土官兵設法防守且撫且捕邊徼以寧是歲修飭七陵及預建山陵勅取青綠萬計時山脉採竭民甚苦之禱於神不數日夜半雷風大作晨視則雷霹處皆青綠也以故得如期取盈至於欲取大理石辦納歲例賦金奏封禁寶井銀礦而民困始蘇己

本朝分省人物考

卷五十八

三

江西二

亥遇雷變及皇城災卽自陳求去俱奉溫旨諭畱尋陞南京都察院右都御史力以憲度自任旌廉逐貪舊章畢舉嘗兼掌大理刑部事獄之寃者疑者皆獲平反癸卯陞南京工部尚書杜請託革侵漁清匠役省冗費民咸稱便丙午改南京叅贊機務以二品六年考績進階資德大夫正治上卿 上念其敷歷有年資望俱深特加太子少保訓爲兵部勤閱試慎選任嚴關防黜影射右善祛奸畱都之人安焉守備內臣奏請新添軍丁六十名訓不可會科道疏革訓亦上疏其大略曰南京軍士財竭於役衆力疲於奔命

數十年間閭巷蕭然無復都人之盛皆由煩役之重困也守備諸臣比之百司庶府撫綏之責尤重軍餘困苦之狀皆其目擊謂宜躬先裁約懼有損於下况忍額外陳乞肆為無厭之求哉疏上軍丁由是免役訓居畱都十載懇求歸里既歸杜門謝客靜坐一室陶如也未幾遘疾卒年七十有五贈榮祿大夫賜祭葬如例

萬鏜

萬鏜字仕鳴號治齋進賢人弘治己丑進士任刑部主事明敏果決大學士遂菴楊大奇其才曰此非刑

本朝分省人物考

卷五十八

四

江西二

曹可羈也乃擢吏部考功司員外遷本部文選郎中一以賢否為黜陟雖親故略無所私堂僚咸畏其公明績推太常寺少卿提督四夷館尋陟大理寺少卿陞順天府尹鏜以地近輦轂之下根本是托拱衛居先汲汲焉恤其民隱均其偏累疏上五事世廟嘉納之申申丁外艱服闋仍補順天尹秩滿陞南京都察院右副都御史秉司風紀臺院肅清尋遷南京兵部右侍郎以寬恤軍民為固國之先務而培養財力尤為寬恤之本根遂疏七事准議行隨陟南京都察院右都御史是時世廟因慧孛之變詔求直言即披瀝

時政之大者八事疏上譴歸田里家居十餘載引咎自艾不治生業後湖廣貴州二省叛苗累撫梗化中外洶洶 諭推素有才識堪任大事者付之蒙旨諭萬鏜以右副都御史前去勘處湖廣貴州夷情鏜拜命單車就道挺入苗寨分別善惡相機勦撫不閱月王師奏凱山寨破竹渠魁殲擒斬首以萬計輜重器械所獲無算而苗夷悉平思醜夷據險防範宜嚴復為久安保治大計乃熟慮閑籌關係之重大者十事陳之 上悉嘉納焉迨今無苗思嘉靖乙丑江西大饑於進賢尤甚鏜歎曰斗米千錢何以聊生遂罄所積之粟又復捐所有金幣轉糴他處粟以繼之而鄉之饑卒悉拯尋陞兵部左右侍郎毅然以邊疆為慮條邊務保治安痛抑輕事喜功輩厥後卒如其言繼擢南京刑部尚書歷刑部禮部吏部京師有片板之號著文集奏議詩詞等若干卷嘉靖乙丑卒

周期雍

周期雍字汝和寧州人少穎敏俊異神采軒挺如山峙業春秋往往推究奧義得謹嚴旨督學邵文莊按試特加器重弘治甲子魁鄉薦戊辰取進士選授南京雲南道監察御史會逆瑾事取疏起被廢李夢陽

本朝分省人物考

卷五十八

五

江西二

朱廷聲等二十三人又因京師地震指摘大學士焦芳劉宇附瑾首惡并申雪尚書劉大夏韓文林瀚許進都御史張敷華俱遭誣陷乞加敦禮以消天變又劾兵部尚書王敞以庸材躡本兵悉報可姚源華林馬腦劇賊胡雪兒等嘯聚據險至萬人副使周憲死之撫臣調集狼兵頻年坐守雍參撫臣翫惕乞勒限勦殺癸酉奉勅總戎兩廣宸濠久庇總兵郭勛欲招致雍不欲約以常禮雍以不敢越分位速天刑示諷濠厲聲言曰郭總兵我朝名將不得以武弁待之雍不答至廣竟劾助罪狀閑住又劾巡按御史不法事

本朝分省人物考 卷五十八

六

江西二 楊林

并薦錄驛丞周廣俱犯時忌甲戌聞劉夫人訃歸丁丑起復道會省例謁宸濠雍恐被禮款隨拂衣登舟不為所滯抵京謁執政因武廟東巡首言宗子遠遊家相難辭其責以觸忤仍補南京河南道未抵臺以漳寇不解構遷福建僉事飭兵汀漳知盜迫饑寒滋於激變廼設奇間離其黨至則整衆厚陣親詣其處以懾之察勢可諭服先一日退師一舍單騎詣賊營諭以禍福酋長以下皆感泣就撫於是數年梗藁就夷又以奸穴雖清防警當密奏立巡司盤詰谿峒宴然往年苦軍餉不繼穀價騰湧乃出帑贖發有司做

古平糴法至今米貯武平諸倉宸濠久蓄異志陽明乃密與雍計雍謂水戰精兵惟海上諸衛號稱驍勇可用遂巡沿海蒐閱得精兵數千整練候報比巳卯變作即日董師兼程而進至豐城濠已就擒陽明留雍視南昌篆者三月辛巳起復補汴臬僉事兵備河北道巳酉陞浙江叅議分守嘉湖諸郡會溫處礦賊周六等為亂殺官劫庫巡按御史王璜檄雍征勦雍先發粟賑貸結民心次行招撫許令自新然後四出遊兵以分其衆直覆其巢遂縛渠魁以功錄廢丁亥擢本藩叅政陞湖廣按察使庚寅陞都察院右僉都

本朝分省人物考 卷五十八

七

江西二 張文

御史巡撫應天等府有都尉侍國戚占奪小民煤窯牽累科道府縣等官李鳳來王采等二十餘人法司避忌奏行撫臣研問雍按法不撓勘官槩為論復以此受知當宁辛卯進大理寺卿值天變陳四事荷俞旨施行壬辰丁父憂乙未起原官戊戌遷刑部右侍郎尋轉左巳亥 聖駕南巡陞都察院右都御史掌院事兼掌大理寺印因 聖諭點差各處巡按具奏行在事體未便疏行各處更替御史俱候 聖駕回京之日如常奏點詔書一款累年充軍人犯除人命免死竊盜三犯及嚇詐財物指稱打點者不赦外其

角原問衙門查奏定奪悉與有免巡按福建御史某等審錄將匿名文書告言人罪及受財故縱強盜等饒死充軍一槩查奏雍言此等惡極罪大比之嚇詐指稱打點者殊為有間豈容寬釋題奉俞旨頒示天下尋陞刑部尚書作期無軒自傲有貴幸扈從者以湖廣布政徐乾按察使吳允祿遺賂專假法文奸欲真重典雍不可曰殺人以媚人吾弗為也徐吳竟止免官致仕年七十三卒

李元凱

李元凱豐城人由進士知婺源縣邑故煩劇下車與民休息興革不避勞怨奏除鎮守千戶民免暴害會採木內臣貪虐凌有司遂棄官歸終身窮約婺人追祀名宦祠

本朝分省人物考

卷五十八

江西二張文

熊達南昌人由進士為溧陽令興學校毀淫祠立義塚以絕水葬擢御史劾道士崔志薦名儒張元禎陳獻章又納番貨築堤滕杜滹沱水患因忤逆瑾致政值逆濠構亂以死自守卒免于患

熊達

傅習進賢人由進士任大理評事以執法忤逆瑾謫

傅習

本朝分省人物考 卷五十八

理問瑾怒未釋復逮詔獄勿屈後陞僉事副使兵備屢建軍功終副都御史克定土官之亂其剛介始終一致云

龔浩

龔浩南昌人其妻徐與李孜省妻兄弟也孜省方寵倖浩絕不與通聞問歷雲南知州廣夷皆若于訓改知潞州時竹子龜山二寨猖獗浩單車入寨宣威德諭以禍福二寨帖然夷人廟祀之休致歸疾革作浩然歌而卒

范慶

本朝分省人物考 卷五十八

九

江西二楊村

范慶豐城人由進士授刑部主事歷員外郎中嘗次武弁奪爵不為權貴撓奉命勘晉藩獄情法兩盡出守蘇州禁火葬革酒釀捕梟博止游女惓惓以移風易俗為先遷雲南憲副卒

葉釗

葉釗豐城人由進士授南京刑部主事見久繫刑部者皆制於貴戚不敢決釗悉按如法有中貴奪民田州歲利不下五百金判以歸之應詔陳八事忤逆瑾逮獄既歸講學於嶽麓石鼓諸山尋卒諸士請配享石鼓書院

陳奎

陳奎南昌人進士知廣濟縣擢御史查盤甘肅抵
悟逆瑾幾杖死巡按廣西奸賊解綬歷山西山東河
南臬藩平巨寇城晉陽脩三關改汾河扈從武廟南
巡權璫畏憚以廣西左轄致政當道餽以逆產咸固
辭焉

魏 棨

魏棨新建人由進士授行人副時逆瑾擅權棨上書
言時政無所避忌出叅閩藩時古田流賊盤據議者
欲屠之棨曰倡亂者馬周良也誅止周良耳賊解民
本朝分省人物考 卷五十八 十一 江西二 楊

查仲道

查仲道寧州人舉進士授兵部主事疏諫武廟南巡
被杖幾死嘉靖初錄直言權郎中出守杭州因織造
太監暴橫民不堪命力抗阻之遂為所誣械至京謫
運同擢知汀州府卒于官民祠祀之平生性剛介以
直道自持云

楊 薰

楊薰南昌人由進士授主事劾逆瑾謫刺潮州民生

祠之歷陞四川兵備僉事以征松藩之功轉貴州有
宣慰司以金餽者正色拒之致政歸行李蕭然家居
野服途行絕無宦態王守仁大書清流臣子四字贈
之

朱 槩

朱槩豐城人由進士知吳縣改知旌德陞刑部主事
轉員外疏諫 武皇巡遊廷杖奪俸起四川僉事番
賊阿戎叛據石城討平之轉叅議時播州宣慰兄弟
爭殺僉議用兵槩獨往諭以禍福竟悅服遷河南副
使歷叅政卒于官

本朝分省人物考 卷五十八 十一 江西二 楊

熊 蘭

熊蘭南昌人由進士授行人擢御史豪右斂迹時逆
濠蓄異謀蘭首洩其奸武廟親征至金陵聞而嘆曰
真御史也官至太平知府弟葛領鄉薦為人剛正不
苟合逆濠迫脅從已窘辱百端囚禁一載幾死終不
附

余 楨

余楨奉新人由進士授工部主事改武庫司嘉靖初
議大禮以諫獲罪而死隆慶改元贈光祿寺少卿祀
鄉賢祠

何社

何社進賢人由進士授行人陞戶科給事中以諫諍著聲時江北大饑疏請發內帑蠲租稅民賴全活告養復起南兵科條陳商書一德三義軍政四事馬政五事足國裕民六事陞嘉定知府民為立祠未竟厥施而卒所著有常濱文集

方孟縉

方孟縉武寧人早失父事母孝比沒廬墓三年由進士授刑部主事時貴戚張氏構入獄不決縉折斷平允惟理淮安漕刑值江西吳城兌運軍民交變一詢

本朝分省人物考

卷五十八

十一

江西二

輸服議改就省允至今民便之歷陞僉事致仕卒所著有鴈里淺稿

李金

李金豐城人登進士授碭山尹築城以防流賊後值洪水恃為保障陞兵部郎中諫武廟南巡杖幾死陞台州知府懲奸慝弛鹽禁蠲逋負設糜拯饑民賴全活祀碭山名宦

張欽

張欽字敬之南昌人始為舉子學以講究歸趣為主文能達其所言而該洽羣書尤號瞻博辛酉舉于鄉

為親謀祿以壬戌乙榜銓授岳州訓導正席講難士

駭所未聞異舍及外庠士皆相戒來就張師講舍不

能容作為講義使傳寫轉相授其教不專為課尤約

以禮法躬自為率及門者多以知名擢知清遠縣清

遠最號難治至即罷絕餽例示不可撓剔求縣蠹弊

盡得根節穴竇芟伐掃室豪胥黠吏咋舌不敢動民

有賣子輸均平錢出俸贖畀之罷其輸邑故置廠榷

鹽奸商往往匿詭規利欽受檄視榷與為期法毫髮

不得漏羣訴臺史幾以撼欽欽不為變商卒不得奸

售軍餉倍增興學教士獎誨有方每值倥傯其為諸

本朝分省人物考

卷五十八

十三

江西二

士談經校藝輒盡所長觀者第見其暇豫是時盜起

程鄉僭擬名號眾且數萬江西福建屬邑皆被燬掠

大兵徂征俘獲日至而盜不衰都御史林庭選議非

得良令牧之相宜誅撫兵勤未已乃奏易欽程鄉清

遠人爭于督府奏下爭莫能得怨歎自失欽請督府

罷兵從吏士數輩抵賊壘賊固聞欽名不敢迫欽開

諭禍福設兩端如是則生全自保有父母妻子不則

戮死眾心動有泣者居數日賊魁鍾萬璉傳時玉饗

欽盛陳兵衛出所掠珍翫侑千金為壽欽取珍玩碎

之而麾其金曰若等方為農生業願懷寶以賈罪耶

金可以買牛買田器為衣食若等宜自懷之賊相顧
驚喜如獲賜欽笑指諸兵衛目其魁曰陳此何為魁
與其黨伏拜曰願如公教棄刀狼籍呼聲喧谿谷為
雷一月餘夷堡墮障籍其丁壯老幼婦女四千人散
遣之條畫使耕田築室各有寧宇邑目其民曰新民
林公得報大喜謂諸司曰興師十萬不如易張令一
符久之或有竊發發則以計縛之使得民戶不夜閉
省刑薄斂諸所綏附如清遠而誘督士者以問學尤
加意雖新民子弟多彬彬向風矣以政最拜南京刑
部主事歷員外郎中名法綜練明而能斷同官從容
本朝分省人物考 卷五十八 十四 江西二張六

宋景

宋景字以賢世家南昌奉新少孤奮于學弱冠為諸
生試每居首器體凝重識者占為公輔之器弘治辛
酉舉江西鄉薦再會試擢上第授河南睢州知州治
行卓聞改河南道監察御史是時逆瑾竊柄景慨然
引疾去家居十四年足不及城市若將終焉而物望

鬱起提學田汝籽巡撫盛應期先後疏薦起為浙江
按察僉事未踰年聞母病即棄官歸母卒哀痛勺水
不入口者五日服除陞山西副使會汾州介休饑民
相聚為盜殺地方官勢張甚撫按檄景往征之督率
行伍躬冒矢石擒獲其渠魁釋降附宥脅從民賴以
安青羊山賊陳卿亂景又合兵討殪之奏以潞州為
府而創立平順縣景之功為多陞山東叅政改福建
尋陞四川右布政使俱未赴改山西左使景以晉陽
地瘠賦繁民多逃竄虛稅每責償平民請召人佃種
而坐以輕折又定九則徵派之例以祛里胥積弊咸
本朝分省人物考 卷五十八 十五 江西二張六

本朝分省人物考 卷五十八

十五

江西二張六

著為令轉南京元祿卿繼擢南京右副都御史總督
糧儲革糴納禁糧長揭債減呈遞樣米謹通關之驗
收京儲以清改左副都御史佐理院事歷陞刑部左
右侍郎拜南京工部尚書時修南京奉先殿及葺邸
世子府又造黃船景節費料十之七八事竣有白金
文綺之賜改南京吏部旋改南京兵部叅贊機務至
即奏裁守備叅隨人役考選武職清查快船困弊精
覈養馬利害戎政肅然景履行端嚴執守堅確人不
敢干以私然貌恭氣和於物無忤故賢者樂之不善
者亦未嘗有怨焉官雖久自奉不異布素嘉靖丙午

召爲都察院左都御史丁未卒于京師贈太子太保
吏部尚書諡莊靖

趙惟興

趙惟興南昌人由鄉舉知桐廬縣仁恕均役野宿禱
雨設飭粥濟饑民百姓尸祀之陞承天府同知出帑
以援漂沒築堤以障洋沙巨璫不敢撓其法邑有椎
鹽羨金用以貸貧民之輸宦游十載寒素如故卒無
以爲殮云

李逢

李逢豐城人以進士任紹興府推官廉明人不敢干
以私擢給事有風采時大同構隙國是無從逢抗章
直憲臣劉源清之獄復疏減光祿靡費四十萬緡
世宗幸承天伏闕極諫謫尉永福轉德安知府所至
有聲卒于官

魏良弼

魏良弼新建人性資剛毅操履方嚴遊王守仁門早
聞良知之學自縣宰陟諫垣屢以讜言犯闕屢受廷
杖亦屢復職每杖患甫愈又以直言受杖下詔獄雖
獄卒亦爲之流涕而直聲滿天下隆慶初晉太常少
卿致仕弟良政中嘉靖乙酉鄉試第一良器俱受學

本朝分省人物考

卷五十八

十六

江西二

於王守仁門多所自得

舒芬

舒芬字國裳進賢人生而穎異不羣六歲授孝經論
語等書輒了大義年十二郡守祝瀚修封洫至獻馴
鴈賦大奇之薦補博士弟子督學蔡公清試輒首語
人曰此天下士也中正德丁卯鄉試戊午卒業南雍
嘗夜分不寐于書無所不讀而實勵志于聖學最喜
濂溪嘗稱之爲中興之聖所著有太極通書釋義又
作易箋問七十餘條書論二十第詩稗說三十餘條
春秋疑義三十餘篇一時名士咸推讓焉丁丑考官

本朝分省人物考

卷五十八

十七

江西二

陸文裕深薦第一主試者抑居十一及對大廷萬言
立就是科制題獨詳上自義農以及近代凡經史所
載爲治之事悉以咨焉芬敷陳道法至詳至備直言
時弊諄諄懇切而卒澤于道德仁義粹如也御批第
一甲第一名授官翰林院修撰時 毅皇帝不時巡
幸 孝貞皇后崩踰月即欲往視山陵又革一應擺
路軍馬芬度其且至宣府遂上隆聖孝疏謂三年之
內當深居九重無復外出雖釋服之後儼然筑筑在
疚如成王免喪朝廟之時又謂自古萬乘之尊非奔
竄避難未有輕身不嚴侍衛者既而又上車服疏謂

天子等威莫大于車服而下同于庶人甚非所以辨上下定禮儀也時虞有意外之變故每疏之中三致意焉會江西洪水決圩漂舍遂乞恩終養謂臣係獨子無他兄弟父母老疾恐填溝壑辭極悽愴凡五上疏不允已卯春車駕議東巡祀岱宗歷徐揚抵南京下蘇州復溯江浮漢登太嶽且遍中土繁麗先是江西宸濠久蓄異謀又結陸完全寧輩為內應士大夫非忠義素定者輒懷疑貳以故一聞駕出人情洶洶皆以為天下事不可為矣十五日早疏先入乞留駕言甚激烈有曰痛哭泣血不忍為陛下言者江

本朝分省人物考 卷五十八

十八

江西二

右親王倡吳淠之計大臣懷馮道之心陸完以祿任為故物以朝署為市屢以陛下為奕棋以革除為故事復痛刺閣中謂一切危亡之迹不苦言以救而聽主上之自釀時陸完以智術倖高位利于主上遠出則已得以自恣或濠之謀幸遂則又有非望之福故造為惡語沮抑諫上芬乃邀考功夏良勝儀制萬潮太常陳九川至寓舍酌之酒贊之曰匹夫不可奪志是夕遂連疏入時號江西四君子明日諸曹諫草相繼而進車駕遂不果出及二十日天威震怒命舒芬等百有七人于午門外跪五日未辰而入終酉

而退嚴整無異平時二十五日戊午命舒芬等于午門前褫衣杖三十以疏首杖特甚神色不喪惟口呼高廟之靈冀以感動上心是日水溢內海子四五尺衝折鐵檻大柱七若斬杖畢幾斃卧院中掌院者懼禍至使人標出之屹不為動曰吾官于此當死于此又命為首者調外任遂謫福建市舶副提舉即暴病就道或勸俟痊曰死吾分也敢少留耶是時死而復蘇遠近相傳為自羅一峯之後見先生語蓋羅一峯劾大臣遭喪起復亦謫此官云既至閩布德宣威遠夷心服暇則講學不倦生徒日衆六月丙子江西

本朝分省人物考 卷五十八

十九

江西二

宸濠果反敗庚辰閏八月聞外艱兼程而歸歸則哀毀骨立辛巳夏世宗即位肆赦諸竄謫者癸未服闋應詔復官翰林道濟入謁先師行釋菜禮因錄所撰謁闕里記所畫闕里圖所貌夫子宮墻圖所行釋菜禮儀及士相見禮儀并問答五章聯句三十五韻總題曰東觀錄時吏部依詔書例陞俸一級上辭陞俸級疏奏請勅命遂得賜恩降勅褒之甲申春二月昭聖慈壽皇太后聖旦節上乞命命婦朝賀疏謂皇太后奉陛下宗社大計而陛下承繼大統觀夫成王周公儀禮經文與我太祖制服之意則是

陛下于 皇太后雖欲疏之有不能者是宜率天下
懽心以事其親而不可使 皇太后之淒涼也三月
乞致仕以圖便養疏再上不允洎夏又再上不允又
乞改選以便養又不允時 世宗欲尊興獻王爲皇
帝爲皇考命下羣臣議大禮芬執議謂爲人後者爲
之子不得顧私親疏凡三上固爭不得乃率朝紳慟
哭于廟 皇帝震怒杖如前幾死罰俸三月時奉太
安人壽氏就養明年乙酉太安人卒于京扶柩南還
行李蕭然抵家三月而葬生平酷好周禮詳加訂正
作五官序辨五卷六官圖釋一卷剔偽一卷旣乃校

本朝分省人物考

卷五十八

三十

江西二
朱秀

定正經仍六卷總之十有三卷題曰周禮定本謂周
禮者至誠盡性之書也漢儒多附會之罪宋儒乏表
章之功又嘗修三禮書未就而辭世矣幼穎拔日記
數千言貫穿經史百家于天文尤精觀望星氣有占
必應雖同館號知天文如黃公佐者亦自以爲不及
也又言鐘律度量所以治曆明時康節相得大意而
不能建律運曆將舉禮樂必也周公觀大司樂則律
曆備矣識者韙之嘗語同館友曰心術與學術相符
者也懷居與懷利相因者也怠勝敬欲勝義則其心
死其學僞吾儕格君其豫在此通籍十年義氣激烈

諫而杖杖而竄又復諫又復杖絕無一毫得失死生
之念幼以聖賢自期嘗悼異學之謬曰空言無補不
若修其本以勝之因取周子學聖有要數語書之座
右緇流羽客悉毅然絕之至于權倖奄宦有求通者
拒之甚力扶母喪入江忽雲垂波立危甚乃爲文額
祭風濤頓息與朋友相劇切無幾微矯飾尤善成就
後學嘗語之曰士當爵祿不入于心溝壑不忘于念
歿之前日門生謀柩夢垂白簾中有六字曰忠孝狀
元止此歿之夕大風雷電伐木爲巢覆屋瓦飛其關
係有如此者病中矩度毫髮不踰臨終沐浴與衆揖

本朝分省人物考

卷五十八

三十一

江西二
崔君

萬潮

萬潮字汝信進賢人辛未魁禮闈始推官寧國擢禮
部儀制主事 武廟南巡抗疏止輦杖瀕死楊遂菴
賦詩謂江西四君子 世宗詔復職推浙江提學僉
事巡按潘薦之有學觀聖賢之奧才兼儒吏之全等
語累官至延綏巡撫右副都御史嘉靖壬寅言官論

邊事潮亦以風土弗宜疏調行至宜君縣疾卒年五十六

熊 浹

熊浹字悅之號北原南昌人幼質穎敏博學尤精於易為文詞清勁以儒士舉正德丁卯鄉試甲戌第進士拜禮科給事中持議審諤一時權姦沮懾已卯宸濠以南昌叛初濠之異圖也錮浹及御史熊蘭至親為質又陰結朝貴阻絕封事巡撫孫忠烈疏七上不達浹曰伐謀貴豫否則羽翼已就難圖矣一日偕蘭密授草御史蕭淮上之濠大懼洩露遂發兵反不再

本朝分省人物考 卷五十八

三十一

江西二

月果擒有儉人者因導 武廟南狩浹倡朝臣累日伏諫不已奉命查核松藩邊餉總兵某者怙勢侵冒動以萬計浹廉實狀聞真之法壬午詔討求追崇典禮朝論準治平間安懿故事浹在蜀聞之抗疏論今上承統御天弗緣所後而禮濮國不得考於宋英今獻皇豈濮國比哉反覆以倫理天性辯之遂牴牾出補河南右叅議至則起瘵招逋弭訟時部境寇作浹曰安得以職守分彼此耶即勒兵捕之會外艱歸丁亥召修明倫大典浹乞終制次年大獄明擢都察院右僉都御史偕嘉魚李公講求振刷臺憲一新明年

陞右副都御史大典成轉左副又明年轉右都御史掌院事七閱月有人命獄成於奏緝羅織者勅下法司會鞠眾依違獨奮筆曰殺人以媚人弗為也力白其枉既重忤中貴而忌者因擠之遂罷免己亥駕謁

山陵御行殿召近侍追論舊臣 上曰浹老成論吏部起用尋陞南京禮部尚書句曲人王某者疏欲表揚朱家巷以崇國姓浹曰天親不可以人為今日久跡湮涉牽合非禮也遂寢其議廷論躉之庚子改南京兵部尚書叅贊機務考核軍政去留當材品人服其公又奏減龍江淺船餘丁幫甲若干以甦困卒又

本朝分省人物考 卷五十八

三十一

江西二

禁和買罷諸苛法雷軍民倚重焉癸卯召為兵部尚書兼右都御史掌院事慎差遣無遠近勞逸一揆於才力曰紀綱之地將以糾正官邪而先自枉可乎眾志遂定有巡關者適警報托疾自逸浹遣首領促之竟無敢逾宿按歷有擅威福甚者必貽書令省改嘗辯官民冤牘剖成案未嘗徇勢屬甲辰改吏部尚書浹曰太宰天下所與取平者吾安敢臆決耶凡陞敘無小大流品日與少宰安福王公華亭徐公及司屬之賢者共焉每每注選必語所司曰此缺相宜否如否雖十易之何害尤獎救寒峻惟恐其墮落臺官自

嘉靖初漸廣舉刺決曰非制也其病有司炫威市恩不免矣請凡中差論列苟非其專職無濫及遂著爲令在部院京察二外察一皆蒞以公嚴京察惟黜其行誼尤無長者有直道被誣者必辯救之凡遇姦人傾陷善類皆昌言正色諍而全之衆皆悚服宰銓逾月 上優以弼臣之遇乙巳滿考六年加太子太保八月疏斥箕仙之妄忤旨惶恐待罪至十二月固乞休遂遣官校械繫以歸執氓役在田凡十年足跡不入城府每見邸報知時事災異輒憂形於色尤以未報國恩爲恨每厭術數之學好觀程朱語錄求體驗

本朝分省人物考

卷五十八

江西

江西二

以是臨大政決大疑確有原本蓋以抗直任事以惠利救時識其大矣歿於甲寅享年七十有七

陳冠

陳冠南昌人由進士授工部主事歷陞營繕郎中親覈中貴役占冒濫諸弊淹郎署十五年不遷忤時相謫官家居不事豐殖一榻數十年無有御之者郡士大夫共高之

張鏊

張鏊南昌人嘉靖丙戌進士簡庶吉士陟部郎悉毀寶玉佛像力拒徽藩田租督浙學政得人最盛以祀

辭忤時相改遼罔卿轉藩臬至南京兵部尚書相度畱都險要分水陸兵首尾聯絡俾江南北免倭寇荼毒皆鏊力也鏊外直內清儒雅爲世所重

曾鈞

曾鈞進賢人由進士授行人累官南京刑部侍郎中外垂三十年所至遺愛遐思遠邇若一居南垣以謇諤稱歷藩臬中丞卿貳以勁節著且抗疏歸田其介如石奇氣峻節海宇仰之卒贈刑部尚書諡恭肅

喻茂堅

喻茂堅豐城人領四川鄉薦登進士第授銅陵知縣治行卓異擢御史恒守正忤時後守兩郡踐藩臬轉右副都御史大理卿刑部侍郎首尚書歷事兩朝屢批逆鱗履虎尾旣全其道又全其身且筮仕宦成清苦一節以尚書致仕囊無餘金自奉簡約若儒生然隆慶改元贈太子少保諭祭葬子姓秩秩約可百人科第接武遂爲豐城宦族云

丁以忠

丁以忠新建人由進士授刑部主事諸疑難大獄多所裁決出爲河間知府發粟賑饑却賄明法歷閩廣藩臬所在尸祀巡撫山東汰冗兵簡浮食晉南京兵

部侍郎定噪卒之變既考績鄉貴當國感時事遂懇疏致仕歸卒祀鄉賢所著有世美堂稿

黃樞

黃樞南昌人由進士授縣尹陟南刑曹累轉至太守居官清慎自持與利別蠹勞怨不避知嘉興賑饑有方守湖州禱雨立澍特疏請蠲民受其惠竟以勞心民瘼卒于官當永訣時有勢家餽貽棺衾奮起手麾之廉介至死不變沒祀湖州名宦本郡鄉賢

孫世祐

孫世祐豐城人由進士授行人歷員外僉憲藩參至本朝省人物考卷五十八 江西二

卷五十八

二十六

江西二

都御史巡撫雲南先是士官豪恣禍變相踵世祐約黔徒緝奸猾諸難悉平陞工部侍郎修葺城堞時倭夷江寇起卒恃以無恐召拜刑部尚書致仕卒世稱長者云

李遷

李遷字子升新建人登進士以行人出使滇蜀貴竹堅却餽贖除南京兵部主事按侵犯三皇陵獄不徇權貴全活數百人出知濟南府疑獄多所平反歷楚蜀西粵藩臬辨雪冤獄開諭藩王巡撫直定援兵破虜總督兩廣悉勦諸蠻蕩平三世劇寇功尤偉焉以

南京刑部尚書歸老卒祀鄉賢祠所著有鶯谷山房集

萬思謙

萬思謙南昌人由進士授吳江丞轉嘉定尹備禦倭寇築城堞淹滯郎署轉光祿丞以長揖冢宰外補官至福建左布政使家徒壁立陞南京太常寺卿致書張江陵勸復言官切直相忤遂致政歸篋無遺帛清節天成士論歸之

王希烈

王希烈南昌人幼穎異七歲有敲落梅花觀筆香之句人咸奇之由進士選翰林院庶吉士授編脩歷官春坊國子祭酒吏禮工部侍郎兼侍講學士掌詹事府事充經筵日講與纂脩副總裁希烈粹中休度內直外和居常以名節自持立朝三十餘年未嘗私謁政府侍經筵日講每引經寓規諷忠悃溢然嘗攝禮部尚書事會肅王薨無嗣中尉某陰援為代希烈正色不許甲戌典會試張江陵以子希進則矢日不私士論服之屢與鄉會試門生例獻贄悉峻絕之居父喪哀毀服闋以原官召用而烈竟以毀瘁卒贈禮部尚書諭祭葬祀鄉賢

姜儀

姜儀南昌人由進士初任鳳陽抗疏逆權闖蕩平湖寇懾服貴宣慰安族鎮建寧諸路荒全活億萬人征楚苗蠻不妄殺一人復地四十五營寨疏忤時相謫官致仕平生剛介敦孝弟讀書危坐終日祀楚辰名宦本郡鄉賢

李遂

李遂豐城人丰姿魁偉博學有才譔尤長于用兵沉機秘計往往出人意表列秩祠部出歷郡牧藩臬晉貳留憲終南兵部尚書初南京振武營兵變賴遂指本朝分省人物考卷五十八 江西二 揮鎮定之嗣事者控制失宜諸叛卒益驚悍無狀幾於决裂比遂典留樞卽寂然就羈縻中蓋其戡定之略如此

劉邦采

劉邦采字君亮號師泉南昌人初爲邑諸生卽厭舉子業銳然以希聖爲志曰學在求諸心科舉非吾事也趨越中謁陽明王稱弟子王與語稱之曰君亮會得容易其賦資既穎敏而行益卓峻丁外艱蔬水廬墓哀誠篤至服闋不復應試而士論益歸嘉靖七年秋當鄉試督學憲使趙公淵檄下邑曰劉某行修義

端宜勸起赴試邑令勸之出不可而趙公責邑令益

急固強之出官爲具舟屬丞偕之行至南昌采欲以

布衣往見丞降禮卑詞請具衣巾曰不爾憲使且罪

我乃不得已具衣巾往及門遙望趙公未下席卻步

不進趙公亟起延之采以棘闈故事令諸生脫巾露

體而入非待士禮某不願入也於是巡按御史儲良

材令十三郡諸生竝得以常服入闈免其檢察比揭

榜采得中式儲公批其卷曰江右人望已乃授壽寧

教諭以正學迪士多所興起以薦陞嘉興府同知尋

棄官歸自陽明倡道東南學者承襲口吻浸失其真

本朝分省人物考卷五十八 江西二 采有憂之乃極言痛斥以揣摩爲妙悟恣縱爲樂地

情愛爲仁體因循爲自然混同爲歸一者之非以心

之體曰主宰貴知止以造於惟一心之用曰流行貴

見過以極於惟精是謂博約並進敬義不孤性命兼

修之學如車輪鳥翼不可偏廢後學能領會者蓋鮮

晚乃著易蘊二篇詞旨淵奧實發其所自得將以俟

諸百世云思苦而造微諸生叩請能以一語開其宿

錮令人豁然有省聶貞襄嘗言師泉力大而說辯排

闈之嚴四座咸屈人皆避席而讓舍莫敢有撓其鋒

人以爲善狀云比屬疾知不可起諸生環榻前猶論

學不輟疾亟門人朱調問之曰此際視平時何如答曰夫形豈累性哉今吾不動者自若也第形如槁木耳少頃遂卒當其疾時若有所遇頗涉奇秘而不言及將殮體更温久之乃已亦其養盛而氣完之一驗也年八十有六

吳桂芳

吳桂芳號自湖新建人九歲即善屬文十三補弟子員弱冠舉癸卯鄉試第二人明年第進士授刑部主事明年吏部尚書聞題請移各部才主事居言官刑部則列於首而移檄之夕以聞潘淑人訃不果舒淑

本朝分省人物考

卷五十八

三十

江西二

人舉芳即歿而潘繼室乃愛篤至凡為諸生以及仕衣食非潘手親則不以昇而顧已所生都事君與二女愛皆不敢望以故芳於潘忘其非已出聞訃哀毀感動行路人謂母子兩皆絕世間不常觀也服闋補禮部主事轉祠祭郎中是時分宜秉政子世蕃橫甚然欲媾婚名士以自塗飾聞芳有女一日親造請曰願以子託館甥芳恐其膩乃佯驚曰某止一女與朱給事應辰子負盛意奈何世蕃大阻後一月世蕃偵知之乃悟前語為漫恨刺骨倭寇方熾而維揚為盜藪且衝劇欲因以困之乃抑其資令出守抵揚甫數

日而壽藩宮眷取還邸中官私驛騷官吏走匿芳即走真州境上逆之好為之禮而震以威凡揚境內數驛舟夫之資皆一時并給中使望芳貌偉岸因憚斂而又先事備不以乏觸怒乃戢戢出揚境不泊岸民帖然不驚而名亦由此起時倭寇猖熾流劫通泰建白創選旁海竈戶為兵使守其地賊登岸見之駭走因追逐殺數百人賊不敢復入揚境乃請經畫城如臯城泰州城海門城瓜州又城郡城外垣詘財聚力悉指授調度民不知病揚號財賦區尤潔已無所緇有火署丞者黃商者皆為人誣陷竟直其枉乃皆外

本朝分省人物考

卷五十八

三十一

江西二

假書米內裝重餽千餘金竣却之且置於法其後遷行徐生以仇家陷其通倭家且破廉其誣亦直之而生自携千餘金致於半途芳曰吾行而受即在郡何如不速去則且視黃商火丞例生愧懷金去還家以像事滿考遷臨清兵備副使未幾改山東督學轉廣東叅政浙江按察使左右布政使時胡督撫以兵事泰於用財慮不給芳為查理積年隱沒者幾月得十餘萬緡胡於座起揖謝曰公真天人也時望重中外方欲倚用而分宜銜不置閩撫臣以戰敗於寇罷去乃曰非吳公不可代意實欲申前恨困芳命下而丁

父憂嚴愕貽曰有福人未可量服闋起郎陽巡撫尋
晉副都御史總河道未任轉兵部右侍郎總督兩廣
潮州柘林官兵喇撻大總管者以少糧脫巾呼其黨
數百人一夕叛時與倭持兵尚未解也密以計授其
將且聞東莞有李茂材者頗以鄉兵雄於里召而密
約厚以賞使其隨官軍尾擊之海上皆悉擒斬方叛
兵環海轉掠省城非芳星馳還鎮則城外民居屢貨
俱為盜資是功既奏而始決意城省外城矣版築甫
畢遷去而閩之流寇曾一本突入犯省城曾老於賊
部下梟雄數千人意固垂涎濱河居民財富將甘心
本朝分省人物考 卷五十八 三三二 江西二

河漕事而芳亦以屬新釐建百緒注措早夜草奏移
官定計而往疾頓作命下幾月卒年五十八 天子
痛悼加贈太子少保平生敦大倫尤好賙人急兩姊
妹與弟都事君俱異母給贍周洽於都事君均分半
產以廕移之幼時師戴博士士元老且貧養之終身
杉林居族地卑而屋敞捐已財為改創爽塏聚族以
安焉鄉之戚里待而舉火者不啻十餘家也嗟夫人
生不樹勳名學行名世而徒以富貴相推挽者如燭
火電光其謂何哉

李貴

本朝分省人物考 卷五十八

三三三

江西二
張子玉

李貴字廷良豐城人年十五入郡庠嘉靖壬子舉鄉
試第一登癸丑進士選入翰林讀秘書乙卯授編修
戊午滿考己未丁母憂歸癸亥復官翰林丁卯隆慶
改元出為四川按察司副使幼穎敏書過目成誦初
下筆為詩文即軼老成者出其上稍長潛心性命之
學嘗讀論語所謂參前倚衡者躍然有悟即日務靜
養非禮不行及在祕館即編集古名臣相業日自省
覽慨然欲身任天下之重既入史局益講求天下治
理自鍾律刑賦兵車陣法靡不綜覈著為圖論己未
乙丑兩校南宮士有為郡縣者手編濂溪明道橫渠

紫陽象山五先生政績授之曰治民當法此無愛民之實心者治終不古若也蓋志甚大材甚高未少出其端緒為忌者所構失當路意歸未二年以乙亥九月十八日卒年五十五所著讀經史雜記若干卷豐乘思齊錄及五先生政績贊諸呂光洵曰方癸丑將選館時李西野宗伯欲介予謁嚴相公予謝不往亦竟以入館命固非人所能尼使也嚴於先賢為同鄉且不肯一往謁及嚴既去國時忤嚴者悉被顯擢而貴又獨自免歸光洵自南宮為貢所識拔入翰林貴戒之曰官于此有三隆文聲以起世譽上也勤趨承以愜時好次也下乃守廉恥待歲月耳雖然爾必為其下者

本朝分省人物考

卷五十八

三十四

江西二張子下

吳晉

吳晉字三接豐城人嘉靖間太學生倅惠州五載絕苞苴清壅牘而督礦權鹽織毫不染郡治密邇軍衛前此屬兵督屯如匪其人則專事敲朴以延歲月其逋負千萬至有皓首羈縻莫能輸納者晉承當道督徵之命推度利便簡易通融量其遠近本折隨宜逋負者十完八九輸納者不逾日上既不失國用軍需下復不浚兵民膏血軍民咸德之歲丁未秩滿自錄

事擢主簿當國總宮宋者夏少師夏以嬖妾育於蘇綱者冊為夫人援引聯袂日銑者開河套農於邊圍綱視二婿為囊橐而艾侍御朴則巡視太倉出入其門通利孔晉嘗詣夏夏出所製漁家傲掀髯得意謂河套指日可復邀和之晉詞有千金不數陳平計蓋諷其貪也夏大詬怒將以晉往解吏皂皆言晉雖同鄉與夏不相往來是時守正不阿大異於人矣比夏嗾晉去去之三日而朴與綱坐黃正大事納倉通賄下獄皆謫戍窮荒居無何銑與夏又皆坐邊釁姦黨前後棄市而同鄉依附有卒於震駭者晉以滿考得擢上林苑監左丞天下國家之大計敗於貪而成於廉曾謂柄臣所見不逮晉耶

本朝分省人物考

卷五十八

三十五

江西二張子下

齊柯

齊柯字文則號恒省南昌人生而穎慧兒時瞻視端凝屹如鉅人而受氣甚薄體僂弱若不勝衣獨沈酣枕藉于經史之間沛而為文若走建瓴之水而決江導河也十八補郡庠弟子在庠序用禮讓相先遇齒長于已即道路一揖之頃務為折節曰此我丈人行也遇同儕進退先後不少踰尺寸御史羅雨巖者柯先輩也柯方弱冠試場屋而羅公尚處棘院外明日

羅公歸柯爲執蓋提襪被送郭門殷勤爲別而諸暫得意之徒氣益一時視羅公蔑如也未幾上元許公視學南昌閱柯文特冠其曹偶而士論共推柯年少謙讓可風薄俗受上賞乙卯舉鄉計偕而北會分宜當國特慕柯厚幣延致訓世藩諸子而分宜諸用事家人嚴亮嚴鵠一時狐假鴟張來往縉紳間諸貴人畏口語者反暗憚之及見柯固詭爲恭謹柯自是坐閉深院外事盡謝不聞日斤斤引繩墨化誨諸子攻文讀書至莫能窺其半面柯亦尋厭別去分宜敗林連遍天下而柯得奉完節清名舉世高焉七上春官

本朝分省人物考

卷五十八

奉太

江西二

擾民民無逋賦未幾新例下大丈天下各田獨從容按故籍對居五年以卓異名入都下主長安門民家出入隨一蒼頭囊中有時或不能貯一錢至一切請謁問遺柯實不省何等權評事大理出守臨安在滇南萬里例得乘傳往至臨安日坐堂平政簡訟兢兢自己俸外絲毫之間恐少污指既致仕去屬有遠土官者德柯又度柯歸貧中途齋重金爲壽立麾去柰何以此相挽歸而白袍青巾逍遙里門之下念無所事獨有所乘車鸞之不可焚之無謂卒推而贈其女夫當塗令之子敝廬薄田悉守舊物其逝也幾無以

本朝分省人物考

卷五十八

奉七

江西二

爲斂在仕宦寧爲廣州過矯廉之處默在學問至爲鵝湖不立高論之伯恭長貧庶幾于黔婁而貴稱二千石直道無忝于柳下而仕免于三黜者歟

雷禮

雷禮豐城人在兒時能脫水火不死弱冠舉于鄉繼成進士授興化司理有林子成利其兄子益夫產乘兄子妻待其弟寡恩乃匿其弟而告其兄爲殺弟御史屬禮勘之其家則叢聚人比屋而居曰是何能殺人昇尸焉往乎詰子成子知醫諸潮州禮遂生致之益夫得釋尋以制歸復補寧國司理涇有豪曰吳榮

四與華六格而華六死矣乃急捶殺其僕昇于華六所以爲償而華六甦吳更想華死其僕而華六論抵死禮勘之曰否華六與主格胡不格其主乃格其僕必吳懼華六死而死僕爲死對華六生遂反誣之耳待鞠者曰豈神乎諸發人隱微類是以異等入銓曹時有求補是官者太宰公言曰非雷君不可服人乃竟補禮後司考察汰權勢驕者十四人陶仲文以符錄取媚歷官少保考九年滿引大臣例自陳禮奏真人仰荷聖恩效勞至引奏不曰奉職而曰效勞一時咸以爲得大體相嚴與陶比啣之而夏文愍亦欲黜本朝分省人物考 卷五十八 江西二 文

仙居應禮禮抗曰是無公論矣必欲盡絀才賢而後快吾不願也遂出禮大名通判未幾以憲副督兩浙學政獨持衡鑑不爽毫髮人亦無敢于以私者學政爲之一新俄陞南太僕少卿是時逆鸞請北伐需馬急而禮尚未蒞任事亟矣先期辦馳至得緩急用大司馬趙公訐曰何迅霍若此尋轉太常卿推尹順天順天當輦下政多束縛不得便又內外厥府鋪行召種蠅聚毛錯禮一切繩糾以法務以利民陞工部侍郎是時營天壽山計費且不貲禮疏議節省受事即夙夜在公 上遣中貴人偵視知狀乃嘉嘆久之受

知始此比三殿工興分宜父子欲以屬他親昵者不得已方以禮晉部事司營造已遂條上八事而將作大匠徐吳得爲卿有心計與之易磚石爲須彌座積才爲柱省不可計卽巨璫黃錦見以爲天生若人爲國家用而璫袁亨於 上前輒言未備禮疏請吉立木賴 上聖明知璫輩欲中之一惟禮言是信工成而推恩及歐陽司空朱緹騎乃禮止尙書添註分宜父子阻之也然三殿之工估者至數十百萬而費止什一萬壽宮災估者復以三百萬報當事者難之時徐文貞爲夾輔問禮幾何禮曰二十萬足矣卽以聞本朝分省人物考 卷五十八 江西二 文

上喜而分宜不懌禮念 上諭且諄切朝夕匪懈祁寒雨雪至躡油履行泥中執蓋自障卽元夜不休上知嘆異撤御饌勞之又念其孤劬須以人輔而華亭子璫司繕造分宜孫紹庭司巡緝分宜以其孫何不能繕造而必令棄之巡緝會內監復言無所需激上怒禮力請 上閱閱竟 上喜甚稱禮爲良臣有銀鏹飛魚之錫分宜益不懌然 上意固倦倦知禮之體國而分宜之前後嫉禮狀亦灼然矣至是歷一品三年考 上援故事賜羊酒鈔錠授柱國加少保紫宸宮再建禮議宮禁重地不便出入請遴內使廉

慎者專稽驗而禮得一意督促紫宸成加少傅謝辭
上曰督掌工務節財任怨知深矣無何 世廟賓天
禮臨毀甚穆考登極禮舉前此之加派費稱冗者一
切罷之天下以爲更生而一二少年始媚分宜及敗
而排之天下不直其人必欲甘心于禮疏入 上曰
雷尚書功在社稷柰何劾之一時咸謂聖明天子而
禮更振厲部事上幸成均禮與徐文貞東坐聽講甚
重適吳給事時來上封事言內使不法 上震怒禮
因便言前杖石今復杖吳恐累聖德遂得免會中涓
言內教場禮疏謂 皇上尊居九重必導迎和氣凝
本朝分省人物考 卷五十八 四十一 江西二
神淵默不宜躁動震驚事遂寢御史李志學奏裁中
官號房內使羣歐御史于朝禮止色奮前曰此何所
御史何官爾輩攘臂辱之無君甚矣衆始解散尋疏
謂工部與內府相關今內璫怙勢行私臣每事掣肘
願乞罷歸奉旨准致仕前後所言事輒於宦寺不便
而若輩傾之力必去而後已省臺交章請畱携一僕
一敝篋翩然往矣歸杜門謝客著書如大政紀內閣
行實列卿年表鐔墟摘稿行世家居十三年辛巳疾
作語徐夫人曰夢夏文靜公邀游南岳遂卒訃聞
上輟朝贈太保賜祭營葬

余曰德

余曰德故名應舉後以成進士爲其不雅而更今名
字德甫別號午渠豫章人初授刑部貴州司主事於
法亡所刻縱尚書稱之與歷下李于鱗吳郡王元美
相劇琢爲古文辭長身疎瘦眉目清明不多飲酒雅
談笑然簡遠有準時楊忠愍繼盛以直言相嚴罪下
獄論死嚴之鄉人皆掩耳不欲聞楊公名乃時時訊
問亡所避遷亡何以四川司郎中出讞浙江諸郡刑
獄漸俗獷巧善麗辟深文吏往往以驚擊羅織其得
出者咸自慶慰恨見余公晚大司寇亦亡所駁異還
本朝分省人物考 卷五十八 四十一 江西二
理其司未幾擢福建按察副使至閩值宗子相理學
政而徐子與守汀喜甚詩筒還往不絕俄而子相病
且死矣躬爲視含斂傷其無子使其子斐經而受吊
以其喪歸入賀 萬壽還任屢有平賊功竟爲忌者
罷出入中外十餘年未嘗一日廢詩而至是乃益刻
勵自于鱗而上以至於古之作者亡所不究極于鱗
慎許可其遺書于人曰大江以西余生一人而已而
豫章里中人鮮治詩亦不聞古調嘿嘿不自得所著
詩僅見錄本一帙然已嘗鼎一臠矣

劉顯

劉顯南昌人嘉靖三十六年夏四月倭奴寇揚及淮
 殘啄州縣十有三殺都指揮一所過鞠市為墟暴骨
 如莽我圍孔棘留京戒嚴時劉將軍方北下將祗役
 金山大司馬張檄將軍守浦口無何白司馬曰賊性
 貪恠輸掠既眾其欲已盈必無南今去者半其在泗
 州者需亦去耳不如擊之顯留此不能自效也大司
 馬許之會御史馬移書辟將軍將軍乘傳謁御史御
 史喜命具饗饗將軍將軍曰賊在顯不咽食也請為
 君滅賊還饗耳五月乙卯與其家甲驅至安東謀之
 賊艘二十九賊眾時脅從散去簡人人倭也遺將軍
 謾書將軍笑曰賊素易我且歸則志情可斃而待也
 迺伏甲岡下躬率四騎薄賊艘詬之賊出將軍叱三
 騎使前以身殿斬一人以徇且戰且却射馬中矢馬
 駭將軍下馬扶簇賊卒馳將軍前將軍躍馬斬馳者
 賊至岡下弩發賊多中弩者然且扶傷而鬪甲亦殊
 死戰賊乃引去甲欲逐之將軍曰日旰矣勿逐也賊
 言焚民廬以摧我將軍即先自焚賊縱所俘美女子
 以蠱我將軍戒毋犯悉縛送有司將軍度夜當雨謂
 甲曰我露宿是彼以逸待我也乃違岡十五里而軍
 選人持火器潛涉賊艘賊數驚徹夜不得寢厥明丙

本朝分省人物考

卷五十八

聖三

江西二

辰援桴誓眾將軍執一幟以號于眾曰汝官軍有能
 敢勇殺賊樹功勳者立此幟下得三百人曰我前拒
 汝為後勁命甲四十人塞隘巷之衝每巷以五人守
 以五人巡曰賊出汝踏命甲六十人分四部伏岡下
 曰賊潰汝擊命三巨艦積葦泊上流曰賊艘汝燔右
 之虛營以張其勢左之疑兵以分其黨復令數人升
 屋而譟曰獲賊矣獲賊矣既誓乃陣賊自巷出者連
 斬四五人遂不敢復出退語其魁魁怒摘冠揮袂左
 手持刀右手持扇登岸麾賊眾蟻螻矢集如雨將軍
 單騎遇之格者半撥者半矢盡又張其銳圍將軍數
 圍弗克將軍射賊輒殪賊氣稍奪將軍曰彼眾我寡
 不先磔其魁則眾不携也迺一呼突賊壘斬前隊二
 人直擣鼓下斫指麾者自頂至踵裂其尸出賊陣後
 賊眾披靡相怖以目甲四起夾擊之斬獲甚眾賊大
 潰還奔舟舟焚將軍追至舟上盡斬之又擒一魁名
 五大王者亦斬之溺水死者不可殫計淮倭悉平將
 軍不胄不介着一白布單衣巾褲亦如之身不滿七
 尺猶夫眇小丈夫耳及遇敵提兩刀騰躍超踊矯捷
 若飛刀起見刀不見將軍淮民自河上觀者咸咄咄
 曰神人嘗平九流橫江白草松盤芒佈等洞以三百

本朝分省人物考

卷五十八

聖三

江西二

騎破獠萬人孤身被圍轉戰三日夜斬獠繫馬首潰圍而出守蜀十年身經百戰不一刃性闊疏無世俗脂韋態以是多不悅于人云子挺襲父職歷官都督府同知掛平遼將軍印總兵官挺少負大志勇常冠軍征播征倭屢樹奇績會奴酋犯順詔起于家挺疏言計定而復戰而當事者迫之出關提孤軍深入虜巢援兵不繼與其子俱戰歿于陣事聞舉朝慟傷凡孤卿九列共爲文立壇祭之詔贈少保立廟祠祀

陳贊

陳贊以南昌人隆慶辛未進士知南海縣悃悃無華愛民如子聽訟決獄一以寬和不爲嚴厲刻覈之政民共歸之待士忠厚有禮所簡拔多豪雋征輸攢造俱力洗宿蠹庭中皜然萬曆甲戌倭警驟至奉督撫檄單車巡行查點保甲安靖不擾鄉民至今猶有以其所止比甘棠者政成擢刑部主事後遷雷州太守卒于官

補遺

張謙

張謙字道彥江西南昌縣人洪武三年以文學除浙江道御史尋辭歸十七年因薦入朝講周易稱旨陞

刑部右侍郎復改山西道御史卒

范敬先

范敬先字伯寅江西新建縣人洪武初進士除御史嘗指陳闕失過切上怒磔之市磔者已批其兩乳敬先曰姑止吾有詩獻詩云劇人呵叱廟廊器聖主磨礪梁棟材上亟命釋之後謫趙府卒

衛源

衛源江西南昌縣人永樂四年進士除湖廣道御史賑濟饑民全活者衆三年入爲刑部尚書

許銘

許銘江西南昌人永樂四年進士宣德初爲浙江按察司副使持憲嚴明豪貴人不敢干以私而興利除害民皆感服嘗上言備邊禦戎國家重事理兵足食備禦大經近來邊軍困於雜役多致逃亡防守既疎屯種亦鮮若悉矜免專令備邊如舊給與俸糧其有餘力各遣屯田則食足兵強守固戰勝矣又言夷狄獸心難以德服其曰歸誠朝貢實皆慕利而來爵賞雖加反側難保宜加樽節防閑如祖訓條章許其來朝者或三年五年一至其餘悉宜禁止則送往迎來免困民力府庫之財不至妄費矣上嘉納之

王漢

王漢進賢人景泰五年進士選授南道御史建言請
衡山知縣召復原職巡按廣東浙江陞陝西副使本
省按察使累陞左僉都御史巡撫甘肅卒

鄧以瓚

鄧以瓚新建人隆慶辛未進士第一選吉士歷官禮
部侍郎謚文潔瓚雖以文章冠冕海內屢起屢不赴
深坐西山者三十年不著書洞觀於天人之際不自
標門戶居或卽事賦言因人立教不數語耳前不緣
格套後不畱端倪于是支離闢諍鑿空之論無繇滋
本朝分省人物考 卷五十一 四十一 江西二

涂杰

涂杰新建縣人隆慶五年進士由龍游知縣選廣西
道御史陞光祿寺丞以東宮建言爲民

陳子貞

陳子貞字成之江西南昌人邑南岡田瀕湖歲潦民
苦逋稅多流亡慨然曰脫令某申眉宇當爲一方請
命久之舉鄉試成進士除溧水令溧水地卑受大江

秦淮水凡八十九所田率污萊貞以廩粟治隄至今
賴之會詔均田正疆界謹胥吏舞文而表異淳鹵規
度偃滯寬其征又以月奉市地瘞捐瘠於決訟有刑
無罰罰亦以粟平反諸大辟枉者若而人時時以禮
法要略勸善編祥刑鑑三書教督其邑邑大治有門
清如水邑治如家之謠徵拜御史條上六議復召對
之典行超遷之例核舉刺蠲帶徵設江南兵備禁
畱都靠訟閹孫暹矯 旨索舊逋連章數其罪已按
關西茶馬母喪哀毀如禮服闋除故宮薦曾公同亨
李公世達趙公用賢諸君子其于振綱紀開言路端

本朝分省人物考 卷五十八

四十七

江西二

士習尤三致意焉已按閩首飭吏治責成監司以
及郡長吏時同事者耳目它寄舉刺頗失真貞不嫌
異同臺省率以爲確會代條上八事請革私奉孔廟
之褻海上開墾之宜裁租稅禁鐵冶清屯田通糴廣
南革武職科派均驛遞偏累閩人德之引疾歸歸亡
何起督南畿學政約言十二條簡而盡闡畢經解木
橫殺二生于水力爭正法請教職不受他直指綜核
又以師嚴而後道尊教官侍講必坐聽周中丞建文
德橋于金陵學宮之右後舉三大魁於形家似合適
橋圮貞易以石俾垂永居七載三試十四郡所積

米廩贖錢數萬悉以養士擢太僕少卿去諸郡邑無不祠祀之其蒞太僕遷通政會奉使 榮王邸納節乞休初伯父爲家督私橐稍贏諸弟有微言曰吾曹非伯氏寧有今日事之彌謹所受父產推與伯兄暨弟而更爲斥餘畝繕廬舍婚嫁子女二十人許子姓咸式化之庶幾昔江州之義門云建石牖於南岡田捐奉入以倡而當路佐其不足里免逋亡其無言不酬類此有撫閩之 命辭不獲會閩大水至卽發倉以賑不繼請蠲解稅鹽課金六萬無令島夷乘間蹂躪語極剴切上報可巡視諸要害始南澳迄澎湖千里之內閱歷一週中山告急條上機宜七事重海道擇海防勒汛兵稽名糧理屯田禁通倭均地利皆按閩時所籌畫也水陸隊師集諸司大閱差次甲乙而緩急用之請託不得一關其口久之以病瘁乞歸三疏不得報而春汛期迫猶手書媿媿貽同事且囑其子無以喪具煩有司亟籍郡縣贖銀萬餘金還之公帑沐浴整衣冠封識璽書符節焚香北望以拜昇之藩司復誡其子木母過美母哭泣毋用鼓吹毋作佛事毋久在邸婦女入侍輒屏去且曰死生之際大矣吾於此故了然就榻正襟端坐 俱訃聞賜祭贈右

本朝分省人物考 卷五十八 閩人 江西二

副都御史所至入名宦祠專祠在金陵三山門內 萬國欽 萬國欽號二愚新建縣人中萬曆癸未會試制義一洗時弊力追古人授直隸婺源縣知縣克應天同考已丑行取授山西道御史庚寅建言降劍州判官已亥陞南刑部郎中未幾卒 涂宗濬 涂宗濬號鏡源南昌縣人中壬午鄉試癸未成進士授浙江慈谿知縣丁憂復除蘄水調繁江陵復調黃岡徵拜山東道御史巡按廣西河南山西順天等處 本朝分省人物考 卷五十八 閩人 江西二 陞大理左寺丞歷延綏巡撫加陞副都御史兵部右侍郎總督宣大山西尋陞右都御史兼兵部右侍郎癸丑陞兵部尚書兼右副都御史甲寅加太子太保陞兵部尚書乙卯回籍敷歷中外各有樹立生平篤志講學海內推爲領袖非沾沾以功名顯者卒 劉日寧 劉日寧號員嶠江西南昌人萬曆己丑進士由編修歷官詹事兼禮部右侍郎卒贈尚書日寧爲文汪洋自恣不拘拘于繩尺其人亦磊落不羣雖任詞林所至各有樹立舉世共以大有爲期之未及柄用而卒

人物考卷之五十九目錄

江西饒州府三



許瑗 王溥

吳宏 章復

王釐 祝挺

胡閏 張琬

費震 徐旭

孫原貞 徐爵

吳惠 戴弁

董阜民 何英

本朝分省人物考 卷五十九目錄 一

高峻 王弼

戴嘒 劉城

戴琬 戴珊

黎福 張憲

舒清 戴璉

程廷珙 祝瀾

孫需 張吉

李岱 彭程

俞廷瓚 劉蒼

劉麟 胡居仁

桂萼

補遺

計澄 盧瓊

李頤

本朝分省人物考 卷五十九目錄 二

本朝分省人物考卷之五十九

江西饒州府

許瑗

許瑗饒州府樂平人讀書聰明強記至正中兩以易經舉於鄉皆第一及會試不第放浪吳越間每醉輒大言自負人未有知之者歲戊戌上駐兵婺州瑗以儒士進謁因言於上曰方今元祚垂盡四方鼎沸豪傑才勇之士勢不能獨安夫有雄略者乃可馭雄才有奇識者然後能用奇士欲掃除僭亂平定天下非攬收英雄難以成功上曰今四方紛擾民困

本朝分省人物考卷五十九

一饒

江西

塗炭予用英雄有如饑渴也授博士畱帷幄中叅謀議以太平股肱郡命為知府瑗至厲士卒修城池撫黎庶庚子偽漢陳友諒率舟師攻太平守將樞密院判花雲與瑗等以兵三千拒戰友諒攻城三日不下引巨舟泊城西南士卒緣舟尾攀堞而登城遂陷瑗被執罵不屈死之上嘉其忠追贈高陽郡侯

王溥

王溥饒州府安仁人仕陳友諒為平章守建昌頗著聲望弟漢名漢二亦為友諒守將太祖南征嘗命師取建昌不克歲辛丑正月院判朱亮祖率兵擊溥



於饒州之安人港溥以兵拒戰我師不利六月友諒將李明道寇信州胡大海引兵來援擊破之擒明道并漢二等十八人因送之朱文忠文忠令二人招溥復送建康上命皆仍舊職八月上帥師討友諒取江西以為鄉道江州既拔友諒奔走武昌溥遂以九月己酉朔遣使來降俾仍守建昌已而龍興守臣胡廷瑞亦具書納款壬寅正月上至龍興溥率眾來見上慰勞之尋遣率兵取撫州及江西未附諸郡是年元張昶之來溥實遣人報於上甲辰從克武昌遷資善大夫中書右丞洪武元年諸功臣進秩本朝分省人物考卷五十九 二饒 江西 詔溥兼副詹事從大將軍克平山東河南燕冀二年克陝西屢有戰功賜文幣七表裏三年天下既定論功行賞陞河南行省平章上欲優待之令食祿而不視事子孫世襲指揮同知十一年定諸臣歲祿之數刻石官署溥每歲七百五十石於官田內給與五年溥遣人來言近督取林木建昌蛇舌巖眾見巖上有衣黃衣者歌曰龍蟠虎踞勢岩巖赤帝重興勝大朝八百年終王氣復重華從此繼唐堯其聲如鍾歌已忽不見上曰明理者非神怪可惑守正者非讖緯可于漢之文成五利足以為戒事涉妖妄豈可信

也後卒于京龍飛記云溥以饒信干戈假授奉其母
葉氏避兵貴溪倉卒間母子相失凡十八年葉氏所
在不可知而溥思母亦切是歲正月忽夢母若告以
所在者命卜者筮之其繇辭曰非巖即穴朽骨是藏
及是溥言於 帝曰臣之父晉母葉氏實生臣溥及
弟漢寶而臣不天父也棄諸孤蚤所恃者吾母以長
以教故臣兄弟稍有成立而母亡已十八年微臣無
似獲事 陛下比者推恩褒崇三代假寵於王氏甚
厚獨念臣去鄉邑日久倘賜之告得歸展省丘墓以
伸私情臣不勝至願 帝為惻然有制與之所以撫

本朝分省人物考 卷五十九

三十一

饒 江西

論之者亦至仍命儀曹具祭物給之溥即日回家躬
率士卒詣貴溪之桃源山向母舊時避兵之處伐木
入山以物色求之不得夜號者三日既乃得其居人
吳海能言賊兵逼時夫人病不能行即自投井中死
矣溥又披榛棘尋得井俄有鼠自井中出跳入懷中
旋復入井汲井索之葉氏遺骸果在溥哀號益不自
勝乃具衣衾棺槨即其地葬之

吳 宏

吳宏饒州府餘干人仕陳友諒為江西行省叅政守
餘干至正庚子七月鄱陽院判于光取饒州以其城

來附 上命僉院鄧愈往鎮之屢職友諒舟師威震
境內宏深懷疑沮辛丑愈以江南叅政行總制事推
誠結納撫以恩信宏大感激會 上親取江州友諒
奔武昌遂全城請降 上嘉其誠命招諭龍興壬寅
正月 上至龍興宏率眾來見 上慰勞之遂改愈
為江西叅政移鎮龍興宏代守饒州尋遣率兵取撫
州等郡調守撫州又從征下武昌以功拜中書左丞
後遷親軍指揮宏涉獵經史能詩工書奉母至孝見
重於士大夫後卒於京

章 復

本朝分省人物考 卷五十九

四

饒 江西

章復鄱陽人初仕元為行省郎中洪武初以儒業應
召授全州府同知勸民耕稼歲獲豐稔乃編農事家
給一冊復興學校創建一新自為記銘凡遇旱澇禱
之即應民勒石頌功陞知保寧府後乞致仕朝廷惜
之俾乘驛還鄉

王 釐

王釐鄱陽人自少穎敏博學能文洪武初以明經授
鄱陽教諭多造就人才召為翰林院編修與修國史
每備顧問奏對稱旨嘗患頭風 上以御用藥酒賜
飲之遂愈後乞外補命知南陽府有善政以疾卒所

著有羣英雜言詩粹若干卷

祝挺

祝挺鄱陽人攻春秋左傳歷官上海知縣遇錢氏為
變挺討平之尋大軍至將屠邑挺力請于將得已民
感之立碑後擢戶部主事調湖江行省郎中

胡閏

胡閏鄱陽人學博行修素以忠直自許 太祖討陳
友諒經鄱陽謁吳芮祠見壁間題竹詩幽人無俗懷
寫此蒼龍骨九天風雨來飛騰作靈物 太祖嘆賞
久之遂召至帳下後官都督府經歷遷右補闕進大

本朝分省人物考

卷五十九

五

饒

江西
陳于

理寺少卿 太宗靖難死于直言嘉靖二年提學副
使邵銳立祠祀之

張琬

張琬鄱陽人洪武初以貢入太學試高第授給事中
轉戶部主事 上問天下財賦戶口琬應對無遺即
進本部左侍郎謹身殿災上疏言時政上嘉賜文綺
時歲饑請蠲天下民租百萬餘石 上嘉納之年二
十七卒

費震

費震饒州府鄱陽縣人洪武初年以賢良徵為安吉

州知州以寬惠愛民有善政四年擢漢中知府時歲

歉盜起震發倉儲十餘萬粟賑濟俾秋熟還倉易陳

為新盜乃來歸即令占宅自為保伍遂得數千家至

秋大熟民悉還前粟 上聞而嘉之後以事被逮朝

廷以震為良吏釋之使為牧民者勸用為寶鈔司提

舉十一年以善政陞戶部左侍郎本年陞戶部尚書

十二年正月奉命定丞相御史大夫等官歲祿之數

刻石官署中書省左右丞相御史臺左右大夫每歲

各給二千五百石若駙馬都尉李祺梅殷每歲各給

六百石平章李伯昇王溥潘原明每歲各給七百五

本朝分省人物考

卷五十九

六

饒

江西

十石俱於江西官田給與本年調湖廣布政使後以
老致仕

徐旭

徐旭字孟昭饒州府樂平縣人自幼穎悟稍長從其
鄉先生蔡仲淵授春秋為文辭已超詣拔出見者皆
奇之年二十一登洪武乙丑進士第授浙江道監察
御史入為禮科庶吉士日記事侍 上左右 上方
屬意天下進士每朝羣臣退獨進士畱被顧問 上
未退不得退也一日 上呼旭至前將有所任使而
奏對弗克稱旨 上以其迂也命分教於涿州之房

山復教諭鳳陽皆以憂去服闋擢安王府紀善用薦者陞為知州入史館上書論天下事多不能合益落
 落自殊無所顧惜遂自史館出為吏部考功員外郎及成祖即位遷郎中預修高皇帝實錄永樂元年拜朝列大夫國子監祭酒旭在 高皇帝時素以篤學見稱數言事切中當時 高皇帝嘉納之然欲老其才故抑之久而未有以用之初在考功拒請托抑僥倖是是非非毫髮無所遺其情而尤以天下之治與教在守令與教官守令教官弗稱其任者尤精覈之無少貸眾望風誼騰持之益堅及在太學亦如
本朝省人物考 卷五十九 七 饒 汪西 井德
 在考功時然旭純謹君子也雖盛威嚴而中情簡質好惡出乎其至誠至於卓卓自守激之而不動挫之而不撓人未有過之者也居太學僅一年諸生凜凜僅自修飾而其僚屬之不便者已譁然議之矣永樂二年坐書奏當降調雲南參議 上問吏部尚書蹇義曰旭為人何如對曰有文學持守而於人寡合上曰持守之人固當寡合益其中有所主不能脂韋依阿况兼有文學乎宜實之近侍特命除翰林修撰俾預修永樂大典為副總裁方向用之而旭卒矣時年五十二 上聞之悼惜勅賜棺以斂遣禮部主事

端禮諭祭焉旭終身坦夷不事表襮而其疾惡剛勁人有所不堪者世以此高之而亦以此與之齟齬者眾也其為學明於義利之辨為文約而明喜薦士所薦最多且賢屢考試科舉其得士最盛而尤孝於其親自鳳陽考試河南時入朝告歸省其母疾方亟旭聞倍道疾趨至家母疾忽為愈數日竟卒人必為孝感所致云

孫原貞
 孫原貞本名稿以字行饒州府德興縣人永樂乙未進士任禮部郎中歷河南參政正統十一年巡撫于

本朝省人物考 卷五十九 八 饒 汪西 井德
 謙舉原貞自代中璫王振阻之尋陞浙江布政使景泰元年福建賊吳金八等流劫青田攻圍平陽時鎮守軒輓奏遣原貞與僉事鄺彥譽會勦之五月以功最陞兵部右侍郎參贊浙江總兵李信軍務二年七月處州盜平奏折麗水青田置雲和宣平景陵三縣十月浙閩盜平進兵部尚書鎮守浙江福建請置福建永安壽寧二縣三年致仕文章勳業取重當時歸老歲寒溪因以歲寒自號成化十年卒八十七國史稱其居官清慎自守多著勞效令終壽考世所難得云

徐爵

徐爵餘干人登永樂乙未進士授監察御史立朝嘗
諤風力素勁人不敢干以私 太宗常以小徐御史
呼之

吳惠

吳惠浮梁人登永樂辛丑進士知永興邑風俗素鄙
惠諄諄諭之俗遂不變民疲不能田惠傭工以代耕
秋乃大稔民得不饑以薦陞解州知州州輸邊儲挽
運甚勞立貧富三等法且聽其附載貨物以易粟上
倉費煩減半輸亦告足民歌曰吳父母恩何溥昔惟
本朝分省人物考 卷五十九 九 饒 江西 陳元
粹今鼓舞乃刻碑頌德

戴弁

戴弁浮梁人領鄉薦自崇陽訓導歷兵科給事中奉
詔行邊簡士卒嚴戍守邊備整飭陞陝西叅議城迭
烈以禦寇衝屯張掖以助軍餉進調廣東叅政適廉
雷諸郡徭徭梗化挺身出諭曰我戴叅政也爾輩何
敢冒死賊曰果我公也公至誠愛民我何敢犯羅拜
而退廣州被圍乏食亟發廩賑之募敢死士焚其攻
具遣使間道引援兵入守遣將協謀平之進布政使
景泰甲戌入覲遂乞致仕卒所著有蒙菴集

董阜民

董阜民德興人以明經舉任工部主事質直方毅不
爲容悅時同官有被譖繫獄者阜民疾篤恐其罹刑
置諫疏于懷死都門 上憐其死諫命禮葬之遂赦
被譖者

何英

何英鄱陽人性警敏絕人不事詞章往學於王松塢
得饒雙峯黃勉齋之傳造詣益深松塢寄以詩有臞
梅谷裏先春意句遂號梅谷累薦不起建玉溪書院
以納天下來學所著有四書釋要詩經詳釋易經發
本朝分省人物考 卷五十九 十 饒 江西
明諸書崇祀邑學鄉賢祠

高峻

高峻鄱陽人登宣德庚戌進士授監察御史巡按巴
蜀值松藩叛平之明年按畿內屢辯冤獄倭寇犯浙
江勅峻以行且假便宜克成厥績陞澗江叅政卒于
官

王弼

王弼鄱陽人宣德癸丑進士授工科給事中上疏蠲
逋負人懷其德陞順天府丞修飭山海居庸邊務經
畫有方進應天府尹有惠政民戴之如父母累疏乞

歸足跡不入城府卒于家

戴 啤

戴啤字士儀浮梁人少承家學博覽彊記詞翰穎出以乙科授順德府學訓導當兵後人不知書啤教有方士知向學調嘉興府啤病文勝先行檢重經術故士多實才亦以績最進德清教諭一新學政士不舉凡十科自是舉者不絕父喪服闋改慈谿縣士恨得啤晚化其教者亦多有之秩滿歸省母母適病卒服既闋擢教授再蒞嘉興學者益眾有富民數輩遣養子人學啤不可民賂按察官彊啤執愈確坐是忤意本朝分省人物考 卷五十九 十一 饒 江西

劉 城

劉城鄱陽人少磊落有大志景泰丙子領順天鄉薦授貴州道監察御史風聲震聳吏民憚之陞福建副使刻弊發伏殆盡上杭盜劇城梟其渠魁散其脅從患遂熄陞本省按察使風紀益厲勢家海販屏跡進廣西右布政使轉右副都御史巡撫河南撫諸觸法

者立罪之威宦斂輯閭閻忻樂更生疾作卒于官柩歸之日家設香案舉奠者塞道

戴 琥

戴琥浮梁人領景泰鄉薦授南道御史風裁凜然嘗因平江路盜起劾罷巡江不職二重臣復陳四事皆弭盜安民之要陞紹興知府政教並行民為立德政碑以繫去思擢廣西右叅政制馭夷獠區畫邊計皆有成績以疾致仕卒

戴 珊

戴珊字廷珍饒州府浮梁縣人天順甲申進士自幼端亮有大志明性理之學務見於躬行成化二年擢四川道監察御史廉慎公勤風紀截然奉勅督南京學校時士習頹靡多緣飾詩書以獵聲稱珊正身率之凡考校必以文藝占器識有請謁者遜不色拒而終亦無所撓羣士帖服十四年陞陝西按察使副使仍專學政如南畿又修古聖賢祠墓增秩祀典德教風行在陝久待諸士如家人父子諸士亦愛慕不忘稱誦至今久之陞浙江按察使秉公嚴正務崇大體一時僚貳分巡各道者人異其見往往用已意出入於法珊虛心比之多所平反其視身悉中矩矱識者

本朝分省人物考 卷五十九

十二 饒 江西 吳志

稱其端鯁雅飾不負軒公親云踰二年進福建右布政使尋轉左自奉儉約無他嗜好退居惟焚香讀書而已於義利尤嚴駢不可渝終任不持箇中一物弘治二年鄖陽撫治缺人太宰王端毅公恕素重其賢薦陞右副都御史撫治其地時鄖陽諸府豪右多窟流聚爲利乃刻日令首罪民所關田多匿稅略償所費而沒其餘嚴練兵伍自製爲營陣法蜀盜野王剛嘯聚不逞初起夔州新寧往來東鄉諸邑肆行劫掠遂入湖廣竹山竹谿又據漢中諸郡縣凡五年守臣畏罪莫敢發珊請令四川湖陝三省調兵餘之事下

本朝分省人物考 卷五十九 十三 江蘇

兵部議移檄三省撫臣調兵進討珊檄副使朱漢等分道並進賊聞風奔潰乃約川湖兵深入賊巢麻柳壩所向克捷於庚戌十一月誅其首惡縱其餘黨千餘人事遂定踰年辛亥召爲刑部右侍郎與尚書何文肅公喬新彭惠安公韶俱以學行負時望相與同心一德期敬獄以長我國家凡正人受禍者雖忤旨不避若大奸宿猾盤據不可動者苟法所難宥屢請弗已也一時稱爲得人久之轉左命勘荆府不法事廷可其議九年遷南京刑部尚書留都私人奸法詭訛是非珊慎三尺宜幽達滯皆犁然當人心又雅

重鎮定足爲士類與刑十三年召改左都御史掌院事益自檢律務持風紀雖簿書之細必極精覈嘗與吏部考察京朝官者一考天下述職官者再孝宗親鞫大獄諸司震悚珊從容應對時有所開折天威頓霽上知其清慎每廷奏宣面問至移晷刻引疾求退必優詔勉畱命醫賜食十八年己丑春召珊同兵部劉公大夏入各對畢上令中使出白金二錠以賜且面諭曰朝覲日文官避嫌有閉戶不與人接見者如卿等雖開門延客誰復以賄賂通也朕知卿等故有是賜後珊屢以老疾求退孝宗不允一

本朝分省人物考 卷五十九 十四 江蘇

日私懇於劉大夏日珊老病子幼萬一客死異鄉地下不瞑目矣一日上召劉大夏議事畢因問戴某近來何如劉言戴有病累疏乞休出於實情伏望皇上憐而允之上曰卿去說與戴某朕以天下事推誠付托猶家人父子也太平未兆何忍捨朕而先歸乎劉以上語告珊泣曰吾不得返家矣未幾卒於官贈太子太保諡恭簡

黎 福

黎福字天與樂平縣人中天順丙戌進士授浙江道監察御史以監順天鄉試直躬不比忤當道意出知

鎮江中貴人汪直將來江南勢張甚有可望塵迎拜
福恥與之面乃出行屬縣汪聞不果來又忤其意因
逮詔獄會典獄者素賢福事得白還郡以憂去服闋
改知襄陽又以憂去服闋改知寧國擢雲南左叅政
遂進廣西右布政使轉廣東左布政使擢都察院右
副都御史撫治鄖陽召還南京為兵部右侍郎以疾
致仕卒壽六十有七福居官必竭心力為之利害無

所計其為御史數疏天下利病開及宮闈事屢履危
境不為變其按真定激揚惟允貴戚有強占民田者
歷數御史不敢辨悉奪還之民其人訴於上時彭惠
林朝分省人物考 卷五十九 十五 饒 江西 張子五

安公詔為刑部郎中覆勘其事歎曰此真御史也因
極疏其弊得釋由是名益顯其按四川亦如之而平
反冤獄尤為川人所稱以與平劇盜功賜金帛其為
郡一以安民為務鎮江軍衛雜處武人暴虐無所忌
民素苦之及聞來皆惴惴不敢犯事間有犯者悉據
法懲之無所假民始獲安又正已率下一時大小官
屬罔不洗濯其職其於弊政多所釐革而絕侵漁以
甦驛遞量民產以均牧馬民尤便之其於教化畱意
彌切公暇輒蒞學進諸生講說或課文藝且悉復其
家以優異之其治寧國如治鎮江其在雲南兩廣皆

有惠政在勛陽節制三省首察文武吏才不當任者
易置之尤不職者黜之增設巡檢司學校以詰奸敷
教綱提領挈不事細瑣流民安業無一不靖者福天
性廉正不蓄婢妾不置貨利自雲南歸覺行李稍重
檢得錫器數事悉投之水曰不得以是汗我然簡而
有禮嚴而不苛嫉惡而不為己甚不立崖岸而人自
不敢以私干之此則其尤過人者

張憲

張憲字廷式別號省菴饒州府德興縣人成化壬辰
登進士第觀政刑部即畱意法比部長皆賢之十七
本朝分省人物考 卷五十九 十六 饒 江西 張子五

年會吏部選科道偶遺之眾皆疑愕尋乃授考功主
事益尚書尹恭簡公曼知其所養醇正而欲畱自助
也歷陞考功郎廉慎公勤十四年如一日甄別流品
必先志行遇士夫之賢者輒以人才訪之有所聞籍
記惟謹課覈之際以叅黜陟其人可用即疎遠不相
識必陰薦之考功以地望例遷卿佐鮮外補者弘治
二年憲資既深尚書王端毅公恕探所欲答曰懼官
之弗稱賢耳奚內外之敢擇乎三年遂陞山東左叅
政行部所至興廢典釋冤繫孜孜政務宗聖公墓在
嘉祥蕪穢弗治歎曰事有似緩而實急者此類是也

命有司亟為修築併葺其祠東土僻遠學政頗不修於督饒之暇時即黌舍為諸生講說好以經術緣飾又如此六年陞浙江布政使鎮守中官縱左右虐民而搜其財乃廉其人置於理岳武穆祠在西湖故有祭田二頃為勢家所據檢覈昇祠又訪其苗裔使占籍負郭得食其租入以世其蒸嘗交承庫藏主吏報羨銀若干欲以動憲歎曰杭人方苦篚貢以此助之豈非一分之賜乎吾弗能竊取為自殖計也仍封職貯之十年陞順天府尹事雖旁午處之裕如屢請寬恤畿民以培植根本旱則虔誠致禱雨輒應久之望

本朝分省人物考 卷五十九 十七 饒 江西 朱秀

龔權豪德孚士庶考最賜誥褒榮十四年陞工部右侍郎總理易州山廠統郡八役民數萬趨走之吏自郡倅而下餘百員故為奸利囊橐憲曰近賦易汗吾其可弗慎哉總理用公差例日廩五升省八郡常供之餽簿書有關防以杜緣絕之欺柴夫納銀得痛損加耗之數於是宿蠹十去七八而積欠日漸以完十八年還蒞部事會 武宗即位諸邊告急戶部言諸邊賴鹽課而其法久壞請遣重臣釐正之遂兼左僉都御史以行親歷諸場炎瘴無所避適三品九年考滿陞右都御史仍督其事將就緒正德二年賊瑾

本朝分省人物考 卷五十九

專政議革巡撫召還以瑾勢徘徊於道久之三年始得蒞院事會審錄重囚本內寫劉瑾傳奉字多為瑾所怒四年改復南京都察院本年陞南京禮部尚書瑾終惡不已附甫月餘內批致仕五年瑾誅最先

召用改南京工部六年卒於位六十有六

舒清

舒清德興人登成化丙戌進士授工部主事自營繕郎中陞河南叅議歲饑請邀運米百萬分給一省賴以全活陞四川叅政立遞減法以便民轉右布政時有使者欲取庫藏銅鼓諸物疏節用愛人以止之轉

本朝分省人物考 卷五十九 十八 饒 江西 朱秀

廣西左布政又有取古琴諸物之使復疏不貴異物以止之田州土官承襲緣故習致謝金斥出備軍餉民夷懷附尋以疾乞休致所著有直菴集操撫端恪望重士林

戴璉

戴璉浮梁人早有大志力學希古登成化丙戌科人號為五經進士授大理評事以儒術濟法律兩上封事率刑政根本之論未究厥施而卒士論惜之所著有知非集

程廷珙

程廷珙浮梁人性孝友居母喪三年不御酒肉登成化乙未進士歷郎中秉法嚴正陞福建叅議開渠建陽以利灌溉民至今賴之時福寧諸路凶亂設法賑濟民之死葬生養咸有賴轉廣西叅政進右布政使克桐木渚巢擒渠魁黃鑑成等 孝宗以銀牌鏤奇功二字及金繒獎之平賓州八寨之陸梁定東蘭韋祖鉉之跋扈至於銷士官爭長之鋒致謝金二甕不受平生政蹟類如此尋以國事卒於粵正德初舉祀府縣鄉賢祠

祝 瀾

本朝分省人物考 卷五十九

十九 饒 江西

祝瀾德興人登成化己丑進士授兵科給事中侃侃剛直轉國子監丞 上廟祀議以聖賢像宜從國初定制止祀木主路點鯉以父列于廡淵叅偁以子配於殿似非明道正倫之義宜別建一室祀叔梁紇以路點鯉配若公伯寮荀況之徒宜黜其祀為人慷慨尚氣節不以死生福禍為意

孫 需

孫需字孚吉德興縣人成化壬辰登進士筮仕為常州府推官常俗富侈訟輒恃賄取勝需遠嫌自潔勤於訊鞫惟公惟明隱奸宿蠹摘決無所漏能聲驟起

巡撫牟倖重之凡獄之難決者率以屬之及經聽斷無不屈服運河淤塞撫按議取徑別鑿一河初委地方官延久緒弗就及屬需督理相地賦役約先完有賞民踴躍趨事不旬月而工告成三年例當奏課牟俸疏畱治事不得行又三年為成化戊戌召入授南京四川道監察御史風裁凜凜雷都皆嚴憚之遇事必極言無所諱避妖僧以左道蠱憲廟率同列斥其罪請誅之雖遭筆未嘗以為悔嘗奉命巡倉至中都鎮守中官欲謁者由旁門入且以文東武西榜於門需不入僅投一刺將據其所榜以僭劾之中官憚需

本朝分省人物考 卷五十九

二十 饒 江西

嚴卒正主客之禮時王瑞毅恕方叅畱務最慎許可輒造需加禮江盜熾需巡江以略授耆民張禮捕獲幾百人有賊七十麓即令錦衣衛同事簡千戶識以印緘送之官奏禮為巡檢專捕盜賊事自是江道寧帖簡嘗對眾歎需之廉曰盜賊無籍使盡七十麓取之固無知者而公不欺乃爾何可及耶廉聲由此益著未幾陞四川按察司副使南臺陞副使蓋自需始前此所未有也既蒞任會憲長缺遂署其事公務弗給率捐已俸給之略無難色按部治得豪決淹獄明而不苛所在奔赴賊吏或望風解印綬去比歸所得

一第... 〇 〇

紙割價值輸之公無毫髮私入御史陳瑤以勢凌轍
二司獨於需曲加禮敬又以公廉嚴慎克振風紀薦
之歲侵糴貴民死過半湖廣倉粟頗多言於撫按偕
叅議金澤兼程往貸得三十萬石而西分地賑給所
全活甚衆蜀人感之咸曰微孫公吾皆爲道殣矣時
歷兩考當課巡撫都御史丘胤疏畱視事蓋在蜀已
餘七年吏部推陞者五邑人有不悅需者譖於時宰
久乃不遷而需未嘗意動尋以憂歸故事藩臬舟行
以瞿塘灑灑之險命有司縛後翼之至荆州市其竹
木可數百金需不欲斂民罔利竟拒不用亦竟無他
本朝分省人物考 卷五十九 二十一 饒 江西 內文

而饑以濟公私便之羣盜橫行命督兵擒捕先後獲
數十人復取其賊散州縣以充給濟之費他若讞獄
平賊鋤強植弱孳孳在念民所便不便皆以次行罷
無遺弘治癸亥 駕帖下河南取牡丹三千上疏耳
目之玩不可勞民沁陽縣知縣馮憲忤宗藩已有旨
下撫按官會訊尋復逮赴詔獄又疏令如反汗殊戾
舊法 孝廟皆納其言而寢之居三年屬吏競勸民
視如父母會鎮守中官劉瑯與需水火剝民自殖輒
以法裁之有奸民違例赴瑯投愬牒者必據法配之
荒裔琅嘗謁請於需曰瑯不能學公之公廉盍稍縱
本朝分省人物考 卷五十九 二十三 饒 江西 內文

繩墨使瑯得飲勺水以相安於此邪需心知瑯必害
已亦不爲動日夜陰圖中需大臣之子有怙勢橫於
其鄉者需亦裁以法於是瑯計得行會陝西巡撫缺
遂調往補蓋大臣亦不欲其久於汴也及去汴汴人
遮道扳留呼天而號曰何以爲我奪公而他界也至
陝西經略武備拊循士卒取權貴所私役復之舊伍
他省有輸粟助邊者皆令躬自輦送無苦邊氓聞虜
警則以義激將士督之先驅而亦擐甲從之不以勞
避竟爲風寒所襲而病遂乞休詔不允召還京寓館
邸堅臥不起累以疏辭時 孝廟方命侍郎何鑑稽

覆荆襄流民而鄖陽其淵藪也乃改命撫治至則以文告諭之願為編氓者給牛種俾有常業願歸故里者給餼遣還籍管內所得逋逃蓋數萬餘口又以教化為撫民急務乃興建學舍擇秀民聚講其中有暇則親往課之未幾士習丕變應試者倍於疇昔武當屬在境內國家祈禱諸費出于民間需令有司籍記香錢悉貯均州歲可得萬金於是祈禱之費絲毫不擾於民鄖人謂前此撫治未有如需之精密者正德己巳陞南京禮部尚書時逆瑾專權陞者多以賄謝需以是忤瑾罰輸邊米數百石未數月矯旨令致仕

本朝分省人物考 卷五十九 三三 饒 江西 孫明

歸歸則故居已燬幾無以生需處之裕如也庚午瑾敗復用薦起南京工部尚書務整宿弊不欲以浮冗多耗民財先是諸營建給領料價率匠魁專之蒞部事者或與為市故羣匠無所得而工不可速完需出納皆有成法黠者不得從中乾沒且歲省冗費萬金癸酉冬改南京刑部尚書諸司獄必親筆削處讞皆審慎人無冤稱甲戌夏考最遂改南京吏部尚書留都務簡表以廉靜諸司翕然明年奉命考察庶官諸所存黜叅之公論無毫髮私徇其黜者止坐微罪不忍以太甚斥或曰如此則彼將不服且得藉口自文

需曰吾斬服彼之心苟公矣他何慮也蓋所黜數人頗有時望聞者始而疑焉既而廉之果當黜於是益服其明戊寅疏修政弭災戒遊畋抑權倖諸事以年及遂懇辭獲允俾乘傳歸里居自守益嚴於州縣無所干謁尋卒贈太子太保謚清簡

張吉

張吉字克修號翼齋餘干人成化辛丑登進士明年除工部營繕司主事時左道李孜省致位禮部侍郎妖僧繼曉以符水進乙巳元旦星隕有聲詔求直言吉上疏勸親賢圖治修德遠邪以謝天變顯劾二人

本朝分省人物考 卷五十九 三四 饒 江西

之罪疏入貶景東通判時追逮甚急故舊無送者所携圖書數卷僮僕數人而已景東西南極邊其民鄙戾土官陶氏世握郡章一仍其俗吉至下令率先以孝弟忠信禮義廉恥民以事至庭諄諄曉諭使歸相告語有不法者亦必薄示其罰約無再犯陶始見吉空囊且無室家謀為置妾不聽以銀器數事為饋一無所受已而遣子棨來學棨聞教即能善事其父遇母忌日或強以酒肉即走避之夷民由是信服漸知中州之化地僻乏書手錄諸經葺齋舍討論其中取聖賢教人修身為己之要慎獨窮理改過求仁作為

四箴真座右自勵在郡四年檄走蒙理威楚者半之
孝廟御極覃恩轉肇慶同知肇慶當蒼梧下流頻年
苦澇吉相其地曰是可以隄同列不以爲然獨以身
任之發民就役皆不令而集隄亘三縣當水暴漲則
乘小舟以視衆莫測其至嘗夜雨不止憂形於色坐
以待旦經營勞瘁歷三載而後成復爲竇以殺衝決
之勢民至今以姓姓竇以號號隄辛亥都御史秦紘
爲總兵柳某所誣逮赴詔獄吉爲疏曲直秦卒得白
癸丑轉梧州知府梧州乃兩廣鎮巡開府建節之地
諸司受約束而至者輪蹄交錯殆無虛日供張館穀
不勝其繁民多四徙不樂土著吉至凡百節損先是
榨鹽之利盡歸於守至是出以佐費復出其餘修壇
壝廣學舍凡不均之徭皆釐正之於是民之徙者舉
相率而歸暇日躬課諸生尤嚴於丁祭廟樂崩壞嘗
延樂師呂應禎聚諸生習之至於將事卜牲之外微
而殖非皆一一徧視觀者竦然生敬戊申考績入京
凡贊見當路惟所刻先儒學範晦菴詩略等書庚申
轉廣西按察副使備兵府江申教令嚴武備其教士
以射則懸金爲的中者與之又以意創駕鴛鴦欃偏架
弩倣神世衡放射青澗及韓世忠製克敵弓之法時

本朝分省人物考

卷五十九

三五

江西

吉于賊深求其故以所轄沿江山川盤結林木蒙翳
或扼要害或縱斧斤以奪其藏伏之所又以賊恃藥
弩中者必死厚募解藥多置挨牌重賞間諜邀截出
入又以府江東西二賊相爲犄角而東賊慄悍尤甚
遂併力於東數月之間斬獲甚衆由是西賊聞之亦
皆自戢府江以寧正德改元轉本司按察使明年轉
山東右布政使己巳轉廣西左布政使二月發濟南
舟中讀象山語錄作陸學訂疑會召馳驛還京將處
以重任竟爲逆瑾所沮嘗謂禮之大體有四其冠婚
喪三者可守惟祭禮煞用斟酌書先小學四書而後
諸經謂學者不讀五經遇事便覺窒礙至於隱年就
試大爲不可以時方進取乃爾則他日可知矣年六
十八卒所著述有古城集貞觀小斷佛學論常取擇
胡居仁居業錄集之謂之要語

本朝分省人物考

卷五十九

三六

江西

李岱

李岱字宗岳樂平人生而穎異長能文魁其儕輩家
貧嘗躬杵日以養親夜雨敗鄰人之垣若有藏物家
人欲取焉岱聞而止之翌日其家始覺得錢數斛邑
人有受金縱盜而情可原者縣令與其人有仇欲致
之死程清者被怨家誣告魔魅死罪岱皆營辦得出

登成化丁未進士弘治二年拜南京刑科給事中有直聲上言檢身求言敬大臣體羣臣謹天戒諸事多見采納尚書鄭時不職內官張廷縱恣殺人都御史秦橫為安遠侯柳景誣奏岱倡諸臺諫言之秦竟得白時罷去廷寘於法又言前威寧伯王鉞不當黃緣起用遷南京光祿寺少卿每歲上供天鵝鹿脂皆以樊籠生致於洞庭嶺海五六千里之外民病之既腊或不堪充庖岱因災異陳言及之止徵其直上供法醞每歲酒人綱送用舟八十餘艘役夫為奸且不時至岱為之籍使有統紀弊遂絕正德三年考績至京

本朝分省人物考 卷五十九 二十七 饒 江西 程守

時劉瑾用事大肆饕虐公卿而下鮮不以賂通岱無所餽或曰君禍至矣曰命也奈何竟出為陳州府吏部薦為太僕少卿瑾識其名令致仕瑾誅補陝西布政司叅政未行卒年六十八王雲鳳曰正德庚午余謝病歸山李公來會告予以劾蔣琮事曰琮初守備南京欲陷縉紳不測之禍以立威誣訐臺諫數十人謫以去勢益張又連訐諸司官俛首就逮冤鬱不伸念予為言官不可坐視一日予騎馬出門墨墨獨行忽遇郭御史告之故郭欣然同議乃歸疏琮大罪數事上之琮遂下獄死公為言官所論列關於朝廷政

治之大者雖多惟蔣琮則當其寵幸初隆之日尤為人所難

彭程

彭程鄱陽人成化丁未進士弘治初授御史巡察京城內外先是北虜投降者皆安置畿甸歲日以盛且梟雄莫制每朔風塵起騁騎彎弓掠人道上事洩索急則投戚里闈奴為援程每得其機牙發之奇中人驚為神繼巡浙江鹽法監收光祿寺財賦釐奸革弊風紀肅然時政有無益之費事于宮闈者程抗疏忤旨下詔獄謫戍隆慶明年釋歸時稱為真御史

本朝分省人物考 卷五十九 二十八 饒 江西 程守

俞廷瓚

俞廷瓚鄱陽人以進士授行人司副正德己卯武宗南巡廷瓚條上十事皆人所不敢言者而極切劄至奮不顧身遂死于諫嘉靖改元遣官諭祭

劉蒼

劉蒼字伯春安仁人廣洋衛副千戶端重英敏超越行輩十五歲入武學身自刻勵不煩督獎每赴演武教場夜四鼓起讀將鑑一篇場中鼓嚴乃進食食且惡必盡三四器乃上馬去返越午矣不食於市家人詰之則對曰一人之市食一家之日食也身通小學

四書史略七書將鑑諸籍又能爲宋趙孟頫書吳英者指揮也廉甚不苟取瞰蒼其同志也學且優焉有緩急輒叩門以請遂爲莫逆交及蒼子麟舉進士謁英英呼之曰子勿學他貪墨者以隕爾父之志否雖官至卿相英不願見也初蒼雅好儒學而職事不遂謂麟曰夫讀書可以建功業濟斯民吾已矣小子其成之於是有趙經先生者亦干戶也明經而習舉子業然遵禮尚志旬月之間不越戶閭篋中藏二青布袍必祭先壽親訪賢也沐浴而後着之卒事猶藏焉蒼以爲賢遣麟師事之然無以贄也每獲折俸布帛以布自衣以帛贄先生先生以麟貧不受蒼曰不贄無以遺吾子也必贄之指揮龔海甘貧自守行年七十好學不倦謝政閉門旁開小戶自搗藥以賣其價不二然好誦孟子或從趙先生講焉趙先生後進也輒正講席而後旁聽之戚黨有爲卿相者還龔將改服以謁聞其載寶而還也遂絕跡不往或怪云此其門其少龔海者之足哉海死而子勳守學不改人以爲海未死也夫龔氏父子其介若是不可犯也獨于蒼終始敬重不衰蒼嘗及察案伐水入凌室一士凍餒跌仆水間羣士載水爭蹂躪其上幾死矣蒼力關

本朝分省人物考

卷五十九

二十九

饒

江西

楊林

羣士解紳挽出土得不死當是時也趙端者規之心重其行遂納交焉趙端者趙經先生之父也年且七十又尊行也而又敦廉尚義不妄與人遂呼蒼爲兄弟云一日攜蒼至其家命家人具饌以食蒼家無具移時不至蒼退端責其子經曰劉伯春予所畏服者也非他人比今乃不能令我完一雞黍約邪取大杖杖經且令其出妻時麟方學於經奔告蒼蒼趨至趙氏曰朋友與家室孰重假令經出其妻再娶弗賢令爾此孫不立若何趙怒方霽乃令再具饌歡宴而罷嘗有納戶起解千金取回關單誤遺道路蒼曉行獲焉日候其處三日矣一人頓足撫胸叫號而來曰天乎何殺我之酷乎蒼趨而問之人告之故蒼出單與之其人頓首曰公德生我矣酬以數金笑而不受年六十誥封武略將軍正德辛未年六十八卒

本朝分省人物考

卷五十九

二十九

饒

江西

楊林

劉麟

劉麟字元瑞號南坦安仁縣人南京廣洋衛籍麟性資澄朗弱冠領弘治壬子鄉薦丙辰登進士觀政虞衡時科道龐泮等論劾外戚張氏驕橫執法忤旨下詔獄拷治甚急麟與歸安陸崑抗章申揅 敬皇爲之霽威獄寢解尋丁母憂制終除刑部河南司主事

十八年陞本司員外郎錄畿內囚執法折中不拘成案疏雪冤抑無慮數百人正德二年陞刑部山東司郎中三年陞浙江紹興府知府抵郡躬理簿書清刑獄裁供應甫五月民皆嚮方逆瑾銜其在部時以事觸忤及出守又不修謁撥郎中時瑣事黜為民越人扳呼如失父母爭致贖麟笑曰勤苦諸君吾治不及劉寵敢蒙一錢惠耶既去越人肖像為小劉祠祀之求太宰王海日翁華紀其事於石歸值歲侵饔餐不給士大夫相率曰可使劉尤瑞至此耶湖州吳子玠施子侃慕其素行迎入湖相與論道蒙山之董塢與

本朝分省人物考

卷五十九

三十一

江西

關中孫大初宜春龍子電結社為湖南五隱謹誅起補西安府陝西戴之如越六年丁外艱都憲藍章憂其無以為喪檄諸司治車馬資悉却不受會宸濠構亂弗克歸安仁遂於吳興安厝九年服闋起陞陝西右叅政屬關內饑虜數入寇朝遣貴臣督兵議軍餉將加賦秦民諸司莫敢持麟曰不可靖邊本以為民今若此恐內難作亦可虜也貴臣變色曰憂民者獨叅政耶適陝西有赴闕陳訴者 命下麟共圖其便議乃得寢于是覈侵漁括逋負邊儲竟以不乏十年擢雲南按察使十年致仕嘉靖初年起為太僕寺卿

值繼母疾留妻家侍獨旅寓每退食焚香如坐禪室元輔楊石齋過其門見雙藤倚戶飄香載道問曰此為誰從人以麟對楊公歎賞遣人致意去嘉靖二年陞右副都御史巡撫保定等處飾勵屬官節財用存贖贖為備荒禦虜計畿甸以寧因疾作四上疏得允歸六年丁亥再起大理寺卿七年陞刑部左侍郎本年陞工部尚書麟遇事不避嫌咨白吏部進退其屬凡銓除者悉訪才廉充任先是四司銀貨各在所司儲之出納各任司屬自擅弊日滋卒難稽核上疏創建一庫刷四司之財貯之特銓主事一人與御史一

本朝分省人物考

卷五十九

三十一

江西

員同典出納又請侍郎一員專稽其數 上嘉獎賜名節慎庫自是財無虛耗司屬免於賊敗部中每歲內府二十四監局不時題派不受覆覈乃考據前章或議罷或議減不輒徇又擇其甚者十二事條上得旨裁之省費十之四五中貴人由是切齒八年己丑秋七月 上遣近璫督造龍袍於蘇松麟謂監局自有常供請停便忤 旨勅致仕十年辛卯安陸大雨顯陵殿宇滲漏以興工在麟視篆時追論落職間住退歸寓居長興之瀆南坦一室頽如家無儲積郡守萬雲鵬重其清貧為築讀書臺邑令楊上林又為之

建堂曰廣心亭曰泮露因阻涉乃架橋於門曰龍津謝絕塵事非慶吊不至城郭郡邑之政絕口不談公卿臺諫推其行誼頻薦於朝有述以告者若罔聞焉滿室惟圖書數卷朝夕省玩有所得輒書屏間久之屏表裏斑如遇文士至則展所蓄諸名家翰墨欣賞終日題其楣曰半壁時觀我羣峯日可賓蓋蕭然超脫於風塵之外者文冲泊雅淡中有奇崛氣皆冥與神會詩擬盛唐書法宗羲獻尺牘片簡人爭寶之及山棲日久心鏡澄徹妙契玄理以故聰明色澤彌老不衰至辛酉歲忽一日命書曾點暮春者至咏而歸

本朝分省人物考卷五十九

三

江西

一段懸於正寢朝夕相對怡然自得人莫測其故至四月二日無一語及家事神清氣爽而逝視所懸蓋前知也享年八十有七 上聞賜祭葬贈太子少保謚清惠

余祐

余祐字子積號詡齋鄱陽人自幼穎異始入小學卽慨然有求道之志聞餘干胡居仁潛心踐履徒步往師之一見謂其器可以遠到以女女焉祐學問豁逕啓發於居仁者最蚤成化丙午領鄉薦登弘治己未進士授南京刑部貴州司主事轉廣西司員外正德

戊辰勳臣有爭襲者祐嘗署其案忤巡璫劉瑾意落職瑾誅大臣以廉正執法薦起家知福州府愛人卹獄事先大體不以耳目摘發爲聰明鎮守內臣豪買市物不予直又以白金二百兩強府令爲市改機若干祐入其金於帑民以不予直訴者十百爲羣涕泣慰遣之將以狀聞於朝鎮守懼稍戢求以事撓祐會天旱衆請禱雨鎮守曰余知府自謂愛民必能感動天地而使之獨禱祐齋戒出郊雨隨應鎮守慙愈媚嫉思以傾祐陰遣人構于厥衛曰不去余知府鎮守不得伸手也祐行素高媒孽竟無所得則說爲好吉

本朝分省人物考卷五十九

三

江西

曰余知府好官吾豈敢不敬之但好官亦無庸慢我會遷山東按察司副使始解丁父憂未上服除補山東整飭徐州兵備南京進貢內臣多挾商貨索夫馬價至數倍知州樊準白祐祐命詰其私貨入之誣逮錦衣獄謫廣西南寧府同知稍遷韶州知府投劾去世宗登極詔復副使陞河南按察使屢與撫按兩院爭可否平反冤獄按黜巨賊以數十當其據理以爭辭氣棘棘聽者至不能堪乃因考察橫中之其劾章有心慕乎古氣失之偏之語祐聞之笑曰偏則有之慕古吾豈敢也坐調廣西按察使遷湖廣右布政

雲南左布政使以太僕卿召未行轉吏部右侍郎祐自調廣西後公論益以明白當國者知祐剛正可大用故三任皆未久而遷吏侍報至卒嘉靖戊子年六十四學務有用不事空言發端於居仁而推其本原以為出於程朱之書尤究心焉其言曰程朱教人奉以誠敬為入門學者豈必多言惟去其念慮之不誠不敬者使心地光明篤實邪僻詭譎之意勿留其間不患不至於古人矣其時公卿間有指主敬存養為朱子晚年定論者乃撫朱子初年之說以折之謂其入門功夫非晚年乃定又輯朱子書之切治道者

本朝分省人物考

卷五十九

三十五

江西

為經世大訓其論及文章辭翰者為游藝錄見其學之備體用兼大小非近時所謂單傳妙訣者可擬也

胡居仁

胡居仁字叔心餘于人幼穎異有大志七歲學於家塾言動如老成人既而學于康齋慨然以古人自期斯道自任以記誦詞章為不足事專用心於內其學以主忠信求放心主敬為要因名敬齋處家庭如朝堂對妻孥如賓客端莊凝重履繩蹈矩造次顛沛未嘗少違隱微幽獨之際愈嚴愈密每日必立課程詳書得失自考終日竟夕孳孳不倦見義勇為不擇利

害為趨舍排異端振流俗高風偉節儀表江南所著有居業錄敬齋集門人吏部尚書余祐曰先生弱冠時奮志聖學往遊康齋先生門退而藏修于家讀書窮理存諸心者不以一時或息反諸身者不以一事或遺久之則知益精守益固養益裕而所得益深矣居業錄者先生道明德立無可告語事有感于外而無可施行故筆之于冊取易脩辭立誠之義其間論聖賢德業經傳旨趣學問工夫政教基本性命淵微不一而足至異端佛老之學尤深辯詳闢惟恐其陷溺人心變亂士習益亦有為而發故其詞繁而不殺

本朝分省人物考

卷五十九

三十六

江西

桂萼

桂萼字子實饒州府安仁縣人自幼從兄華私淑吳與弼胡居仁之緒論其學以收斂身心為主本以孝弟忠信為實踐以經綸康濟為事業而天文地理禮樂名物師田水利以及醫卜農圃之書靡不究心期於致用正德辛未舉進士授丹徒知縣歷武康成安所至敦古行明教化抑豪強有聲獨性剛執不能與時俯仰動以此見戾嘉靖癸未擢南京刑部主事時廷議大禮統嗣二字未明部中主事張璉先有二疏

爲執政諸人沮斥天下洵洵莫識誰何而張孤立聞
萼至喜曰是可與明禮者比至語果合遂上疏明
統之公辯立嗣之私三年同張被召至京與廷臣辯
論上意始決六月禮成進翰林院學士四年陞詹
事兼學士五年正月萼與刑部尚書趙鑑爭論給事
中陳洸罪犯攘臂相加南京戶科給事中林士元劾
之章下所司六年陞禮部右侍郎建言清言路以定
國是乞如成化間令科道互相糾劾部覆並無事例
得旨既先年有行還着他互相糾舉萼復題除奸欺
以通壅蔽得旨令部查明隨該部疏覆查得成化間
以糾劾因而奉旨非考察拾遺旨下既有憲宗
聖旨萼所言不爲無據何不早查明覆奏且不究還
着他互相糾舉來說本年改吏部左侍郎陞禮部尚
書七年改吏部尚書加太子太保尋加少保八年七
月命兼武英殿大學士八月致仕九月召還上深
禮眷稱以俊彥宿學賜銀圖書二曰忠誠靜慎繩愆
匡違萼亦奮勵凡啓沃君心揚薦士類與夫軍國
生民之計知無不言言無不盡九年十二月致仕卒
於家贈太傅諡文襄有奏議八卷

補遺

本朝分省人物考

卷五十九

三十七

江西

計澄

計澄字本清江西浮梁縣人永樂十九年進士由商
河知縣選山西道御史巡按福建丁憂復除雲南道
巡按浙江建言謫廬州府推官陞楚雄府知府廣西
按察使致仕

盧瓊

盧瓊字獻卿浮梁縣人正德六年進士由固始知縣
選浙江道御史巡按順天嘉靖元年議李僧獄謫戍
赦歸卒隆慶元年贈光祿少卿

李頤

李頤字惟貞號及泉饒州府餘干人隆慶戊辰進士
授中書舍人已而擢陝西道御史疏舉理學胡居仁
宜與薛瑄並祀孔廟申救御史胡淳景嵩等以建言
忤旨受杖爲民尋復職奉命清戎楚粵時江陵相
勢正張赫一切謝絕關白惟王命是供三尺法是
執以是與江陵父忤出守湖州府湖多豪貴人凌法
滅紀至則捕橫惡子弟不悛者傳爰書死于獄中一
郡肅清備兵吳中時具區謀叛幾萬餘人議先據南
徐次掠旁郡改元弘閏乃潛授方略縛渠魁立磔殺
之總憲三楚湧繁勝殘囹圄無冤民部屬鮮昧吏時

本朝分省人物考

卷五十九

三十八

江西

郎卒倡亂郎陽沈守以株連獲罪 天子震怒禍且不測乃條陳兩臺以百口保之得 俞旨守竟得脫復密謀繼兵之首亂者不移旬安堵如故久之以河南右轄陞御史中丞撫漁陽漁陽為三輔重地時昂首要撫賞黠駑難馴設伏擒其心腹狡虜小郎兒等七名宣揚國威諭以禍福操歲賞予奪制其死命昂首誓服改撫順天永順間頻年旱魃疏請粟數萬石分賑以救死徙責成正官躬率舉行 詔遷南京右都御史總督河漕兼程赴任蒙霜露涉風波奔馳千里周咨必然之畫而又時詘舉羸焦思蒿目正督率各屬巡行經度間忽嘔血數升不止輿回濟署而卒訃聞贈大司馬廕錄一子祭葬如制

本朝分省人物考

卷五十九

手九

江西

人物考卷之六十目錄

江西 廣信府 南康府 九江府

陳修 龔敦

白天民 何敏中

游志遜 羅恢

陳雅言 彭勗

楊廣仁 李圭

王增祐 周旭鑑

姚文灝 高明

胡濬 王讓

本朝分省人物考 卷之六十目錄

一

江西 陳元

費瑄 姚明

晏綰 婁謙

鄭齡 李鏡

注鳳 費宏

呂夔 費案

聶豹 楊祺

詹軾 桂榮

徐九思

補遺

汪淵 徐盈

楊時喬

夏言

徐樾

夏尚朴以上廣信府

于光

余鼎

魏源

廖敏

殷革

黃維

陶偉

胡璉

柳芳

曹崇

葉瑾

劉衢

朱讓

黃玄

余濂

黃信

本朝分省人物考 卷六十目錄

二

劉階

王賢

史中

游瑞

豐慶以上九江府

本朝分省人物考卷之六十

江西廣信府 南康府 九江府

陳修

陳修字伯昂廣信府上饒人元末甲辰歲附王師平浙江首擢理官講畫律令崇寬厚而省煩苛復倫變而黜姑息簡明正大四方翕然知有一統之制作由此始焉繼又謂兵冊之大者也唐世府兵之制稍為近古而未精密乃擢兵部郎中修選任將帥愛養士卒令內外相繼兵農相資遂為萬世法 太祖初卽位山東新下念濟南重經王氏之亂民塗炭已甚

本朝分省人物考 卷六十

江西十一 姜洪

大將多練兵屯田其間非修莫可治遂擢濟南知府居二年政成 太祖嘉之以天官六曹之長而明習經制建官均職惟修是宜擢拜吏部尚書修引據古典參酌時宜審地劇易制事煩簡與凡貴賤疎數遠近寬嚴課功覈實賞賜黜陟之類皆籌畫停當未幾卒於位繼之者莫能移易云 宣宗采其事載在五倫書

龔敷

龔敷鉛山人學問該博德行篤實洪武初以明經為府學教授御史葉孟芳高其學行薦至京師遷國子

司業尋陞祭酒卒于官

白天民

白天民鉛山人洪武初以明經爲邑庠訓導教人有方御史葉孟芳薦之曰學精德邁智慮過人才堪大用召至京師授廣東肇慶知府果有政績著聞

何敏中

何敏中洪武中以才行卓異任祁門知縣上書言時政得失 朝廷嘉之遣行人賜以樽酒陞徽州府知府後轉嘉興府所至有政聲

游志遜

游志遜上饒人慷慨有俊才洪武初爲廣西興安縣丞入朝應制賦詩稱旨權監察御史舉劾不避權豪嘗以忠直見稱後拜四川按察司僉事

羅恢

羅恢字師程永豐人洪武癸酉薦授撫州崇人縣學訓導嘗上疏言孔子廟庭從祀當以道學論當時有若優於宰子論語記有若言行者四皆有裨於世教記宰子者亦四皆見責於聖人宜以有若居十哲位次而宰子居兩廡公伯寮沮壞聖門不宜從祀遺伯玉孔子之故人行年六十而化今居兩廡六十位次

本朝分省人物考

卷六十

二

江西十一

姜洪

本朝分省人物考

卷六十

三

江西十一

姜洪

之下於義未當宜陞啓聖王廟疏奏不報秩滿膺薦入史館兼校國學經籍兩與纂修 高皇帝實錄永樂初竣事賜白金文綺陞國子學錄師範端嚴前後受業者千餘人 成祖祀太學賜襲衣預筵宴滿考遷博士又六載以年七十陳乞致仕時 車駕巡幸北京 仁廟在東宮監國朝臣封事率未敢請特爲遣使上聞得旨俞允時論高之司業吳溥嘗遊其門率六館師生數千人祖送之觀者填道時人莫不羨其榮德性忠厚儀矩端莊望者敬畏孝於奉先遇忌辰時祭輒感愴泣下既歸撥拾先世遺文訂輯族譜梓以傳卒年八十有二自號雷菴有寫心歸田諸藁藏於家

陳雅言

陳雅言以字行永豐人幼聰敏異常年十三祖可權嘗閉戶校書言偶至其傍可權隨手抽架上書令誦聲琅然無一字齟齬數過卽能背稍長授詩書初學科舉業既遂肆力於古學經史子籍靡不蒐究一夕夢人授以竹簡分丸藥啗之由是文思大進前輩多所推讓元末有以茂材薦辭弗就乃著潛夫擬作閔已寒松二賦以見志雖居亂離不廢著述已而喪父

捨攘中斂喪不盡禮國朝初平江西郡縣設官修舉廢墜永豐首起言典教縣學屬草創戶口田土失實供需百出縣官無處置言爲規畫公私始便建廟學成祭器先生計度招致賢俊以就教育後皆成材收其族子之孤寒者撫教之有貧而好學者衣食之其父母妻子相繼而物無以葬又具棺衾爲葬之前後不能舉者凡九喪民有負官租三年者督逋甚急貧無以輸一女鬻之言爲出所逋租還其女郡守屢舉薦輒以母老辭母終寢苦枕塊三年哀毀喪明服闋日愈草便宜十五事欲上未行而疾作卒年六十八

本朝分省人物考

卷六十

四

江西十一
姜洪

彭勛

彭勛字祖期號春菴永豐人生有異質七歲日記數百言嘗從鄉父老人佛寺獨不拜寺僧強之不從反叱之曰彼佛裸跣不衣冠我何拜爲人大奇之年廿六登永樂乙未進士念親老乞教職就養得南雄府教授在官凡得一美衣食必先奉親諸生化服其爲教以經書熟讀講解爲先作文次之每選諸生之尤者聚一室同飲食躬爲訓導至終其任不替造就甚多雲南鄉試聘爲考官舟抵廣東界有稱臨安府生求見贊以黃金笑却之三日復尾其後因怒叱左右

擒其人不得既至方鎮諸公禮待甚厚凡場屋事一惟勛言是聽乃知黔國公晟都帥昂二公以考官多私是科則各使人偵之獨勛嚴不可犯故爾九載赴吏部以急關仍除建寧教授有許宗道者以醫書爲權要所嬖因中傷官民人詣事之按察副使王增刷卷來卧疾道中適宗道女孫飲人家而寘轎於生員游亨門亨歸怒毆其轎夫宗道銜之卽誣游氏父子魔魅且以其居近童五郎祠爲証遂寘亨叔父七人重罪俱執其平民因神而下獄者四百餘家且以增素敬勛恐勛直其誣弁讒勛思中之一日官吏聚揖

本朝分省人物考

卷六十

五

江西十一
閔文

增言茲事枉否人畏其威皆曰然勛獨立抗言游氏非巫者五郎非邪神初捐地築城人也事載郡志大人勿信讒衆駭愕而退少選召送志書人乃大愧悔盡釋無辜正統元年少傅楊士奇薦召拜監察御史提督南京學政卓然教條畢立寬嚴得體一時東南士風翕然振起己未廷試三甲魁選悉出勛門至今論南畿提學必以勛爲第一嘗辯嘉定縣民朱行等三人非謀殺人建平縣民陳良二陳文二等十五人非強盜衆服其明教官有持身不謹者卽黜揚州安慶知府不稱皆劾罷之又幾九年以內艱去起復

拔授考功郎中先是司府州縣及雜職等官考滿當黜陟者雖公罪但經納贖亦從私罪降用不報為私過者罰勛謂此不合公罪不降律巡檢倉庫稅務河泊等官犯笞杖罪者不論其功績即於原授資級降用勛謂此合從當陞資級降度不違定制而前官文過譁然相攻以為行之年久即為例不當遽更部堂為大閱洪武永樂中已行卷贖一如勛言譁者始服至於吏胥歷役多弊言者方多法以繩之得罪者相繼勛謂法出奸生若不為定規易守將攪撓不已乃自入奏詔可之俾部堂議條例以進考功為之一清

本朝分省人物考

卷六十

江西十一

已補山東按察副使已已之變廷議以勛可用乃勅簡練軍壯固守城池督造軍器送京營於是不憚出入之勞雖荒崖絕島必親歷以伸冤宣澤為已任屢抗攘外安內之疏直言不隱如是者四年自陳得歸時景泰癸酉年六十四正學直道確然自守壯老一致不為流俗所惑南雄學後舊有小祠肖一女子中坐每稱之云靈甚學官弟子恒設祭勛初至家人詹暴卒有為之私禱遂安明日勛令積薪祠前躬奠火焚之後屢見光怪有勸復之者拒不納怪亦尋息嘗奏言釋氏云凡人生平所為之惡皆可修齋懺脫道

經有云不忠君王不孝父母奸私邪淫之罪亦可誦經而即滅為惡明有天討幽有鬼神而日齋醮可滅豈理也哉且修齋起於梁武設醮起於林靈素固非盛世可傳之典誠世之大害宜漸除之及毀去天下不係叢林寺院停給僧人度牒勒令年少僧尼還俗禁止勅立菴寺修齋設醮庶治道可復所至以拳拳名教為事若建寧胡文定蔡九峰真西山輩躬尊賢堂秩祀之官如漢五更桓榮大司農朱邑吳將周瑜宋范文正公胡安定歐陽公朱文公游定夫元高郵守李齊等墳祠皆為修建又嘗言堯舜禹湯文武周

本朝分省人物考

卷六十

江西十一

陶文

公之道非孔子刪述六經垂憲萬世則其道無傳所謂集羣聖之大成也濂洛關閩之學非朱子註釋六經而哀集諸子之言則其學不明所謂集羣賢之大成也今朝廷於孔子至矣而朱子建寧舊宅有祠無祭子孫身服徭役誠非所宜乞定議褒崇幸甚疏入公議是近年增入從祀者多大賢之後累加恩典勛有以導之矣所著有詩文若干卷山東郡邑通志勝覽等集藏於濟南書傳通釋傳學者又嘗集朱夫子以下讀書規範名曰讀書要法若干卷

楊廣仁

楊廣仁上饒人讀書識大體永樂間爲虞城知縣百廢具興民有火災值風烈弗禁廣仁以誠禱得大雨以熄後又雨潦將傷稼廣仁齋沐禱之雨止嘗以誣累獄百姓相率詣闕白其寃得釋及卒老稚遮道迎其喪而泣送之者千數百人

李圭

李圭弋陽人永樂間歷任教官遷國子監學錄正統間拜監察御史巡歷有聲尋陞大理寺丞巡撫河南時流民聚衆賴之以安遷右少卿巡撫畿內諸郡未幾致仕卒居官廉潔優於文學屢上章疏切於時政

本朝分省人物考

卷六十

八

江西十一

王增祐

王增祐貴溪人永樂間進士授監察御史歷陞僉事副使嘗兩奉勅審錄重囚辨死罪以下三百餘人全活者衆進廣西按察使致仕歷官四十餘年善政無可訾議

周旭鑑

周旭鑑貴溪人歷官黃巖知縣鋤強植弱振興士類表倡風俗致瑞麥駢桑之應累官浙江叅政卒于官民爭先賻奠柩還衆皆縞素送數十里祠祀焉

姚文灝

姚文灝字秀夫弋陽人初侍父于陝時方弱冠讀書恒達旦見者知爲偉器及歸娶獨行親迎禮流俗咻之不顧父喪極哀毀內翰張東白謂人曰是子可以語道矣勵志問學能忘其貧文譽隱起比成進士授刑部迎母就養京師踰年母歿歸其喪葬之廬墓終制其督漕舟處置得宜軍民稱便在刑部纔三月坐累當調外或謂任淺宜自白灝曰職既在是卽一日亦與有責敢獨免乎言者愧服常州冰政先諸郡工部侍郎徐貫奉勅視水浙西灝陳興革事皆見施行還朝上其治狀遂有工部之命灝既受命亟陳水利六事一日設導河夫二日發濟農粟三日給修閘

本朝分省人物考

卷六十

九

江西十一

錢四日開議水局五日重農官選六日專農官任鑿鑿皆經久計朝議行其四事灝巡行相度雖極險遠忘其勞繪水道圖集水利書其自著又有事宜一編皆行於時及歸大巖下益事著述提學命下輿論允協君慨然以作人爲任條教甚悉大要本聖賢之學而叅以時制痛革浮靡考校一斷以公自謂毀譽不入請託不行賄賂不通聞者以爲不誣性方嚴純正平生寡言笑在官無二志在家無嬉容友諸弟兼有書室臨事剛毅充其志雖死生在前弗顧也諸書皆

有辯論或欲更訂大學章句灝謂宜守程朱定本

高明

高明字上達貴溪縣人自幼以孝聞年十三母病甚
焚香籲天請以自代又割股投粥中母食之頓愈稍
長補邑庠生篤學不勸景泰庚午領江西鄉薦明年
登進士第試政都察院未幾擢山東道監察御史彭
城李苟等苦官吏貪暴訟於朝事下御史臺時越訴
者例謫戍邊明奏曰謫戍之例為妄訴者設苟等訴
不誣法當杖 康定皇帝從之因著為令村民趙釗
等為妖言吏欲冒功執其黨數十人誣以謀反獄上
本朝分省人物考卷六十

十

江西十一

明日此愚民處以妖言足矣文致其反何刻也其家
屬皆獲免巡按河南黜汗暴誅兇頑風聲凜然郡縣
冤獄吏不能讞者悉為辨之黃河南徙民耕其填淤
者畝收數斛吏議使民計畝輸稅明不可曰河徙不
常異日平地復為巨浸耕者何以供輸議者乃止及
遷都適邊報沓至乃奉 勅督邊餉人皆趨令靡後
期者都御史寇深剛愎自用屬官少當其意者而尤
忌江右人獨於明敬愛無斃凡大獄大政惟言是聽
章疏當上者俾具草焉 英宗復位天下藩臬郡縣
百司來朝監察御史趙銘等劾其罪而彈文出於明

上怒其觸諱命中官詰草奏者眾懼莫敢對明毅然
曰彈文實出明手銘等無罪中官入白之 上顧左

右曰賢御史也釋不問忠國公石亨以擅權得罪言
者劾其不軌 上命明與錦衣衛指揮門達籍其家
語達曰亨非有反謀其僮僕不當從坐達然之遂同
以實聞得免者四十餘人尋陞大理寺丞凡獄情矜
疑者參錯訊鞫多所平反 憲宗嗣位遷南京都察
院右僉都御史時南臺以去輦轍遠憲度稍隳而百
司亦多自恣至則振風紀明法令痛斥庶官之貪暴
者南都肅然會淫雨彌月上章言此皆陽微陰盛之
本朝分省人物考卷六十

十一

江西十一

徵宜修德以回天意 上嘉納之姦民販私鹽者縱
橫江上商旅幾絕 勅明剿之乃遣御史顧以山戴
琥往捕授以方略擒賊首九百餘人長江以清行舟
無阻久之念二親老連章乞致仕未允又疏乞終養
上乃許之居無何二親相繼逝執喪哀毀幾不能生
戊戌上杭盜起兇燄熾甚 詔起明於家改左僉都
御史 賜勅許以便宜從事力疾而行至則先揭榜
諭之賊恃險不服乃遣兵搗其巢穴馘其渠魁撫其
脇從又以上杭之溪南里寔盜淵藪乃析為永定縣
以統釐之於是汀漳之間晏然寇平又上章乞歸

上憫其久勞瘴鄉乃許謝事既歸絕口不談官府事
惟與子弟及鄉之俊秀論經史而已給事中虞瑤大
學士袁慶祥等皆上章乞起用之然當道多與不合
者故卒不用成化二十一年卒於家年六十四歲大
司馬余子俊具請明居官廉慎有平閩寇功准賜祭
葬所著有終養錄征閩宅安錄藏于家

胡濬

胡濬鉛山人正統末進士歷官杭州知府廉公有威
不畏強禦屬邑富陽新城屢旱亟相視之爲開渠築
牐引流灌溉民賴之郡有滯獄悉爲剖決治行爲天

本朝分省人物考卷六十一

十一

江西十一

下第一杭人至今祀焉

王讓

王讓上饒人天順末進士任吏科給事中在諫垣屢
觸忌諱不爲禍福怵一時權貴深畏之有希風旨誣
奏之者朝廷反坐之後擢楚雄知府威惠並洽遠
人靡不懷服焉

費瑄

費瑄鉛山人舉進士歷官貴州叅議忠孝睦友出於
天性初以主事治水呂梁見上流有渠合芻土沿渠
築堤恒潰民苦征役乃募工改築石堤西則築壩以

殺流悍之勢東則發長衢以疏牽挽之壅於是漕兵
稱便居民立廟祀之

姚明

姚明貴溪人成化間進士授御史嘗出按兩浙歲饑
發京儲以賑或難之明日爲民而死吾不避也竟如
指有中貴贈劔旣拒之且削其歲餽金數千兩或危
之明日吾爲耳目官敢爲身謀耶後陞陝西僉事卒

姜綰

姜綰字玉卿弋陽人成化戊戌進士除知景陵縣擢
南京河南道監察御史謫桂陽州判轉寧國府同知

本朝分省人物考卷六十一

十一

江西十一

陞慶遠府知府邊夷四境之外皆賊窟綰計先翦
其渠魁乃選健兒教之戰無何皆兵也賊盜稍息述
崑鄉韋七旋天河韋萬妙皆酋賊世亂邊會府不能
討屬之綰悉以計斬之七旋之黨合諸峒賊共約數
萬來攻城綰部署官吏環城守之戰三時賊悉衆穴
城我師罷城將潰綰厲聲曰賊計窮矣吾立破之師
稍定乃出公私銀錢詢於衆曰能救穴城者一級予
十金客能清者先登衆隨之緣堞而上奮擊死數十
人賊猶疾戰會四鄉兵至綰常約賊來慎且毋戰宜
據險邀其歸至皆如約陳于巔呼聲與城中應賊賊

乃引退亟縱兵合擊之追奔數十里斬首二百餘級
死于崖瀨者以千計用是荒陬向治以疾歸起為河
南按察使卒

婁謙

婁謙上饒人成化初進士任御史陞副使嘗督兩畿
陝西學政以躬行實踐為教士類風動時汪直有寵
能禍福人謙絕不與之接直銜之使邏校伺察竟莫
可問陞四川布政使卒

鄭齡

鄭齡弋陽人成化五年進士拜官工曹事不當意者
本朝分省人物考 卷六十 十四

數爭至尚書前冀得其是累四川布政使凡六進秩
政譽日彰在川督糧餉繕兵劇盜野王剛就擒偉績
更著尋擢都御史巡撫河南振憲度察風俗禮賢愛
民顛然中州之望卒賜葬祭

李鏡

李鏡弋陽人登進士歷知岳州府鋤梗植弱崇學博
惠築辰陵磯洩水墾田授民以居民深德之名曰李
公隄陞去民不忍捨立生祠祀之後以河南按察轉
浙江布政使卒

汪鳳

汪鳳弋陽人少治經學為文汪洋渾厚自成一家登
成化乙未進士官刑曹治獄明恕凡部中有章疏多
所草上出知漳州歷九載以仁恕稱擢貴州左叅政
卒四子俱登進士長俟工部郎中次俊禮部尚書偉
侍郎佃編修

費宏

費宏字子充鉛山縣人生而秀異年數歲書過目輒
成誦不忘稍長負文明與季叔雪峰瑞相下上祖喜
曰亢吾宗者必二子也癸卯甫冠遂與雪峰同領鄉
薦甲辰試春官不利卒業北雍時丘文莊公為祭酒
本朝分省人物考 卷六十 十五

補菴費公為司業者重之宏益肆力於學居常茹淡
服素節縮經費為購書資淹通載籍自為一家言丁
未舉進士為 廷試第一人授翰林院修撰甲辰宏
上春官時祖復菴公方以都水主事出治呂梁貽之
書曰脫下第宜入北監讀書宏訊其故復菴笑曰吾
嘗夢汝入監領班籤籤乃舊相彭文憲公故物也文
憲嘗遊北監中狀元矣汝第勉之至是果驗是歲八
月 憲廟上賓預修實錄丘文莊公楊文懿公為副
總裁甚推重之加委任焉辛亥以疾請告時史事將
就緒敘勞當遷或止之曰盍需諸宏曰吾豈以身徇

續修四庫全書 史部 傳記類 2

祿耶遂決南歸王子史成有白金文綺之賜乙卯疾愈復任丙辰 皇太子出學青宮改左春坊左贊善已未春聞母喪守制南歸明年父卒癸亥服闋將起復會有 旨召修通鑑纂要給驛北上乙丑九載考績陞左諭德兼翰林院侍講五月 武廟祠服擢太常寺少卿兼翰林院侍讀丙寅與修 孝廟實錄且為經筵日講官丁卯擢禮部右侍郎已巳進左侍郎時逆瑾竊柄凌轢公卿莫敢吐氣宏獨骯髒不為意會瑾敗得無他瑾既誅所變更者悉心釐正以遵成法惟山東河南陝西山西鄉試解額稍增於舊瑾意

本朝分省人物考

卷六十

十六

江西十一

也議者欲即裁損宏謂求賢 國家盛典且開科迫期請今科姑聽候後復舊上可之時服其公且恕云九月以逆藩寘錡平錄諸公卿贊畫功受白金文綺之賜十月陞禮部侍郎力辭不 允故事九卿之長皆得侍經筵 上以春宮舊臣自擢禮部曾兼日講官如初尋復賜玉帶皆異數也辛未正月賜麒麟衣一襲二月會試天下士知貢舉試院諸需舊皆取之順天府宛大二縣裁數百金而民不堪用且不給乃議以各省鄉試用度皆有羨餘請俱令解部轉貯順天府庫而取用之遂加舊額三之二諸用以足辛未

以廷薦奉 旨兼文淵閣大學士入閣供事時四川江西河南山東羣盜延蔓流毒壬申冬羣盜寢平上論功各賜厚賚又鷹子一人為錦衣千戶宏等三疏辭特改授六品文階又三疏辭乃加太子太保武英殿大學士甲戌正月賜蟒衣一襲二月進戶部尚書兼秩如故先是江西盜甫戢而復叛遣總兵李鈇率邊兵往討之未幾鈇以疽死本兵議遣劉暉往代鈇鈇暉皆良將先常平河北諸盜者也與暉同薦者某則以萬金賂錢寧求行寧陰諷中使屬票擬宏執不可竟用暉寧因啣之既而寧當得 誥贈三代欲

本朝分省人物考

卷六十

十七

江西十一

假此交歡乃具百金飲器密遣所親夤夜入餽宏拒之既又餽焉又拒之如初寧益慙恚無何宸濠來請護衛賂寧巨萬金冀為內援且遍結納諸當路獨憚宏不敢近越數日疏下內閣內侍問所以處之者宏因極言濠跋扈不臣將借護衛以為羽翼耳不與之便明日下午兵部看詳又明日本兵陸完遇於關下問所以覆奏者宏曰某護衛曾兩革之矣今可復與乎完曰第恐不能不與也宏艱然而入曰公自任之既而竟與之時濠使在京知宏沮濠而錢寧又恨發其奸思有以撼之乃遣偵卒日夕伺門冀有所得而甘

心焉經月竟無可指摘會同列有嫉宏而思窺其位者乃陰助寧一日忽傳 旨詰責宏引咎自歸力請休退遂有 旨令致仕而從弟翰林編修家亦罷職五月南歸舟至清源濠黨又陰遣人於舟中縱火行李皆煨燼寧使人尾舟窺之至是見舟焚而無餘貨遂以是復寧寧乃已比抵家杜門謝客足跡不履城府惟築樓一區額曰至樂日課諸子讀書其中鄉縣去會城不下六七程濠雖憾之然以人望思得見宏乃使所親來諷宏屹不為動濠憾愈深丙子會羣從有與鄉人為仇者赴愬會城濠知之招仇家人助以

本朝分省人物考 卷六十 十八 江西十一

費令摺據瑣屑事入奏且加厚誣欲以聳動 上意或重得罪以快其意奏入祇如例下都察院時大司馬彭公澤方掌院事洞燭其奸既駁罷且欲加罪焉濠知計不行丁丑春乃嗾羣兇嘯聚奸細以洩忿於室廬積聚焚掠殆盡又侵毀其先墓慘不可言宏恐與羣從避處縣城濠復嗾羣兇攻城掠其兄若弟各一人以往兄竟死自是羣兇知法不容追而勢且不可解遂用猖獗時孫忠烈公方巡撫江西乃疏上請兵擒捕下兵部看詳得如請戊寅春孫公乃令藩臬閩帥率兵臨之得渠首二人并其黨數十人宏乃有

寧宇然濠勢日益熾吏於茲土者皆畏濠莫敢造門矣已卯六月濠因宴會殺孫公及副使許公遂遂擅兵反隨遣數十騎趨信國宏過進賢為令劉源清所斬而濠方一意北向無暇東顧遂無他或勸宏避之者弗為動且謀與弟家起義兵勤王會陽明王公方以羽檄徵兵列郡信守周朝佐鉛令杜民表等率兵往皆為之贊畫方略且遣人間道致書王公議兵事濠平王公欲以功聞宏力辭馬陽明紀功竟奏曰大學士費宏編修家當護衛之再請也昌言明沮已懷先事之憂及逆謀之既成也間道獻策又奮勤王之

本朝分省人物考 卷六十 十九 江西十一

義既而臺省諸公皆連薦其事下吏部題覆時 武廟南巡未及處分逾年 世廟入繼大統甫旬日即降 勅起宏而家亦召用尋復遣行人趙與再捧勅敦速行乃促裝以十月末旬抵京 上慰勞再三賜以酒饌 勅加少保照舊入閣供事越月賜蟒衣三襲玉帶一束又以贊畫平逆濠功加厚賚前所得誥命之燬於火者皆賜重給且有 溫旨褒荅焉時上以英偉絕人之資勵精圖治而宏益切篤恭是時淮揚大水山東河南旱且蝗條上救荒數十事 上嘉納俾所司施行戶部以各省逋賦甚多自正德元

年以後逋者皆如數徵之乃上言歲遠人亡自難卒
辨擬自正德十年始上嘉納之太僕馬匹額寄養于
畿郡列縣者大爲民累而又不足以供武備諸道之
馬歲賦者如故乃因兵部之請擬自今歲解馬價各
十之五自是馬不缺而積有餘漕運輕齎銀餘者舊
皆貯京通二倉乃議以外衛軍士終歲勤動竭力以
供京軍今脚價有餘自宜分給諸卒以蘇其困 上
皆從之其經國遠猷類如此甲申五月進吏部尚書
謹身殿大學士時大禮未定 上心未安諸公相繼
去位宏以受 國厚恩未忍遽去諸凡委曲調護

本朝分省人物考

卷六十一

二十

江西十一

上心漸安縉紳倚之無恐而大禮亦徐以定八月大
同卒叛殺叅將賈鑑巡撫都御史張文錦勢頗洶洶
議者欲遣將出師大舉以討之宏曰變出於激不叛
者固多也討之勝則玉石俱焚不勝則彼拒城抗命
損威重傷實多矣莫若徐圖之議先遣兵部侍郎李
昆往撫諭以觀其變而以都御史蔡天祐往巡撫命
都督桂勇鎮守其地代還舊總兵官江桓遂以其事
責之 命下擒脇勇者幾百人誅之鎮城以安乙酉
郊祀賜大紅蟒衣一襲 世廟規制贊畫爲多 武
廟實錄成進少師兼太子太師餘秩如故賜白金文

綺羅衣鞍馬賜宴禮部時弟來從子懋中皆編修預
史事來進左贊善懋中進修撰賜衣及宴如之金帛
有差蓋一家一時之盛云 上以四方災變異常命
撰 旨令上下同加修省宏上言應天以實不以文
感人以行不以言 皇上欲盡修省之實則必留心
於政事加意於窮民而後可今用度不能節省則民
財竭於科徵工役不能停減則民力勞於奔走近京
地土半爲莊田而民間養馬當差之費無從辦納入
庫錢糧賠納過多而遠方之管領無所控懇大倉無
三年之積而冗食者收充未已京營無十萬之兵而

本朝分省人物考

卷六十二

三十一

江西十一

做工者借撥不休忠直之臣以觸忤得罪而未蒙寬
宥臺諫之臣以敢言爲職而每加詰責有罪當刑屢
經審錄而不加處決無冤可辯或以優 旨而仍令
看詳皆足以下致民怨上干天和疏入 上深爲嘉
納斟酌施行是冬少雪 上躬禱馬方在告手札命
作告文且促出視事既而大雪連日人皆謂 上誠
敬格天而調燮之功亦不可誣也丙戌二月六年考
滿有羊酒寶鏹之賜 上以御製詠春詩及四景律
詩 命宏等恭和 聖心甚悅賜純白玉帶一束大
紅蟒衣一襲白金五十兩自是日有 聖製皆命和

之六月十一大雨 上御平臺召對命自左順門度
 文樓歷中左門入賜宏御製七言詩有睠茲忠良副
 倚賴未讓前賢專令名之句士林榮之 獻皇實錄
 成加正一品俸兼華蓋殿大學士賜白金文綺襲衣
 鞍馬是月又賜御製律詩一章以酬史勞時 上政
 暇頗事詩詞間與宏討論桂萼謂詩詞小技勞聖躬
 且使宏窺意指竊恩遇以壓朝士假是結納以救過
 上曰朕學詩不妨政務且宏居輔導有疑亦必諮問
 十月御製敬一箴及註心箴視聽言動箴賜宏等宏
 言此帝王傳心之要乞立亭刊行天下學校 上如

奉朝分省人物考 卷六十一 江西十一 李文

議賜 獻皇御書四幅桂萼張璠屢疏極力劾宏至
 五上 上不聽諭朕自有公處無再瀆奏丁亥二月
 疾再作辭益力 上允之令馳驛以還時子懋賢已
 登進士被選入翰林為庶吉士因疏乞侍養 上并
 允之且令痊日照舊作養恩至渥也既而懋賢家居
 數年則又促之行鄉嘗大旱里人禱而無驗乃虔誠
 具禱輒得雨如注人皆異之乙未四月忽有 旨起
 用且遣行人王獻芝捧 勅促行時方溽暑或謂行
 宜稍俟涼爽或謂宜先具辭宏曰吾名位已極年且
 衰邁豈志於進取者哉顧惟 聖恩隆重豈可徐緩

務遜讓之虛名而忘事君之大義哉遂於六月朔日
 冒暑以七月十二日至京未及 陛見寓東朝房翼
 日即荷 御札咨訪政事遣中使勞問賜以上尊珍
 饌恩數逾前八月二日既入閣供職午復 召見文
 華 賜銀圖書一文曰舊輔元臣又白銀五十兩大
 紅織錦麒麟紗衣一襲且 諭之曰別卿久矣喜再
 見卿卿猶康健凡百宜盡心輔導以稱厥懷宏稽首
 謝自是日承顧問 御札稠疊且數 命代祀先師
 孔子帝社帝稷及時享捧主廟廷又嘗賜遊西苑遍
 歷新構諸別殿每至一所必駐輦顧問天顏和粹温

奉朝分省人物考 卷六十一 江西十一 李文

旨綢繆抵暮始出且有酒飯之賜一時恩禮益至
 云宏感激知遇矢竭報稱又得少保序菴李公協心
 匡弼引用者俊光復化幾一時縉紳喜見元老天下
 忻忻想望太平第以累月積勞脾疾復作然猶力疾
 視事不少怠十月十九日以陪祀歸一夕奄逝計聞
 上用震悼旋命禮部議卹典云享年六十有八生平
 二同考禮闈一主試應天四充廷試讀卷官門生半
 海內尤精識鑑一經稱許輒如其言雅尚儉約衣食
 不厭粗朴至於施仁舉義則為之不少斬捐田輸以
 供諸墓祀其餘以贍族之貧者家居殖農遇歲歉即

減租或有逋負卽焚券不復問幼出補菴公之門見其子若孫貧窶厚恤之嘗至濟寧見有旅櫬在舟覆溺者厚助以俾之歸其志在利濟類如此所著有自慙漫錄若干卷藏于家

呂夔

呂夔字祖邦永豐人明爽有氣節能效唐人爲詩孝廟有道之朝卿大夫怙恩耽寵毫不知退清議鄙之夔乃作落葉詩寓風刺曰千山落處偏於曉一片飛來卽是秋又曰天南天北堪容汝莫送多情出御溝都士傳誦壬戌春試名在第九入對策賜第二甲

本朝分省人物考

卷六十

二十四

江西十一

進士八月授南虞衡主事分司真州釐禁削冗因以抹荒貧民皆受分司顧役錢負傭視其力以品其食不得籍記而勾稽之作義塚以瘞殍已自蒞祭泣感左右益以其暇攻詩似唐王維自題曰近知官舍清如水更喜官清水不如真州遷員外郎又遷南文選司郎中劉鐵柯在司寇恃其與援凌壓諸曹嘗爲撥歷夔移文責之人皆喜夔之直而快鐵柯之挫也正德庚午晉杭州知府杭自前宋來爲佳麗地習尚奢逸遨遊無休時過客厨傳上官供億曷有極限夔一切裁削志在教化御史張承仁恃才願使各司獨於

父加禮御史他日告崔銑曰呂某不但氣不降而乃無隙偵之以憂歸年四十八卒

費案

費案字子和鉛山縣人文憲公宏之從弟也案在肅七月而誕弱僅盈掌然啼聲若鍾左耳下有七黑子識者知其非常人也長益穎異正德丁卯舉江西鄉試辛未舉進士選庶吉士讀中秘書癸酉授翰林院編修時寧濠陰蓄異志以婁氏故欲結納之案拒弗近濠中銜之會濠賂倖貴謀復護衛文憲當國柄持不可案贊協之功居多翌日矯旨褫文憲及案官比

本朝分省人物考

卷六十

二十五

江西十一

歸濠遣人陰伺之乃微服從小舟夜數易泊所以避不測文憲舟果爲濠黨所焚僅以身免抵家濠猶使羣盜劫掠墳墓已卯濠殺撫臣以兵叛案間道走贛州上書王中丞守仁曰先定洪州以覆其巢穴扼上游以遏其歸路使彼進退失據將成擒矣旣而濠敗誅辛巳世廟繼大位復起編修充經筵官嘉靖壬午纂修武廟實錄未幾丁母憂乙酉服闋以實錄成陞左春坊左贊善在講筵凡進講尚書孟子者六明白剴切上每改容聽焉丁亥陞南京尚寶司卿庚寅改右庶子兼侍講掌南京翰林院事癸酉陞南

京右通政甲午改南國子監祭酒是歲陞南京禮部
右侍郎乙未改南吏部右侍郎蓋宦於前者十有二
年凡六轉官馬丙申 九廟覃恩給誥命辛丑改兵
部左侍郎 上以講幄舊臣復改禮部侍郎兼學士
掌院事應制奏靈雨嘉禾諸頌俱見褒納甲辰陞禮
部尚書兼學士掌詹事府事未幾 命掌部事自是
舉大典禮儀朝政咸得盡力焉 上由是知之而眷
之深矣乙巳 太廟完加太子少保凡冊妃告 廟
及遣祭諸神祇咸以命之金幣之賜不絕丙申 命
撰應制諸文賞賚日益厚丁未二品考秩 上遣中
本朝分省人物考 卷六十 江西十一 吳圭元

聶豹

官賜羊酒寶鏹是年六月特諭加太子太保賜飛魚
服玉帶尋復加少保益欲大用之矣久之以痔疾作
治弗愈 上益念之而竟不起卒年六十三 上聞
而悼之輟朝賜祭葬贈光祿大夫謚文通卒之明日
上猶以金幣賜及其家

聶豹字文蔚號雙江永豐人舉正德丁丑進士乞歸
省者二年庚辰始知華亭乙酉徵拜御史劾奏司禮
太監張佐違詔收補工匠禮書席不當乞留其弟於
翰林直聲頓起戊子巡按福建出為寧波知府改蘇

州至則治之如華亭而加嚴曰吳人習縱肆久不先
約之以法教未易行也其後法舉而人果率教丁憂
服除以薦召知平陽豹曰國方有急吾不可以不赴
既至嘆曰是其民饒於財虜所必攻也為書諭富民
及釋其罪之疑者得金二萬餘修郭家溝冷泉靈石
諸關隘募兵六千人親教練而使守之壬寅虜果犯
郭家溝守者殺其前驅二人虜知有備遁去御史以
功聞 世宗喜顧問侍臣曰豹何狀乃能爾明年擢
陝西按察司副使鄉人有謗於時宰者時宰怒逮繫
錦衣詔巡按御史覆覆未幾時宰亦下獄曰吾慙見
雙江乃豹與相對無怨尤色時宰大悔服明年事白
落職歸永豐謗者則先以他事謫戍而時宰亦既伏
誅蓋天之惡傷善人如此庚戌虜犯京師召拜都察
院右僉都御史巡撫順天整飭薊遼軍務尋遷兵部
右侍郎辛亥奉 命巡視京城九門條六事奏之語
皆要且急者轉左侍郎協理京營戎政數與仇鸞議
不合已而鸞請調宣大兵入衛意在弱二鎮以納虜
豹疏陳四慮謂宜固守宜大宣大安則京師安鸞益
怒密伺豹所為將中以罪既數月無所得乃已壬子
遷兵部尚書首奏修邊墻建關隘慎選將士預處勑

糧分屯重兵以控要害尤拒絕請託動循法例一時聲望赫然已又奏城南關遣今少傅虞坡楊經畧薊州邊務罷易州通州昌平三郡御史冬虜犯紫荆關豹遣邊兵乘其惰擊之斬首七百餘級甲寅虜攻薊州凡六晝夜不能入加太子少傅倭奴寇蘇松奏設總兵官於金山設把總於南匯吳淞江劉家河鎮江及淮之鹽城俾畫地以爲戰守吳人賴之明年趙文華請視師朱隆禧請差田賦開市舶時宰主其議譽之於世宗豹執奏以爲不可忤旨得致仕患當時學者率以知之發用爲良知落支節而遺本原特本朝分省人物考卷六十 二十八 江西

身玉立操履峻潔而丰采凝拔如孤峰屹峙超特不羣望之令人斂服雖位列大卿而神思靜逸有飄然巖壑高舉物外之氣所著有致知議畧良知辨幽居答述行於世卒之日家無餘金年七十七

楊麒

楊麒字仁甫號四泉上饒人其父禱嗣於衡岳感異夢若有送麒麟者已而麒兄弟生遂以命名麒生而穎異始能言授之書應聲成誦八九歲能暗誦五經稍長兢兢自愛步趨率有繩尺靜夜閱書盈帙每誦諸葛公澹泊寧靜語惕然自勵而性亦近之正德丁卯舉於鄉世宗登極始舉進士授知長樂縣丁母憂復除濟縣前後皆以廉惠稱而覈田牧馬貴強不得敗制濟民尤賴之流移還復而楚麥有秋民歸諸德政之應焉召拜吏部主事陞員外郎尋補外爲福建按察僉事飭建寧兵備時宰有欲庇其親故者一無所假借人服其不撓晉南京通政參議應天府丞南京光祿寺卿調光祿寺晉貳工部太廟營建上嘗召公卿面對目麒爲工部長侍郎事竣賜白金綵幣俸級章服視尚書居久之有扶鸞降神請修良鄉河橋者并署督修官姓名以聞上皆許之既頒

本朝分省人物考卷六十

二十九

江西

務復追改特以命麒蓋於是意有所注矣麒之才始試於縣令繼試於憲僉他所歷官皆事任不專未有以自見至是日接中貴及土商雜役應酬冗瑣而能以溫恭長厚不苛不激為眾所與故計料多損削督辦尤嚴而人無敢怨怒費省而功倍 上嘉悅賞賚有加明年拜南京工部尚書人以為且將大用而遽不可作咸惜其未究厥施云

詹軾

詹軾玉山人由進士授行人正德末以諫南巡受杖而死嘉靖初諭令錄其子

本朝分省人物考 卷六十

三十

江西十一

桂榮

桂榮字君用上饒人嘉靖元年鄉薦由福州司理拜御史建言廷杖謫布政司照磨陞台司理歷僉憲卒

徐九思

徐九思貴溪人初為句容令歷九載治行為天下第一其始至羸服坐一筍輿延見諸候人恂恂無所詰難諸候人出相語輿中人誠長者第吾邑得無共黠豪而治乎居三日一吏出空牒而用印肉袖中九思按得之詰其狀羣吏皆叩首曰為一某親故某事補牒耳非有賄也九思曰吾不治賄治竊印者卒坐之

本朝分省人物考 卷六十

三十

江西十一

法已曉戒寮佐毋得擅攬訟及需賦民錢而捕按其用事胥吏於是人人惴恐于法不敢有所舞每受訟謀必命其人與親戚偕往從和處其不即和處者面諭使之心服間一撻之數不過十母煩置獄然至于武斷并豪猾不盡法不止也諸所催科受役預為期過期不至者俾里三老建而笞責之終不遺一卒隸下鄉落隸卒列庭下如木偶亡所資衣食其黠者多自引去居恒謂 天子布大惠安能人人賜租蠲後第在我曹酌緩急而已緩而急憂在民急而緩憂在國以故終其任無失所者邑故稱為孔道輪蹄輻輳取資于民不可計九思減舊額未三之二馬三之一無弗給者士大夫過從所餽不過算器食不以貴重故加蓋有廢圃廣輪數十畝躬率吏卒治蕪穢稅蔬果鑿池種魚閒養牧雞豕客過宴飲取諸官中而用之客更欣然為醉飽去邑東五十里為衝衢車馬所踐塵土空積可三尺許遇雨雪泥濘至沒股顛仆相尾乃積顧後之羨爨石以行之旅行無苦歲大侵民至屑榆而食而 上方祠釐行官多遣中貴人方士醮神三茅山三茅九思所治也嘆詫曰吾民困至此而忍更驅之後或謂應天屬邑八是不可分任乎哉

曰救災卹鄰古道也鄰民卽吾民吾何忍紕此而困彼撻故牘商引之金宿于府者請之中丞直指以供費躬爲經畫諸使者懾其清嚴竟竣事不復有所干民忘其後然歲侵益甚穀價踊貴丁中丞發庾米數百石使平價而糴取其直于官九思曰今流孳載道數百石幾何而徒以資糴者彼糴者皆豪也于是從時價糴其半還直于官而取餘米煮粥召三老受而分食其餓者居三日報餓者起矣輒按倉穀餘尚多使稱力分負以去其山谷間稍遠者則就富人穀而取償于倉居平持法寬而至是獨嚴峻有十七人

本朝分省人物考 卷六十 三十一 江西十一 許全

宜若等故且爲移之胡謬稱也衆遂大哭曰必移令請死于此因極敘九思救荒諸奇策與居恒善狀且直指某諸生謂彼以小懲而中民父母民誓不與俱生中丞意解入都以語尹尹曰此強項吏好以抗上自爲名移之便會中丞入內臺有所舉刺而九思在刺中且訾其操直指使亦報命中丞要之同刺刺僅中考而已事下吏部尚書熊公浹怫然曰吾故聞句容令賢不減古人今不以舉而刺耶考功郎邦彥具前後薦劄語報尚書乃論謫中丞于外而特留九思時謂中丞力不能勝一縣令也九思旣以廉儉著聲

本朝分省人物考 卷六十 三十一 江西十一 許全

勤儉忍于上曰徐公三字經也家肖像而尸之朝夕必祝焉已又立祠四五所而其最者在茅山謂其息民于荒獨茅山之役巨也在繕部議當築外城而城址有犯陸都督炳圍者都督聲勢亦赫人謂避之便對曰匈奴未滅何以家為孰謂陸將軍不如霍將軍乎陸噤不敢發圖分為三亡何出權荊州商稅舉舊額裁三之一諸聽權者蝟集倍溢于故乃屬其餘于藏曰吾裁而得溢毋使後人增而取溢也事竣復與外城役所分板最堅而又速役夫不告病遷署員外郎以功實授員外郎督清源磚廠舟北者毋論勢人

本朝分省人物考

卷六十

三四

江西十一 吳上元

達官必使附碑之將作大司空吳公多鄉戚屬以司空意謂皆不免曰此法也法且自司空出遷都水司郎中治張秋諸漕河道故通漕者與通鹽者近而不相接以故漕水溢則汎濫為田患九思議築減水橋于沙灣使相接漕水溢則有所通而不侵田少則有所限而不至涸工成至于今賴焉時司空進而冢宰倖臣文華代之尋督大軍平東南倭所過張甚河渠郎迂送恒出境外幣餼充溢猶不得一款色而九思第遣一介齋牒謁之云郎有事沙灣不敢離也文華嫚罵投牒于地而九思以資重得知高州府或謂高

雖遠雄郡也公稱名令久獨不能名二千石乎答曰吾老矣安能自苦以徼身外物陳牒于冢宰謝不之任居一載大察吏冢宰司空比而欲絀之考功郎持不可乃坐以老令致仕九思笑曰老自吾分何至煩考功令臥貴溪山中二十有二年非禮會不入官府居恒自奉儉不以老益簋衣絕泉帛然每好施予故恒坐窘時子給事貞明長矣九思慨然謂曰吾昔用之邑不盡而以施諸家若既習矣異日毋忘用世給事拜受教是故其居官首請屯田三輔興水利雖不盡究識者猶日望之九思既有年德貴至大夫無聲

本朝分省人物考

卷六十

三五

江西十一

色好時會間里集子姓童子歌風雅濂洛數章談說義理典故雍容竟日居家久提學御史耿定向按部向容習其政而仰之時誤傳九思物故耿檄祠名宦再檄貴溪祠鄉賢然九思疆無恙也向容之民伺其誕日設醮迎釐于三茅祠下歲時訊問以為恒至年八十五稍示微恙即却醫藥不愈曰有正命在寢欲拱手曰茅山來迎我家人馳之茅山祠告以病之期而已瞑矣守祠道士夜夢九思朱衣從數騎啟扉而入嗚呼異已天性孝友重節義不輕然諾彊直自遂為諸生工屬文博通諸經尤精戴氏禮家與少師夏

曰同里自舉鄉薦至謁選未嘗造其門及夏之再相
罷而道被建也九思獨使一老蒼頭侍行唯謹夏從
轎車中問而得之爲感泣故御史楊爵工部郎劉魁
給事周怡沈鍊先後以直諫下緹綺獄損月俸橐餽
而致之故善包御史節節坐與中人競遠戍範白金
爲巨羅而銘之曰不愧明時無負此心以遺節諸有
所爲自達其志而已不務爲名高故少能舉其事者

江淵

江淵廣信上饒人辛未進士由沂水縣令徵拜廣東
道御史武宗末年奄豎竊政豪猾倚爲奸首按京

本朝分省人物考

卷六十

五十六

江西十一

京畿一繩以法都內肅然尋按河南守備石堅世持
兵柄發其跋扈之狀而繩斥之時權宦江彬勢熾甚
馳官騎挾勒常例于河南曰谿壑之欲不可厭也置
之未幾世廟入繼大統卽勸上亟戮大奸以昭
公道以快人心會廣西有猥獍之變復以淵往至則
至行鵬勦之法擇嚮導授之機宜一鼓搗桑江十三
寨首斬其渠餘黨悉定乃諭以威信修洛容縣以治
之猥獍各感泣助役權大理寺丞致仕歸杜門謝客
九年疾卒

徐盈

徐盈字子謙貴溪人正德末守嘉興宸濠之變武
廟南征所過郡縣供億繁重吏緣爲奸百姓驚擾盈
固料理然鎮靜不遽科率及回鑾事竟寢視他郡獨
晏然時常熟濬白茅港當事者檄發郡丁數萬盈持
曰白茅水患於吾郡差緩驅吾民遠役何忍耶移文
助費不就徵發巡鹽御史行郡鞭撻亭竈勒報鹽丁
里胥乘機虐民民大擾盈爭之御史曰此有例盈曰
例自公作亦是公止豈國憲耶獲止又加意學校士
皆興行吏民守法風俗一變郡中語曰徐公祖步楊
武楊謂繼宗也居六載以讒免郡人萬口稱寃時觀
選過郡老幼遮道號泣立石紀績題曰徐侯墮淚碑

本朝分省人物考

卷六十

五十七

江西十一

楊時喬

楊時喬號止菴江西上饒人嘉靖乙丑進士歷禮部
主事員外尚寶司丞南尚寶司卿應天府丞通政司
右通政太僕卿南太常寺卿通政使萬曆三十一年
陞吏部右侍郎尋轉左生平清節凜然所至各有樹
立雖佐銓政而時乏正卿一切甄別去留屬之主持
多採公議持大體不可干以私一時以爲重未幾卒
于官

夏言

夏言字公謹貴溪人舉進士授行人選兵科給事中奉旨覈斥錦衣濫員三千二百按皇莊侵地二萬頃劾中貴趙彬建昌侯張延齡杜內臣傳乞救知府郭九臯等緹逮歷兵科都給事中山西陳卿之亂諸鎮討平之爭功久不決因為利言發其事遂命往勘功罪悉當左都御史王憲廷推行邊禦虜有難色言劾罷之 世廟心大器言特旨移吏科都給事中上方與輔臣張孚敬等制作禮樂言疏請親蠶已議南比郊分祀議配天獨太祖議禘祭宜虛位皆稱 旨進侍讀學士兼都給事中經筵日講與霍韞辨論相本朝分省人物考卷六十 三十八 江西

仇上至下韜獄謝言言又露章論孚敬與冢宰方獻夫私彭澤 上兩解焉累官至少傅兼太子太師扈從承天顯陵賜蟒王金幣禮部尚書嚴嵩請表賀言謂宜俟回京 上不悅因視永陵進居守勅遲責言肆怠不恭收所賜銀記璽書手札削少師等官致仕已遣中使留之復太子太保盡還所賜銀記書札尋復少師進吏部尚書華蓋殿大學士會慈壽皇太后喪上皇太子服議偽筆切責言因謝罪乞歸盡削散官以禮書武英大學士致仕陛辭賜酒饌復留嚴嵩言之同鄉前輩言以議禮驟貴嵩事之惟謹言失

上意嵩謀代其位嵩為給事御史所攻疑言風使上居西苑齋宮御道士冠以沉香冠賜言與嵩言密疏香冠非人臣法服嵩故冠香冠籠輕紗帽令 上見上怒言而憐嵩留嵩慰藉嵩乘間訴言之傾陷上手勅數言斥之言乞歸革職閑住尋復禮部尚書大學士致仕代言者鑿鑿得罪去嵩代之 上思言召復任盡還故官言陵嵩出其上擬票不復顧嵩嵩默然不出一語上嘗語言欲退西內使太子監國言頓首不敢奉詔乃止都督陸炳被論言擬票炳行重案跪進而解炳啣甚與嵩合謀圖言而總督都御史曾銑獻河套策言主其議而銑所請兵餉尚方劍上心難之下廷議嵩極疏河套必不可圖舉朝知其非不敢言 上乃語嵩言私薦銑於是嵩與言互詰奪言官以尚書致仕逮銑詔獄炳極意煨煉擬銑斬詞連言弁逮問 旨猶及香冠事竟棄市天下冤之初翊國公郭勛與言相妬科道論勛不法下獄言窮治其案勛死獄中 上心不直言又香冠怒故嵩得間以致之死降慶初盡復故官賜謚文愍照例得賜祭葬

徐 樾

徐樾字子直號波石貴溪人爲諸生時卽知事性命之學其爲舉子業不拘時態意之所至發所自得而已早師陽明與聞良知宗旨後卒業心齋之門陶鑄益深登嘉靖壬辰進士歷官部曹臬藩嘉靖壬子簡任雲南左布政使值南滇那夷篡立奉命聲討波石奮不顧身直入沅江仗義撫勦不意那賊詐降縱兵象衝突遂遇害死之

夏尚朴

夏尚朴永豐人初就試鄉先生以詩戲之輒應聲曰青雲萬里知非遠更有人間第一層時聞胡居仁講學余干往從之篤慎躬行毅然以性學爲己任歷官太僕少卿逆瑾橫甚遂退居與王文成友善有舍瑟春風之句荅曰孔門沂水春風景不出虞廷敬畏情時郡人夏言秉政數以詩招隱曰寵利由來是禍梯功成身退便爲宜萊公不識垂崖意一值澶淵禍便隨

本朝分省人物考

卷六

四

江西十一

南康府

于光

于光字大用都昌人幼知讀書通大義縉紳先生稱之旣長磊落有大志會元政大亂天下兵動江東西化爲盜區分寧徐壽輝僞號曰宋都九江使其將張福夏彰據湖口元將三旦入駐師鄱陽都昌適當其衝要交互殺掠民俛俛不知所從光召父老子弟謂曰吾等皆良民順寇兵官軍以爲叛從官軍則寇兵又將屠我行見無噍類矣其計安出父老子弟咸叩頭曰微君不能生我乃集諸少年趨徠者列爲隊伍朝暮教以擊刺之法旬月間整整可用乃握劍坐庭中下令曰賊兵有入吾境共擊之不用命者斬衆皆股栗賊聞不敢犯同列有忌光能者數潛通構害光皆先機而梟其首人以爲神歲乙未徐兵破鄱陽光之勢遂孤都昌繼陷徐聞光名急搜訪獲之命爲江東宣慰元帥鎮鄱陽歲庚子徐之柄臣陳友諒殺徐而自立更僞號曰漢光乃泣曰我與陳皆君之臣不道乃爾我可北面而事之耶當是時太祖龍飛臨濠定鼎建業豪傑之士爭相奔走光遣使者奉幣以浮梁降上大悅而受之光輕騎謁上於龍江召

本朝分省人物考

卷六

四

江西十一

幸臣燕饗之禮意優渥賜以金雕頂帽暨錦袍一襲授通議大夫行樞密院判官戊徽州永平翼遣之鎮行十里所復趨還解金連環并繚授之且曰子賜卿冠衣不可少此故又召卿來再光感知遇之深誓殫力報効上疏曰于光之心鞠躬盡力報惟一忠死而後已 上命左右藏之曰此于光誓書也光察偽漢國政不一兵出于外潛獻搗虛之策 上親征九江光與部將皆從騰行電疾友諒以為自天而下棄城宵遁光將兵下黃梅瑞昌諸處亡何助攻建昌拔之出戍鄱陽友諒攻洪都 上親往救大戰彭蠡湖友

諒斃于流矢其子理假息武昌詔常忠武王追之理

遂與觀銜壁出降光皆在行中與有功焉轉同知振武衛親軍指揮使司事遷鷹揚衛進階懷遠大將軍徐魏公往討泰高郵淮安安豐皆下之張之勁卒皆聚湖之舊館魏督諸將及光破之遂平湖州下姑蘇士誠就擒及魏公征中原光統銳兵以從益都沂水登萊諸州次第平乃入汴梁克洛陝攻下潼關光與郭將軍守之元將王左丞自河中帥眾來奪關兩兵方挾戰光舞戟橫貫其中大呼殺入元兵奔潰追斬之積尸盈野越六月追擊河中拔其城魏公命戍鞏

元將擴廓帖木兒屢引兵來戰光輒敗走之敵兵不敢東向遂合諸部兵圍安定州光急分兵往救兵少不能戰退三十里復與元別軍會光腹背受攻遂被執百計誘其降不屈韓將軍戍蘭州元兵來圍城擁光行城下使誘將軍降光呼曰我不幸被縛誓死不辱國爾輩受國厚恩當堅守以伺大軍之至勿為甘言所誘元兵大怒批其頰擁之使去尋被害 上悼之賜以布帛令其家成服行喪遣祠部官祭以少牢奉其主配享功臣廟中

余鼎

本朝分省人物考 卷六十 四十三 江西十一 吳士元

余鼎星子人永樂初登進士授翰林修撰博學能文與修 高廟實錄及聖學心法遷侍講洪熙初致仕自號南坡有文集若干卷邑人即學宮祠之

魏源

魏源建昌人永樂中進士累官河南左布政使時歲飢民流源賑給有方流亡盡歸正統間歷陞刑部尚書剖決如流獄無冤滯嘗往西北督察邊防邊將莫不畏服為人器識宏遠立朝侃侃有大臣體

廖敏

廖敏星子人洪武中鄉試選入內閣修永樂大典任

刑部主事宅心公恕讞獄明允為時所重

殷革

殷革星子人由監生歷官知松江府清慎自守政聲大著母喪服闋復知南雄時梅嶺險峻行者艱阻乃募民疏鑿通衢民至今便之後致仕卒于家

黃維

黃維星子人永樂間由舉人任餘姚知縣政尚簡易務修學校民有健訟者遣入社學久之化為善士以母喪歸民計服闋先詣闕請復知餘姚 輒考績未至京卒

本朝分省人物考 卷六十

四十四

江西十一 吳士元

陶偉

陶偉星子人永樂間由監生授吏科給事中遇事敢言不避權勢陞福建按察僉事按治郡邑吏畏而民懷之

胡璉

胡璉建昌人永樂間由監生授監察御史陞山東按察使才德俱優政聲大著

柳芳

柳芳都昌人由進士歷官刑部郎中讞獄平恕陞湖廣叅政尋調山西所至有政蹟時論歸之

曹崇

曹崇建昌人永樂間由監生授吏科給事中秉德不回言論悉當擢陝西按察使風紀振肅

葉瑾

葉瑾星子人少孤資性穎敏既長以詩領宣德乙卯鄉薦歷儒官三十年所至訓迪有方人才輩出致仕卒于家

劉衢

劉衢星子人榮祖之子由鄉舉任長寧教諭性最仁孝宣德間舉家罹疾母將危求以身代一夕焚香籲天割股烹粥啖之母病瘥鄉人以劉孝子名之

朱讓

朱讓星子人景泰間由舉人授御史遇事敢言不畏權勢出按廣東肅振百僚尋陞大理知府多惠政以疾致仕卒于家

黃玄

黃玄建昌人登成化丁未進士任翰林檢討端謹修飭後以母老終養不出平居手不釋卷杜門不涉公事恬退雅操終始無失德

余濂

本朝分省人物考 卷六十

四十五

江西十一 吳子玉

余濂都昌人登弘治癸丑進士歷監察御史出按遼陽屢上疏極諫謫武進令尋參畫征勦蘇松海寇擢蘇州府同知

本朝分省人物考 卷六十

四十六

江西

九江府

黃信

黃信彭澤人洪武中由太學生擢監察御史有能聲尋陞廣西按察使未幾轉任湖廣按察司持正不撓進陞都察院右副都御史

劉隆

劉隆彭澤人洪武中由太學生擢廣州府同知勤於政事尋陞福建布政司參議未幾轉廣西所至有聲

王賢

王賢德化人性質直善醫永樂間屢薦不就嘗道拾

本朝分省人物考 卷六十

四十七

江西

遺金俟其主還之卒年九十三人以為陰德所致云

史中

史中德化人由歲貢永樂間任衡州通判守法治民不畏強勢歷本府知府轉陝西參政卒以子珍貴贈太中大夫資治少尹

游瑞

游瑞德化人由歲貢永樂中任給事中陞鎮江府知府綽有惠政在任十八年致仕民懷之

豐慶

豐慶瑞昌人正統間進士任兵科給事中歷陞河南

左布政使蒞政有聲後占籍勤縣子耘為湖口訓導
耘子熙翰林學士熙子坊解元進士代有文名云

本朝分省人物考

卷六十

四八

江西十一

人物考卷之六十一目錄

江西建昌府

周顛仙

吳毅

朱大中

饒禮

甘霖

李立

賴異

鄭誠

何文淵

鄧榮

賴瑛

揭稽

饒秉鑑

俞泰

左贊

黎崇

何喬新

張昇

江激

羅玘

羅汝芳

何源

補遺

黃肅

夏良勝

何廔

李遜

程櫛

張櫛

江西撫州府

王經

聶大年

周忠

吳伯宗



王汝績	吳溥
鄒良	吳昌衍
王英	袁旭
何自學	黃矩
王常	謝輔
楊貢	胡九韶
羅明	謝綬
吳與弼	吳昊
陳勉	吳哲
謝緝	王萱
吳世忠	陳九川
譚綸	舒化
補遺	
吳萃	洪範
劉穎	劉暉
劉世享	易文
章袞	黃希憲
曾佩	周孔教
湯顯祖	

本朝分省人物考 卷六十一 目錄 二

本朝分省人物考卷之六十一

江西建昌府

周顛仙

周顛仙建昌人 高皇帝御製文曰顛仙自言生於建昌年一十四歲入南昌乞食於市元至正間忽入撫州未幾仍歸南昌歲將三十凡新官到任必謁見而訴之其詞曰告太平不數年元天下大亂所在英豪據險其稱偽漢陳友諒者帥烏合之眾以入南昌顛不與語未幾朕親帥舟師復取南昌城降朕撫民既定而歸忽於南昌東華門道左見男子一人道傍

江西五 陳士傑

朕謂左右曰此何人也左右皆曰顛人朕三月歸建業顛者六月至朕親出督工逢顛者來謁謂顛曰此來何為對曰告太平如此者每出則逢之所告如此或左或右或前或後務以此言為先有時遙見以手入胸討物置口中問其故曰孟子曰幾何對曰二三斗當首見時即言婆娘及又鄉談中常歌云世上甚麼動人心只有臙脂胚粉動得婆娘嫂裏人及問其故對曰你只這般只這般每每如此及告太平終日被此顛者所煩特以燒酒醉之暢飲弗醉明日又來仍以蝨多為說於是製新衣易之顛者舊裙

三寸許菖蒲一莖曰此物何用對曰細嚼飲水腹無痛朕細嚼水吞之是後顛者日顛不已命蒸之初以巨缸覆之令顛者居其內以五尺圍蘆薪綠缸燬之薪盡火消揭缸而視儼然如故是後復蒸之以五尺圍蘆薪一束半以缸覆顛者於內煨煉之薪盡火消揭缸視之其烟凝於缸底若張綿狀顛者微以首撼撼小水微出即醒無恙命寄食於蔣山寺月餘僧來告顛者有異狀與沙彌爭飯遂怒不食今半月矣朕命駕親往視之至寺遙見顛者來迎步趨無難容無饑色因盛殺羞同享於翠微亭膳後朕密謂主僧曰

本朝分省人物考

卷六十一

二

江西五
陶見

行爾借往可乎曰可兵行帶往至皖城無風舟師難行顛乃曰只管行只管有風無膽不行便無風於是諸軍上牽以船薄岸泝流而上不二三里微風漸起又不十里大風猛作揚帆長驅遂達小孤當中流江豚戲水顛者曰水怪見前損人多伴者來報朕不然其說命多令人棄顛於江中至湖口食訖人數約有十七八人將顛領去湖口小江邊意在溺死去久而歸顛者同來問何不置之死地對曰難置之於死地語未既顛者猝謂朕欲食朕與之食食既顛者整頓精神衣服之類若遠行之狀至朕前鞠躬舒項謂朕

本朝分省人物考

卷六十一

三

江西五
陶見

令顛者清齋一月以視其能否主僧如命防顛者於一室朕每三日一問問至有二十三日果不飲膳朕親往開之諸軍將士爭取酒肴以供之大飽皆不納所飲食者盡出之於地良久召至朕共享食如前納之弗出酒過酣甚先於朕歸道傍側立待朕至顛者以手畫地成圈指謂朕曰爾打破箇桶做箇桶又開中見朕常歌曰山東只好立一省未幾朕將西征九江問顛曰此行可乎應聲曰可朕謂顛曰彼已稱帝今與彼戰豈不難乎顛者故作顛態仰面視屋上久之穩首正容以手拂之曰上面無他的朕謂顛曰此

使我來謁 大明天子有說問其說乃云國祚殿廷儀禮司以此奏朕思馭宇內至尊於黔黎之上奉上兩間善聽善見恐貽民笑故不見答是僧伺候四年仍往匡廬意在欲見又四年朕患熱症幾將去世俄爾赤脚僧又至言天眼尊者及周顛仙人遣某送藥朕初又不欲見少思之既病人以藥來雖假合見之出與見惠朕以藥藥之名其一曰溫良藥二片其一曰溫良石一塊其用之方金盆子盛著背上磨著金酸子內喫一酸便好朕服之初無甚異初服在末時間至上燈時周身肉內搐掣此藥之應也當夜病愈精神日強一日服過三番乃聞菖蒲香酸底有丹沙沉墜鮮紅異世有者其赤脚僧云某住天池寺內去巖有五里餘俄有徐道人來言竹林寺見詩某與同往見天眼尊者坐竹林寺中少頃一披草衣者入請某謂天眼曰此何人也對曰此周顛是也方今人主所詢者此人也即今人主作熱爾當送藥與服之天眼更云我與顛者和人主詩某問曰詩將視看對曰已寫於石上某於石上觀之果有詩二首朕謂赤脚曰還能記乎曰能即命錄之初見其詩麤俗無韻無聯似乎非詩也及遣人詣匡廬召致之使者至香

本朝分省人物考

卷六十一

四

江西五
陳士儒

然矣朕復以是詩再觀其詞其字皆異尋常不在鑄巧但說事耳國之休咎存亡之道已決矣故紀之以示後人

吳毅

吳毅南城人性敏學瞻學者尊稱為學海先生洪武初徵拜博士典籤預修大明律令尋致仕歸教授鄉里為文古雅不事雕琢有學海集

朱大中

朱大中新城人博學能文洪武初為國子助教侍從講書多所裨益後致仕歸仍給俸尋復徵聘而大中已沒詔賜楮幣以管葬官其一子

饒禮

饒禮南城人自幼敏學識者知為偉器永樂中為國子生授浙江道監察御史秉道嫉邪得風憲體累遷河南左布政使為政寬恕惠澤及人十方黎庶咸愛戴之

甘霖

甘霖南豐人永樂丙戌進士為御史執法不阿有黃主事者鄉人也失律笞殺之不少貸眾愕然曰張鎮周不過如此才敏甚與李立齊名

本朝分省人物考

卷六十一

五

江西五
好汝思

李立

李立南豐人永樂乙未進士為監察御史廉重剛正不輕許予發姦擿伏風紀肅然貪墨者望風避去金壇縣民被誣為叛立廉得其情為平反之 上目為小李而不名仕終按察副使

賴巽

賴巽廣昌人永樂己未進士為監察御史廉正有威執法不撓官吏敬憚嘗出使廣東待占城使臣私相語曰此御史嚴肅威甚而不可犯累官按察使

鄭誠

鄭誠字文質建昌府南城縣人自少刻志問學選為邑庠生究春秋之旨同輩自以為莫及永樂辛卯應鄉薦入為太學生夙夜淬礪器宇日充歷事冬官以勤慎自效擢為吏部司務於職克稱尋以侍郎師達薦陞考功員外郎誠雖年少居要職動履謙恭事先輩以禮殿最一無所徇人以是多之未幾丁內艱痛念母疾弗克躬侍湯藥哀毀逾禮及葬陰雨不止號泣籲天天立霽人以為孝感所致制未終特起改文選員外郎尋轉郎中時同官孫瑛號稱狷介少許可於誠獨加敬讓宣德丁未歸省還朝仍故職五年庚

本朝分省人物考卷六十一

六

江西五

戊以少師蹇義薦為吏部右侍郎選任精審敷奏詳明尤為眾所推 宣廟嘗召問庶官品級及居職者賢否誠歷對稱旨遂受寶帶襲衣之賜十年 英宗嗣位益致公勤雖故舊執贄見却不納鄉人有為太學生者於誠有宿怨及當受官自謂必見抑誠惜其才擢寘五品其所守所行類此正統戊午以疾卒於官 上遣禮部尚書胡濙致祭仍命有司治葬事大學士楊士奇作墓誌稱其御史不威而嚴下亦莫之敢欺權貴有所干不肯苟徇親故有干弗得者造誣騰誹知而弗校友諸弟事師如父交友以誠有淪落憂患者極力扶之遇名賢子弟率異視之其天性仁厚如此

本朝分省人物考卷六十一

七

江西五

何文淵

何文淵字巨川廣昌人幼英邁年七歲讀書過目成誦羣兒或竊瓜果以奉淵却之曰童稚之年詎可習為盜哉識者歎其不凡永樂初選補邑庠生歲戊戌登李騏榜進士第二年拜湖廣道監察御史巡按山東 仁宗即位命考四川吏治時蜀旱所臨郡邑輒有人謂御史雨烏蒙土官知府祿昭妻與者氏什伽

十加懼罪潛赴京告詔謀反詔四川雲南

貴州建昌行都司各以所部軍討之昭遣人訟冤淵
 移檄止所調軍具以事聞於 上遂白其冤經播州
 楊宣慰迎謁以銀器文綺來獻笑而却之宣德改元
 庚戌 上以蘇松等郡任郡守者弗得其人命大臣
 各舉賢能者時都御史顧佐薦淵知温州府舊額田
 十畝以三畝為陸田俾輸麥稅其後田有賣買而民
 畏麥稅之重造版籍莫肯收陸田者以故爭訟連年
 淵請均陸田之稅與水田等於是賦稅不虧民甚利
 之郡所屬四縣稅課司河泊所舊征銀鈔既而禁用
 金銀商稅止輸鈔而舊課不除每歲役於官者買銀
 輸之民多破產淵以稅銀例禁請自今銀課亦皆收
 鈔朝廷從之是後民無輸銀之苦舊徭役弗均富者
 得幸免度其貧富高下列為簿籍而民獲其平青田
 民葉孟圭徐成皆邑大姓兩家故有怨成爲糧長以
 賦不時輸縣遣孟圭督之孟圭欲因以報怨乃率五
 百人掠其財壞其屋成訴於官三司調軍追捕淵聞
 之曰以五百人之干法遂調兵追捕民見兵至勢必
 逃入於山林以激變禍且及無辜乃遣人召孟圭及
 成至府諭以禍福命孟圭以所掠還成爲葺其屋孟
 圭拜且泣曰昨聞調軍追捕自謂旦暮鬼耳今聞指

本朝分省人物考 卷六十一

人

江西五 劉汝奇

示可生之路敢不從命人謂片言止亂賢於百千萬
 人遠矣壬子冬入覲道經括蒼馮公嶺永嘉丞謁見
 遣其子間道懷金贖於旅館淵慰諭却之過客聞其
 事者因扁其處曰却金館政聞 上召入便殿命中
 使傳詔獎勞賜宴於庭又以御製招隱詩賜之所以
 寵賚之者甚厚既復任感 上寵遇知無不爲化行
 既久民皆信服歲旱齋戒禱於山川泣拜移時不能
 起其禱詞有云薄壽請從今日止甘霖望自九天來
 俄而大雨如注歲大熟乙卯春處州盜起羣聚四出
 剽掠官軍討之往往敗乃於要害處設官防守俄有
 一人入境守關者執之乃殺官軍者也淵詢知賊據
 烏風洞爲巢穴遣經歷往捕之悉得其渠魁時都指
 揮使李貴等捕盜無所得乃執平民以火烙之皆自
 誣服淵移文言已得盜彼所捕皆平民也貴等怒必
 欲置所執者於死淵抗言不爲撓由是活二百餘人
 永嘉民朱良觀良旦兄弟爭財訟於郡召其鄉長老
 諭以兄弟天倫大義因判詩於其狀有云祗緣花底
 爲聲巧致使天邊雁影分之句朱良觀兄弟感泣退
 親睦之行擢刑部右侍郎在郡六年無緇銖取於
 布裘蔬食處之怡然民思之不已爲立生祠歲時

本朝分省人物考 卷六十一

九

江西五 劉汝奇

祭祀及在朝數上章言事皆關於治體初麓川思任發苦邊吏侵刻而叛都督方正討之敗死已而遣使入貢謝罪羣臣復請討之淵上書大略言麓川一彈丸地疆里不過數百人民不滿萬餘以大軍臨之往無不克然莫若命官軍耕守操備仍令官一員直入其地諭以禍福一聞開示可生之路必稽首稱臣與琛入貢若或冥頑梗化則相機擒勦如此遠人蒙再生之恩而朝廷亦免出師轉餉之勞詔百官會議上封事者言民之盜竊者多黥刺之刑不足使之懲創自今宜扁其門曰竊盜之家朝議從之淵具言律有常憲竊盜初犯再犯俱刺字三犯者殺今於律條之外又加其罪況在京及各處布政司人烟輻輳為盜者多若盡立牌額數年之間各處竊盜牌額遍多四方往來之人觀瞻實傷治體書奏乃寢其令以疾力求罷 上許之已巳八月車駕北狩邸邸攝位詔起為吏部左侍郎北虜也先請遣大臣迎車駕還京廷議不決淵倡言於眾曰此事雖十上章不得請不可已也於是自草奏同羣臣詣闕力請鑿與南還明年陞本部尚書致仕歸卒晚號鈍菴奏議牧民備用司刑備用書義庭訓四書講義禮記解義皆行於

本朝分省人物考 卷六十一 江西五 文淵

世

鄧 榮

鄧榮字孟橫建昌府南城縣人永樂辛丑登進士擢監察御史在臺有能幹嘗奉 勅清軍伍威而不苛簡而嚴上不廢法下不拂民及巡按蘇松秉道振紀發奸摘伏不事紛更故吏雖畏而民益懷之正統三年以才譽陞陝西按察使操履清嚴下人莫之敢欺十年陞右副都御史巡撫陳公鑑以代還掌院事同心肅度多所裨益十四年北虜犯順太監王振勸英廟親征榮同吏部尚書王直等力諫不從遂扈駕北征至大同宣府屢疏回鑾言甚激切不報至土木之變從人曰 駕不可回公可脫去榮叱之曰鑾輿不返何面目求活見人耶且追且戰遂遇害贈右都御史謚襄敏官其子瑞大理寺評事

本朝分省人物考 卷六十一 江西五 文淵

賴 瑛

賴瑛廣昌人永樂戊戌進士為監察御史剛明直亮遇事敢言激揚善惡允愜輿情憲度肅清獄無冤滯累官至叅政

揭 稽

揭稽廣昌人永樂辛丑進士居臺官正色立朝介然

有守出外治廉恕忠勤赫然而聲海南天妃廟靈應使者過必祭焉稽當考察時渡此惟投一詩云秉心玉潔與水清黜陟廉貪佐聖明若載苞苴并土物任教沉在此滄溟仕至兵部侍郎

饒秉鑑

饒秉鑑廣昌人正統中鄉舉狀貌古耀若不勝衣然才氣銳甚視天下事無不可為者當官苦心焦思晝夜不息官至廉州太守及退休尤倦倦於厚俗濟人又倡為義倉備荒賑所著有春秋提要

俞泰

俞泰南城人正統中由監生為御史激濁揚清有聲于時孜孜以正綱紀去貪墨理冤抑是務風紀肅然豪猾不敢肆至於處已待人斷獄應事皆敬慎詳密官至廣西僉事

左贊

左贊南城人天順丁丑進士歷吏部郎中豪邁不羈至其為文謹繩尺崇理致讀之温然可愛尤精於隸端重奇古得二蔡筆意為 憲宗所稱善官至右布政使而卒

黎崇

黎崇南城人居父喪哀毀踰禮啜糜飲水三日不進鹽菜旦夕哭臨不輟及葬結廬墓側三年不櫛沐不留意於家事惟以文公家禮自究終喪猶縞衣糲食每遇諱日輒嗚咽流涕與同邑潘烈新城余永壽皆以孝行重於鄉國

何喬新

何喬新字廷秀建昌廣昌縣人吏部尚書文淵第三子也讀書穎敏過人年十一讀通鑑綱目輒了其大旨翰林修撰周旋嘗至其書齋問所閱何書對曰陳子桎通鑑續編也曰子桎書法視諸子何如曰先輩

本朝本省人物考 卷六十一

十三

江西五

著述非後生所敢議然日文煥之降元不書其叛張世傑之溺海不書其死節曹彬包拯之卒不書其官紀義軒則採怪誕不經之談書遼金則失內夏外夷之義似有未當旋大驚因曰東園曰三郎學識不易及也景泰庚午赴江西鄉試時姑蘇韓公雍巡按江右欲私見之辭不往及入試主司天台章陔得其文擢置第一監察御史周孔明以東園方典銓衡懼招物議乃移置第六明年會試禮部名在甲榜翰林學士江淵亦避嫌移置乙榜例授教職辭不就及東園致仕迺登甲戌進士第觀政工部嘗奉使淮西巢縣

令閭微少學於東園以白金文綺爲贈力却之微曰
吾以壽吾師非贈也對曰子欲壽吾親因他人致之
則可因吾致之則不可卒不受東園聞之喜曰吾兒
如是吾無憂矣景泰七年春擢南京禮部主客司主
事政務甚簡終日閉戶讀書宗伯姚公夔重之語人
曰何主事方爲時用恐其不習於政奈何乃檄收糧
至則平斗斛謹出納嚴勾稽而痛懲奸吏之侵漁者
姚公喜謂之曰推是以往無施不可矣會丁東園憂
解任歸宋樞密陳文定公父葬廣昌世稱吉壤其子
孫貧甚欲鬻其墳爲東園宅喬新曰暴人之父而葬
本朝分省人物考卷六十一 十四 江西五
李柳
吾父吾不忍爲也繼丁母夫人憂服闋改刑部陝西
司主事盡心庶獄無大小必求其情遷本部廣東司
員外郎錦衣衛隸廣東司其官校侍衛親軍恣橫
冒禁法司每優容之喬新曰法者天下之公也有犯
輒捕治不少貸絲是官校悚懼相戒不敢犯修英
廟實錄命各部採撫事當紀載者司寇特屬之及書
上史館少保南陽李文達公閱之曰紀實而飭以文
視諸司惟騰吏牘者大不侔矣遷本司郎中錦衣衛
百戶有逐其舅之子而奪其財產者舅子死其孫訟
於官指揮使袁彬囑抑訟者抗執不可悉奪財產歸

其孫彬怒欲因事陷之遣覘事者百端攜撫卒無毫
髮可指爲罪者吏部尚書李公秉知其賢屬薦於
朝陞福建按察司副使暨抵任浙寇千餘人至壽寧
等縣盜採銀礦所過剽掠至則募鄉兵擊之斬首數
百級擒其魁寇敗走福寧土豪尤氏暴橫殺人出入
以兵甲自隨縣官捕之輒抗拒不服幾二十年乃設
方略生致其父子置於法福清薛氏以所居瀕海數
通海寇爲患乃殲其餘黨海道以寧福安寧德銀礦
久絕有司責民供歲課民多破產特具奏減二縣銀
課三之二都察院副都御史滕昭巡撫福建檄巡汀
本朝分省人物考卷六十一 十五 江西五
劉啓
邵延建乃通歷諸縣訪民利病而興除之清流之歸
化里介于將樂沙縣之間民恃其險僻不供徭賦因
白勝公卽其地置歸化縣其民始奉法令龜山先生
將樂人子孫微甚墳塋蕪穢其書院亦爲戎卒所據
乃修其墳復其書院且籍廢寺腴田百畝與其子孫
閩番舶中官死鎮守太監分其餘財遺三司力辭不
得迺受而輸之庫及陞河南按察福建都指揮僉事
武成以薦授闕職行時執犀帶銀器爲贖乃笑而却
之曰我知君君何不知我成慙而退河南大水民間
艱食舊制賑貸貧民至秋罷喬新曰令賑貸止於秋

者以秋成可仰也今秋田無收賑貸可已乎命郡縣如舊賑之至麥熟乃止流民入境無食者發粟為粥食之無衣者以庫藏帛給之所全活不可勝計所部守令有貪橫病民而恃有強援者悉劾其罪而置於法鈞州趙某飲於陳氏酒肆乘夜渡河溺水而死其子訟於官謂為陳氏鬪殺而投諸河誣服坐繫有年喬新讞之曰酒肆民居櫛比使鬪必有聞知肆距河且十里負屍投之必有見之者奈何以單詞成罪乎令有司驗屍腦有沙石而陳之誣始白兩覲京師同覲者多重載遺權貴獨僦車以行所載書籍朝服而

本朝分省人物考 卷六十一 江西五 晉祥

已陞湖廣右布政使荆襄大水漂溺千餘家巡撫都御史檄賑之乃躬自撫循發粟以續其食而給錢使葺其居民咸安焉荆民以徭役不均訟於臺劉公又檄理之驗其丁口登耗資產厚薄列為九等以輕重授役民咸稱便成化十七年冬十一月陞都察院右僉都御史巡撫山西兼督三關兵備時山西連歲旱饑穀價騰踊乃發倉粟三十萬減價糶之民賴以濟北虜寇邊乃伏兵灰溝營虜至與戰斬獲甚眾陞左副都御史奉 勅清理刑獄辯沉寃察隱匿咸當人心律重情輕者具以聞多得未減召為刑部左侍郎

屢辯疑獄請託無所徇屬官畏其嚴莫敢恣睢者虜酋小王子寇大同殺邊將畿內驚駭紫荆居庸二關尤急時 勅巡邊相險阻築城堡簡精壯礪器械為戰守備嘗獲虜謀知小王子營在邊守者多老弱又請選精兵間道出搗之會虜潛遁不果用山西大饑人相食逃徙他境者什四五 上命往賑之許便宜行事乃請於 朝發內帑并賣淮鹽得銀數萬兩又勸富民及僧道士得粟數十萬石選司府官分部賑濟死者為塚葬之又僦民疏溝渠而償以粟所活凡三十餘萬人招回復業者十四萬人播州宣慰使楊

本朝分省人物考 卷六十一 江西五 高祥

愛與其庶兄友不睦友奏愛奢僭淫暴等罪且云有異謀 朝廷命往訊仍囚愛以待 命喬新言楊氏據有播六百餘年其民知有楊氏而已一旦見其酋長囚禁羣夷驚疑恐生他變乞審驗虛實重者監候輕者發遣 上從之既而訊鞫知友實欲奪愛宣慰肆為誣罔具以上請且慮其兄弟相仇殺遷友他郡邊夷以安及 孝廟即位陞南京刑部尚書到任僅二月召為刑部尚書在南都常言沿江蘆洲卒為中官占據有訟者輒云買物進奉今 陛下既罷貢獻乞以蘆洲給還軍民由是悟中官意及在刑部拒絕

請託凡大小之獄一以法律從事或脅以禍福皆不顧尋致仕家居十餘年卒賜祭葬

張昇

張昇字啓昭號栢崖建昌府南城縣人性機高朗耻逐促促者伍爲文務明正典實勿煩雕琢令迂譎以害道領成化戊子鄉薦明年會試中式入對大廷憲宗時銓衡塗壅衛所員濫并常平均田四事求宜於時會於道者策之昇對稱旨擢第一授翰林院修撰在翰林益觥觥自持不少劾觚角十四年陞左春坊左贊善兼修撰十五年陞左諭德仍兼前職二十一年丁憂弘治元年起復陞左庶子兼翰林院侍

讀時大學士劉吉用事威權隆赫又善駕馭言官莫不昏暮款門柔佞取悅聽風旨指劾諸司舉朝凜凜無敢少忤其意者又忌昇抑之昇以劉吉抑已因天

本朝分省人物考

卷六十一

十八

江西五

變劾奏萬安尹直相繼罷去獨吉尚留上疏極言劉吉奸邪蔽主之狀且言其能駕馭臺諫聽其指使害人貴戚萬喜依憑官壺兇焰薰灼吉與締姻請託公府賂入私囊詞甚激直吉諷六科十三道如魏璋等交章劾昇陰阻言路遂左遷南京工部屯田司員外郎未任丁憂吉初報復言官論已悉加貶竄而言官

甘爲鷹犬不愧後孝宗知內閣與言官交通之弊於言官犯法不少假借而一時言路始清肅知懼不敢聽人主使舉劾人者皆昇一疏之力也五年吉去

召復原職七年陞少詹事兼侍讀學士每侍講經筵閑雅詳明於篇終必有規諷至理亂邪正之際未嘗不反覆爲上誦之以資起沃九年陞禮部右侍郎時尚書金谿徐瓊左侍郎新喻傅瀚並出江西士夫歎賞以爲盛際昇又連厲骭髀視卑陬咕囁之態不啻若臭穢於徐所行匡翼甚多十二年轉左侍郎十五年瀚卒於位進本部尚書益明習禮制隨事獻納

本朝分省人物考

卷六十一

十九

江西五

凡釐祀典擇賢才禁奢靡重名器省供應可身任者次第行之每遇災異率羣臣修省指切無所忌時崔志端以樂舞生爲同官每裁抑之御史楊儀之子從禮曹游偶遇昇撻之儀遂劾昇不報癸亥大明會典成自總裁以下賜燕禮俱查舊章舉之三知貢舉於壬戌乙丑二科懲已未之弊預陳條件酌舊規附新宗嗣統凡吉凶祭祀冊拜慶賚及儀物制度觀其會通無違禮尋加太子太保正德元年侍經筵賜白金綵幣車駕視太學賜坐彙倫堂丁卯逆瑾竊柄爲晉

藩事惡其不附已擠之遂勒令致仕卒贈太子太傅謚文僖

江 澂

江澂南城人成化辛丑進士歷知縣建平寧海三縣所至廉靜有聲其行政能以三代井田經界為重奏行親為履畝定賦湮圯者悉罷其征且致麥秀兩岐之瑞陞松江同知改淮安節愈厲聲愈馳擢四川僉事清理屯田鹽法公私皆便三載懇乞致仕

羅 玘

羅玘字景鳴別號圭峰建昌府南城縣人母傳淑人

本朝分省人物考 卷六十一 江西 方

夢紅光燭天有物輪困類牛旋五色雲而下膜拜呼天熊天熊俄墜而寤越三日生兒時頭角嶄異奇氣勃勃童時言議動作皆不肯後人嘗與羣從兄弟遊遇遺金衆爭趨攫玘獨礫視之未嘗色動讀書目數行下若涉獵不經意而大義下然父西莊遣入邑庠初謁尹尹以少易之試對偶出奇響應尹為刮目初治春秋既冠改治書及長樂謝士元守郡集郡彥講誦又改治詩博洽深奧儕類皆莫敢望而文尚奇崛力追古作者試於鄉六七竟不為有司所知成化乙巳應例入監時丘文莊公濟為祭酒議南士不聽北

留玘固以請至三受朴而銳不少挫丘心異之然猶且數之曰若能識幾字而崛強乃爾耶玘昂首大聲對曰惟中秘書未讀耳乃姑留之而識其名於堂柱越數日季試稿立就若宿構焉六館士數百人無能及之者丘驚歎曰有士如此而不名薦書誠有司之過也更命作長安賦賦成以為可步兩都遇知厚輒贊賞之丙午試京府時李文正公東陽傳文穆公瀚同典文衡得其文奇之以魁多士榜出相慶以為得人明年遂登進士改翰林院庶吉士益肆力古文欲卓然樹立成一家言同館類皆推遜弘治己酉授編

本朝分省人物考 卷六十一 江西 方

修名益重求者尸屢相接然益自重不苟作有所酌應常杜門謝客終日苦思必得意乃始命筆意苟未愜稿雖數易不厭也每一篇出釀郁頓挫多不經人道語士林傳誦文體為之一新志在經世限職守鬱不得施遇時事可言者輒以已見發諸奏牘而主於開悟調幹非欲激亢以取名也知武岡州劉遜坐忤岷藩被逮給事中龐泮等救之觸 孝宗怒併下詔獄玘上言遜至付所司鞠明公法其在豈遽按而遣之即有不自救之未晚泮等疎狂誠可罪然在 陛下宜優容之以全 國體又主事李夢陽以論劾張

鶴齡忤旨收拷玘又上疏謂鶴齡親在肺腑陛下固將玉成之若夢陽萬一瘦死或自裁乃滋為鶴齡累孝宗感動薄泮等及夢陽之責中官李廣死言者劾文武大臣嘗以賄交者欲據廣所籍記大行斥逐玘謂其瞻攸在不必指其名而暴其惡也宜諭令自陳或黜以他事庶不貽朝廷羞識者韙之已丑考滿陞侍讀正德丙寅陞南京太常寺少卿歷四年轉本寺卿尋陞南京吏部右侍郎又嘗一再署國子監及通政司之事所在必究弊壞而更新之堂隸有募役銀相承以給私用獨却弗受寺外之侵疆既復

本朝分省人物考

卷六十一

二十三

江西五

遂以是創為吏舍百餘又拓之以新庫閣葺古祠留守諸權貴見其挺拔不羣往往嚴憚自戢都人遇於道亦皆肅然時武宗臨御已六年而前星未耀中外臣庶人人憂懼自危而莫敢以為言者乃連疏請早定大計以繫屬人心潛奪奸雄睥睨之念其言迫切且侵及當國諸老一無所顧蓋雖遠去闕廷而其憂世之心懇懇焉未嘗忘也壬申秋滿三載入京至良鄉以老請得歸歸山中貽書知舊猶輒以時事為慮然絕意聲利城府無跡逆濠素重之嘗問以金帛使及門乃豫走旁邑避不與接濠亂已病卧聞有

司將舉義猶豫未決力疾作書趣之越二日而卒年七十有三居家孝友處宗黨有恩然義所不可雖親之命不肯苟徇其事師交友之道庶幾古人官兩京鄉人以公事至者卹其艱危惟力是視必歸於厚蓋鍾奇氣而生其心迹類以奇自見可謂一代之人豪云

羅汝芳

羅汝芳字惟德別號近谿南城人正德乙亥生甫三歲偶念母而啼父抱之即止隨思曰心一耳何苦樂倏變乃爾為展轉追尋不置五歲從母授孝經小學

本朝分省人物考

卷六十一

二十三

江西五

諸書十五從新城張洵水學洵水每謂人須力追古人于是一意以聖學自任一曰誦薛氏語錄云萬起萬滅之私亂吾心久矣當一切決去以全吾澄然湛然之體遂焚香叩首矢心力行數月而體未復壬辰閉關臨田寺几上置鏡與盥水對之令心與水鏡無二久之成疾父憂之授以傳習錄一編循其言求之病漸愈庚子入省赴大會見顏山農自述其違危病生死得失能不動心山農不許曰是制欲非體仁也曰非制欲安能體仁山農曰子不觀孟子之論四端乎知皆擴而充之如火之始然泉之始達如此體仁

何等直截子患當下日用而不知勿妄疑天性之息也爾時如大夢得醒遂于稠人中稽首師事焉癸卯舉于鄉甲辰舉會試曰吾學未信未可以仕不就廷試歸而尋師問友周流四方者十年建縱姑山房以待四方講學之士楚人胡宗正舊以文學受業至是聞其易有傳也迎致之執弟子禮宗正喜使息心而深思之謂曰若知伏羲當日從平地著此一畫耶乃略為解說宗正不應徐曰障緣益增本真益昧如是三月然後以易授焉嘗苦格物義難曉乃錯綜前聞互相參訂每有所見則以請正其父父不為釋然三年之後一夕忽悟心甚痛快直趨父榻前陳之父亦躍然起舞曰得之矣得之矣因回憶往年從師問道徒成畫餅饑飽了無干涉癸丑北上過臨清忽遭重病倚榻而坐夢一翁來言曰君身病康矣心病則未也不應翁曰君自有生以來遇觸而氣不動當勸而目不瞑擾攘而氣不分夢寐而境不昏此君心痼也聞之愕然翁又曰隨物感通原無定執君以宿生操持太甚遂成結習君今漫喜無病不悟天體漸失豈惟心病而身亦隨之矣大驚伏地叩謝汗下如雨從此執念漸消隨入京赴 廷試初仕為令人部為郎

本朝分省人物考 卷六十一 三十四 江西五 胡五

出知寧國府所至不事刑朴惟以化育人才為功課一時彬彬有弦歌風歲大計以守入覲見華亭相徐徐喜曰我初不欲煩子以郡事由今觀之更有實用也立為起謝且請曰先生加意于某不過為世道計如推此意以及同志天下斯文尤幸徐默然良久曰古今事亦有不由已者即如彼梁公反周之志固堅而所托則張東之東之時已向老無沒在武后之先志且奈何毅然曰先生此言知東之不知梁公徐曰我何以不知梁公曰梁公以人事君則所舉東之亦必以人事君者也武后先沒成事固在東之即不然

本朝分省人物考 卷六十一 三十五 江西五 胡五

東之雖去而東之所舉亦自有在夫復何憂徐首肯復曰宗社以人心為本今來朝兩司郡縣多極一時之選所患學脉不端則心事難一先生趨此合并一番令其向往不差則終身德業豈不益光明俊偉哉徐躍然喜翌日大會靈濟宮中娓娓發明音吐洪鬯興起者不可勝數返郡未幾丁父艱奔歸士民悲號不忍釋有步隨至盱江者家居四方來學者日衆癸酉起復入京見江陵相問山中功課對曰讀論語大學視昔差有味耳江陵默然補東昌其治東昌如寧國未幾遷雲南副使為開水利墾城濠省徭役政

嚴召同志講學信從益衆轉藩叅贊捧入京禮成遂請告出城同志留集廣慧寺論學江陵惡之嗾言官疏劾致仕歸復與諸門人走安城下劔江趨兩浙金陵往來閩廣益張皇此學戊子八月偶示微疾與門弟子講學不倦一日夙具冠服禮天地祖考端坐中堂弟子環侍請教曰徒言也不是道滿前洋溢俱是發育峻極左史萬賓蘭問疾命具紙筆手書曰此道炳然宇宙不隔分毫故人已相通形神相入不待言說古今自直達也後來見之不到往往執滯言詮善求者一切放下放下時更有何物自是絕筆明日爲

本朝分省人物考卷六十一

二十六

江西五

何源

何源字仲深號心泉廣昌人力學攻文以嘉靖丙午魁於鄉登己未進士筮仕得嘉興令嘉興素號繁邑仕籍多而田賦廣世俗所易濡染者源奉父愛民如子守官如水之訓朝夕書于紳自製文以矢于城隍之神曰所不以愛民守官爲事者神所必殛民以事

訟于庭黑白已定徐而委曲諭之諭而能自悔解者聽諭而乖理道又涉于梗者始威之故人人皆得其情而去公庭寂然儒生爲武弁所陷幾于褫衿佩矣白于當道得直乃其後竟以大顯郭杰以鍛獄誣服閉沉寃者十年廉知行奸謀殺者郭明也釋杰而罪明邑人稱神君歲當攢造鄉官以受寄爲常忽一日五鼓遣吏取圖書實數卽集胥史于衙局鑰之查與冊無異同卽據實填造一時不得高下其手詭寄之弊十去七八靖江王盤遊至浙所過騷動時饑民待賑者數千人源令其鼓譟請賑不逾時潛去當道有

本朝分省人物考卷六十一

二十七

江西五

戊內召為水部分司于呂梁怡然就職商舶往來不
 資通結人甚便之築單家口大堤三百餘丈省官銀
 二百餘兩總漕陳梧桐公題請減河夫工食下所司
 議申辨利害數千言得不減建孔子觀呂梁書院乙
 丑調兵部職方司主事至京三月當滿考大司馬虞
 坡楊公署之曰作縣則善者好之不善者惡之治洪
 則利所必興害所必革名臣之裔公輔之器時服公
 為知人明年春有宣府之役賫餉金以實邊其意實
 欲知邊鎮之要害夷情之出沒為異日大受地也既
 報命轉本司郎中條陳兵事日夜題覆不休有 旨
 本朝分省人物考 卷六十一 二十八 江西五
 內暨二人典京營本兵郭欲從之源草疏力諍止太
 和山太監舊守地方科道各疏乞罷守旨六下不允
 獨允源疏朝紳避之南京新立振武營軍悍不可制
 奏罷歸本衛隱患頓除虜犯石汾永平堂卿罷免奉
 旨何源着留用疏乞養病得告家居改南銓不赴壬
 申起勲部郎癸丑薦補考功郎甲戌轉文選郎時久
 任方行朝論紛紜不一源在職一年獎恬抑競存大
 體略細故津要之門間如僧刹後來者多舉以為型
 範云陞太常少卿轉大理歷南吏刑侍郎卒七十一
 嘗謂人曰 主上容我以明農自老則何暇問及人

間事若出而徒自優逸如負此心何
 補遺
 黃 肅
 黃肅字子邕新城人洪武初自北平來見 上以為
 禮部主事明年陞本部侍郎時 國方初創稽古禮
 文之事肅討論潤色居多已降工部郎中隨陞工侍
 即轉尚書管坐法 旨 上曰六卿之職不宜以細
 故加辱命罰俸一年出廣西行省參政所著有醉夢
 稿王忠文禱稱其簡易平質一本於漢魏而絕去近
 代聲律之習讀其辭知其於天道人事物理之故最
 本朝分省人物考 卷六十一 二十九 江西五
 深云
 夏良勝
 夏良勝字于中建昌府人弘治丁卯江西鄉試第一
 人明年成進士丁外艱服除授刑部主事調吏部時
 彬寧蠱惑 武廟下詔南巡中外洵洵因與進賢萬
 汝信連疏力諍下于獄拷掠毒至復矯 旨廷咎之
 濱于死者數四落職歸家設塾教授生徒嘉靖初元
 詔補考功員外郎轉文選郎陞南京太常寺少卿當
 道脩憾降知茶陵州三年薪俸悉入公帑時議其矯
 曰良勝待罪臣也此寧足贖乎明年仇者摘議禮稿

以聞逮繫臺獄三年謫戍遼陽時遼士從者數十人
作為歌詩怡然自得以病卒卒後二日 詔至起用
不及聞矣

何 垕

何垕字朝舉新城人幼自力於學以聖賢為必可致
與里中鄧康羅修撰倫游有省歸而日夜自淬於慎
獨克已之功至終夜不就枕窮年不出山蓋專苦如
是家故裕仲兄豪主家政而家落有勸分者拒不荅
兄所責逋括所有代之償無愠色母喪苦塊晝哭不
絕言動葬祭一於禮哀毀幾不能生廬墓側二年無
本朝分省人物考 卷六十一 三十 江西五

識不識無不嗟唏歎悼曰孝子孝子也嚴義利之辨
毫介不取官戶曹司錢貨出納精嚴 正德間逆瑾
聞垕有古琴一張諷欲得之垕曰琴非所惜惜毀吾
行耳竟不與出知程番有反火屏虎之異歸授徒著
書忘寢食不厭尤邃於易多所自得後進生徒質經
疑義不遠應必從容玩諷竟日乃兩端以告問者心
厭而反平生無虛言飾行第進士仕三十年蕭然四
壁無贖鍰之金纔沒子孫貧不能自存

李 遜

李遜字時敏南豐人進士正統初知嘉善機警有吏

才下不能欺然性寬易民有犯小過笞之未嘗褫衣
尤載將行民乞留陞俸復任三載陞知廉州府

程 櫛

程櫛字文純南城人舉鄉試授景州學正裊身範士
務砥礪名節次乃及文藝當塗引重充浙江行省考
官所錄稱得人尚書鄭曉其首選也以母憂去職服
闋補松江府學松習靡櫛乃力鎮浮誕嚴斥奔競
繩履墨以為先直指使視學一生于講末致頌美嘗
紙倍當道出櫛惡其諛佞取紙散諸生斥責之士
不變權知鹽城縣鹽城民竈賦徭多奸弊嚴正之歲

本朝分省人物考 卷六十一 三十 江西五

旱蝗民饑櫛亟行賑助有冤獄論死者十九人力申
雪之築堤捍決河創水次倉以便轉運凡與民與利
去害悉力為之後轉上元縣在留輦下俗雜政殷勲
闡墟驚臺省牽制櫛壹意利民弗稍趨避內璫以事
過金陵所至饕虐米廩外無備也璫怒欲辱之櫛抗
陳民艱璫為改容民居近孝陵者以誤殺苑中獸入
死獄莫為直櫛白司寇得末減諸散荒錢平市直酌
公費後咸守以為法蓋宰二邑三入 覲自乘一馬
以一馬負冊以一隸馭馬而已歷南刑主事郎中守

四苑馬寺少卿馬政弊已久櫛劬力振釐

至不下堂五日夜稽侵地復收軍簿覈丁馬除補疾作致仕去

張 櫝

張櫝字叔養新城縣人嘉靖三十八年進士由婺源知縣選湖廣道御史巡按山西建言 廷杖罷職隆慶元年召復原職巡按真定陞尚寶卿累陞南工部侍郎

本朝分省人物考 卷六十一

江西撫州府

王 經

王經字孟遠撫州府金谿人習科目之業甚勤夜坐恒至四鼓目睫未及交而雞已再號矣亟曰天其昧爽乎復披衣而起挾冊映簷光而讀之尋患家居叢紛遷於梧山又遷於雲林皆有別墅在焉崖光瀾影飛落戶庭間孟遠得以清其神思益自放其文沛然有不可遏之勢松滋陳氏建義塾曰濤聘余太史真為五經師松滋去金谿將二千里孟遠徒步往從之悉傳其二載禮之學至正癸卯丙申科孟遠兩以是經取江右鄉貢值天下亂不得上南宮退隱漆溪刪禮記疏為纂要若干卷其於名物制度多有折衷入國朝侯君元善以重臣出膺重寄屢欲辟孟遠弗之就已而歎曰 聖天子在上我可終老山林耶適徵命至幡然而起擢為理官詳刑決獄人自不以為寬 朝廷劬刻吏弊悉用儒術士更張之乃選孟遠為隴西縣令至泗州卒性剛方或有過面折其非視依阿取容者賤之不與交母老有疾且死孟遠顙天請捐壽三齡益之母蹶然而蘇後三年終人異之所著書有金溪縣志若干卷唐詩評若干卷雜詩文若

本朝分省人物考 卷六十一

三十三

江西五

于卷

聶大年

聶大年字壽卿世為撫州臨川人父同文洪武中進士為翰林侍讀尋改中書舍人成祖至京師時盛暑以迎鑾賜死後五日乃生大年大年少穎悟讀書日記數千言通詩書二經於諸子史無不讀尤篤意古文及晉唐人詩書法歐陽趙松雪薦起為仁和訓導藩憲大臣與一時達官顯人過杭者皆禮重之而大年之文章傳於遠邇母九十卒奉柩歸葬哀感行路鄉邑耆老列言母賢行足以勵風俗而子又克孝

本朝分省人物考

卷六十一

三十四

江西五

如此 詔旌表其門服闋分教常州府學滿九載陞

周忠

周忠金谿人少穎悟既長通舉子業國初召見青龍殿奏對稱旨寵賜優渥從征湖廣特命參謀左右後欲大用之屢辭不就洪武初復請闕獻太平六十

策遣使沙漠不知所終

吳伯宗

吳伯宗金谿人洪武四年進士第一人時初開科取士賜袍笏冠帶擢禮部員外郎命與學士宋訥同修大明日曆胡惟庸方用事欲人附已伯宗性剛直不肯屈下惟庸恨之八年惟庸竟中傷謫居鳳陽上書論時政因言惟庸專恣不法不宜獨在中書恐久之為國患辭甚剴切上得奏即召還賜衣鈔使安南得馴象方物以歸為國子助教十二年進講東宮陳正心誠意之說明年改翰林典籍上製十題命賦

本朝分省人物考

卷六十一

三十五

江西五

伯宗援筆立就詞語峻潔上曰伯宗才子賜織金錦衣十四年除太常寺丞辭明年改國子司業又固辭由是忤旨貶陝西金縣學教諭至淮安召還為翰林檢討十五年初設殿閣學士為武英殿大學士十六年冬坐弟仲寔為三河知縣謬薦人詞連伯宗復降為翰林檢討明年卒為人溫厚詳雅博學能文章所著有南宮使交成均玉堂集

王汝績

王汝績金谿人由舉人分教福建政和九年教有成績至京師大臣薦其才可治民遂陞知絳州絳在周

為晉國在漢為絳二封邑其地包汾隰士陘民繁產薄稅重人鮮知教而徒于訟績至州謂人給則教行知教則訟息因行其土利有未興者興之視民業有偷情者董之不數年民業饒給乃大修孔子廟益廣學宮篤興禮義教養具修絳俗日變爭訟衰息獄至空虛績尤善處事先時事有未集者督以豪猾吏卒因資緣為奸民如其毒績即有事但書片紙為期約布告鄉市民相勸趨下不知擾而事亦集州租率歲遠輸給邊軍旁郡惟徵銀易米績則布帛毳裘諸物任民所齎持取租辦而已人甚便之在官九年考績

吳溥

吳溥崇仁人洪武庚辰進士歷官翰林編修撰承樂初遷國子司業為人清慎嚴重造次以禮其教學者必致力本源居官二十餘年操守如一日家雖貧常分俸以給親故及卒無以為斂

鄒良

鄒良樂安人永樂乙未進士任松溪邵武知縣境內大治松有銀鑛中貴主持為民患奏罷之陞衡州知府政善民安致仕居鄉正身率物時稱古人君子

本朝分省人物考 卷六十一

三十六

江西五

吳昌衍臨川人永樂辛丑進士歷官監察御史劾都御史陳智廷論偉之時議欲移邊城衍奏以勞民傷財後必致患事遂寢致仕家居不妄交接卒年八十有餘

王英

王英字時彥別號泉坡金谿人登永樂甲申進士第時成祖方銳意育才命翰林學士解縉選進士穎秀者與狀元曾棨等同入館如二十八宿之數俾盡讀文淵閣古今書命大官日給珍饌月賜燈油

本朝分省人物考 卷六十一

三十七

江西五

之貲數召至便殿問以經史諸子故實或至抵暮方退英在二十八人之中每為儕輩所推讓後上以綸綽事重以英與王直皆慎密可並任揀入秘閣書進呈機密奏疏歲戊子預修太祖高皇帝實錄丁亥授翰林修撰扈蹕巡狩北京丙申陞翰林侍讀戊戌實錄成賜襲衣綵段鈔錠壬寅胡寇犯邊二月上親征命扈從至濶灤兒海五月旋師過威虜鎮李陵城已四十里上召諭曰聞李陵城有石碑可往視之復遣錦衣衛官校隨之以行時城中被虜殺掠燒燬一空惟城北門有石出尺餘掘出拭磨觀之額

曰李陵臺驛令謝君德政之碑其文可讀其陰刻達魯花赤等官姓名明日備奏其故 上曰此碑既鑄有韃靼姓名異日胡虜見之必以此地爲已物爾宜再往擊碎之用火燬沉之於河以絕其爭端英如旨而往既還奏 上喜謂曰秀才是二十八人讀書者朕需爾爲用正好宣力勿憚勞苦因問曰朕率師伐虜爾試言成功何如對曰胡虜犯邊罪在不宥但聞 天兵親征必遠走漠北臣願 陛下幸毋入險窮追也 上笑曰朕爲天下國家秀才之言惟不入窮兵黷武耳復謂曰凡軍民中一切動靜或謠言之類爾有所聞卽來密奏又諭太監孟驥曰秀才有事卽令人見母阻 上駐驛安平鎮立功官軍因有小過不與口糧者多相聚悲泣曰吾等糧盡必死道路矣英以爲言且曰此皆壯士也願 陛下宥其過而與之恩則異日必得其死力 上悅卽令兵部尚書李慶人給口糧并載衣甲驢一疋甲辰 上復親征胡虜還榆木川晏駕時 仁宗在東官命尚書蹇義等與英同定喪禮議國政宿內閣凡七日 仁宗嗣位加恩賜白金綵段八月進秩侍講學士尋陞右春坊大學士兼翰林院侍講學士明年乞歸省 賜鈔

本朝分省人物考

卷六十一

三十八

江西五張忠

二千緡俾馳傳而還 宣宗卽位常召入便殿謂曰洪武中學士有宋濂吳沈朱善劉三吾永樂初則解縉胡廣俱有重名念汝當講經史陳道義以啓沃朕心罔俾前人獨專其美賜內醢及鈔千緡 命入內閣參預中秘書奏乞分俸養母於家 上允其請宣德庚戌脩 成祖 仁宗兩朝實錄成賜白金綵幣襲衣陞詹事府少詹事兼翰林院侍講學士復賜金箱琥珀麒麟帶壬子正月丁內艱十月奪哀還朝寵遇日隆不時召對正統間開經筵爲講官陳說詳明於文義之外多有規諫之語修 宣宗實錄與少師本朝分省人物考 卷六十一 三十九 江西五張忠 楊士奇楊榮同爲總裁實錄成賜白金綵段鞍馬進秩禮部左侍郎兼翰林院侍講學士癸亥正月奉旨出理部事講官如故浙江台寧等有民遭疫死甚衆 上遣齎香往祀南鎮以禳民厲時浙間久旱英至紹興大雨水深二尺灌獻之夕雨止星見明日又大雨田野沾足人皆喜曰此侍郎雨也因作御祭感應記刻石於廟而還丙寅奏京師去冬少雪今年自春徂夏雨澤不降種不入土小民缺食此皆臣等政事不修激怒 上蒼所致伏望 陛下施賑恤之恩臣等宜益省愆戒飭仍乞齋沐祈禱以格天心 上

本朝分省人物考

卷六十一

三十九

江西五張忠

從其言果大雨五日先是奏請致仕不許是年七十復上章乞罷政吏部言其精力未衰 上是其言不允戊辰八月 上特旨陞南京禮部尚書明日謝恩畢內傳旨曰 上以卿久任 先朝多效勤勞陞秩南京得安佚既視事南京二年得疾而終是為景泰元年春秋七十有五訃聞 賜諡文安在翰林屢為會試考官海內名士多出門下為文章典贍 朝廷制作多經其筆四方求金石銘誌碑記者接踵其門酬應不倦詩歌字書人罕能及 國史謂其樂易善書跌宕不拘小節云

本朝分省人物考 卷六十一

四十

江西五

袁 旭

袁旭字廷輔樂安人永樂乙未進士初為江津令正統初以輔臣薦擢任寧國府守郡故繁劇旭應之裕如次舍多仍元舊歲久日敝旭並新之治署學宮祠宇梁道壯麗甲於諸郡宛溪二橋尤為百世利賴旭善撫綏雖薦興大役民不告擾壬戌詔舉守令治狀卓異者宴賚凡十人旭與焉尋以涇人程御史誣致口語與督橋工醫官苟存善併逮繫獄斃旭去郡時行橐蕭然其在獄中詩云報國有心懸白日蓋棺無面見黃泉至今父老語當時事猶泫然寃之云

何自學

何自學字思學金谿人資性夙敏舉止異凡兒八歲從鄉先生游讀書數遍輒不忘十五登邑庠弱冠習熟諸書間為古文詩章尤渾厚清新有作者步驟試鄉舉登宣德丁未進士第初任刑部河南司主事以賁之象曰明庶政無敢折獄故折獄於庶政為大於是早夜以中正明達自勵盡心獄事時稱明允如辯冤獄白能等事蹟俱入史館編錄值朝廷選刑官之能者分理天下滯獄首被推擇得闈浙既奉勅以往雖山郡海邑惡瘴狂風有所不憚必親至其地為疏

本朝分省人物考 卷六十一

四十一

江西五

理其繫囚二藩既大以遠人得昭雪而蒙其惠者甚眾竣事還未至已馳聲京師適歷官三載例得推恩馳封復上章乞歸省詔許之且賜以楮幣得恩賜白金悉歸奉二親一毫不入私室榮慶孝義動里閭正統三年為廷臣推舉陞廣西按察僉事其地乃嶺表百越溪峒猺獞不時竊發剽攻甚則彌之以兵雖得少靖而民已病於餉運自學於所分巡地必大示威信猺獞雖頑然亦知畏服因得減征行之擾其編民亦雜夷獠不通道理每構訟輒為講張詞不可究詰動引百十人連歲不已自學嘗偕奉勅自審錄所部

繫囚其勤慎如在閩浙時夷獠積年久滯之獄咸得伸理既而丁父憂營葬一如古禮復廬居墓次者三年釋服調除山西按察僉事其憲體益謹而尤能興學以教人表廉以厲貪時大同方宿重兵以防控荒外利害繫於守將分常巡部至其府作書勸其守將當協和共事者以濟邊功後來事多如其所料人服其先識未幾復丁母憂歸家山西巡撫及三司連章謂山西邊事方殷古有金革變禮之制宜奪情何某以任事詔從所請乃復官未逾月詔陞陝西按察使既屢更法司事任益詳閑於大體洞達其細微及長

本朝分省人物考

卷六十一

四十二

江西五周性

外臬司凡端澄聽折表拔剔之政以次行之令修於庭戶風行於方岳事方就績以暴疾卒時景泰三年正月年五十有六

黃矩

黃矩金谿人自幼英邁警敏孝弟根于天衷無意進取斟酌冠婚喪祭四禮行於家賙貧恤孤惟恐或後郡邑屢以材德薦皆以母老辭論者謂其古心古德可與黃叔度陳太丘並稱

王常

臨川人登正統進士除監察御史巡歷居庸時

沙漠有警常固城守葺要以勤能稱受 璽書白金之賜復巡南畿風裁茂著劉儼爲作兩甸觀風記以紀其績

謝輔

謝輔樂安人性聰敏讀書過目成誦正統己未第進士累官浙江叅政金華盜聚入其壘諭以禍福賊感泣扣地遂散輔爲人與物無忤操履端方始終如一

楊貢

楊貢樂安人正統己未進士歷監察御史按治蘇松歲大饑以便發兌軍米數十萬石以賑民賴更生陞

本朝分省人物考

卷六十一

四十三

江西五周性

蘇州知府輕徭薄歛民謂之楊青天

胡九韶

胡九韶崇仁人性重厚刻苦學問動循規矩少從吳康齋遊以道自任爲文務典實不樂浮躁孝弟之聲聞於鄉井卓爲一代之醇儒

羅明

羅明崇仁人少有美質登景泰甲戌進士任御史巡浙西廣西風采凜然以才力著尋以僉事專理廣西軍務蠻獠寇賓州明募兵格戰俘馘甚衆生擒賊首仕至副使歸

謝綬

謝綬字維章撫州府樂安縣人輔之子也登景泰甲戌進士授工部都水司主事天順四年改刑部貴州司主事六年陞湖廣司員外郎八年陞湖廣司郎中不尚苛刻俱以清慎稱職成化二年陞四川右叅議平崇彭寇尋丁憂十一年起復改廣西適荔浦猺獞叢綬乘機帥師圍於桂山巖同事欲屠之賴綬以全活者萬計請置永安州治事聞徵賞甚隆十六年叅政陝西賑饑民築引流堤以利農夫立橫渠祠以崇儒術士民樹碑紀績二十二年轉福建按察使弘治元年陞廣西右布政使三年轉雲南左布政使本年陞右副都御史巡撫湖廣為人忠厚不為赫赫之聲人皆陰受其賜六年改工部右侍郎八年改刑部九年轉左平獄多存仁恕十年陞南京禮部尚書十二年三月因災異率南京九卿陳言二十八事俱剴切時弊 上從其議十四年二月申明國子監生給假舊制自弘治十三年以後監生入監凡告假歸者除三年省親照依舊制外其有告回畢姻及搬取者務要坐監半年之上照例定限放回如過違限期照洪武年間事例施行凡違兩月以上者送問并下南監

本朝分省人物考 卷六十一 四十四 江西五 徐相

行之性平易與人不設城府十五年卒於官贈太子少保

吳與弼

吳與弼字子傳江西崇仁人父溥為國子司業事建文君永樂中為翰林修撰弼資稟英異八九歲時讀書鄉塾已嶷然不凡年十九見伊洛淵源錄日夜玩讀至程伯淳亦有獵心喜曰審如是吾亦可學為聖賢遂去舉業謝人事獨處小樓盡讀四書五經洛閩諸錄收斂身心沉潛義理足不下樓者二年中歲家貧衣食不足風雨不蔽躬親耕稼手足胼胝非其道義一介不取四方來學者約已分少飲食誨教天順元年石亨謀於南陽南陽為草疏薦留中數日 上問南陽與弼何如人對曰與弼儒者高蹈古昔明王莫不好賢下士 皇上聘與弼即聖朝盛事 上曰善遂命草勅加東帛遣使詣所居徵聘赴闕比至上問南陽與弼宜居何官對曰宜授官寮侍太子講學 上曰與諭德左對曰與弼至乞召至文華殿顧問 上曰然又乞與館次供帳 上曰然已而見上文華殿與弼堅辭不就 上曰久聞高義特聘爾來何為不受職對曰微臣草茅賤士少時多病杜迹

本朝分省人物考 卷六十一 四十五 江西五 徐相

山林本無高行德以聲聞過情誤塵薦牘聖明過聽
龍書東帛天使造門不勝愧感力疾辭謝 皇上厚
意今年六十八實不能供職 上曰官寮優閑不必
辭賜文幣酒牢遣內臣半玉送館次 上起顧南陽
曰此老非迂濶者務令就職三辭不允遂稱病篤
上又諭南陽曰與弼召至何為不受職南陽為 上
言與弼初意本欲受一官事 陛下弟老且病進退
狼狽幸 陛下包荒 上曰果爾亦難留南陽又曰
此朝廷盛事幸始終恩禮 上首肯曰既以行人聘
來復以行人送歸與璽書令有司繼粟終其身南陽
本朝分省人物考 卷六十一 四十六 江西五
頓首曰帝王盛德事也乃陳十事復表謝而歸與弼
風格高邁議論英偉胸次灑落師道尊嚴善感悟啓
發人其學術質任自然務涵養性情有孔門陋巷風
雲之意亦通時務能用世凡天文兵法陰陽易卜無
不諳悉嘗曰註箋繁無益以故不務著述云清江有
陳海雍號龍潭老人潛心古學遐世無悶弼雅重敬
之白沙嘗以周易疑義質之白過清江可叩龍潭老
人白沙如其言往謁適龍潭雨中披簑笠犁田乃延
至家與之對榻信宿辯疑義白沙歎服而去龍潭語
兒輩曰吳康齋非愛我者嘗舟行遇大風舟幾覆衆

皆驚怖獨正襟危坐舟定問其故曰吾守正以待耳
及辭職還里過南京士夫有候之者多不見間有得
見者問先生因何不致君而還則搖手曰吾欲保性
命而已即却客而起未幾石亨等被誅凡與交通者
悉重譴與弼石所薦也不去能無及乎其先見之明
如此

吳 昊

吳昊字仁甫臨川人少穎敏通詩易補天文生成化
間鄱陽童公士昂以太常少卿歷欽天監事薦為五
官保章正數年陞秋官正又陞監副弘治二年陞監
本朝分省人物考 卷六十一 四十七 江西五
正當是時 敬皇帝新服厥命奉天勤民或乾象告
異必直書以奏無所諱飾曰吾無以報 上於此盡
吾心焉耳察屬有缺必得其人而後薦之故監之額
員未嘗備觀象臺舊制渾儀黃赤二道交於奎軫與
今之四正戾其陽經南北軸不合兩極出入之度陰
緯東西窺管又不與太陽出沒相當故 設而不用
所用簡儀則郭守敬之遺制也而北極 差短以
測經星去極亦不能無爽昊言授時曆 尺至元辛
巳今已二百一十年天與歲行差三度餘 儀象於
觀天最急失今不改恐漸踈而謬詔下禮部議如其

說製木樣測驗久之乃鑄為新儀更二道環交於軫其經緯雲柱自是皆與天合十年以監正秩滿進太常寺少卿正德元年以少卿秩滿又進太常寺卿四年六月二十一日卒年六十三其為監副時監正適缺眾以屬吳於是童公休退久矣吳疏其賢不可及遂復詔用及童公以南京禮部尚書再乞休退又嘗以俸餘餽之是皆流俗所難得者

陳勉

陳勉臨川人登成化己丑進士除工部主事提督遵化鐵廠痛革宿弊陞刑部郎中屢平反大獄出知泉州補海寇禁水火葬親澆俗漸還以憂去士庶相與立愛民碑官終河東運使長子威次嬰俱進士第

吳哲

吳哲臨川人成化壬辰進士任嘉定知縣築堤四十里以捍海潮酌兩京歲額費立小婁塘以便民呼為吳公市陞監察御史人莫敢撓以私巡兩淮鹽課鬻餘鹽二千餘萬引開各場運河九十八道再巡畿內權寵家侵據民地若干悉復之簡刑興利民免疏離論者謂其得激揚之體

謝緝

謝緝樂安人成化中進士授醴陵知縣有善政歷刑部主事治獄明慎陞工部郎中治水徐州漕運軍民德之陞知處州府宅心寬厚政尚平易有古循良風年未六十即乞去士民作去思錄弟紳以孝行聞詔旌表其閭

王萱

王萱金谿人幼超穎書過目即成誦登弘治壬戌進士改庶吉士授刑科給事中條陳多所采用嘗視師四川兩平蜀寇擢通政司右叅議以疾卒於京邸

吳世忠

吳世忠字懋貞金谿縣人弘治庚戌進士授兵科給事中歷吏科左右陞湖廣左叅議逆瑾時坐累降山東僉事入為尚寶少卿陞大理寺丞右少卿擢右僉都御史巡撫延綏世忠鯁介有文學在科遇事敢言凡薦劾皆愜公論嘗奏方孝孺練子寧之忠宜表祀聞者駭之巡歷荆襄銳意興革豪猾屏跡為巡撫留心邊務虜在河套出師逐之既還兵乃以疾辭不居其功凡所得俸餘輒分助諸兄以孝友稱於鄉瑾嘗遣邏卒至湖籬或誣同官胡姓者以罪胡吳聲相近誤逮世忠世忠隱忍受之不辯亦不復言瑾誅後胡

本朝分省人物考 卷六十一 四十九 江西五 高尚武

本朝分省人物考 卷六十一 四十九 江西五 高尚武

以告人皆服世忠之器度為不可及世忠才不逮志
而用亦弗究家居一年而卒知者惜之

陳九川

陳九川字惟濬臨川人母常夢吞星而娠幼善記誦
屬文十餘歲里人辭不能師乃遊行齋饒公門問難
相長饒喜得助三試當入學校三辭不赴而肆其力
於載籍為督學空同李所知明年癸酉與饒同舉鄉
試故事舉鄉試鼓樂譁送獨徒步歸甲戌登進士第
觀政禮部與同舍共一驢不避姍笑已時覺難仕三
疏請告乙亥師陽明于虔有所聞盡火舊所為周易

本朝分省人物考

卷六十一

五十

江西五
朱榮

春秋詩禮諸書丁丑起告授太常博士講習靡倦乙

卯 武宗將南巡眾莫為計獨與舒梓溪國裳夏東
洲良勝萬五溪潮連疏諫止有旨荷校跪午門外五
日杖五十除名直聲動朝野而病日甚然南巡竟止
識者壯之庚辰卒業於虔辛巳 世廟即位拔諸諫
臣乃補太常癸未進禮部儀制員外郎冊封弋陽王
甲申侍陽明公于越乙酉轉主客郎中正貢獻名物
節犒賞費計且數萬羣小懷銜會是時有他甘心者
思藉為媒嗾通事假夷語奏之下 詔獄數瀕死不
變言官論救弗聽丙戌戍鎮海衛已丑郊祀覃 恩

解還後兩遇 詔得閑住致仕凡再履危機而卒不

肯濡滯依違以為身家之謀而易其計蓋性成然也

歸餘二年六旬內連遭父母兄弟四喪躬視歛舍無

遺憾如未師陽明公卓卓眾中篤倫嚴禮實恐玷缺

比務學即謹喪祭正廟制宗法坐城諸役不一他諉

宗族不足者捐已助之間走寧國掃丘隴以畢先志

嘗構別墅術者羨其所窆惻然曰伯父久殯敢私乎

遂舉之而事仲兄如其父陽明公既喪自走越紀其

家踪跡所經結茅忘歸自以為無地非學無地非友

亦即無地而非講習之處其說主于陽明公以致良

知為主以格物為實下手處嘗曰能致吾心之良知

於事物感應之間是謂格物物格也者事物感應各

中天則之謂也竊謂良知即未發之中無分於動靜

者也指感應於酬酢之迹而不于未發之中恐於致

良知微有未盡云卒年六十九祀學官卒之夕有星

墮居傍殯於家鄰不戒火室盡燬而櫬宮弗震

譚 綸

譚綸字子理宜黃人弱冠以儒士應癸卯舉於鄉甲

辰聯第進士初任南祠部主事內艱服闋補庫部已

遷庫部郎中時倭奴薄留都都下蓋人人恐率又儒

遷庫部郎中時倭奴薄留都都下蓋人人恐率又儒

本朝分省人物考

卷六十一

五十

江西五
朱榮

怯無敢前獨毅然請募壯士禦却之以知兵名權守
 台台東北濱海倭所常出入之地畏綸能治兵郡中
 有所創不敢入台境且三年既以治行兼兵功陞按
 察使之副巡海道寧波既陞右叅政仍兼憲職治兵
 丁外艱尋以廣寇張璉等流劫江西奪情起勦廣寇
 於江西廣寇平改福建方疏請得終喪而福建之興
 化陷於倭尋又奪情起應援興化綸赴興化援蓋以
 原官在道聞報陞右僉都督督撫勅趨亟行於是亟
 行入閩而陷興化之倭盡被綸殲之於消林無返者
 自是又勦前後入寇倭於福清之神前澳於仙遊於
 本朝分省人物考 卷六十一 五十二 江西五 宋 朱

同安於漳浦之玻璃嶺圍倭患既稍稍息綸經略閩
 事十八款如處兵將修復五才寨諸事宜皆疏而得
 請度可保閩無虞於是懇請補制去服闋起督撫陝
 西陝西故重邊備虜為急故急於起用而四川妖賊
 蔡伯貫等反又急當用四川故又改督撫四川四川
 妖賊平又經略川事如改施州衛於支羅設隆昌縣
 於隆橋平宣撫薛氏而改設龍安府於龍安會討逆
 賊鳳繼祖於武定方一一有成緒而有遷兵侍兼右
 僉都督撫兩廣之命於是赴兩廣首討七山諸賊方
 設管寨數處扼險守要以制諸僮蠻之使命尋召還

京尋又轉左侍以總督薊遼蓋 廟堂謂綸才當大
 用尤當先用之於所難而遼居京左薊為京師陵寢
 後門至薊即圖所以善薊後於是疏請造戰車築邊
 牆敵臺仍大降火攻具又請選募南兵實塞下兼為
 邊方教練師而奏立三大屯營專以威將軍繼光總
 理練兵庶幾以戰為守不復用往時擺邊一切舊套
 由是薊稱雄鎮東西虜相戒不復敢犯邊歲庚午陞
 右都兼兵侍辛未陞兵部尚書兼右副都皆協理京
 營戎政是年冬以疾乞歸明年詔起本兵朝廷始終
 以兵事用綸綸未嘗以兵事辭兵事每用綸於所難
 本朝分省人物考 卷六十一 五十三 江西五 宋 朱

綸亦未嘗以難辭綸文儒時好道家言貌恂恂而息
 深深身若不勝衣言若不能出諸口抑不知何以能
 如此蓋有膽有智有量其用兵有節制有方略故耳

舒化

舒化字汝德臨川人剛方直諒歷仕多法官持三尺
 侃侃不阿雖 天子亦嚴憚之化父某為東陽教諭
 生化于官舍中父先月蓋夢若麟者入舍云少孤依
 兄某受經嘗揭齋壁曰天地雖大乃範圍在吾心彼
 其時志識深遠矣弱冠成進士授衡州府推官讞決
 明允不以得情故忘矜嘗有事荆門漢水溢堤潰民

廬舍漂溺多艱食輒便宜購粟貸且為請賑多所全活已丁母艱服闋補鳳陽民皆窳不治產復苦種馬歲侵不能具芟藁馬多斃誅極化請得間以折色償且獨其最寡者曰總之弗克償柰何其以虛責令民乎民通乃稍稍蘇當是時淮陽徐沛間皆大徭役率谷化化條上利病率中窺凡獄疑歲久不決者率倚化訊鞫以治行異等徵拜戶科給事中 肅皇峻威斷羣臣震懼化獨諤數直諫然持大體不矯為名高以故 上憚而信之已持節冊蜀藩舟還至巫峽為盤渦所束眾慄甚化擁節不色動時支羅寨黃中

本朝分省人物考 卷六十一 江西五 五十四

等構亂乃在楚蜀交當事者或執勅或執撫朝議不能決化馳奏中寔首事業受誅即脅從可釋勿治第置兵巡施州而移守備於南坪何亂之敢生楊襄毅大稱善道拜刑科都給事中隆慶初年 穆皇委政臺閣柄臣乘是以恣刑賞多中出化奏言法者承之於天與天下共也夫既以法與臣矣而誰敢擅之其自任不懾如此會廷議柄臣操筆欲定藁化前把其筆稱不可柄臣屈其詞直事竟寢日至祭南郊聞上咳聲輒為推論陰指其漸人主宜法天養微陽詞甚切至 上為竦聽柄臣陰真厥衛權倚為用

大恚曰國家設廠衛徼巡較下亦惟是禁盜詰姦豈其訶刺百官過若屬虎而冠令得操吏人長短害何可勝言疏入 上心善雖未行亦少逆折奸萌矣寺人李陽春有所愬 上內降從之化驟諫曰臣嘗為陛下言宜使法信於臣彼臯陶為士雖舜亦聽其所執以信法也臣既獲請矣 陛下柰何以弗信繼乎 上默然既而鄭司丞履淳李給諫已以言事杖廷下詔獄且斃化奏言是誠狂愚然心忠柰何詒後世以殺直臣名 上悟立出二臣獄陸金吾炳既沒逮其子宵人借費爭攻訐不止化請加澄察無令禍蔓是時諸司競為武健鉤名化請遵 祖宗成法罷酷吏蓋務贊主上以平明之治然不以寬故廢法嘗劾奏邊帥某浚所部軍媚虜請亟誅以風示列鎮又發比曹郎某贖貨狀中外稟稟先是路御史楷承相嵩指屬總督順構殺沈光祿鍊已事暴論治如律至是當廷讞柄臣欲陰為楷地繆謂順寔首惡業論死猶坐楷耶化取獄牘指楷筆示曰獄故無鍊名有之自楷始楷故罪首第碟順何以謝天下已又欲宥諸方士化曰此遺詔意也即欲勿罪宜何辭柄臣語塞乃止時且起大獄將盡構諸異已者化又力爭不可

本朝分省人物考 卷六十一 江西五 五十五

於是陰結中貴人稱 詔考察諸諫官計中化而興
 化內江交難之無以奪乃出化叅政陝西再疏得致
 政歸 神宗即位以故秩起山東寔蒞吳吳富室故
 多佚賦獨累窶人子化為按覈諸伏賦櫛梳使平已
 擢山西按察使移病歸已起河南未幾擢太僕卿則
 又歸已起光祿卿辭不拜已又遷南太常卿乃復起
 尋遷南大理歷刑部左侍郎故相居正罹法業藉家
 謫戍其子矣 上怒猶未釋或援應天試題欲窮治
 化奮曰某誠檀當辟柰何無端株連詞臣且開是端
 啓後覺無窮乎 上悟竟弗問化顛骨隆起脩眉方
 本朝分省人物考 卷六十一 五十六 江西五
 顧眉光炯炯端疑有常度 上故目屬之已滇南守
 臣獻俘 上御五鳳樓以受化奏詞音吐清洪進退
 中式 上愈益心睦會尚書缺故事必廷推請旨
 上特手詔用化時廷臣咸服 上明斷能知人化拜
 命即為言王者尚德不尚刑今罪人未及鞠乃先詔
 從重或當已盡律又加辟是使 高皇法不信於後
 世而仁愛之意薄也 上稱善時詔修大明會典化
 悉取前後絮令增損著為令以作律數遇大獄悉引
 律奏常絕不伺主意為上下 上益習事慮下欺微
 有聞輒遣緹騎械繫至都下連逮證案甚夥顧事多

不核化奏言主術貴因不貴為若好以已為是代有
 司事也徒使人歸過于上而下緣是以飾非 上悔
 悟潞王府校尉某以事為兵馬司吏目鞭笞王不憚
 奏聞 上怒甚逮吏目詔獄掠至死又欲繩其捕卒
 六七人化奏言吏目秩雖微亦朝廷命官今由廝役
 以斃過矣柰何又波及此六七人併死乎 上意乃
 解 上嘗以雩祀步至郊壇召見諸大臣幄次諭以
 天下與朕共此民者惟是守若令宜慎推擇稱朕指
 化奏對侃侃有古交儆誼時化名益高忌益眾或使
 人構飛語授南中一二新進橫詆化眾驚憤化顧弗
 本朝分省人物考 卷六十一 五十七 江西五
 辯曰安有大臣被口語自疏解為乎義有去而已遂
 上書乞歸疾且革猶強起攝衣冠謁祠又被北望拜
 使其孫伏受命曰吾受國厚恩未報惟爾後之人承
 吾志

補遺

吳華 吳華字德輝東鄉縣人弘治十八年進士崇明知縣
 選廣東道御史兩疏建儲 廷於十二年巡按浙江
 陞襄陽府知府致仕

洪範

洪範字邦正金谿人進士弘治末令嘉興有才畧初至三月如不事事者吏卒頗侮之不加笞箠太守目為庸才及編差糧長太守語節推曰糧長邑之重役洪令不任事君為代之推曰此令長事也代之彼不堪姑諭之意因召與語範從容應曰某非不能為但無事不欲擾耳令郡公既相責某當為之還呼里書集庭中焚香約明日審糧長官與里書有欺謾者明神殛之吏卒前侮慢者復笑之杖而懸諸門復申令曰聞審此役多集人廢時日致多嚇取人財今我每區只用里老二人敢有妄舉里老為代役毋貸庭中

本朝分省人物考

卷六十一

五十八

江西五

肅然皆以實舉盡日而畢上諸府守驚曰此重事須日月乃辦何草草乃爾範應曰知縣但為之盡日足矣範辭還守覆覈里老皆曰自耳目所聞見審此役不擾而辦者獨此令耳守嘆曰賢哉令乎召至府與款語事事明徹吏治平易簡當皆如此吏畏民懷縣中無事其鋤強右弱廉靖寡欲大類繼宗楊守士民為之語曰洪令楊守承前啟後召為監察御史終提學副使

劉 頴

劉頴字時彥號洪齋撫州府人正德三年進士授開

化令開俗不舉女嚴令禁之舊無城始為鼎築徵拜南臺御史丁外艱歸服闋補浙江道御史以議大禮忤 旨廷杖三十出按廣西時田州岑氏構亂請兵督勦親冒矢石斬獲無算奉 勅紀錄功罪惟明惟允復按貴州以疾乞南歸得 俞旨竟卒卒之日棺殮無措直指監司郡邑長咸有賻助始克成葬

劉 最

劉最字振廷撫州府崇仁人正德丁丑進士授慈利尹縣介萬山苗夷雜處又值採木之役命使冠蓋相望最理畫曲當事集而民忘其勞嘉靖初徵拜禮科給事中時執政欲以定策功要封拜議下抗論其叨天之功事得寢會中璫有以齋醮怙寵者勢張甚乃劾其罔上靡財言甚激直黜判廣德州不已復許以道假舟夫逮繫詔獄久之始得解戍致疾將革家人有環泣籲天呼屈者睜目而語曰吾數盡自往孰殺我耶遂瞑目而化

劉世享

世享臨川人進士知涇縣序立條教櫛比其俗輸及捐冗費禁取歲時行鄉落勸農力耕置社倉開墾荒塞因山有澤聽自利勿禁鄉有約

約有長副申 高皇帝大訓衍廣之月朔燕見諸生
攷問德業彬彬踰踰士民風焉革訟師搜吏弊胥徒
凜若負霜復令諸鄉募武勇趨健必如格令巨室主
之據要走險寇至輒警警輒獲邑有虎為文禱之虎
負子奔去乃飭村落儲水慎火儲偃慎水于是民視
令若在襁褓人為之慈母嚴師也以選部召涇男女
老倪走數百里泣祖于江之采石即其他亭馬歸而
四鄉民各祠諸其鄉東茹麻北鼓樓南妙峯西下方
若一云

易文

本朝分省人物考 卷六十一

六十一

江西五

易文江西臨川人年十五廩于庠直指秦公武觀風
拔異等以天下士相期已試棘闈秦公已擬定第一
人有嫌其卷之過奇者而不果明年以選貢第一卒
業辟雍數困于京闈嘗走謁秦公里謝知已秦公撫
手嘆曰是我誤爾已而領丞高淳會署縣篆堂皇公
解學宮先後經營脩葺藉以落成苟利于民者髮膚
無愛建堤捍災民比于蘇堤淹通五經所授門徒多
書詩春秋丞高淳二年甚為當道所推重鬱鬱不得
志竟拂衣歸歸里生徒雲集所著書詩春秋大義秋
潭集若干卷

章袞

章袞字汝明臨川縣人嘉靖二年進士除山東道御
史督學南畿以建言降建寧府推官陞松江府同知
累陞陝西提學副使致仕

黃希憲

黃希憲金雞人登嘉靖癸丑進士萬曆丁丑擢知嘉
興府以清白自盟置天鑒簿登記贖錢毫不私自聽
訟必情理相參有欺罔者以三尺按之不少貸又勤
於課士躬親校藝時為諭俗文以諷戒小民一時民
知向方水旱步禱屢有靈應人以為積誠所感

本朝分省人物考 卷六十一

六十一

江西五

曾佩

曾佩字德甫臨川縣人嘉靖二十年進士由行人選
山東道御史巡視兩關巡按福建刷卷南畿疏乞建
儲開講忤 旨詔獄遣戍廣東隆慶元年 詔復職
致仕

周孔教

周孔教號懷魯臨川人中萬曆庚辰會試授福清知
縣丁憂復除臨海縣選授浙江道御史差長蘆巡鹽
辛卯巡按河南丁憂補河南道乙酉北直提學陞太
僕少卿以左通政擢右僉都史巡撫應天晉右副都

御史總理河道已酉回籍癸丑卒剔歷中外綽有能聲而巡撫江南寬嚴得體地方至今思之

湯顯祖

湯顯祖字義仍臨川人十三歲補邑弟子員已能爲古文詞讀諸史百家諸書庚午舉于鄉癸未舉進士時相蒲州蘇州兩公子皆中進士爲顯祖同門友意欲要之入幕酬以館選而率不應樂留都山川乞得南太常博士轉南祠部郎謂兩執政進私人而塞言者路抗疏論之謫粵之徐聞尉徐聞吞吐大海白日不朗紅霧四障人盡危之夷然就道久之轉遂昌令

本朝分省人物考

卷六十一

六十一

江西

在萬山中土風淳美相與去鉗劇罷桁楊減科條省期會一意拊摩噢咻乳哺而翼覆之用得民和日進言衿子秀揚推論議斧蒸切劘之爲兢兢一時醇吏聲爲兩浙冠而以倜儻夷易不能畚耨鞠脰睨長吏色而得其便計借之日向吏部堂告歸留之不得已抵家浙開府以復僮招不赴浙直指以京學薦不出已無意仕路而忌者不察遂于辛丑大計褫奪其官比有從旁解之者曰遂昌元無小草意當事者曰此君高尚吾正欲成其遠志耳家居于所居之側小結菟裘與其兩尊人居柔氣愉色逆所欲惡而先意爲

之性喜獎與後進又喜任達急人之難甚于己不以貧無力辭其食貧二十餘年而阮嘯自如萊舞無關易簣之夕尚爲孺子哭命以麻衣冠就歛長子士遠有異才肝膽酷似其父年十九早亡季子開遠乙卯舉於鄉

人物考卷之六十二目錄

江西臨江府

金固

曾魯

張九韶

梁寅

練子寧

金幼孜

黎恬

謝袞

附陳永年

習經

吳揚

何衷

周謨

傅瀚

何純

孫仁

張固

本朝分省人物考

卷六十二目錄

彭綱

孫治

陳陽

符觀

涂禎

樂護

張芹

吳達

敖鯤

補遺

徐敬

劉漸

謝子襄

彭烈

陳遵毅



本朝分省人物考卷之六十二

江西臨江府

金固



金固字守正臨江府新淦人家世業儒四歲每口授五言詩輒能成誦稍長出就外傅日誦數百言緣文求義通其大要習聲律課詩援筆立就未嘗經意而語皆不凡時屹然有巨志刻厲學問母憂其過勤夜讀輒止之則嘗潛置火密室夜深閉戶默誦日親良師友講說遂究心於易是時安成劉雲章吉水夏道存皆以治易為學者所宗固往質所業兩先生皆志

本朝分省人物考

卷六十二

江西六
朱秀

年與之交其學以孔氏為宗漢以下則曰周程朱張吾師也洪武中郡太守聘為學訓導慨師道不振學者日趨於簡陋至是毅然自任嚴約束而身率先之於道德性命之旨正心誠意之方為之開諭反覆詳明居常戒以敦本務實崇正學為正人無徒苟事文藝為利祿計至評論古今人才賢否亦必以此諸生翕然嚮服退而相率遵承其教有過更相責善惟恐其聞之固孝友恭儉出乎天性一言一行皆以誠為主動循禮法布素泊然家無餘蓄洪武乙巳五月留郡庠顧次子行曰明日之夕吾其死乎得微疾諸生

醫藥不飲日命矣時長子幼孜從學二百里外獨
行侍側固手書四十字詩一章示幼孜書遺命數事
示行又書四十字詩一章謝素所往來翊日自題其
神主付諸生使授幼孜晚沐浴更衣端坐至夜二鼓
卒春秋五十七所著詩文有涓湘稿若干卷藏於家

曾魯

曾魯字得之新淦縣人年七歲能暗誦九經一字勿
遺禮部簡正理欲以神童舉於朝其父止之及齒稍
長取三史日記之尋及其餘數千年間國體治亂人
材忠佞制度沿革咸能言之殊不以爲足所藏子集

本朝分省人物考

卷六十二

二

江西六
朱秀

動至數百家各攬其精而撮其華聞有僻書隱牒不
憚道理之遠必購得之既得必篝燈讀之達旦不寐
發爲詞章麗蔚炳朗毅然有不可奪之氣廬陵劉提
舉岳申與之語連日夜不休嘆曰不意後生中能至
於斯也其將以文鳴乎杜內翰鄉之丈人行也乃負
笈從之浙益克拓其所未至寤疑辨惑惟日不足遂
以博極羣書稱於時猶謂未要於至道述長書一通
謁虞文靖公集於臨川虞公大悅曰昔程子與張敬
夫年十六七慨然有志聖賢之道子能如是何讓古
人時年蓋十九矣由是益潛心濂洛關閩之學分別

義理密如蠶絲牛毛尤愛吳文正公澄之書無大無
小一一訪獲之玩繹未嘗釋手久之文然有得盤桓
林泉以道自娛若將終身焉至正壬辰天下大亂州
縣所在繹騷召里中諸豪集健兒持兵以保障一方
仍椎牛醢酒開陳逆順禍福言甚剴切衆皆聳耳而
聽卒無敢犯非義者人號曰君子鄉洪武二年詔纂
修元史遣使者起於家魯博採參訂補苴罅漏者不
一而足其功爲最多史成 太祖坐端門召諸史臣
有白金束帛之賜將乞身還山會 朝廷開局編類
禮書輿論以老成之士無踰於魯者共堅留之議禮

本朝分省人物考

卷六十三

三

江西六
朱秀

之家有如聚訟魯當羣言沸騰之中楊言曰某禮宜
據某書則是從某說則非有不服者爭相辨詰乃歷
舉傳記答之各心醉而去俄遷入儀曹爲祠部主事
階承事郎常忠武王薨高麗王遣使來祭魯索其文
觀之使者勒不與魯不可使者不得已出之外則襲
以金龍黃帕內則不書洪武之號魯責之曰龍帕固
疑誤用若納貢稱藩而不奉正朔君臣之義果安在
邪使者頓首謝過皆命易去乃已安南來貢主客曹
已受其表將入見魯取其副覽之其王乃陳叔明魯
曰前王陳日燧爾今驟更名必有以也亟白尚書詰

使者不敢諱蓋日燬為叔明所逼而死遂篡其位
 中心懷恩故托修貢以規 朝廷之意 上叱之曰
 島夷何狡猾如此却其貢不受五年二月 上問丞
 相曰曾魯在禮部今何職邪對曰不過主事耳即日
 超六階拜中順大夫禮部侍郎魯以順字犯父諱辭
 就朝請下階吏部以國法有定不許倭夷入寇戍將
 每捕獲之 上憫其無知會儒臣草詔歸其俘魯所
 誤有中國一視同仁之語 上悅曰頃觀陶凱文已
 起人意今魯復如此文運庶其昌乎凱禮部尚書也
 八月奉 旨考京畿鄉試入院之後忽吐血一升猶
 力疾閱卷不息自是遂奄奄不振九月甘露降鐘山
 羣臣咸見諸咏歌乃獨誤賦以進十月 上將郊祀
 出宿齋宮命取諸作使侍臣更番誦之至魯獨曰此
 曾魯作邪援據既精鋪叙有法豈新進之可驟至哉
 十有一月疾愈篤上章乞骸骨中書以聞 上惻然
 許之十二月辛卯歸舟至南昌謂次子圭曰吾命止
 明日不能至家矣然吾以一介韋布之士受國寵恩
 位躋法從又得守正而斃死復何憾所憾者不見二
 孫之成立也即趣舩翰為書戒之壬辰次石政潭遂
 歛衽而逝魯蓄德熙和人近之者溫如春風不見忿

本朝分省人物考 卷六十一

四

江西六 朱秀

灰之色事親克孝父喪哀毀致疾踰年而後能起
 而三兄諸姪相繼捐館杖淚經紀凶事三年間葬十
 餘喪且撫存其孤憚生平輕財仗義喜周人急四方
 賓客日登其門倒屣迎之了無倦容常一試江西鄉
 闈有司寘諸乙榜人為不平而魯亦澹如其自著書
 有六一居士集正訛南豐類藁辨誤藏於家他咸未
 覽藁當修元史時宋濂實為總裁相知最深共坐官
 舍更折互辨每至夜分嘆末學之空虛傷古道之寥
 落又復相視輾然一笑嚴陵徐尊生常有言曰南京
 有博學之士二人一以舌為筆一以筆為舌其意蓋
 指魯與濂也讀書之室曰守約齋學者遂稱為守約
 先生年五十四歲

本朝分省人物考 卷六十二

五

江西六 楊林

張九韶

張九韶字美和清江人幼穎異年十三即能詩詞博
 通經史元末累舉不第洪武三年用薦為縣教諭十
 年召陞國子助教為人篤實每教諸生必端坐不言
 有所請問徐徐應答不過一二語然義理明暢人深
 服之十一年遷翰林編修十三年四月戊子致仕
 高皇帝親為文賜之曰朕聞古之賢士莫不修己行
 仁為時君之用否則獨善其身以終天年或著書立

言傳之永久雖不顯於當時而有功於後世以其德重而行純學博而言信也今老成宿儒凋落無幾獨爾以衰暮之年日侍朕左右正欲詢問古今典禮以沃朕心柰爾不任周旋所以命卿歸老卿之去矣朕將誰從於戲千載一遇古今之通言然全其始終者罕矣今卿善始善終不亦美乎美和博學精擇善於著書故 宸翰及之所著有理學類編八卷羣書備考十二卷及元史節要行於世

梁寅

梁寅字孟敬新喻人徵士世業農家貧能自力于學本朝分省人物考卷六十二 江西六 由是通六經之旨累舉于鄉不第遂棄不復為嘗遊金陵至錢塘一時名士多願與之交辟為集慶路儒學訓導居二歲以親老辭歸明年天下兵起遂隱居教授及 太祖平定四方徵天下名儒修述禮樂以新一代之制寅就徵已六十餘矣時以禮律制誥分為三局寅在禮局中討論精審諸儒皆推服之書成賜金帛將授官寅以老病辭許之寅歸結屋石門山四方士多從之學相與稱為梁五經洪武二十三年八十二歲卒所註有周易參議詩書演義周禮考註春秋考義及漢唐以來君臣事略宋元史節要及石

門集行于世

練子寧

練子寧名安以字行新淦縣人父伯尚洪武初任起居注以直言忤 旨出為廣德州同知調汀州鎮安二府通判卒於官子寧性英邁不凡幼從鄉長者竹庄先生游竹庄命賦水竹居歌即有千山暮雨石泉通一夜春雷長籜龍之句竹庄大異之後游邑庠與金幼孜相友善嘗謂之日子後必為名臣吾當為忠臣洪武甲子領鄉薦明年對 大廷極言 朝廷今日用人徇其名而不求其實以小善而遽進之以小

本朝分省人物考卷六十二

七

江西六

過而遽戮之因力疏古人所以教養任用之道言甚剴切 太祖嘉之擢置第二名進士及第授翰林修撰子寧益以名節自砥礪由是聲望蔚然中外咸以文學行義稱之滿三載丁母憂杜門屏跡力行古喪禮服闋仍除修撰 建文帝用廷薦立拜吏部左侍郎子寧進賢退不肖多所建白革除三年辛巳罷都察院典刑獄改為御史府如唐宋御史臺故事職專糾察子寧初調都御史四年靖難師起日夕畫策防禦曹國公李景隆奉 命出師至北方 通欵藩府賣國喪師謀秘未露子寧一日於朝班 執景隆陛

前數之曰景隆以功臣子兼至戚為上公奉 命出師 朝廷何負於汝汝乃敢謀叛姦邪不忠請速加誅 建文帝不聽子寧叩頭大呼曰賣陛下者必此賊臣備員執法不能除奸請先伏誅 上不樂罷朝比師渡淮廷中倉皇失措靖江王府長史蕭用道衡王府紀善周是修上書論大計指斥用事者誤國書下廷臣齊黃輩怒詬兩人子寧從旁沮之曰國事至此吾與公輩罪不可逃尚怒言者乎顧所論吾過有則改之無則加勉耳詎者愧而止 成廟即位李景隆於 上前必欲殺之詔治奸黨子寧不屈極詆

本朝各省人物考 卷六十一 八 江西六

上不忠孝遂族誅吉水錢習禮以練氏姻族未及逮既官中朝恒為鄉人所持心懷憂懼以告學士胡廣楊榮二人乘間為 上言之 上忻然曰使練子寧今尚在朕固當用之况習禮耶即日下令禁止後同知王佐傳其遺文一帙序而名之曰金川玉屑集提學副使李夢陽始命有司梓之又立金川書院祀其父子名其堂曰浩然而刻名記焉

金幼孜

金幼孜名善以字行新淦縣人自幼嗜學問從前進士聶鉉受春秋得其微旨未第時與同邑練子寧俱

名革除間練職憲臺幼孜中庚辰進士授戶科給事中會 文廟正位遂改翰林院檢討簡入內閣轉侍講永樂二年 皇太子立日講經史幼孜纂集春秋十二公事名曰春秋要旨五年遷左春坊左諭德仍兼侍講永樂七年扈從 車駕巡狩北京八年二月 上親征北虜胡廣楊榮及幼孜從次永安甸雪初霽諸峰奇絕 上曰雪後看山此景最佳過雞鳴山躡野狐嶺凡駐蹕之處 上即指其山川形勝扼塞守險之方且曰爾等記之東還南京陞奉直大夫錫之誥命十一年扈巡北京十三年扈從北征是

本朝各省人物考 卷六十二 九 江西六

年冬還北京 命修五經四書性理大全充總裁官十四年進翰林院學士仍兼右諭德階奉議大夫賜織金襲衣本年冬扈還南京十五年扈巡北京預修高廟實錄十八年擢文淵閣大學士仍兼學士二十二年扈從北征次開平 上召至幄中諭曰朕夢神人語上帝好生者三是何祥也豈天宥茲寇乎幼孜請班師 上曰卿言正合朕意即命草詔回鑾次長樂鎮幼孜侍 上曰漢高祖過柏人慮迫於人今朕至長樂思與天下同樂何時而庶幾也榮等對曰聖志如此天必助順也次清平鎮 上宴羣臣命內

侍歌 高皇御製詞五章曰此 先帝垂論叙創業
守成之難戒荒淫酣酗之失也朕嗣洪業惟恐失墜
尚相與勉之於是自製五章以奉天法祖勤政恤民
爲言仍命內侍歌之次清水源命幼孜刻石記行使
後世知朕親征過此旣旋師中道 宮車晏駕初喪
至歛皆楊榮與幼孜據禮行之旣楊榮先馳歸報道
中之儀皆悉幼孜而行 仁宗嗣位進戶部右侍郎
兼文淵閣大學士踰月加太子少保兼武英殿大學
士尋典內制賜之銀章一日繩愆糾繆是歲持節冊
梁王及趙王妃洪熙元年命兼禮部尚書階資善大
夫三俸並支尋告歸省丁憂宣德元年修 兩朝實
錄起爲總裁官明年持節之寧夏冊安化貞寧二王
妃歷覽周秦漢唐之墟悉見賦咏所過兵民休戚事
竣上封事 上嘉納之五年正月實錄成賜織金襲
衣及金綺馬三月命同楊士奇等選進士薩琦等八
人爲庶吉士十月壬午扈從巡邊度鷄鳴山 上曰
唐太宗恃其英武征遼嘗過此山對曰太宗後亦悔
之此憫忠閣所繇建也 上曰山崩於元順帝時人
謂元亡之徵信乎對曰順帝亡國之主雖山不崩國
亦必亡 上曰自古聖帝明王未嘗無災異國之存

本朝分省人物考卷六十二

十

江西六

下繫乎君之仁與不仁而已矣六年遭疾屬纊子姪
有干澤者正色斥之曰君子所耻正襟危坐而卒壽
六十四贈少保謚文靖幼孜爲人簡易沉默溫裕有
容居家敦孝友之行旣任事 上以誠持論必正扈
從北征時道中士卒有憊者 太宗知之以問幼孜
直對宜遂班師凡於公務致勤不倦處同僚能讓於
人汎愛無忤其學該博文章和平寬厚類其德性四
方求者無虛日靡不辭應得其一篇一詠者皆寶重
之書兼工真行嘗考會試者一讀廷試卷者四初陞
學士寵賚日加卽以盛滿爲戒名其燕處之居曰退
菴所著有北征錄

本朝分省人物考卷六十二

十一

江西六

黎恬

黎恬登永樂壬辰進士授監察御史時因災異上言
歷詆大臣權要側目出知南寧州用薦擢爲春坊右
諭德預修 宣廟實錄進講經筵以展墓歸卒所著
有觀過稿

謝袞 陳永年

謝袞字子襄以字行新淦人始以才薦授浙江青田
縣知縣有惠政歲滿民奏留之特陞處州府知府居
官廉謹篤意拊小民興學校初郡多虎及旱蝗爲災

子襄禱于神大雨二日蝗盡死虎亦遁去嘗有盜入庫竊官鈔卽投檄城隍神盜方閱所竊于室忽疾風入室卷墮市中守藏者適遇之識其印誌遂獲盜正其罪民鬻牛於市將屠之牛逸至于襄前俯首若有訴者遣人問得實捐俸贖牛還其主小校吳米逃山谷時鳩衆出爲民患已數歲矣朝廷聞之發官軍二千勦之處人大恐子襄適至力請止軍城中毋出而自以計掩捕之送京師兵不勞而民以安子襄性簡靜歷官三十年不以家累自隨永樂二十二年卒同時有陳永年者與子襄同邑里由戶科給事中爲福

本朝分省人物考

卷六十二

十一

江西六

建惠安知縣廉謹自持邑有蝗蝻傷稼一夕可數十畝永年仰天嘆曰政乖致異令之咎也民何辜俄有羣鳥蔽日而下啄食之蝗遂殄歲以大稔改處州遂昌知縣有善政在官二年卒

習經

習經字嘉言新喻人永樂丁酉以儒士中湖廣鄉試明年登進士第當是時 太宗皇帝方崇文治詔選翰林庶吉士績學中秘以待用一時在選者十五人未幾預修天下郡志越二歲雲南守臣進黃鸚鵡制試庶吉士詩賦中者僅六人皆授職言中前列授編

修預修通鑑直解宣德丙午修 太宗 仁宗實錄及君臣故事丁父憂去起復陞修撰正統初預修宣宗實錄直講經筵實錄成陞侍讀以母憂去起復適甲子夏旱奉命祀泰山將事虔恭甫畢大雨沾足有司爲勒石紀其事乙丑考禮部會試丁卯考京闈鄉試人服其公 憲宗卽位陞太常少卿壬申夏五月 皇太子正位東宮陞詹事府詹事以疾卒于官年六十五雅負經濟嘗陳六事一日奉天道欲人君懷敬懼以勤政務二日崇人道欲敦孝弟以廣親愛三日隆君德欲開經筵備講論之益四日重臣道欲

本朝分省人物考

卷六十二

十三

江西六

親商確審可否之宜五日簡文職欲嚴選舉慎考課之典六日修武事欲選將帥明戰守之術

吳揚

吳揚新淦人生有美質比長肄業大學與天下士交游學業日新經傳子史不事記誦而穎悟過人爲文章辭必已出不蹈襲前人領京薦時第名前列 仁宗皇帝以儲貳監國召前列者十人見喜曰皆年少奇才也在刑部所司訟牒特繁夥揚明敏果斷且宅心平恕人無冤抑他司有疑獄移揚鞠之輒一言決大爲秋官卿所器治獄暇手不釋卷或謂復欲爲進

士邪曰學豈間於仕不仕古人飾吏事以經術爲此耳及陟方岳一以承流宣化爲已任先德政而後刑罰設施不亟不徐大利害必具以聞而罷行之嶺海之間時和物阜帖然寧謐焉 朝廷嘗慮嶺南水旱勅楊處置揚奉 上德意問民疾苦恤窮困理冤抑勸農桑興學校召父老語以孝弟忠信之道有能捐粟千石者如詔旌異蠲其徭役於是民爭出私儲而官廩皆充溢其撫蠻徭觀風使以揚方在海南而屬之右布政使彭遠遠年老矣揚還卽促裝戒行口水隘崎嶇瘴毒尤甚豈老者所堪遇同僚之恩如此揚

本朝分省人物考

卷六十一

十四

江西六

一錢尺帛汝曹生養不知稼穡艱難不務耕讀惟營私而婦言之惑恨不執汝告縣官宜速改悔不然幽有神譴明有國法諸子姪皆畏服一家大小百餘口同居共爨無間言鄉邦稱之

何衷

何衷新淦人天順丁丑進士授刑部主事累遷郎中爲人沈毅不阿蜀有守臣不職奉 命往訊之賂于金拒不納竟寘於法中都留守笞殺人數多累官按之不能決衷往治卽伏辜尋陞大理寺寺丞卒于官所著有靜齋蒙祀于鄉祠

本朝分省人物考

卷六十二

十五

江西六

周謨

周謨新淦人爲庠生時嘗推廩以遜其友天順進士授工部主事累官至陝西副使以母老乞休邊氓番夷扶老携幼相泣不忍舍爲人剛方易直所著有東臯集

傅瀚

傅瀚字曰川臨江府新淦縣人自少秀異讀書過目成誦始就外傳則往往推究與義人多奇之天順癸未會試科場災寢疾幾殆忽神人見夢曰勿憂也公前程遠大疾今愈矣其年八月終會試甲申 賜同

進士出身改庶吉士除翰林檢討 憲宗一日於內
 得古帖斷爛不可讀 命中使持至內館適瀚在直
 次為韻語須臾授中使以復 上大悅有珍饌法醞
 之賜九載進修撰兼司經局校書侍 孝宗於春宮
 遷左諭德兼檢討充 經筵講官及 東宮講讀官
 侍方士李孜省為通政使得侍 經筵瀚進講極言
 汰冗官李銜之不為動 孝宗嗣位以舊學恩進太
 常少卿兼侍讀仍充 經筵講官兼日講每進講誠
 意懇切敷陳詳婉而進止雍容 上每注聽焉四年
 修 憲廟實錄成進太常寺卿兼侍講學士掌院事

本朝分省人物考 卷六十二

十六

江西六

六年遷禮部右侍郎九年南京缺尚書僉舉尚書倪
 岳瀚言倪之才何可寘之南或謂倪往公不當次進
 乎瀚曰吾知為國進卹其他及金谿徐瓊進尚書瀚
 轉左侍郎徐凡事多倚成之司屬案呈必質問曰傅
 先生以為何如初祠部給度十年一舉時僧道集京
 師以萬計權貴多為之請瀚力言此輩蠹耗天下宜
 痛加禁革縱未能復 祖宗朝之制亦當稍賜裁抑
 遂改十年給度之例時以龜山楊時從祠孔子廟庭
 言者因謂羅從愿李侗亦當從祠瀚言二子著述跡
 尹焞游酢謝良佐未知所先後二子從祠則三人似

不可遺道學所在其可濫乎乃止已未知貢舉俄用
 廷薦以本官兼翰林學士掌詹事府事仍兼日講官
 會典副總裁庚申進禮部尚書會京師地震雨雹四
 方日奏災異因疏言今賦重役繁民窮財盡宜躬行
 節儉以先天下庶民困苦可蘇時陝西地震異甚復
 率諸公卿條奏三十一事如敬天勤民法祖修德汰
 冗官罷工役減齋醮省上供尤拳拳焉奏留中又復
 言民心易感在結之以恩天意可回在應之以實屬
 者所陳謂當如拯焚尤恐不及而側聽彌月未賜
 宸斷何以回天意哉疏上報可保定獻白鴉謂祥瑞

本朝分省人物考 卷六十二

十七

江西六

不當奏又陝西守臣熊翀得玉璽來獻乞頒示天下
 以為傳國之寶復出也瀚言以史傳諸書考之形制
 篆刻皆不類其為贗作無疑即使非贗人主受命在
 德不在璽自前世以秦璽為寶得之者君臣動色相
 慶我 太祖以聖德受命製一代之璽傳之 聖子
 神孫壽昌之福萬世無極何藉於彼哉 上迺以其
 璽屬庫藏之尋以足疾在告 上數遣醫來視數乞
 致仕不允瀚雖在告日理部事不息或勸少輟公務
 願養心神瀚曰吾受 上知遇辭祿不可職事在吾
 其敢自佚一日謂子元曰吾其歸乎夜夢祖妣來視

晉疾壬戌二月歿於官年六十八 上賜寶鏹為治
歛具贈太子少保謚文穆 論祭者三給舟車遣官
護行為營葬事瀚好學力行至老彌篤平生著述多
本於理書法道麗有晉人風韻弟潮亦攻書法時人
稱一家二妙性慎密有矩度事必思而後行生平涉
歷聞見隨手籍記人有遺忘者必歷指陳之在 上
前雖舉步後先高卑輕重疾徐毫髮皆可較勘雖中
更變故卒不失正聞人有善汲引如不及同鄉故人
有客死者賙給歛葬務令得所兩主文衡人稱其公
明嘗曰應事接物以身體之則無不當故自號體齋
本朝分省人物考 卷六十二 十八 江西六
張子玉

何純

何純新淦人成化丙戌進士授麻吉士拜監察御史
時大臣不厭輿論純歷數其過疏至三上按廣東西
川端平詳慎大協人望陞雲南兵備副使發倉賑饑
民免相食擒阿彌州賊首奏設守禦千戶所邊患以
息奏減銀課民生以全卒于官兄善以成化乙未進
士終新城令民立遺愛亭

孫仁

孫仁字偉德新淦縣人成化五年進士授刑部主事

歷員外郎郎中尋出尹常州叅藩浙省任方伯于關
洛兩地繼陞都察院右副都御史巡撫寧夏甫三歲
引疾歸里而卒訃聞賜祭葬如例仁在刑部聽斷明
決才譽甚著審錄湖廣獄囚多所平反常州舊守多
以贓敗者仁自治素嚴豪強斂戢近幸有索圖籍于
江南者誅求橫甚郡邑吏率望塵迎奉仁獨不為狗
其人歸譖之仁被逮至中道適巡撫都御史王恕疏
其事賴以得釋其後更歷三藩巡撫寧夏邊境不擾
仁之為人嚴厲任法遇事略不少貸故屬吏奉事惟
謹然頗乏寬厚容任之意時論亦以此少之
本朝分省人物考 卷六十二 十九 江西六
徐仕

張固

張固字公正新淦縣人以進士任刑科給事中改吏
科尋陞都給事中嘗建論吏員鮮有急于利者不
宜用為郡守 朝廷是其言著為令奉命行御史事
督民壯於河南興利去害境內肅然景泰初陞少卿
審刑四川有能譽山東饑勅固賑濟民安盜息尋復
大水仍勅固與尚書薛希璉整治之民免死亡各安
其業比還佐大理寺事多所平反尋卒固偉貌修髯
為人倜儻侃侃敢言所至謹于職守故無廢事云

彭綱

彭綱清江人成化戊子解元乙未進士出知汝州庶政既平鑿渠引水灌田數千畝世為民利遷雲南提學副使以公明稱為人端疑朴茂而不波逐于時流家居無一語及公府事惟以文行汲引後進士知自檢者至今式之自號雲田所著有雲田集

孫治

孫治清江人成化辛丑進士知臨淮縣守已愛民興學作士時權閹汪直陳廣以選妃責貢繼至所在需索動以千計治持正不阿竟為二宦所中改安東遂棄官歸士類尚之所著有鳴春集

本朝分省物考

卷六十二

二十

江西六

陳陽

陳陽新淦人以進士選翰林庶吉士歷郎中訊獄蘇常逆瑾受獄家賄欲曲法陽不許遂下錦衣獄謫州同知瑾誅陞廣西僉事以劾巡按監司不法左遷運同卒于官

符觀

符觀字衍觀新淦人少刻厲讀書寄食城北浮屠足不踰戶閩數年學藝大進以禮經占乙酉鄉試明年舉進士第五人選知溧陽縣法古為政論民重禮敦俗督勞農田濬築陂渠瀦洩以時旱潦有備鋤正豪

右屢察疑獄脫數人於死徭役編審有法吏不得為效修學舍祠名宦鄉立貞女廟作義塚溧人鑄石頌焉陞高州同知丁父憂服除補辰州改作黔江淑浦二學以乘山川之秀召吏民子弟親為講說誘勸以文藝學者日起正德己巳擢廣西按察僉事分巡左江會藍賊構亂一日謀報賊眾分攻平南貴桂三邑觀即督兵馳至平南江伺賊半渡擊之斫其渠魁中流淹沒不計其數自始發兵以至滅賊皆如觀計眾謂儒者料敵制勝乃爾濤衛將有與卒訟田而久不決以危言脇觀不為動竟質平焉濤民奏田少稅多

本朝分省物考

卷六十二

二十五

江西

期得減賦觀曰必使田浮則欺上必使稅浮則損下當驗實使田賦兩平耳已而田果不少眾帖服觀乘險阻冒瘴癘經略勤勤既陞浙江叅議旋改山東皆不往請老而歸不苟取予在溧陽於廨後得古藏銀悉易穀以賑貧民居家盈縮無所問家人時以匱吉徐曰若等自經理之可矣朔望謁先祠坐堂上率家眾道古今孝友節義定規約數十事俾世守之所著有活溪存稿若干卷選唐宋元國朝近體詩歐蘇文選醫家纂要地理集奇諸書藏于家年八十五卒

徐禎

余禎字賓賢新淦人弘治己未進士出知江陰縣有
卓異績舉天下第一擢授御史理鹽政時闒瑾以鹽
貨源也因遂厚望巡鹽御史貨會一御史入貨如瑾
望而瑾輒擬人人必厚貨如望及禎巡鹽還則空手
見瑾瑾怒下禎獄然猶望其貨來也久之貨竟不來
瑾愈怒矯詔余禎打三十棍發肅州衛永遠充軍始
禎下獄江陰人願厚貨入瑾如它御史數塞瑾望解
禎禎不從禎坐掠重尋卒無問識不識無不泣下禎
幼讀書玉笥山中篤古持禮父有友丘坤者家貧而
有子議聘禎女未決會坤卒禎往吊焉語坤妻曰吾

本朝分省人物考 卷六十一 江西 守

女已心許而郎矣勿疑

樂護

樂護字鳴音別號本亭自幼穎異絕倫書過目成誦
弘治戊午中江西鄉試壬戌中會試乙丑賜同進士
出身明年授宣城知縣初至值歲歉道殣相望而郡
中督逋方急護與民約秋熟來輸卽以情自白於郡
罷追之至期果上納無爽積年逋負一旦盡完先民
苦饑相聚爲盜劫掠無虛日護知其故單騎徑詣村
落中曲加撫諭賊衆喜曰父母來矣何以生我相與
感泣而散遂遍歷各村咨訪疾苦計口類冊歸卽發

廉賑濟置大牌數十面上書鄉貫序列十餘里民以
次由南門入既給粟從北門出絕無停留侵冒之苦
甚得賑濟良法善聽訟傍郡縣疑獄監司多以委護
太平鄉民有甲乙素善戲相搏擊乙誤中甲甲歸語
其故而妻與所私者夜遂殺甲誣乙抵死臺檄護覆
視之細閱案牘見甲兩耳後重傷悟曰豈有重傷若
此不卽死而能歸家至夜始絕耶此必同謀故殺誣
人以便己私者也召甲妻詰之具得其狀伏辜乙得
免死其他平反多類是 武皇時羣璫柄用貪夫憑
威煽載楮幣幣幣東南諸郡守令悉歛民錢厚值償之

本朝分省人物考 卷六十二 江西 守

護弗禮丁卯入覲京師中途遇盜發其笥止得四十
金盜相顧愕又見巾服籠敝詢知爲護嘆曰久聞宣
城有樂青天乃汝耶還金而去已巳丁內艱去任服
闋補山陽知縣縣當江淮總道官舟往來絡驛額派
丁夫牽輓選義民督之舟無留行大省請調饋遺之
費民便之賊劉六等四出流劫將及淮南積儲治器
預爲防禦漕運張侍郎陸相繼督重兵至軍需器械
取具倉卒皆立辨遣集以薦拜南戶科給事中前後
章疏十數上皆國家根本計當是時雙臣錢寧導
上巡遊急萬幾弗理勢焰薰灼能立中人奇禍護力

言久之不少諱乾清宮災奏請實修省以應天變言
尤剴切京師稱為鐵漢 世宗登極用言者薦起為
光祿寺少卿以素善天文兼領欽天監事又屢疏請
勵精以贊天道修德以承天眷每因占候力陳修省
時五星聚室建言忤旨又因事劾奏宰臣宰臣銜之
屬官馬能者以私憾遂乘機誣下錦衣衛獄大臣力
辯其誣得釋左遷宿州知州即日就道不謝所知履
任不踰月致仕而去又二年冢宰西樵方司馬靜菴
胡薦護才堪治郡特起大名知府初至時方盛暑念
獄中淹滯苦當何如迺悉出囚庭下一一訊之輕者

本朝各省人物考

卷六十二

江西

李文

放免重者請於監司次第發遣尤勤政質明起視事
宵分方息訟簡刑清囚圉幾空郡有譙鐘相傳魏太
武時所鑄守清正則鐘聲洪亮否則不揚前守惡之
棄于通衢鐘因半裂適歲歉民競言神物棄置為咎
請復之護曰有是哉祭而懸之扣之不揚公不悅忽
夢大眾喧於鐘所既乃再叩之鐘果洪亮其裂處尋
亦復完更擁起一春民益異之歲已丑吏部考治行
為天下第一尋超陞陝西布政司參政督理糧儲又
奉命犒邊具有成績居無何引疾乞休得允致仕戊
戌冢宰松臯許公又特薦再起河南參政 上幸承

分守河北奉 旨整理渡河舟楫而行宮火以職
事遺隨蒙 恩旨免歸嘉靖四十二年卒年九十所
著有水亭雜稿三十卷行于世

張芹

張芹字文林峽江人正德初韓忠定率部院大臣伏
闕請誅近聞八黨當是時 武皇帝將行遣輔臣有
狎於闖者密泄之竟敗計不四年而闖瑾之禍徧天
下及瑾誅輔臣又將論功廕子芹為監察御史聞其
事亟上疏曰李某者顧命大臣當與 陛下同休戚
者也方劉瑾亂政既不能防微杜漸又不能力與之
本朝各省人物考 卷六十二 江西 李文

爭願降禮屈辱且為草制語極褒美遂使驕橫恣肆
荼毒天下其罪已不可贖乃冒他人功受恩賞他日
何以見 先帝哉竊見國家大臣正直者多不容於
瑾方得志之時奸邪者多見黜於瑾已伏誅之後惟
某者始終無恙臣不知其何善為身謀若此也疏入
輔臣持之涕泣不能辨天下一日知有張御史芹以
弘治舉鄉試壬戌第進士授福州推官以薦召為御
史出知徽州府改杭州陞浙江按察副使巡視海道
進布政司右參政終右布政在官餘二十年初為福
州習吏事嘗奉檄訊縣尉獄尉貪而昵於清戎御史

御史右之不為聽按闕者數論薦之及為御史論輔
臣禍且不測會都御史林俊亦自蜀上疏論時事俱
得削俸於是益感激自效當屬草未嘗一遜人其林
寶明諫馳馬兩事尤為人所誦寶明刑科給事中也
常以言下獄芹論抹曰言官天子耳目也善遇之人
人思奮而蹇諤之風起不善遇之則人人畏避而循
默之風成自古治亂興廢之驗莫不由此頃歲賊瑾
陰懷異志挫辱言官寘之極典以箝制人口使不敢
發其奸惡卒之禍亂相尋幾危社稷今瑾誅矣然羣
盜未平災異迭見雖夙夜憂皇孜孜求言猶恐不及

本朝分省人物考

卷六十二

五十六

江西六

柰何復有此舉動哉其言懇切婉致明竟以是得釋
武皇帝好禁中馳馬射獵嘗墮馬病諫者數人重得
罪芹聞之謂同列曰彼不以諫名且爾吾何所委乎
遂切諫曰孟子言從獸無厭謂之荒老聃曰馳騁田
獵令人心狂心狂志荒何事不忘皆甚言無益有害
也且備不虞猶懼有患柰何乘危冒險輕萬乘之尊
乎况 皇嗣未誕萬一不諱如宗廟社稷何疏上罰
止削俸自此兩疏人人愈重之性至孝善事繼母廖
在杭屢乞終養不許及去官垂老矣聞廖怒即長跪
闕外不命之起不敢起廖卒哭其三年不以病廢家

居絕泛交無公府之謁泉袍蔬食儉以終其身又嘗
考靖難諸君逸事人為之傳七十六卒

吳達

吳達字近光新淦人生而剛嚴方介負氣寡合善任
事事可疑弗顧可為弗沮人莫櫻其鋒初至武選例
當入內府查武官黃籍籍繁浩閹人恣奸病恐見察
則多方誤我達入舉內令序坐內令又秘不傳閹人
固已服其練達會校人竊籍被執詞相連諸閹恐達
尚書所丐免誓不敢有他南京守備魏國公與兵部
尚書爭道尚書不勝忿密問計達曰彼擅役營卒豈

本朝分省人物考

卷六十二

五十七

江西六

制耶尚書悟發其事魏國果屈還卒數千人然以此
銜達達聞之即疏其諸不法事有詔奪職魏國怒曰
我拚一鐵券殺吳某如搏鼠耳同察咸危之不為動
時有偽印獄久不服達遣人私脫囚替示其妻曰爾
夫不勝苦業已吐實令汝抱印來緩死此替取汝信
也妻果不疑出諸印榻下獄遂成車駕主驛傳舟車
馬船頭陳某傾貲千公卿避役達不可走京師賂閹
人以特旨免達曰不獨一陳某也令兵馬司定諸船
戶差遣以貧富為籍察其通 朝廷易撼吳郎
中難江南郡縣役遣江淮衛水夫為土瘠所把費數

信達請入直于官附綱運至部分給之軍民兩便凡工役諸直出納舊多羨目藏吏銀工得鈞機利至是痛割其弊無相染者每歲嚴舟上供慮閩人張其數以便私賈會計仍行不聽濫取會同館官馬私乘不

禁取律語刻木懸官馬首借者凜然豪貴屏跡補興

化民徙訟難治聽決如流頃刻遺數十事各中情實

死囚爭傷無驗疑其隱於賄命燔水不得納鹽自臨

灌骸果得傷且左失二肋語囚曰毆者右手人則左

傷隱傷失肋非驗而何有自殺妻而誣其讐云耕田

爭水被毆死他吏上獄明年達慮囚追憶其時大霖

用因詰之曰得雨爭水何為竟坐殺妻誣不行李御

史行邵喜杖人內股下吏畏罪多竄達豫戒隸隸不

聽即面告御史某已戒隸令勿杖內股恐多死人傷

盛德乃敢復爾命縛去易他隸御史故憚達聞言錯

愕唯唯明日引避於是興化獨無死于杖者王御史

禁乘轎各郡多給報達月上役輿夫若干王服其不

欺禁隨弛嘗入覲一無所齎歸而藏金為同知所侵

故不省第緩交割期俾得自計卒不損天旱禱雨民

請洞山中神曰聖君者達許之為文祝神期三日必

雨否且有後患如是者七日不用諭民曰徒邀福而

不卹災物蠹也當為若等除之焚其偶大雨適至衆驚服莫敢譁幻海寇數至多為疑兵走之且曰此番

船所招也戒自今毋得納舶其後倭入市擾海上諸

郡一如其言達為人守道理不動聲色而意常烈烈

蓋自少時已然七歲學舍暮歸為掠者負走閉樓中

假寐給守者夜且半起緣屋匿焚圍中邏弗能得比

曉乃問途歸諸生旅見總制陳公公臨諸生威以達

抗言遂降色舉鄉試未嘗輕謁縣官縣官有所請亦

未嘗不盡利害孝友淳厚踰于常情遂州歸母病癱

不解帶者數旬比卒壽九十有一達年五十餘

本朝分省人物考 卷六十二 二九

敖鯤 字化甫號南溟新喻人弱冠補弟子員戊午舉

於鄉監試徐嘆曰茲卷文醇而字楷無一畫苟必端

人也戊辰登進士授松江府推官故相國徐文貞亟

以老成練達稱無何丁艱歸補懷慶所至持平恕不

向鉤摘部使者屢以最薦召入拜御史奉命按長蘆

鹽課長蘆分部最廣弊竇最多按行稽察夙蠹一清

比代去所修交游縉紳饋問視故事一切減殺已復

按福建按順天歲已卯福建鄉試士為監臨每卷必

竟閱親為品題順天在輦轂下事多掣肘鯤持大體

無所撓屈貴戚憚之不敢以私干太宰某以私人囑
列薦劾不聽太宰敗終不語其人當萬曆初爲御史
時江陵柄國諸臺諫多濡足其後引繩批根罕有得
免蓋十九爲江陵敗矣其不以江陵敗者則必磽磽
皦皦以江陵名者也鯤容與其間不亢不隨世莫能
議涉孟門太行之途而無傾軫失楫之患方以孝廉
入成均江陵時爲司業試鯤第一大嗟賞之引爲知
已比同朝自旅見外無私造謁按閩而舉其所嫌若
習太史蔡比部不少卻顧江陵亦不忤也江陵沒由
御史爲大理丞晉少卿再晉南京光祿卿方向用卒

本朝分省人物考 卷六十二 三十 江西六 施

年五十七 補遺

徐敬

徐敬江西清江縣人洪武初由監生陞山西道御史
兩黜爲令一謫戍邊歷春坊陞太平府知府致仕

劉漸

劉漸江西峽江縣人洪武二十七年進士由行人選
貴州道御史丁憂復改太常博士建言謫口北爲民
適交趾作亂奉命追回平定卽鎮撫其地卒

謝子襄

謝子襄新淦人洪武末以人才薦拔知青田縣遷知
處州府誠心爲政上下孚格郡多虎及旱蝗子襄禱
于神天大雨二日蝗盡死虎遁去嘗有盜竊官鈔不
可迹子襄投牒于郡城隍盜閱所竊藏于私室忽疾
風從室捲墮市肆中因遂獲有盜牛鬻于市將屠之
牛逸至子襄所俛首若有訴遣廉問得實歸其主軍
校羣嘯聚巖阻爲民患朝廷發官軍二千人勦之處
人恐子襄盡閉軍城中毋出陰遣人召捕之而定民
賴以安先後歷官三年一不以家累隨云

彭烈

本朝分省人物考 卷六十二 三十一 江西六 施

彭烈峽江縣人景泰二年進士除山東道御史建言
謫宣城知縣調羅山縣陞河南府知府加從三品服
俸陞廣東布政卒

陳遵毅

陳遵毅字貴弘峽江縣人成化五年進士由行人選
四川道御史清理邊儲建言謫遂平知縣改嘉定縣
累陞慶遠府知府卒

人物考卷之六十三目錄

江西吉安府

王佑 陳灌

陳謨 曾萬中

王沂附子伯貞 羅復仁

吳勤 劉崧

伍洪 胡壽昌

羅性 錢瑛

廖欽 王泰

蕭岐 王省附子禎

本朝分省人物考卷六十三目錄

蕭執 陳繼先

周鳴 梁潛

劉仕猷 劉叔恣

劉鎬 顏瓌

曾鳳韶 王艮

周是修 解縉

鄒朴 張彥方

劉亨 魏冕

鄒瑾 曾榮

王直 曾鶴齡

本朝分省人物考卷之六十三

江西吉安府

王佑

王佑字子啓泰和人元亂與兄匿平川山中力學不輟兄弟自爲師友稍出遊南昌與辛敬萬石曠楊士弘練高劉永之輩爲詩友行省平章遂禮致爲塾賓聲譽日聞四方江西旣內附佑首舉教官吏部試中經義偕十八人者入見是日太史奏星有文明之祥太祖皇帝喜皆除監察御史佑劾奸貪振憲紀風裁勃勃動人廣西平初置官府簡御史往任風憲以尋

本朝分省人物考卷六十三

江西七

適爲按察使佑及胡子祺爲僉事子祺曰古刑新國用輕典佑語曰蠻夷之人素昧君臣父子之分瀆倫傷化不及此時明禮法以示勸懲後將難制適從之分按郡縣吏民悚然三年偕子祺入覲時王師初平蜀重郡守之寄遂徙佑之崇慶州子祺知彭州崇慶承兵革凋弊之後植仆煦稿隨事盡心民稍復蘇坐累罷歸而從學者日衆教人務見實效江陰徐遜知泰和縣勵精爲治聘佑以訓導縣學日躬詣問政佑曰示民以好惡之正而去其蠹耳遜虛已聽之於是五六十年知泰和者其設施當大體得民心民至今

誦道之無厭者莫有過遜蓋自佑導之佑孝友忠信嚴毅端方海桑陳先生嘗言王子啓壁立千仞不負所學劉尚書子高言子啓真風紀臣包孝肅不足多也郭敬守曰子啓平居一言一話皆可書簡冊垂法戒蕭子所曰王公秋霜烈日見者自憚之佑擅文章養氣爲要中歲以前所著毀於兵晚獨存長江萬里稿年六十有六卒

陳灌

陳灌廬陵人幼孤事母孝好讀書元季憂世亂去習兵法環所居良田皆棄之築塲圃樹木焉人初莫測也後數年木森鬱成列而四方盜蜂起遂依以結屯聚兵鄉井賴以安陳友諒強禮致之灌度其不足與有爲也去不顧高皇帝克武昌灌因弘文館學士羅復仁詣軍門上謁上與語奇之灌因力陳救亂安民之說悉見納中山王北征以經歷贊軍已擢爲寧國府知府興學育材除民所疾苦抑兼并創戶帖覈戶口之欺隱者上聞取爲式布天下宣城田濱於河者歲患水伐石築堤作水門蓄洩民至今賴之所屬邑歲租不入官廩獨虛籍其數以上灌廉得之念此直踵宿弊然耳必發之得罪者滋衆乃揚言將

本朝分省人物考 卷六十三

二十

江西七 陳士儒

以其月日行視廩覆歲儲民聞爭輸補及期廩皆實而弊亦盡革有盜四十人以劫麥舟獄當死灌視其詞曰此愚民因舟被風漂抵岸而挺取之非素合謀也安得引行劫爲比乃獨坐爲首者一人餘減死論灌風采凝峻秉行清介訟者至片言立斷爲人所畏服其爲治務寬厚崇禮教鮮失所之民三年政化大行洪武四年謁告歸省召至京未命卒

陳謨

陳謨字一德泰和人學者稱海桑先生洪武初徵至京師賜坐議禮學士宋濂待制王禕交章請留爲國子師以式國人引疾辭歸家居教授屢應聘爲江廣考試官所拔士往往知名自幼能詩文初習周易後兼通詩書三禮諸傳旁及子史百家涉流探源辯折純駁犁然歸於至當雖不願仕而於當時之務一一籌諸胸中有扣如響嘗謂學必敦本莫加於性莫重於倫莫先於變化氣質若禮樂刑政錢穀甲兵度數之詳皆所當講一時經生學子靡然從之情者作拘者暢塞者通天下之士皆曰大江之西有大儒焉海桑先生是也事親至孝晨昏省定之禮甘旨滌滌之奉不懈益虔其於弟友愛尤篤族黨中有爲不善不

本朝分省人物考 卷六十三

三十一

江西七 陳士儒

敢使聞所著有海桑集書經會通詩經演疏共若干卷宋學士諸公初見其文評之曰湯盤禹鼎器之古也大羹玄酒味之正也惟智者知之楊文貞公有詩曰純明程伯子灑落邵堯夫或曰其為人似云

曾萬中

曾萬中吉水人自幼穎異元季為千夫長江右大亂萬中與弟粹中保障鄉里歸 本朝還守吉安兵至走京師乞援授萬中江省叅知政事弟粹中親軍指揮使後城陷兄弟皆戰死

王沂附子伯貞

本朝分省人物考 卷六十三

四

江西七 陶見

王沂泰和人博通諸經元季一試有司不合不復出洪武初徵為說書上書論事授福建鹽運副使以老罷歸弟佑為監察御史陞廣東按察僉事風槩凜然子伯貞為按察司試僉事奏振寬滯恤孤寡防海寇及鹽法等弊後為瓊州知府為政清簡正統中贈吏部尚書

羅復仁

羅復仁吉水人少嗜學博覽經史尤通天文書初僞漢辟為翰林編修復仁知友諒盜雄非帝王器遁去壬寅 大明兵取九江復仁杖策來歸 太祖甚喜

置左右癸卯從破友諒於鄱陽齋蠟書招袁臨吉贛諸郡甲辰友諒子理固守武昌不下 命往諭降之擢國子監助教以老故賜小車出入每宴見賜坐食飲丙午使山西反覆以天命人心曉譬之擴廓感悟洪武元年遷翰林編修二年齋詔諭安南歸所侵地安南遺金貝土物甚多却之 太祖聞其事益義而嘉之隨拜弘文館學士復仁敦茂簡樸若草野倨侮而胸中了了 太祖與談率意陳得失無所顧避常操南音以對 太祖顧賢其質直呼為老實羅而不名嘗幸其第復仁方操塗具完壁急呼妻抱机坐上

本朝分省人物考 卷六十三

五

江西七 張忠

上曰賢士豈宜居此命 賜第城內遇 天壽節製水龍吟一闕以獻 上悅厚賜之尋乞致仕許之陛辭 賜大布衣題其裾曰性雖僿率忠直可喜賜汝布衣放歸田里久之復召乘傳至京師奏減江西秋糧軍餉等事 上憐其老留三月乃賜玉帶銀杖裘馬食具遣還於家復仁從容侍帷幄隱玉於璞深受 上知始終無替以壽考終有玉堂倡和集行於世

吳勤

吳勤字孟勤永新人以元至順庚午八月生 太祖

高皇帝遣師平吉紀律嚴肅勤曰此真王師也向者
狐鼠寇竊惡能有成乃往見總帥時淮南郭奎為叅
謀深相敬愛就署為泰和令以親老辭洪武初大徵
天下名儒徵至京試經學第一治經術者俱職教職
以高下分等第三年有成許給傳來朝勤以高等除
武昌教授比至日與學者講明問學於聖經賢傳剖
析奧義反覆開導懇懇不已諸生才質高下咸底於
成勤待學者有如已子其父母曰我能生我子而吳
先生能成之我子吳先生子也當其及三年有勸其
趣駕就道曰吾安於此他非所願人莫能強居數載
本朝分省人物考卷六十三 木 江西七 張忠
解官歸將去弟子各持饋贐不受弟子皆泣曰先生
卒教我舍我去無以寓其誠而以是為贐願先生勿
固却之有言曰先生素不苟取遂皆持去及歸惟窮
篋盛故衣及錢數緡而已家居楚王遣人招致府中
教諸子湘獻王嘗致書問候有詩曰清才美德冠時
儒辭翰欣看逼褚虞自愧謏才思見面故憑海鶴寄
音書又曰螺浦回舟喜遂歸故園松菊想披離醴筵
薄設待君久同賦淮南招隱詩此其略也 成祖蒞
祚纂修 太祖實錄召入史館既畢荷賞賚 上憫
其老弗任煩勞優以閑職遂除開封府教授訓誘學

者雖老弗倦周王日召侍講筵待以賓禮賜坐命弗
拜贈予尤厚世子尤加崇愛每見不稱名惟曰吳先
生永樂三年二月二日卒於官年七十有六有匡山
樵者集黃鶴山樵集幽翁集六義齋集若干卷藏于
家

劉崧

劉崧字子高吉安府泰和縣人舊名楚入國初改今
名崧賦性純厚穎悟絕人五歲誦書日記數千言七
歲能賦詩嘗侍世父夜寢聞鷄聲因命為題即應口
成一律末句喚醒人間蝴蝶夢起看天上火龍飛世

本朝分省人物考卷六十三

七

江西七

父驚嘆是子他日必大用家貧無火執筆作文手為
皸裂而力學不廢年十六授徒他邑十九遊南昌時
善賦者稱十才子子見崧制作推讓為先列行省嘗以
薦授龍溪山長崧曰吾無勞於國而有恩命吾不為
也至正丙辰應鄉試報捷者至崧適自田中摘栗歸
悵然泣下曰始二親篤於訓子奈何今日不及見時
天下大亂州城陷家覆蕩避地累歲無以為生會
皇明開基四方以次平定洪武三年以經明行修薦
召見奉天殿授兵部職方司郎中小心謹畏歷署駕
部總部事奉命鎮江徵糧鎮江多公侯田土往往掣

肘崧歸秦之得旨令輸納與民不異未幾命往廣東買馬又明年往山東視驛遞萊州視遭風海船時天寒水凍衝冒風雪跋涉水陸四閱月以訖事聞在兵部幾三載以振職稱嘗祭方丘崧與吳琳宋濂侍從應制賦詩甚見褒六年陞北平按察司副使尤持憲剛靜以臨之考覆屬官以廉慎為先讞獄必求其生而不得乃置之法受罰者亦自為當罪而亦不怨作興學校刻石立禮部學規榜示府縣勿以差役溷諸生而廢學考問風俗立宋忠臣文天祥祠於大興縣學之側以宛平驛事煩馬少遂損僻路分添設走遞

本朝分省人物考 卷六十三 江西七 張忠

及設法關防賣鹽退引禁治影射私鹽為政裁畫有方民甚賴之十年考績入朝時更定外官九年為滿勅諭還任未幾坐事輸作京師尋放歸鄉十三年春徵拜禮部侍郎賜之誥有學古古今之褒既拜命曰稽古典惟直惟清 上嘉之以其文學雅正勅撰滕國公顧時海國公吳頤神道碑及撰申國公鄧鎮襲封誥宋學士景濂嘗觀其文嘆曰此司馬遷之文求之今世未有過之者於詩尤所推讓夏四月命攝吏部尚書時侍郎陸讓以察為明崧一處以寬銓次不苟藻鑑不失五月甲午雷震奉天殿 上命廷臣

悉陳得失母有所隱崧等頓首曰人君一身上通乎天災咎之至惟修德行仁可以弭之 陛下遇災能懼省躬思過復開道臣等盡言臣聞惟德動天無遠弗届能修人事此所以消天災也 上曰唐虞之時君臣更相戒勅卿等輔朕當以古人為法盡心無怠尋以老乞休許之賜以勅諭十四年三月徵拜國子司業賜鞍馬令朝夕繼見見則必燕語移時夏四月得疾遽卒 上悲悼因言劉崧前日徵來朕怪其年老命教國子將以作養我公侯子弟以待用豈意其至此哉即命有司治殯歛諸費皆官給遣御史唐壽

本朝分省人物考 卷六十三 江西七 張忠

論祭崧家素貧所居室弊半覆以茅嘗欲更之未能曰今後世師吾儉家有田五十畝皆館授時所置後居官未嘗有增益在北平身所覆被亦館授時物也嘗為鼠所傷始命更置其鼠傷者仍命補葺以衣其子歷官十一年未嘗以家累自隨嘗携一童子到官亦遣還當赴北平時始盡支職方之俸廩易白金九十金封托鄉人收貯及歸往取則其人已用之止餘封紙而已崧亦不復問平生手筆子史醫卜地理等書六十帙北平入府誌書三十帙北平事蹟一帙詩文三十餘帙惟職方詩集行于世

伍 洪

伍洪字伯宏安福人資稟清純為人剛介幽居僧舍力學二十餘年慨然有志三代顧夷虜之時耻事之我 高皇帝逐夷定夏為洪武三年庚戌詔各行省以經義試士備用洪曰道可以行矣以春秋就試主司石門梁寅薦於春官明年由春官登吳伯宗榜進士傳臚擢山東臨清丞改徽州績溪簿有惠政部使奏最陞應天上元令未幾 上察其清慎將擬太任適父性中總邑賦輸於應天病卒於官邸洪視病執喪靡不盡厚奉柩歸葬悉倣禮制郡邑趣之仕辭曰烏有母老而養不顧者又吾幼失恃荷母訓愛良多而吾之志亦小試矣奚必計其爵之崇卑乎洪家富丁繁每欲效張公藝以齊之諸弟或不遵曰是吾德薄古人強之終生異也於是隱於梅溪以養母至於眾積憑弟自擇惟拾一二疲敝之具庶弟曰仲舒甚穉母子子立洪子視之及長割其所有俾獲成立洪武丙寅異母弟曰伯讓得罪出亡 上遣官校擒之弗得直趨梅溪執其母復命洪哭求代母曰汝往必死莫若老身當也媼族朋舊諷之亦然洪曰母離步子即自死敢以弟故累老母而全已身也官校頗難

本朝分省人物考 卷六十三

十

江西七

之洪奮然曰罪固死矣以子代母以兄代弟何不可之有就繫而行不知所終壽五十九

胡壽昌

胡壽昌字子祺吉水人生時其夕有大星墜舍自幼已屹然負巨志 皇朝兵初下吉安而新淦寇猝至民陷於脅從者千餘人寇去總戎者恚將盡殺千餘人壽昌曰吾不可坐視即謁總戎言從寇非民所欲不可盡殺將軍奉命來為弔民耳今不察輒盡殺千餘人失民心矣總戎者悟盡釋千餘人不殺洪武三年舉文學士為御史嘗上言今國家宜徙都關中據古今說事情累數千言未幾朝廷得廣西授廣西按察僉事至則問察民瘼遇罹於法者必有哀矜不忍之意時尋適為按察使持法嚴急屢出語諷切同僚壽昌獨曰法貴平嚴失平矣不為動改知彭州灌縣故有都江堰秦李冰所鑿渠引江水溉成都諸郡田兵興堰壞諸郡田蕪廢前之繼修堰者必伐石錮鍊費動以萬億計至是堰壞無敢復言修者壽昌曰土木可以固豈必鍊石哉即為畫聞於朝從之壽昌曰得二千人足矣悉疏決淤塞度所用伐竹為籠實以沙土又伐木貫籠並緣壩岸江水乃復溉成都諸

本朝分省人物考 卷六十三

十一

江西七

郡田民大利之書其法於牘以貽後人又修彭州棚口諸堰盡溉彭之田初堰廢井泉隨之竭民率苦出負汲十數里堰復民乃復便井飲陞延平知府其惠愛一如彭州廳事側有淫祠數為妖前知府徙舍避焉壽昌命毀祠更作室其上居之妖頓息得疾數日一夕其家在吉水者復有大星墜舍遂卒於官洪武丁巳十二月年四十五贊者曰嚴不病下寬不宿靈威懷並著云

羅性

羅性字子理泰和人少孤貧自奮于學既冠遭元季兵亂走避巖谷崎嶇困窮未嘗廢書卷性耿介一言

本朝分省人物考

卷六十三

十二

江西七

一行必端不與俗人接雖至戚或涉邪行輒絕之然口未嘗言陳心吾常稱有冰玉之操洪武初詔郡縣立學御史劉昭先命知縣采譽望聘性為之師四年中鄉貢進士授德安府同知先是有寇號糟李萬戶者以眾入府治劫殺郡守以下掠庫藏官捕其眾悉就戮獨糟李逸去久不獲詔捕益急踪跡所過宿逮繫數百人諸邑騷然性下車民有負一囊詣府言糟李實死矣此其遺骸也問死幾何時矣曰一歲曰始死時曷為不言又驗其鬚髮皆在而皓然白也曰糟

李年未四十此安得是耶笞而逐之悉出所繫數百人諭之曰 朝廷欲得糟李耳糟李且出即汝等暮皆寧家何為不自愛其體膚乃甘受楚毒而庇一賊耶能從吾言今與汝等期十日獲賊即汝皆良民眾叩頭曰府公欲生我敢不盡死力乃悉縱之七月生縛糟李至庭下民皆以獲賊勞而遣之命下賦民鐵造軍器時兵亂初定商旅未通郡民粹無所辦性居第後治蔬圃得窖鐵萬餘斤民爭趨求售同官亦動以售民性曰固天以濟民豈為我也悉以代民充賦有餘皆入官庫銖兩不私為政以寬恕為本惟賊吏

本朝分省人物考

卷六十三

十三

江西七

無所假應城縣吏劉仁盜官麥事覺府逮治之仁懼逃匿會按察僉事朱逢吉過德安仁出誣告將就鞫湖廣叅政等聞之馳召吉還謂吉曰君不知德安有羅同知耶廿七府之賢守裁三人其可以枉忠賢哉逢吉卒白其誣而正仁盜麥之罪秩滿詣京師坐擅用棗木染軍衣為陳寧所劾謫戍西安行囊無數百錢怡然就役不以得失置意既至西安達官貴人皆敬禮之而安于處賤未嘗一毫干人郡諸生從之受經後多舉進士去時四方老師碩儒在西安者數十人吳中鄒奕獨曰合吾輩所讀書庶幾羅先生之半

蓋先生學其博為文章切深詩古體宗漢魏近體宗盛唐書法鍾元常年七十卒楊士奇少孤五歲性取而教育之明年官德安又挈以行又三年有陝西之役屢遣書督其學

錢 瑛

錢瑛字可大吉水人元祚日非紅巾盜起所在皆爭為雄長士夫顛頓可大奉其祖及其母崎嶇以避之走廬陵之富田又遷泰和之梅岡既又走其邑之大洲尋又奔雷川最後又奔廬陵之李坑李坑路極險盜又追及之祖梧岡被鎗不死縛之可大聞即冒白

本朝分省人物考

卷六十三

十四

江西七
劉國才

刃奔訴乞以身代盜并繫之可大訴不已梧岡亦哀訴無子惟此一孫耳兩人爭相代死情極悲慘賊憐其意遂兩釋之可大方脫時其母尋亦被執而可大妻張氏翳伏叢薄中窺見賊已執其姑即自出迎謂賊曰姑老矣請釋姑而縛我賊熟視良久即解其姑縛縛張氏張氏既就縛擲所携袖中雙鞋與其姑訣曰婦無用此矣且行且睥睨其姑稍遠即罵賊不肯行遂死之 國朝兵定有司以可大之賢凡三薦皆以親老辭親既沒終身為之悲痛梧岡故所築樓可大每一登之輒流涕因名之曰思樓為人豪健慨然

以氣自負鄉有劇寇嘗殺人有司憚不敢捕以屬可大可大立捕殺之年若干卒于家一子曰遂志以科第官為山東按察僉事

廖 欽

廖欽字敬先吉陽人自少強學明毛氏詩於易書春秋通其義洪武三年 國家設科取士與弟敬存具薦于有司一不偶輒歸以事親講學為務明年例取至京試才學優等授懷慶等府河內縣丞比至一以忠信導民未幾化其俗河內西北要衝往來絡繹民疲於供給以祿入助民為費會稅務侵匿課錢事覺

本朝分省人物考

卷六十三

十五

江西七
劉汝奇

連及累年收稅之人省臣督責甚急民逃匿太行山欽為言曰民竄矣急之則不可得盍少緩焉與我以期不効併責我省臣曰諾就以委欽欽求侵匿人姓名及錢數榜列于市且潛使人告其速來保無他民素信欽皆奔走而集惟恐後未及期而錢足公私不擾欽言于省臣曰錢既足民得無罪乎曰然曰何不許其自首省臣從其言民獲無事他郡械繫者不絕於道民曰微我公我其亦若此乎八年秩滿調蘇之吳江丞吳江素繁劇難治有隄護田數千頃久為水所廢田不得耕勢家互相爭奪不決事聞于朝始得

夕不告而去

王泰

白令官為之修築責成之期甚迫同寮皆失色欲以
他事避去欽獨怡然自任即詣隄所計其工費召民
從事且諭之曰隄成民享其利不成我受其禍於是
民私相戒曰我曹當戮力成之母俾我公蒙害至期
隄成秩滿既去適河內舊虧課錢三千五百文典守
者指以誣欽亦不辯遂受謫役作鳳陽河內吳江之
民聞者來為欽助役既而釋歸杜門以教諸子鄉人
無賴子構詞以誣欽兄弟俱逮下獄欽語弟曰我與
若萬一有不幸其如老親何莫若我受辜爾得歸事
親俱溺無益也弟曰我當受之留兄以事親欽曰兄

本朝分省人物考

卷六十三

十六

江西七
劉汝奇

可以蓋弟弟不能掩兄乃相讓于訟庭欽曰其咎在
我弟實不知觀者惻然感動由是弟獲免欽竟謫戍
富峪數年以老病還嘗經河內休于途民見之曰是
我昔日父也欽給曰我商人非爾父於是聚老少爭
識之乃羅拜於前欽不能隱競持酒肴相慰籍明日
各持縑以遺之須臾哀數百匹欽辭不受民曰父有
德於我欲報無所今父幸涉我境持此以報父願卒
受之欽曰我何德於汝縱汝德我何不愛我以德乎
苟以所贖為可受則昔之所為不過沽名以觀今日
之利我豈受哉民益懇請受欽揣知其意牢不可却

夕不告而去

王泰

王泰泰和人天資瓌瑋自幼穎悟日記千言甫冠羣
經諸史悉通大義性至孝家居時母陳病侍疾晝夜
不解帶湯藥必嘗而後進洪武壬戌朝廷聘賢才有
司以泰應詔 上御奉天門試經學及時務擢泰第
一授廣東按察司分巡雷州府海康縣試僉事會罷
分巡僉事召還吏部請改官 上曰江西秀才王泰
頗讀書授工部主事未幾遭父喪去戊寅以薦授瓊
州知府守將秦崖州黎叛請兵勦之泰曰此但黎人

本朝分省人物考

卷六十三

十七

江西七
劉光

讐殺耳兵發則禍及無辜請以身任其事乃遣廉吏
往察之已而果然黎得免於兵瓊田歲三獲所入甚
薄租皆給守土將士將士每乘其乏橫斂之泰令民
每獲則輸其租民遂免害郡民健訟一事或連十百
人吏緣為奸民不勝擾多亡去黎中泰諭以理訟遂
日簡嘗大旱父老禱之終不雨泰乃齋沐暴露禱之
烈日中明日大雨半舍外尚焦然再禱之復大雨是
歲大熟及去官送者十百餘里

蕭岐

蕭岐字尚仁泰和人甫成童以書經有聲場屋比壯

博通羣經尤長於四代之書四書習更精熟每臥誦以勉諸生性端重不喜諧謔嘗宴會豪士有垂老者中席酣暢或舉杯相屬曰吾徒身後碑銘惟先生是托岐拒其酒正色曰須好爲人庶不閣吾筆也一座爲之改容世變以來禮法廢弛閭里宴集諸少誼譁恣肆動至速禍有識多畏避不敢赴聞岐在則忻然相卽曰一蕭先生足可鎮席矣客故家大族遇盛宴有珍味不一舉筋累舉不就洪武壬戌春詔舉賢良有司強起之至京首陳十便曰審察誣告謀叛者以便良善禁止實封者以便人倫免池塘之稅以便耕種早計撥秋糧以便會計水脚早行移折收以便民間預備雜料隨土地所宜以便價直雜造不必團局拘監以便民自爲罪坐所由以便同寅依律科斷以便當罪考覈生員以便學校書奏 上嘉納授潭王府左長史辭至再四忤旨謫校雲南楚雄府受詔就道上追還入見復得旨留京師朔望一入觀居歲餘一夕夢神人引至一室有古書篋篋之類指示之且曰就此得歸家矣是歲乃有陝西平涼府學訓導之命既至學舍則皆如夢中所見因嘆曰何莫非命也自是安於教授嚴條約以身先之學者信服名播省

本朝分省人物考

卷六十三

十八

江西七

憲當大比歲幣聘交至必以主文正考官爲請曰掄材爲國正吾儒者補報事也校文湖廣福建奉詔考定典籍入對屢稱旨往來翰林國子凡四閱月已而待歸老之請營樂丘於楓山因語鄉黨曰吾老矣若等宜守律法勿犯條例 上神聖聰斷動必加法不汝貸也二十九年六月二十二日卒年七十二子二忠字用文遵字用道所著述累千百篇求墨蹟者所至填塞常曰吾爲文不肯諛人片言但移置別一人使用不去又嘗取刑統八韵賦引律理爲之解併爲一集或問之曰二書本不可同日語胡爲合緝答曰天下之道本一而爲用則有二曰得與失而已出乎聖學必入乎刑統吾合二書將使觀者知所擇也尤不信鬼神邪怪之事鄉鄰有疫癘無憚昏暮赴救之曰此人家均稟不正之氣故均得一症鬼安在耶當時學者望而愛之知不可奪之節仰而思之有不可及之德相與卽其名齋者而私謚爲正固先生

本朝分省人物考

卷六十三

十九

江西七

王省 附子禎

王省字子職吉水人洪武五年領鄉薦至京詔免會試命吏部次第擢用省以親老乞歸養尋以文學徵太祖親試稱旨當殊擢省自陳才薄親老乞便養

得浮梁教諭丁艱起復改睢陽凡八年又改濟陽靖
難兵至省為游兵所執從容引譬詞義慷慨眾舍省
省歸坐明倫堂伐鼓聚諸生謂曰若等知此堂何為
明倫堂今且勿多論只說君臣之義何如遂大哭諸
生亦哭省以頭觸柱死女適邑人周鳳岐從之官即
墨簿聞靖難兵至濟陽女逆知父必死泣曰吾父必
不生矣請于夫遣人往凡三往竟得其遺骸歸葬後
有司祀之學宮子禎為夔州通判亦抗節死云

蕭執

蕭執字子所一名雅言泰和人領洪武辛亥鄉薦為

國子學錄令分教公侯卿大夫子弟洪武五年夏至

上將有事於北郊前期丁巳大雨初止駕詣齋宮中
官奉旨召兵部尚書吳琳禮部主事宋濂率文學能
賦之士從於是執偕禮部尚書陶凱工部尚書黃肅
翰林應奉張籌等十二人趨出入見上顧問曰今茲
祀事是將天宇澄霽克厭朕心爾等以文職陪祀宜
即時物所有賦詠以來因命賦殿下柳檜併荷露退
而詩成以次呈獻 上親覽誦之品第有差既而復
命中官傳旨令賦詩者往殿後觀梔子花人給紙一
俾各賦詩詩既成序進如初執最在後上閱其詩喜

動於色因命起居注劉季道出諸詩令在侍者徧觀
之執班列最遠則又召使前其為 上所寵賤如此
申國公鄧愈統兵勦龍泉草寇將蔓連泰和執詣軍
門陳禍亂之由於是愈下令禁止玉石之焚有別邑
人德之禮部侍郎劉崧序其詩集行於世

陳繼先

陳繼先字仲述泰和人幼穎悟特異受詩於劉尚書
崧數年學日進雖貧約僅自立而氣岍高邁不少降
意時人尚書甚重之久之益肆力古學諸子百家靡
不究覽蓄之既富出之沛然渾厚浩博而簡嚴精粹

本朝分省人物考 卷六十三 二十 江西七 早四

一時先生長者皆稱之或慕其為文而求之者輒欣
然許諾退坐軒中握筆細書片楮如蠅頭遇得意處
琅然誦之聲出金石有不知饑寒之在體者久之以
詩登洪武乙丑進士第明年授山西道監察御史改
山東道出按事於西閩海間名聲益著繼改廣東道
時天下決獄多藉於京師又 太祖高皇帝慎庶獄
決獄者惟弗稱 上旨是懼獨繼先所訊不用威而
得其情奸宄懾伏五鼓而興夜深而寐凡憲臺章疏
多出其手訊鞫之暇輒為文自娛一時與交皆名士
大夫識與不識皆稱為陳古文而不名所為文多散

失存者五卷洪武甲戌没于官

周鳴

周鳴字岐鳳吉水人性敏悟襟懷豁達言論侃侃如也才識尤高邁過人洪武甲戌以經明行修薦為桐城儒學訓導桐城學校廢弛生徒多不知學先生嚴立教條講道勸課有方諸生喜得師亦勤於學自是決科躋仕者相繼丁外艱服除擢即墨主簿以明敏詳密為藩司所重遣同御史僉事往登州讞強盜獄盜七十人而稱屈者四十五人御史執不與辨鳴詳察其人皆以宿怨為盜所誣指從容以其故為御史僉事言且歷舉前代賢臣以辨冤獄得名者譬曉之御史感悟四十五人遂得不死會兵興賦即墨軍需鐵七十餘萬鳴具奏地濱海隅鐵非所產而府庫積鐵尚多請出以資軍用庶蘇民力所司又令即墨民輸豆軍前准其歲入米數已而復徵其米而令以鈔償豆直鳴復奏民無信不立今民既輸豆又徵其米是無信於民也請從初令以信於民且連奏便民十餘事朝廷皆納其言坐累下繫會赦免民留之不得相率送至於淮皆涕泣而別永樂甲申徵授國子監學正未幾上以漢王失德由輔導不得人詔選端

本朝分省人物考 卷六十三

三十一

江西七 梁仲德

直之士為之輔遂擢漢府紀善慨然以輔成王德為

已任時王府有從征軍三千人不隸籍兵部又據有諸衛草場縱下人於外攘民物所為不法類此者輒具諫王雖面從而心忌之且王素蓄不臣之心雖開寶賢堂名為延問羣臣之所實欲招致匪人以經營奪嫡計鳴心知之作寶賢堂箴累千言寓規諷之意於中冀格其非心王益忌之會駕北巡王擁重兵出迎威張中外鳴言王宜抑兵威退守藩臣之禮無啟疑心遂激王怒明日令守衛官無故詬鳴鳴不堪其辱以白王王令質於儀衛司已而獨送鳴於朝下錦衣衛獄欲置以重辟時 仁宗皇帝以皇太子監國詢知鳴以數諫王得罪非有他故降為長洲儒學教諭秩滿陞國子博士至南京召見於文華殿慰諭甚至且曰他日當大用卿其遇知 仁廟如此丁繼母憂服除陞兵部職方員外郎宣德乙卯致仕卒

梁潛

梁潛字用之泰和人自幼好學警敏偉然有鉅人志甫弱冠其文章論議已馳騁頡頏諸先輩洪武丙子選鄉試明年授四川蒼溪縣學訓導蒼溪僻遠過使客終歲無幾人而山水可適其學者前此未嘗遇明

本朝分省人物考 卷六十三

三十二

江西七 劉光

師用之樂得其地且暮坐講席開諭辨析必盡其說諸生皆忻忻有嚮進意稍暇獨行清流茂樹間吟咏自得又明年用薦除廣東四會知縣推誠愛民刻宿弊崇寬政臨之以平易導之以禮讓殷勤撫字稍暇輒就學舍親授業諸生歲餘民咸悅服而爭訟息學校興流徒來歸以累千縣有瀧橋河世傳吏有廉平之政即河水清自用之來訖其去河水澄潔可鑑又明年改陽江又改陽春陽春徭獠環處稍不得所欲即默怒跳躐不可制用之待之如子而不拘於法亦皆盡誠事縣令如父敬恭命令唯恐不及所歷之處

本朝分省人物考 卷六十三 江西七 二十四

將去人皆遮道留之不得至有流涕者永樂元年召修 太祖實錄書成陞翰林修撰五年命以本官兼右春坊右贊善時修永樂大典至四方儒學老成充纂修及善寫之士幾三千人人眾事殷特命太子少師姚廣孝禮部尚書鄭賜總之已而賜卒命禮部翰林院就本院推舉才學服眾者代賜遂舉用之用之公方明決蒞事有程而惰慢放肆者不樂之相與誣其過於 上召問其對明晰 上曰梁潛言是遂抵造誣者罪於是以前文事裨益 皇太子尤為所重

上幸北京驛召赴行在八年南還十一年復扈從北

京十三年考禮部會試十四年南還明年復北狩將發親擇侍從監國之臣時翰林獨留學士楊士奇特詔尚書夏原吉呂震方賓舉一人副之遂以命用之其在 皇太子前累累進善言皆見嘉納而寵以賜賚是年考應天府鄉試十五年 上車駕巡狩北京仁宗皇帝在春官有陳千戶者擅取民財事覺令旨謫交趾數日念其運餉有功貸還言於 上曰上所謫罪人 皇太子曲宥之矣遂殺陳千戶事連贊善梁潛司諫周冕既逮至 上親問之潛等具實對 上顧翰林學士楊榮等曰事固無預潛他日

本朝分省人物考 卷六十三 江西七 二十五

又諭禮部尚書呂震曰事亦豈得由潛然猶未悉陳千戶非出 上命謫之也兩人者皆未釋有毀冕者數言不可用遂併潛皆死非命十六年九月十七日年五十三用之闖夷弘毅耿介自執其智足以燭幾其德足以及物其才足以興理其自任之重不肯下古人學通諸經尤長於詩易文章馳騁司馬子長韓退之蘇子瞻亦間出莊騷為奇古詩高處逼晉宋所著有史論碑傳記序銘頌贊述五七言古近體詩若干篇子男四果棗楨榆果棗舉鄉貢

劉仕鉅

劉仕猗字伯貞安福人蚤受諸父訓督遊舉場遭紅巾亂安福爲寇據仕猗以元故臣不奉號寇將屠其家母張度難全率羣女婦自沉茨潭以死獨猗械至寇所訊曰爾何恃而不從久之得釋避地邑南社洲天下既定於皇明猗以門第自負爲倔强者所忌而致諸役卒見辱於邑少令張禧歸益奮於學字其齋曰悠然學徒日衆洪武十五年詔舉賢良受禮幣入朝上策以求賢圖治以安生民之道卽時條對其大要曰安民在於圖治圖治在於得賢賢才者致治安民之具也然取人之際自古爲難取之以貌則美其容者或內行之不立考之以文則飽於學者或才用之不足辨之以識則達于務者或心術之多乖采之以言則佞于詞者或力行之未逮收之以望則隆其譽者或實德之尤病以是五者進人且曰不然況今郡縣進人皆外是五者惟求庸碌之流醫巫工卜之子以塞一時之責不虞後日之弊如是而欲望政治之興生民之安其將能乎臣愚以爲任一人第衆人之優劣于會考之中莫若任衆人別一人之臧否于分察之際自今學校歲貢生員宜令學官審其朋徒郡縣覆之學官其果經明行修然後升之禮部有司

本朝分省人物考

卷六十三

二十七

江西七
劉汝德

歲舉人才宜令縣令審之鄉里郡守覆之縣令其果行藝淑精然後進之吏部其學官所貢有司所舉每得人則每錄以爲績每失人則每紀以爲過績多來考者有陟過多來考者有降又厚祿賞以勵其廉正信刑罰以警其奸墨則內外官舉得其人人皆稱其職治不圖美而美民不待安而安野無遺賢萬邦咸寧不在唐虞而在今日矣 上是其言欲置諸近侍會朝有增設風憲分察郡邑之議遂授廣東按察司僉事分察瓊山諸縣瓊在廣海外新內附其地遠其民夷其習譎猗德以緩之刑以威之踰年而奸盡發本朝分省人物考

卷六十三

二十七

江西七
陶仁

有悠然咏十卷藏于家

劉叔恚

劉叔恚廬陵人博學有文外和易而內廉介初為沅陵知縣以愛民為務政勤綏撫縣介溪峒先是困徭役竄山谷叔恚至計其丁貲而役之加以撫綏民悅流徙者悉歸復業有爭訟不治以法為開諭再三心服而後遣之官市物于民未嘗急索民得從容應命而免於價浦之患陞北京行部員外郎時置行部未久且兵饑相仍之後庶務叢脞而工曹尤甚凡中外造作材物率取具焉董作役者皆中官氣勢不可近

本朝分省人物考

卷六十三

二十九

江西七

六曹官往往被箠繫叔恚以廉勤獨見禮于事或叔恚言不可輒已召修永樂大典為副總裁其去沅陵六年矣沅陵民累累陳乞還叔恚遂陞辰州府同知一州七邑之民得叔恚如得父母及建北京官殿率郡民就役永樂十八年十月卒于北京郡民在役者皆悲慕之且殮祭役滿而歸相率載其喪葬辰州

劉鎬

劉鎬字武性龍泉人父允中廣西憑祥巡檢鎬其次子幼喪母哀慕如成人從父允中習舉子業迥然出儕輩允中既歿於憑祥在廣西窮處與交趾接壤風

氣既殊人跡罕及鎬以不得歸骨為恨每一念之輒悲慟鄉先生晏彥文知而憐之欲成其志乃言於廣西藩憲大臣使聘為臨桂縣學訓導鎬以疾辭因以其情告之郡博士陳廷器廷器為達於叅議班公班公嘉其孝假以公事往鎬至憑祥求之客塚纍纍荆棘中莫可辨識允中在任時所養家僮劉四者既轉入交趾蠻夷殊俗莫有知其墓者鎬日夜環而哭幾欲無生既數日忽劉四從暮來若有憑之者因得知其處啟視故衣衾宛然又刺血驗之誠是遂負骨歸葬然猶恨昔者不得躬侍疾營醫藥故久而猶悲永

本朝分省人物考

卷六十三

二十九

江西七

樂丁酉廣西聘典考試人服其公性豁達好施賑人匱乏惟恐不及至有托其妻孥者則護視賜給如骨肉與人交未嘗以盛衰易意卒年六十四

顏瓌

顏瓌字伯璋廬陵人洪武末任沛縣知縣死節年五十聰敏介直能文辭洪武己卯詔郡邑徵賢良有司以伯璋名上擢徐州沛縣令以善政撫民未幾南北構兵官軍駐德州淮北之民終歲給餉伯璋布置有方民趨事赴功不敢告勞三年辛巳六月望北兵直壽濟寧過沛邑沛民多竄匿兵退伯璋設法招來之

民復業如故秋九月有旨設豐沛軍民指揮司集民壯五千人築七堡爲備禦計尋調三千人益前軍所存二千皆疲弱不任戰四年正月兵駐沙河二十二日北兵來攻伯瑋遣縣丞胡先百夫長邵彥莊詣徐都督告急二十六日攻益急伯瑋呼弟珪暨次子有爲曰兵勢盛孤城無援事不可測倘有難汝脫身還家白大人瓌旣爲人臣子職弗克盡矣又名爲士隱難豈容苟免乎取筆賦詩一章題察院壁曰太守諸公鑒此情祇因國難未能平丹心不改人臣節青史誰書縣令名一木豈能支大厦三軍空擬作長城吾徒雖死心無憾望采民艱達聖明漏下二鼓報兵入東門指揮王顯迎降伯瑋具冠帶升堂南望拜雉經死子有爲自刎以從俄而諸軍至擒主簿唐子清典史黃謙俱死弟珪幸脫走濟寧踰月還沛詢邑人知伯瑋父子屍已爲胡先埋瘞古語有云謀人之軍師敗則死之謀人之邦國危則亡之若伯瑋以藐然之躬寄百里之命平居素志已定視死如歸賦詩述情賢於人遠哉

曾鳳韶

曾鳳韶廬陵人洪武末年進士建文初爲御史會藩

本朝分省人物考

卷六十三

三十

江西七

王入覲馳皇道入且不拜鳳韶侍班言殿上宜展君臣之禮官中乃叙叔侄之倫由皇道不拜太不敬上曰至親不問靖難兵起鳳韶使北平請罷兵不報靖難後召復御史不至尋加侍郎召又不至刺血書襟上曰予生廬陵忠節之鄉素負立朝骨鯁之腸讀書而登進士第仕宦而至綉衣郎旣一死之得宜可以含笑于地下而不愧吾文天祥屬妻李并子公望曰我死勿易衣遂自殺時年二十九李亦自經死

王良

王良吉水人幼孤事母孝洪武庚辰進士及第授翰林修撰屢上言時政無所回隱靖難師至城下是夜飲藥而死

周是修

周是修名德以字行江西太和人少孤力學舉明經爲霍丘學訓導入見太祖問家居何爲對曰教人子弟孝弟力田太祖喜擢周府奉祀正逾年從王北征至黑山還陞紀善建文元年王有過盡逮府吏詔獄是修以嘗諫勸得免改衡府紀善衡府者建文之弟當是時衡王猶未之國是修留京預修纂實錄好薦達知名士陳說國家大計及指斥用事者誤

本朝分省人物考

卷六十三

三十一

江西七

國用事者怒共挫折之是修屹不為動靖難師渡江
官中自焚是修留書其家別友人江仲隆解縉胡靖
蕭用道楊士奇付以後事暮入應天府學自經死年
四十九 文皇繼統都御史陳瑛言是修不順天命
請加追戮 上曰彼食其祿自盡其心勿問是修常
曰忠臣不以得失為憂故其言無不直烈女不以死
生為慮故其行無不果因取先代及近世忠節遺事
輯為觀感錄朝夕省覽

解縉

解縉字大紳吉水縣人自幼穎悟絕人五歲教之書

本朝分省人物考

卷六十三

三十一

江西七

應口成誦七歲賦詩十歲日誦數千言終身不忘十
三盡讀四書諸經貫穿其義理宿老不敢難也而文
思溢發十八舉江西鄉試第一洪武二十一年會試
禮部第七廷試讀卷者以所對策論過高抑置第三
甲時兄綸及女弟之夫黃金華同登第 太祖喜其
一家三人出仕授綸禮部祠祭司主事縉與金華皆
中書庶吉士日侍左右甚見愛重閒暇數召兩人議
論考其所學一日寓大庖西室諭縉曰爾試舉今施
政所宜直述以聞退即具奏大槩言 陛下得國之
正非漢唐宋所及取天下於羣盜救生民於塗炭徐

定燕都市不易肆而女寵外戚寺人藩鎮之患消融
底定皆處之有法不邇聲色不殖貨利不為遊說
遠過漢唐宋之君而無愧三代聖主矣惟願喜怒一
聽於天理而推誠任使不以察察為明又言 陛下
拳拳於畏天畏鬼神治民治強暴然畏民者畏天之
本治心者治民之本又言令不必數改數改則民疑
刑不宜大繁大繁則國玩法司近有朋姦罔上倚法
為姦二條下人殆難措手足矣又言 御覽之書宜
集唐虞夏商周及濂洛關閩之言隨事類別以備勸
戒又言六經殘缺莫甚禮樂宜正禮經及訪求審樂

本朝分省人物考

卷六十三

三十一

江西七

之儒作樂書又言祀天宜復掃地之規尊祖宜備七
廟之制太常非可以隸俗樂又言僧道之壯者宜出
之使復人倫經咒之妄者悉火之以杜誑惑斷瑜伽
之教禁符式之科絕鬼巫破淫祠以底善治又言進
人當擇賢否授職當量重輕今大誥有不為君用之
罪則仕者不復擇矣又言名不正則言不順故賈生
定官名易服色願明經制以任諸侯王於眾職推恩
義以待百執事於一體大臣不施辱罰屬官不加捶
楚又言古者鄉隣善惡必記今雖設申明旌善二亭
而無黨庠鄉學之教互知之法雖嚴訓誥之方未備

宜取古人治家睦鄰之法若古藍田呂氏鄉約及
義門鄭氏家範布之天下世臣大族率先以勸旌之
復之爲民表率而致治不難矣又言易曰王公設險
以守其國重門擊柝以禦暴客而近世狃於宴安墮
城池銷鋒鏑諱兵事以爲天下已治一旦或有不測
之虞何以爲備宜勅有司以時整葺寬之歲月守以
里胥額設弓手課之射教民以農隙兼習兵且乞設
武舉以收英才又言宜廣鄉教前代多有書院有學
田有貢士莊宜修復以教養賢士又言極刑之禁慮
有遺才給配婦人恐傷節義既奏 上嘉其有識大朝分省人物考 卷六十三 江西七

素與兵部尚書沈潛不合二十三年潛奏縉入部堂
與胥隸嬉慢非體 上慮縉優閒怠逸卽除江西道
監察御史蓋以繁劇玉成之也值都御史袁泰構害
張景怙勢恣橫諸御史莫敢糾其非縉執筆起草力
詆其奸狀又代虞部郎中王國用論救韓國公李善
長寬疏 上慮其涵養未至召縉父謂曰才之生甚
難而大器者晚成其以爾子歸益進其學又諭縉曰
朕與爾義則君臣恩猶父子其歸益盡心於古人後
十年來朕大用爾未晚也縉侍父歸感恩勵志所造
高皇升遐縉趨赴臨權臣構害謂赴臨非詔

旨遂謫河州未幾曹國公李景隆錄其詩以聞召還
入爲待詔一日於宮中披覽建文以來羣臣所上封
事千餘通 命縉編閱有關政治者留覽餘悉焚之
文帝正位雅聞縉名召置左右授翰林院侍讀初
開文淵閣簡用七人備顧問以縉爲首論之曰爾七
人朝夕相與共事鮮離左右朕嘉爾等恭慎故在官
中亦屢言之然恒情保初易保終難朕常存於心爾
等亦當謹終於始庶幾君臣保全之美縉對曰 陛
下不以臣等淺陋俯垂信任敢不策勵圖報 上喜
各賜五品公服又曰皇后欲召見爾七人命婦其卽
令赴柔儀殿見之本年復進侍讀學士永樂二年八
月縉呈大學正心章講義 上覽至再諭之曰人心
誠不可有所好樂一有好樂泥而不返則欲必勝理
若心能靜虛事來則應事去如明鑑止水自然純是
天理朕每退朝默坐未嘗不思管攝此心爲要十二
月文獻通考成賜宴禮部是歲文華寶鑑成 上賜
皇太子諭縉曰朕皇考訓戒太子嘗采經傳格言爲
儲君昭鑑錄朕此書稍加充廣益以 皇考聖謨大
訓以爲子孫帝王萬世之法誠能守此足爲賢君昔
秦始皇教太子以法律晉元帝授太子以韓非書帝

王之道廢而不講此所以亂亡朕此書皆大經大法
 卿等兼輔東宮從容閒暇亦以此為說庶幾成其德
 業他日不失為守成令主嗣後纂修洪武實錄及永
 樂大典悉命縉為總裁官先是 上與淇國公丘福
 等二三大臣議建儲諸臣咸謂高煦有扈從功 上
 不以為然召縉密議事遂定立 仁宗為皇太子高
 煦為漢王加縉為翰林院學士兼右春坊大學士階
 奉議大夫五年福等初議泄於外高煦知之憾縉獨
 深遂譖於 上曰藩邸舊臣無泄者其縉泄之乃坐
 縉廷試讀卷不公罪出為廣西右叅議既而禮部尚
 書李至剛誣縉怨望改交趾八年入京奏事時車駕
 北征 皇太子監國縉伏謁徑歸高煦聞之又譖縉
 私覲儲君無人臣禮復竄交趾之化州檢討王偁在
 謫所邀與同趨廣東之化州縉復上言請用數萬人
 繫贛江 上大震怒徵逮詔獄拷掠備楚十三年縉
 死獄中年四十七子禎應禎亮舉家俱戍邊 仁宗
 登極特宥還官其子禎亮為中書舍人初縉與黃淮
 兩家俱有孕 上命指腹為婚縉生子禎亮淮生女
 上與定聘後禎亮戍邊淮欲離婚改嫁其女斷髮
 自誓曰薄命妾之姻 皇上所親定也誰敢易之後

赦還為夫婦如初

鄒朴

鄒朴字爾愚吉安永豐人建文初以儒官仕周府直
 言極諫沮其邪謀王不聽嚴刑禁錮甚密王逆謀覺
 大臣以朴諫疏聞建文君嘉其忠義召至京具言始
 末特陞監察御史尋陞秦府長史歸省聞鄒瑾死憤
 激不食而卒時人謂瑾朴永豐連璧云

張彥方

張彥方龍泉人建文初由給事中以便養告改樂平
 知縣靖難兵起勤王詔下彥方糾義起兵一邑響應
 有武弁沮之彥方大哭曰吾父在水火吾可以自緩
 乎遂率所部抵江口遇靖難游兵執至樂平梟首暴
 屍譙樓時暑月經旬顏面如玉無一蠅集人謂忠義
 所感父老竊葬縣治之清白堂後

劉亨

劉亨字嘉會廬陵人博通經史洪武舉經明行修入
 對稱旨命說書華蓋殿尋言事忤執政出為壽州訓
 導三十一年冬建文君詔求言上言文武並用久長
 之術多見采用陞武進丞修學政課農桑恤孤寡表
 節義毀淫祠縣旁作善教坊再思亭風厲民庶訟省

本朝分省人物考 卷六十三

三十六

江西七

本朝分省人物考 卷六十三

三十七

江西七

野闢流公來歸建文三年賜璽書縣民李德茂馬阿
賢作亂日郡守毋令滋漫率衆擒首惡戮之諭降散
其黨靖難後遣使勞以金帛既而罷歸亨遂杜門不
復出有薦亨修永樂大典者力辭疾湖廣廣東聘考
試官皆不就宣德初御史復言亨學行雖老可爲師
表官亨造朝自言年將八十不足任教事 上曰伏
生九十尚傳經八十爲教官何不可亨懇辭吏部尚
書郭璉曰孔子言老者安之朝廷豈少此一人宜聽
還鄉自便得歸 正統中年八十二卒

魏冕 鄒瑾

本朝分省人物考 卷六十三

三十八

江西七

魏冕與鄒瑾皆吉安永豐人也建文中冕爲監察御
史靖難師駐金川門有約開門迎納者與大理寺丞
鄒瑾率同僚十八人卽殿前殿之幾死其日輟朝二
人大呼曰請速加誅臣等義不與同生不聽次日官
中自焚走或曰宜急迎附曰使吾二人改其臣節明
君亦必不用也 文廟繼統二人皆自殺詔夷其族

曾 榮

曾榮字子啟永豐人永樂二年進士第一人授翰林
院修撰 命解縉選取進士進學文淵閣名翰林庶
吉士榮學問日進時 召入試迅筆千言立就理詞

本朝分省人物考 卷六三

官到 上屢摘羣書隱僻事以問悉能條對 上大
喜而榮名聞天下明年修永樂大典爲副總裁陞侍
讀數侍燕閒應制賦詩有薦文士者必問得如曾榮
否考其文竟不及榮遠甚內艱起復扈從邑人坐奸
黨事詞及榮 詔特原曰朕惜爾才也居長安右門
外火延 禁垣亦不問陞侍讀學士修天下郡縣志
爲副總裁書成陞左春坊大學士仍兼侍講從 宣
皇帝自南京還陞少詹事預修三朝實錄再扈北巡
三考會試爲文章如源泉混混沛然千里又如園林
得春羣芳爛然興致所到筆不停揮狀寫之工極其
本朝分省人物考 卷六十三

三十九

江西七

王 直

王直字行儉泰和縣人早喪母而父以事去賴祖母
李夫人撫育自幼端重異於常兒家貧力學苦志自
奮永樂改元遂領鄉薦明年登進士第 成祖篤意
古學 詔選進士曾榮等二十八人爲翰林庶吉士

七三一

傳讀中秘書直在選中不數年文辭追古作者 上
 以直卓越諸士召入內閣凡機密之政屬執筆焉尋
 授翰林修撰 車駕巡幸北京 仁宗為皇太子監
 國留務之重選任尤嚴時翰林則留黃淮楊士奇與
 直三人輔導直夙夜勤慎不懈中外咸重之及再
 幸北京直扈從遂與修 太祖實錄未成以憂去服
 闋仍入翰林陞侍讀 仁宗即位進侍讀學士 宣
 宗為皇太子慎選官僚首陞直右春坊右庶子仍兼
 侍讀學士凡經筵講義及文武羣臣 誥勅皆以屬
 直又兼記注至於 聖政聖訓之當書者皆錄之以
 本朝分省人物考 卷六十三 江西七
 四十 劉汝德
 備纂述進階奉議大夫 宣宗即位與修兩朝實錄
 五年書成進詹事府少詹事仍兼侍讀學士有白金
 綵幣襲衣寶鏹之資進階中順大夫 英宗嗣位
 詔修 先朝實錄以直總裁正統三年書成進禮部
 左侍郎仍兼學士賞賚如前久之以禮部缺人 命
 出蒞部事宗伯胡濙大喜闔部之政悉付之直處之
 裕然若素習者八年吏部尚書郭璉去位 詔以直
 代之 命下士類皆悅進階資政大夫歷再歲有無
 賴不得志者以選撥事嫁禍於直給舍御史交章論
 列乃直其誣加授資德大夫正治上卿正統己巳秋

北虜犯邊 車駕欲親征直獨以為不可率廷臣上
 疏曰邊鄙之事自古有之惟在守備嚴固而已 國
 朝備邊最為上策謀臣猛將堅甲利兵隨處備禦且
 耕且守今宜慎固封守申明號令俾堅壁清野按兵
 蓄銳彼前不得戰退無所掠人馬疲困自當遠遁何
 必親御六飛遠臨榆塞况秋暑未退旱氣蘊隆青草
 不豐水泉猶塞人畜之用實有未充且兵凶戰危利
 害難保 上不從 特命直留守京師加太子太保
 兼吏部尚書尋進階榮祿大夫景泰初進少傅時禮
 部議遣使迎復 上首召大臣以通和壞事欲與虜
 本朝分省人物考 卷六十三 江西七
 四十一 劉汝德
 絕直首對必乞遣使勿有他日之悔 上色稍不怡
 少保于謙對以為大位已定孰敢有議但欲遣使盡
 禮紓邊急耳辭揚而意婉 上意始釋曰從汝言已
 即退羣臣既出文華門太監興安匍匐而出呼曰爾
 等固欲遣使且言孰可行者孰為文天祥富弼其人
 耶眾未有答直面發赤大言曰豈可為此言今日羣
 臣皆 朝廷人一唯 朝廷用孰敢有不行者如是
 言之且至再而詞色愈厲興安為之語塞卒遣使迎
 復其力居多二年辛未冬中書舍人何觀劾直等正
 統中皆阿附權奸今此輩老猾不宜在左右 上怒

下科道議令錦衣杖觀調外任壬申易儲命兼太子
太師進階光祿大夫直累疏求退不允天順改元
英宗復位圖任舊人直艱於步履不能朝謁懇乞休
致拜師傅二職 詔特許之 賜以璽書有忠靜之
操簡於朕懷之語復出白金文綺寶鏤 賜之給驛
舟以歸直方面修髯器宇宏偉望之若神仙中人天
性嚴重寡言笑居家儼然及至接人和氣可掬學富
才敏詩文清緻四方求者接踵屢典春闈文衡得人
最盛在翰林三十餘年恭勤不怠如一日與王文安
公英齊名時稱二王又以居地在東稱東王先生及
本朝分省人物考 卷六十三 四十三 江西七 劉汝德

曾鶴齡

曾鶴齡字延年一字延之泰和人永樂乙酉鄉薦辛
積爲翰林檢討曾孫思爲編修

丑會試時今少師廬陵楊司文衡務先典實之作以
洗浮腐之弊喜齡文優拔梓行之廷對居第一擢翰
林修撰正統戊午進秩爲翰林侍講學士尋授奉訓
大夫是秋考順天府鄉試初試之夕場屋火試卷亦
有殘缺者有司懼罪不敢以更試爲言惟請葺場屋
以終後兩試鶴齡言必更然後百弊除不然雖無所
私亦招外謫朝廷何惜一日之費以成此盛舉哉有
司具二說以進命下悉如齡言衆皆攝服得士亦審
年五十九卒

本朝分省人物考 卷六十三

四十三

江西七 劉汝奇